



BIBLIOTECA NAZ.  
Vittorio Emanuele III

**XXV**

**C**

**10**

NAPOLI







X 71

6

10





SOL.



PHILOSOPHIA.



LUNA.



PLATO

PHILOS. MORALIS SIVE  
**CIVILIS DOCTRINÆ DE MORIBVS**  
**LIBRI IV.**

Quibus tota ista disciplina non  
 tantum ex Aristotele, sed optimis  
 quibusq; veteribus & recenti-  
 bus auctoribus fuscè expli-  
 catur.

AUCTORE  
**CONRADO HORNEIO**, S.  
 Th. L. & quondam Philos. nunc  
 S. litterarum in Acad. Julia  
 Professore.

*Editio tertia priori emendatior.*  
 Cum Indice capitum singulorum  
 librorum.

Francfurti ad Mœnum,  
 Typis & impensis Ioannis Pressii,  
 per Theodoricum VVesselium.


495 M. DC. LIII. 304



ARISTOTELES







*Magnificis & generosis Dominis*

ERNESTO A STEINBERG,  
ILLVSTRISSIMI PRINCI-  
PIS FRIDERICI VLRICI, DVCIS  
BRVNSVIC. ET LVNÆBURG.  
CONSILIARIO INTIMO ET  
LOCVM TENENTI in  
Bodenburg & Bruggen/

ET

THEODORICO BEHR,

*Reverendissimi & Illustrissimi Principia,*

CHRISTIANI,

Electi Episcopi Mindens, Ducis  
Brunsvic. & Lünæburg. Consiliario in-  
timo, & Ducatus Grubenhagici Expræfecto,  
hæreditario in Stellichte & Heußling/  
Patronis suis maximis.

S. D.

*Magnifici & Generosi viri.*

**C**um nihil sit sanorum omnium iudicio, in quod  
cum maiori sive periculo homines errent, sive  
fructu recte se gerant, quam ea studiorum sa-  
pientia pars, quæ universa vita nostra dux &  
deratrix est, nescio tamen qui sit, quod nulla in res,  
in hac ipsa minus opera & diligentia plerumq; ponitur.  
non est tam ferus, quin de corporis commodis libenter  
vix cogitet, omnes illud accutamus, ei velificamur, id

A

2

deniq;

## PRÆFATIO.

denique, quibus fieri cunq; modis potest, à noxa & iniuriâ immune, quod in nobis est, præstamus, animi autem, qui solus vitæ princeps est, quotusquisq; curam gerit? Itaq; sit ut plurimi peragant hanc fabulam citius, quam recogitent in quo proscenio, quibus spectatoribus, quâ personam sustinuerint. Alij dum vitæ instrumenta colligunt, abeunt, alij dum vivere incipiunt, alij quando ne inceperunt quidem; Sardanapali enim Caligula, Neronæ, Caracallæ, Helio- gabali, & quidquid præterea eiusmodi monstrorum est, si vixerunt, non hominum ea, sed bestiarum vitæ fuit. Nihil profecto illis omnibus indignius nobis esse potest, si cordati, si eruditi, si denique Christiani sumus, quibus ipsa professio nominis non recte tantum, sed piè & sanctè vivendi legem imponit. Sed hæc est nostrâ conditio, quò pejus habet animus, eo de remediis cogitamus minus, contra quam in aliis fieri morbis solet. Si febris corpus astringet, si hydrops id distendat, si arthritici dolores lancinent, medicum omnes inclamant, etiam irascuntur, si aut ille in promptu non sit, aut propinare pharmacum non properet. At si avaritia, ambitione, libidine, iracundia, injustitia, aut simili aliqua peste animus laboret, nihil minus in votis est, quàm ut iis medicina fiat. Adhibenda tamen est, & ut in morbis chronicis fieri solet, non semel atque iterum, sed sæpè ac diu, donec malum quod impetu non potuit, pertinaciâ vincatur. Nec sunt sanè leves hi, ut creditur, morbi, omnem vitam turbant, & integritas, si incubuerint, respub. evertunt, ut a viri- nitus dictum sit à viro sapientissimo, facilius urbes expugnari quam animi affectus compesci. Quare generoso hic & planè Herculeo pectore opus est, quod mon- stris istis objicias, si rectè quicquam in vitâ gerere, & por- tum aliquem felicitatis humana attingere cupis. Omnes eodem oceano jactamur, sed in quo alii in scopulos illidunt, alii



## P R Æ F A T I O.

*alij in solas terras eijciunt, feris prada futuri, pauci optata potiuntur littore arenæ. Hi sunt qui ab ineunte aetate studiis sapientiæ dediti præceptis salutaribus pectus munierant antè, quàm istis fluctibus se crederent, qui quid fugiendum, quid sequendum in vita esset, ut digitos suos norant, qui deniq; animum virtute, mentem prudentia stiparant. Nec verò vita privata tantum hoc unice requirit, sed maxime respublica. At hodie plerumq; contra fit, ut sæpè miratus & indignatus sim in tanta litterarum & eorum qui litteras hac ætate colimus, quâ nobiles, quâ ignobiles copia, nihil aequè contemni atq; insuper haberi quam illud ipsum studiorum genus, quod mores emendat, virtute hominem instruit, & vitam universam prudentem ac sanctam reddit. Sed causa eius rei me non fugit: ecquid enim morum doctrina salva sit, postquam mores ipsi in rebus usque adedò labuntur, ut pœnè inter nocentes (verbis utor S. Cypriani Martyris) innoxium esse crimen sit & malos quisquis non imitatur offendat, imò imple jura consentire peccatis videantur & cœperit esse licitum quod publicum est: ecquis ista discat quæ nemo amplius ferè agit, imò quæ annon noxia magis quam salutaria sint summi, imi, dubitare se luculenter se ostendunt: Et profectò, si opes congerere, fastum & ambitionem explere voluptatum studio obbrutescere prima in vita sunt, Quæque adedò possunt facere & servare beatos, qui laboramus? quorsum ætatem in literis contemimus? nec dux, nec comes hîc potest decesse, & res etiam ipsa sine duce, sine comite procedit: non primum iter est ad vitia, sed præceps. Quod si utem istis sunt illi scopuli, quos tota vita cautè & prave prater navigasse palmariū est omnis scientia, omnis doctrina, imò hac in re felicitas huius vita sita, quæ sit,*

A 3

quod

## P R Æ F A T I O.

quod nulli rei minorem quam huic ipsi diligentiam impēdunt qui ad remp. se parant: Iura & leges discunt, Politica tractant, rectè sanè, ut iudicia aliquando obeant aut consilium salutare patriæ suggerant. Sed nihil hac omnia profunt si animus virtute non impletur, si contra iniustitiam, avaritiam, ceteraq; vitiorum genera pectus à prima adolescentia non munitur, cum iudex iniustus iudicium pervertere, & advocatus nequam causæ pravaricari hoc facilius possit, quo iuris peritior fuerit: nec enim iustus illico est qui quid iustum sit novit. Consilium autem salutare ne invenerit quidem, qui omnia utilitate vel ambitione sua metiatur, aut in senatum multarum quidem rerum notitiam, sed serium erga publica commoda affectum non attulerit. Et sanè mirū est omnes fere hodie sic statuere, difficultate non carere, ut scientia animum quis instruat, sermonem & mores peregrinos addiscat: at ut virtutem, fidem iustitiam, verbis factis & rebus omnibus servet, id verò facile esse, imo illud disciplina & diuturna institutione indigere, hoc ultro & aliud agentibus obtingere. Quæ quidem, opinione nulla rei p. perniciosior esse potest. Hac cum animo meo inde usq; ex quo publice hic doceo observarentur, nec fieri isti rei medicinam posse intelligerem, nisi iuventus paulatim ad studia illa pridem neglecta revocaretur, & ad ea cum ceteris coniungenda à principio inflammaretur (moram enim nihil certius esse, quam prout in Academiis rectè aut prave discitur, ita olim in republ. bene aut male vivi,) id cum primis eritendum mihi aliquot abhinc annis censui, ut quantum meo loco possem, liquido auditoribus meis ostenderem, quæ essent hæc litera, quo loco habende, & quàm præ omni alia doctrina (solam cœlestem excipio) rei pub. sint unice necessaria. Quanquam autem id faciebam iis argumentis, quæ præcipua esse apud cordatos

# P R Æ F A T I O .

datos & recte natos ac eductos debent, quod sine virtutis accurato studio cetera eruditio nulla sit, imò resp. ipsa salva esse nequeat: maxime tamen ea etiam adferenda videbantur, quæ etsi prima non sunt, facilius tamen, ut nunc sunt tempora, in animos descendunt. Vbi id inculcabam & re ipsa comprobabam, nec in Politicis, nec Iurisprudentia, imò multis locis nec in ipsa Theologia eos feliciter versari posse, quia ista negligenter. Quapropter nec putavi statim ipsum textum Aristotel. mihi explicandum, sed uberioribus commentariis persequenda omnia, quæ ad philosophiam morum pertinerent, & Aristotelis adjecissent. Et verò DEI benignitate, non de fuit conatib. nostris successus: tantam enim animorum alacritatem & ardorem in juventute nostra deprehendi, ut ista studia, quæ passim locorum visa antehac obiter colenda, non minori frequentia & contentione nunc his tractent, quam ulla alia nullis omnino exceptis. Quod non tantum, ut par erat, calcar mihi tum addidit, ut ipse etiam hoc constantius in instituto pergerem, sed impulit, ut nunc etiam, postquam provincia illa alteri demandata est, quæ in hac doctrina non paullo alia forte ratione (præfiscinè id dicam) quam vulgo fit, tradideram, relegerim & emaculaverim, in eam spem veniens, fore, ut hac ratione multi porro adhuc studia cum cæteris rectius & diligentius colenda excitarentur, atq; ita pro ea quæ passim dominatur fucata prudentia vera solida ab iis pareretur. Quod vobis autem, viri generosi, inscribere hac voluerim, ejus rei causas habeo plurimas. Vna & præcipua est, quod vos ita ab ineunte ætate literas tractastis, sicut nos tractari eas ab omnibus oportere, qui ad primum locum in repub. aspirant, contendimus: nec enim aut prudentiam à virtute disjungendam censuistis, aut nonnullis nuper natis sophismatis circūscripsistis,

## P R Æ F A T I O.

passis, sed ita existimastis civilem doctrinam de repub. sine altera de moribus subsistere non posse, nec utramque aliter quam omnium sapientum quâ Græcorum, quâ Latino- rum in hoc genere monumentis cognoscendis & pervolu- tandis vix longo demum tempore acquiri. Altera causa est quod uterq; in his terris primo in repub. loco merito vestro constituti estis, quorum auctoritas saltem permoveri po- terunt qui rationibus non cedunt. Cum enim nemo sit quin vos admiretur, & sapientiam ac virtutem vestram colat, non potest facile quisquam ea studia contemnere, quæ sola id effecerunt ut tanti & tam admirabiles existeretis. Et vero insignis vestra virtutis & studiorum non paullo re- clius institutorum quam vulgo fieri amat, vel unum istud documentum egregium esto, quod cum dignitates quibus partim fungimini partim perfuncti maxima laude estis tanta essent, ut maiores deferri non possent, invitissimi ta- men eas suscepistis. Testari id ego possum qui ipse hoc ex te quidem Magnifice Dn. BEHRI in pradio tuo totius au- divi, cum ante octennium in aulam vestram primum cum familia conimigrares, ex te autem, generose Dn. STEIN- BERGI, cum eo ipso die ad te ventitarem, quo publice Pro- princeps nostra aula declaratus esses. Sane vidi utroque isto tempore, cum incredibili animi voluptate exprimi tandem aliquando re ipsa in maximis dignitatibus capeffendis quod Socrates apud Platonem primo de rep. sapientissime tradit: Neque pecunia, inquit, neque honore du- cti, viri boni imperare volunt. Neque enim aper- tē pecuniam magistratus præmium accipientes, mercenarii vocari volunt: neque clanculum, fu- res. Neque rursus honoris causa. Non enim am- bitiosi sunt. Oportet igitur necessitatem illis im- poni & multam, si futurum est ut velint magi- stratum

# PRÆFATIO.

stratum accipere. Quamobrem videtur turpe haberi, ut quis sponte ad imperandum accedat, neque expectet necessitatem. Maxima verò multarum est deterioris imperiū ferre nisi ipse imperare velit. Hanc utiq; pœnam timentes, magistratus capere probi homines mihi videntur, si quando capiunt : & tunc ad eos accedunt, non tanquam ad emolumentum aliquod, neque tanquam ex his voluptatem aliquam capientes, sed tanquam ad rem necessariam, cum neq; melioribus, neq; similib. se committere valeant. Quippe si bonorum virorum extaret civitas in ea, ut arbitror, haud aliter non imperandi gratia pugnaretur, quam nunc certetur imperandi cupiditate : ibique pateret, revera legitimum magistratum non sui ipsius, sed ejus qui sub ipso est, commoditatem respicere.

*Hac ille: quibus profecto nihil praeclarius aut ab ipso dici aut à vobis agi potuit : nec tamen hoc aliunde quam ex hac disciplina cognovistis, & harum litterarum longo usu ad istam perfectionem pervenistis. Hac fuerunt quae me ad vos hoc loco compellandos & vobis hanc lucubrationem commendandam permoverunt: quibus si etiam id accessit, quod utriusque vestrum iam pridem me charum, etsi nullo meo merito esse mihi persuadeam, nec in eo quidem me plane falli spero. Quod superest quanta possum animi contentione rogo, ut benigna fronte omnia suscipiatis, ac benevolentia vestra porro me prosequamini. Valete, Helmstadii Idibus. Iun. CIO IO CXXIV.*


Magnif. & generos. VV.

Observantis.

Conr. Hornejus.

A S.

IN PHI-



IN PHILOSOPHIAM MOR-  
RALEM REVERENDI ET CLA-  
rissimi viri DN. CONRADI HORNEII S. Th.  
L. olim Philosophiæ, nunc verò S. Litera-  
rum in Academia Julia Professo-  
ris celeberrimi.

EPIGRAMMA. I. Ad Autorem.

**S**I modò Aristoteles se Manibus efferat imis,  
Atquæ tuum Horneie hoc nobile cernat opus ;  
Sunt fateor sunt hæc mea; nec mea dixeris ultro  
Optima, quisnam ille est, qui meliora facit ?  
Quinquis is est, multo me munere donat & ornat,  
Veste novâ, genio, corpore, luce novâ.  
Quam multos latuit, nostris latitare libellis.  
Præxim, perspicuis detegit ille notis.  
Ethnicus ab servor noster quacunque reliquit,  
Horneij retegunt Ethica sacra pii.  
Quinquis hic, æterna capiat qui præmia fama,  
Et quoque fortuna præmia, dignus erit.

II. AD EUDÆM.

**D**iceris Horneius meritò, Conrade verende,  
Arrha tibi Cornucopia abundat enim.  
Inde tibi spirant tot aurea scripta, tot artes,  
Moralis sophia tot monumenta tua.  
Hinc odor, hinc decus in patriam proficiscitur: à te  
Hæc spirare negat qui bona cuncta negat.  
Flamen virtutum, doctrinarumque venustus  
In vita & scriptis spirat ubique tuis,

Nempe

Nempe tui cornu clangor tonat usque locorum,  
Clangit in Eo is Hesperiusque plagis.  
Macte vir, atq; tuum cornu praefortiter infla,  
Audiat ut mundi machina & aura poli.  
Vt tamen hoc possis studio se inflare per avum,  
Afflet te Christi Spiritus ille sacer.

### III.


## AD SPECTATISSIMUM VIRUM

DN. CONRADUM EIFRIDUM CON-  
sulem civitatis Hannovienfis, Libra-  
rium celeberrimum.

**L**ibrorum Excusor, Conrade Eifride, bonorum,  
Vir studiose DEI, vir studiose mei:  
Tu non in servis cunctis Scriptoribus aurâ;  
Sed tantum autores seligis hosce tibi,  
Quos penes est doctrina sagax, ars atque probata:  
Est quibus ingenii dives & arrha salis.  
Hos tibi concilias, hos diligis hos & honoras,  
Evulgas horum scripta q; clara typis.  
Non equidem studio vulgari, sed graviori  
Curâ; permagnis sumptibus atq; tuis.  
Hinc tibi cum Musis grates Ecclesia solvit  
Hinc omnis Schola te cum pietate colit.  
Vive valeque diu: Clarorum scripta virorum  
Perge Typographicis amplificare notis.  
Sis cum laude horum, tua laus quoque crescet ubivis:  
Cumque his praclarum nomen ad astra feres.

IOH. GUILHELMUS ROSA-  
BACHIVS. P. L.

INDEX



INDEX CAPITVM  
CIVILIS DOCTRINÆ  
DE MORIBUS.

LIBRO I.

*De summo bono & felicitate civili.*

CAPVT I.

De duplici ratione tradendi hanc doctrinam veteribus usitatam, deq; præcipuis autoribus, qui eam excoluerunt. pag. i.

II. De natura & partibus philosophiæ moralis, deque ordine, quo tradenda est, & idoneo ejus auditore. 15.

III. Quod sit aliquod summum hujus vitæ bonum ac felicitas civilis, & quid nomine illo significetur.

IV. Recensentur opiniones aliorum de summo bono, primo autem proponitur & confutatur sententia eorum qui illud in voluptate collocarunt, ut sunt



# INDEX CAPITVM.

sunt Aristippus, cæterique Cyrenaici  
& Epicurus. 37.

V. Ostenditur, summum bonum non  
esse positum in divitijs. 49.

VI. Demonstratur neq; in honore, seu  
civili potentia & nobilitate, vitæ felicitatē rectè collocari. 57.

VII. Proponitur vera sententia de summo bono, & ostenditur illud consistere in virtute, seu potius virtutis actione. Exponitur etiam veterum cum hac sententiā consensus. 77.

VIII. Excutitur nobilis illa quæstio, quæ agitata olim inter Peripateticos & Stoicos fuit; an & quatenus ad felicitatem civilem requirantur bona fortunæ. Ostenditur etiam obiter, quomodo accipienda sint Stoicorum nonnulla de viro sapiente paradoxa. 98.



LIBRO

# INDEX CAPITVM.

## LIBRO II.

*De homine, quatenus felicitatis civilis  
capax est, siue de animo & actionibus  
humanis, quatenus honestati im-  
bui possunt.*

Cap. I. De animi partibus & facultati-  
bus, ubi ostenditur, qui & quousque  
de ijs hic tractetur. pag. 122.

II. De intellectu & recta ratione deq;  
certitudine hujus doctrinæ. 129.

III. De rationis in ceteras animi facul-  
tates imperio. pag. 156.

IV. De voluntate. 168.

V. De libertate arbitrij. 186.

VI. De anima sentiente & præcipue  
naturâ affectuum & passionum in a-  
nima. 210.

VII. De bonitate & malitia morali in  
homine ejusque animo & actionibus,  
ubi explicatur quid sit esse bonum  
aut malum moraliter, & quatenus  
utrumq; homini & actionibus huma-  
nis competere possit. 229.

LIBRO

# INDEX CAPITVM.

## LIBRO III.

### *De virtute morali.*

- Cap. I. Exponitur quotuplex sit virtus,  
& quæ sit natura virtutis moralis in  
genere. 265.
- II. De subiecto virtutum moralium:  
ostenditur etiam paullo accuratiùs  
quomodo eæ parentur, & quis sit illa-  
rum numerus. 288.
- III. De natura vitiorum horumq; inter  
se distinctione & oppositione. 301.
- IV. De principijs actionum humana-  
rum. 313.
- V. De virtute morali in specie, & pri-  
mo de fortitudine. 360.
- VI. De temperantia. 383.
- VII. De liberalitate & magnificentia.  
pag. 394.
- VIII. De magnanimitate & modestia.  
pag. 403.
- IX. De mansuetudine & humanitate.  
pag. 410.
- X. De veritate & urbanitate. 418.
- XI. De iustitia in communi. 425.
- XII. De iustitia distributiva. 460.
- XIII. De iustitia commutativa. 480.

LIBRO

# INDEX CAPITVM.

---

## LIBRO IV.

### *De virtute Dianoetica seu habitibus mentis.*

Cap. I. De habitibus mentis in com-  
muni. 527.

II. De habitibus in specie. 551.

III. De prudentia in specie, & primo  
de nomothetica sive legislatoria.  
566.

IV. De prudentia judiciaria & delibe-  
rativa. 619.

V. De heroica virtute & continentia.  
648.

VI. De Amicitia. 650.

VII. Epilogus. 651.

05(0)906

PHILO-



PHILOSOPHIÆ MORALIS

SEV

CIVILIS DO-

CTRINÆ DE

MORIBVS.

LIBER PRIMVS.

DE SVMMO BONO ET

*Felicitate civili.*

CAPVT I.

De duplici ratione tradendi hanc  
doctrinam veteribus usitata, de-  
que præcipuis auctoribus  
qui eam excolue-  
runt.

SUMMARIA.

- 1 De quibus hic præfandum sit.
- 2 Quomodo veteres hanc doctrinam explicarint.
- 3 A quibus unumquodque ejus genus doceatur & quodnam primò tractandum.
- 4 Auctores qui hanc doctrinam tradiderunt.
- 5 Secta Ionica.
- 6 Secta Italica seu Pythagorea.

B

7 Secta

2 LIB. I. CAP. I.

- 7 *Secta Eleatica.*
- 8 *Nilil fere ex scriptis Pythagoreorum & Eleaticorum superesse.*
- 9 *Philosophiam Ionicam usq; ad Socratem contemplationi deditam fuisse.*
- 10 *Quinam auctores ex Socratica schola supersint.*
- 11 *Quid de discrepantia eorum sentiendum sit.*

I.  
De quibus  
his sit  
presan-  
dum.

**P**ROPOSITURI civilem doctrinam de moribus, hoc est, eam studii sapientiæ partem, quæ cum utilitate tum necessitate Philosophiam ceteram omnem superat, opus esse mihi me censem, ut iis hic immoremur, quæ de Philosophiæ universæ natura ac constitutione dici poterant. Petet ista aliunde qui volet: etsi enim hæc disciplina, si ordinem spectes quo addiscitur, prior est, Philosophia, si ordinem spectes quo addiscitur, prior est, Philosophia, quæ rerum contemplationi vacat, ut sicubi de universa sapientiâ humana præfandum aliquid est, id hic commodius, quàm in cæteris ejus partibus, fieri posse videatur: tamen cum in Logica, quæ ut instrumentum & vestibulum est omnis bonæ eruditionis, ita etiam ante hanc doctrinam cognosci debet, delineatio ejusmodi totius Philosophiæ prærumque ob oculos ponatur, nos nunc quod institutum nostrum propius attingit, agamus. Antequam autem ad rem ipsam accedatur, duo præmittemus; unum est, de ratione tradendi hæc studia apud veteres usitata & auctoribus, qui primi ea excoluerunt; alterum de constitutione & partibus hujus Philosophiæ, de ordine quo tradenda est, & si quid istis aliud est simile.

Quem-

# PRO O E M I V M.

3

Quemadmodum igitur duæ animæ facultates sunt, quæ ab hac doctrina perfectionem seu potius medicinam expectant intellectus & Appetitus, ita etiam duo ista præstat, unum, ut intellectum rectis de vita instituenda sententiis imbuat, alterum, ut, voluntatem & appetitum ad ea quæ honesta sunt, excitet & consuefaciat: neque enim sufficit scire, quid virtus sit, sed parare eam oportet, & vitam exprimere, ut docet Arist. lib. ult. Ethic. c. 9. Prius accuratam de virtute & honestate disputationem, posterius præclaras admonitiones & cohortationes requirit. Quod cum animadvertent viri sapientes, utrumque caput diligenter excoluerunt; & illud quidem *dogmaticum*, hoc *paræneticum* & præceptivum vocarunt. Et sane utrumque ad consummandam hanc Philosophiam necessarium est, quod præclare & uberri-  
Genus dogmaticum & paræneticum.  
 mè demonstrat Seneca epist. 24. & 95. Est præterea & tertium genus quod *characteristicum* appellant. Id non tam docet, disputat, vel etiam cohortatur, quam virtutum & vitiorum accuratas descriptiones, tanquam in tabula, proponit, ut Theophrastus Aristotelis discipulus fecit in aureo characterum Ethicorum libello, cujus particula aliqua etiam num extat. Sed hoc partim ad dogmaticum, partim ad paræneticum revocari potest. Epictetus capite 76. Enchiridii totam Philosophiam hanc in tres locos distinguuit. Primus, inquit, & maxime necessarius in *Philosophia practica* locus est is, qui agit de usu decretorum, veluti de non mentiendo: alter, qui demonstratio-  
Tres loci huius Philosophiæ iuxta Epictetum.  
 nes tradit, veluti cur non sit mentiumdum: tertius is qui

has ipsas cōfirmat & distinguit, veluti, quī fiat, quod ista sit demonstratio, quid demonstratio sit, quid consequentia, quid pugna, quid verum, quid falsum. Hæc ille: quæ cum supra dictis conveniunt, nisi quod Stoicorum more Dialecticam inter partes Philosophiæ ponit, qua de re alius dicendi locus est.

## III.

*A quibus  
unum-  
quodque  
genus do-  
ceatur, &  
quodnam  
primò  
tractan-  
dum.*

Cæterum dogmatica illa tractatio ad solum Philosophum spectat, parænetica etiam ad poetas & historicos: nam & his propositum est, vitam hominum ad virtutem informare, & à vitiis avocare. Sed nudis decretis & demonstrationibus Philosophus utitur: historicus narratione eorum, quæ olim facta sunt, sed verâ: poëta autem partim verâ, partim fictâ rerum expositione & fabularum involucris rem gerit. Quamquam autem locus ille de usu dogmatum, si utilitatem respicias, prior est altero de ipsis dogmatibus, ut rectè dicit Epicæterus: hic enim ad illum tanquam finem refertur: tamen naturâ prius est dogmata recta & firma tenere, quàm rectè agere. Quapropter primum id est, si quis Philosophiæ morali operam det, ut rectè de vita omni sentiat, iudicium informet, & quid amplectendum, quid fugiendum sit, probe perspectum habeat. Ni fiat, nec cohortationes alicujus momenti esse possunt, nec actiones præclaræ suscipi. Imò quidquid in paræneticis traditur, id ad alterum illud caput, tanquam normam exigi, & inde, sicubi aberretur, emendari debet. *Actio recta non erit*, ait Seneca epist. 95. *isi recta fuerit voluntas: ab hac enim est actio. Rursus voluntas non erit recta, nisi habitus animi rectus fuerit: ab hoc enim est voluntas.*

*Seneca.*



*luntas. Habitus porro animi non erit in optimo, nisi totius  
vita leges perceperit, & quid de quoque judicandum sit,  
exegerit, nisi res ad verum redegerit. Non contigit tran-  
quillitas, nisi minutabile certumque judicium adeptis  
ceteri decidunt subinde & reponuntur, & inter omnia ap-  
petitaque alternis fluctuatur. Hæc Seneca. Exemplo  
sit ipse ille cum cæteris è porticu Philosophis.  
Omnes hi quoties doctrinam de contemnenda  
morte tractant, usque adeo præclarorum præce-  
ptorum, & cohortationum nihil reliquum fa-  
ciunt, ut cæteris ferè omnibus palmam in eo ge-  
nere præripiant: eo tamen nonnunquam prove-  
huntur, ut sibi etiam manus adferri recte posse  
dicant, ut ex ejusdem Senecæ epist. 28. constat.  
Quod quidem dogma, quàm absurdum & im-  
pium sit: Plato in Phædone, & Aristot. 3. Ethic.  
cap. 7. docent. Idem ferè ipsis accidit cum de  
tranquillandis animi affectibus commentantes,  
sapientem illum suum ab omni motu vacuum  
faciunt, & vitam cum Deo ex pari viventem.  
Quamobrem accuratè ante omnia dogma u-  
numquodque excutiendum est, & ex principiis  
rectæ rationis examinandum: deinde cæteris lo-  
cus erit. Nos breviter dogmatica ita persequemur,  
ut etiam parænetica, quantum fieri potest,  
non negligamus. Tantum de ratione tradendi  
hanc Philosophiam.*

IV.

Auctores autem qui primi eam excoluerunt, & nos transmiserunt, multi & magni sunt. Nec tamen nunc de ijs loquor, qui ex peculiari  
De revelatione & inspiratione legē naturæ ex-  
pli averunt, & multa tradiderunt de vita etiam  
civiliter

Auctores  
qui hanc  
doctrinā  
tradide-  
runt.

*Sacri.**Alij.*

*Duo Phi-  
losopho-  
rum ge-  
nera. Barba-  
ricum. Graeci-  
cum.*

*V.  
Secta Io-  
nica.*

civiliter rectè instituenda, cuiusmodi sunt David & ceteri Prophetæ, Salomo, Siracides & ipsi Apostoli: hi enim omnibus noti sunt. Tantum de reliquis dico, qui solo naturæ ductu hanc sapientiæ partem invenerunt & docuerunt, quos ut summam hic indicemus, paulò altius res repetenda est. Notum est ex Diogen. Laërtii præfat. in 1. libr. 6. de vita Philosoph. & Clementis Alexandrini primo Stromat, antiquissimos Philosophos omnes ad duo potissimum genera referri, unum Barbaricum, alterum Græcicum. Barbarico complecti solent eos, qui apud gentes barbaras sapientiam coluerunt, quo pertinent Sacerdotes Ægyptiorum, Gymnosophistæ & Brachmanes Indorum, Druides Gallorum, Magi Persarum atque his similes, quorum B. August. meminit lib. 8. de civit. Dei, c. 9. Græcicum appellatur Philosophorum Græcorum, sive ij in Græcia vixerint, sive à Græcis oriundi alibi studia sapientiæ propagarint. Hoc vicissim est in triplici differentia: aliud enim Ionicum vocant, aliud Italicum, aliud Eleaticum.

*Ionica* disciplinæ princeps est Thales Milesius, unus è septem Græciæ sapientibus. Hic primus immortalitatem animæ docuisse, & tempore Cræsi Lydorum Regis floruisse dicitur Diogeni. Ejus discipulus fuit Anaximander, itidem Milesius, Anaximandri Anaximenes, & hujus rursus Anaxagoras Clazomenius, qui primus Mileto scholam Athenas transtulit. Anaxagoræ auditor fuit Archelaus Atheniësis, magni illius Socratis præceptor. Hæc est successio Philosophiæ Ionice us-

et usque ad Socratem, ut traditur à Clemente  
 Alexandrino lib. 1. *Stoicorum*, & B. Augustino l. 8.  
 de civ. Dei cap. 1. Socrates autem eam postmo-  
 dum ita amplificavit & illustravit, ut instar uber-  
 timi fontis in plurimos rivos abiret post Thale-  
 tem enim & Pythagoram omnis Philosophiæ  
 pater ille est, & floruit Athenis citca bellum Pe-  
 loponnesiacum & Olympiadem XC. moritur  
 autem anno 1. Olympiad. XCV. ut testatur Laër-  
 tius. Ex ejus schola prodiit Plato Atheniensis,  
 Aristippus Cyrenaicus, ad quem Cyrenaici Phi-  
 losophi in Africa originem retulerunt, Phæ-  
 Eliensis, à quo Eliaci dicti, Antisthenes præce-  
 ptor Diogeni Sinopenfis, qui Canis vocatus est,  
 & Cynicis ortum dedit, & deniq; Euclides Me-  
 garenfis, Philosophorum Megaricorum prin-  
 ceptor. Quæ & quot familiæ ex quibus quæ-  
 que doctrinæ Socraticæ potissimum apprehen-  
 derit egregiè docet Cicer. 3. de Orat. Verba ejus  
 sunt: Cum essent plures orti ferè à Socrate, quod ex illius  
 variis & diversis & in omnem partem diffusis disputati-  
 onibus alius aliud apprehenderat; pro seminata sunt quasi  
 familiæ dissentientes inter se & multum disjunctæ & dis-  
 pares, cum iam omnes se Philosophi Socraticos & dici  
 vellent & esse arbitrarerentur. Ac primò ab ipso Platone, A-  
 ristoteles & Xenocrates: quorum alter Peripateticorum,  
 alter Academicorum nomen obtinuit: deinde ab Antisthene,  
 qui patientiam & duritiam in Socratico sermone maxi-  
 mè adamarat, Cynici primum, deinde Stoici tum ab Ari-  
 stippo, quem illa magis voluptaria disputationes delecta-  
 rant, Cyrenaica Philosophia manavit, quam ille & ejus  
 posterij simpliciter deferderant. Fuerunt etiam alia genera

Socrates.

Discipulus ejus.

*Platoni-  
ca & Pe-  
ripatetica  
Schola.*

*Stoica.*

*Acade-  
mia ve-  
tus, me-  
dia & no-  
va.*

*Philosophorum, qui se omnes ferè Socraticos esse dicebant, Eretriacorum, Herilliorum, Megaricorum, Pyrrhoneorū sed ea horum ut & disputationibus sunt jamdiu fracta & exstincta. Hæc Cicero. Sed inter omnes emicuit Platonica: quæ in duas vicissim scholas divisa est, in Academicam & Peripateticam. Academicæ princeps est Speusippus Platonis è sore nepos, Peripateticæ Aristoteles. Illa dogmata Platonis continuit, hæc tantum prout correctæ erant Aristotele. Cæteræ ignobiliore sunt, nisi quod Cynica Stoicam nobis peperit. Ejus princeps est Zeno ex Citrio Cypri oppido oriundus: hic enim cum Crateri Thebano, Diogenis auditori, operam daret, offensus Cynicorum moribus impuris, rigidam eorum vitam secutus est: sed sine impudentia Cynica. Hinc illi sunt qui ab ipso Zenonij primū, post à loco ubi docebat, Stoici appellati sunt. Plato vixit circa tempora Philippi Macedonis: mortuus enim est XIII. regni ejus anno teste Diog. Laërt o. De Aristotelis ævæ res nota est. Zeno Citricus vixit tempore Philadelphi Regis Ægypti L. anno Monarchiæ Græcæ & Olympiad. CXXIX. Ex his scholis Peripatetica quidem & Stoica uniformes perseverarunt, sed Academia fuit multiplex temporis progressu: primo enim à Speusippo usque ad Arcefilaum vetus Academia erat, cujus Doctores post Speusippum fuere Xenocrates Chalcedonius, Polemo, Crates Atheniensis & Crantor. Arcefilaus autem mediā, & post Carneades Cyrenæus, (vixit hic paulo ante III. bellum Punicū) novam Academiam auspicatus, est. quæ omnes Philo-*

Philosophiam Platoniam excoluerunt, sed aliter verus illa, aliter media & aliter nova. Fuit post etiam quartum & quintum Academicæ genus. Hæc est Ionica Philosophia.

*Italica* conditor est Pythagoras Samius, qui ut est apud Ciceronem 4. Tusc. cum *Superbo regnante in Italiam venisset*, tenuit magnam illam Græciam cum honore & disciplina, cum etiam auctoritate, multa que sæcula sic vixit Pythagoreorum nomen, ut nulli alii viderentur docti. Ita Cicer. cui consentit ferè Iamblichus in vita Pythag. cap. 7. qui eum in Italia venisse Olymp. 62. scribit. Idem narrat, quæ urbes in magna Græcia ejus ope è servitute emerferint, quæ oppressæ jacuerant. Ipse quoque Plato in multis Pythagoreorum sectam sequitur, ut testatur Aristot. 1. metaph. cap. 6.

VI.  
Secta Ionica.

*Eleatica* denique à Xenophane Colophonio cepit, qui patria pulsus in Sicilia vixit circa LX. Olympiad. & Tarquinii Superbi regnum, quo tempore Pythagoram in Italiam venisse jam diximus. Sensit hic contraria Pythagoræ & Thaletis opinionibus. Ejus auditor fuit Parmenides Eleates, Parmenidis Melissus Samius; hujus Zeno Eleates, qui primus Dialecticam invenisse dicitur. Ex hac schola orti etiam sunt Leucippus Eleates, Democritus Abderites, Protagoras, Pyrrho, à quo Pyrrhonii dicti, & Epicurus, à quo sunt Epicurei. Eleatica autè à Parmenidis & Zenonis patria dicta est. Est enim Elia seu Velia Lucanæ in Italia oppidum. Successionè hanc Eleaticæ Scholæ vide apud Clemen. Alexandrinum 1. 1. *σπουδαίως*. De hac loquitur Seneca ep. 88. qui ni-

VII.  
Secta Eleatica.

Seneca de  
ea iudi-  
cium.

niæ subtilitatis studiosam fuisse dicit. Audi, in-  
quit, quantum mali faciat nimia subtilitas, & quam in-  
festa veritati sit. Protagoras ait de omni re in utramque  
partem disputari posse ex a quo; & de hac ipsa, an omnis res  
in utramque partem disputabilis sit. Nausiphanes ait; ex  
his quæ videntur esse, nihil magis esse quam non esse. Par-  
menides ait ex his quæ videntur; nihil esse in universum.  
Zenon Eleates omnia negotia de negotio deiecit: ait, nihil  
esse: Circa eadem ferè Pyrrhanii versantur & Megarici &  
Eretrici & Academici, qui novam induxerunt scientiam  
nihil scire. Vnde etiam σκεπτικοί, ἐφεπτικοί, ἀπορητικοί  
dicti hi Philosophi sunt, non minus atque illi ex  
nova Academia, qua de re legatur Agellius lib.  
II. not. cap. 6.

VIII. Cæterum ex omnibus his Philosophorum se-  
Nihil ferè ætis (de quibus plura lege apud Diog. Laërtium  
ex scriptis in præfat. lib. I. de vit. philosoph. & Justum Li-  
Pythago- pliū I. I. mahud. ad Stoiç. phil.) Pythagorica qui-  
teorum dem multa admodum præclarè de Philosophia  
supereffe. moralitradidit, sed pridem est quod deficit: cum  
enim Socratica Schola caput tolleret, hæc sensim  
expiravit. Nec Pythagoras tamè ipse quidquam  
scripsit, ut testatur Plutarchus in vita Alexandri,  
item de fortun. & virtut. Alex. lib. priore, & Iose-  
phus lib. I. contra Appionem, quanquam in con-  
traria sententiâ est Laërtius. Ex discipulorum au-  
tem ejus monumentis, præter pauca fragmenta  
cum Laërtio & Maximo Tytio nunc edita, nihil  
ferè hodie extat. Tantum reliqua sunt, quæ de vi-  
ta Pythagoræ Iamblichus, Malchus & Laërtius  
scripsere: quin etiam tabula Cebetis Thebani  
inventum Pythagoricum est. Quibus adde car-  
mina

mina pauca, quæ Pythagoræ tribuuntur. Istis *Nec de Eleaticis* tam pulcrorum ac divinatorum monu-  
 mentorum, quæ perire, desiderium solamur. quidquid  
 Similiter ex Eleaticæ scholæ doctoribus nemo  
 hodie pænè exstat.

Philosophia verò Ionica usque ad Socratem  
 contemplationi tantum dedita fuit. Socrates au-  
 tem ad vitam hominum excolendam & perficiendam eam transtulit: Non enim, inquit Xenophon. lib. i. de dict. Socr. De rerum natura, ut quamplurimi alii disputabat, nec quemadmodum qui à Sophistis mundus vocatur, se habeat, ille considerabat, nec qua necessitate singula illa fiant, quæ in cælis sunt. sed qui his contemplandis vacarent stolidos esse demonstrabat. Et primo de his ipsis confidebat, utrum quod arbitrentur, se satis jam nosse humana ad illa rimanda venirent, an humanis dimissis divinas res contemplantes recte se agere putarent. Deinde admirabatur, non intelligere eos inveniri ista, talia ab hominibus non posse. &c. De his igitur qui res ejusmodi curabant, hæc dicebat. Ipse vero de humanis semper disputabat, considerans quid pium, quid impium sit, quid honestum, quid turpe, quid justum, quid injustum, quid sobrietas, quid insania, quid fortitudo, quid timiditas, quid civitas, quid politicus, quid sit hominibus dominari, & qualis esse debeat qui alius præsit, & de cæteris hujusmodi: quæ qui scirent, bonos & honestos esse dicebat: incipientia verò juste appellari qui ea ignorarent. Hæc Xenophon. Idem tradunt cæteri auctores, Cicero in Academic. quæstion. sic scribit. Primus Socrates à rebus occultis & ab ipsa natura involutis, in quibus omnes ante eum Philosophi occupati erant avocavit Philosophiam, & ad vitam communem adduxit: Et rursus Tuscul. 5.

Socras-

**Valerius  
Maxi-  
mus.**

*Socrates primus Philosophiam devocavit à cælo & in urbibus collocavit, & in domos etiam introduxit, & coegit de vita & moribus rebusque bonis & malis querere. Nec aliter Val. Maximus lib. 3. cap. 4. Socrates, inquit, cum eruditissimorum virorum ingenia in disputatione cæca vagarentur, mensurasque Solis & Lune & cæterorum siderum loquaciùs magis quam certis argumentis explicare conarentur, totius etiam mundi ambitum complecti auderent; primus ab his indoctis erroribus abductum animum suum ad intima conditionis humanæ & in secessum pectoris repositos affectus scrutari coegit, si virtus per se ipsam æstimeretur, vita magister optimus. Similia leges apud B. Augustinum lib. 8. de Civ. Dei cap. 3.*

**X.**

**Quinam  
auctores  
ex Socra-  
tica scho-  
la super-  
sint.**

*Socratis exemplum secuti sunt Platonici, Peripatetici & Stoici, qui ut cæteras, ita etiam hanc partem sapientiæ porro locupletarunt & perfecterunt. Equidem Socrates ipse nihil scripsit, sed Plato omnem ejus Philosophiam libris suis exposuit, qui extant; neque non Xenophon aureis illis quatuor libris de dictis & factis memorabilibus Socratis, & libello de Symposio: uterque enim horum tanta laude inter Socratis discipulos excelluit, ut æmuli fuisse dicantur, quæ de re mentionem facit Agellius libr. 14. cap. 3. Ex Platoniciis porro hodie extant Plutarchus, Plotinus, Alcinoüs, Apulejus & Maximus Tyrius. Cicero eclecticus potius est, quam certæ sectæ addictus, maximè tamen cum Platoniciis sentit. Hinc 5. Tusc. sic dicit. Tu quidem, inquit, tabellis ob-signatus agis mecum, & testificari quid dixerim aliquando aut scripserim. Cum aliis isto modo, qui legibus impositis disputant: nos in diem vivimus, quodcumq; animos nostros probabi-*



probabilitate percussit id dicimus. Itaque soli liberi sumus. Et i. de offc. in init. Nostra leges non multum à Peripateticis dissidentia, quoniam utrique & Socratici & Platonici esse volumus. Ex Stoicis autem præcipui supersunt Seneca & Epictetus. Iplius denique Aristotelis multi exstant libri de moribus, Nicomachei (quos nescio quo errore Cicero 5. de fin. Nicomacho ejus filio potius quàm ipsi Aristoteli tribuit) Eudemii, quanquam quartus, quintus & sextus horum iidem sunt cum quinto, sexto & septimo Nicomacheorum, Magna moralia & libellus de virtutibus. Sed perfectissimi sunt Nicomachei, in quos exstant commentaria Græci Andronici Rhodii, nuper à Daniele Heinsio primum publicati, & Eustratii Archiepiscopi Niceni, Latini Averrois, D. Thomæ, Donati Acciaiolii, & ex recentioribus Joachimi Camerarii, Petri Victoris & aliorum:

Hos auctores omnes (nam ex Eleaticis nihil hodiè reliquum est, quod ad nostrum institutū *Quid de facere aliquid possit*) & si qui sunt iis similes, *discrepantia eorum* consulere oportet, qui in hac parte philosophiæ *tia eorum* operæ pretium facere volet. Nec impedit quod *hic senti-* discrepantes sæpè sententias habent, cum in præ- *endum.* cipuis plerumque convenient. Ita expressè docet Cicero lib. i. de leg. ubi ostendit Academiam veterem, Peripateticam & Stoicam sectam convenire rebus ipsis, distare vocabulis tantum: *Sive*, inquit, *in Academia vetere cum Speusippo, Xenocrate, Polemone manserunt sive Aristotelem & Theophrastum,* cum illis re congruentes, genere dicendi paulum differentes sequuti sint. sive ut Zenoni visum est, rebus non com-

muta-

**De Peri-**  
**patetica**  
**disciplina**  
**judicium**  
**Came-**  
**rar.**

mutatis immutaverunt vocabula. Quod si tamen  
comparationem instituere placeat, ita censen-  
dum videtur, Aristotelem præcipuè in genere  
dogmatico excellere, cæteros paræneticum sibi  
vendicare. *Peripatetici a disciplina*, inquit *Camera-*  
*rius prolog. in offic. Cicer. huma-issima fuit, quæ*  
*ad captum ingenii humani dignitatis ac virtutis præcepta*  
*accommodavit, neque veluti optando quid maximè quis-*  
*que velle deberet, collegit, sed quid consequi etiam posset*  
*circumspexit. Stoici, ut ait Cicerò, fines officiorum pa-ulo*  
*longius quam natura vellet, protulere, ut cum ad ultimum*  
*animo contendissemus, ibi tamen ubi oporteret consistere-*  
*mus. Itaque hi priora, præclara & luculenta opera eli-*  
*mando videntur corripisse: nam Academici certè cum*  
*Peripateticis sententia & dogmatis conjuncti earundem*  
*rerum diversa quodammodo explicatione usi fuerunt, ut*  
*aliter de aliis utique loquerentur. Epicurei verò quasi*  
*abortivum Philosophiæ genus gravitatem hujus planè re-*  
*liquerunt, & ad futilia quædam ac vulgo nota probata-*  
*que traduxerunt disputationes suas, expertes omnis erudi-*  
*tionis, Aristippi placitis arreptis, quæ tamen ipsa alicubi*  
*corrupisse & reddidisse putantur molliora. Hæc ille de*  
*schola Peripatetica. Nec minus luculentum en-*  
*comium ejus apud ipsum M. Tullium est, de fi-*  
*nibus. Verba sunt: Tum Piso: etsi hoc, inquit, fortasse*  
*non poterit sic abire cum hic adsit (me autem dicebat) ta-*  
*men audebote ab hac Academia nova ad veterem illam*  
*vocare. In qua ut dicere Antiochum audiebas, non ij so-*  
*lum numerantur qui Academici vocantur, Spensippus, Xe-*  
*nocrates, Polemo, Crantor, cæterique, sed etiam Peripate-*  
*tici veteres, quorum princeps Aristoteles, quem excepto*  
 *Platone haud scio an rectè dixerim principem Philosopho-*  
*rum.*

**Aliud Ci-**  
**ceronis.**

*rum. Ad eos igitur converte te queso: ex eorum enim scriptis & institutis cum omnis doctrina liberalis, omnis historia, omnis sermo elegans si mihi potest, tum varietas est tantarum artium, ut nemo sine eo instrumento ad ullam rem illustriorem satis ornatus possit accedere. Ab his oratores, ab his imperatores ac perumpubl principes exiierunt: ut ad minima veniam, Mathematici, Poeta, Musici, Medici denique ex hac tanquam omnium artium officina profecti sunt. Ad qua ego: Scis me, inquam, istud idem sentire Piso. Ita Cicero. Quapropter etiam nos tanquam cynosuram doctrinam Aristotelicam sequemur, & ad eius principia caeterorum dogmata potissimum exigemus.*

## C A P V T II.

*De natura & partibus Philosophiae moralis, deque ordine quo tradenda est & idoneo eius auditore.*

### S U M M A R I A.

- 1 Philosophia practica non est scientia neque ars.
- 2 Sed prudentia.
- 3 Quid inter Ethicam & Politicam intersit, & vulgaris philosophia practica divisio.
- 4 Divisio Averrois melior.
- 5 Quod Thom. O Economica tribuit ad Politicam spectare.
- 6 De partibus philosophia moralis.

7. *Quo ordine tradit debeat.*8. *Quis sit idoneus ejus auditor.*

I.  
*Philosophia practica non est scientia.*

*Nec ad artes pertinet.*

UNIVERSAM Philosophiam practicam tam eam quæ de moribus tractat, quàm quæ de civitate, ideo inventam esse; & ideo addisci, ut vitam hanc ejus beneficio rectè, & quantum natura ducè fieri in ista imbecillitate nostra potest, feliciter transigamus, apud omnes in confesso est. Quare primò constat, eam, ut jam ante etiam diximus, nudæ rerum cognitioni non adquiescere, adeoque nec scientiam, si propriè loquaris, nec sapientiam esse posse; nedum sit ipse ille habitus principiorum, quem intellectum Aristoteles vocat. Deinde & hoc facilè liquet, quamquam ad actionem tendat, & in hac cum artibus conveniat, tamen nec artem rectè dici posse: quas enim propriè sic vocamus, ignobiliores omnes sunt, quam ut inter partes Philosophiæ reeenseantur, cum illa animi perfectionem spectet, istæ corporis usibus præcipuè destinentur. Adde quod actiones, quæ ab hac Philosophiæ parte proficiscuntur, propter se ipsas expetuntur, bene enim & rectè vivere per se pulchrum & expetendum est, quæ verò ars præstat, illa plerumque non tam propter se quam propter aliud appetuntur. Ita vestes sarcire bonum est, sed ideo quod iis corpus regi potest: ædium item extructiones bonæ, quia eæ habitationem præstabunt.

II.  
*Sed est.*

Quum ergo in universum non sint, plures animi habitus principales, (nam cæteri, qui pro instru-

instrumentis sunt istis, huc pertinere non possunt, cum per & propter se non expectantur, *Prudentia.*

eoque nec partes Philosophiæ sint) quam quinque, intellectus sapientia, scientia, ars & prudentia, ut enumerantur ab Aristotel. 6. Ethic. c. 3. & ostendetur à nobis suo loco, relinquitur; ut sub prudentiæ nomine tota hæc Philosophia activa comprehendatur. prudentis enim est, non aliud,

scire & dispicere, quicquid ad vitam rectè & feliciter agendam facit, ut docetur ibidem cap. 5.

Quod si autem ad prudentiam spectat tota hæc Philosophia practica, siue potius ea est ipse ille

prudentiæ habitus, eodem etiam utique refertur hæc illius pars quæ de moribus agit. Nec im-

pedit quod Ethica eadere etiam in hominem improbum videtur, quem prudentem tamen rectè

non vocaveris, cum quicquid tale in improbis est, non prudentia sit sed astutia & calliditas,

dicente Philosopho loc. cit. cap. 12. text. 128. et si enim Ethicæ scientissimus esse potest etiam is

qui pessimè vivit, Ethicus tamen rectè & propriè loquendo non dicitur, sic nec medicus, qui co-

gnitionem artis Medicæ habeat, medicinam autem facere, ubi vel t, & opus sit, non possit. Sanè

Ethicus quis est tum etiam, ubi nihil præclari agit, puta quando dormit, aut aliàs explicandæ

virtutis occasio nulla est, sicut medicus quoque, etiam cum ægro nulli præsto est, medicus esse

non desinit: sed hoc interest inter Ethicum verè ita dictum, & alterum, qui cognitionem tantum

præceptorum Ethicorum habet, & interim improbus est, quod ille ubi fert occasio, rectè agere

potest,

*Obiectio.*

*Responsio.*

*Vox Ethica  
æquiva-  
oca. ut  
& pru-  
dentia.*

potest, & agit etiam: imò non potest aliter quàm rectè agere, hic verè nec agit rectè, nec agere potest: planè ut & Medicus (perstabimus enim in hoc exemplo) qui verè talis est, ægrum quoties vult, rectè curabit, alter autem, qui nudà tantùm medicinæ cognitione instructus est, nec eam unquam factitavit, etiam quum volet curare rectè, sæpe non potest: namque mel, vinum, veratrum, adustionem, incisionemve scire perfacile est sanè, inquit Aristot. 5. Ethic. cap. 9. text. III. *Sed quonam modo ad sanitatem efficiendam, & cui & quando sint tribuenda, tanta est difficultas scire, quanta est esse medicum.* Quemadmodum igitur æquivocationem patitur vox prudentiæ, ut interdum naturalis illa solertia, etiam in malis rebus, eo homine censeatur, nec tamen, propterea verè prudens quisnam est, nisi qui omnia ad honestatem & virtutem referat: ita etiam Ethica æquivocè tantum dicetur illa præceptorum de virtute cognitio, si ipsa virtus absit. Atque ex his patet, ad habitum prudentiæ Ethicam pertinere.

*III.  
Quid inter Ethicam & Politicam intersit. Vulgaris divisio Philosophiæ activæ.*

Verum enim verò cum eòdem etiam spectet Politica, quid inter hanc & illam intersit, scire oportet: quod ut verbo expediat, de divisione totius Philosophiæ Practicæ constare hic debet. Distribuitur autem ea vulgo in tres partes, in Ethicam, Politicam & Oeconomicam, pro triplici, ut loquuntur, ratione virtutis, qua imbui homo potest: ut enim privatim quis rectè viyat, sive in vita privata virtutem exerceat, Ethicæ munus esse ajunt, ut autem temp. bene gerat, Politicæ, ut denique rem domesticam, & familia-

Millarem prudenter administret, Oeconomica: *Ammon.*  
 Ita docent Ammonius præfat. in Isagog. Porphy- *Eustrat-*  
 rii, Eustratius præfat. in Ethic. Aristotelis. Iohan- *tius Da-*  
 nes Damascenus Dialect. capite 3. D. Thomas in *masce-*  
 i. Ethic. in princip. & Acciaiolus ibidem : item *nus.*  
 ex recentioribus Franciscus Toletus præfat. in *D. Thom.*  
 Dialect. cap. 2. & Michael Piccartus in Prole- *Acciaio-*  
 gom. in Politic. Aristotelis. Averroes autem pa- *lus.*  
 raphrafi librorum Platonis de republica in ini- *Toletus.*  
 tio, omnem Philosophiam practicam in duas *Piccar-*  
 partes tribuit, unam quæ in genere doceat, quic- *tus.*  
 quid ad vitæ felicitatem civilem facit, & libris *Divisio*  
 Ethic. ad Nicomach. tractetur, alteram, quæ ad *alia A-*  
 specialia magis descendat, & explicetur in Poli- *verroes.*  
 ticus Aristotel. dicitque priorem illam se habe-  
 re ad posteriorem, sicut in medicina doctrina  
 de sanitate & ægitudine cognoscenda, ad reli-  
 quam quæ est de sanitate tuenda, & instauran-  
 da, moribusque curandis. Idem autem loco alle-  
 garo & in Colliget. i. cap. 1. doctrinam de sani-  
 tate & ægitudine cognoscenda vocat Theori-  
 cam, reliquam autem omnem practicam, cui  
 consentit etiam Avicenna in Canticis par. 1.  
 tractat. 1. qui & Cantica sua in duas partes tri-  
 buit, quarum priorem, quæ *ὁρμητικὴ καὶ παθολο-*  
*γικὰ* tractat, theoreticam vocat, posteriorem in  
 qua de medicamentis deque conservanda sa-  
 nitate & fugandis morbis disputat, practicam.  
 Cum ergo Ethicam se habere dicit Averroës ad  
 Politicam, ut prior illa pars Medicinæ ad po-  
 steriorem, id vult, Ethicum & Politicum cir-  
 ca eadem pœnè versari, sed illum communiora

& *διωξάντες*, hunc specialiora & *πρᾶξιοντες* persequi.

IV.  
Divisio  
Averrois  
alterā  
melior.

Utraque divisio non incommoda est, sed melior, nostro iudicio, illa Averrois, quam plerique cum Piccolomineo hodiè sequuntur: nec tantum enim tota doctrina Ethica, tãtquam communis quædam pars prudentiæ, refertur ad Politicam, sed etiam Oeconomica illa, Thomæ ita dicta, pars Politica est. Refertur ad Politicā quæcunque in Ethicis traduntur, inde constat, quod unus & idem finis utrique sit propositus. Quod enim Ethicus simpliciter & in genere summum bonum vocat, illud optimus & felix resp. status est Politico, quodque virtutes sunt Ethico, id leges Politico, cum lex nihil aliud sit quam præceptum de virtute auctoritate publica munitum: imò tota politica id agit, ut quod rectum esse & vitæ salutare Ethicus docet & demonstrat id ille in temp. introducat, & secundum præcepta illa etiam constituat. Arque hoc est, quod Aristot. 1. Ethic. cap. 2. & 10. dicit, *unius hominis & totius civitatis unum idemque esse bonum*. Hinc etiam eodem loco totam Philosophiam practicam Politicam appellat, & 1. Mag. mor. 1. expressè dicit, tractationem de moribus partim Politicam esse, quia ratione & 1. Rhetor. cap. 4. Ethicam vocat Politicam quæ circa mores versatur. Quin & 7. Politic. capite 2. disertè tradit unam & eandem esse felicitatem singulorum nominum & universæ civitatis. Verba sunt. *Manifestum est, & hoc, omnes enim fatebuntur eandem (scilicet civitatem) esse: quicumque enim in civitate singulorum felicem vitam collocant, is civitatem*

Aristotel.  
totam  
Philosophiam  
practicam vocat  
Politicam.

etiam



etiam totam, si dives sit, beatam predicabunt: qui verò, vitam tyrannicam maxime probant, hi etiam civitatem quamplurimis dominantem felicissimam esse dixerint. Sin quis singulos homines propter virtutem in pretio habuerit, etiam civitatem dicet feliciorē eam quæ virtutis sit magis studiosa. Vnde ibid. cap. 1. eandem definitionem facit felicitatis civitatis & unius ac privati hominis: Optima vita, inquit, & uniuscuiusque singulatim & communiter ipsis civitatibus est illa quæ coniuncta est cum virtute, eousque bonis fortune instructa, ut particeps esse actionum virtutis queat. Et paulò ante dixerat: Fortitudo autem & iustitia & prudentia civitatis eandem vim ac formam habent cum iis secundum quas unusquisque hominum dicitur iustus & prudens & temperatus. Quod autem Oeconomicæ tribuit Thomas, quique cum eo faciunt, id ad Politicum potius pertinere, itidem certum est: quicquid enim in familia administranda, non tam ad vitam tolerandam & rem faciendam, quàm ad rectè & honestè vivendum refertur, id omne propriè loquendo non Oeconomicum sed Politicum est, cum non tantum eundem finem spectet, quam Politica, sed etiam pro diversa forma Politicæ aliter atque aliter se habeat: Oeconomicum autem revera id tantum est, quod finem Oeconomicæ spectat, finis verò ejus sunt divitiæ, ut docetur 1. Ethic. capite 1. Quare etsi ea peculiaris disciplina est, tamen Philosophiæ pars non est, cum hujus sit munus præstare, non tam ut vivas, aut rem augeas & opes acquiras, quam ut acquisitis rectè utare. His ita expositis liquet jam quid inter Ethicam & Politicam in-

V.  
Quod  
Thomas  
Oeconomicæ  
tribuit ad  
Politici  
spectat.  
Oeconomicæ  
finis  
divitiæ.

terfit, adeoque tota natura ejus se pandit: fuerit enim illa pars prudentiæ, quæ in genere disputat de vitæ felicitate: mediisque quibus ad hanc homo pertingere possit, quæ postmodum hinc accepta ad remp. traducit Politicus. Hæc de natura Philosophiæ moralis.

VI. De partibus autem ejus nulla, credo, difficultas est: quemadmodum enim omnes cæteræ disciplinæ, quæ præter nudam cognitionem alium sibi finem propositum habent, tribus partibus constant, notitia finis, objecti & mediorum quibus ad finem pervenitur, sicut Averroës docet in Colliget. 1. cap. 2. ita etiam sine dubio Philosophia moralis tribus illis absolvitur. Et primò quidem de fine certos esse nos oportet, non quidem an sit, id enim supponi debet, sed quid sit; deinde de mediis considerandum erat, quibus comparari finis ille potest. Sed quia nec media illa rectè investigare possunt, nec finis in subjectum per ea introduci, nisi subjectum quoque quodammodo cognitum habeas, necesse est ut antequam de mediis agas, non nihil etiam de illo dicatur. Tandem ad media pervenitur. Finis autem hic est, ut constat, vitæ felicitas civilis. Objectum alii aliud faciunt, Averroës paraphrasi libb. Platonis loc. cit. actiones humanas esse vult, quarum principium sit humanam libertas, Thomas operationem humanam, ut est ordinata ad finem, sive hominem, prout est agens aliquod, quod voluntate suâ agit propter finem; Piccolomineus humanam actionem ex hominis libertate prodeuntem, ut in ea honestum & quod de-

cet na--

cetnatum est refulgere. Nobis sufficit si dicamus, esse hominem quatenus felicitatis civilis capax est. Denique media sunt omne id quod felicitatem illam procurare potest. Istæ sunt partes Ethicæ.

Verum de ordine, quo tradi illæ partes quam rectissimè possint, dubitari hîc solet. Et si enim videretur nihil siquidum esse magis, quàm hoc, ut diximus, oportere, ut qui media fini alicui quarat, is primò omnium finem, eum sibi propositum & cognitum habeat; antequam de mediis statuatur: qui est, ut Logici vocant, ordo analyticus: planè enim media illa ut referuntur ad finem, ita pro diversitate ejus, alia atque alia esse necesse est, tamen paullo pluribus hæc res hic explicanda est, cum non ita pridem omnia hæc controversa facere voluerit Franciscus Piccolomineus, qui non tantum ipse primus, quod sciam, hanc Philosophiam tradidit ordine synthetico, sed etiam id rectè ita fieri peculiari scripto, quem Comitem Politicum vocat, contra Iacobum Zabarella acriter defendere conatus est. Pertinet autem tota hæc controversia ad Logicam, & ut verbo dicamus, quod res est, nritur opinio Piccolominei falso fundamêto, nam ordinem doctrinæ & cognitionis nostræ cum ipsarum rerum ordine confundit. Ita enim expressè docet introductione sua in civilem Philosophiam c. 17. & Comit. Polit. part. 5. in qua sententia etiam Aristotelem, & ex recentioribus Scaligerum fuisse dicit. Sed nec Aristoteles nec Scaliger id sentit: neque enim ex hujus exercitatione 2. tale quid elici videtur;

VII.  
*Quod ordine tradi  
debeat.*

Francisci  
Piccolomi-  
nei sen-  
tentia.

Refuta-  
tur.

detur ; De Aristotele autem ipsa res & tractatio Ethicorum contrarium ostendit. Quidquid verò sit, id constat, quorum unum sine altero cognosci non potest, illorum id quod ad alterius cognitionem præsupponendum est, necessario prius exponendum esse, siquidem certam & distinctam rei cognitionem polliceri lectori velis. Constat etiam longè aliud esse rem a natura ita produci & eandem à nobis hoc vel illo pacto cognosci : etsi enim nihil rectè cognoscitur nisi quod percipitur ut in re est, tamen non propterea eo ordine cognoscitur, quo quid factum est. Vnde Arist. non tantum 5. Metaph. text. 1. manifestè distinguit inter id quod naturâ prius est, & quod à nobis prius addiscitur, propterea quia facilius est, sed ipse toties ordinem rerum naturæ neglexit, quoties facilior cognitio id suadebat. Ita in Categoriis Relationem præposuit Qualitati in libb. de anima doctrinam de visu, doctrinæ de tactu & 1. de histor. animal. cap. 6. prius de homine agit, quam de brutis, & quæ plura sunt talia diligenter à Zabarella collecta. Adde quod expressè 1. ethic. c. 4. text. 21. docet, *semper ab iis incipiendum esse, quæ notiora nobis sunt, non quæ natura* : quod quidem non tam de ratione probandi quæ methodus dicitur (quid enim minus dubium quam hic à notioribus semper incipiendum esse?) quam de ordine doctrinæ accipiendum est. Et profecto poterat id solum nos de mente Aristotelis citos facere, quod, ut jam diximus, ipse ordinem analyticum tam sollicitè in hac Philosophia observavit. Sine causa itaque

itaque novitati hic studuit Picolomineus: neque enim argumenta, quæ adfert, alicujus ferè momenti sunt. si rectè expendantur, quorum confutationem leget in Apologia Zabarellæ qui vollet. Nos insistentes vestigiis Aristotelis analyticum ordinem retinebimus, acturi, ut faciendum esse diximus, primò de fine Ethices, deinde de objecto ejus, & tertio deniq; de mediis, per quæ finis ille parari potest.

Jamque claudemus hæc prolegomena, si verbo adhuc monuerimus, quisnam idoneus hujus doctrinæ auditor esse possit. Explicavit hoc Aristot. 1. ethic. cap. 3. & 4. Nec verò potest is esse quisvis, cujus ætas alias disciplinarum capax est, ut in scientiis, sed ille demum, qui præterea etiam rectè natus & educatus est, ut non tantum aliquod discrimen honestorum & turpium jam norit, sed & adsuefactus non nihil sit ad animi adfectus refrænandos. Cum enim principia in practicis constare ei non possint, qui pessimè diu vixit (alia enim horum ratio est quam theoreticorum principiorum, ut ex libr. 6. ethic. cap. 5. t. 49. patet) nec animi motus, qui diu libere vagati sunt, in gyrum postmodum redigi queant, non potest profectò quisquam pravè educatus operæ pretium in hac doctrina facere, aut fructus aliquis hinc ad eum redire. Sed sanè quam planè perdantur sæpè multi in prima educatione, ut postmodum frustra sint omnia præcepta sapientiæ, præclarè docet. Quintilianus lib. 1. instit. orat. cap. 2. *Mollis illa educatio, inquit, quam indulgentiam vocamus, nervos omnes & mentis*

VIII.

*Quis sit**idoneus**auditor**huius di-**sciplina.**In pravè**educatis**frustra**sunt præ-**cepta sa-**pientia.*

& corporis frangit. Quid non adultus concupiscet, qui in purpura repit? nondum prima verba exprimit, & jam coccum intelligit, jam conchylium poscit. Antè palatum eorum quàm mores instituiamus. In lecticu crescunt, si terrarum attigerint, è manibus utrinq; sustentium pendent. Gaudemus si quid licentius dixerint. Verba ne Alexandrinis quidem permittenda delictis risu & osculo excipimus. Nec virum, nos docuimus, ex nobis audierunt, nostras amicas, nostras concubinas vident. Omne convivium obscenis canticis strepit pudenda dicta spectantur. Fit ex his consuetudo, deinde natura. Discunt hæc miseri, antequam sciant vitia esse. Inde soluti ac fluentes non accipiunt à scholis mala ista, sed in scholas adferunt. Hæc ille: & hæcenus fuit proæmium.

## CAPUT III.

Quod sit aliquod summum hujus vitæ bonum ac felicitas civilis  
& quid nomine illo significetur.

## SUMMARIA.

- 1 Duo hypotheses de S. bono, & querela de vita hujus miseria poetarum.
- 2 Philosophorum item.
- 3 Et regum ac Principum.
- 4 Felicitatem absolutam in hanc vitam non cadere.
- 5 Ejus veram causam esse lapsum primorum parentum.
- 6 Nihilominus aliquam manere felicitatem civilem.

7 Cur inter omnia bona oporteat unum esse summum.

8 Quid nomine illo denotetur.

**P**ostquam præfari sumus, quæ cognitu neces-  
saria hîc initio videbantur, nunc ad rem i-  
psam pergemus. Ut autem hæc nostra de summo pothe-  
ses bono disputatio inde proficiatur, unde eam or-  
ditur Philosophus, & unde proficisci oportet, quod sit,  
præmittendæ ante omnia & considerandæ hîc & quid  
non nihil sunt duæ istæ hypothesēs, una quod sit nomen si-  
hujusmodi aliquod bonum, cujusmodi quæri-  
mus: altera, quid per illud nomen intelligatur:  
nisi enim hoc rectè exponatur & supponatur,  
fieri potest, ut nemo dubitet, an etiā tale aliquid  
obtingere vitæ nostræ queat: non tantum enim *Querela*  
libri sacri, sed poetarum quoque scripta plena *de miseria*  
sunt querelis de hominis & vitæ humanæ mise-  
ria tam gravibus, ut quid felicitatis cum tanta in-  
felicitate consistere possit explicari difficile esse  
videatur. *Ὅδ' ἔν' ἀχιδυόπρουν γὰρ τρέφει ἀνθρώποις* ex-  
clamat Homerus sapientiæ omnis fons apud  
Græcos: Nihil universa terra alit homine afflictius. Et  
Pindari illud notum est: *πᾶς ὁ ἀνθρώπος συμφορὰ &*  
*Σκιάς ὄναρ ἀνθρώπος*: Totus homo calamitas est: &  
*Quantus quantus est non umbra sed umbra somnium est.*  
Neque non illud etiam Menandri: *Ἀνθρώπος ἰκα-  
νὴ πρόφασις εἰς τὸ δυσχεῖν*: Hominem esse, satis magna ad  
calamitatem causa est. Vnde & Simonides canit:  
*Ἀνθρώπος ἐὼν μήποτε φησὶς ὅ, τι γίνεται, Μὴδ' αἰδρὰ  
ἰδὼν, ἔργον χρόνον ἔσσε'*. Quælia γὰρ οὐδὲ ταυυπτερύγυ μύ-  
ιας. Οὕτως ἀμελέσας. Homo cum sis ne dicas quid  
futurum sit, aut cum hominē vides, quamdiu ille futurus  
sit, ci-

fit, citius enim mutatur quam musica, alas expendit ut a-  
volet. Et Euripides Oresten suam ita orat: *οὐκ ἔστιν οὐδὲν δεινόν, ὅδ' εἰπεῖν ἔπαινον, οὐδὲ παῖδ' ἄνθρωπον, οὐδὲ  
ἔμφορον θεῖον*, ἡς ἔκ δ' ἀραιτ, ἀχθὲν αἰθρῶν περὶ φῶς.  
Nullum est malum, ut ita dicam, nec adversitas, nec cala-  
mitas à Deo unmissa, cuius non onus aliquod sustineat na-  
tura hominis.

## II.

Philoso-  
phorum.

Solonis.

Socratis.

Aristote-  
lis.

Neque Poetae tantum hæc & infinita alia in-  
gulant passim, quæ coacervare ambitiosum po-  
tius quam difficile sit, sed eadem sapientissimi  
quique ingeminârunt semper. Notum est Solo-  
nis illud apud Herodotum libr. 1. & Plutarch.  
in Solon. quod Cræto suggessit, ne beatum quen-  
quam diceret, dum hanc vitam viveret. A quo nec So-  
crates abludivit apud Platone in Phædone,  
quum dicit, in sola cognitione veri sitam esse  
hominis felicitatem, illam autem vel nunquam  
nobis obtingere, vel tum demum, ubi ex hac vi-  
ta exceßerimus. Idem statuit Aristoteles, quan-  
do scilicet hominis bonum collocat in contem-  
platione libr. 10. ethic. cap. 7. & præcipuè in di-  
vinorum scientia 1. met. cap. 2. sed interim non  
tantum ingenuè profiteretur, divinam hanc potius  
quam humanam possessionem esse, Deoque magis ipsorum  
cognitionem quam homini competere, verum etiam  
2. met. cap. 1. disertè docet, quemadmodum vesper-  
tilionum oculi caligant ad lucem diei, sic mentem animi  
nostri caligare ad ea quæ sunt natura suâ omnium ma-  
nifestissima, id est, ea quæ divinissima sunt. Nec  
aliter sentit de summo bono activo, quod con-  
templativo proximum facit: nam cum hoc bo-  
nis fortunæ carere non possit, ut fatetur ipse

1. ethic.



1. ethic. Nicom. cap. 8. text. 74. nec i lud firmum  
ad dō & perpetuum fuerit. Vnde de eo loquens  
1. Ethic. Eudem. cap. 3. dubitat, an etiam recte fe-  
licitas appellari possit.

Philosophis addamus ipsos rerum humana- III.  
rum principes, qui cum ad tantum illarum fasti- Regum &  
dium pervenissent, ut arbitrium eorum penes Prin-  
ipsos foret, & Dii in his terris essent, ut etiam pum.  
Psalm. 81. 6. scriptura ipsa eos vocat, nihil tamen  
ipsi quoque invenerunt in quo acquiescerent.  
Non exiit rex quisquam maior Salomone, Salomo-  
istius ipse maior erat omnibus regibus terra divitiis & nis.  
sapientia, ut dicitur 2. Paral. 9. 12. & tamen in Ec-  
clesiaste suo exclamat: Vanitas vanitatum & omnia  
vanitas. Ego Ecclesiastes, inquit, quum esseni rex super  
Israellem Ierosolymis, applicans animum meum ad dis-  
quirendum & explorandum sapientiam de omni eo quod  
fit sub cœlis, vidi omnia facta quæ fiunt sub sole. quod ecce  
ista OMNIA sunt VANITAS & afflictio Spiritus.  
Ecclesiaste cap. 1. 13. Idem animus ipsis Rom. Im-  
peratoribus, totius orbis Dominis, fuit. Octavius Octava  
Aug. divisisse imperium cum Iove sibi videba- Augusti.  
tur, nihilominus ita de eo Seneca de brevitate vitæ  
cap. 5. D. Augustus, cui Dii plura quam ulli præstiterunt,  
non desit quietem sibi precari. vacationem à repub. petere.  
Septimius autem Severus ipsam illam vocem Sa- Septimii  
lononis exprimere solebat: de quo ita Aurelius Severi.  
Victor scribit: Ortus Media humilis. primò luteris de  
inde imbutus foro, quo parum commodante ubi rebus ar-  
tis soles, dum tentat aut exquirat varia melioraque, con-  
scendit imperium. Ibi graviora expertus, laborem, curas,  
metum, & incerta prorsus omnia quasi testis ipse mor-  
salium.

talium CUNCTA, inquit, FUI, CONDUKIT NIHIL:  
Si dixeris, hæc vetera esse, audiamus idem in a-  
gone exclamantem Carolum Aragoniæ & Sici-  
liæ regem, qui longa ætate pauculos dies bonos  
se vidisse negabat, & meliorem se vitam degere  
potuisse affirmabat, si non rex, sed pauperis agri-  
cultor fuisset, ut id citatur ex Luc. Marineo Sicu-  
lo, lib. 8. de reb. Hispan. in fine.

IV.

*Felicitas  
absoluta  
in hanc  
vitam  
non cadit.*

Quæ omnia cum ita sint, felicitas quidem ab-  
soluta, & summum simpliciter bonum, obveni-  
re sine dubio homini in hac mortalitate plane  
non potest: primò enim, ut ex iis quæ allata sunt  
pater, corporis fragilitas & bonorum fortunæ  
inconstantia, licet miserum, ut postea dicetur,  
hominem non reddant, obnubilant felicitatem  
tamen & impediunt. Deinde etiam animus tam  
in contemplatione & cognitione rerum, quàm  
in actione, nimium quantum deficit, quum vel  
illa, quæ maxime scire ejus intererat, adsequi non  
potest, vel in vita instituenda identidem respi-  
tat; quod quidem rursus duplici de causâ con-  
tingere potest, aut enim non recte satis percipit,  
quid factò sit opus, aut dictò audientem volun-  
tatem & appetitum non habet, quorum poste-  
rior cum recto judicio intellectus plerumque  
semper refragetur, ita subigi & dominari nun-  
quam potest, ut omnes rebellionis fibras evellas.  
Causam hujus calamitatis Platonici & Stoici  
passim rejiciunt in corpus, ejusque contagione  
animum infici censent, quod etiam ea propter  
tantum non conviciis incessunt, & nunc carce-  
rem animi nunc vinculum libertati nostræ cir-  
cumda-

*Quæ sit  
causa ca-  
lamitatis  
nostræ ju-  
xta Pla-  
tonicos &  
Stoicos.*

cumda-

eum datum appellant. Hinc Plotinus ennead. 4. *Plotinus.*  
 lib. 8. cap. 1. *Commercium*, inquit, anima cum corpore  
 damnat (*Plato*) adserens eam hinc includi vinculis & in  
 corpore esse sepe tam: item arcanum illud oraculum vene-  
 ratur, quo traditur, animam hic in custodia & carcere si-  
 ratam esse. Quin idem Plotinus toto isto libro ex-  
 ponit, quomodo & qua de causa anima corpori  
 sit indita: unde eum etiam inscripsit, *de animi de-*  
*scensu in corpora.* Et Caro apud Ciceronem de se- *Caro.*  
 ne tute ita ait: Dum sumus in his inclusi compagibus  
 corporis munere quodam necessitatis & gravi opere per-  
 fungimur: est enim animus celestis ex altissimo domicilio  
 depressus, & quasi demersus in terram, locum divina na-  
 ra aternitatisque contrarium. Idem dicit Epictetus a-  
 pud Arian. lib. 1. c. 9.

Sed quanquam verum sit corporis cupidita-  
 tes animo obesse, illumque in studio virtutis im-  
 pedire, juxta illud Sap. 9. 15. *Corpus quod corrumpi-*  
*tur, aggravat animam, & terrena inhabitatio deprimit*  
*sensum multa cogitantem:* tamen hoc rem nondum  
 expedit: absurdum enim sit, Deum & naturam  
 cum primum faceret hominem hospitem tam  
 nobilem atque animus est, domicilio tali inclu-  
 disse, aut includere voluisse, ubi non nisi male ei  
 esse poterat, & ille perfectionem suam nunquam  
 consequi. Quapropter alia causa sit necesse est,  
 quam quidem ex lumine rationis, sive principiis  
 naturae notis, eruere non licet, sed sacra scriptu-  
 ra & Christiana fides aperiunt. Est autem haec.  
 Condiderat Deus hominem à principio ad ima-  
 ginem & similitudinem suam, ut legitur Gen. 1.  
 vers. 26. id est, praeditum justitia & sanctitate  
 vera,

vera, ut id explicatur Ephes. 4. 23. Hæc autem  
 iustitia & sanctitas in eo consistebat, ut ratio  
 Deo subderetur, & huic vicissim cæteræ faculta-  
 tes animæ, animæ verò rursus obediret corpus,  
 eaque non tam à natura hominis quam à gratia  
 supernaturali divina dependebat. Quod talis  
 fuerit iustitia & sanctitas illa, patet: quomodo  
 enim homo sit verè iustus & sanctus, nisi ratio &  
 voluntas ejus Deo, rationi autem rursus irrationa-  
 nales animi motus & corpus ipsum pareant?  
*cum enim ratio vel mens, vel spiritus animi, irrationa-*  
*les motus regit, tum id scilicet dominatur in homine, cui*  
*dominatio lege debetur ea quam æternam esse cõperimus,*  
 ait S. Augustinus lib. 1. de lib. arbitr. c. 8. Quod  
 porro eadem non ex principiis naturæ tum pro-  
 fluxerit, sed supra naturæ sortem à gratuita Dei  
 liberalitate & largitate primis hominibus con-  
 cessa sit, inde liquet, quod ipsa natura humana  
 etiam hodie ad nos propagatur, iustitia autem ac  
 sanctitas illa non item. Quemadmodum autem  
 donum Dei gratuitum erat in primis homini-  
 bus: ita quoque tam diu perseveravit, quamdiu  
 illi se à Deo non averterent. Postquam verò so-  
 mel id fecerunt, & ratio ac voluntas rebelavit  
 Deo, appetitus etiam sensitivus & corpus rebel-  
 lere cœperunt rationi: ideo enim concessum  
 hominibus erat, ut facultates inferiores animæ &  
 corpus obedirent ipsi, ut ipse rursus & totus  
 obediret Deo. Quod cum detrectaret, illico et-  
 iam gratia illa recessit, qua corpus & appetitus  
 irrationales coërcere promptè & nullo nego-  
 tio ante poterat. Idque factum disertè docet ipsa  
 scri-

Scriptura, ubi historiam lapsus texit Genes. 3. nam  
 postea quam precepti facta transgressio est, ut inquit,  
 Augustinus lib. 13. de civ. D. cap. 15. confestim gra-  
 tia deferente divina, de corporum suorum nuditate con-  
 fusi sunt: unde etiam foliis ficulneis, qua sorte à perturba-  
 tis prima comperta sunt, pudenda texerunt, qua prius ea-  
 dem membra erant. sed pudenda non erant: senserunt enim  
 novum motum inobedientis carnis suae tanquam recipro-  
 cam poenam inobedientiae suae. Iam quippe anima liberta-  
 te in perversum propria delectata & Deo dedignata servi-  
 re pristino corporis servitio destituebatur. Et quia supe-  
 riorem Dominum suo arbitrio deseruerat, inferiorem sa-  
 mulam ad suum arbitrium non tenebat: nec omnino ha-  
 bebat subditam carnem. sicut semper habere potuisset, si  
 Deo subdita ipsa mansisset. Tunc ergo caro coepit concupi-  
 scere adversum spiritum, cum qua controversia nati su-  
 mus, trahentes originem mortis & in membris nostris vi-  
 tiosam naturam, contentione ejus sive victoriam de pri-  
 mi pravavicatione gestantes. Hæc Augustinus. Fal-  
 sum itaq; est animum in corpus hoc à principio  
 detrusum esse, ut ibi tanquam in carcere esset,  
 nec commercium animæ cum corpore damna-  
 re debuit Plato simpliciter, sed ut nunc illud est,  
 justitia originali & primæ va rectitudine amissa:  
 corpus enim quod suaviter initio animus inha-  
 bitabat, quodque beneficio justitiæ illius prom-  
 pte ei inserviebat, & ab omni fragilitate imma-  
 ne erat, nunc demum propter inobedientiam &  
 peccatum Adami grave animo esse coepit & in  
 custodiam ac carcerem quasi degeneravit. Quin  
 non tantum corpus & caro rebellat animo, sed  
 ipse ille cæcitatem & perversitatem miseri-

mam incurrit, sicut hæc pluribus alibi docentur. Vnde jam liquet, qui fiat quod scil. nostrum bonum absolute loquendo consequi nobis in hac vita non liceat: quia enim integritas illa semel amissa perfecte non instituat, nisi post hanc demum vitam, ut eadem fides docet, nec bonum tam absolutum nisi tum demum reparabitur.

VI.  
Nihilominus aliqua manet felicitas civi-  
ta.

Verum enim vero, quanquam hæc ita sunt, nec de ijs dubitari à quoquam queat, qui quidem Christianus & orthodoxus sit: tamen quia etiam nunc post amissam perfectionem illam pristinam aliqua manet tam creaturarum quam creatoris in homine cognitio quantumvis imperfecta manet quoque opus legis moralis quodammodo scriptum in cordibus etiam gentilium, ut manifesto doceat sacræ literæ, illa utiq; etsi absolutum hominis bonum non constituunt; aut ad id sufficiunt, bona tamen sunt & maxima quidem, quæ in hac vita homini obtingere possunt. Bona, inquam, sunt quia à Deo sunt: Deus enim manifestavit, Deus cordibus nostris inscripsit, ut diserte & manifestissimis verbis Paulus ad Rom. i. & 2. capp. dicit: quicquid autem à Deo profectum est, licet in natura corruptissima sit, & tantillum, ut comparari cum primigenia illa nostra perfectione non possit nec debeat, sine blasphemia tamen & extrema impietate malum nulla ratione dici potest. Porro vero neq; illa tantum bona sunt quæ ad animum pertinent, sed sunt corporis etiam aliqua bona, non perpetua illa quidem, ut supra diximus, bona tamen: bene enim valere, robore & pulchritudine corporis prædi-

præditum esse, honore & divitiis potiri mala non sunt nisi quis iis male utatur. Quo autem gradu bona sint, postea explicabimus. Atque his ita explanatis patet jam veritas nostræ hypotheseos, esse scil. etiā aliquod summum hujus vitæ bonum: quidquid enim ex his omnibus deprehendatur tale esse, ut ad id omnia studia omnesque actiones nostras, quas quidem propter hanc vitam suscipimus, referendæ sint, illud erit summum bonum, de quo hic quæstio est.

Esse autem ex omnibus bonis quæ in hac vita obtingere nobis possunt unum aliquod summum necesse est: cum enim non tantum omnis actio cum ratione suscepta propter certum finem sit, sed etiam finium illorum unus propter alterum, oportet in uno tandem omnia studia & actiones nostræ desinant, quod sit finis omnium, id est, ad quod omnia referantur cætera, ipsum autem alio nusquam. Ni sit, in infinitum abeat, frustra que nobis natura indidisset boni appetitum: nihil enim esset in quo ille acquiesceret. Patet hoc facile: Sicut enim dicente Thoma 1.2. quæstion. 1. artic. 5. in cognitione rerum, si ve, ut ille vocat, processu rationis, principium est id quod naturaliter cognoscitur: ita in processu rationalis appetitus oportet esse principium si ve primum aliquid quod naturaliter desideretur: hoc autem necessarium est unum esse, quia natura non tendit nisi in unum: Nisi ergo unum aliquid primū est quod appetitur, frustra est appetitus ille. Frustra autem hic esse nō potest quia naturalis est, id est, à natura & ejus auctore no-

FII.

Cur inter  
omnia  
hujus vi-  
ta bonum  
unum sit  
summū.

bis inditus, nam quod præternaturales & adfecti-  
titi appetitus frustra esse possunt; nihil id ad  
hanc rem attinet.

VIII.  
*Quid no-  
mina S.  
boni de-  
notetur.*

Ita liquet, summum esse aliquod bonum vitæ  
hujus, liquet etiam quid nomine ejus significetur:  
quaerimus enim, ut utar verbis M. Tullii de  
finibus, *Quidnam sit extremum, quid ultimum, quo sint  
omnia bene vivendi recte faciendi consilia referenda*, quid  
fugiat ut *extremum malorum*, hoc, inquam, quaeri-  
tur, quatenus nempe tale aliquid in hac vita ob-  
tineri, & hanc mortalem vitam juvare potest.  
*Qua de re*, inquit idem, *cum sit inter doctissimos magna  
dissensio, quis alicum putet ejus esse dignitatis quam mihi  
quisque tribuit*, quid in omni munere vitæ optimum &  
verissimum sit exquireret? An partus ancilla sit ne in fructu  
habendus differetur inter principes civitatis? Scavolam,  
M. Manilium, ab hisque Brutus dissentiet, quod & ac-  
tum genus est & ad usus civium non inutile, nosque ea  
scripta reliquaque ejusdem generis & legimus libenter &  
legimus? hac inquam quæ vitam continent omnem  
negligentur? Nam ut sint illa VENDORIA,  
LIRA, hæc VERIORA  
certe sunt.





## CAPVT IV.

Recensentur opiniones aliorum de summo bono: primo autem proponitur & confutatur sententia eorum qui illud in voluptate collocauerunt, ut sunt Aristippus, cæterique Cyrenaici & Epicurus.

## SUMMARI A.

- 1 *Quam varie sint de S. bono sententia.*
- 2 *Vnde oriantur & versa illa opiniones.*
- 3 *Contra eos qui volupt. corporis S. bonum faciunt.*
- 4 *Videri Epicurum non sentire cum Aristippo.*
- 5 *Recte sentire eum de vita non posse, quia providentiam Dei negat.*
- 6 *Et animæ immortalitatem.*
- 7 *Epicurum sibi non constare.*
- 8 *Nec loqui tantum de volupt. animi sed corporis.*
- 9 *Sententiam ejus vitæ perniciosam esse.*
- 10 *Absurdam item.*
- 11 *Et insuper ridiculam.*

Supposito itaque quod sit aliquod summum hujus vitæ bonum, explicata etiam notione vocabuli sive quid per nomen illud intelligamus, recta jam pergamus ad considerandum, quid sit illud, & qua in re situm. Quod ut accuratius fiat, exponendum hic primo est, quid

*Quam  
varia sint  
de S. bono  
sententia.*

de eo alii senserint: dum enim excutimus eorum opiniones, qui sive hic arbitrarunt, sive prave disputarunt, fit ut eo facilius intelligatur & confirmetur vera sententia, ut testatur Aristoteles 1. ethic. Eud. c. 3. Neque tamen necessum aut operæ pretium est, omnes sine discrimine aliorum sententias coacervare, quæ vel fuere quorundam, vel excogitari in hoc negotio possint (nam refert B. Augustinus lib. 19. de civ. Dei c. 1. *Varronem in libro de Philosophia excogitasse CELXXXIX. dogmata diversa de hac re, non quæ essent, sed quæ esse possent*) cum non tantum pueri, ægroti & mente moti sæpe pro bonis habeant, quæ ubi adoleverunt, aut ad sanitatem redierunt, ipsi postmodum non probent; sed etiam nonnulli tam absurde de omni vita statuant, ut non refutatione, sed publica magistratus coërcitione digni sint. Præcipuas igitur & maxime celebratas opiniones tantum afferemus.

## II.

*Vnde ori-  
antur di-  
versa illæ  
opini-nes.  
Vulgus  
pro S. B.  
habet vo-  
luptatem  
corporis.*

Haurit autem unusquisque, ut dicit Aristoteles 1. eth. cap. 5. opinionem suam de summo bono plerumque ex vitæ genere & instituto quod ipse sectatur: genera vero illa tria sunt præcipue, id quod vulgus colit, civile, & contemplationi deditum. Vulgus quidem, & qui nihil supra vulgus sapiunt, in corporis voluptate felicitatem potissimum collocant: quod etsi pecudum magis quam hominis bonum est (pecudibus enim & belluis laxior venter est quam homini) hoc tamen nomine commendatur, quod nonnulli etiam qui in magna dignitate constituti sunt rectius sæpe non sapiunt, quos nihil mirum si vulgus

gus imitatur: quicquid enim apud civitatis principes habetur in pretio id necessarium est & aliorum civium opinionem sequi, ait Arist. 2. poli. c. 8. Quid? quod etiam ex Philosophis (ita enim haberi volebant, cum nihil minus sit Philosophicum quam hoc ipsum) reperti sunt, qui eandem sententiam tuerentur? Primus inter hos, teste Cicerone Tusc. 2. fuit Aristippus Cyrenaicus, Socratis quidem, sed admodum degener in hac parte discipulus: quem secutus est Hieronymus Rhodius omnesq; Cyrenaici & ex Eleatica disciplina Metrodorus atque Epicurus. Omnes, inquam, hi in hunc censum veniunt, ut inter vulgus eos merito numeres, qui, quam vulgus, saniora non tradidere. At qui paulo generosioris animi sunt, & ad res gerendas in republica potius quam ad mollem & delicatam vitam se componunt (Arist. vocat practicos & politicum hominum genus) ij felicitatem plerumq; vel in honore vel in divitiis constituunt. Qui deniq; contemplationi dediti, rerum cognitionem & scientiam cæteris omnibus præponunt: Ita Plato contemplationem universalis boni sive ideæ boni felicem hominem reddere putat. Hæ sunt opiniones insigniores & celebriores: etsi enim Cyrenaica illa & Epicurea nihil ineptius est aut homine indignius, tamen, ut mens humana ad talia proclivis est, non tantum Cyrenaicorum multi sectatores fuere, sed & Epicurea schola perpetua successione ad multa secula duravit, ut ex Diogene patet.

Ut autem ordine de singulis dicatur, sectam illam voluptariorum primo excutiemus: ubi ta-

Item Aristippus, Hieron. Rhodius & Epicurus.

Homines politici honorem & divitias.

Dotti scientiam.

III  
Contra eos qui volupt.

*corporis S.* inen. non tam longa confutatione opus erit,  
*B. faci.* quam ut exponatur paulo accuratius quamnam  
*uns.* fuerit eorum sententia, cum hoc usquequaque

*Quid do-*  
*cuerit A-*  
*ristippus.*

Aristippo prius. Hic cum Cyrenaicis suis discre-  
 te & ingenue profitebatur voluptatem sum-  
 mum bonum esse & dolorem maximum ma-  
 lum: intelligebat autem voluptatem corporis, si-  
 ve ut ipse mentem suam explicat apud Cicerō-  
 nem 2. de finibus eam *que maxima dulcedine move-*  
*ret, imo, voluptates corporis agebat longe præstantiores esse*  
*quam animi,* teste Diogene in vita ejus. Contra  
 hanc Aristippi sententiam integram & præcla-  
 ram disputationem Socrates ipse instituit apud  
 Xenophontem lib. 1. de dict. Socratis in pr. quam  
 hic, lector, omnino vide. Prolapsus autem vide-  
 tur in tantam absurditatem eo quod nihil pul-  
 chrum aut turpe putaret natura esse, sed consue-  
 tudine tantum & hominum opinione. Hiero-  
 nymus Rhodius paullo quidem aliis verbis uti-  
 tur, sed idem dicit: pro voluptate enim substitue-  
 bat vacuitatem doloris, ut ex Cicerone 2. Tus-  
 cul. & 2. de finibus constat. Hæc illi senserunt: à  
 quibus Epicurus, si illa ipsius mens fuit, quæ à  
 ple risque scriptoribus tradita est, aut nihil aut  
 parum recedit.

*Quid.*  
*Hier*  
*Rhodius.*

*IV.*  
*Videri E-*  
*picurum*  
*non senti-*  
*re cum A-*  
*ristippo.*

Non ignoro sanè quæ apud Cic. toto lib. 2. de  
 fin. Lucius Torquatus disputat pro Epicuro, ubi  
 expresse protestatur, cum Cyrenaicis eum non  
 facere, nec illam tantum voluptatem intellige-  
 re, qua

re, quæ quasi sensus titillet; & ad eos cum suauitate ad-  
fluat. Dicit etiam non omnem voluptatem acce-  
ptandam, & denique dicit sapientem ita induci  
ab Epicuro, ut finitas habeat cupiditates, negligat mor-  
tem, de Dijs in mortalibus sine ullo metu vera sentiat; non  
dubitet si ita melius sit de vita migrare. His rebus instru-  
ctum semper in voluptate eum esse, neque enim esse tempus  
quo non habeat plus voluptatis quam dolorum. &c. Fac-  
ille. Scio etiam quam acriter Epicurum defen-  
dat Diogenes Laërtius, & quod quicquid ille de  
voluptate corporis pronunciavit, is ad volup-  
tam animi potissimum trahat: ubi in epist. ad  
Menæceam ipse Epicurus ita scribit: Cum voluptatē  
dicimus finem esse, non luxuriosorum & nepotum volu-  
ptates easque quæ in gustu & in gluvie sunt posita, ut qui-  
dam ignorantes & à nostra sententia disjunctos, aut ma-  
le accipientes, arbitrantur, sed non dolere corpore animo-  
que tranquillo esse & perturbatione vacare dicimus; cu-  
jusmodi plura alia illic habet Laërtius, ut plane  
videatur in voluptate potius animi quam cor-  
poris Epicurus felicitatem collocare. Vnde et-  
iam Seneca de vita beata cap. 13. scribit, senectam  
Epicuri male audire quidem & infamem esse, sed flagi-  
tiorum, ut vulgo habeatur, magistram non esse. Imo  
paullo ante sic dixerat: Mea quidem ista sententia  
est (invitis hoc nostris popularibus dicam) sancta Epicu-  
rum & recta præcipere, & si propius accesseris, tristitia: vo-  
luptas enim illa ad parvum & exile revocatur, & quam  
nos virtuti legem dicimus, eam ille dicit voluptati. Et cer-  
te admodum præclaræ sunt sententiæ Epicuri,  
quas Seneca epistolis suis passim inserit, cujus-  
modi est illud epist. 2. *Honestas res est lata paupertas,*

Diog.  
Laer. eum  
defendit.

Excusas  
etiam Se-  
neca.

Præclara  
sententia  
Epicuri  
apud Se-  
necam.

Conti-  
nentia  
vita ejus.

& ep. 4. Magna divitia sunt lege natura composita, pass-  
pertas. Rursus ep. 7. Epicurus cum uni ex consortibus  
studiorum suorum scriberet: Hac, inquit, ego non multis,  
sed tibi: satis enim magnum alter alteri theatrum sumus.  
Maxime autem egi egiū illud ep. 11. Aliquis vir  
bonus nobis eligendus est ac semper ante oculos habendus,  
ut sic tanquam illo spectante vivamus, & omnia tan-  
quam i<sup>o</sup> videntefaciamus. Et epist. 17. Multis parasse  
divitias non finis miser arum fuit, sed mutatio. Item  
epist.: 8. Immodica ira gignit insaniam. Et epist. 19.  
Ante circumspiciendum est cum quibus edas & bibas  
quam quid edas aut bibas. Et epistola 21. Si vis Pytho-  
clea divitem facere non pecunia adijciendum, sed cupidita-  
tibus detrahendum est. Sed quid opus est plura  
coacervare, cum nulla pæne sit inter divinas il-  
las epistolas, quin eam auctor aureo aliquo ejus-  
modi dicto claudat, idque ex Epicuro fere sem-  
per depromat? Denique & hoc constat. non tan-  
tum Diogenem, qui ex professo Epicurum pro-  
pugnat, multa de continentia vita ejus magnifi-  
cè prædicare, sed etiam Ciceronem 2. de finib. ubi  
acriter ipsum oppugnat, de vita ejus id conce-  
dere, ita Epicurum & Epicureos vivere, ut eo-  
rum vita refellatur oratio, atq; ut ceteri, inquit, exi-  
stimantur dicere quam facere melius, sic Epicurus videtur  
melius facere quam sentire. Idque est quod C. Cas-  
sius Epicureus Ciceroni persuadere cupit lib. 10.  
epist. 32. edit. Siber. Ipse Epicurus, inquit, a quo omnes  
Cati & Amafinii mali verborum interpretes profiscun-  
tur, dicit, οὐκ ἔστιν ἀνὴρ ὃ καλῶς καὶ δικαίως ζῆν. Itaque  
& Pansa qui ἰδὼν λέγειν, virtutem retinet, & ii quæ  
a nobis φιληδονοὶ vocantur, sunt φιλέκαλοι καὶ φιλοδι-  
κατοι

καὶ οἱ omnesq; virtutes & colunt & retinent. Hæc itaq; sic se habent: unde equidem eo adducor, ut credam Epicurum & ipsius sectatores sibi ipsis non constare, quin autem pernicioſa & absurda sit illa sententia ut ab Epicuro proponitur, inde, ut puto, non efficitur. Id ut ostendam res paulo altius est exordienda.

Et principio quidem si vita Epicuri & Epicureorum incontinens usque adeo non fuit, vix ramen video quæ ea sani quid habere potuit, cum providentiam divinam & animi immortalitatem inficiati sint; quæ opinio tam portentosa omnem rationem recte vivendi sine ullo dubito tollit, ut præclare scripsit contra Coloten Plutarchus. Recte ille: πόλοις ἄνμοι, inquit, δοκῇ μάλλον ἑδάφης χω-  
 εις, ἢ πολιτεία τῷ περὶ θεῶν δόξης ἀναιρεθείσης πάντας αἰσιν οὐσαὶν λαβεῖν ἢ λαβῶσα τηρῆσαι. *Mihi urbs videtur citius sine solo, quam respub. sine opinione de Diis aut constitui, aut constituta servari.* Vnde religionem ibidem appellat *συνειλικὸν ἀπάσης κοι. οὐίας καὶ νομοθεσίας ἐρεῖσμα*, *vinculum omnis societatis & legum propugnaculum.* Idem inculcat Epictetus apud Arianum lib. 1. cap. 12. *De Diis sunt qui dicunt non esse numen, alii esse quidem, sed ignavum & negligens, nulli; providere: tertii & esse & providere, sed magnis & celestibus, terrenorum autem nulli: quarti etiam terrestribus & celestibus, sed in commune duntaxat, non autem unicuique privatim: quinti, quorum fuere & Ulysses & Soerates qui asserunt, se clam Deo ne moveri quidem posse.* Itaque ante omnia necessarium est probe meditata habere hæc singula recte ne hæc dicantur? nam si Dii non sunt finis esse qui potest, Deum sequi? *fin cum sint, nullius rei cau-*

V.  
*Recte sentire de vita non potest quia providentiam negat.*  
*Plutarch.*

*Epictetus,*

*Am-  
brosius.*

rei curam gerunt, etiam sic quomodo rectum illud erit. Quod si & sunt & curant, neque quicquam tamen hominibus atque adeo mihi imperiunt, quo pacto jam vel sic aliquid sanum erit? Et ex nostris S. A. ubioli 1. officior. cap. 26. Nihil inquit, est magis quo homo ceteris animantibus præstet, quam quod rationis est particeps, causas rerum requirit, generis sui autorem investigandum putat, in cuius potestate vita necisque nostra potestas sit, qui mundum hunc suo nutu regat, cui sciamus rationem reddendam nostrorum actuum. Nihil est enim quod magis proficiat ad vitam honestam, quam ut credamus eum iudicem futurum, quem & occulta non fallant & indecora offendant & honesta delectent.

*VI.  
Item quia  
negat ani-  
ma im-  
mortalita-  
tem  
Plato.*

*Cicero.*

Idem de animi immortalitate docet Plato in Phædone. Verba sunt: Hoc autem, o viri, iustum est cogitare, si anima sit immortalis, eam non solum temporis huius, in quo vivere dicimur, verum etiam universi gratia curatione plurimum indigere: nam grave periculum fore putandum est, si quis neglexerit animam: si enim mors totius dissolutio esset, nimirum improbi lucrarentur, cum & à corpore & à sua pravitate cum anima liberarentur. Nunc autem cum animam immortalem esse appareat, nulla superest malorum alia declinatio, nulla salus, nisi ut optima & prudentissima fiat. Quo pertinet etiam quæ Cato apud Ciceronem de senectute disserit: Nemo, ait, unquam mihi, Scipio, persuadebit aut patrem tuum Paulum & Africanum, aut Africani patrem aut patrum, aut multos præstantes viros, quos enumerare necesse non est, tanta esse conatos, quæ ad posteritatis memoriam pertinerent, nisi animo cernerent posteritatem ad se pervenire posse. An censes, ut de me ipso aliquid more senum glorior, me tantos labores, diurnos nocturnosque domi mili-  
tieque,



tiæque, suscepturum fuisse, si iisdem finibus, gloriam meam quibus vitam esset terminaturus. Nonne melius mulco fuisset otiosam ætatem & quietam sine ullo labore & contentione traducere? Sed nescio quomodo animus erigens se, posteritati semper ita prospiciat, quasi cum excessisset vitam denique vuturus esset.

Deinde ut hæc omnia aliter se haberent, id manifestum est, Epicurum, Metrodotum, quique cum his faciunt eadem semper non dicere, nec sibi ipsis constare. Docet hoc egregie Cic. <sup>VII. Epicurus sibi non constat. Cicero.</sup> Tuic. At ultra præclare sæpe dicit, ait de Epicuro, sed quam sibi constanter convenienterque dicat non laborat. Laudat tenuem victum. Philosophi id quidem, sed si Socrates aut Antisthenes diceret, non is, qui finem bonorum voluptatem esse dixerit. Negat quenquam jucunde posse vivere, nisi idem honeste, sapienter, iusteque vivat. Nihil gravius, nihil Philosophia dignius, nisi idem hoc ipsum, honeste, sapienter, iuste ad voluptatem referret. Quid melius, quam fortunam exiguam, in te venire sapienti? Sed hoc isne dicit, qui, cum dolorem non modo maximum malum, sed solum malum etiam dixerit, toto corpore opprimi possit doloribus acerrimis, tum cum maxime contra fortunam gloriatur? Quod idem melioribus etiam verbis Metrodorus. Occupavi, inquit, te fortuna, utque cepi, omnesque aditus tuos interclusi, ut ad me aspirare non posses. Præclare si Aristoteles Chius aut si Stoicus Zeno diceret, qui nisi quod turpe esset, nihil malum diceret. Tu vero Metrodore, qui omne bonum visceribus, medullisque condidisti, & definiens summum bonum summa corporis affectione explorataque spe contineri fortuna aditus interclusisti? quomodo? isto enim bono jam expoliari potes. Atque his capiuntur imperiti: & propter huiusmodi sententias istorum homi-

*hominum est multitudo. Acute disputantis illud est, non quid quisque dicat, sed quid cuique dicendum sit videre.*

VIII.  
Non lo-  
quitur  
tantum  
de volu-  
ptate ani-  
mi sed et-  
iam cor-  
poris.

Tertio potest id ostendi facile Epicurum non de voluptate animi tantum, sed etiam corporis, & potissimum de hac locutum esse; aut enim plerique scriptores mala fide agunt, cum sententiam ejus exponunt, aut ita res habet; si enim negabat ullam gaudium esse posse quod non referatur ad corpus, Cic. 2. de fin. Plutarch. lib. cap. si sine voluptate corporis nescire se agebat quid bonum esset: si item omnes artes & disciplinas propter eam voluptatem tantum inventas esse dicebat Metrodorus, si denique ipsam voluptatem dicebant nihil esse aliud quam optimam corporis constitutionem, & spem certam eam fore perpetuam, ut Cic. & Plutarch. l. c. & Clemens Alexand. l. 2. Stromatum testantur, vel esse sublationem omnis eius quod dolorificum esse potest, ut est apud Agellium l. 2. noct. Att. cap. 6. & 9. nescio profecto quid aliud quam voluptatem corporis intellexerint.

IX.  
Sententia  
ejus vita  
est pernicio-  
sa.

Vnde quarto efficitur, sententiam Epicuri vitæ mortalium admodum perniciosam esse. Præclare admodum hoc olim docebat Archytas Tarentinus Pythagoreus, ut testis est Cic. in Catone Majore. Nullam capitaliorem pestem (verba sunt Ciceronis) quam corporis voluptatem hominibus dicebat à natura datam, cuius voluptatis avidæ libidines temere & effrenatè ad potiundum incitarentur: hinc patriæ proditiones, hinc rerump. everSIONES, hinc cum hostibus clandestina colloquia nasci dicebat: nullum denique scelus, nullum magnum facinus esse ad quod suscipiendum non libido voluptatis impelleret. Stupra vero & adulteria & omni

omne tale flagitium, nullis aliis illecebris excitari nisi voluptate: cumque homini siue natura siue quis Deus nihil mente prestabilius dedisset, huic divino muneri ac dono nihil tam esse inimicum, quam voluptatem: nec enim libidine dominante locum temperantia esse, nec omnino in voluptatis regno virtutem posse consistere. Quod quo magis posset intelligi, fingere animo aliquem iubebat, tanta incitatum voluptate corporis, quanta percipi posset maxima: nemini censebat fore dubium, quin tamdiu dum ita gauderet nihil agitare mente, nihil ratione, nihil cogitatione consequi posset. Quocirca nihil tam detestabile tamque pestiferum quam voluptatem, siquidem ea cum maior esset atque longior, omne animi lumen exstingueret. Et hinc est quod Manius Curius & Titius Coruncanus, sicut idem Cicero paulo post refert, optare solebant, ut illud, omnia ad voluptatem referenda esse, Samnitibus ipsique Pyrrho persuaderetur, quo facilius vinci possent cum se voluptatibus dedissent.

Quinto commendatio illa voluptatis per se *absurda* absurda est: nemo enim, inquit Seneca ep. 36. discit, *item est.* ut si necesse fuerit a quo animo in rosa jaceat, sed in hoc duratur, ut tormentis non submittat fidem, ut necesse fuerit stare, aliquando etiam saucius, pro vallo pervigilet & ne pilo quidem incumbat, quia solet obrepere somnus in aliquod adminiculum reclinatis. Quod si itaq; illud optimum dicitur quod maxime volupe est, frustra de recta institutione laboratur: ipsa enim voluptas sibi magistra fuerit. Sed hoc nemo ingenuus siue rubore asserat; natura enim nobis hanc verecundiam dedit, ut erubescamus, si quidquam tam turpe ausimus dicere: & is motus, inquit Epictetus in sententiis, mihi obstat, quo minus voluptatem bonum

*bonum & finem vite statuam : quem quidem qui exiit , ejus jam oratio non amplius à Philosopho aliquo sed à cenfore opprimenda , ut loquitur Cicero 2. de finibus. Vnde Cajus Fabritius mirari solebat, quod audivisset à Thessalo Cineas, cum apud regem Pyrrhum legatus esset, Athenis quendam esse, qui se sapientem profiteretur, & diceret omnia quæ faceremus ad voluptatem esse referenda, ut rursus festatur Cicero in Cat. majore. Nec sine causa factum absque dubio est, quod olim Schola Epicureorum, non tantum publico decreto Messana urbe & Creta insula, sed etiam S. C. Roma ejecta est, ut narrat Suidas in voce Epicurus. Et profecto nemo nostrorum est, qui sine detestatione vel meminisse possit epitaphii Sardanapali, ultimi regis Assyriorum, quod ille plane ex sententia Epicuri jam tum concepisse viderit :*

*Sardana  
pali Epi-  
taphium.*

*Cum te mortalem noris, præsentibus exple  
Deliciis animum, post mortem hac nullus usus :  
Ipse Num quondam magna rex, nunc cinis hic sum :  
Hæc habeo quæ cæci, quæq; exsaturata libido  
Hæusit, at illæ jacent multa & præclara relicta.  
Mortales sapientis præceptum hoc discite vite.*

*Aristot.*

*Quid aliud, inquit Aristoteles, bovis non regis sepulchro inscriberes ? Vnde etiam nemo vere veterum est, quin vocem istam tanquam inter homines alias inauditam annotari non tantum enim eam Cicero refert 5. Tuscul. & 2. de finibus, sed Diodorus Siculus lib. 2. cap. 23. Athenæus lib. 8. cap. 4. & lib. 12. c. 12. Strabo lib. 54. Dion. Chrysostomus lib. 4. de regno, Suidas, in v. ὀχέως & Σαρδὰ*

Σαρδανάπαλος, Clem. Alexandrinus lib. 2. Stromatum. Nec simile quid in historiis, quod sciam, extat, nisi quod avorū memoria Fridericus quidam Cilix in Siria Comes Sardanapali exemplum imitatus est, de quo ita Æneas Sylvius ad Panorm. de dict. & fact. Alphonsi lib. 1. c. 19. Friderico Cilix Comiti, qui ob amorem concubina uxorem interfecit, atque dehinc inter scorta vitam turpissimam agens abhinc anno proximo vita decessit, ait ex amicissimis annum supra nonagesimum agis, nec minus voluptati servi, quam si sis adolescens: age jam demum te moriturum scito, atq; de sepulcro cogita: cui Fridericus, istuc, inquit, ago: nam sepulchrali marmori hoc epigramma insculpendum statui: Hac mihi porta est ad inferos. Quid illic reperiam nescio: scio qua reliqui. Abundavi bonis omnibus ex quibus nihil fero mecum, nec quod bibi atq; edi, quodq; exhausta voluptas exhaustis. Sed hoc obiter.

*Simile  
Friderici  
Comitis  
Cilix.*

Postremò ridiculus etiam est Epicurus cum suis, quando summum bonum vocant; si corpus benè constitutum sit & exploratum: quis habeat ita futurum: an enim id exploratum cuiquam esse potest, quomodo sit habiturum illud, non dico ad annum, sed ad vesperam? inquit Cicero. Profectò nulli mortaliū id quidem contingere potest.

*X.  
Opinio E-  
picureo-  
rum et-  
iam ridi-  
cula.*

## CAPVT V.

Ostenditur Summum Bonum non esse positum in divitiis.

## SUMMARI A.

- 1 Ratio ordinis.
- 2 Divitia naturales & artificiales.

E

3 In neu-

3 In neutris S.B. esse situm.

4 Omnes servire corpori, non animo.

5 Etiam in magnis divitiis posse quem miserum esse.

6 Divitiæ sunt instrumenta tantum vitæ.

7 Non sunt ditissimi semper optimi in civitate.

8 Id exemplis declaratur.

9 Divitiæ plerumque cum aliò um injuriâ parantur,  
& earum nimius amor remp. perdit.

10 Quantum iis hodie tribuatur &amp; quam male.

I.  
Ratio or-  
dinis.

Seneca.

**E**Xplosumus muliebrem illam atque enervatam prorsus sententiam, quæ maximam miseriam facit dolorem; summum autem bonum voluptatem, & eam quidem, cujus peripheria & centrum, dicente Plutarcho. contra Colot. *abdomen est.* Habeant sibi hoc bonum, quorum corpora in sanguina animi in macie & veterno sunt, ut Seneca loquitur epist. 88. Et quibus in solo vivendi causa palato est. Commendent enim id, ut poterunt; nunquam efficient, ut hic hominis finis sit, aut tale quidquam in ea quidam re cum virtute copuletur. Altum quiddam inquit rursus Seneca de vit. beat. cap. 7. *est virtus, excelsum, regale, invictum, insatigabile: voluptas humile, servile, imbecillum, caducum, cujus statio ac domicilia fornicee popinaeque sunt. Virtutem in templo invenies, in foro, in curia, pro muris stantem, pulverulentam, coloratam, callosas habentem manus, voluptatem latitantem sapius ac tenebras captantem, circa balnea ac sudatoria ac loca adilem metuentia mollem, enervem, mero atq; unguento madentem, pallidam, fucatam & medicamentis pollinctam.* Hæc ille. Nos relictis nunc illis ad homines elegantes transimus, & rebus gerendis deditos. Hi autem etsi cum

# S. BONVM SINT DIVITIÆ. 31

cum illis, qui summum bonum in voluptate collocant, conferri non debent, ipsi tamen etiam errant, si vel ad honores tantum, vel ad divitias & rem faciendam omnia studia referant, De his ergo deinceps agendum nobis erit & primò de divitiis.

Sunt autem divitiæ omnes in duplici differentia, ut docet Aristot. i. Politic. c. 6. naturales & artificiales. *Naturales* sunt ex quibus primò succurritur indigentiae humanae, ut est cibus, potus, vestitus; habitaculum, & si quid his est simile, quod per se ad corpus aut alendum, aut regendum facit. *Naturales* dicuntur, quia ipsa natura non alia parare docet:

II.

*Divitia  
naturales.*

---- Sape exiguis mus

Sub terris posuitque domos, atque horrea fecit,

Aut oculis capti fodere cubilia talpa.

*Artificiales* sunt, quæ non primò sed secundario vitam juvant, eatenus scilicet quatenus earum beneficio naturales illæ comparantur, ut sunt numi: primo enim his vita non sustentatur, cum nec aliis corpus possit, nec ab injuria cæli defendi: ita tamen nobis inserviunt, ut permutare iis liceat quæ corpori primo sunt necessaria.

*Alia artificiales.*

III.

In neutro autem divitiarum genere summum bonum situm esse potest. Non in artificiali: id enim nulli rei est, nisi ad naturales illas semper referatur. Naturalium autem quidquid & quantum est omne propter hominem est, & tamquam ad vitam ejus sustentandam à natura factum instrumentum: edit enim homo, bibit,

*In neutro  
situm est bonum.*

*Opes sunt  
propter  
hominem,  
homo pro-  
pter felici-  
tatem.*

vestitur, ut vivat, non vivit ut edat, bibat, vestia-  
tur. At summum bonum & felicitas hominis  
non est propter hominem, sed homo propter i-  
sam, nec instrumentum vitæ est sed finis. Cum  
itaque in universum hæc sit ratio divitiarum, ut  
numus quidem, & quicquid ei est simile, sit cibo  
& potui parando, hæc verò vitæ conservandæ,  
vita autem rursus sit propter felicitatem vitæ  
consequendam, nulla ratione ipsa felicitas in di-  
vitiis consistere potest.

*IV.  
Tantum  
corpori in-  
serviunt  
non ani-  
mo.*

Deinde omnes divitiæ inserviunt corpori sive  
primariò sive secundariò: animo non nisi per ac-  
cidens. At anima pars nobilior est hominis quam  
corpus. Quare non in divitiis sed in ejusmodi a-  
liqua re felicitas sita sit necesse est, quæ tanto sit  
illis excellentior, quanto animus ipse præstat  
corpori. Vnde præclare dicit Boethius libr. 2. de  
consol. Philosoph. prof. 5. Deo injuriat eos fa-  
cere & rerum naturam evertere qui felicitatem  
nostram divitiis terminant. Alia quidem, inquit,  
suis contenti sunt nos Deo mente similes, ab rebus infirmis  
excellenti natura ornamenta captamus, nec intelligimus  
quantum conditori nostro faciamus iniuriam. Ille genus  
humanum terrenis omnibus præstare voluit, nos dignita-  
tem nostram infra infima quæque detrudimus: nam si omne  
cuiusque bonum eo cuius est, constat esse pretiosius cum vi-  
lissima rerum nostra bona esse iudicamus, eisdem nosmet-  
ipsos nostra æstimatione submittimus.

*V.  
Etiam in  
magnis  
divitiis  
potest.*

Tertiò non potest in eo sita esse vitæ felicitas,  
quo si abundes nihilominus miserimus esse  
queas. Tales autem sunt divitiæ:

*Non sit thesauris non auro pectus, solutum.*

*Non*



Non animis demunt curas, non religiones,

Persarum montes aut atria diviti Crassi,

inquit Varro. Et suspirat ille in convivio, ait S. Cy-  
prianus lib. 2. epist. 1. bibat licet gemma, & cum epulis  
maius corpus & thorax mollior in sinu condiderit, vigilat  
in pluma. Nec intelligit miser speciosa esse sibi supplicia,  
auro se alligatum teneri & possideri magis quam possidere  
divitias. Quin si non de naturalibus sed artificiali-  
bus divitiis loquamur, fieri potest, ut quis im-  
mensas opes possideat. & fame interim pereat,  
sicut de Mida narrant fabulæ, cui propter stul-  
tum votum omnia quæ attingeret, in aurum  
commutabantur, ut refert Arist. 1. Polit. cap. 6. Et  
si plerumque etiam illud, quod qui nimia co-  
pia indigentiam fugare quærunt, id iis in contra-  
rium cedat: pluribus quippe ad minimis opus est ad tuen-  
dam pretiosæ suppellectilis varietatem, verumq; illud est,  
per multis indigere eos, qui per multa possideant, ut ite-  
rum Boethius ait.

quis esse  
miser.

Varro.

S. Cy-

pria.

Quarto quod finis rei est, id in infinitum ex-  
petitur, sicut medicina quantum potest fieri sani-  
tatem procurat, & semper id facere studet, ut di-  
cit Aristot. loco cit. Estque eadem ratio cætera-  
rum artium omnium. At opes in infinitum para-  
re aut expetere absurdum est: instrumenta e-  
nim vitæ sunt. Nullius autem artis instrumen-  
tum aut multitudine aut magnitudine infini-  
tum est, ut iterum præclare docet Aristot. cap. 5.  
Imò si aut infinita sit magnitudo instrumento-  
rum aut infinita etiam eorum copia, inutilia  
planè evadunt, ut in omnibus artibus id mani-  
festum est.

VI.

Divitia

sunt in-

strumen-

ta vitæ

tantum.

E 3

Quin-

## VII.

*Non sunt  
ditissimi  
semper o-  
ptimi in  
republ.*

*Aristides.*

*Epami-  
nondas.*

Quinto si summum bonum vitæ positum sit in opibus ; jam ut præclarissimus quisque foret in repub. ita idem ditissimus esset: sed non Aristides, non Epaminondas, non Lycurgus, quod divites essent & servos haberent ; alius justus, alius Deus, alius servator est appellatus, ait Epictetus, sed quod quamvis pauperes servitute Græciam liberassent. Et sanè Aristides licet præfuerit communi totius Græciæ ærario, quod in Delo asservabatur, in tanta tamen paupertate decessit, ut quibus efferretur vix reliquerit, & filiarum ejus ex publico illo ærario alimentâ & dotem acceperint, ut Cornel. Nepos in vita ejus refert. Epaminondas autem Thebanorum dux tantus, ut neque ante eum Thebani ullum memorabile bellum gesserint, nec post eum virtutibus sed cladibus insignes fuerint, & quo ablato vires ejus reipubl. ita hebetata sunt, ut Thebani non tam eum amisisse quàm cum illo omnes interuisse viderentur, & patriæ gloria & nata & extincta cum eo esset, ut hæc omnia narrat Iustinus histor. li. 6. tanta abstinentia fuit, ut in suppellectili ejus præter alienum & verum unicum nihil inveniretur, sicut dicit Iulius Frontinus stratag. l. 4. c. 3. & sumptus funeri deessent, sicut rursus Iustinus testatur.

## VIII.

*Valer.  
Publico-  
la.*

*Menenius  
Agrippa.  
M. Atil.  
Regulus.*

Nec ditiores apud Romanos extitere Val. Publicola, Iunii Bruti in asserenda & vindicanda patriæ libertate collega, ut est apud Livium lib. 2. capit. 16. & Dionysium Halicarnass. libr. 5. cap. 47. aut Menenius Agrippa, qui plebem cum in montem sacrum secessisset, cum patriciis in gratiam reduxit, aut M. Atilius Regulus, qui cum in Africa bellum gereret, & non haberet quempiam qui rus ejus coleret, à senatu impe-  
travit,

travit, ut publice curaretur, aut Scipio Africanus, cujus filia ex æratio donata sunt, sive ille Cn. Scipio fuit, qui res in Hispania præclare gessit, ut vult Frontinus, aut denique L. Mummius, qui devicta Corintho totam Italiam tabulis & stucis exornavit. Vide Senecam consol. ad Helviam cap. 12. & Frontinum loco cit. Vnde rectè Cicero in quadam Corneliiana, ut ipse refert in oratore: *Non me, inquit, divitiæ movent, quibus omnes Africanos multi venalitarii mercatoresque superant, neque vestes aut calatum aurum & argentum, quo nostros veteres Marcellos, Maximosque multi exnuchi è Syria Ægyptoque vicerunt. Neque verò movent me ornamenta ista villarum, quibus L. Paullum & Mummiunt, qui rebus his urbem Italiamque omnem referere, ab aliquo video perfacile Deliaco aut Syro potuisse superari.*

Postremo divitiæ plerunque cum aliorum injuria parantur, præsertim si magnæ sint. Ab injuriis autem seditiones & omnia in republ. mala proficiscuntur. At nihil horum summo bono & felicitati competit: imò hæc cum ea adversis frontibus pugnant. Vnde Cicero primo de offic. *Qui summum bonum sic instituit, ut nihil habeat cum virtute conjunctum, idque suis commodis non honestate metitur, hic si sibi ipsi consentiat, & non interdum natura bonitate vincatur, fit, ut neque amicitiam colere possit, nec justitiam nec liberalitatem. Nisi itaque illos optimos judicamus, quia injustissimi, quia avarissimi sunt, & eam rempublic. florere censemus, ubi injuriæ & seditiones dominantur, nec in divitiis congregendis summum bonum situm*

IX.  
Divitiæ  
plerumque  
cum alio-  
rum in-  
juria pa-  
rantur.

*Exan-  
nimis a-  
mor temp.  
perdit.*

esse dicemus, sed contrà potius, eas demum re-  
spubl. interitui proximas esse, ubi is optimus cen-  
setur, qui ditissimus est: quin eas, quæ aliàs inex-  
pugnabiles essent, sola ista re superatas esse &  
deletas, juxta illud:

*Ἡ φιλοχρηματία Σπάρταν ἔλοι, ἄλλο δὲ ὕδεν.*

*X.  
Quamvis  
hodie iis  
tribuan-  
tur.*

Ex his igitur liquidò constat in opibus felicita-  
tem non esse positam. Vtinam verò quam facilè  
& evidenter id demonstrari potest, ita hodie o-  
mnibus, præsertim primis in republ. unde cæte-  
ri exempla capiunt, persuasum esset! Vtinam co-  
gitemus non tantum Græcos & Romanos, sed  
resp. in universum omnes tandiu prospera for-  
tuna usas esse, quandiu divitias contempserunt,  
cecidisse autem cum contrà fieret! Vtinam qui  
Christiani sumus vel ethnicis hic deteriores ho-  
die non simus, & ex scripturis saltem, quæ nus-  
quam non ab amore divitiarum absterrent, me-  
liora tandem discamus! Si dives fueris non eris im-  
munis à peccato. Ecl. 10. 11. Amen dico vobis, dives diffi-  
cultius introibit in regnum cælorum. Et rursum dico vobis,  
facilius est camelum per foramen acus transire quam divi-  
tem in regnum Dei introire. Matt. 19. 23. & 24. *Va vobis*  
*divitibus.* Luc. 6. 24. *Qui volunt ditescere incidunt in*  
*tentationem & laqueum & cupiditates multas amentes,*  
*& damnosæ, quæ demergunt hominem in exitium &*  
*perniciem.* 1. ad Tim. cap. 6. Hæc & infinita in i-  
stum sensum alia S. literæ ingeminant passim:  
sed frustra,

*Nam ferior ignibus Aetnae  
Fervens amor ardet habendi  
Ne quis primus fuit ille.*

*Auri*

Auri qui pondera telli  
 Gemmasque latere volentes  
 Pretiosa pericula fodit!

Sed ita nunc fit, postquam litteras illas, quæ rectiora doceant, tractare desimus. Ad mercedem pi sumus, ad mercedem impii. Honestam quamdiu aliqua illis spes inest sequimur, in contrarium transaturi, si plus scelerata promittant. Admirationem nobis patientes auri argentique fecerunt, & teneris infusa cupiditas altius sedit, crevitque nobiscum. Deinde totus populus in alia discors, in hoc conrenit: hoc suspiciunt, hoc suis optant. Denique eò mores redacti sunt, ut paupertas maledicto probroque sit, contempta divitibus, invisa pauperibus, sicut jam olim Seneca conquestus est epist. 115.

Demonstratur neque in honore, seu  
 civili potentia & nobilitate,  
 vitæ felicitatem rectæ  
 collocari.

## SUMMARIÆ.

- 1 Quanta sit cupiditas honorum, & quod honor triplex sit.
- 2 Felicitatem in eo non esse sitam, quia in potestate nostra non est.
- 3 Nec stabilis.
- 4 Et expetitur propter opinionem virtutis.

- 5 Cur in pretio sit nobilitas sanguinis,
- 6 Nobilitas virtutem non largitur.
- 7 Est bonum alienum.
- 8 Virtus aequè ignobilibus ac nobilibus patet.
- 9 Nobilitas virtutis claritati sanguinis preferenda.
- 10 Id vel Turcas facere.
- 11 Quanta sit cupidi ac civilis potentia.
- 12 Cum tamen nec corporis ullam molestiam levet.
- 13 Sed curas & miseriam augeat.
- 14 Quanta mala contineant magna dignitates.
- 15 Sitis earum inexplebilis.
- 16 Inconstantia earum.
- 17 Quodque etiam pessimis contingant.
- 18 Gloria & nominis celebritas.
- 19 Vanitas eius.

**I** CUPIDITAS **Q**UEM AD MODUM opum splendor animos  
*Cupiditas bonorum.* hominum dementat, ita & magis etiam  
 tranſverſum eoſ rapit honor ac gloria, ut ſæpè  
 quoque qui illas contemnere poſſunt, horum  
 cupidini ſuccumbant. Hoc unum eſt, ait Boethius  
 libr. 2. proſa 7. quod præſtantes quidem naturâ men-  
 tes, ſed nondum ad extremam manum virtutum perfecti-  
 one perductas allicere poſſit. Quare nunc id por-  
 ro demonſtrandum eſt, nec in honore felicitatem  
 collocari poſſe. Vbi ſciendum eſt honorem  
 præcipuè duplicem eſſe, alium qui ob maiorum  
 virtutem deferretur, alium qui propter virtutem  
 propriam. Honor qui à maioribus oritur no-  
 bilitas vocatur: nobilitas enim dignitas quadam maio-  
 rum eſt, ut ait Ariſtoteſ. 2. rhet. cap. 15. unde et-  
 iam in Græcis dicitur: Boethius libro 3. de  
 conſol.

*Honor  
 triplex.*

consol. Philosoph. prof. 6. vocat laudem quandam de meritis parentum venientem. Qui autem propter propriam virtutem obtingit, vel indignitate & potentia civili, vel in nominis & fama extensione maximè consistit.

Cæterum nec in antiqua nobilitate, nec in civili potentia & dignitate felicitatem vitæ esse facile ostenditur. Primo enim neuter honor in nostra potestate est sed fortunæ. Quod de nobilitate per se manifestum est: nec enim ex quibus nascaris tui arbitrii est, sed fortunæ. Idem autem etiam de cæteris dignitatibus valet, quæ similiter non sunt in eorum facultate quibus conferuntur, sed in eorum qui conferunt: unde Aristotel. dicit 1. ethic. cap. 5. *honorem non honorati, sed honorantis esse.* Et nihil est frequentius, quum ut alii honorem mereantur, alii consequantur. At felicitas debet in nostra potestate esse, ut adipisci nobis eam, si velimus, liceat: nam frustra alioqui ejus appetitus naturæ insitus sit.

Deinde felicitatem oportet stabile quippiam esse: honore autem ecquid est mutabilius? In Mariana clade; ait Seneca epist. 47. *quam multos splendidissimè natos, senatorium per militiam auspiciis gradum fortuna depressit; alium ex illis pastorem, alium custodem case fecit.* Et de ipso Mario idem lib. 3. de ira, cap. 18. *C. Mario, cui vicatim populus statuas posuerat, cui ture & vino Romanus populus supplicabas, L. Sylla perfringit crura, erui oculos, amputari manus jussit, & quasi totiens occideret, quotiens vulnerabat, paulatim & per singulos artus laceravit.* Porro quæ nobi-

II.

*Felicitas in honore non essetiam.*

*Nec enim in nostra potestate est.*

III.

*Non est stabilis Seneca.*

*Nec regius quidam.*

nobilitas aut dignitas est. major quàm regum aut  
imperatorum, præsertim per multa secula con-  
tinuâ serie ad posteros transmissa: nec ipsa ta-  
men fortunæ ludibrium semper effugere po-  
test.

*Priami  
fatum.*

*Incolumi Trojâ Priamus venisset ad umbras  
Assarici, magnis sol in nubibus, Hectore funus  
Portante. & reliquis fratrum cervicibus inter  
Iliadum lacrimas: & primos atthere planctus  
Cassandra inciperet, scissaque Polyxena palla,  
Si foret extinctus diverso tempore quo non  
Cæperat audaces Paris adificare carinas.  
Longa dies igitur quod contulit, omnia vidit  
Eversa, & flammis Asiam ferroque cadentem.  
Tunc miles tremulus posita tulit arma trarâ,  
Et ruit ante aram summi Iovis ut vetulus bos,  
Quis domini cultris tenue & miserabile collum  
Præbet, ab ingrato jam fastiditus aratro,*

ut hoc, & in eam sententiam plura, admodum  
præclare Invenalis cecinit satyra 10. Et quæ sunt  
alia ferè tragœdiarum apud veteres tam Græ-  
cos, quàm Latinos argumenta? ut putidum fo-  
re videatur, si plura ejus rei exempla coacer-  
vemus, cum passim illic sint obvia. Vnum ex  
recentibus addemustantum. Ecquid in orien-

*Posteri  
Palaolo-  
gorum  
Impp.  
Constanti-  
nopolita-  
norum  
quo loco  
nunc sunt.*

te nobilius fuit Byzantinorum imperatorum,  
& Bulgaricorum despotarum ac satraparum fa-  
miliis? Quo loco autem illorum posteri sint  
nunc sub Turcico dominatu ex Busbequii e-  
pist. i. cognoscere. Posthac, inquit, pluribus diebus  
fecimus iter per amœnas & non infrugiferas Bulgaro-  
rum convallas; quo serè tempore pane usi sumus subcine-

ricio:



ricio : fugacius vocant. Eum puellæ mulieresque ven-  
 dunt : neque enim sunt in ea regione pistores. Illæ ubi  
 hospites advenisse sentiunt, unde lucelli quid sperent, sub-  
 ditum subito cum aqua sine fermento sar nam calidis ci-  
 nibus subjiciunt, atque ita ferventes et iuvum à foco  
 panes parvo pretio venales circumferunt. Et paucis  
 interjectis : Non est pratermittendus illarum mulie-  
 rum ornatus. Ferè solis indusis sive interulis vestiun-  
 tur : calineæ sunt, si hoc haud subtiliore, quàm quo apud nos  
 sacitextuntur, sed multiplici acus pictura, variis colo-  
 ribus rudi & ridendo opere elaborata : quo tamen mi-  
 rum in modum sibi placent. Cumque plura de  
 risiculoriarum ornatu adjecisset, subnectit ista :  
 Hic mihi in mentem venit, quam levis & infirma res  
 sit, quæ vulgo perhibetur nobilitas : nam cum de puel-  
 lis quibusdam, quæ liberaliore erant forma, scire vel-  
 lem, num quo essent genere, audiebam eas à summis eius  
 gentis satrapis originem ducere, aut etiam regium esse  
 genu, iam bubulco aut opitioni desponsas. Sic in re-  
 gno Turcarum iacet nobilitas. Vidi enim postea aliis  
 locis Cantacuzenorum & Palaologorum imperatorum  
 generis reliquias contemptius inter Turcas degenti, quàm  
 vixit Dionysius Corinthi. Ita ille : Quæ si Principes  
 Christiani hodiè cogitent, nec discordias ipsi  
 inter se foveant tantas, quibus aditum in oc-  
 cidentem nunc, ut Imperatores Constantino-  
 politani ante unum & alterum seculum in suas  
 ditiones, Turcæ parent, multò minus ultio  
 hostem barbarum in subsidium vocaturi sint.  
 Futurum etiam sit, ut rectius Respublica ad-  
 ministretur, ne ignavia, injustitia & fastus, quæ  
 illic Imperatores imperio tam florenti, Satrapas  
 magnos

magnos provinciis, & nobilissimos quosque dignitate omni tam nuper exuerunt; nobis etiam exitium extremum breviter adferant: regnum enim de gente in gentem transfertur propter injustitias ac contumelias & diversos dolos. Ecclesiast. 10. 8. Hoc ergo secundum sit argumentum.

IV.  
Honor expetitur  
propter  
virtutis  
opinionem.

Tertio, nemo omnium expetit honorem, aut magni cum facit, nisi propter opinionem virtutis puta, ut quanto dignitate major est ceteris, tanto etiam virtute excellere alios censeatur. At eo ipso ostendunt, virtutem honore potiore esse: qui enim honorem ambit, aut ambitiose jactat, ideo ut virtute præstare videatur, ipse tacite fatetur, virtutem aut certe ejus opinionem ipso honore majus quidquam esse; semper enim id, propter quod alterum expetitur, eo quod propter ipsum expetimus, melius apparet. Ita patet in honore felicitatem non contineri. Sed ut eo evidentius idem adhuc ob oculos ponamus, præsertim cum nullâ in re hoc tempore pænè ereretur magis, sigillatim triplex illud, quod supra fecimus, honorum genus paulò accuratius consideremus. initio à nobilitate facto.

V.  
Cur in  
pretio sit  
nobilitas  
sanguinis.

Et primo quidem quod maximè commendat sanguinis nobilitatem, illud est, quod ex præstantibus orti non corpus tantum, sed animum etiam majoribus similem nacti præsumantur:

*Fortes creantur fortibus & bonis,  
Est in juvenis, est in equis patrum  
Virtus, nec imbellem feroces  
Progenerant aquila columbam,*

ait



*virtutem non largi-  
sunt.* largitur, sed ea non minus à nobile quàm cæteris labore paranda est. *Majores eorum*, ait Marius apud Sallustium bell. Iugurthin. *omnia qualicebat, illis reliquere divitias, imagines, memoriam sui præclaram, virtutem non reliquere: neque poterant: ea sola neque datur dono, neque accipitur.* Vnde Poëta cum supra dixisset, fortes creari fortibus, statim adjicit:

*Doctrina sed vim promovet insitam,  
Rectique cultus pectora roborant:  
Vt cunque de seccre mores  
Dedecorant benè nata culpa.*

*Sed impe-  
ras.* Imò si quid est in nobilitate bonum, ait Boethius lib. 3. de cons. phil. prosa 6. id esse arbitror solum, ut imposita nobilibus necessitudo videatur, ne à majorum virtute degenerent. Vnde præclare idem Marius: *Profectò ita se res habet, majorum gloria posteris lumen est, neque bona, neque mala eorum in occulto patitur.* Et quid verat quo minus etiam Juvenalis latyram VII. hic hic audiamus? quæ idem sic exprimit:

*Si tibi sancta cohors comitum, si nemo tribunal  
Vende acer secomis, si nullum in conjugè crimen,  
Nec per conventus, nec cuncta per oppida curvis  
Vnguibus ire parat numos raptura Celano.  
Tunc licet Pico numeres genus, altaque si te  
Nomina delectent, omnem Titanida pugnam  
Inte maiores ipsumque Promethea ponas,  
De quocunque voles proavum tibi sumito libro,  
Quod si præcipitem rapit ambitus atque libido,  
Si frangis vergas sociorum in sanguine, si te  
Delectant hebetes lasso lictore secures,  
Incipit ipsorum contra te stare parentum*

Nobi-

*Nobilitas, clarâque facem præferre pudendis* VII.

Tertio, nobilitas bonum est non proprium, Est bo-  
ted alienum: nam ut Apuleius ait de Deo Socra- num a-  
tis. si laudis aliquem quia generosus est. parentes ejus lau- lienum.  
das. Vnde & Boethius: quàm sit inane, quàm facile  
nobilitatis nomen quis non videt? quæ si ad claritudinem  
refertur aliena est. Quod si igitur præclarum videtur alio-  
rum virtute lucere, quantò clarius est propria collustrari.  
Quò accedit, quò quò antiquior est prosapia, Prima o-  
cò illustrior censetur, cum tamen antiquissima rigo o-  
ad eandem demum cum cæteris mortalibus minium  
conditionem & ortum deveniat. hominum  
una &  
eadem.

Boeth. lib.  
cit. Met. 6

*Omne hominum genus in terris*

*Simili surgit ab ortu*

*Vnus enim rerum pater est*

*Vnus cuncta ministrat.*

*Ille dedit Phæbo radios,*

*Dedit & cornua Luna:*

*Ille homines etiam terris*

*Dedit, & sidera cælis.*

*Hic clausit membris animos*

*Celsâ sede petitos.*

*Mortaleis igitur cunctos*

*Edit, nobile germen.*

*Quid genus & proavos strepitis?*

*Si primordia vestra*

*Auctoremque Deum spectes,*

*Nullus degener exstat,*

*Ni vitiis pejora fovens*

*Proprium deserat ortum.*

Vnde Plato ait: neminem regem non ex servis esse Plato.

omnium, neminem non servum ex regibus. Omnia ista

F longa

Senec. a-  
pist. 44.

longa varietas miscuit. & sursum deorsum fortuna versa-  
vit. Quis ergo generosus? ait Seneca: Ad virtutem bene-  
à natura compositus. Hoc unum est intuendum: alioquin  
ad vetera recurras, nemo non inde est ante quod nihil est.  
A primo mundi ortu usque in hoc tempus perduxit nos  
splendidis sordidisque alternata series.

VIII.

Virtus a-  
quæ igno-  
bilibus ac  
nobilibus  
patet.

Seneca.

Quartò, Virtus non minus patet humili loco  
natis, quàm nobilibus: quia sicut hos majorum  
splendor interdum ad eam capeffendam excitat,  
ita illis generis obscuritas stimulum addit. Pro-  
clare hoc iterum Seneca: Si quid aliud, inquit, est  
Philosophia boni, hoc est, quod stemma non inspicit: om-  
nes si ad primam originem revocentur, è Diis sunt. E-  
ques Romanus es: & ad hunc ordinem tua te perduxit  
industria. At mehercules multis quatuordecim gradibus  
sunt clausi: non omnes curia admittit. Castra quoque  
quos ad laborem periculum recipiunt fastidiosè legunt. Bo-  
na mens omnibus patet. omnes ad hoc sumus nobiles. Nec  
reijcit quenquam Philosophia, nec eligit: omnibus lucet.  
Patricius Socrates non fuit, Cleanthes aquam traxit  
rigando hortulo locavit manus. Platonem non accepit  
nobilem Philosophia, sed fecit. Quid est, quare desperes  
his te posse fieri parem? Omnes hi maiores tui sunt, si te il-  
lis geris dignum. Idem dicit Valerius Maximus lib.  
3. cap 3. in fine. Non fastidioso aditu virtus excitata, in-  
genia vivida ad se penetrare patitur, neque haustum  
cum aliquo personarum discrimine largum malignumve  
præbet; sed omnibus aqualiter exposita, quid cupidat  
potius, quàm quid dignitatis attuleris, asumat, inque ca-  
ptu bonorum suorum sibi ipsi pondus examinandum re-  
linquit. ut quantum subire animo sustinueris, tantum te  
cum auferas.

Valer.  
Max.

Vnde



distinguitur, honos cuique pro muneris & officii, quod  
 administrat, ratione defertur. Nullum ibi de loco certa-  
 men, muneris genus, quo fungitur, suum cuique locum as-  
 signat. Munera verò & officia princeps ipse distribuit, in  
 quo non divitias, non sumum nobilitatis pendit, non gra-  
 tiam cujusquam aut multitudinis iudicium moratur,  
 sed merita considerat, sed mores ingeniumque atque indo-  
 lem intuetur, ex sua virtute unusquisque ornatur. Ita  
 muneribus qui sunt ad ea obeunda, idonei praeferuntur.  
 Suos ibi quisque natales, suam fortunam, quam fingit  
 pro arbitrio, in manu habet. Qui rerum primas à prin-  
 cipe tenent, ferè sunt pastorum ac bubulcorum filij, de  
 quo tantum abest ut eos pudeat, etiam inter se glorian-  
 tur, eoque plus sibi tribuunt, quò minus majoribus aut  
 natalium fortune debent: neque enim aut nasci, aut  
 propagari, traducere virtutem putant, sed partim à  
 Deo dari, partim bonæ disciplina multoque labore &  
 studio comparari; utque paternam artem nullam,  
 non musicam, non arithmeticam, non geometriam, ne-  
 que virtutem ad filium aut heredem transire, nec ani-  
 mam ex semine paterno suscitari, ut filium patris na-  
 sci similem necesse sit, sed cælitus in corpus infundi cre-  
 dunt. Sic ea in gente dignitates, honores, magistratus,  
 virtutum & meritorum præmia sunt, improbitas, igna-  
 via, inertia, nullo honore pensantur, jacent, contemnunturque.  
 Ergo illi rebus suis florent, dominantur, imperii  
 fines quotidie præferunt. Apud nos alius vivitur mori-  
 bus: virtuti nihil est relictum loci, omnia natalibus de-  
 feruntur, opinione natalium omnes honoris aditus occu-  
 pantur. Hæc Augerius Gislenius, & tantum de  
 nobilitate.



# SIT POTENTIA CIVILIS. 69

Ceterum de *civili potentia* eadem est ratio, et si XII.  
 tanta cupiditate eam homines sæpè ambiunt, ut *Quanta*  
 illi omnia postponent. Refert Aristot. 3. Politic. c. *sic cupidi-*  
 3. illud Iasonis, qui *esurire se dicebat, quàm non imperaret,* *tm civilis*  
 τὴν δὲ μὴ τυχευνοῖ. Et notis sunt ex Phænistis Eu- *potentia.*  
 ripidis versus, quos Julium Cæsarem semper in  
 orle habuisse narrat Cicero lib. 3. de offic. ex eo  
 Suetonius Cæsare c. p. 30.

Ἐπειδὴ δ' ἀδικεῖν χρεὶς, τυχευνοῖς πῖε  
 Καλίσου ἀδικεῖν, τὰλλα δ' εὐσεβεῖν χρεών:  
 Nam si violandum est jus, imperii gratia  
 Violandum est: aliis rebus pietatem colas.

Sed quam necessaria & salutaris generi mortu- XIII.  
 lino est potestas, quâ ad publicum & commune *Necta-*  
 bonum reipubl. Principes & legitimos *men vel*  
 magistratus Deus ipse instruxit, tam cōtra inanis *corporis*  
 & noxia res est ideo cupere imperare, ut imperes *nullam*  
 tantum, neque potentia uti ad beneficentiam sed *molestiam*  
 contumeliam. *levat.*

Cuius rei primò id argumentum est, quod et-  
 iam maxima in republica dignitas nec corporis  
 mala levat, nedum animum perficit. Dolores capitis,  
 inquit Seneca, non sanantur diademate, nec bona vale-  
 culo perit, licet non imperes. Et malus inquit Beat.  
 Augustinus in sentent. numero 35. et si regnet, servus  
 est, nec unius hominis. sed quod gravius est, tot dominorum,  
 quot viturum. Nec vis ea est magistratibus, ait Boe-  
 thius lib. 3. prosa 4. ut utentium mentibus virtutes in-  
 serant vitia depellant: imò, non fugare, sed illustrare  
 potius nequitiam solent. Vnde rursus Seneca l. 1.  
 de Clem. cap. 8: Alia cōditio est eorum, qui in tur-  
 ba quam non excedunt latent, quorum virtutes & vitia

tenebras habent. Et iterum: Nullis magis cavendum est  
 qualem famam habeant, quam qui qualemcunque me-  
 ruerint, magnam habituri sint. Tantum itaque abest,  
 ut dignitas & potentia illa, vel sanent vel tollant  
 vitia, vel regant, ut augeant etiam & conspectio-  
 ria reddant:

*Quamvis se Syrio superbus ostro*

*Comeret & niveis lapillis,*

*Boethius  
Met. 4.*

*Invisus tamen omnibus vigeat*

*Luxuria Nero scivientis.*

*XIV.  
Curas &  
miseriam  
auget.*

Deinde sicut vitia non minuit ita nec curas &  
 miseriam levat, sed similiter exaggerat.

*Etenim licet Indica longè,*

*Tellus tua iura tremiscat,*

*Et serviat ultima Thule;*

*Tamen atras pelliere curas*

*Miserasque fugare querelas*

*Non posse, potentia non est.*

*Consul. 4.* Quod & Claudianus ita expressit:

*Honor.*

*Tu licet extremos latè dominere per Indos,*

*Te Medus, te mollis Arabs & Seres adorent,*

*Si metuis, si prava cupis si duceris ira,*

*Servitū patiēre iugum, tolerabis iniquas*

*Interius leges.*

*Seleucus  
dictum.*

Vnde Seleucus dicere solebat, si multi vel id tan-  
 tum nossent, quanta molestia esset tot epistolas  
 scribere aut legere quot scribendæ & legendæ  
 sint regibus, diadema humo non sublaturus  
 si projectum alicubi esset, ut narrat Plutarchus

*Augustus  
Imperat.  
De bre-  
vit. vita,  
o. 5.*

libr. an fini gerenda sit respons. Et Augu-  
 stus imperator, cui, ut ait Seneca, plura Dii quam ul-  
 li præsiterunt, non desist quietem sibi precari, vocatio-

nem

nem arripere. Quare etiam se imperio abdicare  
bis in animo habuit, ut testatur Suetonius in Au-  
gusto, cap. 8. Ille scilicet qui omnia videbat ( ut oritur  
ut his Romanorum sapientissimi ) ex se uno  
potentia, ipse hominibus gentibusque fortunam dabat, il-  
lum diem latissimus cogitabat, quo magnitudinem suam  
exiret.

Quod si antem ipsis principibus molesta est  
superbia, quàm à nullo alio recognoscunt,  
quantoplus molestiæ & malorum illa dignitas  
contineat, quæ magnis sudoribus paranda est  
primum, post ad alienum nutum semper com-  
pendenda. Prius horum præclarè exposuit S. Cy-  
prianus lib. 2. epistol. 2. Quibus hoc sordibus emit ut  
legat? inquit, quos arrogantium fastus prius pertulit?  
quis superbas fores matutinus saluator obsedit? quos  
tumentium contumeliosa vestigia, stipatus clientium cu-  
m ante præcessit, ut ipsum etiam salutantem comes post-  
modum pompa præcederet, obnoxia non homini, sed pote-  
nti. De posteriori ita Seneca de brevitate vitæ  
cap. 19. Omnium quidem occupatorum conditio misera  
est, earum tamen miserrima, qui ne suis quidem occupa-  
tionibus laborant, ad alienum ambulant gradum, ad a-  
lienum comedunt appetitum, amare & odisse, res o-  
mnium liberrimas, jubentur. Et paulò post: Cum vi-  
deris ita tue prætextam sapè jam sumtam, cum celebre  
foro necten, non invideris: ista vitæ dampno parantur, ut  
unus ab eis numeretur annus, omnes annos suos conterent.  
Quosdam cum in summum ambitionis euerentur, in-  
ter prima luctantes atas reliquit. Quosdam cum in con-  
summationem dignitatis per mille indignitates erepsis-  
sent, misera subiit cogitatio, ipsos laborasse in titulum  
sepul-

XV.  
Quanta  
contineat  
magna  
dignita-  
tes.

Seneca.

*sepulcri. Quorundam ultima senectus, dum in novas spes ut juvena disponitur, inter conatus magnos & improbos invalida defecit.*

XVI.

*Sitis earum est inexplabilis.*

Et ut ista omnia absint, sola illa inexplabilis honorum litis eis qui proram & puppim in his rebus collocarunt, excruciare abunde potest: nemo enim talium quos vincat, sed à quibus vincatur aspicit, & illis non tantum jucundum est multos post se videre, quam grave, aliquem ante se: habet hoc vitium omnis ambitio, non respicit, ut rursus dicit Seneca epist. 73.

*Juven.  
Sat. 10.*

*Vnus Pellaö juveni non sufficit orbis,  
Æstuat infelix angusto limite mundi*

*Alexan-  
dri Ma-  
gni cupi-  
ditas do-  
minandi.*

*Vt Gyara clausus scopulis parvaque Seripho,*  
ait de Alexandro M. Satyricus: quod ita pluribus exponit Plutarchus lib. de tranquillit. animi: Alexander, inquit, cum Anaxarchum de infinito numero mundorum differentem audiret, illa lacrymavit: cumque amici interrogarent, ecquid passus esset: An non inqueiebat, dignum est lacrymis, quod cum infiniti sint mundi, nondum unius sim Dominus. Videlicet, qui regnum maximum & florentissimum à patre acceperat, lacrymabile esse censebat, si ex infinitis mundis unus restaret, quem non vinceret: & qui primum Asiam Græciæ jungere præclarum putabat, post mundum mundo volebat addere. Vnde non immerito ei Scytharum legati hæcingerebant, teste Q. Curt. libro 7. Si Dii habitum corporis tui aviditati animi parem esse voluissent; orbis te non caperet, altera manu orientem, altera occidentem contingeres. Et hoc affectus scire velles, ubi tanti nominis fulgor conderetur. Ab Europa petis Asiam, ex Asia transis in Europam.

populi. Deinde si humanum genus omne superaveris, cum  
silvis & nivibus & fluminibus ferisq; bestiis gesturus es  
bellum. Ita barbari illi, non sanè barbare. Lucre-  
tius insatiabilem illam & in orbem semper re-  
currentem dominandi cupidinem Sisyphi Sa-  
xum vocat, & veros Sisyphos illos demum esse  
statuit, qui hoc Saxum volvunt.

Sisyphus in vita quoq; nobis ante oculos est,  
Qui petere à populo fasces savaeque secures  
Imbibit & semper victus tristis que recedit:  
Nam petere imperium, quod inane est, nec datur un-

Lib. 3.  
Ambitio-  
nem esse  
Sisyphi  
Saxum.

quam,  
Atq; in eo semper durum sufferre laborem,  
Hoc est adverso nixantem trudere monte  
Saxum, quod tamen à summo jam vertice rursum  
Volvitur, & plani raptim petit aquora campi.

Porrò nulla res est inconstantior civili poten- XVII.  
tia nec in ulla magis fortuna dominatur. Quid tu? Civilis  
inquebant ad Alexandrum Scythæ, quorum su- potentia  
pra meminimus, ignoras arbores magnas diu crescere, est in-  
una hora extirpari? stans.

Valet ima summis

Mutare & insignem attenuat Deus,  
Obscura premens. Hinc apicem rapax  
Fortuna cum stridore acuto,

Hor. lib. I.  
Ode 34.

Sustulit, hic posuisse gaudet.

Prof. 5.

O praelara potentia, ait Boethius, quæ nec ad conserva-  
tionem quidem sui satis efficax invenitur? Imò non  
solum fortuna neminem eò provexit, ut non tantum  
illi minaretur, quantum permiserat, ut Seneca di-  
citepist. 4 sed ideò sæpè eos tollit ut deiiciat: un-  
de Poeta:

Qui nimios optabat honores  
 Et nimias poscebat opes numerosa parabat  
 Ex elsa turris tabulata, unde altior esset  
 Casus, & impulsæ præcepi immanè ruina.  
 Quid Crassos, quid Pompeios evertit, & illum  
 Ad sua qui domitos deduxit flagra Quirites?  
 Summus nempe locus nulla non arte petitus,  
 Magnaque numinibus vota exaudita malignis,

XVIII.

Es pessi-  
 mus etiam  
 obtingit.

Denique si ipsis dignitatibus ac potestatibus inesset aliquid naturalis ac proprii boni, nunquam pessimus proveniat: neque enim sibi solent adversa sociari: natura respuit, ut contraria quæque jungantur. Itaque cum pessimos plerumque dignitatibus fungi dubium non sit, illud etiam liquet, natura sui bona non esse, quæ se pessimis habere patiantur, ut rursus præclare admodum Philoso-

XIX.

Gloria &  
 nominis  
 celebritas.

phatus Boethius libr. 2. prol. 6. De duplici honorum genere sufficienter dictum est: restat tertium gloria & nominis celebritas. Hæc etsi res mala non est, imò si aut ut stimulus aut ut præmium virtutis habeatur, & à viris optimis & præstantissimis bono & vero iudicio cuiquam obtingat, bona est: summum tamen bonum & felicitas in ea poni nequit. Nam primò magnæ angustie sunt, quibus etiam maxima nominis celebritas includitur. Docet hoc Africanus apud Ciceronem in somn. Scipion. Ex his ipsis, inquit, cultis notisque terris non aut tuum aut cuiusquam nostrum nomen vel Caucasum quem cernis, transcendere potuit, vel illum Gangem transnare: quis in reliqua orientis aut ob-euntis solis ultimis: aut aquilonis austrive partibus tuum nomen audiet? Quibus amputatis cernis profecto quantis in angustis vestra gloria se dilater. Ita ille. Et fac ut to-

Quam  
 angustis  
 locorum  
 spaciis et  
 circum-  
 scripta sit  
 eis.

ut istam terram nominis cujusquam fama per-  
 agretur? ejus ambitus ecquis est si cum cœlo  
 contendatur? Puncti sanè instar; & sic etiam  
 ex illius partes demendæ, quas maria, solitu-  
 dines, pludes occupant, ut qui toto orbe cele-  
 berrimi videatur, deprehendatur in minimo hoc  
 puncti quodam puncto, ut dicit Boethius circumscriptus *Lib. 2.*  
 conclusus de pervulganda fama, deque proferendo no-  
 mine cogitare. Nec locorum tantum, sed etiam *Prof. 7.*  
 temporis plerumque parva sunt spacia, qui-  
 bus gloria circumscribitur. Multos clarissimos *Quantis*  
 temporibus viros scriptorum inops delevit oblivio. *item an-*  
 gustis  
*temporis.*  
 Donde quid ipsæ scripta proficiunt, quæ cum suis au-  
 ctoribus premit longior atque obscura vetustas. De-  
 mique si ad æternitatis infinita spacia tempus pertra-  
 ctus, quid habes, quod de tui nominis diuturnitate le-  
 tes, ut hæc omnia præclarè iterum Boethius: *Boethius,*  
 quæ, si nondum nobis assentiris, aureolos ver-  
 ba audi:

Quicumque solam mente precipiti petit,

Summumque credit gloriam;

Latè patentes ætheris cernat plagas,

Arctumq; terrarum situm:

Brevem replere non valentis ambitum

Pudebit aucti nominis.

Quid o superbi colla mortali jugo

Frustra levare gestiunt?

Licet remotos fama per populos means

Diffusa, linguas explicet,

Et magna titulus fulgeat claris domus,

Mors spernit altam gloriam,

Involuit humile pariter, & celsum caput

Æquatque



Æquatq; summis infima  
 Vbi nunc fidelis ossa Pabricii jacent?  
 Quid Brutus, aut rigidus Cato?  
 Signat superstros fama tenuis pauculis  
 Inane nomen litteris.  
 Sed quot decora novimus vocabula,  
 Num sc. re consumptos datur e  
 Iacetis ergo prorsus ignorabiles,  
 Nec fama notos efficit.  
 Quid si putabis longius vitam trahi  
 Mortalis aura nominis,  
 Cum sera vobis rapit hoc etiam dies  
 Iam vos secunda mors manet.

XX.

Vanitas  
 ejus. Boet.  
 loc. citato.

Porro verò nihil vanius est, quàm nisi ad populares  
 auras inanesq; rumores rectè facere nescire, & relicta con-  
 sciencia virtutisq; præstantia de alienis præmia sermuncu-  
 lis postulare; imò ut Seneca dicit epist. 57. dementia  
 est, si quem clamores imperitorum hilarem ex auditorio  
 dimittant, aut si lateris, quod hominibus iis laudaris, quos  
 ipse sæpè laudare non potes. Vnde Agesilaus rex Lace-  
 dæmoniorum, quoties laudantes aut vituperan-  
 tes audiret, censebat, non minus dicentium mores co-  
 gnoscendos esse, quàm eorum de quibus dicerent, ut re-  
 fert Plutarch. in Apoph. Lacon. Quò accedit  
 quod alii sæpè famam merentur, alii habent. De-  
 nique nihil gloria etiam maxima post mortem  
 juvat cum quem sequitur: nam (uti libet iterum  
 verbis Boethii:) si, quod nostra rationes credi vetant, to-  
 ti moriuntur homines, nulla est omninò gloria, cum is  
 cujus ea esse dicitur, non exstet omninò. Sin verò sibi mens  
 bonè conscia, terreno carcere resoluta, cælum libera pe-  
 tit, nec omne terrenum negotium spernet quæ se, cælo  
 fruens,



*fructus terrenis gaudet exentim.* Hæc ille, seu apud i-  
pluripotius Philosophia *προσωποπониθεῖσα*. Quin  
potius ergo virtutem ipsam sectamur, quàm ina-  
nem istam ejus in hac vita umbram, præsertim  
cum illam æterna gloria tandem excipiat, vera  
illa demum & à Deo ipso profecta: gloria enim &  
*bonor & pax crit omni operanti bonum*, ut dicitur ad  
Rom. 2. 10. neque gloria terrena, *quæ est ut flos gra-*  
*minis*, 1. Pet 1 23. sed *corona gloria immarcescibilis*, 1.  
Pet. 5. 4. & *æternum gloria pondus*, 2. Cor. 4. 17. Ha-  
ctenus de honore.

## CAPVT VII.

Proponitur vera sententia de summo  
Bono, & ostenditur illud consistere in  
virtute, seu potius virtutis actione.

Exponitur etiam veterum cum  
hac sententia con-  
sensus.

## SUMMARIA.

- 1 Quid sit S bonum & quod sit *αὐτὰρ πρῶτον*.
- 2 Consistere id in proprio aliquo hominis munere.
- 3 Esse virtutem & secundum naturam vivere.
- 4 Quid sit vivere secundum naturam communem.
- 5 Quid sit secundum propriam.
- 6 Si ne possessio an usus virtutis S.B.

- 7 Aristotelis sententia probatur.
- 8 Et defenditur contra Plotinum.
- 9 Satis fit alii etiam obiectioni.
- 10 Adhuc alii.
- 11 Item porro alii.
- 12 Quare S.B. sit actio secundum virtutem.
- 13 Veterum cum hac sententia consensus.
- 14 De Platonis idéa boni.
- 15 Quomodo mentem eius exponant Platonici, & quid aliás ipse Plato sentiat.

1.  
Quid sit S.  
bonum.

Esse id per  
se suffi-  
ciens &  
quot mo-  
dis talia  
aliquid di-  
catur.  
Thom.

**D**ICTUM est, quid non sit S. Bonum, deinceps quid sit ostendemus. Hic autem in meritum revocetur, quæri non simpliciter bonum aliquod hujus vitæ, sed summum bonum, idque hominis, sive tale quod homini proprium sit. Primo enim, si est summum bonum, erit aliquid perfectissimum, & propter se experibile, ut & supra diximus: erit etiam αὐτάρκης & sibi sufficiens, id est, tale, ut si ipsum adsit, nihil porro desiderari possit, licet præstabilius fortè reddatur, si cum bonis aliis conjungatur. Vbi notandum est ex B. Thoma 1 ethic. lect. 9. in fin. per se sufficiens dici aliquid ex eo, quod seorsim ab aliis acceptum est sufficiens: quod quidem dupliciter potest contingere: uno modo sic, ut illud bonum perfectum quod dicitur per se sufficiens, non possit accipere augmentum bonitatis ex alio bono addito. Et hæc quidem conditio est eius quod est totale bonum, scilicet Dei: sicut enim pars connumerata toti non facit aliquid maius quàm totum, quia ipsa pars in toto includitur: ita etiam quodcumque bonum connumeratum Deo, non facit aliquod

quod augmentum bonitatis, quia non est bonum nisi hoc, quia participat bonitatem divinam. Aliquid autem dicitur etiam solitarium, vel nullo alio connumerato efficiens, in quantum continet omne illud quo indiget homo ex necessitate. Et sic felicitas de qua nunc loquimur habet de se sufficientiam, quia in se continet omne illud, quod est in se necessarium, non autem omne illud, quod potest homini advenire. Nec tamen manet desiderium hominis inquietum, quia desiderium ratione regulatum, tale oportet esse felicitis, non habet inquietudinem de rebus quæ non sunt necessaria licet sint possibilia adipisci. *æc Thomas.*

Deinde si id, de quo quærimus, est summum bonum hominis, sive homini proprium, situm utique erit in re tali, quæ homini competit, inatenus homo est, cum enim rerum omnium perfectio consistat in certo aliquo munere, quod naturæ ejus proprium est; (ita tibi canis perfectus est, cum perfectè canit tibia, statuarius in statuam optimam facit; ita etiam membrum unumquodque tam in animalibus aliis, quam in homine perfectum est cum demum, si unus id ritè obeat, cui à natura destinatum est, puta si oculus clarè videat, auris accuratè audiat, &c.) fieri aliter nequit, quin etiam hominis perfectio sic posita sit, sicut præclarè hoc deducit Plato lib. 1. de rep. in fine, unde hoc desumpsit Aristoteles 1. ethic. c. 6. text. 54. Non potest autem functio illa nisi animæ quædam facultas esse, nec viventis tamen, sine cujus beneficio homo vivit tantum: ista enim animæ potentia est etiam in plantis, quin nec sentientis, quatenus talis est: nam

II.

*Consistere  
in proprio  
aliquo ho-  
minis  
munere.*

Plato.

Aristotel.

Non a-

tem ani-

ma vi-

ventis aut

sentientis.

*Sed ratio-* est: nam hæc brutis communis est; sed rationalis!  
*nalis.* hæc enim animi facultas soli homini propria est.

*Seneca.* Egregiè hoc explicat Seneca epist. 76. Omnia, inquit, suo bono constant: vitæ fertilitas commendat, sapor vinum, velocitas cervum. Quare fortia dorso jumenta sint, quaris? quia eorum hic unus est usus, sarcinam ferre. In cane sagacitas prima est, si investigare debet: feras: cursus, si consequi: audacia, si mordere & invadere. Id in quoquo optimum est, cui nascitur, quo censetur. In homine optimum quid est? Ratio: hac antecedit animalia, deos sequitur. Ratio ergo perfecta, proprium hominis bonum est: cetera illi cum animalibus satque communia sunt. Valet? & leones: formosus est? & pavones: velox est? & equi: non dico, in his omnibus vincitur. Non quæro quid in se maximum habeat, sed quid suum. Corpus habet? & arbores, habet impetum & motum voluntarium: & bestie & vermes: habet vocem? Sed quanto clariorem canes, acutiorem aquila, graviorem tauri, dulciorem nobilioremque lascivia? Quid in homine proprium? Ratio: hac recta & consummata felicitatem hominis implevit. Ita Seneca.

III.  
*Esse vir-*  
*tutem.*

*Idem se-*  
*cundum*  
*rationem*  
*& natu-*  
*ram vi-*  
*vere.*  
*Polemo.*

Ex his itaque conficitur nullum aliud esse summum vitæ bonum, sive id ad quod omnia nostra studia omnesque actiones referre oportet, quam virtutem: ea enim est animæ rationalis perfectio, & inter cætera bona omnia sola homini competit, quâ homo est, cum reliqua, quæ pro bonis habentur, vel bona reverâ non sunt, vel saltem nobis sunt propriè humana: nihil enim nisi quod ratione regitur, aut rationem habet, humanam est aut homini propriè convenit. Atque hoc est, quod Polemo academi-

cus

dicebat, & ab eo acceptum Zeno & Stoici o-  
es passim inculcant, summum bonum esse se-  
cundum naturam vivere, ut testatur Cicero 4. de fi-  
us. In hoc sumus sapientes, ait Cato apud eundem  
Senebrut. quod naturam optimam ducem, tanquam  
um, sequimur, eique paremus. Idque ipse etiam <sup>Plato.</sup>  
to docet 4. de republ. in fine, quum dicit; sic-  
a Civitate omnia rectè se habeant; si omnes  
m agant, ita etiam cujusque vitam optabilem  
di, si unaquæque animæ facultas opus id fa-  
; quod natura ei demandavit, & contentus a-  
nis earum facultatum sit; ut & contra, o-  
em pravitatem inde oriri, si in anima excite-  
sedicio & imperare ea animi potentia cupiat,  
& servire nata erat: Item, justitiam esse secun-  
n naturam animi vivere, sicut sanitas est,  
dispositum secundum naturam corporis, i-  
ut pulchritudo corporis consistat in bono  
poris habitu, ita animi pulchritudinem po-  
m esse in virtute. Denique sicut vita corpo-  
non est vita, cum corpus præter naturam di-  
situm est & ægrotat, ita nec animum revera  
ectè vivere ubi præter aut contra naturam  
n adfectus sit. Ita Plato. Nec aliud vult Ari-  
: libr. 7. Politic. quum dicit: οὐδὲν τῶν παρὰ φύ- <sup>Aristot.</sup>  
αλὸν: Nihil, quod præter naturam sit, pulcrum

Et consentit ex nostris etiam B. Ambro- <sup>Ambros.</sup>  
libr. 1. Offic. cap. 19. Naturam, inquit, imite-  
r: ejus effigies formula disciplina forma honestatis  
Quod hoc ex B. Paulo quoque 1. Cor. 11. con-  
nat lib. eod. cap. 46. Adverte ait, quod & decorum  
secundum naturam degere, & turpe est, quod fit con-

tra naturam. At enim Apostolus quasi interrogans : Decet mulierem non invelatam orare Deum: nec ipsa natura nos docet, quod vir quidem si comam habet ignominia est illi, quoniam contra naturam est? Et iterum: Mulier verò si capillos habeat gloria est illi: est enim secundum naturam.

*Const. M.* Quin Constantinus M. Imperator, non tantum pulcrum esse statuebat secundum naturam vivere, sed ejusmodi viram ipsius naturæ ornamentum esse agebat: *Κόμην φέρεις*, inquit, *κατὰ φύσιν* : Natura decus est vita ex natura regu'a instituta, orat. ad cœtum sanctor. c. i.

*IV.* Cæterum Stoici illud, secundum naturam vivere, dupliciter explicant, alii, ut intelligant *Communem* illam naturam ejusque auctorem sicut Cleanthes, alii ut accipiant de propria hominis, sicut Chrysippus. Sed res eodem ferè cecidit: nā communi quidem naturæ convenienter vivit, qui, ut Epictetus apud Arianum lib. 5. c. 12. id declarat, mentem suam submittit summae illi menti: gubernatrici omnium. sicut boni cives legi civitatis, vel ut idem cap. 20. rotundius hoc complectitur, qui Deum sequitur. Quod Seneca insinuat epist. 107. Optimum est pati, quod emendare non possis, & Deum quo auctore cuncta proveniunt sine murmuratione comitari. Malus miles est, qui imperatorem gemitus sequitur. Vbi etiam versus Cleanthis in hanc sententiam refert, Latinè lic à se expressos:

Duc me Parens celsiq, dominator poli  
Quocunq, placuit, nulla parendi mora est.  
Assum impiger: fac nolle. comitabor gemens:  
Ducunt volentem fata, nolentem trahunt,  
Malusque patiat, quod pati licuit bono.

Deni-

Denique ita epistolam claudit : Hic est magnus  
 nus, qui se Deo tradidit. At contra ille pusillus ac dege-  
 qui obliuatur & de ordine malè existimat & emen-  
 : mavult Deos quam se. Hoc est naturæ commu-  
 onvenienter vivere. Quid aliud autem illud  
 m virtutem sectari? Deum enim sequi, ejusq;  
 ui & arbitrio se componere, omnium virtu-  
 apex est & summa, etsi Stoici hoc ad toleran-  
 i aduersorum ferè tantum restringunt, nec i-  
 d cæteras virtutes semper extendunt.

Nequè aliter res se habet de vita propriæ ho-  
 nis naturæ convenienti : neq; ei enim conve-  
 nter vivere est id omne quod homines faciunt aut ad  
 l natura proui sunt, sed quod εὐλόγιστον est, id est, rati-  
 ong. uit, agere, ait & multis ostendit Epictetus a-  
 Arianum lib. 1. c. 11. Nec sanè per naturam  
 ninis hic intelligi debet vel congenita, vel  
 suetudine & malis morib. ultrò adscita pra-  
 s, sed naturale iudicium & instinctus, à crea-  
 ipsi indita & post lapsum etiam relicta: quo  
 u vocabulum hoc accipitur quum Theologi  
 m naturæ vocant, quod B. Paulus ad Rom.  
 . appellat *jus Dei*, & cap. 2. 15. *opus legis* cordibus  
 nimum à Deo inscriptum. Imò eo sensu ipse  
 aulus ait ad Rom. 2. 14. *gentes qui legem scri-*  
*non habent naturâ quâ legis sunt facere* & 1. ad  
 inth. 11. inquit: *Annon natura ipsa vos hoc docet :*  
 aliter Ecclesia loquitur, quando contra Ma-  
 ræos defendit peccatum non naturam ali-  
 m sed naturæ corruptionem esse. Atq; hoc  
 atrra prava consuetudine corrupta (nā alte-  
 illam connatam corruptionem ignoravit)

*Quid sa-  
cundum  
proprium.*

*Epictet.  
Quid per  
naturam  
hominis  
hic intel-  
ligendum.*

Arist.

ipse Aristoteles monet i. Politic. cap. 5. *Oportet, ait, considerare naturam non in corruptis, sed in his quæ magis se habent secundum naturam: quocirca is homo qui & animo & corpore optimè dispositus sit inspicendus, in quo certè id manifestum est: non pravorum quidem aut prave dispositorum sæpe invenietur corpus imperare animo ex eo, quia perversè ac prater naturam se habet. Secundum naturam itaque vivere est juxta legem naturæ, ut Theologi vocant; seu juxta rectam & veram rationem; ut nos aliàs hic loquimur, vitam instituere: hæc autem quid aliud est, quàm virtutem & honestatem sectari? Virtutemq; etiàm ipsi Stoici disertè dicunt. Ita supra*

Epictetus

Seneca.

Epictetus illud, secundum naturam, vocabat τὸ ἐν νόρῳ. Seneca autem utrumque cõp'ectitur epist. 76. quum ait. *Homini summum bonum est ratio: hanc si perficit laudabilis est, & finem natura sua attigit. Hac ratio perfecta virtus vocatur. Et Philo Judæus plura adhuc paucis verbis comprehendit libr. de migrat. Abrahami. Hic est, ait, ille finis summus, qui à præstantissimis Philosophis celebratur, iuxta naturam vivere, quod sit quando mens ingressa virtutis semitam incedit per rectæ rationis vestigia, & Deum sequitur, memor eius præceptorum & habens ea rata dictis factisq; omnibus. Hæc ille, quæ summam omnem felicitatem vitæ civilis explicant. Ita ergo patet summum bonum in sola virtute consistere.*

VI.

*Sitne possessio virtutis summum bonum an eius usus?*

Verùm hic jam id quæritur, an ea quæ diximus accipienda sint de virtutis actu, ut Philosophi vocant, primo, an secundo, seu sitne ipse habitus & possessio virtutis quæ felicem hominem reddat,



reddat, an ejus operatio potius & usus, seu actio Arist. af- secundum virtutem? Aristot. 1. Ethic Nicom. *firmas po-* cap. 1. r. 33. 1. magn. mor. cap. 4. & 2. Eudemior. *sterius.* cap. 1. docet non tam habitum virtutis, quam e-  
jus operationem, & vitam secundum virtutem,  
suminum bonum esse. Vnde etiam in magnis  
moral. cap. 3. sic ait; Ceterum non est simplex finis, sed  
duplex: horum alter est ipsa actio & visus. Atque est  
usus magis expetendus, quam habitus; usus autem (hu-  
ius) finis est: nemo enim velit visum habere si non sit visu-  
rus aliquando, sed oculos gestaturus. Eodem modo  
res de auditu se habet & similibus. Quorum ergo &  
habitus & usus est, semper melius quid & expetibilius  
est usus habitu: usus enim & actio sunt finis, habitus  
autem propter visum est. Sic ille: estque ut vi-  
detur sententia hæc omnium veterum. At Ze- Zeno &  
no, ut refert Tullius in acad. q. sub fin. non usum Stoici  
modo virtutis, ut superiores, sed ipsum habitum per se esse *primus.*  
præclarum putavit. Huic assentitur Plotinus en-  
nead. 1. libro 4. q. 10. multis contendens felicita-  
tem non in actionibus virtutis, sed ipso ejus ha-  
bitu sitam esse. Cujus rei ille quidem tria argu-  
menta dicit. Primum est, quia si felicitas colloce-  
tur in cumulo optimarum actionum, sit & ali-  
quid constans ex multis, quæ jam transierint, &  
uno tantum, quod adhuc sit præsens. Secundum  
est, quia progressu temporis augetetur. Ter-  
tium, quia non actiones ex se, sed habitus boni-  
tatem largiantur, eamque ipsis etiam actionibus,  
seu, ut ipse loquitur, ὅτι αἱ πράξεις ἐκ ἑαυτῶν τὸ εὖ  
διδόασιν, ἀλλ' αἱ διαδέχουσιν καὶ τὰς πράξεις καλὰς  
ποιῶσι.

Quibus  
& Ploti-  
nus acce-  
dit.

Eius ar-  
gumenta.

- 1.
- 2.
- 3.

VII.

*Aristot.  
defendi-  
tur.**Eius ra-  
tiones.*

Rectius autem sine dubio sentit Aristoteles, quanquam Zeno statim quod peccarat ex parte corrigit : etsi enim ipsum habitum per se praeclarum esse statuebar, addebat tamen, *habitum illum nemini inesse, quin eo semper uteretur* : quod etsi verum accuratè loquendo non est, id tamen inde patet, virtutem in se, & demto ejus usu, pro summo bono haberi non posse. Errationes Aristotelis firmæ sunt : primo enim nihil manifestius est, quàm possessionem virtutis esse propter ejus usum, nec justum laudari, nisi quia justitiam exercet, nec fortem nisi quia fortiter, quum opus est, pugnat &c. Imò salus reipubl. in eo vertitur, non ut omnes sint justi, fortes, &c. nemo autem justa aut fortia faciat, sed ut justè quisque agat & fortiter patriam defendat. Quare actiones virtutis ipsa virtute in se spectatà potiores sunt. Summo autem bono nihil est potius : in virtute ergo in se spectatà seu in nudo ejus habitu illud consistere nequit. Deinde quum quis dormit non differt felix ab infelici, unde vulgò dicitur, felices & infelices dimidia vitæ suæ parte nihil distare : & tamen etiam is qui dormit habitum virtutis possidet. In eo itaq; felicitas sita non est. Tertio, ostendimus supra, perfectionē uniuscujusque rei in certa aliqua ejus functione consistere : sed virtus ipsa, sive habitus ejus, non est functio, verum actio secundum virtutem. Non ergo illa, sed ista erit summa hominis perfectio, & illa catenus tantum hominem perficiet, quatenus actionum istarum fons & principium est. Denique potest is qui virtutem possidet in tan-

tas ca-

tas calamitates incidere, ut felix amplius, nisi ab-  
funde, dici nequeat, puta si omnibus penè sensi-  
bus orbetur & tota vita in lecto decumbat, &c.  
nec tamen tum habitu virtutis spoliatur. Non  
ergo felicitas in habitu propriè, sed actione vir-  
tutis posita est. Hæc sunt argumenta ipsius Phi-  
losophi: quibus adjici sequentia ex Alexandri-  
no Aprodixæo possunt, qui peculiari libello sen-  
tentiam illam Stoicorum inpungat. Primò si  
felicitas est aliquid vite, est perfectio aliqua ope-  
rationis seu in operatione consistens; vita e-  
nim operatio quædam est. At est aliquid  
vitæ. Ergo. Secundò non est felicitas juxta  
Stoicos, nisi penes illum qui rectè discernit visa,  
unde Epictetus Apud Arianum lib. 1. cap. 20. hoc  
*primum & maximum Philosophi munus* esse dicit.  
Alterum, habitu virtutis præditus si ægrotet, il-  
lud non facit. Ergo habitu virtutis præditum  
esse ad felicitatem non sufficit. Tertiò contra  
Zenonem; Qui lethargo, melancholia aut simi-  
limodo corripitur, virtutem retinet, nec a-  
gere tamen juxta eam potest. Non ergo sta-  
tim qui virtutem habet actione etiam virtutis est  
præditus. Longè plures rationes adfert Alexâder,  
sed nos paucas istas excerptimus, quæ sufficiant

*Alia ex  
Alex.  
Aphrod.*

Ad argumenta Plotini sic responderetur. Ad  
primum conceditur, felicitatem constare ex  
multis quæ præterierunt & uno præsentis, cum  
ipsa etiam vita ex talibus constet. Sanè vita ipsa  
est aliquid quod in perpetuo fluxu consistit,  
nec tantum plurima ejus non sunt præsentia,  
ut Plotinus dicit, sed nihil ejus est præsens, si

*VIII.  
Solutio  
argumen-  
torum  
Plotini.  
Primi.*

*Secundi.*

accuratè & physicè consideres, nisi vitæ punctum: neque enim vel dies, aut hora vitæ una, tota præsens est, nedum aut pueritia, aut iuventa, aut senectus tota. Quin præsens tempus non tam est temporis pars, quam momentum & terminus præteriti initiumque futuri, ut docet Aristotel. 4. Physic. capit. 10. & 11. & B. Augustinus libro 11. confess. cap. 13. & seqq. Quod si itaque vita ipsa non tam ex præsentis aliquo, sed præteritis & futuris constat, nihil mirum est idem etiam felicitati ejus competere. Ad secundum respondetur, non sequi si felicitas consistat in actione virtutis, fore ut quò plures actiones, eò magis etiam augeatur felicitas: primò enim si vita ad plures annos duret, extendi ea & conservari dicitur, nec tamen augeri. Sic etiam quò diutius fiunt, quæ sunt virtutis, hoc diutius durat felicitas, nec augetur tamen. Deinde non potest Aristotel. felicitatem in unaquaque actione seu in singulis actibus, sed in omnium collectione: quemadmodum enim senex nemo dicitur propter hunc aut istum, aut illum annum, quem vixit, si seorsim singulos sumas, sed propter illos omnes simul sumtos: ita etiam felix non est quis quòd tum rectè egit, aut quòd illo tempore, sed quòd illo & isto & totà vitâ virtuti studuit. Quare etsi ultra unam actionem virtutis semper esse altera potest, quæ ei addatur, ultra ipsam tamen felicitatem nihil est, sicut etiam ultra unum annum senectutis esse potest aliud, nec tamen quidquam est ultra senectutem.

Et utem ipsam. Ad tertium dicitur, habitum id largiri, ut promptè & constanter agas, ut bene autem, hoc ex fine objecto & intentione agentis propriè dependere, ut libro secundo pluribus ostendetur. Quin si omnis bonitas actus dependeat ab habitu, actus nulli boni sint, nisi à bono habitu perfecti: quomodo ergo ipsi habitus boni producerentur? ij enim non nisi à bonis actibus qui habitum præcedunt, gigni possunt: ut infra patebit. Hæc ad argumenta Plotini.

Dices, nihilominus felicitatem denotare qualitatem aliquam, non actionem, & felicem seu beatum esse, non agentem aliquid, sed qualitate præditum. Respondeo, fallaciam esse figuræ dictionis: sicut enim, valere, videtur dicere actionem cum tamen revera denotet qualitatem: ita contra hinc felicem esse videtur qualitatem significare, cum revera actionem denotet. Similiter vox perfecti qualitatis significationem præ se fert & sæpe substantiam significat, imò per omnia rerum genera vagatur: eadem ratio est de voce boni. Quid? quod felicitas aliter etiam exprimi potest, idque per voces quæ aperte actionem denotant: rectè enim vivere, rectè & optimè agere est felicem esse, nec tamen illa, ut hoc, ad modum qualitatis, sed actionis felicitatem significant. Quod si urgeas, felicitatem denotare aliquid permanens, actiones autem transire, respondeo felicitatem ideò significare aliquid permanens, quia collectionem actionum totius vitæ denotat, & eodem

IX.

*Novæ ob-  
iectio.*

*Respon.*

modo etiam actiones per manentiam habere, licet singulæ actiones & unaquæq; seorsim sumpta transeant. Sic vita ipsa quoq; permanens aliquid apparet, et si singulis n. o. mentis, aliquid ejus perit; sic etiam annus, dies & hora denique.

X.

*Alia.*

Obijcies porò ex Stoicis, felicitatem debere esse in nostra potestate & extra arbitrium fortunæ, id autem non actionibus virtutis, sed ejus habitui competere: actus enim illi impediri possunt & planè etiam per calamitates tolli: manente tamen & non violata ipsa virtute. Respondeo primò, posse per morbos virtutem ipsam etiam tolli: secundò eam vel maximè impediri quum exercere se non potest, sicut homo impeditur, quando id agere nequit quod agere quàm maximè cupit & debet: tertio dico, felicitatem nostram esse humanam & vitæ admodum fragilis perfectionem. Nihil itaque absurdum, si tanta non est ut nusquam & nulla calamitate turbari aut interdum etiam statu suo dejici queat, quod infra pluribus ostendetur.

XI.

*Adhuc alia.*

Postremò, sicut nos suprà inde ostendimus virtutis habitum non esse S. Bonum, quia sit propter aliud, nempe actionem virtutis, ita ipsam etiam actionem virtutis propter aliud esse dicere possis, cum virtuti ideò studeamus ut affectus animi compescamus. Objectionem hanc proponit & solvit alexand. lib. 4. quæst. moral. cap. 24. Responsio autem facilis est: neq; enim actio virtutis expetitur proprie propter affectus moderandos, sed ipsæ actiones illæ sunt ista moderatio. Et abusus est voculæ *propter*, qualis etiam est,

li di-

si dicas actiones virtutis suscipi propter felicitatem, seu agenda esse honesta, ut felix sis: nec enim cum sensum habet, finem illarum actionum esse felicitatem, sed ipsas illas actiones felicitatem formaliter constituere. Ex his ergo patet, rectè ab Aristotele asseri felicitatem non tam in habitu, quàm actione virtutis positam esse.

Cæterum cur non in quavis functione animæ rationalis, sed quæ à virtute illius facultatis proficiscitur eam collocaverimus, ista causa est, quod illa demum est perfectissima actio & operatio, quæ à facultatis alicujus optima & præstantissima virtute oritur: melior enim est virtus & habitus quàm potentia naturalis. Virtus autem ut adsit etiam vita perfecta requiritur, seu oportet ut quis tota vita rebus optimis studeat: sicut enim una hirundo, quod ajunt, non facit ver: ita nec una & altera actio bona virtutem gignit, multò minus felicem efficit. *Nihil magnum fit tam subito*, ait Epictetus apud Ariannum lib. 1. c. 15. *imò ne uva quidem & ficus. Si mihi nunc dicas, te velle* *Epictet.* *cum respondebo, tempore esse opus sine primum ut floreat, post fructum producet, deniq; maturescet. Cum ergo ficuum fructus subito & una hora non perficiatur, an animi fructum vis tam brevi tempore & tam levi negotio tibi parare? Ita Epictetus. Et sanè nulla res potest esse eadem festinata simul & examinata, nec esse quidquam omnium quod habeat & laudem diligentie simul & gratiam celeritatis, ut rectè Apulejus ait lib. de Deo Socrat. Quibus ita explicatis facile jam est omnia uno quasi fasciculo colligere & verbo describere quid sit felicitas illa de qua hæten° disseruimus. Est au-*

XII.  
*Quare summum bonum sit actio secundum virtutem. Quare requirat vitam totam.*

Est autem, ut docet Aristot. 1. Ethic. c. 7. t. 8. *functio animi, seu ejus facultatis in animo, quæ rationalis est, secundum virtutem optimam in vita perfecta.*

## IX.

*Veterum  
cum sen-  
sentia hac  
consensus.*

Hæc est vera sententia de vitæ hujus civili bono: quam veterum quoque sapientissimi quique ante Aristotelem secuti sunt, vel certe non multum ab ea abluferunt, ut 1. Ethic. Nicom. cap. 8. ostenditur. Primum enim cum plarique bona omnia in tres classes distribuerent, in bona externa, bona animi, & bona corporis, intelligentissimi omnes in bonis animi palmarium collocarunt. Idem & nos facimus, quando summum bonum in animi aliqua functione consistere dicimus. Deinde felicitatem omnes dicunt esse nihil aliud quam bene vivere, bene rem gerere: non tamen ergo virtus ipsa, quam ejus operatio, vel vita virtuti consentanea, intelligi debet. Tertio alii virtutem, alii prudentiam & sapientiam esse volunt: rectè item, modò per virtutem intelligas ejus actum potius secundum quam primum, per prudentiam autem & sapientiam cognitionem non theoreticam, sed practicam: sine hac enim virtus esse nequit. Quarto, quidam virtutem sine voluptate, quidam cum voluptate re conficere arbitrati sunt: utriq; rectè quadamtenus. Nam si voluptatè corporis intelligas, bene hinc sequestratur: in illa enim, ut suprà patuit, summum bonum situm esse non potest. Sin autem non tam de corporis, quam animi voluptate sermo sit, rectè cum summo bono ea conjungitur: omne enim id volupe est, quò quis delectatur; in actionib. autem virtutis maxima delectatio est, si quis virtutem amet;



amet; imò non est quisquam virtutis aut honestatis cupidus; nisi qui ex utraq; seriam voluptatem capiat. Nec profectò corporis tantùm est aliqua voluptas, sed & animi, eaq; maxima & cum primis excellens. Pythagoras quidem cum quadratum hypotenuse trianguli orthogonii æquare quadrata duum reliquorum laterum primum deprehendisset, præ gaudio bovem immolabat, ut Diog. Laërtius testatur in vitâ ejus, vel ut Athenæus lib. 10. cap. 1. narrat, integram hecatomben. Archimedes item cùm factum aurifabri commissum in aurea corona, quam Hieroni regi fabricârat, ut diis votiva esset, in balneo deprehendisset, non continebat se, quin in publicum prorupens, animi sui lætitiâ testaretur & clamaret illud, εὐρηκα, ut est apud Vitruvium lib. 9. c. 3. Vterq; seriò gaudebat, sed nihil corpori obtigerat volupe. Epaminondam etiam dixisse ferunt, iucundissimũ quod sibi in vitâ accidisset, id esse quod parentes ipsius eousq; supervixissent ut tropæũ illud Leuctricæ pugnae imperatore viderint, ut refert Plutar. adversus Coloten, & lib. an seni gerenda sit respubl. c. 11. Vnde patet etiam animo esse suam voluptatem: imò hæc sola fortè vera voluptas est, & altera illa corporis speciem tantùm ejus gerit: ea enim, quib. delectatur vulgus tenuem tantùm & per fusoriam voluptatem habent, estq; eorum investitum gaudium ac fundamento caret. dicente Seneca epist. 22. Quin fluit voluptas corporis, & prima quaq; avolat, ut aiebat Aristoteles, sapiusq; relinquit causas pœnitendi quàm recordandi, ut refert, Cic. 2. de finib. Imo voluptas nunc, cum maxime delectat, exsinguatur, nec multũ loci habet: itaq;

*Est animi etiam aliqua voluntas.*  
*Pythag.*

*Archimedes.*

*Epaminondas.*

*Seneca.*

*Cic.*

*Gaudium  
aliud à  
volupta-  
te.*

etò implet & tadio est, & post primum impetum marcescit. Nec id unquam certum est, ejus in motu natura est, ut iterum dicit Seneca lib. de vit. beat. c. 7. Quare etiam Stoici, ut voluptatem animi ab hac distinguerent, gaudium illam potius quam voluptatem dici voluerunt, ut patet ex eod. ep. 59. Postremò fuerunt ex veteribus, qui cum summo bono etiam conjungerent bona fortune, fuerunt & qui ab eo illa planè segregarent. Sed quid hac de re sentiendum sit, quia acriter de eo inter Peripateticos & Stoicos contenditur, sequenti capite paulò fufius applicabimus.

*XIV.  
De Platonis  
idea  
boni.*

Tantum de sententiâ Platonis difficultas aliqua restat, qui felicitatem vitæ in *idea boni* collocat. Quid ille vocet ideas, explicant latè Franciscus Philolphus lib. 1. Philos. moral. & Franciscus Piccolomineus gradu 9. c. 24. Non statuit autem in quavis earum situm esse summum bonum, sed in ipsius, ut diximus, boni idea: quam Aristoteles quidem accipit de communi natura boni, prout illa à rebus omnibus bonis participatur, eoque multis disputatur tum 1. eth. Nicomach. c. 6. tum 1. M. M. cap. 1. neque unam talem dari, neque si dentur, ad vitæ felicitatem pertinere posse, cum ex contemplatione naturæ boni nemo melior evadat. Et sanè vel accipitur natura illa communis boni præcisè, id est, ita ut explicetur, quid sit bonitas, abstrahendo eam ab omnibus quæ sunt bona: atque ea ratione ad vitam conferre ejus cognitio nihil potest, cum quis multa bona parare sibi queat, qui tamen de natura boni tam accuratè disputare non possit, quam faciunt metaphysi-

physici. Ita medicus bonam valetudinem procurare potest, si bonis medicamentis sit instructus & artem suam probè norit, licet nihil de natura boni fortè sciat, præterquam quod omnibus hominibus cognitum est. Vel accipitur sine præcisione, siue prout reperitur natura illa in rebus dispersa & cum non ad unam disciplinam sed ad omnes pertinet: cunctæ enim sibi bonum aliquod propositum habent, siue cognoscendum siue agendum & comparandum.

Verùm Plato, si Philelpho cæterisque Platoniciis credimus, per ideā illam nihil aliud intelligit, quàm Deum Opt. Max. quem propterea boni ideam passim facit, quia non tantum bona omnia ab ipso proficiuntur, sed ipsum etiam tanquam archetypum referunt, imitantur & æmulantur. Qui si est sensus, jam rectè quidem dicitur, idèo illam esse summum bonum, sed non civile; sola enim contemplatione homo ejus particeps in hac vita fieri potest. At civile bonum est actionum civilium finis, non contemplationis: ergo ne sic quidem potest esse summum bonum: quod hic quærimus, cum fieri possit, ut qui contemplationi boni illius deditus sit, tamen propterea rectè non vivat. Quemadmodum igitur differt, scire esse aliquod numen æternum, quod sit fons omnis boni, justitiæ & veritatis, quodque remuneretur virtutem & vindicet scelera, & amare illud, id est, id facere in vita, quod illud ipsum numen à nobis fieri vult, & se velle in natura nostra inscripsit; tantum etiam differt summum bonum civile à Platonis idea & bono con-

XV.

*Quomodo mentem ejus exponant Platonici.*

*Quid im-  
pugnet A-  
rist in  
Platone*

*Plato a-  
liàs & ipse  
de S. B.  
cum A-  
rist. sentit.*

*Augu-  
stin.*

*Clem. A-  
lex.*

no contemplativo ; quanquam id negari non potest, unum multum facere ad alterum, imò, ut supra diximus, unum sine altero subsistere non posse. Atque hoc vult Aristoteles, ut dicetur, quando Platonem impugnat, etsi alii eum non tam Platonis ipsius sententiam, quam quæ vulgo pro Platonica habita fuerit, reprehendere reputant, ut acciaioli h. loco; Piccolomineus l. cit. cap. 26 & Camerarius ad 1. Polit. cap. ult. Sed quid hac de re (nec enim disputare nunc ea de re libet, quosque & qua de causa Platonem impugnet Aristoteles) in hoc loco sufficit ; Platonem alioqui diversum ab ea sententia ; quam Aristoteles de summo bono tenet, non statuere. Unde Augustinus 8. de civit. Dei cap. 9. sic scribit: Nunc satis sit commemorare Platonem determinasse, finem boni esse secundum virtutem vivere, & ei soli evenire posse, qui notitiam Dei habeat & imitationem ; nec esse ob aliam causam beatum : ideoque non dubitat hoc esse philosophari, amare Deum, cuius natura sit incorporalis. Unde utique colligitur, tunc fore beatum studiosum sapientia (id enim est Philosophus) cum Deo frui cœperit. Et paulo post : Ipsum autem verum ac summum bonum Plato dicit Deum, unde vult esse Philosophum amatorem Dei, ut quoniam Philosophia ad beatam vitam tendit, fruens Deo sit beatus, qui Deum amaverit. Idem de ipso testatur Clemens Alexandrinus lib. 2. Stromatum: Verba ejus sunt: Plato Philosophus finem ponens beatitudinis, dicit eam esse Deo assimilari, quoad eius fieri potest, sive cum legi decreto quodam modo concurrens (magna enim natura ab animi perturbationibus, ne-

scio

scio quomodo feruntur ad scopum veritatis, ut dicit Philo-  
Pythagoreus Moysi res gestas describens) sive etiam edoctus  
ab aliquibus, quæ tunc erant, divinis eloquiis, ut qui do-  
ctrina siti semper teneretur: dicit enim lex: Post Domi-  
num Deum vestrum ambulate, & mandata mea servate.  
Hæc Clemens. Et hucusquæ etiam de Platonis  
sententia.

## CAPVT VIII.

Excuitur nobilis illa quæstio, quæ agi-  
rata olim inter Peripateticos & Stoicos  
fuit, an & quatenus ad felicitatem civi-  
lem requirantur bona fortunæ. Osten-  
ditur etiam obiter, quomodo acci-  
pienda sint Stoicorum non-  
nulla de viro sapiente  
paradoxa.

## SUMMARI A.

- 1 Controversia de bonis externis, quæ Aristot. necessaria  
facit ad S.B.
- 2 Stoici ab eodem summovent.
- 3 Quid rectè hic illi doceant.
- 4 S.B. non consistere in bonis externis.
- 5 Nec carere tamen posse illis.
- 6 Quousque virtus extra fortunæ regnum subducta sit.
- 7 Quomodo illud intelligendum: solam actionem vir-  
tutis esse S.B.

- 8 *Sententia Arist. ex ipsorum Stoic. hypothesis deducitur.*  
 9 *Ipsos idem quod nos interdum fateri.*  
 10 *S.B. non requirere bona externa nisi necessaria.*  
 11 *Felicitatem nostram non esse divinam sed humanam.*  
 12 *Error Stoicorum, sapientem cum Deo ex pari vivere.*  
 13 *Alia causa, quare opus sit bonis fortuna.*  
 14 *Sententiam Aristot. magis convenire cum fide quam Stoicam.*  
 15 *Quam necessaria ad vitam sit S.B. consideratio.*  
 16 *Quomodo pareatur. & quod divinitus obtingat.*  
 17 *Accedente tamen disciplina & exercitatione.*

I.  
*Contro-*  
*versia de*  
*bonis ex-*  
*ternis.*

*Aristote-*  
*les ea ne-*  
*cessaria*  
*facit ad S.*  
*bonum.*

**H**ACTENUS demonstravimus summum bonum civile nihil esse aliud, quam actionem virtutis, sive vitam honestam & virtuti consentaneam. Ostensum est etiam, idem planè, vel certe non multum quid absumile statuisse veteres Philosophos ante Aristotelem. Verum enim vero ut de actione & habitu virtutis dissentiant Aristoteles & Stoici: ita etiam de bonis fortunæ diversa tradunt: cum enim habitus ille esse sine bonis istis possit, non actio, necessario fit, ut si de uno discrepetur, de altero etiam oriatut controversia. Aristoteles etsi summum bonum non constituit in bonis fortunæ, negat tamen id bonis externis carere posse: cum enim nihil præclaris agere in vita possit, qui vel nunquam sano corpore est, vel omnibus amicis destitutus, nullo loco in rep. nullo censu; non videtur fieri posse, ut quis felix sit, qui nihil istorum bonorum possideat, sicut traditur i Ethic. c. 8. Idem repetitur

ritur libr. ultim. cap. 8. tom. 75. *Commodis externis, inquit de beato, cum homo sit, indigebit. Et rursus : Certè, opus est valere & vigere, præsidiaque alimento necessaria reliquumque cultum suppetere. Nec aliter sentit 7. Polit. cap. 1. Verba sunt : Hoc nunc supponatur, optimam vitam cum seorsim singulorum tum publicè ipsarum civitatum esse eam, qua secundum virtutem instituitur, & eousque bonis fortuna dotata est, ut actionum virtutis particeps sit.* Νῦν ὑποχέισθω, ὅτι βίῃ μὲν ἀεὶ καὶ χαλεπὴν ἐκάστω, καὶ κοινὴ τῆς πόλεως, ὃ μὲν ἰδρύτης καχορηγούμενης ἐπὶ πᾶσιν, ὥστε μετέχειν τῶν κατ' ἀρετὴν πράξεων. Deinde quæ à fortuna homini accidunt, ea sunt vel magna vel parva: si parva, parum sane momenti ad hanc rem habent: si magna & bona, augent felicitatem quatenus promovent actiones præclaras & honestas; si mala, obnubilant eam, quia actiones pulcras impediunt, ut iterum docetur 1. ethic. cap. 10. Tertio, Aristot. etsi bona fortunæ, ut dixi, non facit summa in vita, statuit tamen ipsa quoque in suo genere bona esse, eorumq; accessione augeri summum bonum hoc pacto posse, quo omne maximum bonum accessione etiam minimi alicujus optabilius reddi supra dictum est. Vnde patet, si cum bona valetudine & sine dolore præclari quidquam quis gerere possit, melius id hæctenus esse quàm si idem illud cum jactura valetudinis & inter maximos corporis cruciatus sit peragendum. Hinc Cato apud Ciceronem 3. de finibus: Idem peripatetici non tenent, quibus dicendum est, quæ & honesta actio sit & sine dolore, eam magis esse expeten-

dam, quam si esset eadem actio cum dolore. Hæc ita Aristoteles & omnes Academici.

11. *Stoici eadem ab hac re summe-vent.* Stoici contra virtutem & summum bonum non tantum carere posse bonis extremis docent, sed nec externa bona verè esse bona, aut contraria eorum mala, sed indifferentia, nec honestam actionem sine dolore esse meliorem, quam si eadem cum dolore sit; ut autem bona sint, vel inala quæ fortuna obtingunt, fieri id per accidens tantum, & prout ea vel cum virtute vel turpitudine conjuncta sint, sive prout sit animus ejus qui utitur, per se autem ad beatè misereque vivendum nullum momentum habere. Hinc Cato pergit:

*Cic.*

Nobis aliter videtur, rectè secusne, postea : sed potestne esse rerum major dissensio ? ut enim obscuratur & offunditur luce solis lumen lucerna : & ut interit magnitudine maris Ægei stilla muria ; & ut in divitiis Cræsi teruncii accessio, & gradus unus in ea via, quæ est hinc in Indiam ; sic cum sit is bonorum finis, quem Stoici dicunt, omnis ista rerum in corpore sitarum aestimatio splendore virtutis & magnitudine obscuretur, & obruitur atque intereat, necesse est, & quemadmodum oportunitas (sic enim appellemus ευκαιρια) non sit major productione temporis (habent enim suum modum quacunque opportuna dicuntur) sic recta effectio, (κακίρθεωσι enim ita appello, quoniam rectum factum κατόρθωμα :) recta igitur affectio, item convenientia, denique ipsum bonum, quod in eo positum est, ut natura consentiat, crescendi accessionem illam habet. Audi etiam Senecam epist. 71 Honestum, inquit, in omnibus par est. Quid ergo ? nihil interest inter praturam Catonis & repulsam ? nihil interest, utrum Pharsalica acie Cato vin-

*Senec.*

CAZAT



catur an vincat? Hoc ejus bonum, quo victis partibus non potest vinci, par erat illi bono qui victor rediret in patriam & componeret pacem? Quidni par sit? eâdem enim virtute & mala fortuna vincitur & bona ordinatur. Virtus autem non potest major aut minor fieri. Et epist. 82. Omnis res quod non habuit decus, virtute addita sumit. Cubiculum lucidum ducimus, hoc idem obscurissimum est nocte. Dies illi lucem infundit, non eripit. Sic istis quæ à nobis indifferentia ac media dicuntur, divitiis, viribus, forma, honoribus, regno, & contra morti, exilio, mala valetudini, doloribus, quæque alia aut minus aut magis pertinuimus, aut malitia aut virtus dat boni vel mali nomen. Denique epist. 98. Errant qui aut boni aliquid nobis, aut mali judicant tribuere fortunam. Materiam dat bonorum ac malorum & initia rerum apud nos in bonum malumve exiturarum. Causas, quare sic statuunt, hasce afferunt. *Rationes eorum.* Pri-  
mò, quòd in bonis fortunæ nihil stabile sit, nec ea in nostra potestate. Secundò, quòd summi boni & felicitatis nulli sint gradus, ut accedere & decedere ei quippiam possit: totam enim adesse, vel totam tolli. Tertiò, quòd qui bona fortunæ cum summo bono conjungunt, nunquam sine aliqua formidine esse possint, aut in tuto res suas collocare: timere enim semper, ne fortuna, quod dedit, aliquando repetat. Quartò sic argumentantur: Qui à cupiditate & ægritudine animi vacuus est, ille sine dubio feliciter vivit. Sed virtus etiam sine bonis externis id præstat. Ergo etiam sine illis beatos facit. Quintò ea non sunt bona, quibus etiam qui abundat, esse miserrimus potest. Sed multi abundan-

res bonis fortunæ miserrimi sunt, puta si scelerati sint. Ergo illa quæ bona fortunæ vocantur, bona propriè non sunt. Hæc & similia Stoici: vide Cic. 5. Tuscul. & 3. de fin. Sen. de vit beat. & passim in epist.

III.

*Quid re-  
stet hic  
Stoici  
doceant.*

*Sine cau-  
sa rece-  
dunt à  
veteri-  
bus.*

*Carnea-  
des.*

*Novo no-  
mina ad-  
ferunt.*

Quidquid autem hac de res sit, nullum dubium est, quin Stoici rectè id doceant & urgeant, in sola virtute summum bonum positum esse, neque hoc fortunæ temeritati committi debere. Atque utinam omnibus id persuasum esset, bonum illud tantum esse maximè quod honestum est, & solum id malum quod turpe: interim tamen in hac quæstione sine causa, ut videtur, recedunt ab Aristotele & Academicis, sicut rectè disputat Cicer. 4. de finibus: nam vel novi nihili docent præter vocabula quædam admodum obscura & minimè apta, vel ubi novi quidquam afferunt, magnificè id magis dicunt quam verè. Posterius horum in progressu manifestum erit: prius passim inculcat & olim accuratè disputabat Carneades. Vnde Cato apud Cicer. 3. de fin. Carneades tuus, ait, egregia quadam exercitatione in Dialecticis, summaque eloquentiâ rem in summum discrimen adduxit, propterea quod pugna non destitit in omni hac quæstione, quæ de bonis & malis appelletur, non esse rerum Stoicis cum Peripateticis controversiam sed nominum. Et Cicer. 1. de ll. ita scribit: Marc. Ioculare istud quidem Pomponi & à multis sæpe derisum, sed ego vellem: me arbitrum inter antiquam academiam & Zenonem datum, Attic. Quo tandem isthoc modo? M. Quia dere unâ tantum dissident, de cæteris mirificè congruunt. Attic. Ain tandem,

dem, una de re est solùm dissensio? M. Quæ quidem ad rem pertinet una, quippe cum antiqui omnes, quod secundum naturam esset, quo iuvaremur in vita, bonum esse decreverint, hic nisi quod honestum esset, nihil putaverit bonum. Et paulo post: Si, ut Chius Aristò dixit, solum bonum esse dice, et quod honestum esset, malumque quod turpe, ceteras res omnes planè pares, ac ne minimum quidem, utrum adessent an abessent, interesse, valde à Xenocrate & Aristotele & ab illa Platonis familia discreparet, essetque inter eos de re maxima & de omni vivendi ratione dissensio. Nunc verò cum decus, quod antiqui summum bonum esse dixerunt, hic solum bonum dicat, idem dedecus, quod illi summum malum, hic solum, divitias, valetudinem, pulchritudinem, commendas res appellet, non bonas, paupertatem, debilitatem, dolorem, incommodas non malas, sentit idem quod Xenocrates, quod Aristoteles, loquitur alio modo. Hactenus Cicero.

## IV.

Nos ut res tota intelligatur, paucis assertionibus eam complectemur. *Prima.* Summum bonum hominis non consistit in bonis externis aut fortunæ, sed in sola virtute, ut supra ostendimus. Ita sentiunt tam Academici quàm Stoici, & sensit omnis in universum antiqua Philosophia, teste Cicerone Academ. quæst. 1. Aristot. autem id in ethic. cap. 10. expresse docet: Cum, inquit, felicitas sit stabile quidquam, fortuna autem sæpe immutetur, necessum est, ut si fortunam sequamur, sæpenumero unus idemque homo dicendus sit felix & miser, atque statuendum, habere quasi naturam Chamæleontis, planeque in ludibrio positurum esse eum qui Aristot. felix sit. Et libr. 7. Politic. cap. 1. ait: Externorum

Summū bonum nō consistit in bonis externis,

Aristot.

quidem bonorum causa est fortuna & casus, ac iustus & temperans nemo à fortuna est neque per fortunam. Vnde & paulò superius de bonis fortunæ dicit: *Animi gratia illa expeti nata sunt, & ita rectè sentientes expetere omnes oportet, non autem animum gratia illorum.* Sunt hæc omnia per se manifesta: præterquam enim quod bona ista semper admixtum aliquid mali habent, tanta est illorum inconstantia, ut nullius rei sit major. *Anxia res est humanorum conditio bonorum, ut Boethius egregiè dicit lib. 2. prof. 4. & quæ vel nunquam tota proveniat, vel nunquam perpetuo subsistat. Huic census exuberat, sed est pudori degener sanguis. Hunc nobilitas notum facit, sed angustia rei familiaris inclusus, esse mallet ignotus. Ille utroque circumfluus vitam calibem deflet: ille nuptiis felix, orbis liberis, alieno censum nutrit hæredi. Alius prole letatus filii filiarum delictis moestus illacrymat. Inest singulis quod inexpertus ignoret, expertus horreat. Et paullo post: Quem caduca ista felicitas vehit, vel scit eam vel nescit esse mutabilem. Si nescit, quamvis beata fors esse potest ignorantia cecitate: Si scit, metuat necesse est ne amittat quod amitti posse non dubitat: quare continuus timor non finit esse felicem. Et sic plerumque fit, ubi fortuna maximè ridere videtur, magnum malum machinetur, quod rectè in Pompejo Magno notat Cicero Tusc. 1. Pompeio nostro familiari, inquit, cum graviter egrotaret, Neapoli melius est factum. Conati Neapolitani fuerunt. Nimirum etiam Puteolani vulgò ex oppidis publicè gratulabantur. Ineptum sanè negotium & Græculum, sed tamen fortunatum. Verum igitur si tum esset extinctus, à bonis rebus an malis discessisset? certe à miseris: non enim cum socero bellum*

Boeth.

Bonorum  
externo-  
rum in-  
constan-  
tia.

Cic.

bellum gessisset, non imparatus arma sumpsisset, non domum reliquisset, non ex Italia fugisset, &c. De qua eadem re sic & Juvenalis:

*Provida Pompeio dederat Campania febres  
Optandas, sed multa urbes & publica vota  
Vicerunt: Igitur fortuna ipsius & urbis  
• Servatum victo caput abstulit. Hoc cruciatu  
Lentulus, hac pœna cauit ceciditq; Cerebus  
Integer, & jacuit Catilina cadavere toto.* *Juvenal.*

Quod si itaque felicitatem in bonis fortunæ colloces, aliam eam non concinnabis, atque illa fuit, quam Thraciæ genus ita vocabat, quæ ut auctor est Plinius libr. 7. cap. 40. calculos colore distinctos pro experimento cujusq; diei in urnam condebat, at supremo dissepultos dinumerabat, atque ita de uniuscujusque felicitate aut miseria pronunciabat. Sed sic felicitatem æstimare ridiculum est. Rectè igitur hæcæpæ Stoici.

*Secunda assertio.* Quia autem per virtutem intelligi hîc non potest habitus ejus sed actio, ut supra probavimus, actio verò illa perfici nequit sine aliquibus saltem fortunæ bonis, & impeditur sæpe ab adversitatibus; non potest summum bonum in universum carere fortunæ bonis, ut rectè Aristoteles docet. Vbi nota primò, aliud esse summum bonum non posse esse sine bonis fortunæ, ut docet Philosophus 1. ethic. Eudæm. cap. 2. Sicut unum & idem, inquit, non sunt illa sine quibus nemo sanus esse potest, & ipsum illud esse sanum, ita nec idem sunt bene vivere & ea sine quibus vivere non licet. Ita homo sine respiratione

H 5 vivere

*Cicero.**Scipionis  
Africani  
in valetu-  
do.*

vivere nequit, nec tamen respiratio vita ipsa est. Similiter nec somno carere vita potest, licet ille vita ipsa non sit. Vnde & Cicero de Senect. aliquid situm esse in bonis fortunæ dicit & exemplo Themistoclis Atheniensis & Scipionis Africani comprobat. Verba sunt: *Lal.* Fortasse dixerit quispiam tibi (Cato) propter opes & copias & dignitatem tuam tolerabilem senectutem videri, id autem non posse multis contingere. *Cat.* Est istud quidem *Lali.* aliquid, sed in isto nequaquam sunt omnia, ut Themistoclem ferunt Seriphio cuidam in iurgio respondisse, cum ille dixisset, non illum sua sed patriæ gloria splendorem affectum nec hercle, inquit, si ego Seriphius essem nobilis, nec si tu Atheniensis esses, clarus unquam fuisses. Ita Cicero, qui istud totum & multa alia ex Platonis primo de rep. expressit. Idem ibid. Quam fuit imbecillis. *P. Africani filius is qui te adoptavit (Scipio)* quam tenui aut nulla potius valetudine? quod nisi ita fuisset, alterum ille extitisset lumen civitatis: ad paternam enim magnitudinem animi doctrina uberius accesserat. Et sanè si de patria præclarè mereri optimum quid est, id autem nec Cato nisi eo loco in republ. fuisset, facere poterat, nec Scipio ille alia de causa minor fuit patre Africano, nisi quod cum adversa corporis valetudine perpetuo conflictaretur, ad summum utique bonum loci dignitas & corporis sanitas multum sepe conferunt, et si rem totam non conficiunt. Nec negari potest, hoc feliciorum fuisse Africanum filio, quod præclariora egit: eadem autem iste quoque & fortè majora designasset nisi valetudo obstitisset. Valetudinem itaque felicitati officere posse, si mala sit, subter-

subservire si bona, manifestò hinc patet, et si ipsa  
al as nec summum est bonum nec summum ma-  
lum. Hoc primò notandum.

Secundò nota quod Stoici de virtute dicunt,  
subductam eam esse extra fortunæ regnum, nec  
ab illa loco moveri posse; id de habitu ejus vix  
verum esse, nedum de actione. Nulla adversitas  
equidem ex liberali avarum facilè concinnabitur,  
aut ex forti timidum, nec de statu suo deturbabitur.  
eum qui semel arcem virtutis conscenderit. For-  
tuna opes auferre, animum non potest. Quin magnus gu-  
bernator etiam scisso navigat velo, & si exarmaverit, reli-  
quias navigii aptat ad cursum, ait Seneca epist. 30.  
Et opt. Imperator si non potest eo exercitu quo velit,  
saltem eo quem præstò habet, bellicosissimè pugnat; sicut  
& sutor bonus ex pellibus, quarumcunque copia fuerit,  
semper calceum pulcherrimum facit, ut dicit Arist. 1.  
eth. Nicom. cap. 10. tom. 94. Quemadmodum i-  
tem apes ex thymo aspero & siccissimo opti-  
mum mel conficiunt, ita homines eximii in re-  
bus etiam asperrimis inveniunt, quod præcla-  
rum sit: Non ex ebore tantum Phidias sciebat facere si-  
mulacra, faciebat ex ære: si marmor illi, si adhuc vilio-  
rem materiam obulisses, fecisset quale ex illa fieri optimum  
posset: sic sapiens virtutem, si licebit, in divitiis explicabit,  
sin minus, in paupertate, si poterit in patria, sin minus in  
exilio: si poterit imperator, sin minus miles: si poterit inte-  
ger, sin minus debilis. Quamcunque fortunam acceperit  
aliquid ex illa memorabile efficiet, ut iterum ait Senec.  
epist. 85. Imò hoc nonnunquam viri præstantes  
insurgunt confidentius, quo adversitate majore  
premantur,

Vl.

Quoniam  
virtusextra for-  
tunæ re-gnum  
subducta

sit.

Senec.

Att. 2. v.

147.

Duris

*Duris ut illex tonsa bipennibus,  
Nigra seraci frondis in Algido,  
Per damna per cades, ab ipso  
Ducit opes animumq; ferro.*

Hæc, inquam, ita se habent: sæpe tamen adversa fortuna actiones honestissimas impedit & beneficentiam ac liberalitatem etiam in vitiis extorquet: unus etiam morbus ita labefactum robur corporis & aciem mentis obtundere potest, ut nec fortis viri munus in acie nec prudentis in rep. tueri porro queat.

## VII.

*Quomodo  
illud in-  
telligen-  
dum so-  
lum acti-  
onem vir-  
tutis esse:  
S.B.*

Tertio observandum, cum dicitur solam virtutis actionem esse summum bonum, non excludi propterea illa quæ instrumenta quasi sunt & materia talium actionum. Ita cum dicis solus auditus percipit sonum, non excluditur auris, auditus percipit sonum, non excluditur auris, auditus enim fit per aurem. Nec si dicas solus oculus videt, excluditur lumen & proportio illa quæ esse inter oculum & rem videndam debet. Adeundem modum si sola actio virtutis summum bonum est, non sequitur, ut bona fortunæ nulla requirantur. puta sine quibus actio illa esse nequit. Hæc de secunda assertione.

## VIII.

*Senten-  
tia. Ari-  
stot. ex  
multis i-  
pso-  
rum  
Stoic. hy-  
pothesibus  
deduci-  
tur.*

*Tertia assertio.* Multæ sunt hypothèses ipsorum Stoicorum ex quibus sententia Aristotelica, si rectè considerentur, liquidò confirmari potest. Primò enim si felicitas est secundum naturam vivere, non tantum animi sed etiam corporis ratio aliqua habenda est, cum natura non tantum animum homini sed etiam corpus dederit. Vtrique ergò sine dubio benè esse vult quæ



quæ utrumque esse cupit. Secundò natura nos solum animo sed & corpori indidit; appetitum perfectionis: frustra autem ea nihil facit. Quare etiam corporis quædam perfectio est. Tertio si felicitas est bonum hominis, non animæ tantum sed etiam corporis bona includit: sicut enim anima etsi potior pars hominis est, totus tamen homo uon est, ita virtus etiam primum est bonum hominis nec tamen omne. Vbi manifestò impingunt Stoici, quum hominem animum tantum esse dicunt, corpus autem non partem ejus, sed instrumentum, ut refert simplicius comm. in Epicteti Enchirid. præfatione. Vnde etiam Seneca ait, *naturam si possit per Seneca.*  
*se nudos edere animos velle* epist. 66 quod quam vero absurdum sit facillè intelligitur: nec enim homo esse potest, qui nil nisi animus sit, nec definitionem ejus tueri. Quare alibi ipse rectius duas hominis partes facit, etsi uni tantum omnem totius compositi perfectionem transcribit, epist. 71. Quarto si felicitas est bene vivere, jam ipsum saltem vivere ad felicitatem requiritur. At etiam vivere non est arbitrii nostri, sed, ut ipsi dicunt, fortunæ. Ergo aliquod saltem fortunæ bonum est, sine quo felicitas esse nequit. Quintò, Stoici corpus animi organum faciunt. Vel ideo igitur homini corporis bona necessaria sunt, ut organum rectè se habeat: si enim vel non sit organum, vel pravè dispositum, nulla res, quæ organo utitur, perfectionem suam consequi potest. Sic non sufficit imperatoria arte præditum esse, si arma de sint aut  
 exer.

exercitus : similiter nec facultatem videndi vel audiendi habere refert, si oculus aut auris absit ; vel aut hæc aut ille male habeat. Eadem ratione corpus valere & robustum esse debet ut uti eo animus possit.

IX. *Ipsi quoque non minus quam quod nos fatentur.* Quarta assertio. Non tantum ex stoicorum fundamentis hæc efficiuntur, sed ipsi etiam interdum velint, nolint, concedere illa coguntur. Sic Chrysippus agebat sapientem quidem nulla re indigere sed tamen multis illi rebus opus esse, ut testatur Senec. epist. 9. Et Zeno ipse divitias pulchritudinem, valetudinem non quidem bonas res appellabat, sed commodas tamen, hisce contrarias, non malas sed incommodas, sicut refert Cicer. 1. de leg. Unde iterum Seneca ep. 74. Non est summa felicitatis nostra in carne ponenda. Bona illa sunt vera quæ ratio dat, solida ac sempiterna, quæ cadere non possunt, nec decrescere quidem aut minui. Cetera opinione bona sunt, & nomen quidem habent commune cum veris, proprietates in illis boni non est. Itaque commoda vocentur, utq; nostra lingua loquar, producta. Ita ille. Sed quid hoc aliud est quam rem ipsam fateri & novam tantum loquendi modum adferre? & quomodo aliquid commodum dicitur, quod nullo modo est bonum? Distinctio autem inter indigere & opus habere ne intelligi quidem potest. Quæ ut eò rectius percipiantur ex Cicerone 3. de finib. discatur, quomodo Stoici res distinguant, & quid nova illa quibus utuntur vocabula denotent. Verba ejus sunt. Itaque cum esset satis constitutum, id solum esse bonum, quod esset honestum, & id malum solum quod turpe, tum interpretanda, hæc & illa, quæ nihil valerent ad beatè misereque vivendum,

Bona externa non bona esse sed producta.

Quid vocent neque nisi a se interpretanda, hæc & illa, quæ nihil valerent ad beatè misereque vivendum,

dum,

dum, aliquid tamen, quo differrent, esse voluerunt, ut essent eorum alia æstimabilia, alia contra, alia neutrum. Quæ autem æstimanda essent, eorum in aliis satis esse causæ, quamobrem quibusdam anteponerentur, ut in valetudine, ut in integritate sensuum, ut in doloris vacuitate, ut gloria, divitiarum, sim. lium rerum: alia autem non esse ejusmodi, itemque eorum, quæ nulla æstimatione digna essent partim satis habere causæ, quamobrem rejicerentur, ut dolorem, morbum, sensuum amissionem, paupertatem, ignominiam, similia horum: partim non. Itemque hinc esse illud exortum quod Zeno *ἀεὶ καὶ μέντοι*, contraque quod *ἀπὸ ἀεὶ καὶ μέντοι* nominavit, cum uteretur, in lingua copiosa, factis tamen nominibus, ac novis: quod nobis in hac inopi lingua non conceditur: quanquam tu hanc copiosiore etiam dicere soles. Sed non alienum est, quo facilius vis verbi intelligatur, rationem hujus verbi faciendi Zenonis exponere. Ut enim, inquit, nemo dicit in regia regem ipsum quasi productum esse ad dignitatē (id enim est *ἀεὶ καὶ μέντοι*) sed eos qui in aliquo honore sint, quorum ordo proximè accedit, ut secundus sit ad regum principatum: sic in vita non ea, quæ primario loco sunt, sed ea quæ secundum locum obtinent *ἀπὸ ἀεὶ καὶ μέντοι*, id est, producta nominantur. Quæ vel ita appellamus (id erit verbum *ἐκ* verbo) vel promota, vel, ut dudum diximus, preposita, vel præcipua, & illa rejecta. Quid hic diversum à Peripateticorum & Academicorum doctrina audis præterquam vocem novam & obscuram? Si enim sanitas, sensuum integritas, vacuitas doloris, divitiæ, &c. sunt æstimabilia, si causam habent, quare malis anteponantur, sic licet non primarium locum in vita, ac secundum tamen obtinent, quomodo non sunt  
res in

res in suo genere bonæ? Si item dolor, morbus, amissio sensuum, paupertas, ignominia & similia causam habent quare rejiciantur, mala utique certâ ratione sunt. Tantum id relinquitur illa non esse primaria hominis bonâ, neque ista præcipua mala: quod ultro ipsi etiam Academici & Peripaterici concedunt.

X.  
S. B. etsi  
requirit  
aliquâ  
externâ,  
non ta-  
men nisi  
necessa-  
ria.

*Quinta assertio.* Et si actio virtutis & felicitas carere in universum non potest bonis fortunæ, carere tamen potest his aut illis, imò omnibus quæ ad vitam necessaria non sunt. Vnde etiam felicitas nostra non est quippiam simpliciter inconstans, cum facile non fiat, ut omnibus omnino ejusmodi bonis quis destituatur, præsertim necessariis, sed nec tamen tam constans, ut labem nullam contrahere possit: neque enim id requiritur, ut infra dicemus. Hanc adsertionem ut intelligas, observandum est primò, aliud esse si nulla planè sit corpori sanitas; si nullum robur, aliud, non valere pancraticè aut robur Glyconis vel Milonis non habere: aliud etiam esse, non posse parare quibus vitam toleres, aliud Cræsum aut Crassum divitiis non æquare. Si posteriora illa non adsunt, at priora suppetunt; quod enim necessitati sat est, fortuna etiam irata debet, ait Seneca epist. 18. Idque præclare ipse Aristoteles docuit libr. 10. ethic. cap. 8. tom. 76. *Aristot.* Non tamen, inquit, putandum est multis ac magnis, (opibus fortunæ) ei opus fore qui futurus est felix si fieri non potest, ut sit beatus sine bonis externis: neque enim sufficientia, neque judicium, neque actus in exuperatione consistit, sed fieri potest ut & non prin-  
cipes

cipes terra & maris agant honestā. Etenim à mediocribus facultatibus instructus potest quispian agere per virtutem. Atque id cla- è cernere licet : privati namq; non minus agere videntur res bonas quàm qui sunt in potestatibus constituti, imò etiam magis. Vnde & Boethius *Boeth.* rectè dicit libr. 2. prol. 5. Si, quod natura satis est, replere indigentiam velis, nihil est, quod fortuna affluentiam petas : paucis enim minimūque natura contenta est, cuius satietatem si superfluis urgere velis, aut iniucundum, quod infuderis fiet, aut noxium. Hoc primò notandum: Secundò multa sunt bona extēnā, ac proinde cui unum non est concessum istalia plerūq; habet. Robore corporis quis non valeat! at præstat ingenio; dives non est! at corporis robur habet: neutrum adest! tamen nōbilis est & honesto in republ. loco natus, &c. Quod si autem unum horum adest materia & instrumentum virtutis non deest. Tertiò summum bonum & felicitas quam hic quærimus est: ut toties diximus, humana tantum & vitæ huius mortalis: quare illa inconstantia non nihil habet, quid mirum? divina certè non est, ut rectissimè docet Aristot. Lēthic. cap. 10. in fin. & ante eum docuerunt omnes antiqui, præsertim Pythagorei. Audiamus unum tantum Hyppodamum Thuriūm: *Hyppoda-*  
*mi.* Τῶν δὴ λόγον ἔχόντων ζώων τὰ μὲν ἐντὶ αὐτὸ πλεία, *τ. 100*  
 ὅσα δὲ αὐτὰ πλεία ἐν πλείονος ἰκιδεῖν τῶν ζώων. *T. 101. Py-*  
 θων, ἐπὶ ποτὶ τὸ ἡμῶν, ἐπὶ ποτὶ τὸ καλῶς; ἡμῶν. Τοιοῦ- *thagore-*  
 τος ἦκεν εἴη ὁ θεός. Οὐκ αὐτὸ πλεία δὲ ὅσα μὴ δι- *cus.*  
 αὐτὰ πλεία ἐστὶ, πῶς ποτεταὶ δὲ τὰς ζώων αἰτίας. *Ratione prædita*  
 Τοιοῦτος ἦκεν εἴη ὁ ἀνθρώπος. *quædam ipsa perfecta sunt, quæ per se sunt perfecta,*  
 I *nec ulla*

XI.

Felicitas  
 nostra est  
 humana  
 non divi-  
 na.

Hyppoda-  
 mi.  
 T. 100  
 T. 101. Py-  
 thagore-  
 cus.

nec ulla re externa, vel ut sint, vel ut bene sint, indigent, qualis quidem sit Deus. Non ipsa perfecta sunt, quæ per se non sunt perfecta sed externas res requirunt: qualis quidem sit homo: Et paulo post: Κατ'ὸν βίον ὃ τέλειοι πὶ μὴ μείον ἀγαθοὶ ὄντες, ἀλλὰ καὶ εὐδαίμονες. Ἀμὲν: ὃ εὐδαίμονία πλείους ἐντὶ βίῳ ἀνθρωπίνῳ. Ὁ ὃ βίος ὁ ἀνθρωπίνῳ σύστημα τῆ πράξεων, ἀδὲ εὐδαίμονία συμπεαινευσα τὰς ἀρετὰς. Συμπράναι δὲ τὰς ἀρετὰς ἀρετὰ πύχα τὰ μὲν ἀρετὰ κατὰ χρῆσιν, τὰ ὃ εὐτυχία κατὰν καπρῶσιν. Ὁ μὲν ὦν θεὸς ὅτι μαθὼν ἀρετῶν τὰν ἀρετὰν ἀγαθὸς ἐγγύετο, οὐτὶ ἐπισωαρξάμενας αὐτῇ τὰς πύχας εὐδαίμων. Φύσις γὰρ ὡς ἀγαθὸς καὶ φύσις εὐδαίμων, ὅτι αἰὲν ὡς εἴται, καὶ ὅδε ποκα ὑπολείπει τοιοῦτος ἔων, ἀφθαρτὸν ἔων, ὅτι φύσις ἀγαθὸς. Ὁ ὃ αὐτὸς ὡς οὐτὶ τὰ φύσις εὐδαίμων, ἀλλὰ μαθήσει καὶ πρῶτος πολεῖται, πὸ τι μὲν τὸ ἡμέω ἀγαθὸς τὰς ἀρετὰς, πὸ τι ὃ ἡμέω εὐδαίμων τὰς εὐτυχίας. Vita perfecti sunt quæ: non boni tantum sed etiam beati sunt. Quum enim beatitudo sit humana vite perfectio: vita quidem est actionum compositio, eas autem ad finem deducit beatitudo: id quod per virtutem fit & felicitatem: illam, propter usum hanc propter successum. At Deus quidem nec virtute ab aliquo precepta, bonus, nec felicitate comitante, beatus est redditus. Etenim natura tum bonus tum beatus erat semperque & fuit & erit, nec unquam talis esse desinet, quum interire non possit. Homo vero nec bonus natura nec beatus est, verum disciplinam & naturam, requirit: virtutis quidem ut bonus, felicitatis autem, vel beatus evadat, indigens Hæc Hippodamus. Vide etiam Eurypthemum & Archidemum Tarentinum in fragment. Pythagoricis.

Atque

Atque hac in re manifestò rursus peccant Stoici, qui volunt sapientem suum, vel cum Deo ex pari vivere, quod præcipuum hic erroris fundamentum est. Multis, inquit Senec. epist. 71. videmur maiora permittere, quàm reci, it humana conditio; non immerito, ad corpus enim respiciunt. Revertantur ad animum iam hominem Deo metientur. Et ep. 48. Hoc est quod Philosophia mihi promittit, ut me parem Deo faciat. Rursus epist. 73. Solebat Sextius dicere, Iovem plus non posse quem bonum virum. Plura Iupiter habet quæ præstat hominibus: sed inter duos bonos non est melior, qui locupletior, non magis quam inter duos quibus par scientia regendi gubernaculum est, meliorem dixeris cui maius speciosiusque navigium est. Iupiter quo antecedit virum bonum? diutius bonus est: Sapiens nihilo se minorem æstimat, quod virtutes ejus spatio brevior clauduntur. Quænam ex duobus sapientibus qui senior decessit, non est beator eo cuius intra pauciores annos terminata virtus est: sic Deus non vincit sapientem felicitate etiamsi vincit ætate. Non est virtus maior quæ longior: Iupiter omnia habet: sed nempe alius tradidit habenda. Ad ipsum hic unus usus pertinet quod utendi etiam omnibus causa est. Sapiens tam æquo animo omnia apud alios videt, contemnitque, quam Iupiter: Et hoc se magis suspicit, quod Iupiter uti illis nō potest, sapiens nō vult. Hæc Seneca. Vnde etiam Simplicius præf. comm. in Ench. Epicteti: Sapiens, ait, vitæ rationi consentaneæ non contentus, quantus quantus est, Deorum collega esse studet. Quæ omnia quam à verò distent, imò quam absurda & impia, atque tam sapientibus hominibus indigna sint nihil attinet dicere, cum res ipsa id loquatur.

## XIII.

*Alia cau-  
sa quare  
opus sit  
bonis for-  
tuna.*

*Sexta assertio.* Etiam bona externa in suo gene-

re vera bona sunt, nec tantum requiruntur ad  
felicitem vitæ idè ut instrumenta sint virtu-  
tis; sed etiam ut ipsa corpus perficiant ejusque  
indigentiam sublevent, cujusmodi sunt sanitas,  
sensuum integritas, divitiæ naturales, & similia.

Hæc assertio ex superioribus dictis facile proba-  
tur. Tantum hic discrimen aliquod notandū in-  
ter S. Bonum & felicitatem: S. Bonum enim est  
primum inter bona omnia quæ homini obtin-  
gere possunt, felicitas autem non tam unum bo-  
norum dicitur, quam ut Cicer ait S. Tusc. *secretis*

*S. B. &  
felicitate  
non nihil  
differt.*

*in aliis omnibus cumulatam bonorum complexione.*

Vnde fit ut animi perfectio maxima rectè dica-  
tur summum bonum; felicitas autem non item,  
nisi etiam corpus sua perfectione gaudeat. Hæc  
autem perfectio non in superfluis sed necessariis  
corpori bonis consistit: quæ planè desint, licet  
honestas non pereat, atque adeò primum inter  
omnia bona adsit, beatitudo tamen & felicitas  
deest. Atque hæc causa est quare Aristoteles &  
Academici negent Stoicis, sapientem in tauro  
Phalaridis, aut perpetuis vitæ tormentis beatum  
esse, quod immeritò exagitant Stoici. Primò e-  
nim si homo non est animus tantum sed corpus  
etiam est, perfectionem plenam non possidet  
cum corpori malè est. Secundò si natura in-  
didit inst. n. ut pro vitentur mala corporis &  
appetantur quæ id conservant, contra naturam  
est torqueri. Nihil autem quod contra naturam  
est felicitati conjunctum esse potest. Tertiò ipsa  
etiam ratio non potest tormenta & cruciatus di-

ecre



cere res bonas in se, sed malas potius, nisi per accidens id fiat, puta si perferantur propter virtutem Ergo nec ratione iudice bonum sed malum est in ærumnis istis esse, nisi per ea quæ mala alioqui sunt, obtingat aliquid aliud bonum & præclarum.

*Septima assertio* Postremò sententia Aristotelica magis convenit cum veritate fidei Christianæ quam Stoicorum doctrina. Hoc etiam facillime probatur. Primo enim perfectionem & felicitatem hominis non tantum in animi sed etiam in corporis bonis consistere inde sufficienter patet quod cum utrisque est conditus. Deinde ærumna omnes quibus premimur, morbi, inopia rerum necessariorum, & mors ipsa denique, pœnæ peccati sunt. Non igitur indifferentia sunt sed mala. Tertio ipsa scriptura passim etiam bona corporis appellat benedictionem divinam & Dei dona, ut Genes. 24. 35. & cap. 32. 10. & 39. 5. Deut. 8. Job. ult. 12. 1. Reg. cap. 3. 13 & aliis locis infinitis. Quarto etiam æterna vita corporis perfectionem promittit. Quod si autem illud bonum absolutè summum & inenarrabilis felicitas bona corporis continet, nec corpus ignobilius est quam ut in partem illius beatitudinis veniat, multò minus quantulacunque ista huius vitæ felicitas corporis bona fastidiri potest. Quintò hypotrefes illæ Stoicorum, corpus in pœnam homini concessum, & carcerem animi esse, sapientem cum Deo ex pari vivere, corpus non partem sed instrumentum hominis esse, nec hominem corpus animæ præditum, sed

*XIV.  
Sententia  
Aristot.  
magis  
convenit  
cum Fide  
quam  
Stoica.*

*Hypotheses Stoicorum  
cum fide  
pugnant.*

animum: difertè cum fide & Theologicis principiis pugnant. Quare etiam sententiam de summo bono, quæ iis innititur, fidei refragari necesse est. Et hæc de ista quæstione hæctenus. Vnde primò facilè intelligitur quid ad argumentatum quæ suprâ numero 2. pro Stoicis illata sunt, tum quæ præterea fieri possunt, respondendum sit: deinde etiam quid de paradoxis, quæ iidem de suo sapiente tradunt, sentiendum. Sunt autem hæc primò, sapientes omnes pares esse, secundò esse semper in gaudio, & in tormentis etiam felices, tertio nihil ijs præter opinionem evenire, quartò, solos contentos, solos liberos, solos divites, imò reges esse: ἀκυρολόγως enim pleraque sunt dicta & ita explicanda, ut ea explicat Cato extremo libr. 3. de finibus. Abusivè sanè dici ea necesse est cum ipse Seneca epist. 42. talem sapientem, qualem ipsi describunt, *tantumquam phœnicem. vix semel anno quingentesimo nasci fateatur.*

XV.  
*Quam  
necessaria  
ad vitam  
sit S. B.  
considera-  
tio.*

*Seneca.*

Quod igitur sit summum hujus vitæ bonum, quæ beatitudo, quid item sit extremum illud & ultimum, quò, qui sapit, omnia vivendi consilia confert, ita expositum est. Quæ consideratio quam præclara est & ad omnem vitam rectè instituendam necessaria, ita ex animo dimitti nunquam sanè debebat, planè ut jaculator scopum quo collimat in conspectu perpetuò habet. Vnde optimè Seneca ep. 71. *Quotiens quid fugiendum sit aut petendum voles scire, ad summum bonum & propositum totius vitæ respice: illi enim consentire debet quicquid agimus. Non disponet singula, nisi cum jam vitæ summa*

summa proposita est. Nemo quamvis paratos habeat colore: similitudinem reddet, nisi jam constet quid velit pingere. IDEO PECCAMUS QUIA DE PARTIBUS VITÆ OMNES DELIBERAMUS, DE TOTA NEMO DELIBERAT. Ita Seneca. Nihil verius, nihil certius. Sed cui hæc hodie apud nos persuadeas? Nunc pueritiam aut primam adolescentiam huic considerationi alligamus: viri facti talia ne aspiciamus quidem. Nempe de virtute & honestate identidem cogitare, adeoque de totius vitæ scopo rectè statuere, nec eum ex oculis dimittere prætextatorum est & puerilis exercitationis; severior opera & curæ, ac ætas virilis, avaritiæ & ambitionis instrumentis conquirendis reservantur. Ecquid mirum igitur est, si tam beatè vivitur ut hodie?

*Sed hodie pueris relinquuntur.*

Claudam hunc librum, si unum adhuc verbo monuero. Quid sit Summum Bonum, dictum est. Restat ut ostendatur, quomodo illud comparatur. Dicimus autem cum Platone in Menone & Aristot. ethic. cap. 9. primam quidem ejus causam esse Deum Optim. Maxim. donum enim illius est, ut bona cætera omnia: proximam autem adsuæfactionem & disciplinam: hoc pacto enim virtus paratur, ut suo loco pluribus dicetur. Quapropter à Deo hæc res petenda est: imò nihil æque petendum post æternam salutem, atque hæc ipsa: nulla enim sine Deo bona mens est, ait Seneca epist. 72. Et Epictetus indignatur, quod pro bonis ceteris homines Deo sacrificent, pro bona mente nemo. Contingit alicui tribunatus, in-

XVI.

*Quomodo S. B. comparatur.*

*A Deo concedi si ab eo id petatur.*

quit lib. i. Arian. cap. 19. omnes obvii ei gratulantur,  
 alius oculos eius deosculatur, alius collum, servi manus.  
 Domum venit, lucernas ardentes invenit, ascendit in Ca-  
 pitolum, victimas immolat. Quis autem unquam sacrifi-  
 cavit propter rectum appetitum, propter id ut natura con-  
 gruenter cupiditatem habeas? Et Juvenal. cum tota  
 sat. 10. ostendisset, ea homines plærunque a Deo  
 petere, quæ ipsis in malum cedant, tandem con-  
 cludit, cætera bona Dei arbitrio committenda:

*Si consilium vis*

*Permites ipsis expendere numinibus, quid*

*Conveniat nobis rebusque sit utile nostris:*

*Nam pro iucundis aptissima quæq; dabunt Dii:*

*Carior est illis homo quam sibi---*

& sanam potius mentem ac virtutem flagitan-  
 dam:

*Fontem posce animum & mortis terrore carentem,*

*Qui spaciū vita extremum inter munera ponat*

*Natura, qui ferre queat quoscunque labores,*

*Nesciat irasci, cupiat nihil, & potiores*

*Herculis ærumnas credat sævosq; labores*


*Et Venere & canis & plumis Sardanapali.*

*Quin & scriptura testatur Deo placuisse cum*

*Salomo* Salomo non divitias aut gloriam sed sapientiam  
*Deo placet* & animum intelligentem ad iudicandum populum Dei,  
*sapientiam po-* & discernendum inter bonum & malum precibus suis  
*tens.* postulasset 1. Reg. 3. 10. Faciendum autem hoc eo  
 magis, quod, ut Philo Judæus libr. de migrat. A-  
 braham dicit, si quid anima ex se ipsa parturit, plæ-  
 rumque abortivum & immaturum gignitur, contra in-  
 tegrum absolutumq; quidquid in eam divinitus impletur.

Vota

Vota postmodum excipiet conatus & labor, XVIII.  
 qui partim disciplinâ, partim exercitatione per- Votis ac-  
 ficitur: nulli enim sapere casu obtingit. Pecunia veniet cedat di-  
 & laud, honor offeretur, gratia ac dignitas fortè ingeretur sciplina &  
 tibi: virtus in te non incidet, ne levi quidem opera aut la- exercita-  
 bore, ut ait Seneca epist. 76. Pars autem ejus, aut tio.  
 idem rursus dicit epist. 94. disciplina constat, pars  
 exercitatione. Et discas oportet, & quod didicisti agendo  
 confirmes. Ad disciplinam autem pertinet, ut quid  
 bonum aut malum, quid sequendum in vita,  
 quid fugiendum sit cognoscatur, nec perfunctoriè  
 illud sed accuratè: multa enim etiam hic involuta  
 sunt, ut vix summa diligentia ac subtilitate aperiantur.  
 Nec sine istis tamen recti quidquam agitur: actio  
 enim recta non erit (utor iterum: verbis Romani sa-  
 pientis) nisi recta fuerit voluntas: ab hac enim est actio.  
 Rursus voluntas non erit recta nisi habitus animi rectus  
 fuerit: ab hoc enim est voluntas. Habitus porro animi non  
 erit in optimo, nisi totius vita leges perceperit, & quid de  
 quoque judicandum sit exegerit, nisi res ad verum redegerit.  
 Sed nec scientia virtutis & præclara dogmata suf-  
 ficient, nisi exercitatio accefferit eaque diuturna,  
 imò perpetua. Audiamus hic semel adhuc ma-  
 gnum illum è porticu doctorem. Quemadmodum  
 lana (inquit) quosdam colores semel ducit, quosdam nisi  
 sæpius macerata & percocta, non peribit: sic alias discipli-  
 nas ingenia cum accipere protinus præstant; hac nisi altè  
 descendit & diu sedit, animum non colora-  
 vit, sed infecit, nihil ex his qua  
 promiserit præstat.



## PHILOSOPHIÆ MORALIS

S E V.

CIVILIS DO-  
CTRINÆ DE  
MORIBUS.

LIBER SECUNDUS.

DE HOMINE QUATENUS FELICITA-  
tis civilis capax est, sive de animo & actionibus hu-  
manis, quatenus honestate imbui  
possunt.

## CAPUT I.

De animi partibus & facultatibus, ubi  
ostenditur qui & quousque de  
ijs hic tractetur.

## SUMMARIA.

- 1 Quatenus disciplina practica considerent obiectum.
- 2 Tres anima nostra facultates esse.
- 3 4 De facultate vegetante & intelligente.
- 5 Vegetantem hinc ablegandam esse, & quid in cæteris  
considerandum sit.
- 6 Quid differat appetitus rationis ab appetitu sensitivo.

POST-

POST QUAM superiori libro expositum est de  
 fine hujus Philosophiæ, quantum sufficere  
 putavimus, proximum est, ut nunc de objecto e-  
 jus consideremus; tribus enim istis omnem di-  
 sciplinam practicam absolvi, sine, inquam, obje-  
 cto, & mediis, quibus finem assequimur, jam ini-  
 tio ex Averroë docuimus. Res autem manifesta  
 est: etsi namque proprium est hujusmodi disci-  
 plinis non tam objectum suum contemplari,  
 quàm certum finem in illud introducere, aut  
 certa aliqua ratione perficere; tamen sicut cor-  
 pus curare nequitis, qui ejus naturæ & partium  
 cognitione destituitur, ita nemo etiam animo  
 hominis medicinam parare potest, nisi illum e-  
 jusque naturam, quantum ad hanc rem neces-  
 sum est, perspectam habeat. Quod quomodo  
 fiat ita expendendum est. Diximus suo loco ob-  
 jectum Philosophiæ moralis esse hominem,  
 quatenus felicitatis civilis capax est: felicitas au-  
 tem illa, ut ostendimus, posita in nulla re alia est  
 quàm in vita virtuti dedita, sive in eo, ut actio-  
 nes omnes, quæ in vita suscipiuntur, quàm ho-  
 nestissimæ sint, & quantum fieri potest, rectæ ra-  
 tioni consentaneæ. Cum ergo virtus illa non  
 corpori, sed animo nostro inhæreat, actiones et-  
 iam omnes, in quibus est aliqua ratio honesti,  
 ab eo proficiantur, de animo hominis utique  
 hic videndum est, quæ & quatenus ille aptus sit,  
 ut virtute informetur. Explicandum quoque,  
 quid actio humana sit, & quo usque civiliter  
 aut moraliter bona vel mala esse possit. Qui-  
 bus

1.  
*Quatenus  
disciplina  
practica  
conside-  
rens obje-  
ctum.*

lib. 1. 6.  
 n. 7.

*De qui-  
bus de in-  
ceptis agen-  
dum sit.*

bus pertractatis proclive magis postmodum erit de mediis prospicere, quibus partes illæ animi, quæ virtute imbui possunt & debent, perfectionem suam adipiscantur, cumq; constituerit quid sit actio mortaliter bona vel mala, sive quid vita honesta, quid inhonesta vocetur, facilius et ampliquebit, quænam sint illa principia, à quibus proximè honestas omnis profluit, & promanat. Ut autem eò rectius & distinctè magis omnia explicentur, in duas partes hanc tractationem objecti dispescere libet. Primò quidem indicabimus, quæ sint animi nostri partes & facultates. qui ejus appetitus; deinde ostendemus, quomodo idem ille ejusque appetitus, tam qui in facultate intelligente sedem habet, quàm qui in sensitiva, rationem bonitatis aut malitiæ moralis habeant, & per & propter eos homo benè vel malè agat, sive, ut supra loquebamur, feliciter aut miserè vivat.

Pl.  
*Tres ani-  
ma nostra  
partes.*

Principio autem ex physicis hic supponendum est, aliam esse in nobis animæ partem, cujus beneficio vivimus tantum, aliam quâ sentimus, & aliam denique quâ intelligimus. Distinctas sanè illas esse nullum est dubium, cum tam distinctæ sint illarum functiones, etsi Stoici eas confuderunt, ut ex Plutarch. libro de viit. morali constat, & notant Lipsius libro 3. Physiolog. Stoic. dissert. 18. ac Joachimus Cameraarius præfat. Comm. in ethic. ad Nicomach. An autem sint diversæ unius & ejusdem animæ facultates & potentiæ, an tres distinctæ animæ in homine, disputari solet. Unius animæ tres discretas



secretas potentias tantum esse statuunt Thomas p.p. quæst. 76. art. 3. & 2. cont. gent. cap. 58. & passim, Scotus 4. d. 11. quæst. 3. Cajet p.p. loc. citat. Socinas 8. Meth. quæst. 32. Javellus ibid. quæst. 4. Ferratienſis cont. gent. loc. citat. Fonteca 5. Metaph. cap. 1. sect. 1. Suarez. disput. 15. Metaphys. sect. 10. num. 62. Tres animas esse vult Jandunus 2. Metaphys. quæst. 10. & Averio istæ omnes: quæ quidem disputatib. cum Phisica potius & Metaphisica sit, eò nunc remittatur, cum ad nostrum institutum perinde sit, utram sententiam quis amplectatur. Tantum id hic sciendum & accuratè observandum, ex tribus illis animæ potentiis & facultatibus in homine unam quidem esse rationis plane expertem, alteram ratione præditam, ac tertiam secundum quid ejus expertem, ac secundum quid compotem, ut docet Aristot. 1. eth. cap. ult.

Rationis omninò expertis est anima vegetatis; III.  
 siue ea animæ facultas, qua vivimus tantum: ne- De facultate vegetantis.  
 que enim vel ipsa rationem habet, vel ejus imperio pater, nisi per accidens. Liqueat hoc facile: neque enim ut rectè aut pravè nutriatis in potestate tua est aut prudentia & consilio efficitur nostro: quod si enim organa, quæ in corpore destinata isti functioni sunt, rectè se habeant, ita ut eorum beneficio anima alimentum, quod in corpus ingestum fuerit, ritè concoquat, nutritio bona sequatur necesse est: sin-  
 contra res se habeat, velis, nolis, malè nutrieris. Docet hoc Aristot. libr. 1. m. m. cap. Similis, Aristot.  
 inquit, esse videtur hæc anima pars igni; in hunc enim  
 siquid

*si quid proieceris consumet ille : quod si autem non intreceris, non habet impetum ad accipiendum. Ita etiam hæc pars anima se habet : si ingrefferis nutrimentum, nutrit : quod si alimenta non ingrefferis, non habet propensionem ad nutriendum. Eadem ratio est de augmentatione & generatione. Per accidens autem fit, ut quandoque etiam hic rationi & consilio locus aliquis sit : si enim morbus corrupuerit visus aut membrum aliquod, arte is tolli potest, atque ita mala nutritio in bonam verti. Nec tamen propterea illa rationis ductu peragi dici potest : non tam enim id est nutritionem bonam procurare, quam ejus impedimentum remove-  
re. Sicut ergo cum corpus grave, quod propter impedimentum forte in aere aut loco sublimi detinebatur, remoto impedimento fertur naturæ suæ instinctu, non ad arbitrium ejus, qui impedimentum illud removet ; ita etiam ut anima vegetans sublato impedimento rectius exequatur munus suum quam antè, non tamen propterea ipsa illa functio ejus propriè & per se consilio aliquo regitur. Anima itaque vegetans cum ratione nihil, ut diximus, commune habet.*

*IV. Compos autem rationis est facultas intelligens ; imò hæc est ipsa ratio sive anima rationalis : ejus enim beneficio non tantum rerum naturalium causas investigamus, sed de omni etiam vita & actionibus consultamus & deliberamus. Denique rationis partim compos partim expers est anima nostra sentiens : expers quidem, quia ipsa nihil intelligit & imperationi sæpè repugnat :*

*De intel-  
ligente.*

*De senti-  
ente.*

gnat: compos autem, quia appetitus ejus rationis nutui parere potest, & parere natus est. Ubi nota, dupliciter quid dici posse rationale, ut docet Arist. i. eth. Nic. cap. ult. t. 116. uno modo per essentiam, ita ut ipsa essentia ejus sit ratio, altero per participationem, quo pacto rationale dicitur omne quod ratione regitur. Priori modo sola anima intelligens est rationalis, posteriori etiam sentiens, non quidem ut in brutis est, sed tamen prout in homine.

Ceterum anima vegetans, quia neutro modo  
 dorum illorum cum ratione quicquam ad fine *V.*  
 habet, id est, nec per essentiam, nec per parti- *Vegetans*  
 cipationem rationalis dici potest, ab hac con- *hinc abla-*  
 sideratione nunc dimittetur: cum enim obje- *ganda.*  
 ctum ethicæ hic consideremus, id autem ho-  
 mo sit, nihil nisi quod in nobis humanum est  
 hic pertinere potest: tale autem non est, quod  
 rationis nihil habet sive rationem nullo modo  
 participat. De anima ergo intelligente & sen- *In cæteris*  
 tiente porro dicamus. Sunt autem duo in u- *facultati-*  
 traque quæ considerari cum primis hic debent, *bis consi-*  
 cognitio & appetitus. Habent quidem omnia *deranda*  
 corpora etiam inanimata, ut formam suam per *cognitio*  
 quam sunt quod sunt, ita etiam appetitum ali- *& apper-*  
 quem per quem conservantur: (ut omne cor- *tus.*  
 pus grave & leve appetit locum suum, quod  
 in eo cum primis & quàm rectissimè conserve-  
 tur.) maximè tamen id evidens est in animatis,  
 & præsertim in cognitione præditis. In anima-  
 tis quidem omnibus est appetitus nutrimenti:  
 cum enim sine nutrimento vivere nullum cor-  
 pus pos-

pus possit, sine appetitu quoque ejus naturali conservari viventia non poterant. Vt ergo non tantum essent, sed & conservarentur, naturalalem instinctum omnibus illis indidit. In his autem quæ ratione prædita sunt duplex potest esse appetitus, sicut & ipsa cognitio ejusque principium duplex est: cognitio enim alia est sensitiva, sive quæ sensus beneficio fit, alia intellectiva, sive quæ ab intellectu est. Sicur ergo diversa sunt principia cognoscendi, ita etiam diversi sunt appetitus. Sensus quidem principium est animæ sentiens, intellectus autem animæ rationalis. Unde duplex etiam appetitus est in talibus, unus sensuum; sive is quo anima sentiens appetit quod ipsi bonum est; alter rationalis, quo anima intelligens fertur in bonum suum, sive in id, quod ipsa bonum esse judicat. Prior simpliciter vocatur appetitus sensitivus, posterior peculiare nomen nactus est, & voluntas dicitur.

vi.  
Quid differat appetitus rationis a sensuum.

Magna autem inter utrumque est differentia, cum non tantum subjectis, sed etiam objectis discrepent. Subjectis quidem distinguuntur, quia voluntas, ut est appetitus animæ rationalis, ita etiam ad eam tantum pertinet; & in ea sedem suam habet; appetitus autem sensitivus in anima sentiente est. Objectis vero, quia voluntas propriè in id bonum fertur, quod intelligibile est; appetitus autem sensitivus in illud tantum; quod sub sensu cadit: appetitus enim omnis in his, quæ cognitionem habent, cognitionem sequitur, ita ut id appetat voluntas, liberè

berè tamen, quod ratio judicat bonum, appetitus autem sensitivus illud quod sensus judicio tale est: quæ duo quantum sæpè distent, omnibus notum est. Sanè ratio si recte se habeat, id bonum judicat, quod honestum, sensus autem quod jucundum & suave: quæ etsi coire interdum in unum possunt, rarò tamen id fit (nisi habitus aliquis accedat) & infida societas est. Hæc ergò ita se habent, ex quibus jam liquere existimamus, non tantum quæ & quot sint animi nostri partes & facultates, sed etiam quænam ex iis & quatenus huc pertineant. Nunc missis iis, quæ generatim hætenus dicta sunt, de anima intelligente & sentiente sigillatim tractemus, primò autem de intelligente.

## CAPVT II.

De Intellectu & recta ratione, deq; certitudine hujus doctrinæ.

## SUMMARIA.

- 1 *Quanam de anima intelligente Physicus tractat.*
- 2 *Intellectus theoreticus & practicus.*
- 3 *Quare principia dicantur esse natura notæ.*
- 4.5. *De habitu principiorum, synteresi, lege natura & recta ratione.*
- 6 *Quantum errent qui rectam rationem negant.*
- 7 *Ipsam Script. voce rationis uti in bonam partem.*
- 8 *Item Ecclesia Dd.*

9.10. *Quid sit reclaratio, quodq; alia tam in theoricis quam practicis super sit.*

11 *Certitudo luminis naturæ & totius Philosophiæ.*

12 *Nihil posse ver a ratione statui quod falsum est.*

13 *Quidnam sis dicendum ethicum aut politicum.*

14 *Contradiçtiones eorum qui errores Ethici ethica tribuunt.*

15 *Quomodo ijdem cum Paulo pugnent.*

16.17. *Lumen naturæ etiã in peccatoribus bonum esse nec Philosophiam pugnare cum Theologia.*

18.19.20. *Obiectiones solvuntur.*

I.  
*Quanam  
tradi de  
anima in-  
telligente  
soleant.*

**N**OBILISSIMA omnium in Physicis doctrina est, quæ agit de anima, præsertim intelligente siue rationali : hæc enim fortuna hominis est, homo autem totius mundi compendium, & quasi *δε γένος* quidam. Accuratè ergo Physicus & quam diligenter fieri potest illius naturam indagat. In primis autem ostendit, etiã si anima illa sit in corpore, & vera hominis forma, incorpoream tamen esse & immortalem : cognoscere enim & appetere res sine instrumentis corporis, præditam esse potentiis duabus nobilissimis, intellectu passibili & agente, quorum hic species intelligibiles fabricet, ille recipiat : non intelligere tamen sine phantasmatibus, quia ex iis species intelligibiles beneficio intellectus agentis fiant, & quæ sunt alia his similia. Disputat porro de appetitu istius animæ siue de voluntate, quid sit, realiterne seu ex natura rei an ratione tantum ab intellectu distinguatur, quomodo nam sit ejus objectum, qui actus & quotuplices, quid & quæ libertas ejus, & primòne libertas arbitrii intelle-

Qui

Cui competat, an voluntati, an cogi possit, &c. Hæc ita, inquam, Physicus. Nos ex omnibus illis pauca tantum excerpemus: cuncta enim instituto nostro non quadrant. Et quia duæ istæ sunt animæ intelligentis præcipuæ potentia; intellectus & voluntas, de utraque aliquid dicemus, & primò de intellectu, deinde de voluntate, & quæcum hac vel idem; vel conjunctissimum quid est, arbitrii libertate.

De intellectu igitur scire hîc primò oportet, & si ille simplex quiddam est & reapse una potentia tantum, ratione tamen finis eum distinguere solere in theoricum & practicum; ut est apud Aristotel. 3. de anim. cap. 9. text. 49. Theoricus dicitur qui res eo solum fine cognoscit, ut veritatem earum perspectam habeat, practicus, qui ideo aliquid cognoscit, non ut sciât tantum, sed ut quod scit agendum esse id agatur. Differunt igitur in eo, quod theoretica rei intellectio subsistat in nuda ejus cognitione, practica autem ordinetur ad motum; non quidem, ut ipsa impellat ad agendum, (hoc enim ad appetitum spectat, cui primò & propriè competit movere & ad aliquid impellere,) sed ut dirigat appetitum, & quid appetendum sit ostendat. Vide hic Thom. p. 1. quæst. 79. art. 11. Deinde notandum est, omne quod cognoscitur, tam à theoretico intellectu, quàm à practico, illud in duplici differentia esse, vel enim sunt principia vel conclusiones. Principia vocamus omnes propositiones per se notas seu quarum veritatem homo naturâ, id est, per se seu ex ipsorum ter-

11.  
Intelle-  
ctus theo-  
ricus &  
practicus

Omnia  
quod co-  
gnoscitur  
sunt prin-  
cipia aut  
conclusio-  
nes.

K à imino

minorum perceptione intelligit. Talia sunt ex theoreticis quidem: Omne totum esse majus sua parte. Si equalib. addantur equalia, erunt equalia. Quod dicitur de omni subiecto, id etiam dici de omni, quod sub illo subiecto subsumitur, & contra: Quod negatur de omni subiecto, id negandum etiam esse de omni. quod sub illo subsumi potest. Idem non posse simul esse & non esse. &c. Ex practicis verò hæc: Deum colendum esse, Parentes honorandos, Honestè vivendum, Neminem ladendum; Ius suum unicuique tribuendum, Quod tibi fieri non velis nec alteri faciendum, &c. Hæc & talia, inquam, vocantur principia: ex iis enim & similibus omnis cognitio nostra, quæ per intellectum patatur, primò originem suam dicit:

## III.

*Quare  
principia  
dicantur  
natura  
nota esse.*

Dicuntur autem natura nota, quia sine præceptore ac demonstratione ac disciplina homines hæc cognoscunt, sive quia ista quisque nostrum ita novit, non quod aliunde sive ex re aliqua antea sibi nota eruerit, vel à quoquam edoctus sit, sed quod animis nostris naturæ auctor cognitionem eorum ipse quasi in se veit: id enim est naturâ notum aliquid esse. Quomodo autem natura illa doceat, id ita considerandum est. Equidem non debet hoc sic intelligi, quasi statim simulac in lucem edimur ista omnis actu cognoscamus: id enim fieri nullo pacto potest. Et notum est, quod ex Aristot. de anima loc. citat. cap. 4. text. 15. adferri solet, intellectum nostrum, cum primò nascimur, *rase tabula similem esse, in qua scriptum nihil dum est, etsi inscribi quidvis potest*: cum enim ante usum rationis mens hominis nullas omninò propositiones, imò



imò nec simplices earum terminos apprehendat (mente enim aliquid apprehendere, & nondum tamen ratione uti, contradictoria sunt) fieri quoque nequit, ut tum veritatem ullius propositionis cognoscat. Sic cū infans non norit, qui dicantur parentes, quid sit honorare aliquem, utique nec propositionem hanc: *Parentes sunt honorandi*, intelligit. Certè componere conceptus nequit, & multo adhuc minus de compositione eorum judicare, rectène illa an secus fiat, qui nullos dum conceptus mente format. Quare hoc non est naturæ notum quid esse, statim atque in lucem prodeas, actū id apprehendere aut cognoscere, ut Plato notitiam omnium rerum innasce nobiscensuit, qua de re alibi; sed illud, si, ut diximus, sine præceptore & labore aliquid cognoscas, aut veritatem rei percipias. Quod quidem in principiis illis statim fit, atque ratio in homine se exerit, & sensuum ope simplices terminos apprehendere incipit: quamprimum enim cognovimus quid essent parentes, quid honorare aliquem & observare, actutum quoque, id est, sine omni inquisitione, sine præceptore & disciplina scivimus, parentes venerandos esse. Vnde liquet id natura notum dici, si veritas propositionis aliqujus cognoscatur statim eum menti obijcitur, id est, statim atque ejus termini simplices apprehenduntur & componuntur, qua de re pluribus in Metaph. & Logicis tractatur. Atque hæc sunt principia & ita cognoscuntur. Conclusiones autem vocantur propositiones illæ, quarum

*Infantes non habent æqualem notitiam principiorum.*

*Qua di-  
sur Cen-  
thesiones.*

rum veritas nota non est nisi aliunde eruatur, & vel inductione vel syllogismo innotescat. Talia sunt omnia theoremata in sententiis & omnia præcepta in disciplinis practicis, tam quæ ad vitam rectè instituendam, quàm quæ ad opus mechanicum efficiendum pertinent; imò omnes & totæ disciplinæ, saltem lumine naturæ acquisitæ nihil aliud sunt, quàm habitus in animo si-ve intellectu nostro ex ejusmodi conclusionum congerie nati, principia enim ipsa nulla discipli-  
na considerat, sed supponit, (loquor enim nunc de principiis cognoscendi,) nisi sola Metaphysica, quæ propterea etiam sapientia appellatur. Et hoc alterum est, quod de intellectu notari debet.

*IV.  
Habitus  
principio-  
rum.*

Tertiò observandum est, etsi principia illa, sicut diximus, naturâ sint nota & investigatione opus non habeant, esse nihilominus habitum eorum quoque aliquem, quem Aristotel. cum alia voce destitueretur, nomine ipsius potentia intelligentiæ insignivit, & *νοῦς* seu mentem vocavit 6. eth. cap. 6. etsi enim sine discursu veritatis cognitio in hisce comparatur, opus tamen est aliquo exercitio, ut eò promptius veritatem illem apprehendas. Et ratio hæc est: nam nisi saltem simplices terminos, ex quibus principia constant, paulò sæpius consideraris, fit ut non animadvertas interdum id naturam docere, quod tamen revera docet. Cum igitur crebra cogitatio de principiis illis omninò faciat, ut facilius sit de ijs judicium, promptitudo ista certè ab habitu est, licet judicium ipsum immediatè à natura profluat.

profluat, quod rectius intelligetur infra, ubi de natura & numero habituum agetur.

Caterum hic habitus, quatenus quidem circa practica versatur, alio nomine vocari solet <sup>V.</sup> *Synderesis*, <sup>Synderesis.</sup> *συντήσις*, vulgò, etsi barbarè, *Synderesis* dicunt. Dicunt etiam *lex natura*, quæ appellatio ex <sup>Lex natura.</sup> *natura*. epist. ad Roman. cap. 2. 14. primum desumpta est. Quicquid autem ex principiis istis & lege innata ritè deducitur Philosophi *rectam rationem*, B. Paulus nunc iustitiam Dei vocat, ut Roman. 1. ult. nunc opus legis cordibus etiam ethnicorum inscriptum, ut cap. 2. 15. Talia autem sunt omnia præcepta de virtute & honestate, quæ vi luminis naturæ cognosci ab homine possunt, & uno verbo, tota doctrina ethica, tota prudentia civilis & omnes optimæ & naturæ congruentes leges: nihil enim horum est, quin ex isto fonte profluat & recto luminis naturæ iudicio, & naturalibus principiis innitatur, certè inde profluere & illi inniti debeat, si verum sit & rectè tradatur. Quod hic ante omnia & eò diligentius observandum est, quia ab hoc fundamento tota doctrina civilis, tam hæc, quæ est de moribus, quàm quæ de repub. agit. excitari debet: quo ignorato, aut non rectè perspecto, vel in dubium etiam, ut à nonnullis hodiè sit, vocato, de omni virtutis atque honestatis studio perperam te sentire, adeoque in crassissimos errores incidere necessum est: quod si enim post lapsum nulla superest recta ratio seu nullum <sup>Recta ratio.</sup> rectum iudicium in nobis, ne de civilibus quidem & vitæ hujus honestate, (de rebus enim fidei, & quæ

quæ ad æternam vitam pertinent è sola revelatione sive verbo divino nos edoceri, extra controversiam est) jam non discrimen honestorum & turpium homo scire citra revelationem potest, nec in universum ulla esse, vel ethica, vel Politica, vel Iurisprudentiæ, cum omnes illæ disciplinæ super recta ratione constructæ sint.

## VI.

*Quantum  
errant qui  
eam ne-  
gant.*

*Quid ita  
vocetur.*

Sed qui sic statuunt ipsi, quid dicant, nesciunt, & non tantum omnem Philosophiam evertunt, sed etiam Sancti. Paulo, velint, nolint, disertè contradicunt, præsertim si non solum affirmant, notitias illas naturales veras non esse, sed etiam, ut nuper non nemo scripsit, *cum fide pugnare idque non per accidens*, aut quatenus homo male sæpè iis utitur (quod fieri utique potest) *sed per se & quatenus sunt notitiæ tales*, sive conclusiones legitime ex illis reductæ. Quod omne proclive erit intelligere, si tantum consideres, quidnam vocetur recta ratio. Non appellatur autem ita ipsa anima rationalis, sive ipse hominis intellectus: hunc enim errare & decipi posse, atque adeo sæpè decipi vel in sapientissimo mortalium, nullum unquam fuit dubium. Nec verò ille errat tantum in rebus fidei (in quibus profectò nisi Spiritu sancto duce, & facem prælucente S. Scriptura, perpetuò eum cespitare necessum est) sed sæpenumero etiam in civilibus, & iis quæ ad vitæ hujus rationes pertinent. Non ergo id vocatur recta ratio hominis intellectus, qui nulla in re errat, nulla in re impingat, sed rectum tantum ejus judicium de re, quæ sive naturaliter nota est, sive potius ex principiis naturali-

turaliter notis legitimè sequitur. Hoc, inquam, judicium intellectus recta ratio appellatur, *theoretica* quidem, cum de rebus theoreticis judicat, *practica*, quando de practicis. Quotiescunque itaque dicitur rectam rationem hoc vel illud docere, aut rectæ ratione aliquid contentaneum esse, id intelligitur, verum illud & certum esse, vel quia sit principium natura notum, vel potius, quia ex ejusmodi aliquo principio per bonam consequentiam deduci possit.

*Ratio  
theoretica  
& practi-  
ca.*

Et verò rectè ita appellari naturale illud, seu ex naturaliter notis principiis exstructum de honestate & rebus civilibus judicium, ex ipsa scriptura ostendi potest. Vbi primo noto, vocem rationis perperam hodie à multis vix aliter, quàm in malam partem, & pro ipsa corruptione hominis usurpari, cum contra scriptura in bonam partem eâ utatur. Sic B. Paulus Roman. 12. 1. *Obsecro itaque vos, fratres, per misericordiam Dei, ut exhibeatis corpora vestra hostiam viventem, sanctam, Deo placentem, RATIONALE obsequium vestrum.* Ecce cultum illum, quem sancti Deo præstant, cultum rationalem vocat, non facturum utique, si ratio & rationale non perfectionem aut rem bonam, sed per se malam denotent. Simili voce utitur S. Petrus 1. cap. 2. 1. *Deponite, inquit, omnem malitiam & omnem dolum & simulationes & invidias & omnes detractiones. Sicut modo geniti infantes λογικόν, ἀδόλον, γάλα, RATIONALE, sine dolo, lac concupiscite, ut in eo crescatis in salutem.* Deinde dico, judicium naturale, aut naturalibus principiis consentaneum, ab eodem Paulo

*VII.*

*Ipsa scriptura vocat rationis utitur in bonam partem.*

K 5

rectam

*Et Paulus  
Ius judi-  
cium na-  
turale  
vocat ra-  
tionem.*

rectam rationem appellari : ecquid enim aliud est ille λογισμὸς κατηγορῶν καὶ ἀπολογούμενος ratio-  
cinatio accusans & defendens , in ethnicis, ostendens  
opus legis divine in corde scriptum , Roman. 2.15.  
quàm ratio recta ? Certè λογισμὸς ratio est, seu  
rationis iudicium ; iudicium autem seu λογισμὸς  
accusans improbitatem & defendens atque ap-  
probans honestatem , rectum utique iudicium  
& recta ratio est. At talis erat ille λογισμὸς ,  
de quo Paulus loquitur : nec enim ostendere  
poterat opus legis in corde eorum scriptum  
esse, nisi quod vitia accusabat & virtutem lau-  
dabat. Non ergo alia, de qua loquitur, ratio est,  
quàm recta illa, & rectum aliquod etiam in pes-  
sima vita iudicium , quod etsi sectari ethnici illi  
nollent, ex animo tamen penitus delere non po-  
tuerant.

*IX.* Vnde tertio etiam Ecclesiæ Doctores semper  
*Nec aliud* ita locuti sunt. Eius rei testes do duos insignes  
*etiam Ec-* in primis & omni exceptione maiores, ex Græ-  
*clesia Dei* cis B. Grægorium Nazianzenum , ex Latinis B.  
*faciunt.* Augustinum. Et Gregorius quidem orat. 2. de  
*Gregor.* ratione theórica ita ait : **RATIO** nobis à Deo da-  
*Nazian.* ta, innata universis, primaque in nobis ad eam lex , omni-  
bus inherens, per eorumque quæ sub aspectum cadunt con-  
templationem ad Deum deducit. Et notitiam Dei natu-  
ralem & per lumen naturæ acquisitam vocat  
rationem, & quidem quæ suo modo ad Deum  
ducat. Idem orat. 7. de ratione practica dicit, ge-  
nerosas naturas, si **RATIO** eas castiget , magnum ad  
virtutem adiumentum adferre. Rursus orat. 9. Omne  
bonum à tempore ac **RATIONE** stabilium in natu-

nam vertitur. B. autem Augustinus utramque con- s. a.  
 jungit & planè loquitur ut nos hodie, lib. 2. de gust.  
 arbitr. cap. 18. intueris, inquit, iustitiam quâ nemo  
 malè utitur. Hac inter summa bona, quæ in ipso sunt ho- Imò Aug.  
 mine, numeratur, omnesque virtutes animi quibus ipsa re- rectam &  
 cta vita, & honesta cor. stat: nam neque prudentia, neque veram  
 fortitudine, neque temperantia male quis utitur: in his appellat,  
 enim omnibus sicut in ipsa etiam, quam tu commemora- ut  
 sti, iustitia RECTA RATIO viget, sine qua  
 virtutes esse non possunt: RECTA autem RATIO  
 ONE malè uti nemo potest. Et libro tertio ca-  
 pit. 5. de ratione theorica sic ait: Quicquid ti-  
 bi VERA RATIONE melius occurrerit, scias fe-  
 cisse Deum tanquam bonorum omnium conditorem: non  
 est autem VERA RATIO, sed invidia infirmitas,  
 cum aliquid melius faciendum fuisse cogit averis, iam nihil  
 aliud inferius velle fieri, &c. Item: Potest esse ali-  
 quid in rerum natura quod tua ratione non cogitas, non  
 esse autem quod VERA RATIONE cogitas non po-  
 test. Et rursus: Credat ergo Deum fecisse quod VERA  
 RATIONE ab eo faciendum fuisse cognovit, etiamsi hoc  
 in rebus factis non videt. Et paullò post: Ita quidam,  
 cum RATIONE VERISSIMA videant melio-  
 rem esse creaturam quæ quamvis habeat liberam volun-  
 tatem, Deo tamen semper infixæ, nunquam peccaverit,  
 intuentes peccata hominum, non ut peccare desinant, sed  
 quia facti sunt, dolent. Denique opponit ratio-  
 nem usui & consuetudini: RATIO æstimat luce ve-  
 ritatis, ut recto iudicio subdat minora maioribus: usus  
 autem consuetudine commoditatis plerumque inclinatur  
 ut ea pluris æstimet quæ veritas minora esse convincit:  
 cum enim corpora cælestia corporibus terrestribus magna  
 diffe-

*differentia* RATIO præponat, qui tamen carnalium hominum non malet vel plura adesse in cælo sidera, quàm unam arbusculam in agro suo, aut vaccam in armento? Ita ille.

IX.

*Recta ratio nihil aliud quàm verum iudicium de rebus qua ex naturali- bus princi- piis co- gnoscuntur.*

*Eam etiam post lapsum in nobis esse.*

*Probat ex scriptis. Superesse nobis lumen naturale in theoricis.*

Ex his igitur constat rectam rationem appellari nihil aliud quàm notitiam rerum quæ per lumen naturæ parari à nobis potest, siue contemplationi eæ sub jaceant tantum siue praxi; seu rectum & verum iudicium de istis rebus ex naturalibus principiis & lumine ac lege naturæ depromptum, atque ita vocem eam tum scripturam ipsam tum Ecclesiæ etiam Doctores usurpare. Et verò negari nequit, rationem ejusmodi seu notitiam etiam post lapsum homini competere, nisi simul ipsas notitias innatas & legem naturæ quis velit inficiari. Nam si recta ratio est notitia seu iudicium ex naturali lumine profluens, vel nulum post lapsum est naturale lumen vel est in talibus etiam recta aliqua ratio. Consequentia per se clara est. Antecedens autem negari nequit, nisi ipsi scripturæ contradicas: nam hæc tam in theoricis quam practicis lumen aliquod tale passim agnoscit. In theoricis quidem naturale aliquod lumen & notitiam superesse eousq; confirmat, ut quod primum in genere est naturaliter quædam tenus notum esse dicat, nempe Deum esse, eumque rerum omnium causam, justum, vindicem scelerum, &c. Cæli enarrant gloriam Dei & opera manuum ejus annuntiat firmamentum. Dies diei eructat verbum & nox noctis indicat scientiam, inquit David. Plal. 18. 1. 2. Liber Sapientiæ cap. 13. 2. Solem & Lunam rectoris orbis terrarum Deos putaverunt. Quotum si



rum si specie delectati Deos putaverunt, sciant quantum his Dominator eorum speciosior est: speciei enim generator hac omnia constituit. Aut si virtutes & opera eorum mirati sunt, intelligant ab illis, quoniam qui hac fecit fortior est illis: à magnitudine enim & specie & creatura ἀλλογίας (proportionem aut convenienter) poterit creator horum videri. Sanctus Paulus Actor. 14. 16. Deus in præteritis generationibus dimisit omnes gentes ingredi vias suas. Et quidem (καὶ τοι ὅτι) quamvis non sine testimonio semetipsum reliquit, benefaciens de cælo, dāns pluvias; &c. Idem rursus, capit. 17. 26. Deus fecit ex uno omne genus hominum, inhabitare (ut inhabitaret) super universam faciem terræ, definiens statuta tempora & terminos habitationis eorum, querere Deum si forte attraherent eum aut inveniant (palpando inveniant) quamvis non longè sit ab unoquoque nostrum. Evidentissimè autem omnium idem docetur ad Roman. 1. ὅτι ἡ ἀόρατος θεὸς ὁ οὐδὲ θεὸς quod notum est Dei (seu cognosci de Deo potest) manifestum est in ipsis. Deus enim illis manifestavit, versic. 19. Invisibilia enim ipsius à creatura mundi per ea quæ facta sunt intellecta conspiciuntur, sempiterna quoque eius virtus & divinitas, ut sint inexcusabiles vers. 20. Quia enim cognovissent Deum, &c. vers. 21. Et sicut non probaverunt (καὶ ἰδοὺ μὴ ὤραον, non visum fuit) Deum habere in notitia &c. Qui poterat clariùs dici, lumen quoddam naturale unicuique homini suppetere, non dico ad cognoscendam veritatem tantum rerum creatarum, sed ad agnoscendum etiam Deum ipsum & creatorem ex creaturis istis, nempe quod æternus sit, justus, sapiens, bonus, omnipotens,

potens, &c. Imò hæc naturâ tam manifesta esse dicuntur, ut pœnè palpando etiam inveniri queant. Quin hæc naturalis notitiâ manifestatio quædam divina appellatur. Et verò ista non tantum evincunt naturale aliquod lumen etiam post lapsum restare in homine ad veritatem in his quodam modo cognoscendam, sed simul etiam rectam ex isto lumine & naturalibus istis principiis ratiocinationem, seu facultatem rectè ex iis aliquid deducendi: Si enim illa omnia de Deo ex creaturis discere, si invisibilia Dei ex visibilibus, ex ornatu creaturarum creatoris sapientiam & maiestatem intelligere ethnici potuerunt, imò etiam inde intellexerunt, jam utiq; recta de his ratio seu ratiocinatio & rectum iudicium in iis esse poterat & erat etiam, nisi quod ipsi illud sequi volebant & extinctum etiam ibant, quantum poterant. Quod si autem suppetebat recta ratio de divinis quoad tenus, multò magis ea erat de naturalibus & in naturalium scientia.

X.  
Item in  
præfatione.

Porro verò extare etiam naturale lumen in practicis æquè manifestò sacræ literæ docent. Sic ad Roman. 1. ultim. dicitur, ethnicos novisse malitiam, fornicationem, avaritiam, nequitiam, iridiam, homicidia contentiones, dolos, &c. talia esse peccata morte digna; item novisse iustitiam seu ius Dei. Et cap. 2. 14. dicuntur iidem naturâ interdum qua legis sunt facere & v. 15. opus legis cordi inscriptum gestare & à suis ipsorum cogitationibus interdum accusari. Vnde etiam 1. ad Corinth. 11. 14. idem Paulus ad naturale iudicium provocat: *Annō naturæ*

*natura ipsa vos hoc docet, inquit, quod vir quidem si co-*  
*nam nutriat ignominia est ei, &c.* Hæc scriptura.  
 Quod si autem naturaliter nota ex parte sunt  
 quæ lex DEI scripta docet, nota item iustitia  
 seu jus DEI, & etiam impii sæpè ita judicant  
 & ratiocinantur, ut flagitiosæ eorum vitæ ju-  
 dicium illud & cognitio repugnet; si porro et-  
 iam ethnici pessimè viventes norunt malitiam,  
 fornicationem, avaritiam, nequitiam & simi-  
 lia morte digna esse, & denique etiam illi opus  
 legis in corde scriptum habent, nihil manife-  
 stius est quàm ipsa scriptura attestante natura-  
 lia aliqua principia ad discernendam honesta-  
 tem à turpitudine; & vitia à virtute, nobis  
 etiam post lapsum superesse; atque adeò etiam  
 rectam de talibus rationem, præsertim cum  
 hanc nihil aliud appellamus, quàm notitiam  
 & iudicium ex naturalibus illis principiis pro-  
 ductum.

Cæterum sicut naturalia illa ad has res co-  
 gnoscendas principia & ex istis profluens ju-  
 dicium, vera & certa sunt atque à DEO ipso per  
 naturam omnibus manifestata, ita etiam quid-  
 quid de rebus talibus Philosophia, quæ pat-  
 tim ex his principiis constat, partim ijs, ut uni-  
 cis fundamentis innititur, docet, veritati &  
 divinæ illi manifestationi congruere necessum  
 est. Quod ut intelligas sciendum primò est  
 Philosophiam nos non dicere hic, ut rectè ait Cle-  
 mens Alexandrinus libro 1. Stromat. Stoicam nec  
 Platoniam, aut Epicuream & Aristotelicam, sed qua-  
 cunque ab his sectis rectè dicta sunt, quæ docent iustitiam

xi.  
*Certitudo  
 utriusque  
 luminis  
 & totius  
 Philoso-  
 phia.*

*Quia ve-  
 cemur  
 Philoso-  
 phiam.*

*cum*

*cum pia scientia, hoc totum selectum dicimus Philosophiam.* Sive ergo recte censeant Pythagoras, Socrates, Plato Aristoteles, Seneca, Epictetus, cum de virtute & honestate disputant, sive errent alicubi, nihil hoc aut recte rationi aut Philosophiæ præjudicat: quod si enim recte disputant, ideo amplectenda ea sunt, quod ex principiis naturalibus & lege naturæ recte ab iis deducuntur: sin impingunt eò sequendi non sunt, quod quæ asserunt iisdem illis honestatis & virtutis fontibus repugnant, etiamsi illa cum iis consentire ipsis vitium fuerit. Vnde scriptura, etiamsi damnet nonnunquam Philosophiam Epicureorum, & sapientiam hujus mundi, nusquam tamen Philosophiam, aut sapientiam ipsam per se rejcit: quæ de re Sanct. Augustinum audi libro I. de ord. cap. II. Hoc Græcum verbum, inquit, quod Philosophia nominatur amor sapientia dicitur. Vnde etiam divina scriptura, quas vehementer amplecteris, non omnino Philosophos, sed Philosophos hujus mundi evitandos atque irridendos esse præcipiunt &c. Nam quisquis omnem Philosophiam fugiendam putat, nihil nos vult aliud quam non amare sapientiam.

*Scriptura  
damnat  
Philoso-  
phos hu-  
jus mun-  
di, non o-  
mnem  
Philoso-  
phiam.  
August.*

*XXII.  
Nihil pô-  
test vera  
ratione  
statui  
quod fal-  
sum sit.*

Deinde aperta contradictio est, ex veris principiis aliquid recte sequi, item recta & vera ratione aliquid statui, & falsum tamen esse, cum perinde hoc sit atque si dicas veritati aliquid omnino congruere & recte adseri, nec verum tamen esse. Vt ut ergo errare & falli possit intellectus & ratio nostra, etiam in civilibus, & sæpe quoque fallatur, quia malè ex principiis natu-  
rali-

talibus rationatur, malè philosophatur, ipsum tamen lumen naturæ & recta ratio, seu quod ex principiis illis rectè & legitimè extruitur, fallere non potest; multò minus fidei repugnare, si faciat, utiq; fallaciam, cum fallere prorsus necessum sit, quicquid ei refragatur.

Ex quibus omnibus non solum certitudo & veritas totius Philosophiæ practicæ; (nam de theoretica hic non agimus; et si eadem hac in re utriusq; ratio est) evincitur, sed error etiam eorum liquet, qui contrarium opinantur: cum enim ipsa, quanta quanta est, nihil sit aliud quam habitus & facultas juxta rectam rationem & naturale illud lumen judicandi & statuendi de iis, quæ ad vitam hanc honestè, justè & prudenter instituendam pertinent, & ethicum & politicum illud est, quicquid lumini illi & rectæ rationi consentaneum, est & examissim respondet: quicquid autem ab iis quoquo modo dissentit, non Philosophicum, seu Ethicum aut Politicum est, sed error in utraque doctrina, à quocunque profectum fuerit. Quemadmodum igitur fieri potest, ut jurisperitus erret, nonnunquam etiam in quæstione juris, medicus in cognitione aut curatione morbi, nec tamen, accuratè loquendo, errat unquam ipsa jurisprudentia, aut jurisconsultus per jurisprudentiam, vel medicina aut medicus per medicinam, (habitu enim illum qui docet cognoscere jus aut cognoscere morbum, docere etiam errare injure, at non re aut in morbo cognoscendo contradictio est) ita impossibile quoque est & inauditum ipsam

XII.

*Quidnam  
dicendum  
sit Ethicū  
aut Politi-  
cū.*

*Philoso-  
phus po-  
test errare,  
at non  
Philoso-  
phia aut  
quisquam  
per eam.*

philosophiam practicam aut hominem per illam errare in practicis: cum enim ista ejus natura sit, & finis unicus, ut verum nos de talibus cognoscere, & rectè statuere faciat, non magis errandi principium illa per se quidem esse potest: quam aqua exsiccandi, aut ignis frigefaciendi: nam verum cognoscendo fallitatem quenquam discere, perinde utique est, atque rem humectando exsiccare, vel calefaciendo frigefacere.

*August.  
Ioan. Da-  
mascenus.*

Unde B. Augustinus libro 2. soliloq. cap. 11. disciplina, ait, nisi vera doceat, disciplina esse non potest.

Et Joan. Damascenus Dialect. cap. 1. cognitionem voco, veram earum rerum quæ sunt, apprehensionem: nam falsa cognitio, quæ non entia ceu sint, apprehendit, ignorantio potius est quàm cognitio.

Vbi nota, longè aliud esse, habitum aliquem, quo quicquam cognoscimus, non assequi omnia, quæ poterat, si perfectior esset, & habitum illum errare, aut prave rem docere, cum aliud etiam sit, aliquid non docere, & errorem docere.

*Multa  
non asse-  
quuntur E-  
thica &  
Politica,  
nec errant  
tamen.*

Quod quidem de recta ratione & Philosophia hac liquidò patet: multa enim fortè non attingit etiam in civilibus recta ratio & habitus ethicæ aut politicæ, licet insignes sint: at non propterea de iis, quæ attingunt, errant. Ita lumen lunæ non sanè illustrat omnia ut Sol, sed nec tamen ea, ad quæ pertingit, obscurat, aut tenebris involuit: lumine enim obscurare quicquam, vel cogitare ridiculum est.

*XIV.  
Contra-  
dictiones  
eo.*

Cæterum quàm hæc sunt dilucida, & aprissimè omnia inter se cohærent, tam fortiter ipsi sic cum pugnant, imò in perpetuis contradic-

nibus

nibus hærent, qui certitudinem illam in dubium vocant, & errores ethici aut Philosophi non ethico aut intellectui ejus errantis, sed ipsi ethici & rectæ rationi, quæ est aut esse in ethico poterat, imò ipsi lumini naturæ impingunt, ut rectè dixerit Aristot. i. ethic. Nicom. cap. 8. *verò omnia consentire, à falso autem verum statim discrepare.* Et sanè aut nemo hominum sibi contradixit unquam, aut istæ sunt manifestæ contradictiones, statuere, ut quidam facit, ipsam veritatis cognitionem errare aut falsum continere, ipsam sapientiam, (puta quæ verè talis est, non quæ non est, sed eo loco habetur) *pravam esse*, cum omne errare & falsum amplecti sit verum non cognoscere; & omnia pravè sapere idem ac desipere. Quibus similia adeoque gemella sunt & ista quum idem dicit, principia natura nota sive *notitias naturales per se veras & bonas* imò *Philosophiam per se respectu sui & in seipsa, aut in abstracto, semper aliquod bonum esse, & Deo non repugnare*, & tamen, aliquando illas ipsas notitias, illam ipsam Philosophiam *sive in abstracto consideres, sive in concreto, vanitatem, stultitiam, ac mendacium esse, ac Deo repugnare*: Item, Principiorum illorum veritatem per se *consideratam, etiam, ut detinetur in injustitia, commendabilem esse, & à B. Paulo commendari*, neque minus tamen, eam ipsam in neſcio quâ applicatione & praxi per se esse reprehensibilem, vel: Principiorum istorum veritatem commendari *sine discrimine hominum, & differentias fidei ac infidelitatis nihil pertinere ad ipsam Philosophiam respectu sui, adeoque esse unam atque eandem veritatem, quam justè possideat fidelis, & in in-*

*justitia gentilis detineat, &c. & tamen, illas ipsas notitias & Philosophiam quatenus sunt in homine per peccatum corrupto, errare & fidei repugnare : Item : Notitias illas per se bonas esse : etiam cum male usurpantur, nec tamen ipsas à malo distinguendas esse, aut usurpationem earum tantum damnari posse. Hæc, inquam, omnia superioribus illis sunt similia, id est, frontibus adversis pugnant, pugnabuntque tam diu, quam lux tenebræ non erunt, aut non dies : ut enim veritas mendacium sit, aut verum falsum, bonum malum, &c. fieri nullo pacto potest, non tantum si *Metaphysicè*, ut ait, *rem consideres*, sed etiam & maximè si *Theologicè* : nam tale quid Theologiam aut sacram scripturam docere si quis dixerit, ea certe absurditatis & impietatis extrema sit linea.*

XV.  
*Quomodo  
eidem re-  
pugnant  
Paulo.*

Verum enim vero non solum sibi ipsis identidem contradicunt, qui sic disputant, sed expressè etiam, neque semel B. Paulo. Certè hic quidem disertis verbis ipsos gentiles ait *justitiam Dei* in his, de quibus nobis sermo est, *cognovisse*, id est, ut ipse Apostolus hoc explicat, scivisse omnem injustitiam, scortationem, animum malitiosum, avaritiam, invidiam, homicidia, contentiones, dolum, sycophantias, contumelias, superbiam, jactantiam, inobedientiam erga parentes, imprudentiam, vitam inpositam, animum immundum, implacabilem, immisericordem, hæc, inquam, *omnia mala esse & pænis quin & morte digna*. Imò hanc justitiam, sive justitiæ Dei cognitionem in gentilibus, etiam qui in injustitia eam continent, & corruptissimè vivunt, docet *opis legis esse in-*



esse inscriptum cordibus eorum, cui, si congruenter eorum quilibet interdum quid agat, natura eam facere dicit, quæ legis divine sunt. Unde etiam inexcusabiles esse affirmat, quod quæ maximopere fugienda esse sciebant, fecerint, aut facientibus talia consenserint. Quæ omnia tam sunt manifesta, ut tergiversationi locum nullum relinquunt: si enim scientia illa de discrimine honestorum & turpium in civilibus, quæ per lumen naturæ acquiritur, etiam prout est in hominibus impiissimis, iustitia Dei & opus legis est, imò ista cognitio ethnicos inexcusabiles reddit, jam utique ea per se vera est, nec fidei repugnat etiam post lapsum, cum iustitia Dei, & opus legis divinæ, mentiri aut fidei repugnare nullo modo possit.

Deinde potest idem sic quoque ostendi. XVI.  
 Cognitionis illa veritatis de discrimine honestorum & Lumen  
 turpium in vita civili, etiam ut ea erat in Ethni- naturæ  
 cis seu peccatoribus, aut erat à Deo aut à Diabo- etiam in  
 lo. Non à diabolo, nisi eum veritatis magi- peccatori-  
 strum facere velis, quem ipsa scriptura sacra pa- bus non  
 trem mendacii vocat. Ergo ipsa illa cognitio est à Dia-  
 veritatis, etiam prout erat in hominibus pecca- bolo.  
 toribus, à Deo fuit. Quod si autem à Deo e-  
 rat aut est, non fallit profecto nec decipit: quic-  
 quid enim Deus docet id fallere, aut erroris  
 principium esse sine blasphemia dici nequit, in  
 quacunque te aut subjecto reperiatur. Quem-  
 admodum igitur notitia S. Scripturæ etiam in  
 hæretico & impio homine, qui contra con-  
 scientiam suam veritatem oppugnat, mala non  
 L 3 est aut

est aut fallit, & per se in errorem inducit: ita nec cognitio veritatis naturâ notæ in animo peccatoris fallit aut errat. licet homo erret, qui cognitione illa præditus est: omnis enim veritatis auctor unus est, & eam etiam, quæ naturâ nota est, siue ex natura notis eruitur, Deus manifestavit, ut Paulus dicit. Vnde rectè Beatus Augustinus epist. 8. ait: *A quo cumque verum dicitur, illo donante dicitur, qui est ipsa veritas*, & Beatus Ambrosius, siue quisquis auctor est contra illius, in epistol. 1. ad Corinth. cap. 12. *Quicquid verum à quocumque dicitur, à sancto dicitur Spiritu*. Et rursus Augustinus de vit. beator. disp. 3. in fine: *Dei verum omne quod loquimur, etiam quando adhuc vel minus sanis vel repente aperti oculi audacter converti, & totum inueni trepidamus*. Nec obstat, si dixeris, posse aliquid, etiam quod à Deo profectum est, cum fide pugnare; dona enim Dei depravari posse, & à sua integritate deficere; nam quanquam nemo ignorat, certa illud ratione contingere posse, tamen id omne per accidens est, nec donis illis ullatenus competit per se, aut quæ sunt talia. At cognitio veritatis etiam quæ talis, est à Deo & donum Dei: Ergo nulla cognitio veritatis, quæ talis est, pugnare cum fide potest. Quod si depravatam cognitionem intelligere dicas, iterum inscius te intricasti, atque cum supra pravam sapientiam dices; prave enim quicquam cognoscere non potes, nisi veritatem non apprehendas. Tertio ipsi qui sic disputant, fatentur, ut diximus cognitionem illam veritatis, quæ naturâ duce acquiritur, etiam prout detinetur in injustitia, esse bonam

*Omne  
verum à  
Deo est.  
August.  
Ambros.*

*Obiectio.*

*Solutio.*

nam ac veram. At detineri illa in injustitia non potest, nisi à peccatore. & prout in peccatore est. Ergo ipsi concedunt, cognitionem illam veritatis, etiam cum est in peccatoribus, bonam ac veram esse.

Quæ cum ita se habeant, falsum est, *Philosophiam*, (hæc enim est cognitio illa veritatis naturæ notæ, aut è naturæ erutæ,) *post hominis lapsum si* *Philosophia non pugnat* *cū Theore* *re cum theologia per se, & quatenus est philosophia : logia.* *falsissimum quoque est dicere, si quis id neget, eum peccatum originis tollere : quod si enim id est peccatum originis tollere, jam & Paulus illud tollit. Sanè peccatum originis totam naturam hominis infedit, id est, non tantum intellectum, planè cæcum reddidit in iis, quæ fides docet, sed etiam voluntatem & appetitum sic à Deo avertit, ut nec legi divinæ obedientiam, quam Deus in sacra scriptura requirit præstare, nec in universum quicquam sine gratia Spiritus sancti agere possit, quod ad æternam salutem nos perducatur. Quare in talibus recta ratio, sive rectum aliquod judicium naturale, & è principiis naturæ notis erutum omnino nullum est. Sed per Deum immortalem quænam est consequentia ? Homo totus est cæcus, & errat in rebus fidei extra verbum & gratiam Spiritus sancti : Ergò cæcus est etiam in rebus civilibus. Quibus argumentationibus similis illa quoque est : *Qualis natura, talis ratio, qualis ratio, talis sapientia. Atqui natura per peccatum est corrupta. Ergò & corrupta ratio, Ergò & corrupta sapientia. Quid si enim de ijs, quæ**

ad fidem & salutem æternam attinent, loquatur: conceditur, nihil in iis nos intelligere naturâ duce, sed si quis hic extra verbum divinum definire quid velit, omnino eam esse *corruptissimam sapientiam*, ut ipse loquitur, id est, meram stultitiam. Sed quomodo hæc ad res civiles transfertur? nisi fortè & hæc sunt res fidei, atque illa, quæ de discrimine honestorum & turpium etiam ethnici sciebant, fide tenentur. Sit ergò, ut dicit, Plotinianus, sit Pelagianus, si quis docet, natura duce, aut naturæ viribus vel tantillum cognoscere nos, aut etiam agere posse in rebus ad fidem pertinentibus sine lumine gratiæ. At non ideo nec in civilibus naturale aliquod iudicium nobis suppetit: contrarium enim expressè docet Augustana confessio articul. 18. Non inficiamur equidem ut supra diximus, cognitionem illam imperfectiorem esse in nobis atque in Adamo erat ante lapsum: sed erronea, ut diximus, propterea tamen non est, nisi & mysteriorum divinorum cognitionem, quæ ex ipso verbo revelatio hauritur, erroris aut facultatis in simulare velis, cum & hæc in viatore perfecta non sit: ex parte enim cognoscimus, ex parte prophetamus, & videmus nunc per speculum in enigmate, ut est 1. Cor. 13. 11. & 12.

*Naturale  
iudicium  
non est de  
rebus fidei  
sed tamen  
de civili-  
bus.*

XVIII. Manet ergò, quod initio diximus, Philosophiam omnem, & quicquid ex principiis naturâ notis rectè ac legitime deduci potest, certum ac per se bonum esse etiam post lapsum. Manet etiam, si quid ex illa aut istis depromat vel hæreticus ad hæresin, vel homo nequam ad vitam turpi-

turpitudinem defendendam, purum abusum esse, non per se ipsi Philosophiæ competere: quicquid enim donum Dei est, aut à Deo, id per se, siue ut est tale, principium falsitatis aut erroris dici non potest, nisi eâ culpa simul Deum inuolueret velis. Quod si autem *propter malam applicationem*, ut dicitur, ea quæ vera & bona per se sunt, falsa aut mala fieri possunt, jam nihil per se verum, nihil per se bonum erit: imo ipsa sacra scriptura falsitatis rea perageretur, cum nullus in ea sit locus, quin ex illo malè intellecto & applicato telum aliquod contra veritatem depromserit hæreticus aliquis. Si enim, exempli gratiâ, hoc principium naturâ notum: *Deus est glorificandus*, falsum est, cum applicatur ab ethnico, id est, cum Deitas creaturæ tribuitur, & ita subsumitur: *Apis est Deus*, falsum utique & hoc principium esse potest: *Quod sacra scriptura docet, illud est infallibiliter verum.* Subsumat enim Ariannus; *Sacra scriptura docet, Christum esse purum hominem.* Quid videtur? falsane est major, quia minor falsa est, aut quia terminus unus majoris conjungitur in minore cum illo, quicum non debebat?

Nec ad rem facit, si dixeris, non esse accidentarium homini corrupto peccatis, ut scientiam suam male collocet, & quæ in se vera sunt, malè applicet: primo enim falsum id est in rebus civilibus, & ut Augustana confessio vocat, *rationi subiectis*, in quibus benè eam collocare, & benè quod scit, applicare potest, cum ad hanc rem habeat reliquum aliquod naturale iudicium & liberum

*An propter malam applicationem aliquid fiat per se malum.*

XIX.

*Nova obiectio.*

*Responsio.*

arbitrium. Per accidens ergo fit, si illud non faciat, haud per se. Deinde est aliud, hominem prout corruptus est, non posse non malè, quæ scit, applicare, adeoque hoc sequi per se ad illam corruptionem; & aliud per se id esse rei illi aut scientiæ, quæ est in homine corrupto, quod ita applicetur. Sic non potest Arius, ut est Arius, loca illa sacræ scripturæ; *Pater major me est*, &: *Diem iudicii extremi ne filius quidem hominis scit*, aliter explicare, quam ad divinitatem filii Dei oppugnandam; an autem illis hoc per se competit, ut ita explicentur, aut eorum hîc aliqua culpa est.

XX.  
Philosophiam omnem tollunt, qui errata philosophi ipsi disciplina tribuunt.

Effugium quoddam refellitur.

Vt finem tandem faciam, constat ita de veritate intellectus practici, deque doctrinæ Ethicæ, & universæ adeo Philosophiæ certitudine, quam cum Philosophia ipsa penitus tollunt omnes, qui errata, quæ tribuere Philosophis debeant, ipsi Philosophiæ impingunt, cum nauci non sit ulla rei cognitio, aut ulla disciplina, quæ certitudinem nullam habeat, aut tam falsum, quam verum doceat: nam quod ajunt, ne sic quidem Philosophiam totam everti, quia *li-mari & castigari per verbum divinum possit*, id nihil est: etsi enim nullum est dubium, quin si quid in scriptis philosophorum, præsertim ethnicorum, occurrat, quod verbo divino repugnet id inde omninò emendandum sit, suppleri etiam, præsertim in Ethicis & Politicis è scriptura aliquid potest; attamen inde totius philosophiæ certitudinem accessere velle, id profectò nimis mirum est, cum de plerisque his scriptura non agit.

agat. Cohortatur equidem ea ad continentiam  
 & temperantiam, ad iustitiam, omnemque vir-  
 tutem etiam civilem, & absterret à vitijs, jubet  
 quoque prudenter ambulare, &c. at quid sit  
 virtus moralis aut intellectualis, quid temperan-  
 tia, quid iustitia, & quod ejus species, quid pru-  
 dentia & quotuplex, quid actio moralis, aut quæ  
 ejus principia, quid sit spontaneum, quid invi-  
 tum, qui & quot sint affectus, quid ira, volu-  
 ptas, odium &c. inde non discas, non magis cer-  
 te, quam peti in idem potest doctrina triangu-  
 lorum, numerorum, motuum cœlestium aut  
 doctrina actus & potentia, necessitatis aut con-  
 tingentia, &c. aut doctrina de mutationibus &  
 moribus rerum naturalium in Physicis. Quod  
 si ergo in illis nulla certitudo est, nisi prout ex  
 scripturis theoremata, & præcepta illa limata &  
 castigata fuerint, tota Philosophia nobis perijt,  
 ut omitram nunc, quod scientia non manent  
 scientia, si credantur & conclusiones earum non  
 demonstrentur; scientia enim evidentium est,  
 & quorum causas adsignare licet; fides autem  
 eorum, quæ non videntur, est enim substantia

*rerum sperandarum & argumentum non  
 apparentium, ut dicitur ad Hebr.*

II. I.



CAPVT

## CAPVT III.

De rationis in cæteras animi facultates imperio.

## SUMMARIÆ.

1. *Rationem cæteris animi facultatibus imperare.*
2. *Non imperio externo, sed interno, & an illud voluntati competat.*
3. *An intellectui.*
4. 5. 6. *Quæ sit difficultas de illo imperio.*
7. *Quale illud revera sit in intellectu.*
8. *Objectio quadam solvitur.*
9. *Quomodo imperium illud etiam voluntati competat.*

1.  
*Rationem  
cæteris fa-  
cultati-  
bus impe-  
rare.*

**Q**Uemadmodum ratio & intellectus sunt id quo homo est, quod est, & à brutis animantibus segregatur, ita etiam ex ejus lumine naturali omnes doctrinæ, quas discere homo extra revelationem potest, dependent. Vnde fit, ut nō tantum disciplinæ omnes sedem suam in ea habeant, sed certitudinem & veritatem quoque à lumine intellectus illæ quidem omnem nanciscantur. Vt itaque fundamentum totius hujus disciplinæ intelligeretur, ostendimus hactenus non tantum, quæ facultas sit intellectus, sed etiam, unde omnis ejus perfectio & veritas, præsertim in rebus philosophicis & imprimis in practicis, originem ducat. Nunc cum cōstet de certitudine & veritate intellectus practici in se, id proximum est, ut explicetur, quomodo ille cæteris facultatibus imperet: cū enim munus ejus sit in:



fit invenire & ostendete veritatem practicam, seu quid in vita sequendum sit ; quid fugiendum, in sciendum nunc est, quomodo ergo iste vitæ mortalium dux & imperator cæteras facultates regat & gubernet. Et verò, nullum planè dubitum est, animum rationalem, sicut prima & princeps facultas est in homine ; ita reliquis omnibus præesse, & cetero modo imperare. Idque disertè & multis locis docet Aristoteles. Sic 1. *Aristotel.* *Politic. c. 3.* dicit *νοῦν* seu mentem appetitui ut regem aut magistratū imperare. Et 1. *Ethic. Nicomach. cap. ult. t. 113.* facultatem appetitivam ait parere & obedire rationi, item rationale aliud dici, quod rationem habet, aliud, quod eam audit, ut filius patrem. Rursus 6. *ethic. cap. 10.* dicit prudentiam hoc differre ab intelligentia seu *σοφίᾳ*, quod hac judicet, illa præcipiat & imperet, & eod. libr. cap. ultim. in fine inquit, civilem facultatem de omnibus præcipere, qua in civitate sunt. Unde B. Augustinus libr. 1. de libetò *August.* arbitrio cap. 8. negat hominem ordinatum esse posse, nisi mens imperet. Verba ejus sunt : Illud est, quod volo dicere, hoc quidquid est, quo pecoribus homo præponitur, sive mens, sive spiritus, sive utrumque rectius appellatur : ( nam utrumque in divinis libris invenimus ) si dominetur, atque imperet cæteris, quibuscunque homo constat, tunc esse hominem ordinatissimum. Et rursus : Ratio ista vel mens vel spiritus cum irracionales animi motus regit, id scilicet dominatur in homine, cui dominatio lege debetur eā, quam æternam esse comperimus. Hinc Thomas 1. 2. tota q. 17. de imperio hoc tractat, cumque actum intellectus facit, præsupposito tamen alio aliquo voluntatis, & ad eum locum

*Thomas.*

cum multis tam Ethici quam Theologi Schola-  
stici hac de re agunt. Quidam auctiores etiam in  
Phisicis & metaph. doctrinā hanc prosequuntur.

II.

*Non tamē  
imperio  
externo  
sed inter-  
no.*

Vt autem natura hujus Imperii breviter expre-  
tetur, id initiō faci ē intelligi putamus, quod no-  
tat Fonseca libr. 9. metaph. cap. 2. q. 2. sect. 1. vo-  
cem imperii nonnunquam pro potestate, non-  
nunquam pro actu imperandi venire, & rursus  
interdum pro actu externo accipi, interdum pro  
interno, item; duo priora significata aliō perti-  
nere, & tertium tantum hujus loci esse: nec nos  
de imperio hīc loquimur, ut potestate neque  
actu externo, quæ magistratui in subditos, &  
homini in hominem competunt, sed de actu ali-  
quo interno, qui in uno eodemque supposito  
ab una & suprema animi facultate in cæteras fa-  
cultates exercetur. Imō sicut infra dicemus, ju-  
stitiam non esse propriē inter diversas animi fa-  
cultates unius personæ, sed inter diversas perso-  
nas; ita contra hoc imperium non inter diversas  
supposita & personas, sed inter diversas animi  
facultates unius personæ intercedit, atque adeo  
non in commercio plurium hominum inter se  
sed in harmonia & concordia distinctarum ani-  
mi facultatum consistit. Ejusmodi igitur ali-  
quid hic imperium appellatur. Vbi tamen in  
controversum est, annon illud voluntati potius  
quam intellectui competat? Equidem Jacobus  
Almainus tract. 3. moral. cap. 2. statuit, sine causā  
illud imperium à Thoma poni, vel certē ad vo-  
luntatem potius, quam ad intellectum pertine-  
re. Argumenta ejus hæc sunt; ut à Barth. Me-  
dina

*Annon  
imperium  
illud cō-  
petat vo-  
luntati.  
Sunt qui  
id volun-  
tati tri-  
buant.*

dina; 1.2.q.17.art.1 proponuntur. Primò in intellectu nihil est, nisi simplicium apprehensio, compositio & divisio, & discursus. Sed imperium nullum est horum. Ergò non est in intellectu tale aliquod imperium. Secundò, posito iudicio intellectus possumus habere electionem, & operis executionem. Ergò actus ille præcipiendi seu imperandi supervacaneus est. Tertio; voluntas regina est cæterarum facultatum, respicit ultimum finem; estque primum movens ac impellens in regno animæ. Ergò si quod est tale imperium, illud ipsi voluntati potius, quam intellectui competit. Henricus Gandavens. quodl.9. quæst.6. non dubitat, an sit ejusmodi aliquod imperium; sed in voluntate ponendum esse acriter contendit. Probat autem id tripliciter: primò ex conditione imperantis ita: Quicquid alteri imperat, hoc oportet dominium habere in illud, eoque superius esse. Sed voluntas, non intellectus, dominium obtinet in regno animæ: omnia enim movet, & ipsum etiam intellectum, ut infra dicetur, imò facultas superior est intellectu: posterius enim hoc supponit, ut à se quodl.1. quæstion.14. ostensum. Secundò ex natura ejus cui imperatur: Cui imperatur, illud tale esse debet, ut necessariò pareat, & exsequatur quod præscribitur. Sed voluntas non est talis: naturâ etenim est libera, imò libertatem arbitrii formaliter & sola habet, nec alia facultas nisi per ipsam. Non ergò ei imperatur: quod enim sui arbitrii est, ad imperandum potius, quàm obediendum factum est. Ter-

*Almain.*

*Henrici  
Ganda-  
vensis.*

est. Tertiò ex natura rerum, quæ imperantur. Si intellectus imperat voluntati, præscribit ei actum aliquem, seu aliquid, quod exequatur. At voluntas ipsa nihil exequitur, sed cæteræ potentiæ per eam. Ergo intellectus voluntati non imperat.

*Bonavent.  
Scotus.*

Hæc Henricus: Eadem sententia videtur fuisse Bonaventuræ 3. sent. d. 17. q. 1. et si obiter, rem attingit potius quam explicat. Cui Scotus quoque 2. sent. d. 6. q. 1. & quod 1. q. 17. favere dicunt Cajetanus, Medina, Fonseca. Quin ipse Thomas<sup>7</sup> diserte, & multis locis, ut Medina annōtat, imperium voluntati transcribit. Sic 1. 2. q. 71. art. 6. ad 2. *prima causa*, inquit; *est in voluntate, qua imperat omnes actus voluntarios*. Et 2. 2. q. art. 2. ad 2. ait: *Fides pertinet ad intellectum, secundum quod operatur à voluntate*. Vide & q. 10. art. 2. in corp. & inscriptionem art. 1. ipsius q. 17. in prima secundæ.

*III.  
Alii in-  
tellectui  
transcri-  
bunt.*

*Thomas.  
Cajetan.  
Soto.  
Medina.*

*Fonseca.  
Gregor.  
de Valent.*

Contrarium sensit Thomas non tantum loco citato, sed etiam q. 57. art. 6: ubi tres actus intellectus facit in rebus practicis, inquirere, judicare, præcipere, & ultimum hunc dicit non tantum proprium sed etiam præcipuum intellectu practico esse. Thomam operose propugnat Cajetanus 1. 2. q. 17. artic. 1. & quæst. 58. artic. 4. Domin. Soto de justitia libr. 1. q. 1. art. 1. & Medina & hic quidem adeo usque, ut eos qui contra sentiant, Aristotelem vel non legisse vel non intellexisse scribat. His accedunt Fonseca 6. metaph. cap. 2. quæst. 7. sect. 2. & Gregorius de Valentia, ad 1. 2. tom. 2. quæst. 12. disputat. 2. punct. 5. Argumenta hæc sunt. Primò, imperare est loqui & denunciare aliquid, puta, fac hoc, ne facias. At loqui non est voluntatis,

tatis,

tatis, sed intellectus. Secundò imperare est regere: regere autem est sapientiæ, atque adeò intellectus. Ergò etià imperare intellectus est. Terriò, ordinare & disponere est intellectus. Sed imperare est ordinare aliquid & disponere. Ergò. Quarto sæpè magistratus imperat, quod ipse tamen non vult, & rursus nonnunquam aliquid vult, quod non imperat. Imò nec tenetur quis vivere juxta id, quod magistratum velle scimus, sed juxta id quod præcipit. Ergò velle & præcipere unum & idem non sunt. Quintò regere & imperare est munus ejus quod alterum illuminat, & ei quid factò opus sit ostendit. Sed hoc est munus intellectus, non voluntatis: voluntas enim potentia per se cæca est. Ita probant imperium non esse actum voluntatis, sed intellectus. Porriò autem non esse apprehensionem intellectus, nec judicium simplex aut discursu comparatum hoc pacto confirmant. De apprehensione res per se clara est. De judicio probatur argumento ex jam allatis quarto: magistratus enim sæpè judicat aliquid bonum esse, nec illud imperat tamen, neque tenetur subditus facere tam secundum judicium ejus, quàm præscriptum. Ergo judicare non est imperare. Probant etiam sic: apprehendere & judicare est etiam in intellectu speculativo: præcipere autem soli practico comperit. Ergò judicare & præcipere unum non sunt. Item multi rectè judicant, & hoc vel illud faciendum sibi esse statuunt, nec imperant sibi tamen, ut faciant. Ergo imperare & judicare differunt. Hæc ita utrinque disceptantur.

IV.

*Tertia  
sententia  
& vera,  
Vasquez.*

*Suarez.*

*Imperium  
illud esse  
improprie  
dictum.*

Cæterum utraque pars nimis late imperium  
hoc videtur extendere, & plus justo altera in-  
lectui, altera voluntati tribuere. Unde ex recen-  
tioribus Gabriel Vasquez in 1. 2. disput. 49. c.  
4. ejusmodi imperium hominis ad se ipsum  
a judicio intellectus, & electione voluntatis  
distinctum, nec necessarium in vita, nec utile esse co-  
set, & idem sentire ait Adrianum quod l. 4. ar-  
litt. A. Nec aliud statuit Suarez in metaph.  
sput. 19. sectio 6. numero sexto, cum imperium  
practicum intellectus, quo quis intelligitur sibi ipsi vel  
voluntati imperare, dicit, non esse aliud à judicio  
perfecte practico & omnino definito cum omnibus  
circumstantiis. Quibus ut & nos assentiamur, ha-  
nobis persuadent. Primum nullum est dubium  
quin sicut justitia & jus proprie est inter plu-  
res personas, & secundum similitudinem tam  
quam inter diversas partes animæ in uno e-  
demque homine, ut expresse docet Aristotel.  
Ethic. capit. undecimo, ita etiam imperium  
rationis in cæteras facultates non proprie, sed  
secundum quid tantum imperium sit, nec ex omni  
parte illud representet. Probatur consequen-  
tia: si enim jus proprie non est inter partes  
diversas animæ, nec imperium & obedientia pro-  
prie inter eas erit, cum imperare sit jus quo  
dammodo in alterum exercere, & parere jure alteri  
obstringi. Secundo imperium proprie dictum  
ostendere alteri, quid facere eum velis, cum  
quodam cogendi, ut pareat: quia enim ejusmodi  
est natura legis, ut docetur 1. 6. ethic. cap. 9. e-  
dem erit imperii, cum magistratus sit lex quodammodo

dar

nam animata. At hæc competere possunt toti homini, qui intellectu simul & voluntate præditus, intellectui autem & voluntati in se non possunt: nec enim intellectus ostendere potest, quid velit, quia ipse nihil vult, nec voluntas, quia ipsa nihil ostendit.

Tertio ipse Thomas & ejus discipuli fatentur imperium illud in illo intellectu quidem esse, sed ita, ut voluntatis tamen aliqua motio concurrat: imperium enim hoc non tantum denunciatione, sed etiam motione aliqua definiunt: primum autem movens est voluntas, ut ipsi rursus concedunt. Vel ergo imperium illud non est intellectus in voluntatem, vel voluntas sibi ipsi imperat. At hoc absurdum est. Ergo nullum est tale imperium.

Quarto si imperium illud movet voluntatem vel movet ut ostendit & proponit objectum vel ut impellit & incitat. At non ut proponit objectum tantum: eo enim proposito & sufficienter quidem, nihilominus voluntas non determinatur ad agendum, quod libera alias ex se non esset. Sed nec quatenus impellit: nam hic est actus voluntatis, non intellectus. Si regeas, intellectum hoc facere virtute aliqua sibi à voluntate impressa, ut ajunt Cajetan. & Valentia, id non tantum frustra dicitur, sed si paullum consideres, commentitium plane est, ut ait Vasquez, imò vix mente concipi potest, ut Suarez dicit. Ratio est, quia idem se prius & posterius esse ponitur: intellectus enim, ajunt, imperat ut voluntas velit: imperium ergo procedit voluntatis illud velle. Quod si ergo etiam imperare illud est velle, & à volun-

v.  
Non fa-  
cultati u-  
ni in alia  
ram.

Intelle-  
ctus non  
moveretur  
virtute à  
volunta-  
te impressa.



tate in intellectum imperium illud derivatur jam velle illud seipso prius est & posterius; prius quia in ipso imperio includitur, posterius quia est post imperium & ab imperio.

VI.

*Sit tale est  
imperium  
vel est in  
solo intel-  
lectu, vel  
in sola  
volunta-  
te.*

*Quinto* si est imperium ejusmodi propriè dictum, & par illi externo inter plures homines jam illud est vel in solo intellectu, vel in sola voluntate: imperans enim & id cui imperatur distinguendi debent: unde Aristot. 5. Ethic. loc. cit. concedit aliquod & metaphoricum jus inter duas distinctas partes seu potentias animæ, sed non totius hominis ad seipsum: ibi enim nulla distinctio est. At non est in solo intellectu, ut partim ipse Thomas concedit, partim rectè probat Henricus eo argumento, quod voluntas non est ad parendum intellectui alligata. Nec in sola voluntate, ut rectè probant Thomistæ: imperium enim propriè non est sine judicio & denunciatione. Voluntas autem nec judicat nec denunciat quidquam, sed appetit tantum & impellit. Ergo nullum est tale imperium. *Sexto* necessarium est tale imperium, necessarium vel idè ut moveat cæteras facultates, quoad exercitium, vel quoad specificationem actus. Sed non quoad exercitium: primum enim move in eo genere est voluntas, ut ipse Thom. dicit 9. artic. 3. Nec quoad specificationem: hæc enim propositione objecti, & directione continetur & consultatione perficitur, ut enim scias hoc an illud sequendum an fugiendum sit, ejus ostendere, hæc autem est specificatio actus. Ergo tale imperium necessarium non est. *Septimo*

*Non esse  
necessa-  
rium ad  
moven-  
das facul-  
tates.*



si est tale imperium, est illud post electionem non ante, ut dicit Soto. Sed non est post electionem, ubi enim electio rei semel facta est plenè & absolūtè, & homo eam jam seriò appetit, frustra est imperare ut faciat, cum ad executionem sufficiat, si in electione persistatur, & media an finem consequendum idonea parentur: *electio enim est appetitio ejus, quod bonum esse in consultatione iudicatum fuit, ut habetur 3. ethic. c. 3.* Ad id autem quod jam appetitur incitatione nulla opus est; sicut nec in brutis aliud quid ad executionem operis requiritur, quàm affectus & appetitus. Postremò innititur sententia ista Thomistarum falso fundamento, nempe voluntatem ab intellectu practico ita determinari, ut discedere ab ejus determinatione nequeat. Vnde Cajetan. & ipse Thomas dicunt, *si plenum & perfectum sit imperium, non posse voluntatem refragari.* At hoc pugnat cum libertate arbitrii in voluntate, ut infra statim ostenditur.

*Sententiam illam falso fundamento inniti.*

Quibus ita disputatis, aliquot adsertationibus ostendemus, quale sit imperium rationis in cæteras animæ facultates, & quodnam officium intellectus practici in vita rectè instituenda. Primò autem certum est, intellectum nostrum rectorem, & magistrum totius vitæ esse & cæteris animi potentiis præesse, nam non tantum Aristot. & Aug. ita disertè docent, sed idem res ipsa & experientia comprobant. Non est autem, secundò, hoc imperium aliquod propriè dictum, & ex omni parte respondens imperio externo, quod magistratus exercet in subditum,

*VII. Quale revera sit illud imperium inter facultates.*

ut supra ostendimus, sed secundum quid  
 tum: cumq; duo alias imperium contineat,  
 scribere seu ostendere quid fieri debeat, &  
 pellere ad agendum, intellectui prius tantum  
 prie comperit; quemadmodum enim imple  
 tialiter & adequate est potentia cognoscitiva & ju  
 tiva (verba sunt suarez) ita non potest actum  
 nisi per modum apprehensionis aut iudicii, ceteri ex  
 ius rationem sunt. Munus itaque ipsius est illu  
 nare & dirigere voluntatem, seu normam a  
 gulam ejus actibus præscribere. Impellere  
 tem non potest, nisi quatenus objectum præ  
 nit tantum & ejus bonitatem explicat, quæ  
 prie impulsus non est, sicut nec quæ pomi pu  
 tudinem nude ostendit proprie ad appre  
 dendum illud impellit. Cumque tertio, ratio  
 intellectus non præscribat quidquam rem  
 prehendendo, restat ut id faciat judicando,  
 simpliciter quidem, ut sit in theoreticis quo  
 aut ita ut in cõmuni tantum dicat aliquid fa  
 dum esse, sed ita, ut iudicium illud sit per se  
 practicum, & omnibus circumstantiis de  
 tum, id est, ut ostendat, hoc isto tempore &  
 co ea ratione fieri omnino debere. Idq; est i  
 iustitiam seu ordinate, quod Aristot. prude  
 tribuit, nec opus est ut latius extendatur, sicut  
 præscribere is aliquid dicitur, qui dirigit po  
 ultro aliquid agentes, & quid quomodo fac  
 dum sit præmonstrat, quam qui simul ad ag  
 dum eos impellit.

*Quid hic  
 sit ius-  
 tiam a-  
 pud A-  
 rist.*

*XVIII.  
 Obiect.*

Dices Arist. tamen iudicium à præcepto di  
 guere, quando illud tribuit synesi, cui præce

viam vim competere negat. Respond. synesis seu *Respon.*  
 intelligentiam hoc distinguere Arist. à pruden-  
 tia, quod prudens præscribat alteri & monstret,  
 quid facto sit opus, synesis autem in eo consistat,  
 ut quæ ostensa sunt ab alio recte assequaris &  
 percipias. Vnde postea ait, eius officium esse iudicare  
 eo modo quo discipulus iudicat & percipit quæ à præcepto-  
 re proponitur & *ovēus* dici, qui feliciter discant. Differt  
 ergo intelligentia à prudentia, quod illa iudicio  
 valet ad percipienda quæ alius invenit, hæc ipsa  
 invenit & iudicium suum alii exponit: id enim  
 est præscribere. Quare nec Arist. dicit, intelli-  
 gentiæ esse iudicare, prudentiæ præscribere, sed  
 huius esse præscribere, illius iudicare tantum. Hic est loci  
 illius sensus, quem ita etiam Vasquez accipit.

IX.

Denique cum imperium alias non tantum or- *Quomodo*  
 dinationem sed etiam vim impellendi involvat, *etiam*  
 fit voluntati quoque nonnunquam imperium *voluntati*  
 aliquod tribuatur, idq; recte, sed iterum, secun- *imperium*  
 dum quid tantum & alio sensu atq; intellectui: *competat.*  
 et si enim ipsa non imperat præscribendo & præ-  
 monstrando, imperat tamen movendo. Vnde  
 etiā actus voluntarii ahi dicuntur elicitī à volun-  
 tate, alii ab ea imperati, quæ de re infra. Atq; hoc  
 sensu Thomas ut supra patuit, toties etiam vo-  
 luntati imperium tribuit. Si quæras, utra ergo fa-  
 cultas plus de imperio nanciscatur, dicam, impe-  
 rium illud intellectus vero imperio similis vi-  
 deri: denunciare enim, præscribere, & ostendere  
 quid facto sit opus, regimen magis repræsen-  
 tant, quam incitare & ad agendum impelle-  
 re. Ut concludam, summa rei est, cum imperium

proprie competat toti supposito intellectui voluntate prædito, nec intellectui, nec voluntati sigillatim id convenire posse nisi secundum similitudinem, & ita solum, ut unum illorum quibus imperium proprie constat uni faciat alterum alteri, neutri utrumque verum imperium in alteram imperium, tribuatur. Talis de intellectu & ratione.

## CAPUT IV,

## De Voluntate.

## SUMMARIA.

- 1 Scholastici abutuntur voce voluntarii.
- 2 Dupliciter aliquid à voluntate dependet directe & indirecte.
- 3 Actus voluntatis duplex: elicited & imperatus.
- 4 Quando pareant ei actus intellectus.
- 5 Quomodo appetitus sensitivus.
- 6 An etiam anima vegetantis actus ei subiaceant.
- 7 Quomodo pareant externa membra.
- 8 Quarum rerum sit voluntas, & an etiam in sublatione mali appetatur.
- 9 Scotus & Occamus refutatur.
- 10 Sitne voluntas finium an mediorum.
- 11 A quibus moveatur.
- 12 An cogi possit.

**V**oluntas nihil est aliud, quàm animæ rationalis appetitus, multumque differt ab appetitu sensitivo, ut suo loco exposuimus. Voluntas id constare hic initio potest, eam in nullo animalis

II, præterquam homine esse & reperiri: nam quod Scholastici etiam brutis aliquid voluntarium tribuunt, inde tantum est, quod vocabulo abundantur. Quo pacto etiam ex recentioribus Joan. Azarius libr. 1. moral. cap. 3. dicit, voluntarium in omnibus reperiri, quæ cognitione sensus aut intellectus prædita sunt, idque etiam Arist. Nysseni ac Damasceni sentire tradit. Vocantur autem voluntarium illi omne quod spontaneum alias dicimus, Græcè *ἡθελον*, ut ex descriptione voluntarii liquet, quam ex libr. 3. eth. cap. 1. t. 20. petunt: cum enim istic loci Aristoteles definiat spontaneum tantum, (nam de voluntario, quod *βελιττον* est Græcè, cap. demum 4. t. 62. agit) illi à malo interprete seducti descriptionem spontanei pro descriptione voluntarii arripuerunt. Idque hic in primis observandum est, ne quis turbetur, cum eorum scripta lectitat, & voluntarium tribui etiam brutis videt. Thom. 1. 2. q. 6. art. 2. voluntarium distinguit in aliud, quod perfectè tale est, & aliud, quod imperfectè tantum, & hoc discriminis arcessit à cognitione finis, propter quem quid agitur. Priori modo soli homini voluntarium competere dicit, posteriori etiam in bruta cadere. Sed ipsa ejus verba adscribemus. *Ad rationem voluntarii*, inquit, *requiritur, ut principium actus sit intra cum aliqua cognitione finis. Est autem duplex cognitio finis, perfecta scilicet & imperfecta: Perfecta quidem finis cognitio est, quando non solum apprehenditur res, quæ est finis, sed etiam cognoscitur ratio finis, & proportio ejus, quod ordinatur ad finem ipsum, & talis cognitio finis competit soli rationali*

*Scholastici  
ei abu-  
tuntur  
vocabuli  
voluntarii.*

*Thomas.*

rationali natura. Imperfecta autem cognitio finis est  
sola finis apprehensione consistit, sine hoc quod co-  
tur ratio finis & proportio actus ad finem; talis  
ratio finis reperitur in brutis animalibus per sensu-  
stimulationem naturalem. Perfectam igitur cogni-  
tionem finis sequitur voluntarium secundum rationem  
perfectam, prout scilicet apprehenso fine aliquis delibera-  
tione fine, & de his, quae sunt ad finem, potest move-  
ri vel non moveri. Imperfectam autem cognitionem  
finis sequitur voluntarium secundum rationem im-  
perfectam, prout scilicet apprehendens finem non delibera-  
tione subito movetur in ipsum. Vnde soli rationali natura  
petit voluntarium secundum rationem perfectam  
secundum rationem imperfectam competit etiam.  
Hæc Thomas: qui idem illud paucis 3. ethic.  
1. exprimit; *Voluntarium dicitur omne quod sponte*  
Etsi autem idem nobiscum sentit, incor-  
de tamen non nihil loquitur: quod enim ipse  
cat voluntarium secundum rationem im-  
perfectam, id rectius spontaneum dicatur, ut  
Acciaiolus notat ad 3. ethic. loco cit. Vnde  
4. ipse Thomas abusum hunc vocabuli  
scit, quum ait, *bruta & pueros voluntarie agere*  
non quia ex voluntate, sed quia proprie sponte agunt  
ut nullo exteriori moveantur. Voluntarium  
ut diximus, proprie loquendo in & à sola  
intelligente est, sive inter animalia omnia  
homine.

*Quidam  
proprie di-  
cunt vo-  
lunta-  
rium.*

II.

Vt vero eo rectius intelligatur, quæ  
natura voluntatis, explicanda hic ordine  
paucis, sunt ista quinque I. quomodo ab  
dependeat à voluntate, sive quotupliciter

tur voluntarium prout est in homine II. quatuorplex sit actus voluntatis III. quarum rerum sit voluntas IV. quid moveat eam ad volendum, & V. denique, an vis fieri ei possit. Principio igitur *Dupliciter ali-* dependere quicquam potest à voluntate *quid de-* duplici modo, directe & indirecte, ut docet Thom. loco *pendet à* cit. artic. 3. *Directè* quod ab ea procedit, prout *volunta-* agit, sive cuius voluntas principium est positive, *te.* & ita, ut illud efficiat, *indirectè*, quod ab ea est, *Directè.* prout non agit, sive quod eatenus à voluntate *Indirectè.* pendet, quatenus voluntas, cum posset & deberet quid impedire, non impedit. Priori modo voluntarium est, quicquid volumus simpliciter, puta si comedere velis, prode ambulare, &c. posteriori illud, quod permittimus. Ita gubernator submersionem navis voluisse dicitur, qui eam, cum servare posset & deberet, perire sivit. Dico, *cum posset & deberet*: neque enim omnis qui permittit quicquam, vult illud aut voluit, sed is demum, qui cum & posset impedire & teneretur, non impedit aut impedire voluit. Unde patet, ipsum etiam non velle certa ratione voluntarium dici posse: non velle enim id, quod velle debebas, & que voluntati tribuitur, ac si voluisses, quod non debebas. Equidem si physice aut metaphysice rem consideres, multum discrepant hæc duo, non velle servare & velle perdere, cum unum ponat actum, alterum neget: quo ad moralem tamen rationem coincidunt. Sicut ergo apud Logicos propositio infinita negans sæpè æquipollet finitæ affirmanti, nec tamen alias unum & idem sunt: ita etiam æquipol-  
pollent

pollent ista duo, neque minus tamen unum illorum positum est, alterum privativum. Causa est, quod sicut in propositionibus illis tantum veritatis & falsitatis ratio attenditur, sive id, ut quæties una vera aut falsa est, toties vera aut falsa sit & altera: ita hic tantum spectatur una & eadem ratio ejus quod in positivo & privativo illo morale est. Hoc pacto res dependent à voluntate.

III.  
*Actus  
voluntatis  
duplex.*

*Elicitus.*

*Imperatus.*

*De imperio  
voluntatis.*

Actus autem voluntatis duplex est, ut docet Thom. artic. 4. Vnus quem immediatè producit, sicut est velle, nolle eligere &c. alter quem mediante aliâ potentiâ, ut loqui, ambulare, &c. Prior dicitur elicitus, posterior imperatus. *Elicitus* inde nomen accepit, quod eum ipsa voluntas ex se elicit, quodque in voluntate est, cum cæteri sint in aliis potentiis, & ab aliis etiam potentis eliciantur. *Imperatus* autem dicitur alter ille, quia licet eum ex se ipsa non eliciat voluntas, excitat tamen illa potentiam aliam, à quâ elicitur. Est ergo & ipse à voluntate, sed eatenus tantum, quatenus à voluntatis imperio est. Ita ambulare voluntarium est: nec tamen actus est è voluntate elicitus: sive qui proximè ex ipsa voluntate emergat, (non enim est in voluntate, aut per eam primò homini competit) sed per facultatem locomotivam producit: nam hæc principium istius actus est proximum. Voluntarium ergo est ambulare, sed ideò tantum, quia locomotiva in producendâ ambulatione voluntati paret. Verum ut hæc res plenius intelligatur, recolendum hic est ex



est ex iis, quæ superius de imperio rationis in a- *in ceteras*  
ctus humanos dicta sunt, quatenus ceteris fa- *facultates*  
cultatibus voluntas imperet, easque moveat: *& actus*  
quoniam enim in imperio rationis, quod exer- *hominis.*  
cet in actus hominis, ordinare & præscribere  
quid fieri oporteat, proprium est intellectus, ut  
ostendimus, impellere tamen ceteras facultates  
ad id agendum est voluntatis, cum primum  
movens inter omnes vires animæ, quod ad  
exercitium actus alicujus attinet, sit voluntas, ut  
dicit Thom. quæst. 9. artic. 1. & postea à nobis o-  
stendetur.

Primò autem ipsi actus intellectus voluntati *IV.*  
subiacent, & duplici quidem modo, uno, quoad *Quomodo*  
ipsum eorum exercitium, altero quoad spe- *pareant ei*  
cificationem. Quoad exercitium omnes vo- *actus in-*  
luntarii sunt: ut enim rem consideres, aut non *tellectus.*  
consideres, quæcunque tandem fuerit, volun-  
tatis tuæ est, licetque de eo tibi pro arbitrio tuo  
constituere. Quoad specificationem autem, id  
est, ut actus ille intellectus sit assensus vel dissen-  
sus, subiacent voluntarii tantum, qui cau-  
sas necessarias, ac intellectum convincentes,  
vel non habent, vel non habere saltem nobis vi-  
dentur: in cæteris nullum est imperium. Sic  
quamdiu intellectus de re quapiam convictus  
non est, aut saltem non videtur sibi convictus,  
tàm dissentire quàm assentiri potest, imò etiam  
assensum & dissensum suspendere, prout vo-  
luerit. Sin vero convictus sit, vel certò statuatur, se  
convictum esse, non potest non assentiri; nec  
enim sententiam, quam veram esse videt, aut  
talem

talem esse persuasum habet; repudiare aut al-  
tere potest, certe animo non potest licet ver-  
forte faciat: multa enim sunt quibus licet  
contradicas, mente tamen non potes, ut dici-  
r. poster. cap. 8. t. 25. Ita primis principiis non  
sumus non assentiri, ut & conclusionibus  
demonstratę nobis sunt; veritatem enim evid-  
tem habent & intellectum assentiri cogunt. I-  
dem ratio est de iis, quę vere quidem etiam  
convincunt, sed talia esse tantum putantur;  
ror enim iste obstat, ut dissentire intellectus  
possit. Verum inconclusionibus quę in utra-  
que partem æque probabiles sunt sequimur  
trum nobis libuerit, & utrum pro tempore p-  
cuerit; nisi plane suspendere assensum vel disse-  
sum malimus.

7.  
*Quomodo  
appetitus  
sensiti-  
vus.*

Porro patent eidem etiam actus appetitus se-  
sitivi, & ceterarum potentiarum apprehensiv-  
rum animę sentientis, puta imaginationis, re-  
miniscentiæ &c. sed non ex omni parte. Pa-  
tere notum est, & jam ante sæpe dictum; qu-  
elimi voluntas imaginationem, quę motus ex-  
tat, avertere alio potest, reprinere etiam utiq-  
surgentes animi motus potest, si placuerit. Ne-  
que tamen ex omni parte patet; sæpe eni-  
fit, ut impetus illi a sensu aut imaginatione sus-  
tentur, non advertente intellectu, atque ita v-  
luntatem etiam antevertunt. Sæpe quoque v-  
luntas, etiam cum advertit intellectus, non pe-  
fecte sed languide in contrarium impellit, la-  
gudius certe, quam ut violentiæ motuum ill-

rum cohibendæ id sufficiat. Atque hoc est, quod Aristot. 1. politic. cap. 3. dicit, *mentem imperare appetitui non herili sed civili & regio imperio*, id est, non ut heri servis imperant, qui resistere imperio eorum nullatenus audent, sed ut ex subditis aut magistratus civibus, qui etsi omnes alias illi parent, interdum tamen iussu detrectant. Hinc idem 1. ethic. cap. ultim. t. 112. appetitum sensitivum comparat membro alicui corporis resolutio, quod saepe cum à paralytico dextrorsum impellitur, sinistrorsum tamen fertur. D. Augustinus libr. 8. confess. cap. 9. multis hoc exponit: *Vnde hoc monstrum, inquit, & quare istud? imperat animus corpori & paretur statim, imperat animus sibi, & resistitur. Imperat animus, ut moveatur manus, & tanta est facilitas, ut vix à servitio discernatur imperium: & animus animus est, manus autem corpus est. Imperat animus, ut velit animus, nec alter est, nec facit tamen.* Vnde hoc monstrum & quare istud? Imperat, inquam, ut velit, qui non imperaret nisi vellet, & non fit quod imperat. Sed non ex toto vult, non ergo ex toto imperat: nam in tantum imperat, in quantum non vult, &c. Non igitur monstrum velle, partim nolle sed agitando animi est, quia non totus assurgit veritate sublevatus, consuetudine praegravatus. Hæc de appetitu sensitivo.

Actus vero animæ vegetantis voluntati non subjacere jam suo loco ostendimus: etsi enim applicatio agentis ad patiens etiam in iis, quæ ad hanc animæ partem pertinent, ei subjiciunt, ipse tamen actus, quoad vim & efficaciam agentis, aut

VI.

An etiam  
anima  
vegetan-  
tu actus  
ei subja-  
cet?

tis, aut passionem patientis, naturalis est cibum parare & in corpus ingerere potest. placuerit, cibum, inquam, in quem agat vegetans; quemque in alimentum & substantiam corporis commutet; at ipsum actum triendi moderare nequit. Neque hi quicquam fit, præterquam quod in omni te & patiente naturali usu venire potest.plicari enim invicem illa sibi ab hominibus sunt, prout ipsi visum fuerit, & actio quæ applicationem sequitur, non voluntaria sed naturalis est. Sic cum chalybe ignem cutimus è silice, collisio quidem illa corporum fit pro nostro lubitu, sed quod applicata collisa aërem, qui intercedit, in ignem convertant, non nobis sed illorum naturæ datur. Plura vide apud Cajet. ad Thom. loc. cit. artic. 3.

## VII.

*Quomodo  
ei parent  
actus ex  
ternorum  
membro-  
rum.*

Postremò membra corporis sicut organa animæ, ita prout ea huic aut illi facultati serviunt, etiam voluntatis imperium capiunt aut detrectant. Motus ergò membrorum, qui ab anima vegetante sunt, ei non dantur, sed illi tantum qui à sentiente. præterea usque adeo obnoxii sunt imperio illius appetitus sensitivus cum ratione & voluntate conspiraret, refragari non possint: planè et spiriticum regimen est imperium illud potestatem animæ in corporis membra, ut locum in Politicis docet Aristotel. nisi ipsæ potestates sibi inter se adversentur, & una alteram dirigat. Et causa hæc est, quod instrumenta

sint potentiarum, nec peculiares motus habeant, præter eos, quos ab anima sortiuntur. Ita ergo movet voluntas cæteras facultates, & actibus nostris imperat. Nunc ad institutum revertamur, & postquam explicatum est, quoruplices sint actus ejus, dicamus deinceps, quarum rerum sit voluntas.

Quod ut intelligas, considerandū est, omnem appetitum, præsertim in cognitione præditis, duo involvere, & vel persequi quicquam vel fugere. Quanquam autem si vocabuli usum spectes, id tantum appetimus proprie, quod persequimur, utrumque tamen ad appetitum pertinet. Ita appetitus sensitivus non tantum jucunda persequitur, sed etiam, quantum potest, injucunda declinat. Cum igitur voluntas appetitus sit, & quidem præstantissimæ facultatis, illa in tota latitudine sua considerata pro objecto habet tam bonum quam malum, illud, ut persequatur, hoc ut avertat. Sed istud magnam difficultatem non habet. Hoc tantum quæri potest, an voluntas etiam malum persequatur & fugiat bonum; id est, an velle possit malum sub ratione mali, & nolle bonum sub ratione boni? Dico *sub ratione mali & sub ratione boni*: nam velle posse voluntatem etiam quod malum est, & nolle quod bonum, dubio caret, puta si id quod malum est, bonum esse nobis appareat, vel quod bonum malum. At longe aliud est velle bonum, & velle quicquam sub ratione boni; velle malum, & velle quicquam sub ratione mali: sub ratione enim boni etiam

VIII.

*Quarum rerum sit voluntas.*

*An etiam appetat malum quod malum & vitet bonum quod tale.*

N

illud

tate in intellectum imperium illud de  
jam velle illud seipso prius est & posterius  
quia in ipso imperio includitur, posterius  
est post imperium & ab imperio.

Vl.

*Sit tale est  
imperium  
vel est in  
solo intel-  
lectu, vel  
in sola  
volunta-  
te.*

Quinto si est imperium ejusmodi pro  
ctum, & par illi externo inter plures h  
jam illud est vel in solo intellectu, vel in  
luntate: imperans enim & id cui impe  
stingui debent: unde Aristot. 5. Ethic  
concedit aliquod & metaphoricum  
duas distinctas partes seu potentias anim  
non totius hominis ad seipsum: ibi eni  
distinctio est. At non est in solo intel  
partim ipse Thomas concedit, partim re  
bat Henricus eo argumento, quod volun  
est ad parendum intellectui alligata. N  
la voluntate, ut rectè probant Thomist  
rium enim propriè non est sine judic  
nuntiatione. Voluntas autem nec ju  
denunciat quidquam, sed appetit tantu  
pellit. Ergo nullum est tale imperium  
necessarium est tale imperium; necessa  
vel idè ut moveat cæteras facultates  
exercitium, vel quoad specificationem a  
non quoad exercitium; primum enim  
in eo genere est voluntas, ut ipse Thom  
9. artic. 3. Nec quoad specificationem: h  
propositione objecti, & directione con  
& consultatione perficitur, ut enim sci  
an illud sequendum an fugiendum sit,  
ostendere, hæc autem est specificatio ad  
go tale imperium necessarium non est.

*Non esse  
necessa-  
rium ad  
moven-  
das facul-  
tates.*

si est tale imperium, est illud post electionem non ante, ut dicit Soto. Sed non est post electionem, ubi enim electio rei semel facta est plenè & absolutè, & homo eam jam seriò appetit, frustra est imperare ut faciat, cum ad executionem sufficiat, si in electione persistatur, & media ad finem consequendum idonea parentur: *electio enim est appetitus ejus, quod bonum esse in consultatione iudicatum fuit, ut habetur 3. ethic. c. 3.* Ad id autem quod jam appetitur incitatione nulla opus est; sicut nec in brutis aliud quid ad executionem operis requiritur, quàm affectus & appetitus. Postremò innititur sententia ista Thomistarum falso fundamento, nempe voluntatem ab intellectu practico ita determinari, ut discedere ab ejus determinatione nequeat. Vnde Cajetan. & ipse Thomas dicunt, *si plenum & perfectum sit imperium, non posse voluntatem refragari.* At hoc pugnat cum libertate arbitrii in voluntate, ut infra statim ostenditur.

*Sententiam istam falsum fundamentum inniti.*

Quibus ita disputatis, aliquot adsertationibus ostendemus, quale sit imperium rationis in cæteras animæ facultates, & quodnam officium intellectus practici in vita rectè instituenda. Primò autem certum est, intellectum nostrum rectorem, & magistrum totius vitæ esse & cæteris animi potentiis præesse, nam non tantum Aristot. & Aug. ita disertè docent, sed idem res ipsa & experientia comprobant. Non est autem, secundò, hoc imperium aliquod propriè dictum, & ex omni parte respondens imperio externo, quod magistratus exercet in subditum,

*VII. Quale revera sit illud imperium inter facultates.*

ut supra ostendimus, sed secundum quid tantum: cumq; duo alias imperium contineat, præscribere seu ostendere quid fieri debeat, & impellere ad agendum, intellectui prius tatum proprie comperit; quemadmodum enim ipse *essentialiter & adequatè est potentia cognoscitiva & iudicativa* (verba sunt suarez) ita non potest actum habere nisi per modum apprehensionis aut iudicii, ceteri extra eius rationem sunt. Munus itaque ipsius est illuminare & dirigere voluntatem, seu normam ac regulam ejus actibus præscribere. Impellere autem non potest, nisi quatenus objectum proponit tantum & ejus bonitatem explicat, quæ proprie impulsus non est, sicut nec quæ pomi pulcritudinem nude ostendit proprie ad apprehendendum illud impellit. Cumque tertio, ratio & intellectus non præscribat quidquam rem apprehendendo, restat ut id faciat judicando, non simpliciter quidem, ut fit in theoreticis quoque, aut ita ut in cõmuni tantum dicat aliquid faciendum esse, sed ita, ut iudicium illud sit perfecte practicum, & omnibus circumstantiis definitum, id est, ut ostendat, hoc isto tempore & loco ea ratione fieri omnino debere. Idq; est illud *præteritum* seu ordinatum, quod Aristot. prudentiæ tribuit, nec opus est ut latius extendatur, sicut & præscribere is aliquid dicitur, qui dirigit potius ultro aliquid agentes, & quid quomodo faciendum sit præmonstrat, quam qui simul ad agendum eos impellit.

*Quid hic sit præteritum a-  
pud A-  
rist.*

*XVIII.  
Obiect.*

Dices Arist. tamen iudicium à præcepto distinguere, quando illud tribuit synesi, cui præceptivam



viam vim competere negat. Respond. synesis seu *Respon.*  
 intelligentiam hoc distinguere Arist. à pruden-  
 tia, quod prudens præscribat alteri & monstret,  
 quid facto sit opus, finesis autem in eo consistat,  
 ut quæ ostensa sunt ab alio recte assequaris &  
 percipias. Vnde postea ait, *eius officium esse iudicare*  
*eo modo quo discipulus iudicat & percipit quæ à præcepto-*  
*re proponuntur & omnes dicunt, qui feliciter discant.* Differt  
 ergo intelligentia à prudentia, quod illa iudicio  
 valet ad percipienda quæ alius invenit, hæc ipsa  
 invenit & iudicium suum alii exponit: idem  
 est præscribere. Quare nec Arist. dicit, intelli-  
 gentiæ esse iudicare, prudentiæ præscribere, sed  
 huius esse præscribere, illius iudicare tantum. Hic est loci  
 illius sensus, quem ita etiam Vasquez accipit.

IX.

Denique cum imperium alias non tantum or- *Quomodo*  
 dinationem sed etiam vim impellendi involvat, *etiam*  
 fit voluntati quoque nonnunquam imperium *voluntati*  
 aliquod tribuatur, idq; recte, sed iterum secun- *imperium*  
 dum quid tantum & alio sensu atq; intellectui: *competat.*  
 etsi enim ipsa non imperat præscribendo & præ-  
 monstrando, imperat tamen movendo. Vnde  
 etiã actus voluntarii alii dicuntur elicitæ à volun-  
 tate, alii ab ea imperati, qua de re infra. Atq; hoc  
 sensu Thomas ut supra parum, toties etiam vo-  
 luntati imperium tribuit. Si quæras, utra ergo fa-  
 cultas plus de imperio nanciscatur, dicam, impe-  
 rium illud intellectus vero imperio similis vi-  
 deri: denunciare enim, præscribere, & ostendere  
 quid facto sit opus, regimen magis repræsen-  
 tant, quam incitare & ad agendum impelle-  
 re. Ut concludam, summa rei est, cum imperium

proprie competat toti supposito intellectui voluntate prædito, nec intellectui, nec voci sigillatim id convenire posse nisi secundum similitudinem, & ita solum, ut unum illorum quibus imperium proprie constat uni faciat alterum alteri, neutri utrumque verum commune in alteram imperium, tribuatur. *Tamen de intellectu & ratione.*

## CAPUT IV.

## De Voluntate.

## SUMMARIA.

- 1 Scholastici abutuntur voce voluntarii.
- 2 Dupliciter aliquid à voluntate dependet directe & indirecte.
- 3 Actus voluntatis duplex: elicited & imperatus.
- 4 Quando pareant ei actus intellectus.
- 5 Quomodo appetitus sensitivus.
- 6 An etiam anima vegetantis actus ei subjaceant.
- 7 Quomodo pareant externa membra.
- 8 Quarum rerum sit voluntas, & an etiam in subtrahendo mali appetatur.
- 9 Scotus & Occamus refutatur.
- 10 Sitne voluntas finium an mediorum.
- 11 A quibus moveatur.
- 12 An cogi possit.

**V**oluntas nihil est aliud, quàm animæ rationalis appetitus, multumque differt ab appetitu sensitivo, ut suo loco exposuimus. Vnde id constare hic initio potest, eam in nullo an

li, præterquàm homine esse & reperiri: nam quod Scholaſtici etiam brutis aliquid voluntarium tribuunt, inde tantùm eſt, quod vocabulo abutuntur. Quo pacto etiam ex recentioribus Joan. Azarius libr. 1. moral. cap. 3. dicit, voluntarium in omnibus reperiri, quæ cognitione ſenſus aut intellectus prædita ſunt, idque etiam Ariſt. Nyſſenum ac Damascenum ſentire tradit. Vocant autem voluntarium illi omne quod ſpontaneum alias dicimus, Græcè *ἡ βούλη*, ut ex deſcriptione voluntarii liquet, quam ex libr. 3. eth. cap. 1. t. 20. *Scholaſtici abutuntur vocabulo voluntarii.*

petunt: cùm enim iſtic loci Ariſtoteles definiat ſpontaneum tantùm, (nam de voluntario, quod *βελήτων* eſt Græcè, cap. demum 4. t. 62. agit) illi à malo interprete ſeduc̃ti deſcriptionem ſpontanei pro deſcriptione voluntarii arripuerunt. Idque hic in primis obſervandum eſt, ne quis turbetur, cùm eorum ſcripta lætitat, & voluntarium tribui etiam brutis videt. Thom. 1. 2. q. 6. art. 2. voluntarium diſtinguit in aliud, quod perfectè tale eſt, & aliud, quod imperfectè tantum, & hoc diſcriminis acceſſit à cognitione finis, propter quem quid agitur. Priori modo ſoli homini voluntarium competere dicit, poſteriori etiam in bruta cadere. Sed ipſa ejus verba adſcribemus. *Thomas.* Ad rationem voluntarii, inquit, requiritur, ut principium actus ſit intra cum aliqua cognitione finis. Eſt autem duplex cognitio finis, perfectæ ſcilicet & imperfectæ: Perfectæ quidem finis cognitio eſt, quando non ſolùm apprehenditur res, quæ eſt finis, ſed etiam cognoscitur ratio finis, & proportio ejus, quod ordinatur ad finem ipſum, & talis cognitio finis competit ſoli rationali.

rationali natura. Imperfecta autem cognitio finis est  
sola finis apprehensione consistit; sine hoc quod  
tur ratio finis & proportio actus ad finem; ra-  
tio finis reperitur in brutis animalibus per sen-  
suationem naturalem. Perfectam igitur cog-  
nitio finis sequitur voluntarium secundum rationem  
rectam, prout scilicet apprehenso fine aliquis delibet  
fine, & de his, quae sunt ad finem, potest move-  
ri vel non moveri. Imperfectam autem cognitio-  
nis sequitur voluntarium secundum rationem  
rectam, prout scilicet apprehendens finem non delibet  
subito movetur in ipsum. Unde soli rationali natu-  
ra competit voluntarium secundum rationem perfectam  
secundum rationem imperfectam competit etiam.  
Hæc Thomas: qui idem illud paucis 3. ethic.  
1. exprimit; *Voluntarium dicitur omne quod sibi*

*Quidam  
proprie di-  
citur vo-  
lunta-  
rium.*

*Et si autem idem nobiscum sentit, inco-*  
*de tamen non nihil loquitur: quod enim in-*  
*cat voluntarium secundum rationem im-*  
*rectam, id rectius spontaneum dicatur, ut*  
*Acciaiolus notat ad 3. ethic. loco cit. Vnde*  
*4. ipse Thomas ab usum hunc vocabuli*  
*scit, quum ait, bruta & pueros voluntarie ag-*  
*non quia ex voluntate, sed quia proprie sponte ag-*  
*ut nullo exteriori moveantur. Voluntarium*  
*ut diximus, proprie loquendo in & à sola*  
*intelligente est, sive inter animalia omnia*  
*homine.*

II.

Vt vero eo rectius intelligatur, quæ  
natura voluntatis, explicanda hic ordine  
paucis, sunt ista quinque I. quomodo a  
dependeat à voluntate, sive quotupliciter

tur voluntarium prout est in homine II. quatu-  
plex sit actus voluntatis III. quarum rerum sit  
voluntas IV. quid moveat eam ad volendum, &  
V. denique, an vis fieri ei possit. Principio igitur *Duplici-*  
dependere quicquam potest à voluntate duplici *ter ali-*  
modo, directe & indirecte, ut docet Thom. loco *quid de-*  
cit. artic. 3. *Directe* quod ab ea procedit, prout a *pendet à*  
agit, sive cuius voluntas principium est positive, *volunta-*  
& ita, ut illud efficiat, *indirecte*, quod ab ea est, *te.*  
prout non agit, sive quod eatenus à voluntate *Directe.*  
pendet, quatenus voluntas, cum posset & debe- *Indirecte.*  
ret quid impedire, non impedit. Priori modo  
voluntarium est, quicquid volumus simplici-  
ter, puta si comedere velis, prode ambulare, &c.  
posteriori illud, quod permittimus. Ita gu-  
bernator submersionem navis voluisse dicitur,  
qui eam, cum servare posset & deberet, petite si-  
vit. Dico, *cum posset & deberet*: neque enim o-  
mnis qui permittit quicquam, vult illud aut vo-  
luit, sed is demum, qui cum & posset impedire  
& teneretur, non impediit aut impedire voluit.  
Vnde patet, ipsum etiam non velle certa rati-  
one voluntarium dici posse: non velle enim id,  
quod velle debebas, & que voluntati tribuitur,  
ac si voluisses, quod non debebas. Equidem si  
physice aut metaphysice rem consideres, mul-  
tum discrepant hæc duo, non velle servare & vel-  
le perdere, cum unum ponat actum, alterum ne-  
get: quo ad moralem tamen rationem coinci-  
dunt. Sicut ergo apud Logicos propositio infini-  
ta negans sæpè æquipollet finitæ affirmanti, nec  
tamen alias unum & idem sunt: ita etiam æqui-  
pollent

pollent ista duo, neque minus tamen unum positum est, alterum privativum. Cuius quod sicut in propositionibus illis tantum veritatis & falsitatis ratio attenditur, siue idem sit una vera aut falsa est, toties vera aut falsa sit & altera: ita hic tantum spectatur eadem ratio eius quod in positivo & privativo illo morale est. Hoc pacto res dependunt a voluntate.

## III.

*Actus voluntatis duplex.*

*Elicitus.*

*Imperativus.*

*De imperio voluntatis.*

Actus autem voluntatis duplex est, ut Thom. artic. 4. Vnus quem immediate cit, sicut est velle, nolle eligere &c. alter qui mediante aliâ potentiâ, ut loqui, amare &c. Prior dicitur elicitus, posterior imperativus. *Elicitus* inde nomen accepit, quod cum voluntas ex se elicit, quodque in voluntate cum cæteri sint in aliis potentiis, & ab aliâ iam potentis eliciantur. *Imperativus* autem dicitur alter ille, quia licet cum ex se ipsa non elicitur voluntas, excitat tamen illa potentiam à quâ elicitur. Est ergo & ipse à voluntate, sed eatenus tantum, quatenus à voluntate imperio est. Ita ambulare voluntarium non tamen actus est à voluntate elicitus: sed proximè ex ipsa voluntate emergat, (non enim est in voluntate, aut per eam primò homini imperit) sed per facultatem locomotivam inducitur: nam hæc principium istius actus est. Voluntarium ergo est ambulare, sed ideo tantum, quia locomotiva in procedendâ ambulatione voluntati paret. Verum hæc res plenius intelligatur, recolendum

est ex iis, quæ superius de imperio rationis in a- *in ceteras*  
ctus humanos dicta sunt, quatenus cæteris fa- *facultates*  
cultatibus voluntas imperet, easque moveat: *& actus*  
quoniam enim in imperio rationis, quod exer- *hominis.*  
cet in actus hominis, ordinare & præscribere  
quid fieri oporteat, proprium est intellectus, ut  
ostendimus, impellere tamen cæteras facultates  
ad id agendum est voluntatis, cum primum  
movens inter omnes vires animæ, quod ad  
exercitium actus alienius attinet, sit voluntas, ut  
dicit Thom. quæst. 9. artic. 1. & postea à nobis o-  
stendetur.

Primò autem ipsi actus intellectus voluntati *IV.*  
subiacent, & duplici quidem modo, uno, quoad *Quomodo*  
ipsum eorum exercitium, altero quoad spe- *pareant ei*  
cificationem. Quoad exercitium omnes vo- *actus in-*  
luntarii sunt: ut enim rem consideres, aut non *tellectus.*  
consideres, quæcunque tandem fuerit, volun-  
tatis tuæ est, licetque de eo tibi pro arbitrio tuo  
constituere. Quoad specificationem autem, id  
est, ut actus ille intellectus sit assensus vel dissen-  
sus, subjacent voluntarii tantum, qui cau-  
sas necessarias, ac intellectum convincentes,  
vel non habent, vel non habere saltem nobis vi-  
dentur: in cæteris nullum est imperium. Sic  
quamdiu intellectus de re quapiam convictus  
non est, aut saltem non videtur sibi convictus,  
tàm dissentire quàm assentiri potest, imò etiam  
assensum & dissensum suspendere, prout vo-  
luerit. Sin verò convictus sit, vel certò statuatur, se  
convictum esse, non potest non assentiri; nec  
enim sententiam, quam veram esse videt, aut  
talem

talem esse persuasum habet, repudiare a  
cere potest, certe animo non potest lice  
forte faciat : multa enim sunt quibus  
contradicas, mente tamen non potes, ut  
i. poster. cap. 8. t. 25. Ita primis principiis  
sumus non assentiri, ut & conclusionib  
demonstratę nobis sunt; veritatem enim  
tem habent & intellectum assentiri cogu  
dem ratio est de iis, quę vere quidem et  
convincunt, sed talia esse tantum putant  
ror enim iste obstat, ut dissentire intellectu  
possit. Verum inconclusionibus quę in  
que partem æque probabiles sunt sequi  
trum nobis libuerit, & utrum pro tempo  
cuerit; nisi plane suspendere assensum vel  
sum malimus.

Quomodo  
appetitus  
sensitive  
vult.

Porro patent eidem etiam actus appetiti  
siri, & ceterarum potentiarum apprehe  
rum animę sentientis, puta imaginatione  
miniscentiæ &c. sed non ex omni parte  
rere notum est, & jam ante sæpe dictum  
elimi voluntas imaginationem, quę motu  
tat, avertere alio potest, reprimere etiam  
surgentes animi motus potest, si placuerit.  
quę tamen ex omni parte patent; sæpe  
fit, ut impetus illi a sensu aut imaginatione  
tentur, non advertente intellectu, atque  
luntatem etiam anteverrunt. Sæpe quoque  
luntas, etiam cum advertit intellectus, no  
fecte sed languide in contrarium impelli  
guidius certe, quam ut violentiæ moriur



tum cohibendæ id sufficiat. Atque hoc est, quod Aristot. 1. politic. cap. 3. dicit, *mentem imperare appetui non herili sed civili & regio imperio*, id est, non ut heri servis imperant, qui resistere imperio eorum nullatenus audent, sed ut ex subditis aut magistratus civibus, qui etsi omnes alias illi parent, interdum tamen iussu detrectant. Hinc idem 1. ethic. cap. ultim. t. 112. appetitum sensitivum comparat membro alicui corporis resolutio, quod saepe cum à paralytico dextrorsum impellitur, sinistorsum tamen fertur. D. Augustinus libr. 8. confess. cap. 9. multis hoc exponit: *Vnde hoc monstrum, inquit, & quare istud? imperat animus corpori & paretur statim, imperat animus sibi, & resistitur. Imperat animus, ut moveatur manus, & tanta est facilitas, ut vix à servitio discernatur imperium: & animus animus est, manus autem corpus est. Imperat animus, ut velit animus, nec alter est, nec facit tamen. Vnde hoc monstrum & quare istud? Imperat, inquam, ut velit, qui non imperaret nisi vellet, & non fit quod imperat. Sed non ex toto vult, non ergo ex toto imperat: nam in tantum imperat, in quantum non vult, &c. Non igitur monstrum velle, partim nolle sed agitando animi est, quia non totus assurgit veritate sublevatus, consuetudine pręgravatus. Hæc de appetitu sensitivo.*

Actus vero animæ vegetantis voluntati non subjacere jam suo loco ostendimus: etsi enim applicatio agentis ad patiens etiam in iis, quæ ad hanc animæ partem pertinent, ei subijciunt, ipse tamen actus, quoad vim & efficaciam agentis, aut

VI.  
*An etiam  
anima  
vegetan-  
tis actus  
ei subja-  
cet.*

tis, aut passionem patientis, naturalis est cibum parare & in corpus ingerere. potest placuerit, cibum, inquam, in quem agat vegetans; quemque in alimentum & substantiam corporis commutet; at ipsum actum triendi moderare nequit. Neque hinc quicquam fit, præterquam quod in omnem te & patiente naturali usu venire potest.plicari enim invicem illa sibi ab hominibus sunt, prout ipsi visum fuerit, & actio quæ applicationem sequitur, non voluntaria sed naturalis est. Sic cum chalybe ignem excutimus è silice, collisio quidem illa corporis fit pro nostro lubitu, sed quod applicata collisa aërem, qui intercedit, in ignem committant, non nobis sed illorum naturæ debet. Plura vide apud Cajet. ad Thom. loc. cit. artic. 3.

VII.  
*Quomodo  
es parent  
actus ex  
ternorum  
membro-  
rum.*

Postremò membra corporis sicut organa animæ, ita prout ea huic aut illi facultati serviunt, etiam voluntatis imperium accipiunt aut detrectant. Motus ergò membrorum, qui ab anima vegetante sunt, ei non duntur, sed illi tantum qui à sentiente. Et rursusque adeo obnoxii sunt imperio illi appetitus sensitivus cum ratione & voluntate conspiret, refragari non possint: planè enim spiriticum regimen est imperium illud potestatem animæ in corporis membra, ut locum in Politicis docet Aristotel. nisi ipsæ potestates sibi inter se adversentur, & una alteram dirigat. Et causa hæc est, quod instrumenta

sint potentiarum , nec peculiares motus habeant, præter eos, quos ab anima sortiuntur. Ita ergo movet voluntas cæteras facultates, & actibus nostris imperat. Nunc ad institutum revertamur, & postquam explicatum est, quotuplices sint actus ejus, dicamus deinceps, quarum rerum sit voluntas.

Quod ut intelligas, considerandū est, omnem appetitum, præsertim in cognitione prædictis, duo involvere, & vel persequi quicquam vel fugere.

VIII.  
*Quarum  
rerum sit  
voluntas.*

Quamquam autem si vocabuli usum spectes , id tantum appetimus proprie , quod persequimur, utrumque tamen ad appetitum pertinet. Ita appetitus sensitivus non tantum jucunda persequitur, sed etiam, quantum potest , in jucunda declinat. Cum igitur voluntas appetitus sit, & quidem præstantissimæ facultatis, illa in tota latitudine sua considerata pro objecto habet tam bonum quam malum, illud, ut persequatur, hoc ut avertat. Sed istud magnam difficultatem non habet. Hoc tantum quæri potest, an voluntas etiam malum persequatur & fugiat bonum; id est, an velle possit malum sub ratione mali, & nolle bonum sub ratione boni? Dico *sub ratione mali* & *sub ratione boni*: nam velle posse voluntatem etiam quod malum est, & nolle quod bonum, dubio caret, puta si id quod malum est, bonum esse nobis appareat, vel quod bonum malum. At longe aliud est velle bonum , & velle quicquam sub ratione boni; velle malum , & velle quicquam sub ratione mali : sub ratione enim boni etiam

*An etiam  
appetat  
malum  
qua ma-  
lum &  
vitet bo-  
num qua  
tale.*

N

illud

illud persequimur quod pessimum fa-  
 eo tantum allicit, quia speciem boni  
 ut & sub ratione mali optima quæ-  
 mur, id est, ideo, quod vel mala ea esse  
 mali quicquam conjunctum habere  
 persuaserimus. Quæritur ergo, inqu-  
 luntatis objectum ita sit bonum & in-  
 persequi possit etiam malum, quæ ta-  
 sub ratione & notione mali, & fugi  
 bonum est, sub ratione boni? Ubi com-  
 omnium fere auctorum opinio, actum  
 pro objecto habere bonum tantum si-  
 siue apparens; actum vero nolendi, ma-  
 que fieri posse, ut vel velimus, malum  
 ne mali, siue ea tenus, quatenus malum  
 ne mali, siue ea tenus, quatenus malu-  
 mus, vel nolimus bonum, eo quia bonum  
 docet Plato in Menone circa med.

*Communi  
 nis opinio.*

ostendit, etiam ea, quæ vere mala sunt  
 appetitamen, nisi sub boni alio. Ius ratio  
 2. de ill. inculcat: Nemo, ait, id sponte agere  
 latitiae quam doloris inest. Aristot. autem etiam  
 hoc esse putat, ut i. e. hic. cap. 1. dispu-  
 Summo Bono, non tantum tanquam  
 tam hypothesein supponat, omnem esse  
 esse propter bonum aliquod, sed ipsum  
 bonum rectè à veteribus per appetibilem  
 scriptum esse dicat. Et 3. ethic. c. 4. dicitur  
 tatem, cum quicquam vult, ea velle tanquam  
 vel revera bona sunt, vel saltem speciem  
 boni habent: verè enim sit tale, quod  
 tur, an appareat tantum esse, nihil ad

interest, ut habetur 5. met. t. 3. Rursus 5. ethic. c. 9. ait: *Nemo id vult quod non existimat esse bonum.* Idem docet Seneca epist. 69. *Nullum sine auctoramento malum est, inquit; avaritia pecuniam promittit luxuria multas ac varias voluptates: ambitio purpuram, & plausum, & ex hoc potentiam, & quidquid potentia potest. Mercede te vitia sollicitant.* Consentunt etiam ecclesiastici Doctores. Ita Dionysius, non ille Areopagita quidem sed vetustissimus tamē auctor, de div. nom. cap. 4. part. 4. *malum non agit neque desideratur nisi virtute boni adjuncti.* Et Clemens Alexandrinus lib. 1. *ἐρωμαλ.* *Nemo malum eligit, quatenus malum, sed abductus ab ea qua in ipso est voluptate, id bonum ratus, suscipiendum existimat.* Idem præclare explicat D. Augustinus tot. cap. 5. lib. 1. confess. quod etiam his verbis concludit: *Nec ipse Catilina amavit facinora sua, sed utique aliud cujus causa illa faciebat.* Similia habet lib. 1. de liber. arbit. c. 14. Et vero facile id potest ostendi: nihil enim appetitus est aliud, quam inclinatio appetentis in aliquid, ut ait Thomas 1. 2. q. 8. art. 1. Non autem inclinatur quicquam, nisi in id, quod simile & conveniens sibi est, aut saltem quod apprehenditur tanquam conveniens. Quare nullus appetitus ferri in alia potest, nisi ea, quæ vel bona sunt revera, vel esse apparent.

Verum enim vero reperti tamen sunt ex Scholasticis Joan. Scotus & Wilhelmus Occamus, qui in hac sententia non acquiescerent. Scotus 1. sentent. distinct. 1. quæst. 4. ad tertium arg. pro themate dubio eam habet, nec satis dum

1 X.

Scoti &  
Occami  
sententia.

confirmatam esse dicit. Et 2. sent. dist. 13. argumenta aliquot adfert, quibus oppositum sit. Neutrūbitamen certi quid definit, conclusionem in utramque partem probare dimittit. Occarius autem 3. sent. dist. 13. discrete affirmat, si bonum & malum ad se proprie, posse voluntatem velle malum nec bonum sit realiter, nec apparenter bonum, in quo nec realiter mali quid veniatur, nec etiam apparentur. Sed in dubio, nec rationes ab ipsis allatæ recusant, quæ quidem apud Scotum hæsentur. Primo, inquit, si voluntas oderit illud in quo nihil boni esse scit, siue quidciter malum esse scit, siue quod simpliciter malum esse bene novit. Secundo ait, si malum appeti sub ratione mali, forte sit peccatum aliquod ex malitia, sed quæ perperam aguntur, fiant aut ex alicuius imbecillitate aut errore aliquo, quod non est. Probatur consequentia: Peccare ex malitia nihil aliud esse, quam si quis peccet sciens nulla ignorantia obcæcatus, nec aliqua abreptus, sola perversa voluntas malum feratur. At hoc videtur esse malum, ut malum est. In hunc sensum arguitur Scotus. At facilis est responsio: ad primum argumentum conceditur, si in odio Dei non quidem apparens bonum, homo peccat, dat, fore, ut qui ira Deum oderit, in malum tur sub ratione mali. Sed hypothesis est: nunquam enim averfatur DEUM

*Rationes  
Scoti pro-  
ponuntur  
& refu-  
tantur.*

quin aliquid in fuga illa bonum esse sibi falso  
 persuasum habeat, cum ideo eò fugiat ne præce-  
 pta ejus observare cogatur, aut ut pœnam evi-  
 tet, &c. Ad alteram rationem respondeo, non ne-  
 cessum esse ad peccatum quod ex malitia com-  
 mittitur, hoc ut in malum sub ratione mali vo-  
 luntas feratur, sicut ipse Scotus id postmodum  
 concedit. Sane qui ex malitia & perversitate pec-  
 cat, is malum agit prudens & sciens, non præ-  
 ventus ab affectu, nec errore occæcatus, sed non  
 tamen propterea is appetit malum sine aliquo  
 bono, quod conjunctum ei esse putat. Sufficit er-  
 go hoc, ut quis malitiose agat, si feratur in veti-  
 tum, aut aliquid, quod simpliciter malum est, cū  
 libera voluntate citra errorem tum citra affectus  
 violentiam, licet ad illud eum pelliciat utile &  
 delectabile quippiam, quod malo isti adhærere  
 ipse arbitratur. Occami argumentum est, quod *Confusa-*  
 circa bonum etiam cognitum possit quis recte se *tur etiam*  
 gerere & male: bene, si persequatur; male si a- *Occa-*  
 verferetur. Cumque hoc ita se habeat, dicit aver- *mus.*  
 sari quemquam posse bonum etiam ut apparet  
 tale. ni posset, jam fore ut nec in eo peccare pos-  
 set, quod absurdum est. Respondeo posse bene  
 & male se gerere, ut dicit, & bonum etiam co-  
 gnitum averfari, sed non est tale, aut ut apparet  
 bonum, verum ut videtur cum eo mali quid  
 conjunctum, quod effugere cupit. Averfatur er-  
 go quis bonum, etiam quod scit bonum esse, sed  
 non ut est aut videtur bonum. Verum poterat *Alia ob-*  
 forte & hoc obijci, quod voluntas in bonum li- *jectio sol-*  
 bere *vitur.*

bere feratur, quodque etiam in ipsas boni p  
tiones. Respondetur, ferri utrique volun  
libere in bonum, sed ita ut possit velle illud  
velle, non autem ut velle & odisse. Privat  
autem boni alicujus non appetuntur, nisi c  
nus cum privatione boni unius conjunctu  
bonum aliud, vel saltem simul etiam malu  
quod tollitur seu verum seu apparens. Vio  
de re plura apud Gregor. de valentia in T  
disp. 2. tom. 2. q. 3. punct. 1. Ex his igitur jam  
stat objectum voluntatis quoad actum vo  
esse tantum bonum, & quoad nolendi, ta  
malum, ita tamen bonum aut malum, ut in  
gas quod vel revera tale est, vel apparet esse  
saltem conjunctum habere alterutrum vic  
Vnde triplex ratio volendi & nolendi quic  
resultat; vult enim voluntas aliquid vel qu  
vera bonum est simpliciter, vel quia appare  
pliciter bonum; vel deniq; quia non quide  
paret simpliciter tale, sed secundum qu  
tum, id est, quod cum bono aliquo conjun  
sit. Similiter etiam actus nolendi se habet  
malum. Quibus ita consideratis facile ja  
ret, nunquam velle hominem malum, n  
aliqua specie boni; nec nolle bonum, n  
prætextu mali. Hoc primum erat, quod c  
jecto voluntatis explicari debeat.

X.  
Sine vo-  
luntas fi-  
niñ tan-

Cæterum diximus objectum & velle  
ctus volendi esse bonum quippiam. Bona a  
duplicia sunt, ut docet Aristot. 1. magn. n  
cap. 2. alia enim sunt fines quidam, alia non



Fines, ut sanitas est bonum; non fines, ut quæ propter sanitatem fiunt. Quæritur ergo, an ad utraque bona se extendat voluntas? Arist. sane 3, eth. c. 2. r. 36. voluntatem dicit magis esse finis, & electionem mediorum ad finem. Sed res expedita est: cum enim potentia animi porrigantur ad omne illud in quo aliquid est objecti ipsarum, non tantum autem ratio boni reperiatur in finibus, sed quadantenus etiam in mediis, ad utraque voluntas extenditur. Quia vero ut id explicat Thomas loc. cit. art. 2. ea quæ sunt ad finem non sunt bona propter seipsa, sed ex ordine ad finem, voluntas etiam in ea non movetur, nisi quatenus fertur in finem, adeo ut ipsum illud, quod in mediis vult, sit finis. Vnde etiam 1. politic. c. 6. dicitur finis expecti ab unaquaque arte in infinitum, media autem non item. Verba hæc sunt: *Medicina sanitatis in infinitum est, & unaquaque ars finis in infinitum: nam quam maxime volunt illum efficere. Eorum vero quæ sunt ad finem non in infinitum: finis enim extremum omnibus.* Sicuti ergo dicente Scoti sentent. dist. 1. quæst. 3. §. *Quantum ad primum*, in intellectu duo sunt actus assentiendi veritati propositionis alicujus, unus, quo assentimur ei propter ipsam, ut principio, alter, quo assentimur ei propter aliud, sicut conclusioni propter principium: ita in voluntate duo sunt actus assentiendi bono; unus, quo ea assentitur bono alicui propter ipsum, alter, quo assentitur bono uni propter aliud, ad quod illud refertur. Scoti suffragatur Philosophus 7. eth. cap. 8. r. 61

*An duobus semper a fib. feratur in finem & media.*

ubi expresse docet, quæ sit ratio principiorum in rei contemplatione, eandem esse finis in actione. Quod tamen cum dicimus non putamus, actum illum volendi finem semper distinctum esse ab actu quo volumus media, ut contra Thomam disputat Gregorius Ariminensis 1. sentent. dist. 1. q. 1. art. 2. Et si enim sæpe sunt distincti, ut ipse Thomas concedit, cum scilicet in finem absolute & in se consideratum voluntas fertur, tamen uno etiam actu ferri potest in utrumque, si non formaliter & explicite, saltem virtualiter & implicite, puta cum finem appetit eatenus, quatenus ille rationem includit propter quam appetuntur etiam ea quæ ad finem illum faciunt. Vide Thom. artic. 3. & illic Caietanus ac Valentiam: Sicut igitur in intellectu cum prius cognoscuntur principia, & deinde ex ijs conclusiones eruuntur, actus, quo cognoscitur principium, non est formaliter idem ei, quo conclusio ex principio illo deducitur: nam sæpe etiam tempore se junguntur & tamen virtualiter cognitio conclusionis includit cognitionem principij: ita quoque appetitus finis, si non formaliter vel explicite simul est appetitus mediorum, est tamen implicite & virtualiter: imo interdum etiam uno actu formaliter & explicite utrumque volumus. Omnia hæc uno exemplo clara erunt. Si quis qui non usque adeo belle valeat, de sanitate recuperanda cogitet, nec statim tamen, sed ex intervallo demum de medicamentis dispiciat, actus sunt distincti, quo vult sanitatem, & quo vult

vult media, quibus sanitas paratur: distincti inquam, formaliter, & tamen unus virtualiter includit alterum. Quod si autem cogitet de sanitate per medicinam recuperanda, jam uno actu explicite & formaliter utrumq; appetit, tam finem quam media. Tantum de objecto voluntatis.

Quibus intellectis facile etiam percipitur, quænam sint à quibus voluntas moveatur, ubi <sup>XI.</sup> *Al quibus voluntas.* supponere oportet distinctionem quam antea attulimus, posse quicquam moveri vel ad exercitium actus, vel ad ejus specificationem. Quod ad exercitium ergo attinet, non movetur voluntas à quoquam alio; etsi enim elicere actum non potest sine prævia aliqua cognitione, conditio tamen tantum est illa cognitio & causa sine qua non, appétitionem autem ipsam non efficit. Vide Greg. de Valentia loc. cit. disp. 2. q. 4. punct. 1. Causa est, quod ipsa voluntas sit primum movens inter omnes facultates animæ, quoad exercitium actuum, ut & supra diximus: est enim primarius sive primariæ facultatis appetitus in homine: solius autem appetitus proprium est ad agendum movere. Quod autem ad specificationem, movetur voluntas ab intellectu ita, ut hic ostendat voluntati objectum suum: cum enim voluntas sit potentia cæca, illustrari quasi ac dirigi ab intellectu debet. Nec tamen hæc motio statim determinat voluntatem necessario, aut in omnibus ad unum certum, id est, persecutionem vel fugam. Potest etiã simili ratione voluntas moveri ab appetitu sensitivo quan-  
N 5 quam

quam indirecte, quatenus scilicet passiones ejus faciunt scire, ut quicquam videatur intellectui multo melius, quam videri alias poterat, absque illis esset. Haftenus de ijs etiam quę movent voluntatem.

**XII.**  
*An cogi possit.*

Ultimo loco dicendum restat, an voluntas cogi possit, aut ei vis aliqua fieri. Et potest hoc verbo expediri: nā si loquaris de actibus imperatis, praesertim exteriorum membrorum, nullum est dubium, quin id usu venire possit: sin de actu elicitō, contradictio est in adjecto, coacte aut per vim quempiam quidquam velle. Cogi enim dicitur id tantum, quod à principio externo & non naturali movetur. Velle autem omne est naturaliter ad aliquid inclinare, sive ex interno principio ad id ferri: quæ duo utique simul consistere nequeunt. Sic homo per vim rapi aliquò potest, sed ut hoc rapi sit ex ejus voluntate fieri nequit: si enim voluntarium est, jam violentum esse desit. Tantum de voluntate.

## C A P V T V.

### De libertate arbitrii.

#### SUMMARIA.

- 1 Quousque hic agatur de lib. arbitrij.
- 2 Tripliciter vocem eam accipi & quo sensu hic capiat.
- 3 Probat. libertatem arbit. in homine esse.
- 4 Quid sit.
- 5 Non pertinere ad animam veget. aut sentientem.

6 An in-

- 6 *An intellectui an voluntati competat.*
- 7 *Libertas contradictionis & contrarietatis ; & priorem intellectui non competere.*
- 8 *Sed nec posteriorem.*
- 9 *Obiectio quadam solvitur.*
- 10 *An vol. determinetur à iudicio intellectus & qui id affirmant.*
- 11 *Qui negent.*
- 12 *Praoccupatio obiectionis.*
- 13 *Nulla necessitas ponendi tale iudicium.*
- 14 *An vol. errare possit sine errore intellectus.*
- 15 *Quid de ea re statuendum.*
- 16 *An vol. sit libera eo instanti quo agit.*
- 17 *Occam. refutatur.*
- 18 *An vol. libera sit in omni suo actu.*

**H**Actenus de voluntate : proximum est ut de libertate arbitrij dicatur. Non arcessemus autem ab ovo hanc doctrinam, sed paucis complectemur præcipua ejus capita, quæ ad nostrum institutum pertinent. Dico, ad nostrum institutum, quum plures aliàs disciplinæ de libertate arbitrij tractent ; agit enim ea de re Theologus quoq; Physicus & Metaphysicus. Verum Theologus nō tam disputat, quid sit libertas illa, quam quæ sit ejus conditio in rebus spiritualibus: Physicus autem, seu potius is qui tradit scientiam de substantijs incorporeis, ostendit quod sit & quid sit : animæ enim rationalis potentia est. Metaphysicus denique de ea agit, cum rerum contingentiam explicat : fons namque omnis contin-

1.  
*De libertate arbitrij.*

*Plures disciplinae de hac agunt.*

contingentiæ & radix unica est causarum rationalium libertas, absque qua si foret, nulla proprie loquendo esset contingentia. Vt ergo ostendat nō omnes res in universo esse necessarias, sed aliquas contingentes, ac doceat, quid sit contingentia, superscdere illa consideratione minime potest; imo hæc utramque ibi paginam implet.

*Quatenus  
tractatio  
eius huc  
pertineat*

Nos missa hic tractatione Theologica & Metaphysica ea de libertate arbitrii huc adferemus quæ ad Philosophiam moralem cognitu necessaria sunt. Primo vero ostendemus, quod sit aliqua ejusmodi in nobis libertas, deinde quid sit, tertio, num in intellectu sedem habeat, an in voluntate, quarto, an sit eadem cum volūtate, unde quinto deniq; etiam liquebit quarum rerum sit.

*II.  
Vox liber-  
tatis acci-  
pitur tri-  
pliciter.*

Principio igitur ut intelligas, an sit liberum aliquid arbitrium in homine observandum est, vocem libertatis non uno modo accipi: liberum enim, ut annotant omnes, qui hac de re scripsere, ad animum tripliciter aliquid dici potest. Primo ita vocatur quidquid subiectum alteri non est: ita quis à miseria, culpa, aut pœna aliqua liber dicitur. Deinde quidquid non est violentum aut coactum, sive quod sine vi & coactione agit vel patitur, sicut se habet omne quod per naturalem inclinationem & internum principium agit: violentum enim aut coactum nihil est, nisi ejus principium foris est, ut 3. ethic. c. 1. docetur. Tercio liberum vocatur, quod simpliciter agit ad utrumque oppositorum; sive quod ad utramque partem contradictionis indifferenter se habet, id est, quod

est, quod tale est, ut posito objecto & omnibus  
 cæteris requisitis, iisque nihil mutatis, possit vel-  
 le & non velle, sive agere & non agere. Prima vo-  
 cabuli acceptione vulgo dicitur aliquid *liberum*  
 esse à *servitute*, altera liberum à *coactione*, & tertia  
 liberum à *necessitate*. Vide si placet Occamum 1.  
 sent. d. 1. q. 6. & Gabrielem 2. dist. 7. q. unica art.  
 2. Non utimur autem nos hic vocabulo illo aut  
 prima aut secunda acceptione, Non prima, nam  
 à pœna aut culpa liber statim non est qui libero  
 arbitrio quid facit, imo utrique obnoxius, quis  
 fit eo magis, quo liberius aut majori cum liberta-  
 te fecit. Illa ergo libertas non est libertas arbitrii.  
 At nec secunda: si enim omne quod sine coactio-  
 ne fit, à libero arbitrio arcescere velis, non tan-  
 tum brutis, sed omnibus omnino rebus libertas  
 arbitrii tribuenda esset: quod quam absurdum sit,  
 facile intelligitur. De rebus inanimatis quidem  
 id nemini non patet. De brutis idem haud diffi-  
 culter ostenditur: etsi enim ea agere aliquid &  
 non agere certo modo possunt, idque prævia co-  
 gnitione aliqua: non tamen libertas hæc arbitrii  
 est. Causa est, quod objecto præsentem & requisi-  
 tis omnibus positis quæ ad actionem aliquam a-  
 gentis requiruntur, ita in rem ferantur, ut  
 suspendere actionem non possint. Dico, objecto  
 præsentem & requisitis omnibus positis, quæ ad  
 affectum aliquem sive actionem alias concu-  
 runt: si enim vel objectum ipsum non adsit, vel  
 illud non sit ita dispositum, ut movere appeti-  
 tum animantis possit, vel si moveat, sit tamen  
 aliud

*Quo sensu  
 hic capia-  
 tur.*

*In bruta  
 non cadit  
 libertas  
 arbitrii  
 proprie.*

aliud quod impediatur, quo minus illud genio suo obsequi queat, nihil mirum est actionem non sequi. Ita canis cum à fame urgetur, & cibus præsens est, ut videat aut odoretur, & fieri ejus compos possit, nihilque est, quod illum impediatur (puta, plagæ aut metus earum) fertur in cibum necessario, siue ita, ut temperare sibi nequeat, neque faciet aliter aut facere poterit, quamdiu requisita illa aderunt. Nec tamen hic quidquæ est quod eum cogat, cum omne id faciat, non tantum propria inclinatione & motu spontaneo, sed etiam prævia cognitione, & judicio aliquo suo, quantum id esse in cognitione sensus potest. Quapropter, ut diximus, liberum à coactione esse non statim est libero arbitrio agere, cum hoc omnem necessitatem & determinationem ad unum oppositorum excludat, quæ tamen sæpe est ubi nulla reperitur coactio, etiam in iis, quæ secundum aliquam cognitionem agunt. Restat ergo tertia acceptio, quæ proprie huc spectat: sola enim necessitatem omnem respuit.

III.

*Quod sit  
libertas  
arbitrii in  
homine  
probatnr.  
Prima  
ratio.*

Esse autem ejusmodi libertatem aliquam in nobis & animo nostro, si res civiles & rationi subjectas spectes, facile ostendi potest. Dico, si res civiles & rationi subjectas spectes: nam de iis tantum hic nobis quæstio est. *Primo*, ipsa experientia docet, posse nos facere in talibus & non facere quod placuerit, imo ea de causa homines deliberare & consultare, ut faciendumne quid sit, an omittendum, apud se constituent. Quod cum frustra fiat de iis in quæ nullum est nobis



nobis arbitrium, utique necesse est, aut frustra homini datam esse de rebus consultandi facultatem, aut aliquid in nostro arbitrio esse, quapropter consultemus, ut recte argumentatur Nemesius episcopus & philosophus excellens de nat. hom. cap. 41. quique ex Nemesio descripsit Joan. *Ioan. Damascenus.* Damascenus li. 2. de fide orthodox. c. 42. Nec *Nemesius.* verò tantum in nostra potestate est id sequi, quod post consultationem optimum deprehensum fuerit, sed etiam, quod ex omnibus simpliciter tantum placuerit: etsi enim cognitio & apprehensio rei invitant ad hoc potius faciendum, quam illud tamen nec semper id fit, (puta, si res in utramque partem sit probabilis) nec cum fit id necessitatem nobis adfert, quia spernere istam invitationem potes. *Altera.* Hæc docet experientia. *Deinde,* sic argumentor: Si nulla est libertas in actionibus nostris, nulla etiam est actio moraliter bona aut mala. Sed hoc est absurdissimum. Ergo illud. Minor manifesta est. Major ita patet, id enim est bene agere, ad honestatem & legem naturæ actiones suas conformare: conformari autem ad alterum nihil potest, nisi id quod in potestate ejus est qui conformare velit. Similiter male agere ille tantum dicitur moraliter, cujus actiones illi regulæ conformes non sunt, cum esse tamen potuerint & debuerint. Unde est quod bruta non peccant, etiam agendo id quod cum homo agit revera peccat. *Tertia.* Tertio si libere agere est tantum sponte & pro rei apprehensione ac naturali subjecti inclinatione agere, non magis

*Auctori-  
tas philo-  
sophorum.*

*Plato.*

*Cic.*

*Epiet.*

*Item Dd.  
Ecclesia-  
sticorum.*

magis libere agit homo quam brutum. Con-  
quens est absurdum. Ergo libere agere est plus  
quam sponte agere. Huc accedat auctoritas phi-  
losophorum, qui omnes arbitrii li-  
bertatem in homine agnoverunt. Ita Plato do-  
cuit, animum nostrum liberum esse, inque ejus  
potestate situm, ut agat vel non agat, neque eum  
ulla necessitate cogi, ut est apud Alcinoium de  
doct. Platon. c. 26. Idem accurate disputat Arist.  
3. eth. c. 5. & meminit ejus rei etiam 9. metaphys.  
t. 3. Quin & Cicero toto lib. 2. de divinatione co-  
usque libertatem arbitrii defendit, ut omnem di-  
vinationem, initio, quod absurdum est; etiam Dei  
præscientiam futurorum contingentium tollat.  
Ad stipulatur his & Epietetus statim in principio  
enchiridii cap. 1. & 2. etsi Stoici alias multum sa-  
to tribuunt. Rerum, inquit, alia in nostra potestate  
sunt, alia non sunt. In nostra potestate est opinio, appetitus,  
desiderium, aversatio, & ut uno complectar verbo, qua-  
libet nostræ actiones. Et paulo post, Ea quidem;  
quæ in nostra potestate sunt, libera sunt; nec impediri  
quoquam possunt. quæ autem non sunt in nostra potestate,  
ea infirma sunt, servituti & impedimenti obnoxia. Hæc  
ille, qui etiam totius moralis philosophiæ fun-  
damentum id esse statuit, ut rectè distinguas,  
quæ in nostra potestate sita sunt, à cæteris quæ  
arbitrii nostri non sunt, & missis his, illa tantum  
cures. Vide Simplicium in comm. ad h. l. Idem ex  
Ecclesiasticis doctoribus ostendunt D. Augusti-  
nus, cum libb. 3. ubi ex professo de libertate ar-  
bitrii tractat, tum 5. de civitate Dei cap. 40. Ne-  
melius

melius & Damascenus loco citato. Hinc & Clemens Alexand lib.1. *scilicet*. Nec laudes, nec vituperationes, nec honores, nec supplicia iusta sunt, si anima non habeat liberam potestatem & appetendi & abstinendi, sed sit vitium involuntarium. Denique etiam Augustina confessio conceptis verbis asserit, habere humanam voluntatem aliquam libertatem ad efficiendam civilem iustitiam & eligendas res rationi subjectas. Legat art. ejus 18. Ita constat, quod utin nobis liberum aliquod arbitrium. Dicatur nunc porro quid sit.

Necessum autem est ut sit vel actus aliquis, vel habitus, vel potentia naturalis : quattu enim hic dari sine dubio nullum potest. Sed non est actus : hi enim transeunt, libertas autem permanet, & adest nobis etiam cum nihil agimus. Taceo, quod libertas sit principium actuum, id autem quod actus principium est, actus esse ipsum proprie non potest. Nec vero habitus est, natura enim inest. Relinquitur ergo ut sit potentia. Cumque potentia alia sint activae alia passivae, ad activas referri debet, ut rectissime censet Suarez in Metaphys. tom.1. disputat. 19. sect.2. num. 19. nulla enim passio libera est, ut est talis, sed quidquid libertatis ei tribuitur, actioni competit, & ipsi propter actionem. Causa est, quod imperare alteri, & determinare ad unum oppositorum id, quod ad utrumque alias erat indifferens, non est pari sed agere: etsi enim res indifferens esse potest ad hoc & illud patiendum, id tamen eorum patitur tantum, quod agere agens

O  
volet.

IV.

*Quid sit  
liberum  
arbitrium.*

*Non est  
actus aut  
habitus.*

*Sed poten-  
tia &  
quidem  
activa.*

volet. Sic paries quanquam albedinem & quæ ac nigredinem recipere potest, ut tamen alterum illorum colorum seipsa suscipiat, rejecto altero, id est à determinatione non parietis, aut potentia, quæ est in pariete, sed agentis, quod colorem ei inducit.

V.  
Nec ani-  
ma vege-  
tantis aut  
sentientis,  
sed ratio-  
nalis.

Porro verò non est potentia animæ vegetantis aut sentientis, sed intelligentis tantum. Quod non pertineat ad vegetantem extra controversiam est. Sed nec sentientis esse potest, quatenus sentiens est, quia primò sensus externi, posito objecto, ac requisiti, non possunt non exercere functiones suas, nec aliter rem percipere atque est: quomodo & sensus communis agit. Sensus autem interior seu phantasia & appetitus sensitivus, ut & facultas locomotiva, etsi rationi obediunt, & ita liberè agere videntur, libertatem tamen se non habent. Sic libera est interdum rei imaginatio, libera appetitio sensitiva in homine, liberè etiam homo ambulat, sed ista omnia liberè fieri dicuntur tantum ut actus imperati, non ut elicti, id est, libertas illa propriè est in facultate, quæ actum imperat, non quæ elicit, seu dicitur homo ista liberè agere, non quod ipsa facultas imaginativa aut appetitiva libertatem habeat, sed id, cui ea obedit. Dices pueros & amentes tamen etsi solo sensu, imaginatione & appetitu, non ratione ducuntur, liberè multa facere, puta quæ persuasionibus increpationibus & admonitionibus invitati agunt. Respon. cum Azorio libr. I. institut. moral. capite

ite secundo admonitiones persuasiones & argutiones non semper arguere libertatem, ad quem fiunt, sed intelligentiam & eam, quod sermones nostros percipit. Pueri iue & amentes iis moventur quia intelligunt, & deinde metu vel spe præmii naturaliter uel aliquid faciunt Franc. Victoria concepueros & amentes multa liberè facere, sed boni & mali, honesti & turpis perfecta non, ut idem refert. Ex his itaque constat libertatem in homine competere solianimæ intelligenti seu rationali: unde etiam est, quod entia rationales & liberæ pro iisdem accipiuntur.

Verum cum anima illa duas præcipuè facultates habeat, quæ ei quatenus est intelligens & rationalis competunt, intellectum & voluntatem, id jam quæritur, an libertas sit in utraque, an altera tantum, & utra earum? Durandus 1. distinct. 24. quæst. 7. ad utramque facultatem refert, quem è recentioribus sequitur Franciscus Piccolomineus in ethicis gr. 3. cap. 43. unap. 40. ita libertatem definierat, esse facultatem hominis, quæ de oppositis ad eius actiones pertinenti-ratiocinari oppositaque præeligere valet. Sed errant omni dubio. Communis & vera sententia solam voluntatem liberam esse formaliter. docet Thomas part. 1. quæst. 83. art. 3. de veritate quæst. 24. artic. 2. de malo quæst. 6. artic. 1. assim. Henricus Gandavensis. Quodlib. 1. q. 16. Scotus 2. sent. distinct. 25. Cajetan. l. c.

¶ 1.

An competat intellectui an voluntati.

Durandus &amp; Piccolom.

referunt ad utramque.

*Comm.  
& vera  
sententia  
ad solam  
vol.*

ad Thomam, Ferrariensis lib. 3. contra gentes cap. 73. Javellus 9. Meraphys. q. 4. & ex recentioribus Fonseca l. 9. cap. 2. quæst. 2. sect. 3. & Suarez disputat. 19. sect. 5. num. 11. Potest autem hoc facile ostendi, & simul Durandi & Piccolominei sententia confutari: etsi enim in intellectu radix est libertatis, ut rectè docent Thomistæ, quāquam Henricus & Scotus malunt intellectum tantum conditionem vocare; quæ ad libertatem requiratur; ipsum tamen intelligere neque quoad actus exercitium, neque quoad ejus specificationem formaliter & in se liberum est. Radicem libertatis in intellectu esse, id est, nullam posse esse liberam rei electionem, ubi nullus est intellectus ex iis, quæ supra diximus, horum est: ideo enim solis intelligentibus libertatem inesse ostendimus, quod nulla possit esse libera appetitio, ubi non est rerum appetendarum cognitio & comparatio inter se: comparatio autem ea sine intellectu institutus nequit. Interim tamen libertas in ipsa intellectione rei præcisè non est.

*Radix libertatis  
est in intellectu, ipse tamen formaliter liber non est.*

*VII.  
Libertas  
contradictionis &  
contrarietatis.*

Vbi observandum, libertatem dupliciter considerari, uno modo, ut possit res aliqua agere hoc, & agere illud. Prior appellatur libertas contradictionis, seu, ut jam jam vocabamur, libertas, quæ est in exercitio ipsius actus; posterior libertas contrarietatis, seu quæ speciem, vel, ut vocant, specificationem, actus concernit. Neutro autem modo intellectus est liber in se & formaliter. Liber non est quoad exercitium actus: ut enim

ut enim potentia se determinet ad agendum ne-  
 cesse est id fieri vel impetu naturæ vel libera ap-  
 petitione actus. At potentia libera, quæ tales,  
 non agunt ex impetu naturæ. E. libera inclinatio-  
 ne & voluntariè. Voluntarium autem duo-  
 bus modis aliquid dicitur, elicitum & impera-  
 tum. Priori modo actus intellectus non sunt vo-  
 luntarii, puta, ut ipsi eos velit; nec enim intelle-  
 ctus facultas est appetitiva, aut quæ ex se eli-  
 ciat ullum velle. Posteriori modo voluntarii  
 quidem sunt, at id non libertatem ipsius intel-  
 lectus, sed alius potentia à qua ad agendum mo-  
 vetur & excitatur, arguit. Deinde docet hoc  
 ipsa experientia: ut enim quis consideret, &  
 cognitionem ejus aspernetur, voluntatis tantum  
 est. Quæcumque ergo hæc in re libertas est, ea  
 tota est à voluntate, seu voluntatis, & non in-  
 tellectus. Tertiò posito objecto & requisitis  
 non magis potest intellectus rem non cogno-  
 scere, atque oculus apertus in media luce obje-  
 ctum suum non videre. Libertas igitur nulla est  
 in intellectu, quoad exercitium actus seu con-  
 tradictionis.

Sed nec liber iste est quoad specificationem  
 actuum, seu ut assentiatur rei aut dissentiat, cum  
 eam considerat & cognoscit: vel enim res ea est  
 perspicua & evidens, at tùm necessario assenti-  
 tur si vera est, dissentit, si falsa; vel penitus ob-  
 scura est, & tùm neutrum actum elicit, quod  
 objectum non repræsentetur, planè ut non vi-  
 demus cum lumen deest: vel denique res in

*Neutra  
competit  
intellectui  
in se.*

*Non con-  
tradictio-  
nis.*

VIII.

*Nec con-  
traxit  
tia.*

utramque partem probabilis est, & tum iterum nec dissentit, nec assentitur, nisi fortè voluntas ad alterum moveat, idq; ideo non quod in potestate ejus sit neutrum facere, sed quia objectum sufficienter non proponitur: seu potius, quia in utramq; partem movet, una motio alteram impedit. Quoties itaque intellectus rei vel assentitur, vel ab ea dissentit, naturaliter id facit, quantum in ipso est. non liberè: evidentia enim veritatis cogit assentiri, falsitatis dissentire, quæ cum deest, intellectus planè nihil agit nisi, ut jam dixi, voluntas ad id impellat, sic ut in fide evenit: unde & hæc est rerum non apparentium, & à voluntate magis, quam ab intellectu dependet.

X.

*Obiectio.**Respon.*

*Qualis  
indiffe-  
rentia sit  
in intelle-  
ctu.*

Nec obstat, quod communiter indifferentia voluntatis dicitur esse ab indifferentia intellectus, cum æquivocatio sit in voce indifferentiæ, ut notat Suarez sect. 5. numero 22. indifferentia enim intellectus ea tantum est, quod intellectus ostendat rem esse indifferentem, seu tam hoc quàm illud indifferenter eligi posse, quod causa, esse liberæ electionis potest, electio ipsa non potest. Ratio est, quod libera electio est à potentia, quæ indifferenter agit atque ad eò ipsa est indifferens, cujusmodi quid intellectui, ut supra probavimus, non competit, cum cognoscat tantum & proponat indifferentia. At voluntas non tam vult indifferentia, quàm indifferenter vult quicquid vult. Sola itaque indifferentia voluntatis constituit libertatem, indifferentia autem intellectus non est tam indiffe-  
rentia



rentia actuum ipsius, quàm objecti, quod cognoscit & voluntati proponit. Unde sensus pronuntiati illius, cujus meminimus, istantum est, voluntatem liberè indifferenter res velle & nolle, quia intellectus ei ostendit & proponit talia, quæ indifferenter appeti possent. Ex his igitur constat, inter potentias rationales voluntatem quidem esse formaliter liberam seu libertatem habere, intellectum autem radicaliter & præsuppositivè, seu tanquam fundamentum & originem libertatis.

Ut autem hæc omnia & tota ista doctrina de libertate ed plenius intelligatur, quatuor adhuc experenda sunt. Primò quomodo voluntas determinetur à judicio intellectus, secundo an omnem errorem voluntatis necessariò præcedat error aliquis intellectus, tertio an libertas sit in agente etiam dum actu operatur, & quarto denique an voluntas ad omnia objecta liberè se habeat. Et primò quidem sunt ex Thomistis, qui etiam statuunt libertatem formaliter esse in sola voluntate, dicunt tamen eam non à semetipsa, sed à judicio intellectus determinari. Ita expressè docet Javellus lib. 9. Metaph. quæst. 5. ubi de quarto puncto tractat & Socinas lib. eodem quæst. 14. Idem ex recentioribus sentit Gregorius de Valentia tom. 3. quæst. 1. disp. 2. puncto 5. & Bartholomæus Medina in 1. secundæ quæst. 9. art. 1. concl. 2. Argumēta præcipua sunt, 1. quod, cum voluntas ipsa nihil cognoscat, dirigi debeat ab intellectu in rei appetitione, 2. quod nihil

X.

An voluntas determinetur à judicio intellectus.

Affirmat Javell. Socinas, Valentia, Medina.

*Loquuntur de specie tantum actuum.*

appetatur nisi præcognitum, & quatenus ab intellectu proponitur, 3. quia alias nulla reddi ratio possit, quare hoc quis potius velit, quam illud. Ubi nota non de exercitio actus, sed de specificatione eos loqui, sicut disertè protestantur Iavellus & Soncinas, ut mirer tum Fonseca, tum Suarez de utroque illorum sententiam eam accipere. Noretur porro non intelligere auctores hoc iudicium quodvis sed ultimum, seu illud, quod expensis cæteris sententiis, quæ in mentem venerint, iisque rejectis, tandem concludimus hoc & non illud rectissimè omnium fieri. Ita illi.

*XI.  
Negant  
Scotus,  
Henricus,  
Fons. &  
Suarez.*

Aliter sentiunt Stoici discipuli, ut ex Antonio Andrea 9. Metaphys. cap. 2. citat Iavellus: longè alia etiam mens est ipsius Scoti & Henrici locis cit. quos sequuntur ex recentioribus Fonseca loc. citat. sect. 2. & 4. & Suarez sect. 6. numero 7. Et sanè si voluntas ita dependet à iudicio intellectus, ut nec sine illo possit determinari ad volendum quid aut nolendum, neque illo posito ab eo queat discrepare, ei que non conformari, tum utique existentibus omnibus requisitis non est in potestate voluntatis hoc aut illud agere, atque adeò non liberè, sed naturaliter agit. Consequentia manifesta est: iudicium enim rationis unum est ex requisitis, quæ ad rem volendam aut nolendam præsupponuntur. Quod si igitur voluntas id ita sequitur, ut aliter non possit, putà, ut nequeat non fugere, quod iudicatur fugiendum esse, positis omnibus requisitis agit

agit necessario quod agit. Secundò, si voluntas necessario sequitur quod iudicat intellectus, agit quod agit, non ut facultas movens, sed ut mota, nec tam ipse se determinat, quam determinatur. At hoc rursus pugnat cum ejus libertate, nihil enim liberum est, quia patitur & movetur, sed quâ agit & movet, ut supra ostendimus. Tertiò si voluntas determinatur à iudicio intellectus ita ut nequeat contravenire, non magis liberè agit ex se quàm facultas locomotiva; at hoc est absurdum. E. & illud. Probatùr consequentia: nam & facultas locomotiva movere potest sursum deorsum, retrorsum antrosum; tantum necessario obsequitur superiori facultati movendi ad eum modum; & ipsa movet ita in partes contrarias, sed mora ab alio. Quod si itaque voluntas quoque obsequitur alii potentie necessario, non movet majori libertate quàm illa.

Si dixerint, manere etiam sic libertatem voluntati, quia licet stante illo iudicio non potest non consentire, tamè potest tolli illud iudicium, si intellectum voluntas ad alterâ partem diver-  
 rat, ut aliud iudicium sibi formet, nihil efficiunt, sed manifestè potius contradictioni se involuunt, ut rectè tum Fonseca tum Suarez demonstrant: si enim auferre voluntas potest iudicium istud, & intellectum aliò divertere, jam non est iudiciũ illud ita necessarium, ut non possit id non sequi voluntas. Multò minus rem expedit, quòd Javellus ait, intellectum & voluntatem mutuo se determinare, & voluntatem quidem determinari ab intellectu

XII.  
*Praecem-  
 patio obje-  
 ctionis.*

*finaliter* , putà quatenus intellectus ei ostendat bonum, quod non possit respuere, *intellectum autem à voluntate efficienter*, & quatenus volūtas vult intellectum sic judicare, seu, ut determinatè intelligat hoc aut illud : & magis hoc quàm illud : nam primò si voluntas efficit actum aliquem intellectus, efficit utiq; cum volendo ut sic scilicet judicet ille & non aliter, quia ista ita vult. At unde ergo determinatur ad hoc voluntas; si dixeris à judicio alio, de eo iterū dicetur esse id tale quale voluntas velit & sic in infinitum procedetur. Deinde voluntas nihil potest velle nisi præcognitum : prius ergo simpliciter est iudicium intellectus volitione, cum prius utiq; sit objectum voluntati ostendi, quam ferri eam in illud. Quod si autem voluntas est causa iudicii efficiens, & contra idem iudicium causa finalis voluntatis, idem est semetipso prius & posterius. Nullo igitur modo fieri potest, ut salva libertate voluntatis iudicium ejusmodi admittatur quo voluntas ad id quod vult ita determinetur, ut aliud, seu contrarium, illo stante, velle nequeat.

**XIII.**  
*Nulla necessitas  
 ponendi  
 tale iudicium.*

Sed nec ulla necessitas est quare tale iudicium statuatur, cum notum sit intellectum non movere voluntatem nisi proponendo tantum objectum seu ostendendo ei rem quæ amari aut odio haberi meritò possit. Ad hoc est illuminare & dirigere voluntatem, non producere volitionem: hoc enim sit impellere voluntatem ad volendum, cum tamen impulsus omnis non cognoscitivæ seu appetitivæ facultatis sit. Propositio

litio autem objecti, ut etiam supra diximus, etsi excitare potest appetitum ut appetat, necessitatem tamen ei non adfert, tum quod plura objecta talia simul repræsentari ab intellectu possunt, ut media ad eundem finem, tū quod ostendere apperibile quid esse, non est ostendere, esse necessario appetendum. Sanè si voluntas efficaciter sibi proposuerit hoc se facturam, iudicium aliquod intellectus esse potest, quod necessario ei sequendum est stante illa hypothese. At hæc determinatio, ut faciliè patet, non ab intellectu sed voluntate est; sublata enim hypothese ista aliter fieri poterat. Ex his igitur constat quid de hac questione sentiendum sit. Ad argumenta in contrarium allata respōdetur simul & semel, requiri ad liberos actus voluntatis iudicium intellectus, idq; ultimum, non quod dicat, hoc aut illud esse necessario nunc faciendum & eligendum, sed quo statuatur, hoc medium, consideratis omnibus circumstantiis hic & nunc, aptum esse ut eligatur & assumatur. Et tum quando voluntas id acceptat nec in incognitum fertur, & ratio reddi potest, quare id elegerit, sed quare meritò id assumpserit, atque ita, ut nullum potuerit convenientius eligere, etsi fortè etiam aliud æquè conveniens in promptu fuisset.

Cæterum ex hac questione nascitur altera illa, an ergò cum voluntas non determinetur à iudicio intellectus ad rem volendam vel nolendam, sed à semetipsa, errare ea possit nullo præcedente errore intellectus. Fieri id posse, imò se-

*Solvuntur  
tur argu-  
menta  
Thomi-  
starum.*

**XIV.**  
*An volū-  
tas errare  
possit nul-  
lo præce-  
dente er-  
rore intel-  
lectus.*

*Affirmās  
Scotus,  
Occamus  
Gabriel.  
Henricus.*

pè fieri, statunt auctores omnes qui determinationem voluntatis à iudicio intellectus suspendendum negant. Sic docet Scotus dist. 36. q. 1. Occamus ibid. q. 12. & Gabriel ibid. Henricus autem non quidem omnem errorem, sed, ut ipse vocat, deordinationem in intellectu oriri statuit à de ordinatione voluntatis, quod l. 1. quaest. 17. Rationes sunt, primò quod multi peccant ex malitia, atq; adeò id agunt quod malum esse optimè sciunt. Secundò etiam id quod malum esse iudicamus, propter voluptatem cōiunctam sæpè appetimus, & quod bonum censemus, declinamus propter adhærentem molestiā. Errat igitur voluntas appetendo aut declinando, nec tamen intellectus iudicando. Terriò si non potest voluntas stante optimo iudicio intellectus malum velle, atque adeò errare non errante intellectu, determinatur ea à iudicio intellectus & non à semet ipsa, quod falsum esse supra ostendimus. Quartò urget Henricus exemplum Adami qui peccarit sine præcedente errore, quod ignorantia & error in eo ante lapsum esse nequiverint, cum pœna peccati sint. Idem argumentum alii faciunt de lapsis angelis. Contraria sententia est Thomæ, 1. 2. q. 77. art. 2. Durandi 2. sent. dist. 5. art. 2. eamque communioem esse dicit Fonseca. Statuit hæc nò dari ullum errorem in voluntate nisi præcedente aliqua vel ignorantia vel inconsiderantia in intellectu. Probant hoc, primò quia voluntas nunquam appetit rem nisi sub ratione boni, nec rursus fugit eam, nisi sub ratione & specie aliqua mali-

*Negat  
Thom.  
Durand.  
Fonseca.*

mali. Quoties ergò homo aliquid vult, ideò vult, quia id bonum esse ei apparet, si non simpliciter, attamen sibi & hoc tempore, aut propter voluntatem & utilitatem ei conjunctam. Deinde idem docet Aristoteles lib. 7. Ethic. quando disputat incontinentem semper aliquid ignorare aut saltem non considerare.

Verùm utraq; sententia aliquid veritatis habet, ut ostendunt Fonseca loc. citat. sect. 2. & 3. Suarez sect. 7. Et quidem manifestum est formalem ignorantiam, id est, defectum scientiæ non esse semper in intellectu aut præcedere voluntatem errantem. Ostendunt hoc sufficienter auctores primæ sententiæ, & attestatur experientia ipsa, multa nos facere, quæ, si rectè ea consideramus, mala esse sciebamus, idque evidenter etiam evincit argumentum de lapsu Adami & malorum angelorum. Rursus autem & id certum est non quidè necessarium esse simpliciter, sed plerumque tamen fieri, ut errorem voluntatis præcedat ad minimum ignorantia interpretativa, id est, considerantia intellectus: nam etiam si sciat quis id esse malum quod vult, sæpè tamen non considerat aut recogitat hoc, aut certè non tam diligenter recogitat atque poterat. Probat id rectè Thomas, quia necessum est id quod appetit à voluntate debet ei offerri sub aliqua saltem ratione boni, puta quod illud vel jucundum vel utile, vel aliàs conveniens nobis sit, licet nec pium existat, nec honestum; quod idem hoc tempore nobis conducere videatur, etsi aliàs simpliciter

XV.  
Vtrunque  
sententiæ  
aliquid  
veri continere.  
Suarez.

Ignorantia interpretativa plerumque adest.

citer non conducatur. Eadem ratio est de iis quæ voluntas fugit, nisi quod contrario modo ibi res se habet. At omnis propositio & repræsentatio ejusmodi fit ab intellectu: ille enim voluntati ostendit quid sit bonum quid malum. Nunquam igitur proponi ei aliquid potest, quod exequendo voluntas erret, nisi intellectus etiam impingat sive ignoret simpliciter quid sit bonum, sive non rectè consideret. Postremò etiam hoc fieri potest, imò semper fit, ut quando jam electio à voluntate errante instituitur; tum sequatur approbatio intellectus & formalis ignorantia, id est, ut quod ante ex inconsiderantia malè fecit, jam postquam id facere constituit, simpliciter bonum esse judicet: id enim à voluntatis & intellectus naturali cogitatione proficiscitur. Tantum de secunda quæstione.

## XVI.

*An voluntas libera sit eo etiam instanti quo aliquid vult.*  
*Negant.*  
*Occam.*  
*Gabr. & Nominales.*

Porro cum voluntas sit indifferens, ita ut possitis omnibus requisitis adhuc possit velle & non velle, item velle & nolle, quæritur, an ita id intelligendum sit, sit ut eodem instanti & puncto temporis, quo aliquid vult, idem possit non velle aut nolle. Occamus 1. sentent. distinct. 38. quæst. 1. Gabriel ibid & Nominales plures negativam tenent; quamvis Azorius lib. 1. institut. moral. cap. 2. statuatur, Occam. Gabrielem & Aliacensem docere eodem puncto temporis quo aliquid vult vel agit posse non velle & non agere, & id negat tantum, posse eodem puncto simul velle & non velle, simul agere & non agere, atque idcò immeritò eos accusari. Argumentantur ita:



tur ira: Si unum quodque eo ipso quo est, necessariò est, voluntas eo tempore quo aliquid vult non potest id nolle, & quo non vult, non potest velle aliàs simul vellet & non vellet, aut vellet, & nollet. Dicunt itaque quod ea liberè velit & non velit id accipiendum esse non de eo instanti quo unum horum facit, sed quod proximè illud antecedit. Ab hac sententia non procul abest etiam Lombardus, cum 2. sentent. 25. cap. 2. asserit libertatem arbitrii tantum circa futurum versari. Contra sentit Scotus 1. sent. d. 39. capreolus 2. distinct. 25. & ut citant Herveus quòdli. 1. quæst. 1. dubio 6. Gregorius Ariminensis 1. sent. dist. 39. Socinas 9. Metaph. quæst. 19. Iavellus ibid. quæst. 5. & ex recentioribus Suarez. sect. 9. Conimbric. in Logic. libr. 1. de interpr. cap. 8. quæst. 8. artic. 1. & Molina de concord. libr. arbitrii, quæst. 14. art. 13. disput. 24. Omnes hi Occamum refutant ejusque sententiam Suarez planè improbabilem, Molina temerariam insuper & periculosam esse dicit.

Et sanè si voluntas eo instanti quo elicit actum non est indifferens ad eliciendum & non eliciendum, nunquam est indifferens, quia respectu istius instantis propriè libera dicebatur. Secundò, si eo instanti, quo actum elicit, necessariò eum elicit, jam pari ratione antea semper eo necessariò caruit & in futurum carebit, atq; ita nulla planè ejus libertas est. Tertiò Deus liberè ab æterno decrevit mundum condere in tempore. At iste actus non est liber ideo, quod antequam

Deus

Contra-  
ria sen-  
tentia ve-  
ra est &  
commu-  
nis.  
Scot.  
Capreol.  
Herveus.  
Gregor.  
Socin.  
Iavel.  
Conimbr.  
Molina.  
XVII  
Refuta-  
tur Octa-  
vus.

Deus id decerneret, potuerit non decernere: nihil enim est ante æternitatē: nec verò ideò, quod postquā decrevisset, potuerit id retractare: Deus enim non mutatur. Liberè ergò decrevit ideò, quia tunc quando decrevit potuit non decernere. Quartò nemo peccat actualiter, nisi, ut notum est, cum id agit quod tum quando agit poterat non agere. Quòd si igitur nemo cū aliquid agit potest idem non agere, ut Occamus censet; nemo peccat quando quid agit, sed antequam agat: tum enim id vitare poterat, quod quàm absurdū sit facillè patet. Ad argumenta Occami respondetur, primò confundere eum prioritatem naturæ cum prioritatem temporis: prior enim naturā est potentia ad agendum & non agendum quàm agere; nec tamen ideo p̄rior est tempore. Deinde cōfundit etiam sensum compositum cū sensu d. viso: etsi enim posito quòd potentia agat non potest ea non agere, potest tamen id absolute loquendo, & ille non supposito, uno & eodem puncto temporis, licet puncta naturæ distinguantur. Tantum etiam de tertia quæstione.

*Solutio  
arg. Occami.*

*\* XIX.  
An voluntas libera sit in omni suo actu.*

Postremò quærebatur, an voluntas quoad omnes suos actus eorumque exercitia libera sit? Et sanè quod attinet ad exercitium actuum, nec universale nec particulare bonum ullum necessariò appetit: sicut enim homo non necessariò cogitat vel de particulari aliquo vel de ipso universali bono & potest tollere quoties vult cogitationem illam, ita nec necessariò sed liberimè planè alterutrum appetit; eademque  
ratio

ratio est de fugiendo malo. Interim tamen non-  
 nullos actus producit naturaliter & necessario, *Quamam*  
 præsertim quoad actuum specificationem. Sic *appetac*  
 primò, non liberè sed naturaliter fertur in bo- *naturali-*  
 num universale: quidquid enim volumus id nõ *ser & ne-*  
 possumus non sub aliqua ratione boni velle. Un- *cessario.*  
 de est quod cum diversi diversa, imò contraria;  
 appetant, bene tamen sibi esse omnes velint, et-  
 iam si id bonum sepè censeant: quod nihil minus  
 est quàm tale. Hinc. Aug. lib. 10. confess. cap. 20.  
*ait, Si omnes homines una voce interrogari possent, utrum*  
*beati esse vellent, sine ulla hesitatione velle responderent.*  
 Et paulo ante: *Nonne ipsa est beata vita quam omnes*  
*volunt & ominind qui nolit eam, nemo est?* Et rursus  
 lib. de morib. Eccl. Cathol. cap. 3. *Beate certè omnes*  
*vivere volumus, neque quisquam est in hominum genere*  
*qui non huic sententia, antequam planè emissa sit, consen-*  
*tiant.* Idem docet lib. 1. de libero arbitr. cap. 14. &  
 Boethius de consol. Phil. li. 3. prol. 2. Necessario  
 igitur voluntas bonum universale seu bonum in  
 universali. Similis ratio est de malo declinando.  
 Deinde bona particularia potest quidem homo *Quamam*  
 velle & nolle; prout mali aut molestiæ aliquid *libere.*  
 conjunctum habent vel non habent, aut habere  
 certè vel non habere videntur, per se tamen &  
 illa necessario appetuntur: sanitate enim ipsam  
 exempli gratia nemo ita appetit; ut possit eam  
 etiam non appetere; si illam in te spectes,  
 licet possit propter malum aliquod  
 fortè conjunctum.

## CAPVT VI.

De anima sentiente & præcipuè de  
natura affectuum & passionum  
in animo.

## SUMMARIA.

- 1 De appetitu sensitivo & duabus eius partibus.
- 2 Quare appetitus uterque datus animali, & de affectibus animi.
- 3 Definitio affectuum academica seu peripatetica, & Stoica.
- 4 Definitio prior præfertur posteriori.
- 5 Subiectum affectuum.
- 6 Stoici eos collocare in anima rationali.
- 7 Quid rectè hic doceant.
- 8 De bonitate & malitia affectuum.
- 9 Due cautela.
- 10 Quinam affectus pertineant ad appetit. concupisc. & qui ad irascentem.
- 11 De affect. bus concupisc. in specie.
- 12 Item de irascentis.

**P**OST QUAM de anima intelligente actum est; sequitur ut de sentiente dicamus; utraque enim facultas capax virtutis est, ut suo loco ostendimus, & utriusque natura consideranda ei qui Ethicæ objectum cognoscere velit. Non est autem in Ethicis quæstio tam de cognitione sensuum quàm de appetitu sensitivo, cum primis ve-

his verò de animi affectibus qui sedem in eo habent, ille enim potissimum, & hi omnes, ad honestatem compohi ac virtute imbui possunt & debent. Ut verò eò compendiosius omnia proponantur, supponimus initio quæ supra explicata à nobis hac de re sunt, quum de animæ facultatibus in genere, & in specie de anima intelligente dictum fuit; quid enim sit appetitus sensitivus, & quid à voluntate sive appetitu rationis differat, quæ etiam & quatenus huic subijci queat, ex illis constare abundè potest. Hic istud tantum sciendum est, duas esse partes illius, concupiscentiam & iram, ut docet Aristot. de anima c. 3. t. 27. Cicer. 3. Tuscul. q. animi cupiditatem & ægritudinem vocat Epictetus apud Arianum l. 1. c. 4. & passim ὁρεξὶς καὶ ἐκκασιεὶς, vulgò potentiam concupiscentem & irascentem dicimus. *Concupiscentia* simpliciter appetit bonum & fugit noxium, *irascentia* propulsat noxium & quod quid impedit aut obstat, quo minus bonum quod appetimus consequamur. Thom. part. 1. q. 81. artic. 2. Scot. 3. sent. dist. 34.

*Dua partes appetitus sensitivi, Concupiscentia & Irascentia.*

Et profectò utrumque horum necessarium animalis est ad sui conservationem: nulli enim rei erat delectari bonis & abhorretere noxia, nisi & propulsari posset quod bonum impedit aut malum infert: quare etiam ambabus istis facultatibus appetitum sensitivum instructum esse oportuit. Distinctas autem eas esse iudicio est, quod distinctum munus utriusque est: neque unum & idem sunt appetere bonum & impedimentum ejus tollere, vel fugere malum & arce-

*Quare appetitus uterq; datus animalis.*

*adfectus  
animi.*

re. Cæterum uterque hic appetitus tam concupiscens quam irascens armatus à natura est certis animi motibus quorum vi agat id cui destinatus est. Græcè vocant *παθή*, Latine animi adfectus vel adfectiones sive perturbationes & passionēs. Cicero. 3. Tusc. q. D. August. de civ. Dei c. 3. Sicut enim cognitio sensus non fit sine corpore ejusque aliqua immutatione, saltem spiritali, ut Phisici appellant: ita nec appetitio animæ sentientis esse sine corporis mutatione & passione aliqua potest. Hæ immutationes motus animi dicuntur; quorum natura & ratio èd diligentius cognoscenda est, quod omnis virtutis materia illi sint: adfectus enim & motus animi rectè nosse, & ubi exorbitent emendasse, & secundum virtutem vivere, neq; per virtutem aliud quicquam intelligitur. Nos ut paucis tam nobilem doctrinam complectamur, quinq; hîc potissimum considerabimus. I. quid sint illi adfectus: II. in qua parte animæ sedem habeant: etsi enim ex jam dictis constare potest ad animam sentientem eos pertinere, magna tamen hic contentio est inter Stoicos & cæteros Philosophos: III. an boni sint vel mali: IV. quinam ex iis ad concupiscentem, quinam ad irascentem partem præcipuè pertineant, quemq; ordinem habeant & V. denique quæ sit singulorum natura in specie.

III.

Principio autem describuntur adfectus ani-

*Definitio* Imitab Aristotel. 2. Rhetor. cap. 1. ita, ut dicat esse  
*Adfectuū* mutationes animi cum voluptate & dolore coniunctas.  
*Academica &* Plato, ut est apud Alcinoum de doct. Plat. cap. 32.  
*Peripatetice.* dicebat, esse motus animi sine ratione, natos ex bono aliquo

aliquo aut malo. Ioan. Damasc. 2. de orth. fid. c. 22. geminam definitionem habet, *Passio*, inquit, est motus appetitiva virtutis sensibilis ab imaginatione boni vel mali. Item: *Passio* est animi motus irrationalis ortus ab opinione boni vel mali. Thomas 2. Ethic. lect. 3. definit ita: *Passio* animæ nihil aliud est quam motus appetitiva virtutis in persecutione boni vel in fuga mali. Sunt autem tales passionēs, cupiditas, ira, metus, fiducia, gaudium, amor, odium, desiderium, misericordia, & res similes, quas magnam partem receperet Aristot. 2. ethic. cap. 5. Ita Academici & Peripatetici adfectus definiunt. Stoici quia non paullo aliter vocem accipiunt, aliam definitionem habent: cum enim Philosophi cæteri per passionēs intelligant simpliciter motus appetitus sensitivi, prout in se spectantur, non ut refragantur rationi, hi ita vocant eos tantum, qui à ratione ejusque præscripto exorbitant, imò non tam motus appetitus sensitivi, quam pravas opiniones & iudicia rationis. Hinc Zeno eorum princeps ita definiēbat affectum animi: *πῶς εἰς τὴν ἢ ἀλογον ὥστε φύσιν κίνησις, ἢ ὁρμή πλεονάζουσα*, ut testatur Diog. Laërt. in Zenone. *Perturbatio est vel aversa à ratione contra naturam animi commotio*, vel brevius, *Appetitus vehementior*, ut Cicer. definitionem Zenonam interpretatur 4. Tusc. q. intelligit enim Zeno per τὴν ἀλογον, non tam quod sine ratione fit, quam quod contra eam. Idem fundamentum Seneca passim substruit disputationibus suis in libb. de ira, ut expressè patet libr. 2. cap. 3. *Ira*, inquit, non moveri tantum sed excurrere debet: est enim impetus, nunquam autem impetus si-

*Stoicorum definitio.*

tus sine assensu mentis est. Item libr. i. cap. 9. Si exau-  
dit rationem & sequitur quâ duci-ur iam non est ira,  
cuius proprium est contumacia. Et paulò post : Si mo-  
dum adhiberi sibi patitur, alio nomine appellanda est, de-  
finit ira esse, quam effrenatam indomitamque intelligo.  
Ita ille qui quod de ira dicit idem de cæteris ad-  
fectibus intelligendum vult : nam & propterea  
animi motus in tres gradus dispescit, atque eo-  
rum primum præparationem potiùs adfectus,  
quam adfectum dicendum putat libr. 2. c. 4. Hæc  
Stoici.

IV.  
Definitio  
Acade-  
mica &  
Peripate-  
tica præ-  
fertur  
Stoicæ.

Verùm enim verò etsi utraque vocis acceptio  
apud scriptores occurrit, nec infrequens est : (ut  
enim per adfectus & passionem animi sæpè tan-  
tùm commotio ejus denotatur sine exorbitan-  
tia & sine impetu excurrente, ita non rarò etiam  
in alteram partem voces illæ accipiuntur, maxi-  
mè autem si non tam adfectus quàm perturba-  
tiones animi dicas) tamen cum aliud sit motus  
ipse in se, & aliud exorbitantia ejus, siue aliud  
exempli gratia, odium simpliciter, aliud odium  
virtutis vel hujus aut illius rei, rectius sine dubio  
fit, si ita acceptio vocum temperetur, ut quæ rea-  
pse distincta sunt, ea etiam distincta appella-  
tione efferantur. Quamvis ergò Stoici recte de-  
finiant affectus, si ita vocem capias ut illi, melius  
tamen Academici & Peripatetici loquuntur &  
sentiunt, melius, inquam, si nò tam spectes quid  
in vulgus obtineat de vocis alicujus acceptance,  
quàm quomodo ea accipiat a doctis. Causa  
est quod Academici & Peripatetici & appella-  
tione & definitione sua complectantur nudos,  
ut f.



ut supra dixi, animi motus atque ea quæ his per se insunt tantum, Stoici verò una appellatione & definitione involvunt & motum ipsum & quæ ei accidunt, res natura sua distinctissimas; quod quam periculosum sit in veritatis investigatione, facile intelligitur. Cum enim etiam aliàs difficultatem maximam habeat, vocabula rerum accuratè distinguere ne res ipsas confundas, ut docet Aristot. i. top. elench. cap. 6. minimè utique oportet ea quæ jam distincta sunt denuò confundere. Quod autem distincta sint reipsa quæ appellatione sua Stoici confundunt negari non potest: quid enim ad Esse & naturam motus quâ est motus (dico quâ est motus, non quâ est motus talis vel talis) si exorbitet, aut non exorbitet, cum tam sit animi motus, cum malè quicquam metuitur, quam cum benè, cum pravè quicquam amatur, quam cum rectè? utrumque enim est metuere, utrumque est amare: utrumque etiam metuere & utrumque amare immutat animum cum corporis aliqua alteratione dolorem excitante aut voluptatem. Omnes ergo motus animi sive excurrant sive in officio contineantur, conveniunt inter se quâ motus sunt, & quatenus habent quæ per se ad essentiam motus spectant: quod autem excurrant, competit eis non quâ motus sunt simpliciter, sed quâ motus vitiosi, sive quatenus imperium rationis derectant. Equidem negari non potest interdum animi motus iis vocibus designari, quæ, si abusum potius earum quam usum spectare velis, non tam affectum ipsum solam

quam simul exorbitantium aliquam denotent. Sed tum vox ab æquivocatione liberanda est, si potest; sin, jam non purum putum affectum significare dicetur, sed affectum vitiosum. Verum hac de re postea.

V.  
Subiectum  
affectuum.

Hactenus ostensum est quid sint affectus quidque eo nomine intelligatur, si accuratè & distinctè loqui velis: in qua autem animi facultate sedem habeant deinceps explicandum est. Diximus supra pertinere eos omnes ad animam sentientem; sed tamen non ad facultatem sive potentiam ejus apprehensivam, ut vocant, sed appetitivam. Utrumque ita in se habere nunc probavimus. Et quidem quod ad facultatem aliquam appetitivam pertineant (ut de posteriori prius dicamus) manifestè patet, si munus potentie appetitivæ cum munere apprehensivæ conferas: opus enim virtutis apprehensivæ, ut docet D. Thom. p. 1. quæst. 81. art. 1. egregiè 2. ethic. lect. 5. perficitur eo quod res apprehensæ sint in potentia apprehendente, opus autem virtutis appetitivæ quod appetens inclinatur in rem appetibilem. Vnde opus virtutis apprehensivæ in universum similis est quieti, appetitivæ motui. Cum ergo nihil moveatur in rem quampiam cognoscendo aut apprehendendo sed appetendo eam, facile liquet si commotio quædam sit in animo, illam ei non ratione apprehensivæ sed appetitivæ facultatis competere. Quod autem sint tales motus in anima sentiente liquere itidem facillimè potest, modò quis re cogitet de quibus motibus hic quæratur, nempe de cupiditate, ira, metu,

Adfectus  
sunt in a-  
nima sen-  
tiente.

metu amore, odio, desiderio, & similibus. Causa est quod omnes hi cum alteratione corporis fiunt, & uno actu animum simul & corpus immutant. Nullus autem motus voluntatis vel animæ intelligentis fit cum mutatione corporis primo: anima enim intelligens, ut sine organo corporis cognoscit, ita etiam sine ejus passione appetit. Quare motus illi in anima intellectiva aut ejus appetitu esse non possunt. Dico non posse esse in appetitu rationis: neque enim nego ab illo excitari posse, cum appetitus ipse sensitivus quantus quantus est, à voluntate moveri queat, ut suo loco ostendimus. sed aliud est à voluntate affectum suscitari & aliud eum in voluntate resideere. Huc accedit quod, ut argumentatur Alcibiades loc. cit. sæpe motus animi surgunt nobis in vitis, quod fieri non posset si in voluntate essent.

Stoici affectus in anima rationali collocant, & ut diximus, voluntarios esse statuunt & opinioniones & judicia prava vocant. Hoc docet Ciceroni in acad. quaest. Cum antiqui, inquit, perturbationes naturales dicerent & rationis expertes, aliaque in parte animi cupiditatem, in alia rationem collocarent, ne his quidem assensiebamur Zeno: nam perturbationes voluntarias esse putabat, opinionumque iudicii suscipi & omnium perturbationum arbitrabatur esse matrem immoderatam quandam intemperantiam. Et 3. de fin. Zenonem introducit asserentem nulla naturæ vi affectus commoveri, omniaque ea opinioniones esse ac judicia levitatis. Vide & 4. Tullii quaest. idem ex Plutarch. discitur: Stoici, inquit,

VI.  
Stoici collocant eos in anima rationali.

quit lib. de vit. mor. in init. affectus dicunt esse  
*pravam & intemperantem rationem à vitioso & falso iu-*  
*dicio vices consecutam.* Qui etiam causam ejus rei  
 illi adsignat, nempe quod partem animæ ratio-  
 nalem cum bruta confundant. Hinc Seneca ep.  
 75. *Affectus sunt motus animi improbabilis, subiti & con-*  
*citati, qui frequentes neglectique fecere morbum, si ut de-*  
*stillatio una nec adhuc in morem adducta tussim facit,*

*Quomodo  
 intelli-  
 gendi sunt  
 Stoici.*

*adsidua & vetus phthisis.* Plura loca collegit Lipsius  
 manu duct. ad Stoicam Philosophiam lib. 3. diff.  
 7. Sed res difficultatem non habet, cum Stoicis  
 etiam hic sermo sit, non tam de affectibus sim-  
 pliciter, quam ut ii minus rectè compescuntur.  
 Compescere autem eos in nobis positum est, &  
 hic judicium aut voluntas locum habet. Quum  
 ergo disputat, dolorem, metum, iram, cæterasq;  
 vitæ mortalium, ut illi vocant, pestes nostræ nos  
 culpa & voluntate accersere, sive opiniones pra-  
 vas & levium ingeniorum judicia corrupta esse,  
 id præcipuè volunt, indulgere nos nobis nimis,  
 nec reprimi dolorem, iram &c. ut poterant, idq;  
 eo fieri quod superari non posse pravè nobis per-  
 suasum sæpe sit.

*VII.  
 Et quid  
 rectè hic  
 doceant.*

Nec profecto dubium est, quin id rectissimè  
 doceant: infinita enim ferè sunt, quæ cum hu-  
 mana ope tolerari aut superari possint, si rectè se  
 quis ac sua instituat, supra hominis tamen con-  
 stantiam esse vulgò putantur. Tormentis non  
 summittere fidem, cruciatus & mortem ipsam  
 non muliebriter metuere imbellibus supra ho-  
 minem sunt. At non Zenoni Eleatæ, cum in ipsis  
 cruciatibus non desineret amare in Phalaridem

Agri-

Aggrigentinos, Val. Max. lib. 3. cap. 3. non Anaxarcho cum inter tormenta mala multa ingereret Nicocreonti Cypriorum tyranno, & in pila ingeminarer illud: *Tunde, tunde vasculum Anaxarchi, Anaxarchum enim ipsum non teris*, aut etiam cum linguam dentibus sibi præcisam in faciem tyranni expueret. Diog. Laërt. in Anaxarch. Non Mutio Scævulæ, cum, ut Porſenæ terrorem incuteret, ultrò dextram accenso ad sacrificium foculo iniiceret & torreret, Liv. lib. 2. cap. 12. Flor. lib. 1. cap. 10. non denique Theodoro, qui adversus Hieronymum Syracusanorum tyrannum conjurarat Liv. lib. 24. cap. 5. Homines hic erant, sed fidiçulis tamen & omnibus quæſtionibus superiores. Eodem animo C. Marius fuit, cum varicem in cruce secandam præbens medico cruciatus incredibiles solutus absq; gemitu & ne contractis quidem superciliis toleraret. Plutarch. in apophth. Nec aliter mortem ipsam exceperunt Leonidas cum ccc. Spartanis ad Thermopylas, Herod. libr. 9. Justin. lib. 2. cap. 11. Theramenes, cum jussu triginta tyrannorum Atheniensium bibisset venenum & Critiæ propinasset, Xenophon. 2. lib. *E' mlu*. Theod. Cyrenæus cum Lysimachum crucem sibi minitantem juberet suis purpuratis hoc minari: sua enim parum interesse humine an in sublimi putresceret, Cicero 1. Tuscul. Decius Mus pater & filius, ille in bello Latino ad Vesperin, hic in Gallico se devovens pro exercitu, Liv. libr. 8. cap. 9. & libr. 10. cap. 18. Ne dicam nunc de Cleombroto puerro Ambraciota qui lecto Phædone Platonis de muro

muro in mare se ultro abjecit, aut ijs quibus Hegesias Cyrenaicus de morte differens & vitæ calamitates exaggerans persuasit, ut sibi ipsis manus inferrent. Cicero l. cit. Valer. Max. lib. 8. c. 9. aut de illo Lacone, de quo ita Seneca epist. 77. *Exempla nunc magnorum virorum me tibi iudicas relaturum? Puerorum referam, Lacon ille memoria traditur impubes adhuc, qui captus clamabat: Non serviam, suâ illa Dorica lingua, & verbis fidem imposuit. Ut primum iussus est fungi servili & contumelioso ministerio: afferre enim vas obscœnum iubebatur, illi sum parietis caput rupit. Animi itaque imbellis est, ut diximus, quæ à Stoicis vituperatur cum affectus accusant, ut præclare hoc Cicero juxta ipsorum decreta exponit 5. Tusc. disputans contra dolorem acerrimum, ut vocat virtutis hostem: Pueri Spartiata, inquit, non ingemiscunt verborum dolore lacerati. Adolescentium greges Lacedæmones vidimus ipsi incredibili contentione certantes pugnis, calcibus, unguibus, morsu denique, ut examinarentur, priusquam se victos faterentur. Quæ barbaria Indiâ vastior aut agrestior? in ea tamen gente primum ij qui sapientes habentur, nudi atatem degunt, & Caucasi nives hyemalemq; vim perferunt sine dolore: cumque ad flammam se applicuerint sine gemitu aduruntur. Mulieres vero in India, cum est cuiusque earum vir mortuus, in certamen iudiciumque veniunt, quam plurimum ille dilexerit, plures enim singulis solent esse nuptæ. Quæ est victrix, ea læta prosequentibus suis una cum viro inrogum imponitur. Illa victa mœsta discedit. Nunquam naturam mos vinceret: est enim ea semper invicta. Sed nos umbris, deliciis, otio languore, desidia animum infecimus, opinionibus, maloque more delinitum molliuimus.*

Hæc

Hæc ille. Idem de Getarū fœminis tradit Pomp:  
Mela lib. 2. de sit. orb. c. 1. & Solinus in polyhist.  
cap. 16. Constat igitur hinc non tam ipsos motus  
intelligi qui à natura sunt, quàm nostram, ut vo-  
cant, *συχαιστικὸν* sive quod nimium iis frænus  
sæpè laxamus. Docet id disertè apud Agell. li. 19.  
c. 1. ipse Epictetus, cuius hæc sunt verba: *Visa ani-  
mi quæ φαιστικὰ Philosophi appellant, quibus mens ho-  
minis prima statim specie accidentis animum rei pellitur,  
non voluntatis sunt, neq; arbitraria sed vi quadam sua in-  
ferunt se hominibus noscenda. Probationes autem quas  
συχαιστικὰς vocant, quibus eadem visa noscuntur ac di-  
iudicatur, voluntaria sunt, siuntque hominum arbitratu.*  
Similia habet Senec. ep. 116. Et ep. 71. inquit: Et  
tremet sapiens & dolebit & expallesceat: hi enim omnes  
corporis sensus sunt. Vbi ergo est origo calamitatis: ubi illud  
malum verum est? illic scil. si ista animum distrahunt, si  
ad confessionem servitutis adducunt, si illi pœnitentiam sui  
faciunt. Hucusq; de sede affectuum.

Cæterum an affectus illi sint boni an mali nunc <sup>Vitt.</sup>  
disquirendum est. Malos esse Stoici docent: & <sup>De boni-  
tate &  
malitiam  
affectuum.</sup>  
certè si sunt opiniones prævæ, si contra naturam  
& rationem, si iudicia levitatis, mali utique sunt.  
Unde & morbos vocant animi & peccata, & in  
sapientem cadere negant, Cic. 3. Tusc. Plutarch.  
de mor. virt. Lactant. lib. 6. c. 14. Aliter Academi-  
ci & Peripatetici: Plato enim 1. de ll. circa med.  
affectus duos principes (ita enim voluptatem &  
dolorem vocat Alcinous loc. c.) duos fontes ap-  
pellat natura profluentes, unde si quis hauriat  
quantum & cum oportet, felicem eum esse dicit,  
sin plus minusve, miserum & infortunatum. Et  
Arist.

Aristot. 2. Eth. cap. 5. t. 27. expresse docet propter affectus neque bonos neq; malos nos dici, item nec laudari vel vituperari: *non enim, inquit, qui incituit aut irascitur laudatur, neque qui simpliciter, sed qui modo quodam irascitur, vituperatur.* Unde & Plutar. libr. de solert. animal. cap. 8. & 9. egregiè disputat contra Stoicos, si affectus sint prava iudicia rationis in bruta eos cadere non posse. Sed & hæc controversia componi facile ex prius dictis potest. Si enim affectus vobis id quod Academicus & Peripatetici, hoc est, ipsos motus in se consideratos, ita nec boni nec mali moraliter, ut rectè docet Aristot. Causa est quia tum nihil intelligitur aliud quam ipsæ appetitiones simpliciter: appetitio autem, ut est appetitio naturalis animæ facultas est. Cum verò de bonitate & malitia moralis disputatur, id est, de honesto & inhonesto, non tam quæritur, ut rectè dicit D. August. 9. de civ. Dei, cap. 5. *utrum animus irascatur, nec utrum sit tristis, sed unde sit tristis, nec utrum timeat, sed quid timeat.* Irasci enim peccanti ut corrigatur, contristari afflicto ut liberetur, periclitant: *timere ne pereat, nescio utrum quisquam sana consideratione reprehendat.* Sin autem cum Stoicis loquaris & affectus consideres quatenus exorbitant à præscripto rationis omnes utrique mali sunt. Vide Thom. pag. 1. 2. q. 24. art. 1. & 2. Nullus ergo in re ipsa dissensus est. Nos tamen Academicorum & Peripateticorum sententiam sequimur, quia & vocem affectus eo sensu capimus quo illi.

IX.

Dua  
Causela.  
Prima.

Duo autem hic accuratè observanda sunt. Unum est, aliud esse dicere affectus non esse bonos aut rita-



aut malos moraliter, quatenus sunt affectus, & aliud esse dicere affectus nullo modo esse bonos aut malos moraliter: prius enim verum est, posterius falsum: Sicut enim actiones multæ sunt malæ, & nulla tamen earum est mala quâ est actio: ita etiam affectus mali esse possunt, (& sunt omnes qui contra rationem pugnant) neque tamen mali sunt quatenus sunt affectus. Ita ire autem rem contrectare malum non est, quatenus est ire aut contrectare quippiam, licet ire in ganeum, & contrectare rem alienam invito domino, malum sit. Ad eundem modo nec irasci aut dolere malum est, quatenus utrumque est tale, licet irasci innocenti aut dolere propter voluptatem amissam malum sit. Quapropter nullo pacto confundenda hæc sunt: Affectus aliqui sunt mali, & Affectus sunt mali, quâ sunt affectus, sicut nec illa confundere oportet: Animalia quædæ sunt rationalia, & Animalia quædam sunt irrationalia, quæ sunt animalia: si enim ullum animal esset rationale, quatenus est animal, omnia essent rationalia, quod absurdum est. Hoc primum est quod notari debet. Alterum est, recenseri inter *Altera* affectus sæpe nonnulla, *quorum ipsa nomina implerent pravitatem aliquam*, ut loquitur Aristot. 2. eth. c. 6 r. 39. Ejusmodi sunt invidia, ἐπιχαιρῶν κακία, æmulatio, impudentia & similia. Quorum eadem est ratio, quæ nonnullarum etiam actionum, puta scortationis, adulterii, furti &c. id est, plus sunt quam simplices affectus: sicut enim scortatio, furtum &c. non sunt actiones tantum sed actiones exorbitantes & pugnantes cum recta ratio-  
ne, ita

ne, ita etiam invidia, *ἐνίχαιρα*, & si quid simile afficit animum, non sunt affectus solum, sed affectus à recta ratione exorbitantes. Patet hoc facile, modo recogites quid ipsa vocabula illa significant: certè enim invidia nihil aliud est quam dolor, qui è comodo proximi capitur, & *ἐνίχαιρα* nihil aliud quam voluptas percepta ex ejusdem incommodis. Plus utique ergo sunt; quam dolor & voluptas, adeoque plus quam ad affectus animi. Quare sicut non sequitur: Omnis dolor qui ex re capitur ob quam dolere non oportet malus est. Igitur dolor simpliciter est aliquid malum: ita quoque inferre non licet hoc pacto: Omnes ad affectus exorbitantes, ab honestate mali sunt. E. ad affectus simplicitet est aliquid malum, vel; Invidia est mala sive ad affectus malus. E. ad affectus aliquis est malus quatenus ad affectus. Noc quèquam turbet quod Aristotel. loc. cit. cap. 5. t. 26. etiam invidiam & æmulationem inter cæteros ad affectus qui puri puri ad affectus sunt, recenset: obiter enim illud factum esse ex verbis quæ statim subjicit & supra allata à nobis sunt, abunde liquere potest. Nec verò pravitas tantum nonnullorum affectuum involvitur, sed etiam bonitas moralis. Ita pietas erga parentes & contrà *πατρὸς* parentum in liberos, affectus sunt, (utrumque enim est amor) & boni quidem: amare enim parentes, amare liberos bonum est. Verùm hic idem valet quod in superioribus; nec enim & isti simplices affectus sunt, cum non sint amare tantum sed ejus amor quod recta ratio

& lex

& lex tam naturæ quàm divina amari jubet.  
Tantum de bonitate & malitia adfectuum.

Quinam autem ex iis ad concupiscentem partem pertineant, qui ad irascentem & quo ordine, exponendum deinceps est. Quod ut breviter fiat, observa; partem concupiscentem latius non nihil patere quam irascentem; quemadmodum docet Thom. loc. c. quæst. 25. art. 1. persecutio enim boni & fuga mali duo includit; quorum unum magis propriè motus est, alterum quasi quies & finis motus. Motum includit amor & desiderium vel etiam odium rei; quietem verò gaudium & dolor, quæ ex re amata vel exosa capimus, Propulsatio autem mali, vel ejus quod impedit bonum, in solo motu consistit, cum finis & quies illius una & eadem sit quæ persecutionis & fugæ: quod si enim propulsando malo sufficiamus, consequimur quod expectabamus & gaudeamus, sin minus, tristitia adfici-mur. His notatis sciendum ad appetitum concupiscentem, prout est in motu, pertinere *amorem, desiderium, concupiscentiam & cupiditatem, odium & aversionem rei*; prout autem vergit ad quietem, *gaudium & delectationem, dolorem & tristitiam*. Ad irascentem verò pertinet *spes ac desperatio, timor, audacia, ira*. Est autem concupiscens cum suis passionibus certa ratione prior irascente, & hæc vicissim prior concupiscente. Concupiscens prior est, si eas spectes passiones quæ in motu tantum consistunt: neque enim propulsamus impedimentum boni, nisi bonum, id est, amemus & deside-

*Quinam  
ex adfectibus  
pertineant  
ad concupiscentem  
appetitum, qui  
ad irascentem.*

Q

riosum

riofum fit cum aliàs bona multa relinquamus, & mala etiam ultrò accerſamus, quod illa non occupiſcimus, & hæc, ut par erat, non odimus. Irascens contrà prior eſt, ſi paſſiones illas intelligas quæ ad quietem perfecutionis aut fugæ magis pertinent : bono enim acquiſito tum demum quis gaudet, aut ob non acquiſitum dolet ; ubi impedimentum boni removet, vel non removet, è quibus prius illud voluptatem & gaudium adfert, poſteriori hoc dolorem inurit. Quare hoc ordine adfectus omnes in animo naſcuntur. Primo quidem loco eſt *amor* ſi objectum ſit bonum, *odium* ſi ſit malum. Amorem deinde ſequitur *deſiderium* ſive *concupiſcentia*, odium *fuga* & *aversatio*. Cum deſiderio porro & fuga conjuncta eſt *ſpes* & *deſperatio*, ſpes, cum conſequi nobis poſſe videmur quod deſideramus aut effugere quod averſamur, deſperatio cum contra ſe res habet. A ſpe oritur *audacia*, à deſperatione *timor* ſive *metus*. *audaciam* excipit *Ira*, ſi ſcilicet illa cum ſpe & odio concurrat. Agmen denique claudunt *gaudium* ſive *delectatio* & *dolor* ſive *triftitia*. Vide Thom. art. 3. Cajetanus art. 4. ad quatuor genera omnes revocat hoc ordine & ſerie; vel enim, inquit, dicunt, motum ad bonum, vel motum à malo, vel quietem in bono, vel inquietudinem in malo. Tantum *ira*, quia ex pluribus affectibus ortum trahit, ad unum horum generum referri commodè non poteſt.

*Ordo adfectuum.*

*Quatuor genera adfectuum.*

*XI.  
De adfectibus in ſpecie.*

Hactenus in genere de adfectibus actum eſt, nunc de ſingulis breviter dicatur, & primo de iſis  
quoad

qui ad partem concupiscentem pertinet. Est autem amor nihil aliud, quam si bonum aliquod appetitui sensitivo placeat. Dico appetitui sensitivo, nam si placeat voluntati dilectio proprie vocatur; hoc enim dilectio ab amore distat, quod cum electione fiat, adeoque in sola voluntate & rationali natura sedem habeat; quod etiam caritas pertinet utpote species dilectionis; magni enim aestimare quod diligas est carum habere. Ubi distinguendus est amor concupiscentie, (ita appellant,) ab amore amicitiae, cum enim amor amicitiae maxime appetat bonum alteri (verus namque amicus bene vult alteri non propter se sed propter ipsum, ut 8. eth. cap. 2. tex. 4. habetur) amor concupiscentie contra se habet. Quare hic etiam in utile & iucundum tantum fertur; imò in res etiam inanimatas, quorum utrumque aliter se habet in amore amicitiae: similitudo enim amicitiae & per accidens tantum amicitia est quae utilitatem aut iucunditatem spectat. 8. eth. ca. 3. t. 18. & ca. 4. t. 30. ad res vero inanimatas amicitia plane nulla est, libr. eod. cap. 2. t. 4. Oritur autem amor ille concupiscentiae, de quo hic questio tantum est, non tam ex convenientia & similitudine rei cum illo à quo amatur, quam ex convenientia cum inclinatione ejus: haec enim appetitionem efficit. Huiusmodi quid est amor. Odium est repugnantia appetitus adversus id quod apprehendimus, orta ex incongruitate rei apprehensae cum appetitu. Posterius est amore naturae, tum quia malum omne posterius est bono; unde

*Adfectus  
concupis-  
centis A-  
mor.*

*Amor  
concupis-  
centia  
Amor A-  
mitia.*

*Odium.*

& aversatio posterior est rei persecutione, tunc quia nihil odio habetur, nisi quod adversum ei est quod amamus. *Concupiscentia* est appetitio eius quod delectat, 2. rhetor. ca. 12. id est, quod delectationem sensibus creat: nam aliàs etiam ad facultatem rationalem transferri solet. *Fuga rei.* aversatio rei concupiscentiæ opponitur, & facile inde intelligitur. *Delectatio* vero fit quum bono suo jam conjungitur sensus idque percipit. Dicitur aliàs *gaudium*, sed hoc differunt duo ista, quod delectatio exteriorem potius apprehensionem rei, gaudium interiorem sequatur: gaudemus enim ob ea propriè quæ memoria aut imaginatio nobis repræsentat, delectamur iis quæ in sensus ipsos incurrunt. *Dolor* contra & *tristitia* oriuntur quando appetitis conjungitur cum malo idque percipit. Differunt tamen & hæc sicut delectatio & gaudium, ut dolor delectationi, tristitia gaudio potissimum opponatur. Tale quid sunt affectus appetitus concupiscentis, & ita describi possunt.

XII. In irascente primo loco occurrunt spes & desperatio. *Spes* nihil aliud est quam appetitio boni futuri cum difficultate conjuncti, sed quod consequi tamen possumus. Dico appetitionem boni esse, propriè enim sperantur bona tantum. Addo, futuri hoc enim differt à desiderio & concupiscentia. Dico præterea, cum difficultate conjuncti: quod enim difficultatis aut obstaculi nihil habet ad affectus irascentis patris non pertinet. Addo denique, quod consequi tamē possumus:

mus : impossibilia enim concupisci possunt, sperari nequeunt. *Desperatio* ex descriptione spei intelligitur. *Audacia* est motus qui promptos facit ad aggrediendum quod speramus, id est, ad superandum periculum quod imminet sive quod ademptionem boni alicujus non prohibet. *Timor* sive *metus* est dolor & perturbatio orta ex imaginatione futuri mali, aut ejus quod lædere nos potest, ut describitur 2. rhet. c. 5. Postremo *ira* est appetitio cum dolore conjuncta vindictæ sive ultionis propter eam quæ apparet parvipensionem vel in se vel in suorum quempiam non convenientem. 2. rhet. 2. Parvipensio autem illa triplex est, contemptus, incommodatio, injuria sive contumelia. Sed in hac re vide Arist. in rhetor. loc. jam cit. imo de rota ista doctrina integrum illum lib. 2. ab initio usque ad cap. 12. Vide etiam Thom. 1. 2. à q. 22. usque ad 49.

## CAPVT VII.

De bonitate & malitia morali in homine ejusque animo & actionibus; ubi explicatur quid sit esse bonum aut malum moraliter & quatenus utrumque homini & actionibus humanis competere possit.

## SUMMARIA.

- 1 Ratio ordinis.
- 2 Descriptio boni.

2 3

3 Bonum

- 3 Bonum simpliciter & secundum quid.
- 4 Hoc omni Enti competere.
- 5 Quantopere urgeat S. Augustin. omne Ens esse bonum.
- 6 Idem ostenditur ex lumine natura; & prima ejus rei ratio.
- 7.8. Secunda & tertia ratio.
- 9 Ostenditur porro id ex scriptura.
- 10 Bonum naturale & morale.
- 11 Quomodo voces illa hic capiantur.
- 12 Quid sit malum.
- 13 Quomodo privationes sint in rebus.
- 14 Discrimen inter bonum simpliciter & secundum quid, item inter nat. & morale.
- 15 De bonitate & malitia in specie.
- 16 Quenam sint moraliter bona & mala.
- 16 Unde asseritur bon. & mal. moralis.
- 18 Nullam actionem moralem esse indifferentem in individuo.
- 19 Quomodo a bonitate & malit. moral. denominetur.
- 20 Quaedam mala esse puras privationes quedam non item.
- 21 Quomodo res mala sint privativæ.
- 22 Epilogus capituli.

I.  
Ratio ordinis.

**P**ostquam ergo de animi nostri potentiis & facultatibus dictum est hactenus, quæ & cujusmodi sint, quid primum erat in consideratione subjecti Ethicæ, exponendum deinceps est illud, quæ & quatenus tam potentiis illis quam propter eas homini & actionibus humanis ratione



honesti aut inhonesti competat: id enim demum est explicasse objectum hujus disciplinæ, ut statim initio istius libri indicavimus. Et si autem nihil fortè est cognitu hodie magis necessarium quàm hoc ipsum caput, quando multi ita de rectitudine ac pravitate actionum humanarum, deque vitiis & vitiosis habitibus disputant, ut ipsos illos terminos, quorum intellectus ex hac disciplina perendus erat, planè ignorare deprehendantur: tamè ne justo diutius non moremur, paucula tantum, sed præcipua afferemus, quæ ad istam materiam pertinent, unde de cæteris judicari poterit. Et ut ordine procedamus, ostendetur primò, quot modis in universum dicatur aliquid bonum aut malum, inde usq; enī hæc hic repetenda nobis videntur; deinde quia multipliciter bonum dici deprehendemus, judicabitur quid inter bona illa omnia intersit. Tertiò agitur sigillatim de bonitate morali, & ostendetur quibus rebus illa insit & quomodo à bonitate essentiali aut naturæ, cui inest, distinguatur, ac denique quomodo actionem potentiam vel habitum aliquem denominet.

Principio igitur supponenda est descriptio boni, quodq; bonum sit quidquid rationem habet appetibilitatis alicujus, sive congruentiā cum aliquo appetitu, ut docetur 1. eth. cap. I. tex. 1. & multis explicatur in Metaphys. tale quid enim esse bonum apud omnes tam Theologos quam Philosophos in confesso est. Potest verò ita dici aliquid simpliciter vel secundum quid: bonum

II.  
Descriptio  
Bonī.

Bonum  
simplici-  
ter & se-  
cundum  
quid.

simpliciter aliquid dicitur, vel propter qualitates vel operationes suas, secundum quid, propter ipsum esse tantum. Patet hoc ex natura perfectionis: sicut enim perfectum aliquid absolute & simpliciter vocatur propter quippiam essentiae suae superadditum, ipsi autem essentiae perfectio tribuitur secundum quid tantum, & quatenus non esse omni perfectioni alii supponitur, ut loquitur Iavel. 4. Metaphys. q. 3. ita etiam res se habet de bono: bonitas enim & appetibilitas rei tota à perfectione eius est, cum appetitus non appetat nisi id in quo perfectio aliqua est, siue à quo appetens perfici certa ratione potest. Docet id eleganter Thom. p. 1. qu. 5. art. 1. in corp. *Bonum dicitur rationem perfecti quod est appetibile. & per consequens dicitur rationem ultimi unde id quod est ultimum perfectum dicitur bonum simpliciter: quod autem non habet ultimam perfectionem quam debet habere, quamvis habeat aliquam perfectionem in quantum est actu, non tamen dicitur perfectum simpliciter nec bonum simpliciter, sed secundum quid. Sic ergo secundum primum esse, quod est substantiale, dicitur aliquid Ens simpliciter, & bonum secundum quid, id est, in quantum est Ens: secundum verò ultimum actum dicitur aliquid Ens secundum quid, & bonum simpliciter: Hæc Thomas.*

III.

*Bonum simpliciter dictū notius est bono secundum quid.*

Cæterum de bono simpliciter ita dicto difficultas esse nequit: nihil enim eo vel in vulgus notius est. Ita e.g. intellectus, sensus, sapientia, sanctitas, beatitudo, bona valetudo, item ipsum intelligere, videre, audire, loco moveri posse, res bonæ in homine sunt omnium confessione, & tamen

tamen non sunt ipsa essentia ejus, sed partim qualitates quædam, partim actiones. Imò hæc acceptio vocis tantum non sola vulgo obtinet: unde etiam quæ hæc ratione bona dicuntur simpliciter bona vocari diximus. Sed nec difficulter & altera acceptio intelligitur, sive, dici rem bonam etiam ratione ipsius Esse, vel essentia suæ: cum enim de rebus omnibus ita comparatum naturâ sit ut 70 Esse quidem appetant, & destructionem sive non esse abhorreant, ipsum quoque Esse rei cujusque appetibile & bonum sit oportet. Vocatur tamen bonum secundum quid, non quod verè bonum non sit, sed quod significatio vocis illa adeo vulgata non est ut altera, & semper aliqua particula distinctiva adhibetur cum hoc modo aliquid bonum vocamus.

*Vnde dicitur bonum secundum quid.*

Competit autem hæc bonitas omni Enti, quia Ens est, & omni omnino quod Esse aliquod habet, sive cæterâ etiam bonitate præditum sit, sive non sit: unde alias bonum *transcendentale*, substantiale & essentiale appellatur. Estq; hoc tam certum non tantum si lumen naturæ consulas, sed & si sacram scripturam, ut nec Theologus quisquam nec Philosophus unquâ ea de re dubitarit: hinc enim extructa sunt illa axiomata apud Philosophos: *Ens & bonum convertuntur, Quantum quid habet de Entitate, tantum habet de bonitate*, & apud Theologos: *Omne Esse, in quantum est Esse, bonum est, Omnis natura, quâ natura est, bona est*. Hinc etiam illud utique confecerunt, male omne & omnem in rebus pravitatem, aut corruptionem, quatenus

IV.

*Illud omni Enti competere.*

*Negare omne Ens quod Ens bonum est se. haresis est Manichæorum.* talis est, pertinere certa ratione ad non - Ens sive ad non Esse, idque ut præcipuum fundamentum præstruxit disputationibus suis etiam contra hæreticos Ecclesia Catholica Namque ut obiter hoc dicam, id ipsum erat quod impugnabat olim Manes & Manichæi, & ideo duo principia rerum coeterna constituebat, unum boni, alterum mali; quia ipsi etiam malo, quâ malum est, veram & realem essentiam tribuebant: hoc enim volebāt,

*Diabolum creatorem sanctorum facit.* cum animas nonnullas malas esse diceret eo quod essent anime, & vitam illarum malam eo quod vita esset, &c. ut ignorare non potest qui legerit quæ contra Manichæos B. Augustin. scripsit. Quæ hæresis ideo pessima omnium est quia Diabolum creatorem facit. Vnde Bonav. 2. d. 1. artic. 1. credere se dicit,

*Bonavent.* eum errorem non humanam malitiam sed diabolicam astutiam adinvenisse, ut se alterum Deum esse peccatorum mentibus persuaderet. Et iterum art. 2. q. 2. ait, non posse se sibi persuadere hanc hæresin repertam ab homine qui aliquo tantum modo Philosophiam didicisset. Hinc etiam *Thom.* D. Thom. 2. 2. q. 10. art. 6. dicit Manichæos circa credibilia plus errare quam ipsos gentiles.

Et sanè errore tanto semel admissio, sive Esse intelligas substantiale, sive accidentale. modò sit

*Quanto pere S. August. urgent omne Ens bonum est se.* verum & reale, fieri nequit quin cætera quoque absurditas & impietas, velis nolis, actutum sequatur: Solus enim qui summe est facit Esse quicquid aliquo modo est, inquit B. Augustin. lib. 22. de civitate Dei cap. 24. Quod & ille unicè urget omnibus scriptis contra Manichæos, sicut & illud caput, quod omne malum, omnis corruptio & pravitas

Vitas ad non-Ens pertineat. Malum, ait lib. de natura boni contra Manichæos cap. 3. est nihil aliud quam corruptio vel modi vel speciei vel ordinis naturalis. Mala itaq; natura dicitur quando corrupta est: nam incorrupta utiq; bona est. Sed etiam ipsa corrupta in quantum natura est, bona est, in quantum corrupta est mala est. Et contra epist. Manichæi cap. 40. Quisquis non credit ex nihilo esse corruptionem, proponat sibi hac duo, Esse & non Esse, quasi ex diversis partibus, intelligendi gratia, ut cum tardis tardius ambulemus: deinde velut in medio constituat aliquid, utpote corpus animantis, & querat hoc secundum, dum formaliter illud corpus & nascitur, dum augetur, firmatur, in quantum manet & in quantum stabilitur, in quam partem tendat, utrum ad Esse, an non Esse: non dubitabit quidem esse aliquid in ipsis etiam primordiis, sed quando magis formâ & specie & valentia stabilitur atque formatur, tanto magis fieri ut sit & in eam partem tendat quâ positum est esse. Nunc ergo incipiat corrupti, debilitetur omnis ille status, languescant illa vires, marcescat robur, forma fœdetur, dissiliat compago membrorum, contabescat & destruat concordia partium: querat etiam nunc, per istam corruptionem quod tendat utrum ad Esse an non Esse: respondeat, & non sentiat quando magis quid corrumpitur, tanto magis ad interitum tendere. Omne autem quod ad interitum tendit ad non Esse tendit. Item paulo post: Cum ista proposueris, Esse & non Esse, atque cognoveris, quanto augetur species tanto magis quodque tendere ut sit, quanto autem magis augetur corruptio tanto magis tendere ut non sit, quid dubites dicere in unaquaq; natura corruptibili quid in ea sit ex Deo, quid sit ex nihilo, cum species secundum naturam

turam

zuram sit, corruptio contra naturam, quia species aucta cogit Esse, & Deum fatemur summè Esse, corruptio vero aucta cogit non Esse, & constat, quod non est nihil Esse. Rursus lib. 12. confess. c. 7 Vnde utrunq; erat (materia prima, quàm dixerat esse propriè nihil) nisi à te à quo sunt OMNIA in quantumcunq; SUNT. Et ibid. c. 11. Dixisti mihi Domine voce forti in aurem interiorem quod omnes naturas atq; substantias, quæ non sunt quod tu es, & tamen sunt, tu fecisti, & hoc SOLUM à te non est quod NON EST Et cap. 15. Tamen hoc penè nihil, in quantum non omninò nihil erat ab illo utique erat à quo est quidquid est quod utcunq; aliquid est. Item lib. 13. Confess. cap. 31. Caritas Dei diffusa est in cordibus nostris per Spiritum sanctum, qui datus est nobis, per quem videmus, quia bonum est quicquid ALIOQUO MODO EST. ab illo enim est qui non aliquo modo est, sed quod est, est. Et de ver. relig. c. 11. Quis est nisi unus Deus, una veritas, una salus omnium & prima atque summa essentia, ex qua est OMNE QUICQUID EST, in quantum est, quia in quantum est, quidquid est, bonum est. Et idè ex Deo non est mors: non enim Deus mortem fecit nec letatur in perditione vivorum, quoniam SUMMA ESSENTIA EST FACIT OMNE QUOD EST, unde & essentia dicitur. Plura loca coacervare non libet, sed ad institutum redimus.

VI.  
Ostendi-  
tur idem  
ex homine  
natura.

Diximus bonum aliquid vocari etiam ratione Esse sui, idq; omni omninò rei competere, quatenus verum & reale Esse aliquod habet (verum inquam & reale Esse) idque tam certum habitum semper fuit, non tantum apud Ethnicos, sed & Christianos ut nisi hæreticus nemo contrarium



rium docuerit. Potest autem facile evinci ita rem se habere, cum ex S. Scriptura tum ex naturæ lumine. Ex naturæ lumine ita hoc demonstratur;

*Primò*, Quicquid habet Esse reale, id aut à seipso *Primà ratio.* illud habet aut ab alio, siue quod idem est, illius Esse aut est dependens aut independens, vel datur tertium: tertium autem dari non potest, quia termini contradictorii sunt. Ergo. Porro si nihil habet verum & reale Esse nisi id sit vel independens, vel dependens, nihil habet tale Esse nisi quatenus est vel ipsa prima causa, vel ejus effectus. Sed verum prius. Ergo & posterius. Pergo: Si nihil habet Esse reale nisi quatenus vel est ipsa prima causa vel ejus effectus, omne Esse reale bonum est; independens quia Deus ipse est; dependens verò, quia à Deo est. Dico, quia à Deo est: quatenus enim quid ab ipso est eatenus sine omni controversia bonum est.

*Secundò*; si datur Esse aliquod reale quod est *717.* malum, ut est Esse, illud esse denuò vel est ab alio *Secunda.* vel à seipso. Sed nec à seipso nec ab alio: E. tale Esse non datur. Major manifesta est, ut & supra patuit. Minorem ita probò. Primo, non est Esse illud malum à seipso: nam si est, datur utique essentialè & summè malum, datur prima & æterna causa mali æquè ut primum & æternū principium boni. Sed hæc absurdissima & impiissima sunt. Ergo. Consequentia majoris perspicua est: malum enim habere esse à seipso est Essentialè malum esse, est esse causam primam mali eo modo quo Deus est causa prima boni, est deniq; ab æter-

æterno tale fuisse, quia quod Esse à seipso habet nunquam fieri potuit. Deinde non est Esse illud ab alio? vel enim est à prima rerum causa vel à secunda. Sed nec à prima, nec à secunda. E. non est ab alio. Major manifesta est. Minor ita explicatur. Non est à prima, quia illa est Deus; sed nec à secunda: nam omne Esse reale quod producitur vi primæ: ut enim Esse ipsa habet ab illa, ita nec impertitur Esse aliis nisi potentia sibi à prima causa inditâ. Vnde est quod non minus creature Dei sint quæ à causis secundis esse habent quam quæ immediatè à Deo ipso.

VIII.  
Tertio.

Tertio denique si Esse aliquod est malum quæ est Esse, jam Esse illud aut est substantiale aut accidentale. Substantiale non dices; neque enim vel substantiarum corporearum vel incorporearum ulla est, quin Dei creatura sit, ut est etiam ipse Diabolus. Sed nec accidentale, quod ita probō: primò si Esse accidentale est malum quæ est Esse accidentale, jam etiam Esse substantiale tale est; accidentis enim Esse à & per substantiam est; sed esse substantiale non est malum quæ est tale. Ergo nec accidentale. Deinde si Esse aliquod accidentale est malum, quæ est tale, jam vel Quantitas vel Qualitas vel actio vel passio vel furus &c. mala sunt quæ sunt talia. Sed nemo dicet quantitatem quæ est quantitas, qualitatem quæ est qualitas, vel actionem quæ est actio tantum malæ esse; non eo quod aliqua quantitas, aliqua qualitas, aliqua actio est mala. Ergo nec Esse accidentale ullum est malum quæ est tale. Porro si Esse aliquod



aliquod accidentale est malum quâ est tale jam  
 ejus causa vera & realis Esse substantiæ aut per  
 se aut per accidens. Sed non per se: bonum enim  
 quâ tale non potest esse causa mali. Nec per acci-  
 dens: cujuscunque enim effectus nulla causa  
 per se est, illius nec est causa per accidens, cum  
 hæc illam præsupponat & cum respectu ad eam  
 dicatur, ut vel ex secundo Physicorum c. 6. tex.  
 66. conitare potest. Atque ita hoc ex lumine na-  
 turæ ostenditur.

Idem docet S. Scriptura Psal. 146. 6. Dominus <sup>IX.</sup>  
 fecit cælum & terram mare & OMNIA quæ in eis <sup>Ostendi-</sup>  
 SUNT. Johan. 1. 3. OMNIA per ipsum FACTA <sup>tur etiam</sup>  
 SUNT & sine ipso factum est nihil quod factum est. pruræ.  
 Act. 17. 24. Deus fecit mundum & OMNIA quæ in eo  
 SUNT v. 28. In ipso VIVIMUS MOVEMUR &  
 SUMUS. Et Sapient. 11. 25. Diligis omnia quæ SUNT  
 & nihil abominaris eorum quæ fecisti. Argumentor  
 hinc ita: Si Deus fecit cælum terram mare & o-  
 mnia quæ in eis sunt, nihil habet Esse in tota hæc  
 universitate, quin illud ab ipso factum sit & cate-  
 nus certa ratione sit bonum. Sed verum prius.  
 Ergo & posterius. Consequentia majoris evi-  
 des est. Si enim omnia quæ sunt fecit. E, nihil ve-  
 re est quin fecerit. Et ne de Esse substantiali tan-  
 tum hæc intelligas pergo sic: Si nihil movetur,  
 nihil vivit nisi in ipso. E. etiam Esse accidentale,  
 quatenus est Esse aliquod, a Deo est & certa rati-  
 one bonum. Sed nihil movetur, nihil vivit nisi in  
 ipso. Ergo. Sed neq; de rebus quæ alias simplici-  
 ter bonæ dicuntur omnia hæc accipienda esse,  
 verum

verum etiam de malis, ut habent verum & reale esse, ita patet. De substantiis difficultas non est; non minus enim etiam pessimi nebulonis substantia creatura Dei est quam substantia sanctissimi mortalium. De esse accidentium malorum ita probatur: omne moveri & vivere nostrum est à Deo, ut dicit scriptura: Sed omnis etiam malus motus & omne malum vivere est moveri aliquod nostrum & vivere nostrum: E. etiam omne moveri & omne vivere malum est certa ratione à Deo. Minimè autem quod est malum: (absit enim hoc longissimè.) Ergo eatenus saltem quatenus simpliciter est vivere & moveri. Si vivere & moveri etiam quod est in malis certa ratione est à Deo. E. accidens sive esse accidentale, quod est tale, etiam in rebus malis est à Deo; non minus atque esse substantiale in malis substantiis est ab ipso: quatenus autem à Deo est, bonum est. Tantum est de prima distinctione boni sive de bono simpliciter ita dicto & bono secundum quid: unde liquet, jam puto quidnam utroque nomine denotetur & quam latè termini illi pateant.

X.

*Bonum  
naturale  
& Morale.*

Cæterum bona simpliciter ita dicta rursus distinguuntur in naturalia & moralia. *Naturale* bonum dicitur quidquid rei naturam in se perficit, sicut bonum est animali sanitas; homini acumen ingenii, sapientia & similia. *Morale* nunc voco rectitudinem quæ in moribus requiritur sive conformitatem animi ejusque facultatum & actionum cum voluntate Dei, id est, lege naturæ & di-

& divina. Eo modo bonum est homini pietas, *Omnis creatura bonitas sua est in creatura.* virtus, & quæ sunt his affinia. Quod ut paulo uberius exponatur, sciendum est omnis creaturæ bonitatem collocatam esse in creatore: cum enim summum bonum sit quod omnia appetunt, ab omnibus autem appetatur; certe appeti debeat; illud quod omnium principium est, felicitas quoque & bonum creaturæ maximum est *rei cuiusque reditus ad suum principium.* Principium autem hoc est Deus: quare is quoque finis omnium est & quies & absoluta felicitas, ut præclarissimè hoc deducit Johan. Picus Mirandul. l. heptapli in protemio. Potitur autem illa bonitate creaturæ, vel quatenus ipsum Esse suum accipit à Deo, & eatenus similitudinem ejus gerit, (accipio enim nunc vocabulum similitudinis latissimè) vel quatenus per studia & actiones suas ad eum enititur & assurgit. Priori modo participat bonitatem creatoris omnis omnino creatura; posteriori tantum intelligens. Quæ cum ita sint facile patet non tantum ea dici bona in creaturis, quæ Esse & naturam eorum perficiunt in se, id est, eo pertinent, ut illam absolvant tantum & contentent, sed etiam & maximè; quæ naturam dirigunt ad Deum, cumque eo quali consociant & uniunt. Si enim duplex est hic finis creaturæ intelligentis, esse & ordinari ad Deum, duplex etiam bonum ejus sit oportet. Quicquid ergo rem & naturam creaturam perficit, ita ut finis ejus sit perfectio naturæ in se, bonum naturale dicitur; quicquid vero ita eam perficit ut creaturam illam ordinet in Deum, bonum est

*Qua sunt  
bona na-  
turalia.*

morale. Bona primi generis sunt omnes perfectiones non rerum inanimatarum tantum, sed etiam animatarum, imo non corporearum solum sed etiam incorporearum, quæ essentiam cuiusque rei in se & absolvunt & complent: nec tantum quæ à natura sunt; sed & quæ industria nostra parantur, vel aliunde accedunt. Ità in homine non tantum bonum quippiam est intellectus ipse, sed omnes etià habitus ejus qui ad naturam hominis perficiendam aliquid faciunt. Bonum posterioris generis est quicquid & quatenus ex his vel aliis perfectionibus in creatura intelligente ordinem habet ad Deum & voluntatem ejus. Sic intellectus hominis quatenus scit quæ scire lege Dei tenetur, voluntas item & appetitus ejus sensitivus, quatenus amat & appetit quæ lege Dei congruunt, & fugit quæ ei adversantur, bonitatem moralem habet. Estq; eadem ratio etiam de angelorum voluntate.

*Qua moralia.*

*XI.  
Vocem  
naturalis  
hic late  
accipi, ut  
& moralis.*

Ubi nota vocem *naturalis* accipi hic late, prout denotat quicquid præcise habet ordinem ad essentiam subjecti cui inest, vel omne id cujus finis est simpliciter complementum illius essentiae, sive in rebus corporeis (quæ cæteri qui propriissime dicuntur naturales) reperiantur, sive in incorporeis, sive denique è natura ipsa rei ultro emergat, sive ei aliunde ingeneretur aut infundatur, sicut & *moralis* hic vocatur omne quod ordinem habet ad aliquid extra rem cui inest, id est, conformitatem aliquam ducit cum voluntate & lege Dei, sive conformitas ea à naturæ principiis oriatur, sive itidem aliunde & extrinsecus subiecto ad-

Et adveniant. Tale quid ergo est bonum naturale & bonum morale. Vtrumque autem horum certo modo & eminenter, ut ita dicam, includit bonum supernaturale, de quo in scholis *Bonum supernaturale.* Theologicis agitur: effici enim hoc tum ratione causæ efficientis cum dignitatis toto genere differt ab iis bonis quæ natura à rebus insunt, aut etiam natura duce parari possunt, tamē quia nec ex bonis illis est ullum, quin vel naturam hominibus aut angeli perficiat in se, vel certe in ordine ad Deum, priori modo cum naturalibus, posteriori cum moralibus conveniunt. Sic omnis cognitio veritatis revelatæ, quatenus est cognitio tantum perficit intellectum ad modum bonorum naturalium: omnis autem virtus Theologica ut fides, charitas, spes & actiones ab iis profectæ, ad modum boni morales: unde etiam per voces ejusmodi in scriptura explicantur. Dico, ad modum *boni morales*: nam communiter alias vox moralis pressius accipitur pro eo tantum quod, per lumen & vires naturæ agitur. Vnde Gregorius de Valentia tom. 2. dif. 2. q. 13. p. 1. Posset quidem, ait, id vocabulum tribui etiam his actionibus quæ à voluntate humana supernaturaliter adiuta geruntur, siquidem iis etiam contingit hominem adsuere. Et illa quoque sunt hominis actiones tanquam ratione & voluntate utentis. Sed usus jam fere obtinuit ut illæ duntaxat actiones dicantur morales, quæ viribus natura solis exerceri possunt, aliæ autem dicantur supernaturales, quasi à moralibus distinctæ. Atque ita patet quod modis in universum aliquid dicatur bonum. Idque primo erat nobis exponendum.

R 1

Vnde

XII.  
*Quid sit  
malum.*

*Esse non  
Ens.*

*Non ne-  
gativum  
tamen sed  
privati-  
vum.*

Vnde jam de malo etiam facile judicari po-  
test: ut enim malum omne dicit absentiam boni  
& bono posterius est; ita nec intelligi potest  
quid vocetur malum nisi prius explicatum &  
constitutum sit quid dicatur bonum. Primo au-  
tem id liquet ex superius dictis, malum omne  
cuicunque modi sit, quatenus est tale Esse aliquid re-  
ale non habere, sive quod idem est, esse non-  
Ens. Quod si enim omne Ens tale quâ est Ens,  
sive Esse substantiale habeat sive accidentale, bo-  
num est, quia tale, ut multis antea ostendimus, o-  
portet utique malum quatenus est malum, Ens  
reale non esse. Si Ens non est, erit non-Ens. Ve-  
rum non-Ens triplex est negativum, privativum  
& Ens rationis. Non-Ens negativum vocatur  
cum simpliciter res dicitur non esse; privativum  
cum quid dicitur id non esse quod esse debebat  
aut esse poterat: Ens rationis, cum quid esse con-  
cipitur quod revera non est. Non potest autem  
malum esse non-Ens negativum primo enim pla-  
ne non esset: malum autem suo modo est in re-  
bus: secundo malum non dicitur, cum non est in  
re quippiam quod nec esse oportebat. Ita ma-  
lum non est homini quod incorporeus non sit,  
nec ligno quod non videatur; neque enim aut homo  
incorporeus esse, aut lignum videre debebat.  
Tale vero non Esse dicit non-Ens negativum;  
quare illud non est malum. Relinquitur itaque  
ut malum sit non-Ens privativum, vel Ens ratio-  
nis. Et hæc respexit Aristot. 9. metaph. cap. 5.  
text. 19. cum nihil malum esse diceret præter res:  
quanquam enim etiam privatio (nam Ens ra-  
tionis

tionis huc non pertinere hactenus manifestum est) dicat non esse (non Ens enim est) vere tamen invenitur in rebus suoque modo iis inhæret & eas denominat, quæ omnia de non Ente negativo dici nequeunt. Ita homo malus est si non faciat quod honestas jubet; at bestia propterea mala non est, etsi neque hæc illud agit. Quid causæ vero est quod illud non facere uni subjecto malum est, alteri non est: certe aut nulla aut hæc causa est, quod non facere illud in homine est privativum, in bestia negativum tantum: ille enim poterat & debebat facere, hæc nec poterat nec debebat. Vide Thom. parte 1. quæst. 18. artic. 2. & 3. Ita patet quare non Ens negativum non dicatur malum, sed privativum.

Ubi tamen recte intellige, quod diximus, pri- XIII.  
 vationes in rebus esse & revera inveniri, imo Quomodo  
 certo modo iis inhære easque denominare: privatio  
 cum enim dupliciter aliquid dici possit esse, ut nec sint in  
 docet Aristot. 5. Meth. text. 14. uno modo prout rebus.  
 est in prædicamento aliquo, id est, cum ipsam  
 Entitatem rei denotamus, alio modo prout in-  
 telligamus veritatem propositionis, privationes  
 dicuntur esse in rebus posteriori modo, hoc est,  
 non quod verum & reale Esse habeant, sed quod  
 vere subjectis competant, ut id explicat Tho-  
 mas loco citato art. 2. Cajetan. ita hoc exprimit.  
*Dicuntur mala in rebus esse non positive sed remotive,*  
*id est, non ponendo sed removendo formaliter aliquid à*  
*rebus. Et sic mala inveniuntur in rebus ut mala.* Hæc  
 ille. Quod hic ideo probe notandum est, ne

quis tam absurdus sit ut privationibus Esse reale  
 ea de causa tribuat quia in rebus insunt, aut ar-  
 guetur, positivum aut hoc illud esse, quia suo  
 modo rei inexistat aut tenaciter inhæreat. Cer-  
 te cæcitas nuda privatio est & tamen tam tena-  
 citer inheret oculo (loquor de consummata cæ-  
 citate) ut tolli inde nunquam nisi sola virtute di-  
 vina possit. Similiter etiam ipsis paralytis perfe-  
 cta, ubi semel membrum aliquod infederit, nun-  
 quam inde nisi morte avellitur, & tamen nihil al-  
 liud est quam privatio influxus spirituum ani-  
 malium. Imo si inde concludendum est aliquid  
 privativum non esse, ut quidam facit, quia *totum*  
*subiectum* *corruptet & corrumpat*, iam nec mors am-  
 plius privativum quid erit. Hoc primo nota.  
 Deinde & illud, etsi privationes multæ deno-  
 tentur certis vocabulis, id est apud Latinos per  
 præpositionem, ut vocant, iuseparabilem IN ap-  
 pud Græcos per *απ*, *πρὸς*, ut diximus, *insanus*, *in-*  
*justus*, *aversus*, *ἀμωρος*, &c. id tamen semper non  
 fieri, ut ex ejusmodi vocabulis tantum dijudi-  
 cari nequeat quid privativum sit, quid non  
 sit. Nam hoc pacto non tantum cæcitas,  
 mors, tenebræ, surditas & infinita alia, quæ o-  
 mnium sanorum iudicio privationes sunt, id  
 est, non esse rem aliquam in subiecto sed deesse,  
 arguunt, è numero privationum ejiciatur;  
 sed ex ea ratione & forma vocum etiam Deo  
 privationes tribuere liceat, quod infinitus, im-  
 mortalis & incorporeus sit. Sed hoc quam  
 inscite fieret, imo impie, nemo non videt. At-  
 que ita constitutum esto malum omne, qua-  
 tale,

*Privatio-*  
*nes sunt*  
*etiam quæ*  
*per voca-*  
*bula pri-*  
*vativum*  
*non ex-*  
*primun-*  
*tur.*



rale, esse privativum. Quotupliciter autem dici *Quotuplex sit malum.*  
 possit sic habet. Malum omne, ut ostendimus, est  
 privatio boni: prout ergo bonum dispenditur ita  
 & malum distinguatur oportet. Tantum bono  
 secundum quid siue transcendentali & essentiali  
 malum nullum responderet: neque enim ut ipsum  
 esse simpliciter est bonum ita & ipsum simpli-  
 citer non-esse malum est: nam simpliciter non  
 esse non-Ens negativum est. Restat ergo ut ma-  
 lum opponatur tantum bono simpliciter dicto.  
 Ut autem hoc duplex est ita etiam malum:  
 vel enim abest perfectio aliqua quæ perficit na-  
 turam in se, & est malum naturale vel habet se ad  
 modum mali naturalis, vel abest perfectio  
 quæ quæritur in ordine rei ad Deum & vocatur  
 malum morale. Concludemus primam hujus  
 capituli questionem, si id adhuc moneuerimus, om-  
 nia quæ de multiplici differentia boni aut ma-  
 li dicta sunt hucusque ad creaturas pertinere: in  
 Deo enim differentia illæ statui non possunt, cū  
 sit ipsa bonitas, & Esse ejus omnem bonitatem  
 eminentissime includat, tam quæ secundum  
 quid ita vocatur in creaturis, quàm quæ simpli-  
 citer bonitas dicitur: malum autem nulla ratione  
 in ipsum cadit.

Haecenus explicatum est quot modis aliquid *XIV. Quātum discrimen sit inter bonum simpliciter & secundum quid.*  
 in universum dicatur bonum aut malum: osten-  
 damus nunc porro quid inter omnes illas dif-  
 ferentias bonorum & malorum intersit. Et  
 sic eutem magnum discrimen primo inter bo-  
 num secundum quid & bonum simpliciter di-  
 scimus, quid.

*Item in-  
ter bonū  
naturale  
& mora-  
le.*

ctum , deinde etiam inter bonum naturale & morale ex supra traditis proclive est animadvertere. Certe inter bonitatem transcendentalem & bona simpliciter dicta tantum interesse oportet, quantum inter esse simpliciter & esse tale vel tale. Ita aliud est hominem esse & esse eum ingeniosum sanum aut virtute præditum; aliud item, esse actionem simpliciter & esse actionem iustam, aliud habitum esse & esse habitum virtutis. Bonitas autem naturalis & moralis eo usque distat, ut sæpe etiam reapse disjungantur. Sic pessimus nebulo nonnunquam sanitate, robore corporis, mentis acie, & felicitate ingenii maxime excellit, id est, bona habet naturalia multa, nec bonitatis moralis tamen vel micam possidet; sicut & contra vir optimus sæpe caret cunctis illis & tamen virtutem sive bonum morale habet. Imo non tantum bonum morale & naturale a se invicem, sed utrumque etiam aliquomodo ab ipso transcendentali separari potest: si enim exempli gratia nec ab ingenio quis valeat, & totus morbis, neque non & animi vitiis sit coopertus, destituitur ille utique bonis naturalibus multis & moralibus omnibus, sed bonitatem tamen essentialem retinet, id est, si malum est quod hebeti ingenio sit, quod morbis & vitiis scateat, non tamen propterea quod homo est, quod vivit, quod vegetatur, &c. malum est. Ita discriminantur bona. Quemadmodum autem hæc distinguuntur ita oportet discerni & mala. Sic malus dici quisquam potest ratione corruptorum morum, in quo tamen bona

*Similiter  
discrimi-  
nari ma-  
la.*

bona multa reperias ex eo genere quæ naturalia vocantur : mala etiam multa quis habere , puta morbos, hebes ingenium, &c. qui tamen optimus sit moraliter : malum denique aliquid dici ratione utriusque corruptionis & defectus, cuius tamen ipsum Esse reale, quatenus tale est, malum propterea non est. Imo totus malus quis dici potest moraliter , qui tamen naturali bono & essentiali non caret, sicut totum animal cæcum dicitur, cuius oculi cæci tantum sunt, quod cæcitas non nisi ad oculos pertineat.

XV.

Quibus expositis ( nam his cætera ut fundamentis innituntur ) pressus nunc res urgenda nobis est, & , quod maxime instituti nostri erat, de bonitate ac malitia morali in specie tractandum. Vbi supponimus, quod ante ostensum est, bonum moraliter in creaturis nihil dici, nisi quatenus habet ordinem aliquem ad Deum & convenientiam cum ejus lege. Unde id primo efficitur non posse bonum aut malum morale inveniri in alia creatura præterquam intelligenti. Causa in promptu est : nec enim primo aut per se conformari ad legem aliquam, vel ulla actio, vel quidquam aliud in re potest, sine legis illius cognitione & libertate aliqua ; ut nec contra exorbitare à lege dici quicquam potest sine aliquo respectu ad utrumque, sive ad sit jam actu in subiecto cognitio & libertas illa, sive fuerit, sive etiam esse potuerit, modo adesse debeat. Cognitio autem illa & libertas non est nisi in intellectu præditis, ut partim per se patet, partim supra demonstravimus. Nulli ergo bruto animali,

*Agitur in specie de bonitate & malitia moralis.*

*Eam non esse nisi in intellectu & libertate præditis*

*Vera &  
interna  
ratio boni  
moralis.*

multo minus rebus inanimatis, bonitas aut malitia moralis cōpetit, imo nec homini nisi respectu earum facultatum, quæ sunt rationis aliquo modo participes. Vnde si homo male nutritur, si ventriculus male concoquit, tibia curva est aut oculus cæcus, malum hoc non est moraliter, sicut nec his opposita, bona sunt in isto genere, ut propterea quisquam laudetur aut reprehendatur. Hoc primum est. Deinde & illud inde deducitur, veram & internam rationem boni & mali moralis in sola illa conformitate cum recta ratione & lege, aut exorbitantia ab ea, consistere. Dico internam hanc esse rationem ejus: quod si enim id externum est, ut quidam vult, ecquid internum erit? Certe ne fingi quidem potest quid vocandum sit bonum & malum in hoc genere aliud, nec si per hunc respectum describi alterutrum potest; vel si potest, ostendendum sit quid præter exorbitantiam à lege & justitia divina in rebus malum esse aut culpæ rationem obtinere queat. Sane sicut optima est actio civiliter, & optima vita, quæ legi naturæ examussim respondet, & actio aut vita optima Theologice, quæ exacte quadrat ad legem divinam: ita & quicquid malum est tam civiliter in genere morum quam Theologice, eo malum est, quia à lege alterutra vel utraque exorbitat. Hoc alterum est quod notari hic debet. Vnde tertio evincitur formalem rationem omnis boni moralis consistere in conformitate illa cum lege & formalem rationem omnis mali moralis in exorbitantia aut defectu ab ea: si enim idcirco tantum res est bona aut mala mora-

moraliter, quia legi conformis aut inconformis est, formalis hæc est utriusque ratio. Quod ut intelligas, observa, quidnam in re aliqua formale dicatur. Constat autem vocem hanc desumptam initio esse à rebus physicis: sicut enim ibi pars essentia rei, quæ cõmunis est cum rebus aliis, materia dicitur, forma autem id tantum, quod rem illam ab alia discriminat & separat: ita per analogiam & docendi gratia in cæteris etiam rebus omnibus materiale vocatur quicquid commune res una habet cū altera, formale quod proprium ei est, sive per quod maxime est quod est. Sic natura animalis in homine pertinet utique ad esse ejus (homo enim est animal) sed communē homo eā habet cū equo, leone, &c. quare materiale hominis dicitur. Ratio autem sive natura rationalis formale ejus est: ita enim ad esse hominis pertinet, ut per eam maxime sit, quod est, & à cæteris animalibus omnibus distinguatur. Quare etiam homo, etsi vere est animal, non tamen est homo qua animal, sed qua est rationalis. Formale itaq; rei, ut patet, non est tota ejus essentia, aut quidditas, sed id tantum quod communē naturam ejus ad certam speciem redigit & à cæteris discriminat. Quapropter cū ajo, formale rei moraliter bonæ esse præpositæ conformitatē cum lege, & formale mali moralis exorbitantiam à lege, id dico, omnem rem moraliter bonam eo bonam esse, quod legi naturæ aut divinæ conformis sit, & omnem rem moraliter malam eo esse malam, quod exorbitat à recta ratione & lege naturæ aut divinæ, eique inconformis sit.

*Quid vocetur formale & materiale in re.*

*Quid sit formale rei moraliter bonæ & malæ.*

Qui,

*Quenam  
sint mo-  
raliter  
bona &  
mala.*

Quibus ita consideratis, jam quarto & hoc facile intelligitur, cum conformitas illa & exorbitantia reperiantur in multis diversis rebus, multa quoque & diversa esse posse bona aut mala moraliter. Iam tam omissio rei quam commissio, tam ineptitudo ad faciendum aliquid, quam aptitudo ad faciendum contrarium, conformis aut inconformis legi esse potest, quare & omnia hæc vere moraliter bona aut mala esse possunt. Nec obstat quod Formale boni est conformitas tantum, aut Formale mali exorbitantia sive defectus: nam sicut qui omittit quod lex vetat, conformiter legi vivit tamen, ita & qui agit quod lex vetat, aut qui repugnat legi exorbitat sive deficit à lege: imo hoc est magis deficere in genere morum, quam alterum. Quod in proclivi est ostendere. Moralis bonitas & malitia, ut constat, non attenditur ratione perfectionis aut imperfectionis naturalis sed moralis: bonitas enim moralis & naturalis toto genere distinctæ sunt, sicut & malitia. Non est autem perfectio moralis nisi quæ consistit in congruentia rei cum iustitia & lege, neq; imperfectio, nisi quæ in discrepantia ab ea, ut totius jam diximus. Quo igitur quid minus congruum est legi eo major est in ipso defectus. Hinc sic arguentor: Quo quid minus congruit legi naturæ aut divinæ, eo magis deficit in genere morum. Sed repugnare legi, aut facere quod lex vetat, minus congruit legi naturæ aut divinæ, quam non facere id quod lex jubet. E. illud magis deficit in genere morum. Ita non dare eleemosynam pauperi,

*Moralis  
bonitas  
non  
attenditur  
ratio-  
ne perfe-  
ctionis  
naturalis.*

peti, tum debeas, malum est, & legi divinæ inconforme; sed eripere eidem eleemosynam, quam ab alio jam acceperit, multò pejus est & magis deficit à lege. Ita non diligere proximum suum malum est & à lege deficit, sed odisse eum pejus est & majorem defectum habet. Nec impedit quòd unum sit non facere & alterum facere, cum non tam quæstio sit de non facere & facere simpliciter, ut sunt res naturales, quam de perfectione aut imperfectione morali, quæ esse in utroque potest, seu de congruentia utriusque cum lege aut defectione ab ea. *Perfectio moralis potest etiam esse in privatione rei naturalis.* Potest autem congruentia illa & perfectio moralis esse etiam in privatione rei naturalis & contra privatio & defectus moralis imperfectione naturali. Ita non ire in popinam perfectionem habet mortalem, & tamen ire ponit aliquid in genere naturæ. Quare tantum abest, ut facere quòd lex vetat, aut in universum repugnare legi divinæ aut naturæ, nullum involvat defectum, ut etiam major in his sit in genere morum, quam si non facias quòd utraque aut alterutra jubet. Vnde etiam major in illis est perversitas ac malitia. Apage igitur illas consequentias: Si agere aliquid ponit in genere naturæ: Ergo non habet defectum in genere morum: vel, Ergo formalis ratio actionis malæ non est defectus. Signanter dico, *actionem malam*: etsi enim agere, ut est agere tantum, omnino ponit non privat aliquid, non tamen agere malum, quia est tale, formaliter quid ponit, cum agere malum, quia tale, nihil aliud sit, quam agere quòd à lege abhorret. Sic repu-

repugnare alicui poniturque aliquid, imò nihil habet privativi, quæ est repugnare tantum. At repugnare e. g. legitimo magistratui magnum defectum habet, cum tale agere multum exorbitet à lege. Sed solum illud exorbitare in omni actione, ut diximus, habet rationem mali. E. omnis actionis malæ formalis ratio est defectus, id est, ponit illa aliud, quæ est actio, privata, quæ est mala. Ita patet non solum omissionem rei, sed etiam commissionem vere malam esse posse moraliter, non obstante, quod malum formaliter defectum tantum dicat. Idem autem quod de actione dictum est, extendi etiam debet ad qualitates & habitus, quæ malarum actionum principia sunt: cum enim etiam qualitas & habitus aliquis incongruus esse possit legi naturæ aut divinæ, vere & ille malus est. Et possunt omnia quæ de actione dicta sunt etiam huc accommodari: ut namque actio nulla mala est, nisi quæ aberrat à lege naturæ & divinæ, ita nec qualitas nulla in homine mala est, nisi propter illum defectum. Utque contra id omne in quo est defectus talis sive sit actio sive non agere, vere malum est, ita & ex qualitatibus atque habitus malum est quicquid non congruit legi sive sit ineptitudo ad faciendum quod debebas, sive aptitudo & proclivitas ad faciendum quod non debebas. Atque hæc ex iis quæ de bono & malo in universum antea dicta sunt, ita deduci & explanari possunt: quæ tam manifesta esse arbitror, ut inde vel puer discere possit, in quo consistat perfectio aut imperfectio rei, cujus-

*Non solū  
omissio sed  
etiam  
commissio  
mala esse  
possit.*



cujuscunque, quæ à bonitate & malitia morali ei supervenit.

Cæterum solet illa perfectio attendi potissimum, vel ratione finis, vel objecti vel circumstantiarum: fieri enim potest, ut actio aliqua bona sit secundum quid & ratione unius perfectionis talis, quæ tan- è sit malà quatenus alia ei deest. Unde Aristot. 3. ethic. cap. 7. t. 94. recte dicit: rei.

*Peccata committuntur alia quòd id agitur quòd non oportet, alia quòd non ut oportet, alia quòd non quo tempore oportet aut aliquid huiusmodi.* At ut actio simpliciter bona sit necesse est omnes perfectiones illas concurrere: etsi enim quilibet etiam singulari defectus causa est mali, bonum tamen òritur ex integra causa, ut ex Dionysio de divinis nominibus docent Scholastici. Vide Thomam 1. 2.

quæst. 18. art. 4. & q. 20. art. 2. Maxime autem specificat actionem objectum: sicut enim in rebus naturalibus speciem dat forma, ita in moralibus objectum. Sic dare cuiuspiam eleemosynam bonum est, & dare ei damnum, malum: species vero

utriusque actionis ex objecto est. Sed & finis & circumstantiæ magnum hic momentum habent: nam quod bonum sæpe ex objecto, idem malum est ex fine, & quod bonum ex utroque, malum nonnunquam est propter solam circumstantiam. Ita eleemosynam dare bonum est, ut diximus ratione objecti, & tamen si facias id inanis gloriæ causa, malum est. Sic pugnare cum hoste propter victoriam in bello licito bonum est ratione objecti & finis: sed ubi id facias loco & tempore non opportunis malum est

pro

XVII.

Unde asseritur bonitas & malitia moralis

Maxime id fieri ex objecto.

Attendum tamen etiam finem & circumstantias.

propter circumstantias. Causa ejus rei facile assignatur: cum enim lex naturæ & divina non tantum præscribat, quid fieri oporteat, sed etiâ quâ fini & quando; ubi; &c. conformari actio perfectè ad normas illas non potest, nisi omnia quæ diximus adsint, planè ut in naturalibus perfectio rei non absolvitur eo tantum; ut formam suam substantialem consequatur; sed & finem suum attingere debet, atque ideo ceteris accidentibus

*Nec tamè  
omnis cir-  
cumstan-  
tia speciem  
actus  
moralis.*

quodque ornata esse. Quod tamen cum dicimus non putamus omnem circumstantiam ad specificationem actionis facere: sunt enim quæ augent tantum vel minuunt bonitatem & malitiam quæ jam ante aderat. Ita multum accipere sibi de re aliena furtum non facit; sed majus reddit; ut & multum erogare in honorem divinum, actionem bonam non facit, sed, quæ bona erat, meliorem. Ex his ergo actio moralis accipit speciem suam & totiplex est ejus perfectio.

XVIII.

*Nulla actio mor-  
alis in-  
differens  
indivi-  
duo.*

Verum hic adhuc nota; ex illâ specificatione ita definiti actiones morales & determinari ad bonum & malum; ut nulla earum relinquantur, prout est individua; indifferentis. Dico; *actiones morales*, id est, voluntarias aut quæ conformari ad legem aliquam possunt vel debent: nam quæ aut ex imaginatione tantum sine advertentia animi proficiscuntur, vel circa eas res versantur, de quibus in lege nulla quidquam præcipitur, ut morales non sunt, ita nec bonæ aut malæ moraliter esse possunt. Sic digitum exserere pallio, festucam de terra levare, caput fricare, aut baculum manu movere, morales actiones non sunt, quæ tales: quare

quare nec differentia illi boni & mali in iis reperiuntur: Non sunt morales, inquam, quia vel à viribus solius imaginativæ facultatis oriuntur, & nobis sæpe nescientibus, vel non sunt talium rerum de quibus honestas aut lex divina præcipit. Dico præterea, prout est *individua*: nam etsi in communi sua natura actio etiam moralis indifferens esse forte potest, ut statuit Thomas 1.2. quæst. articulo 9. alia tamen ratio est, si in individuo eam consideres, ut idem docet Sotus 2. sentent. distinct. 41. putat actiones morales dari, quæ etiam in individuo sunt indifferentes. Sed rectius sine dubio sentit Thomas: omnis enim actio voluntarie suscepta, quæque ordinem habet ad honestatem & legem divinam, illa aut refertur in debitum finem, aut in indebitum, aut in nullum. Si in debitum, bona est moraliter, si in indebitum, mala omnium confessione: si in nullum, mala itidem est, quia omnis actio nostra refertur in certum finem debet, puta vel primum, vel primo saltem subordinatum. Atque ita jam constat etiam quid sit bonitas & malitia moralis inspecie!

*Thom.*

*Sotus putat actiones morales etiam in individuo indifferentes dari.*

Unum hoc restat, ut indiceinus quomodo tam à bonitate quam malitia illæ res denominentur: quod eo compendiosius fieri poterit quo diligentius superiora explicata sunt. Ante omnia autem hic nemo sibi persuadeat, quia bonitas & malitia moralis vere rebus competunt easque denominant, propterea bonitatem aut malitiam illam distinctam non esse à re ea cui

*IX.*

*Quomodo à bonitate moralis res denominantur.*

S

compe-

competit quanque denominat. Ait quidam, cessare in in Ethica subtilitatem illam Metaphysicam distinctionis inter hominem ipsum & eius accidentia, inter actiones & earum qualitates, quod hic civium alii boni sunt alii mali, actiones item alie bona alia mala illisque premia his poena constituantur: imo si distingueretur malitia in Ethicis à re, quæ est mala, fore dicit, ut seditio exempli gratia punienda esset & homines seditiosi dimittendi, seditio ad supplicium rapienda seditioso salvo & incolumi manente. Verum hæc tam absurda sunt ut nihil absurdius dici vel excogitari possit. Vtenim nunc id omittam, quod putat Ethicam pugnare cum Metaphysica, id est, has duas contradictorias simul veras esse posse: Omne accidens est distinctum à substantia, & Quoddam accidens non est à substantia distinctum, modo dicas unam à metaphysica doceri, alteram ab ethica, ipse dicit. Ut hoc inquam nunc omittam, id urgeo: si propterea res una non est distincta ab altera quia una alteri vere competit & inest, eamque denominat, jam utique nec anima à corpore, nec doctrina ab homine, nec frigus ab aqua, nec calor ab igne distincta sunt: corpus enim vere est animatum, homo vere est doctus, aqua est frigida, ignis est calidus. Quod si autem non distinguuntur, jam unum & idem sunt, & corpus est anima, homo doctrina, aqua frigus, ignis calor. Imo si is qui dicat hominem esse malum, esse seditiosum, statim negat malitiam & seditionem esse aliquid distinctum ab homine, jam & qui dicit hominem peccatis esse corruptum, idem  
ait

ait ipsum hominem ejusque substantiam peccatum esse. Sane non docet Ethicus quid sit substantia, quid accidens, eoque nec quid inter substantiam & accidens interfit, an reale discrimen semper interveniat, an sæpe tantum aliquod ex natura rei; sed id ubi opus est supponit tanquam certum & alibi explicatum: At Deus bone! an ideo cessat in ethicis illa distinctio aut negat hanc ethica; adeoque pugnat cum metaphysica? Sunt he ergo unum & idem; non docere quod sit distinctio inter substantiam & accidens aut qualis sit, & docere, quod nulla sit inter ea distinctio? Dices intelligi per distinctionem separationem unius ab altero, ut ita non distinguatur seditionem à seditioso sit eam non separari. Verum si ita res se habet, jam iterum nec anima nostra distincta est à corpore, nec caput distinctum à pede; aut pes à brachio nisi separentur. Quapropter vere virtus & vitium insunt subjecto idque denominant & interim sunt aliquid vere à subjecto distinctum in sua natura: vere etiam bonitas & malitia moralis competit actioni eamque bonam facit aut malam; & tamen discrimen est inter actionem per se & bonitatem vel malitiam ejus. Vnde etiam fit quod non in abstracto sed concreto de se invicem potissimum prædicentur: recte enim dicis, homo est virtute præditus; & tamen non dicis homo est virtus, recte etiam homo est vitiosus aut vitiis oppletus, non autem homo est vitium, nisi per naturam.

XX.

*Nonnulla  
mala sunt  
pu. a pri-  
vationes,  
nonnulla  
actiones  
privata  
sua recti-  
tudine.*

Hac ergo absurditate amota reperimus quod supra dictum est, bonum & malum morale non tantum competere omissioni rei aut ineptitudini ad faciendum, sed & commissioni & proclivitati ad aliquid agendum, mo ipsi homini & animo ejus propter illa. Quanquam autem omnia illa in formali ratione bonitatis & malitiae conveniunt, ut ostensum est, scire tamen oportet aliter atque aliter ratione materialis sui se habere. Ita non posse facere quod debebas, & primum esse ad faciendum quod non debebas, utrumque vitio vertitur & utrumque moraliter malum est: quare duo ista formaliter, id est, secundum quod sunt aliquid malum coincidunt: at materiale, id est, non facere, & facere, discernuntur habent: prius enim privativum est, posterius positivum. Quoties igitur mala dicitur ommissio rei ineptitudo ad faciendum quidquam, totius malum illud est pura privatio & purus defectus, quia tam ratione materialis quam formalis est privatio ibi & defectus. Ita non ire in templum, non facere aut non posse facere preces malum est, sed pura privatio. Quoties vero mala dicitur commissio rei vel actio aliqua, aut malitia tribuitur qualitati vel habitui, jam malum illud non est pura privatio sed actus sua rectitudine privatus, & qualitas vel habitus vitiosus. Sic furari, scortari, item intemperantem aut injustum esse malum est moraliter: omnia etiam hæc quæ sunt mala, id est, formaliter sua ratione deficiunt à lege naturæ & divinæ. Formaliter ergo dicunt aliquid

aliquid privativum. Verum non sunt puræ privationes : furari enim utique & scurrari actionem , intemperantem & injustum esse habitus & animi qualitates involvunt. Quapropter im-  
 mensum hæc differunt, esse puram privationem, & esse aliquid , quod formaliter aut secundum rationem suam formalem sit privativum. Quod si quis observarit , facile intelliget, quomodo omnis in universum res moraliter mala formaliter, sive quatenus est mala, privativa tantum sit, aut privationem dicat, nec minus tamen ipsi etiam habitus, ipsæ actiones sint & rectæ dicantur malæ. Nam certe, ut dixi, unum hæc & idem non sunt , malum formaliter est privativum tantum, & omne malum est pura privatio , nisi eodem pacto & illud inferre velis, totum hominem esse tantum animam quia forma ejus anima sit. Quantum igitur in malis naturalibus & physicis differt claudicatio à cæcitate, tantum in moralibus actiones & habitus mali distant à cæteris quæ puræ privationes sunt. Sicut enim cæcitas nihil ponit sed tantum privat, claudicatio vero tollit quidem rectitudinem incessus, sed incessum ipsum ponit: ita & omissio ejus quod facere debebas simpliciter privat, sed actio mala ponit actionem cui privatio inest. Ponit, inquam, actionem, ut & habitus pravus ponit habitum. Quæritur autem an actio & habitus in actione & habitu malo sint pars materialis an formalis? certe formalis non sunt, quia actionem & habitum esse etiā bonis actionibus, & bonis habi-

*Malum differunt esse puram privationem & esse formaliter privativum.*

*Exemplū de claudicatione.*

bus competit. Argumentor sic: Quicquid reperitur tam in actione bona quam in mala, tam in habitu bono quam malo, illud non est formale actionis malæ aut habitus mali. Sed actionem & habitum esse reperitur tam in bonis quam in malis actionibus & habitibus. E. actionem & habitum esse non est formale in actione aut habitu malo. Quare ut absurdus sit qui dicat formale hominis esse animal, aut formale claudicationis incessum, cum animal esse etiam ei competat quod non est homo, incessus ei quod non est claudicatio: ita etiam absurdus fuerit qui actionis aut habitus mali formale dixerit ipsum illud actionem aut habitum esse.

XXI.  
Quoniamque  
res mala  
sine positi-  
va.

Vnde jam evidentissime patet quicquid discriminis est inter malum quod est purus defectus, & actionem aut habitum malum, id omne attendi ratione partis materialis non formalis, & quanquam in his  $\tau\theta$  materiale sit res positiva, in illis autem nihil positivum deprehendatur, tamen formalem rationem utrobique tantum privativam esse. Verum hic accurate nota per *materiale* non intelligi subjectum remotius sive substantiam ipsam, cui inest actio vel habitus ille (nam hæc etsi materia actionis aut habitus dici solet, tamen non est ipsa actio mala) sed illud, actionem & habitum esse: neque enim tantum id cui inest actio & habitus malus res positiva est, sed etiam ipsa res mala, quatenus est actio vel habitus. Quo observato intelliges recte dici, non tantum substantiam in qua est malum esse rem posi-




positivam, sed etiam ipsum malū esse positivum aliquid, non formaliter sane, siue quæ est malum, sed materialiter, id est, quatenus est actio aut qualitas aut habitus. Nota deinde, & hoc, sicut discrimen est inter mala pure privativa, & ea quæ ponunt aliquid materialiter, ita etiam diversis vocabulis plerunq; illa effertur. Mala pure privativa κατ' ἐξοχὴν dicuntur defectus: cætera vocantur non tam defectus quam res quæ habent defectum, ut pravitas, perversitas, malitia: hæc enim voces non tam omissioni rei quam actioni aut habitui malo tribui solent. Hæc ergo ita se habent: quæ qui recte hic perceperit, facile nobis expediet, qui & quatenus res malæ ponant aliquid aut privent, ut nec reale aliquid *verum dicitur* malum aut *vayas species* Entis sine 'Deo contra Deum in mundum investas comminisci, nec etiam distinguere ipsos defectus in positivos & privativos necessum habeat, quorum illud sine dubio impiissimum est, & si Theologiam consulas, manifesto hæreticū, hoc stultissimū, & inauditum: si enim ipsos defectus alios positivos alios privativos feceris, quid ni & homines alij rationales, alij irrationales, tenebræ aliæ tenebricosæ, aliæ lucidæ, dicantur?

Haftenus de bonitate & malitia morali: quæ XXII.  
doctrina eo pluribus explicata est, non tantum Epilogus  
quod sequentibus ut fundamentum substruen- cap.  
da erat, sed etiam quia hinc & non aliunde disci in universum debet, quid in malo rationem privativi quid positivi habeat, quomodo in genere res aliqua denominetur à bonitate aut malitia

moralis, quid vocetur pravitas, perversitas &c. Vnde & petere oportet omnium istorum terminorum intellectum, si quis recte adhibere eos sive in Theologia sive in Jurisprudencia sive cætera Philosophia volet: etsi enim res ipsæ in se quæ à Theologis & Juris explicantur ad suas quæque disciplinas pertinent, nec de iis ex hac doctrina disputari potest: tamen non magis illæ opus horum terminorum, puta virtutis, vitii boni & mali moralis, pravitatis, perversitatis &c. recte declarari queunt, si terminos illos vel non accurate intelligas, vel etiam plane invertas, quam recte de rebus Theologicis aut Juridicis sermonem Latinum facere possunt qui aut in Grammaticam Latinam identidem impingunt, aut voces Latinas exacte cognitas non habent.



PHILO-



PHILOSOPHIÆ MORALIS

SEV

CIVILIS DO-

CTRINÆ DE

MORIBVS.

LIBER TERTIUS.

CAPVT I.

Exponitur quotuplex sit virtus & quæ  
sit natura virtutis moralis in  
genere.

SUMMARIA.

- 1 Ratio ordinis.
- 2 Virtus alia dianoëtica alia ethica.
- 3 Virtutem naturâ non inesse.
- 4 Galeni error, mores à temperamento corporis pendere.
- 5.6. Confutatur, ut & ejus effugium.
- 7 Quid Plato & Arist. ea de re doceant.
- 8 Quid sit virtus moralis.
- 9 Fr. Philelphus refutatur.

S 5

Cuius-

10 Cuiusmodi res eligat virtus.

11 Stolicos statuere virtutens evellere affectus.

12 Quid ea de re sentiendum sit, neque posse id fieri.

13 Aut etiam necessum esse.

14-15. Mediocre aliquid dupliciter dici, &amp; quomodo id intelligendum.

16 Error Lactantii refellitur.

I.  
Ratio Or-  
dinis.

**E**XPLICATO fine & objecto disciplinæ accedendum jam est ad exponenda media quæ ad finem illum perducunt: hoc enim caput *Philosophiæ moralis* est, inquit Apuleius libro de philot. mor. ut scias quibus ad vitam beatam pervenire rationibus possit. Quia autem finis hic est actio virtutis, ut suo loco patuit, medium aliud quo eum consequamur esse non potest nisi virtus, & si quid cum virtute cognationem habet. Quare de virtutum natura tam in communi quam singillatim tractandum nobis deinceps diligenter erit. Verum quia non tantum virtutes duum sunt generum, ut paulo post dicetur, morales & intellectuales, sed etiam præter perfectos virtutum habitus reperiuntur etiam quidam imperfecti, neque non hic occurreret tractatio quoque de amicitia, quæ virtus non est sed aliquid cum ea conjunctum, primo agetur de virtute morali, secundo de prudentia & virtutibus intellectualibus, quæque eo pertinent, tertio denique de semi virtutibus, ut vocant, & amicitia.

II.

Quemadmodum itaque duo sunt in homine  
à qui-

à quibus omnis actio humana, id est, homini propria proficiscitur, intellectus & appetitus: ita etiam duplex necessario est virtus, quæ hominem perficit sive id ei confert, ut omnia recte, quantum fieri potest, agat & feliciter vivat, una intellectus, altera appetitus. Quæ intellectum perficit dianoëtica aut intellectiva dicitur, quæ appetitum, moralis sive ethica, ut docetur primo ethicorum capit. ultimo & sexto capite primo & passim. Cum enim ad recte vivendum duo illa requirantur, scire quid factum sit opus, & ubi scias id prompte exequi, in utroque autem multis modis ab homine peccatur, si disciplina aut assuefactio non accesserit, is demum recte se in omni vita geret, cuius & intellectus & appetitus perfectionem suam consecutus fuerit. Vbi tamen sciendum est, si virtutes morales & intellectivas comparare inter se velis, morales maxime proprie virtutes dici: intellectivas autem secundum quid tantum: cum enim virtus omnis faciat id cuius virtus est bene se habere, tum opus ejus rectum ac perfectum reddat, ut dicit Aristotel. secundo ethicorum capit. sexto text. vigesimo nono hoc autem maxime præstet quicquid non tantum facultatem recte operandi subjecto largitur, sed etiam incitat ad ita agendum, sive quicquid non tantum potentiam & facultatem bene agendi, sed ipsum etiam actum illi confert, maxime proprie quoque tale quid virtus dicetur. Ejusmodi autem est virtus moralis. Exemplo sit habitus Physices & liberalitas cogni-

*Virtus duplex dianoëtica & Ethica seu moralis.*

*Ethica magis proprie dicitur virtus quam dianoëtica.*

gnitionem rerum Physicarum, liberalitas facultatem liberaliter agendi: sed illa id tantum præstat homini, ut cum vult se naturæ contemplationi dare, recte in ea re se gerat sive gerere possit, hæc non tantum ut possit liberaliter agere cum vult, sed etiam ut agere velit. Quare habitus Physices non tam proprie virtus est, quam habitus liberalitatis, estq; eadē ratio de cæteris quoque habitibus intellectivis & moralibus. Vide Thom. I. 2. q. 66. art. 3. Sed relictis nunc intellectivis virtutibus, de quibus suo loco dicemus, naturam moralium investigabimus.

## III.

*Virtus  
non inest  
natura.*

Principio autem sciendum est virtutem omnem vel disciplina vel assuefactione parati, & moralem quidem potissimum assuefactione, cū hæc etiam inde nomen nata sit apud Græcos, ut docet Aristot. 2. ethic. cap. 1. Et Plutarchus *ἐν παιδαγωγῇ*. ait: "Αν τις τὰς ἠθικὰς ἀρετὰς ἠθικὰς λέγῃ, ἢ αἰεὶ πλημμελεῖν δόξῃεν: etsi enim dubium nullum est esse unicuique mortalium semina quadam virtutum innata, ut loquitur Marcus Tullius 3. Tusculan. in initio: unde & quidam natura fortes, natura iusti dici solent, teste Aristot. 6. Nicomach. cap. 13. potentia tamen illa naturalis & ista semina virtutum ipsa virtus non sint: Quod quidem sic ostendo: primo si sint, jam possessori suo non noceant, quod sæpe tamen fit: qui enim præ cæteris aliquid audent aut ad audendum natura proclives sunt, facile audaces & temerarii evadunt, qui item sagaciori ingenio præditi sunt astuti & callidi fiunt, si cultura non accesserit,

imo

*Id probatur.*

*Aristot.*

imo talibus ingeniis, cum sibi relinquuntur, idem plerumque contingit quod robusto corpori oculis capto, id est, ut eo magis pergant in avia vitiorum, nisi mature refrænentur, quo alias ad virtutem procliviora erant, ut id late deducit Philosophus. Deinde mores à consuetudine mutantur: non ergo mores à natura sunt, adeoque nec morum virtus. Tertio quæ à natura sunt in iis potentia priores sunt actionibus si non tempore, scilicet natura. Ita visus prior est visione, auditus actu audiendi, &c. Sed contra res se habet in virtute: hac enim præditus non est nisi qui quæ virtutis sunt ante egit. Quarto ostendunt hoc etiam leges, quatum nullus usus sit, nisi ex iis vitam emendare &, quod prave forte faceres, a iter assuescere possis. Denique si natura essemus temperantes aut iusti, omnes quodammodo essent: omnibus enim natura una est. Ita ex Aristotele ostenditur virtutem à natura nobis non inesse. Idem docuit Plato: dicebat enim hominem à stirpe neque absolute bonum neque malum nasci, sed ad utrumque proclive eius ingenium esse, habere quidem semina quædam utraque rerum cum nascendi origine copulata; quæ educationis disciplina debeant in partem alteram emicare, ut testatur Apuleius lib. de Philol. moral.

Alia sententia est Galeni, qui peculiari libro ostendere vult, mores hominum tam bonos quam malos, si non in universum, aut maxima sui parte dependere à temperamento corporis, & in eum sensum adducit aliquot loca Hippocratis,

IV.

Galenus  
mores à  
tempera-  
mento  
corporis o-  
riri cõjet.

*Aliquid  
conferre  
corporis  
naturam  
ad eos.*

*Quāvis  
indoles  
possit, ex-  
plo The-  
mistoclis  
ostendi-  
tur.  
Thucyd.*

cratis, Platonis atque ipsius Aristotelis. Et sanè negari non potest, aliquid situm esse in corporis constitutione: quod si enim prava partium corporis temperies plane tollere usum rationis potest, ut fit in phrenesi & similibus affectibus, imò animam ipsam à corpore separare & mortem accersere, dubitari non potest quin eadem multum vel juvare vel turbare & impedire voluntatem & actiones nostras; vitamque adeo omnem, queat. Unde est quod Carneades Academicus; scripturus adversus Stoici Zenonis libros, superiora corporis elleboto candido purgavit, ne quid ex corruptis in stomacho humoribus ad domicilia usque animi redundaret & constantiam vigoremque mentis labefactaret, ut refert Agellius lib. 17. cap. 15 Est etiam ab illa temperie sine dubio quod hominum alii nascantur aliis ad virtutum vel vitia procliviores, ut supra concessimus. Cujus rei insigne exemplum de Themistocle extat apud Thucydidem li. 1. Verba Thucydidis, vertente Joan. Caselio, ita habent: Ille erat Themistocles, qui quam maxime indicaret quantum natura valeat, dignus ipse quem quodam modo supra modum ob naturæ præstantiam magis atque alium quemvis miremur. Etenim sua propriaque intelligentia, ut qui nihil adiumenti ad eam initio didicerit, neque deinceps sibi compararit, minima deliberatione habita de casibus repentinis consultor esset certissimus & futurorum maxime partem quod eventurum esset, coniecto optimus. Quæ item in manibus haberet, etiam explicare posset. quorum vero usum non haberet, non dimitteres antequam  
de iis



de iis recte existimaret. Insuper quid melius, quid peius maxime providebat. Vt uniuersum dicam, natura facultate & usus breuitate hic vt plurimum valebat, ut ex tempore gereret quae gerendae essent. Tertio totius hygiognoinicæ disciplinæ, cui non parum tribuit Aristot. illud fundamentum est: nulla enim hæc esse posset si nihil ad mores atque indolem faceret corporis dispositio.

Verum enim vero sicut Galenus & illo libro & passim nimis abjectè sentit & loquitur de anima hominis, ipsamque supra temperiem corporis extollere non audet, ita etiam hic admodum impingit: etsi enim animus dum in corpore hoc hæret non usquequaque ejus contagionem effugere potest, ipse tamen vitæ mortalium dux est & actionum nostrarum arbiter, nec corpori seruire sed imperare natus. Certe in nostra potestate est semina tam viciotum quam virtutum, quæ indoles cujusque secum trahit, aut fovere & alere, aut etiam industria & assuefactione nostra superprimere, & experientia testatur. Erat Manlius Torquatus in pueritia ingenio tam hebeti & ea indole ut à patre viro amplissimo rus ablegaretur & agrestii opera fatigaretur, quod inutilis Reipubl. & domesticæ fore putaretur: & tamen postmodum cum in urbem rediisset pietate in parentem & meritis in patriam clarissimus exitit. Nec Scipioni Africano majori obstitit quò minus jugum Carthagini primus imponeret, quod solutior nonnihil vel tenerior adolescentia ejus fuisset, ut est apud Valer. Max. lib. 6. cap. 9.

V.  
Galenus  
confutatur.

Quibus  
mores suos  
formare  
potest.

cap. 9. qui ejus generis etiam plura exempla coar-  
cervavit. Imo tantum abest ut semina vitiorum  
in herba opprimi nequeant ; ut sæpe evellantur  
etiam quando jam non nihil adoleverunt ; licet  
id fiat rarius. Phædonem profecto ex cinædo o-  
ptimum Philosophum Socrates fecit ; & Pole-  
monem ex ebrioso & impudico adolescente Xe-  
nocrates una oratione de temperantia ; cum ille  
ebrius & coronatus irrepuisset in scholam ipsius ;  
virum continentissimum reddidit & sibi succes-  
sorem. Etiam Themistocles etsi propter vicia in-  
cuntis adolescentiæ à patre exheredatus erat, ita  
tamen postmodum eminuit ut totius Græciæ  
servator eilet. Vide Diog. Laërt. in Socrate & Po-  
lemone, Cornelium Nep. in Themistocle. Non  
inficiamur quidem cupiditates nostras & appe-  
titum sensitivum ex omni parte subigi à ratione  
in hac nostra imbecillitate non posse, sicut lib. 2.  
dictum est. At detestare tamen illius imperium  
ita nequit, quin per illum mores ad honestatem  
conformare quisque pro arbitrio possit. Ni pos-  
sit, jam omnis ratio virtutis & vitii, sive recte &  
prave factorum, adeoque tota Philosophia pra-  
ctica funditus tollatur : neque enim aut illa aut  
hæc sine rationis ac voluntatis libero imperio in  
facultatem sentientem & membra externa cor-  
poris intelligi potest.

VI.

*Effugium  
Galen.*

Declinare conatur absurd tatem tantam Ga-  
lenus sed frustra: etsi, inquit, nec bonis imputari potest  
quod boni sint, nec malis quod mali, quia in ipsorum pote-  
state hoc non est, nihil tamen minus illi laude, hi odio digni  
sunt,

sunt, cum etiam alias laudemus quæ natura bona fecit & oderimus quæ mala. Ita viperas & scorpiones odio haberi, ait, non sua culpa sed quod natura sua mali sint; Deum autem amari quia natura bonus. Ad hunc modum ille. Vbi observa idem planè hoc *Idè quod Astrologorum.* ab astrologis adferri, cum illi à fato & astris mores hominum suspendunt, sicut Galenus à crassi & temperie corporis: audiam tantum Manilium *Manil.* 4. astronom.

*Nec tamen hec ratio facinus defendere pergit,  
Virtutemve suis fraudare premia donis.  
Nam neq; mortiferas quæquam minus oderit herbas;  
Quod non arbitrio veniunt sed semine certo,  
Gratia nec levior tribuetur dulcibus escis,  
Quod natura dedit fruges, non ulla voluntas:  
Sic hominum menti tanto sit gloria major.  
Quod cælo gaudente venit, rursusq; nocentes  
Oderimus magis, in culpam poenasque creatos,  
Nec refert scelus unde cadat, scelus esse fatendum.*

Hæc Manilius, quæ partim absurda sunt; partim *Absurdi- tas ejus.* manifesto impia, sicut Galeni responsio. Absurdum est quod mala per accidens confundit cum malis per se: venenum enim malum non est nisi priori modo tantum: primo enim nō est malum nisi ei cui nocet aut quod interficit. Sed hoc non est vere & per se esse malum, alias omnes res naturales contrariis qualitatibus præditæ malæ essent, nam omnes se inter se interimunt: ita aqua ignem extinguit, ignis contra corrumpit aquam, &c. Deinde si venenū per se sit malum jam semper esset. Sed non est: nam idem quod venenum *An herba & animalia venenata sint per se mala.* est homini, saluberrimus cibus sæpe est aliis ani-

T mali.

mali. Ita serpens hominem interficit, nutrit ciconiam, piper & amaracus salubria sunt homini, sed sues interficiunt, cujus generis infinita alia exempla concurrunt in Phisicis. Tertio si venena essent per se mala jam mala essent vel in genere naturæ, vel morum. Sed in neutro sunt: in genere enim morum nemo esse dixit. At nec in genere naturæ: tale enim malum corrumpit perfectionem aliquam naturæ cui subiecti cui inest. Sed venenum animalibus venenatis non tam aufert quam tribuit perfectionem: ut enim unguibus leones, cornibus tauri, ita serpens veneno armatus est ut se tueri possit: nec enim defectus est in tauro aut leone arma illa habere, licet homini malum sit si cornibus petatur aut unguibus discerpatur. Hoc ergo ut dixi, absurdum est quod mala per accidens Galenus putat esse per se mala. Deinde si vel maxime concederetur bestias & herbas venenatas esse per se malas, non tamen sunt malæ moraliter: id enim malum non cadit in bruta, ut suo loco patuit. Absurdum igitur & hoc est de natura mali moralis ex natura malorum naturalium velle statuere. Ita Galenus, & qui cum eo faciunt, absurda absurdis cumulant. Impia autem est responsio illa, quia Deum autorem peccati facit: quicquid enim est in causa secunda, & non est ab illa sola, id est à prima causa. Sed peccatum secundum Galenum & Manilium est in homine & non est ab ipso; à nullius enim hominis arbitrio secundum ipsos dependet. Ergo est à Deo quod impium est.

*Absurdum de  
natura  
mali mor-  
alis ex  
malo na-  
turali sta-  
tuere.  
Impietas  
Galeni &  
Manilii.*

Nec

Nec juvare Galenum possunt autoritates Hippocratis, Platonis & Aristotelis: nihil enim inde aliud efficitur præterquam quod ultro ante concessimus, videlicet proclivitatem ad virtutes & vitia à natura esse. Et sane manifesto contrarium cum Plato eum Aristoteles sentit. *Ἐμοὶ μὲν, inquit Plato 3. de Republ. εὐφραίνεται ὁ ἄνθρωπος ἢ σῶμα τὸδοτὸ τῇ αὐτῇ ἀρετῇ ψυχῇ ἀγαθῶν ποιεῖν, ἀλλὰ τὸ ναντίον, ψυχὴ ἀγαθὴ τῇ αὐτῇ ἀρετῇ ἔμψυμα παρέχειν ὥς θύοντε βέλυσθον.* *Quid Plato & Arist. hac de re docent.* *Mibi quidem videtur si corpus bonum sit id animum sua virtute bonum non reddere sed contra animum bonum sua virtute corpus efficere quam fieri potest optimum.* Et in Charmide ait, oculum sine toto capite, caput sine toto corpore, corpus sine animo sanari non posse. Rursus in Phædone inde ostendit animam non esse crasin corporis quod alioqui ea corpori servire non imperaret. Et iterum 7. de II. *χρειώτατον δ' αὖν ἐμψύεται πᾶσι τότε πᾶν ἡθὺς διὰ τοῦτο.* *Præcipue & omnes mores omnibus ingenerantur propter consuetudinem.* *Maximus Tyrium.* Unde & Maximus Tyrius Platoni us dissertatione 18. Bene se habere totum necessesse, inquit, cuius pars bene se habet, non ultra libet sed præstantior. In societate enim deterioris cum maiori ex conservatione melioris dependet deterius. Nisi pates hominem cui bene constituta sit anima, dolorem aliquem aut vulnera aut aliud aliquid quod corpori nocet respicere posse. Minime per Iovem. Hac igitur quærenda medicina est, hac exploranda, ea comparanda, ea perquirenda est sanitas. Aut enim statum corporis sequeretur sanitas; aut si non certe malorum quibus corpus affligitur integer contentus. Hæc Tyrius. Idem censet etiam Plutarchus in lib. num. morbi *Plutarch*

corporis an animi peiores sint. Verba ejus sunt.  
 Νόσος μὲν ἐν σώματι φύσται διὰ φύσιν, κακία δὲ καὶ  
 μοχθηρία καὶ ψυχῶν ἔργον ἐστὶ πρῶτον; εἴτε παθε-  
 αὐτῇ, *Morbus in corpore quidem gignitur à natura, vi-*  
*tium autem & pravitas animi principio est actus aliquis,*  
*post affectio.* De Aristotele res notior est, quam ut  
 explicatione indigeat. Quare manet quod supra  
 asseruimus virtutem naturā non inesse; assuefa-  
 ctione parari.

VIII.  
*Quid sit*  
*virtus*  
*moralis.*

*Habitus*  
*esse.*

*An sit*  
*habitus*  
*scientia*  
*ut statue-*  
*bat So-*  
*crates.*

Quibus ita explicatis facile jam indagari po-  
 test quidnam sit virtus. Qualitatem eam esse &  
 quidem animi extra dubium est: qualitates au-  
 tem in animo nulla sunt; quæ huc spectare pos-  
 sint, præter potentiam naturalem; habitus & dis-  
 positiones. Naturalem potentiam non esse jam  
 ostensum fuit. Sed hæc dispositio est: hæc enim  
 imperfectum quid est & rudimentum tantum  
 perfectæ qualitatis. Relinquitur ergo ut sit habi-  
 tus: quod primo ostendendum erat. Cæterum  
 cum habitus in animo multi sint & diversi, alii-  
 que alias ejus potentias perficiant, queritur an  
 virtus sit habitus intellectus an voluntatis & ap-  
 petitus. Prius assererat Socrates, ut testatur Arist.  
 6. ethic. Nicomach. c. 1. statuebat enim virtutem  
 esse scientiam & prudentiam. Verba Aristotelis  
 in ethicis Eudemus hæc sunt: Socrates quidem ille  
 senior, finem vitæ putabat esse cognoscere virtutem, & in-  
 vestigabat quid esset iustitia, quid fortitudo & unaquaq;  
 eius pars. Idque merito faciebat: censebat enim omnes vir-  
 tutes scientias esse, ita ut simul obtineant, scire iustitiam  
 & iustum esse: nam simul ac didicimus geometriam &  
 architectonicam & architecti & geometra sumus. Qua-  
 re in-

re in-

re investigabat quid sit virtus, non quomodo paretur. Ita *Plato*. Aristoteles. Vnde & Plato 4. de rep. fortitudinem definit per rectam de terribilibus opinionem. Aristoteles etiam virtutem coniunctam esse dicit cum scientia & prudentia, non tamen ipsam eam scientiam seu habitum intellectus sed voluntatis & appetitus facit. Unde per habitum proæreticum seu qui electionem concernit & in ea consistit, illam definit 2. ethic. cap. 6. t. 36. Et sane *Virtus in scientiis theoreticis* (verba rursus sunt. Aristot. ex *moralia* Eudemii, id usuenit, quod supra dicebat Socrates: *non est scientia* nec enim aliud est astrologia aut physica scientia *sed habitus* aut geometria quam scire & contemplari naturam rerum *electivum*, quæ scientiis illis substernuntur: etsi nihil impedit quo minus per accidens ad multa in vita necessaria utiles ea nobis sint. Verum enimvero scientiarum factivarum alius finis est, quam scientia & cognitio, ut medicina sanitas politica bonæ leges aut simile aiquid. Pulcrum itaque est nosse quid in unaquaque re honestum sit, nec tamen in virtute præstantissimum illud est nosse quid ea sit, sed ex quibus fit: neque enim scire volumus quid sit fortitudo sed esse fortes, neque quid sit iustitia sed esse iusti, quemadmodum etiam sani esse malimus, quam scire quid sit sanum esse & corporis habitu bono esse quam nosse quid sit bene habere. Hæc Aristoteles. Imo ut idem argumentatur in magn. moral. Scientia consistit in ratione seu ratiocinatione: hac autem in sola facultate intellectiva animi posita est. Quare etiam omnis virtus per se consistet in parte intellectiva: unde fit, ut dum Socrates virtutes scientias facit, tollat tum illam animæ partem quæ rationalis per se non est, tum omnes affectus & mores. Ita Philosophus: quibus nihil

esse potest rectius aut evidentius. Quod si enim exponere naturam fortitudinis non est fortiter agere, nec scientia ejus quod forte est, fortitudo erit. Si porro virtutes omnes sunt scientiæ, nulla est virtus voluntatis & appetitus, imo nulli sunt mores: moratum enim esse non est intelligere aliquid, sed velle & rei alicui studere aut ea delectari, ut ipsa notio vocabuli ostendit.

IX.  
*Franciscus  
Philosophus pro  
Socrate  
disputat  
contra A-  
rist.*

*Responde-  
tur ad e-  
jus obje-  
ctiones.*

Cæterum et si hæc sunt perspicua, Franciscus tamen Philadelphus lib. 5. disciplinæ moralis sententiam Socratis præfert Aristotelicæ. Argumēta autem hæc adfert, quod omnes mali mores ab ignorantia boni oriuntur, quodque nemo non summo studio persequatur quidquid bonum esse vere cognoverit, item quod etiam incontinens dum peccat per inscriam id faciat, Et ait ab hac sententia Socratis se nullas unquam sophisticas captiones abducturas. Sed magnopere errat, nec objectiones istæ alicujus momenti sunt. Primo enim non sophisticæ captiones sed luculentæ & evidentes rationes sunt illæ Aristor. & vitæ usu atque experientia comprobantur. Deinde notitia & judicium de virtute nunquam tam firma sunt, ut ijs positivis voluntas deflectere nequeat: id enim cum libertate voluntatis pugnare libro superiore ostendimus. Tertio etiam posito, illum qui recte sentit de re honesta non posse non eam agere, ne sic quidem virtus scientia est: sicut enim existente re notitia rei jucundæ in bruto brutum non potest non eam appetere, & facultas tamen appetendi à facultate cognoscendi in ipso



ipſo differt ; ad eundem modum quia virtus eſt aptum eſſe ad agenda honeſta licet à notitia honeſtatis hoc oriatur, non tamen ipſa eſt illa notitia aut habitus cognoscendi, ſed ſectādi id quod honeſtum eſt. Similiter res ſe habet de vitiis : quantumvis enim ab inſcitia oriantur, ipſa tamē non in inſcitia ſed in prava cupiditate & actione proprie conſiſtunt.

Ex his conſtat virtutem in electione poſitam eſſe. Sed quia etiam vitia ſunt habitus proæretici, illud porro addendum eſt, cujuſmodi ſit illa proæretis de qua hic loquimur. Vbi id extra cōtroverſiam eſt, quod virtus ſit habitus eligendi quæ bona ſunt. Quid autem bonum in vita ſit, id facile ex libris ſuperioribus repeti poteſt. Certum autem eſt tale eſſe illud tantum quod rectæ rationi & lumini naturæ ac honeſtati congruit. Congruit porro vita rectè rationi, tum demum, cum voluntas & appetitus omneſque ejus motus ita ab illa in officio continentur, ut nec in exceſſu, nec defectu peccent: cum enim voluptas & dolor ſint quaſi duo intimi unius cuiusque mortalium conſilarii, imo omneſe animi motus inſtar nervorum & ſuſum, quibus reguntur atque huc illuc impelluntur actiones & tota vita noſtra, ut eleganter id deducit Plato lib. I. de leg. id cum primis eſt bene & ſecundum rectam rationem vivere, motus illos in omni vita recte compoſcere, compoſcuntur autē cum cōſueſcunt ita, ut modum & me diocritatem teneant. Duo inquit denuo Plato loco quem diximus fontes ſunt voluptas & dolor à natura profluenteſ, e quibus qui haurit, qua parte, quando & quantum ponendus.

X.

Cujus-  
modi res  
eligat  
virtus.Eligere  
quod ma-  
diocro eſt.Modus  
voluptatis  
& dolori  
ponendus.

*oportet felix est, tam civitas inquam universa, quam pri-  
vatus quique, imo quodque animal: qui autem hauriunt  
imprudenter, & cum non oportet iis vita obtingunt con-  
traria. Hæc ille. Et res manifesta est: cum enim af-  
fectus ipsi, ut sunt motus quidam naturales ani-  
mi, (nec enim de corruptione quæ a peccato o-  
riginis est hic agitur) non sint quippiam in se  
moraliter bonum aut malum, sed tantum prout  
congruunt vel repugnant rectæ rationi, quem-  
admodum lib. 2. cap. 6. ostendimus, necessum est  
omnem calamitatem, quæ ab aliis in vita nostra  
oritur inde existere, quod modum a recta ratio-  
ne præscriptum non teneant: sicut enim sanitatis  
obest si nullum sit corporis exercitium & rursus si sit ni-  
mium: ita etiam in fortitudine, temperantia, ceterisque  
morum virtutibus res se habet: qui omnia formidat ti-  
midus sit, qui nihil, audax, neuter fortis est, ait Philoso-  
phus 2. eth. cap. 2. & 1. m. m. cap. 5. Quare cum id  
sit bene vivere appetitum & motus omnes ad  
mediocritatem redigere, virtutis utique est ea e-  
ligere tantum quæ mediocria sunt, estque adeo  
ipsa habitus proæreticus consistens in mediocri-  
tate sive talis qui appetitui & animi nostri cupi-  
ditatibus modum ponit, easque ad mediocrita-  
tem reducit.*

XI.

*Stoici sta-  
tuunt  
virtutem  
non redi-  
gere af-  
fectus ad  
mediocri-  
tatem sed  
evellere.*

Ita docet Aristot. non tantum locis adductis  
sed passim. Et idem sentit Plato, ut supra patuit &  
legi pluribus potest apud Alcinoium cap. 29. &  
Apuleium. Uterq; etiam Philosophus inductio-  
ne omnium virtutum id confirmat. Soli Stoici,  
ut in definiendis animi affectibus & motibus di-  
vortium faciunt, ita etiam non tam sedandos  
animi

animi motus à virtute putant quam evellendos *Seneca.*  
& extirpandos esse. Ita enim Senec. ep. 1. 6. *Vtrum*

satiis, inquit, modicos habere affectus an nullos, saepe qua-  
situm est. Nostri expellunt, Peripatetici temperant. Et *Cicero.*

Cicero in acad. quæst. 10. Cum antiqui perturbatio-  
nem animi ex homine non tollerent. naturaque & condo-

lescere & extimescere & efferrī licita diceret, sed ea con-  
traherent in angustumque deducerent, Zeno omnibus his

quasi morbis voluit sapientem carere. Hinc idem Tul-  
lius Philosophiam Peripateticam mollitiei ac-

cusat Tuscul. 4. Mollis, ait, & enervata putanda est Pe-  
ripateticorum ratio & oratio, qui perturbati animos ne-

cesse esse dicunt, sed adhibent modum quendam, quem ul-  
tra progredi non oporteat. Lactantius lib. 6. instit. ut, c.

14. Stoici, inquit, affectus omnes, quorum impulsu a-  
nimi commoventur ex homine tollunt, cupiditatem, la-

titiam, metum, mestitiam, quorum duo priora ex bo-  
nis sunt aut futuris aut presentibus, posteriora ex ma-

lis. Eodem modo hæc quatuor morbos vocant, non tam  
natura insitos quam prava opinione susceptos. Græci ex-

pulsionem illam affectuum *ἡ ἐμὴν καὶ ἀπαθείαν* *Απάθεια.*  
vocant.

Sed hæc controversia ex iis quæ secundo li-  
bro disputata sunt facile derimetur: cum enim

Stoici per affectus intelligant illos animi motus  
tantum, qui modum jam excedunt & rationis

imperium detrectant, ut eo loco exposuimus,  
cæteri autem Philosophi omnes, motus ipsos in

se sine illa exorbitantia, non tam est discrepantia  
aut dissensio in rebus quam in verbis, ut recte

cenfet B. August. lib. 9. de Civ. Dei cap. 4. & ipse  
etiam Cicero disput. 4. de finibus. Et sane si per

T 5 affe-

Philoso-  
phia Pe-  
ripatetica  
mollitiei  
accusata.

Απάθεια.

XII.  
Quid de  
contro-  
versia hæc  
sentien-  
dum.

affectus intelligas quod Stoici, nullum dubium  
 est, quin non temperandi ij & ad mediocritatem  
 redigendi sint, sed omni ope & conatu extirpan-  
 di, atq; eiiciendi ex animo penitus. Nec vero aut  
 Arist. aut veterum quisquam cum de affectibus  
 temperandis verba faciunt, id docet, ut affectus  
 mediocriter indomitos aut mediocriter errantes  
 habeat vir bonus, sed ut mediocres, id est, recte  
 domitos, cum facile intellexerint, *vitium ipsum  
 temperari aut mediocre reddi non posse, quod ideo vitium  
 sit quia à mediocritate abit, ut diserte hoc docet Phi-*  
 losophus 2. eth. c. 6. t. 41. Hoc ergo extra dubium  
 est. Rursus & illud certum est, si per affectus in-  
 telligas motus in se, ut sunt res naturales tantum,  
 quemadmodum Peripaterici & Academici, nec  
 posse eos eradicari ex animo, nec ut id fiat neces-  
 sum esse. Nō possunt, inquam: etsi enim multum  
 potest, imperium rationis in appetitum sensiti-  
 vum ejusque motus, tamen quam minime fieri  
 potest, ut qui homo est non sit animal, ita etiam  
 appetitum animali naturalem compescere & re-  
 fricare homo potest, plane exuere non potest;  
 animal namque non est quod sensu caret, caret  
 autem isto quod re nulla afficitur quæ in sensus  
 incurrit. Vnde Arist. 2. de anima cap. 3. recte di-  
 cit. *Animalia cuncta unum ex sensibus habent, tactum,  
 inquam ipsum. Atque cui sensus inest, ei voluptas etiam &  
 dolor inest & perceptio jucundi & molesti. Quibus autem  
 hæc insunt ea cupiditatem etiam habent: hæc enim est ap-  
 petitio ejus quod afficit voluptate. Dolori itaque & lu-  
 bationi modum ponere potes, ut autem dolorem  
 nunquam sentias, aut nihil allube sciat, iacere non  
 potes.*

*Affectus  
 eradicari  
 plane non  
 possunt.*

*Aristos.*

potes. Nam quod Stoici ex Epicuro passim decantât, in Phalaridis tauro si sit sapiens, dicturum quam suave est hoc, quam non curo, id, nisi sententiam dividas, nimis profecto magnifice & parum verisimiliter dicitur: fac enim, non curet vel vincat dolorem tantum sapiens ille, at sentiet tamen, cū alias virtutis non sit vincere. Evelli ergo ex animo motus eo pacto non possunt.

Sed nec id necessum est: quamdiu enim limites à recta ratione præscriptos non emigrant, moraliter mali non sunt, ut suo loco demonstravimus. Quare nec virtuti obstant, neq; opus est ut tollantur. Quin tantum abest, ut tolli oporteat, ut sublati ijs nec ipsa virtus moralis esse possit, sicut hoc inductione ostendit Arist. 1. eth. ca. 7. Unde recte Plutarch. lib de virtut. morali: Quo pacto, inquit, ij qui ab ebrietate sibi metuumt non effundunt vinum sed diluunt; ita affectus non abolent qui perturbationes timent, sed iis moderantur. Ita boum etiam equorumque non motus, non opera, sed petulantiam saltus franique rejectionem auferunt: & affectibus subactis ac cicuribus utitur ratio, non plane enervans aut evellens ex animo partem ministeriis ejus destinatam. Pindari est, sub currū equum ad aratrum bovem prodesse, aprum autem qui velit venari, ei laboris tolerantem canem esse inveniendum: multo autem hiis utiliores sunt affectuum fœtus, rationi ubi præsto sunt, eique ad virtutem enitenti opem ferunt. Sic moderata ira fortitudini adjumento est, odium in malos iustitia, ac justa indignatio adversus nullo suo merito rebus secundis elatos, quando hi dementia simul atque petulantia inflammatis animis coercionem opus habent. Iam ab amicitia naturalem

XIII.

Nec necessum est  
ut evellantur.

Plutarch.

tyralem ad diligendum propensionem, ab humanitate misericordiam, à vera benevolentia gaudere una atque dolere, ne si velis quidem auellere ullo possis modo. Præterea si peccant qui una cum insano amore omnem tollunt amorem, equidem non recte agunt, qui propter avaritiam omnes etiam alias damnant appetitiones. Sed perinde agunt ac si quis currendum, quod aliquando impingat, aut iaciendum neget, quia nonnunquam scopo aberretur, aut canendum, quod in erdum inscite canatur. Enimvero sicut musica in sonis concentum non acutarum ac gravium vocum extirpatione, in corporibus medicina sanitatem non internecione caloris aut frigoris, sed proportionem contemperationis querunt atque consciunt: ita in animo etiam rationi victoriæ paratur, cum ea perturbationibus modum mediocritatemque imposuit. Hæc Plutarchus. Idem observat etiam ex nostris Dd. B. Ambrosius lib. 1. offic. c. 12. ubi explicat illud Psal. 4.

*B. Ambr.* Irascimini & nolite peccare: *Moralis magister*, inquit, qui naturalem affectum inspicendum magis ratione doctina quam extirpandum noverat, moralia docet. Hoc est, irascimini ubi culpa est cui irasci debeatis: non potest enim fieri ut non rerum indignitate moveamur, aliqui non virtus sed lenitudo & remissio iudicatur. Irascimini ergo ita ut à culpa abstineatis. Velsic: Si irascimini nolite peccare, sed vincite ratione iracundiam. Ex his itaque manifestum est recte docere Peripateticos & veterem philosophiam, affectus à virtute temperandos esse & modum accipere debere. Patet etiam quod supra diximus, Stoicos tantum de verbis litem movere, quod liquido ex Seneca quoque constare potest. *Quis negat*, inquit *epist. 116.* affectus à quodam quasi naturali principio flu. re?

*Seneca  
confessio  
affectus  
tempe-  
randos  
esse.*

*fluere? Curam nobis nostri natura mandavit, sed huic ubi nimium indulgetis, vitium est. Ita Seneca.*

Verum hic sciendum adhuc est, dupliciter quid dici posse mediocriter, absolute & respectu nostri, sive duplex esse medium, aliud rei, aliud rationis. Absolute mediocriter, seu medium rei, dicitur quod simpliciter inter excessum & defectum interjacet, nullo habito respectu personæ, loci, temporis & cæterarum circumstantiarum. Mediocriter respectu nostri, vel medium rationis, appellatur quod ratio determinat & ideo respectu omnium circumstantiarum tale est. Plutarchus lib. alleg. mediocriter hoc ei maxime simile esse dicit quod in musicis & sonorum harmonia consistit: sicut enim ibi coniecta vox sit, quæ nec acuta nec gravis nimis est, ita in virtute mediocriter dici, quo id quod ultra vel citra modum appetitionis est aufertur; & motus unusquisque veram mensuram & rectitudinem consequitur.

Posse autem absolute aliquid mediocriter dici quod respectu circumstantiarum & considerata re non in se sed ad aliud tale non est, facile liquet. Sic cibus qui cæteris hominibus omnibus nimis est, vix modicus fuerit Herculi, aut athleteæ alicui, puta Miloni Crotonatæ, aut Therageni, quorum uterque die uno taurum quadrimum integrum solus comedit, ut testatur Athenæus lib. 10. cap. 2. Solinus c. 4. aut phagone illi, quem uno die ante mensam Aureliani Imperatoris aprum integrum, centum panes, vervecem & porcellum comedisse scribit Flavius. Vopiscus in Aureliano extremo. Ad eundem modum erogare

XIV.  
*Mediocriter aliquid dicitur dupliciter.*

XV.  
*Et quomodo illud intelligendum.*

*Virtus  
non tam  
in medio  
res quam  
rationis  
posita.*

gare in rem familiarem quotidie sex aureos prodigum est, si quis tenuis fortunæ id faciat, sordidum si princeps : & alio in loco , in aliam rem , duos aureos impendere nimium est, alio loco & in rem aliam vel decem parum. Atque hoc accuratè observandum est : non tam enim in medio rei quam rationis virtus consistit , & hic est modus ille , quem ipsa affectibus ponit, ne plus minusve gaudeas aut doleas quam quod cuique personæ , loco , tempori, &c. convenit. Imo mediocritas aliqua rei seu absolute ita dicta etiam in ipsis vitiis esse potest, rationis non item.

**XVII.**  
*Error La-  
stantii.*

Vnde error Lactantii apparet qui libro sexto institut. cap. 16. eo argumento negat virtutem in mediocritate consistere, quod interdum etiam modicum gaudere vitiosum sit interdum velexultare lætitia non criminiosum. Sane gaudere latrocinio vel punctum temporis malum est & nimium , sicut rursus lætari recte factis nunquam quis nimis potest. Sed hæc nihil ijs obstant quæ diximus: nam si quis etiam mediocriter latrocinio lætetur, mediocriter furetur , nihilominus modum excedit, cum ipsum illud gaudere latrocinio sit ea re gaudere qua non debebas, & furari sit plus lucrari quam convenit. At gaudere ea re qua non decet, & lucrari plus quam oportet, jam tum nimium est & modum ac mensuram, quam gaudio & lucro ratio præscribit, excedit, Non ergo est hæc mediocritas illa rationis seu à ratione definita , imo non est mediocritas nisi in immediocribus & ijs quæ per se jam immodica



dica sunt. Diserte hoc docet Aristotel. 2. ethic. *Aristot.*  
 cap. 6. tex. 40. cujus integrum locum adscribe-  
 mus. Non omnis actio, inquit, nec omnis perturbatio  
 medium recipit. Sunt enim quadam quarum nominibus  
 statim vitium est implicatum, ut malevolentia latens  
 alieno malo, impudentia, invidentia, & in actionibus,  
 furtum, adulterium, cades, Hac enim omnia, & quæ  
 sunt hujus generis, sic appellantur, quod ipsa mala sint,  
 non eorum immoderationes aut deficientia. Nun-  
 quam igitur fieri potest, ut ex his aliquid recte fiat, sed  
 semper peccatur ea agendo, neque in talibus recte aut non  
 recte faciendi vis in eo posita est, ut quatenus & quo tem-  
 pore & quo modo adulterium facere oporteat, animad-  
 vertatur, sed simpliciter & absolute quidvis horum ad-  
 mittere, peccare est. Sanè vero medietatem seu medium in  
 his postulare perinde sit ac si quis in iniuria faciendæ, in  
 vita ignava, in intemperantia medietatem & nimium &  
 parum quærat. Nam hac quidem ratione esset nimis  
 & ejus quod parum est modus ac medietas, & nimis  
 nimium & ejus quod parum est aliquid parum. Sed  
 quomodo temperantia ac fortitudinis nec nimium est, nec  
 parum (propterea, quod medietas quodammodo est sum-  
 mum) sic ne illorum quidem medietas est, nec nimium,  
 nec parum, sed ut quidque admissum fuerit, ita peccatum  
 est. Omnino enim nec nimis, nec ejus quod est parum,  
 mediocritas esse potest, nec medietatis nimium & pa-  
 rum. Atque hætenus ostensum est, quænam  
 sit natura virtutis moralis, facile jam ejus definitio  
 assignari possit, si illa omnia quæ hætenus  
 dicta sunt in unum fasciculum quasi colligan-  
 tur: erit enim nihil aliud, quam habitus proarerti-  
 cus consistens in mediocritate ea quæ ad nos est, sive quam  
 recta

*reclaratio & vir prudens determinaverit, ut ea definitur 2. ethic. cap. 6.*

## CAPUT II.

**De subjecto virtutum moralium: ostenditur etiam paullo accuratius quomodo ea parentur & quis sit illarum numerus.**

## SUMMARIA.

- 1 *De quibus deinceps agendum.*
- 2 *Duplex in homine appetitus & in utro sit virtus moralis.*
- 3 *De virtutibus Theologicis hic non agi.*
- 4 *Res aliquot assertionibus explicata. Prima assertio:*
- 5 *Resp. ad rationes Thomæ.*
- 6.7 *Secunda & tertia assertio.*
- 8 *Quomodo virtus pareatur.*
- 9 *Objectionu dilutio.*
- 10 *De numero virtutum.*

**Q**UÆ sit natura virtutis moralis ita explicavimus, & definitionem quoque ejus attulimus. Verum ut illa omnia rectius adhuc intelligantur tria præterea exponenda sunt; primo quodnam sit subjectum virtutum moralium, secundo quomodo comparentur: etsi enim jam ante hujus rei facta est mentio, paulo pressius tamen id considerandum est, tertio quis sit illarum numerus,

Diximus

Diximus supra, virtutem moralem consistere in appetitu & compescere ac moderari animi cupiditates, sed cum duplex in homine sit appetitus rationis & sensus nondum liquet uter illorum subiectum virtutis moralis sit; imo neque hoc, an uterque an alteruter, sicut nec id constat, an ideo illa compescere dicatur appetitum sensitivum eique moderari, quod ipsa sit motus ille in appetitu, an quod efficiat eum tantum; cum enim hæc duo ad refrænandum appetitum concurrant, imperium voluntatis quæ appetitum regit & obedientiam appetitus qui regitur, id quæritur an utraque facultas illa, puta rectè imperandi & prompte obediendi, sit virtus, an altera tantum & utra illarum. Et habet hæc controversia non parvam difficultatem. Arist. ut censebat Piccolomineus, omnes virtutes morales collocat in sola appetitu sensitivo, idque ex multis ejus locis ille evincere vult grad. 4. Phil. moral. c. 3. Thom. 1. 2. qu. 59. & passim pro triplici earum objecto, bono divino seu supernaturali, bono naturali proximi, & bono naturali proprio, aliud atque aliud illarum subiectum facit. Vocat autem bonum divinum objectum virtutum Theologicarum, bonum proximi objectum justitiæ & liberalitatis, bonum proprium denique objectum temperantiæ fortitudinis &c. Virtutes ergo quæ objectum habent bonum divinum, aut bonum proximi, statuit esse in voluntate, cæteras tantum in appetitu sensitivo, Scot. 3. sentent. dist. 33. omnes virtutes morales in sola voluntate constituit, & quamvis habitus aliquos ponat

11.

*Duplex in  
homine  
appetitus  
rationis  
& sensu-  
sum.*

*An in al-  
tero an in  
utroq; eo-  
rum sit  
virtus  
moralis.  
Piccolom.  
Thom.*

Scotus.

V

etiam

etiam in appetitu sensitivo, dicit tamen eos quorundam tantum modo & minus propriè virtutes esse. Idem sentit Bonavent. loc. cit. art. 1. q. 3.

III.

*De virtutibus theologicis hic non agi.*

*Etiam voluntas perficitur habitibus.*

Hanc controversiam ut breviter expediamus, dimittimus primò ab hac tractatione virtutes Theologicas : nam neque hæc huc pertinent & extra controversiam est earum subjectum esse voluntatem tantum : cum enim bona illa divina circa quæ versantur, ab appetitu sensitivo nec in universali nec in particulari attingi possint, facultas quoque appetendi ea resistere in appetitu sensitivo nequit. Deinde duas hypotheses ponimus, quarum prima hæc esto : Non tam appetitus sensitivus, sed etiam voluntas habitu perfici potest, & habitu indiget. Docet hoc Thom. quaest. 50. art. 5. Explicatur ita Quiaquam voluntas respectu earum rerum, quas natura sua & necessario appetit, habitu non indiget : ad quod enim natura proclivis est, ad id opus non est, ut inclinetur per qualitatem sibi superadditam : indiget tamen in cæteris. Cum enim, ut lib. 2. c. 5. ostendimus, hæc potentia animi formaliter & primò sit libera, id est, ita indifferens ad hoc aut illud faciendum vel omittendum, ut ea etiam, quæ intellectus proponit, tanquam bona, acceptare aut non acceptare possit, indiget utique habitu à quo indifferentia illa quantum per voluntatis libertatem fieri potest, ad certum quid determineretur. Qui libertatem arbitrii formaliter sitam in intellectu esse censent nullos huiusmodi habitus admittunt : si enim voluntas necessario id omne sequitur, quod ratio suadet, ut illi statuunt,

non

non opus est aliis in anima rationali habitibus, quam intellectivis, cum intellectu recte se habente laborare voluntas nequeat. Sed hunc errorem tum rejecimus ubi de libertate arbitrii actum fuit. Perfici ergo voluntas potest & debet habitibus. Altera hypothesis est. Quamquam una & eadem specie ac numero virtus esse in duabus diversis animi potentiis ex æquo non potest, attamen virtus, quæ est in una potentia principaliter, extendi potest per modum diffusionis ad aliam, ita ut eandem retineat materiam & idem nomen. Sic docet

*Virtus  
quæ est in  
una po-  
tentia ex-  
tendi po-  
tèst certo  
modo et-  
iam ad a-  
liam.*

Thomas quæst. 56. art. 1. Explicatur hoc pacto: Duas diversas animi potentias non posse esse subjectum unius specie & numero virtutis inde patet, quod perfectiones potentiarum respiciant easdem formales rationes objectorum; quas respiciunt ipsæ potentia. Sicut ergo potentia illæ propter diversam rationem formalem objectorum specie, imò genere differunt, ita etiam habitus qui perficiunt potentias illas. Posse tamen habitum qui in una potentia principaliter resideat extendi etiam ad alium, illo quo diximus modo, ex prudentia disci potest: hæc enim etsi habitus est intellectus, extenditur tamen certo modo etiam ad voluntatem, ut suo loco ostenderetur.

His præmissis rem totam aliquot assertionibus complectemur. *Primò*, cum virtus omnis moralis nihil sit aliud quam proximum principium rectè agendi, agat autem propriè & principaliter id quod primò movet, secundariè ve-

*IV.  
Res tota  
aliquot  
assertioni-  
bus expli-  
catur.*

*Virtutis  
principa-  
liter resi-  
det in vo-  
luntate.*

*Scotus.*

rò quod movet motum ab alio; dicimus, virtutes  
morales omnes ejus præcipuè appetitus perfe-  
ctiones esse, quia actionem bonam producit eò  
quod illam imperat, & secundariò tantum ejus  
qui istam producit quatenus imperanti promptè  
obædit. Hæc assertio, quoad virtutes quæ respi-  
ciunt alterum, satis confirmatur à Thoma, cum  
enim appetitus sensitivus non versetur circa bo-  
num nisi proprium, nec virtutes, quarum obje-  
ctum est bonum alterius; in appetitum sensitivo  
residere possunt. Equidem appetitus sensitivus  
interdum etiam bonum proximi, sed tum tan-  
tum, quando inter duo individua conjunctio  
quædam est quæ ex amore proficiscitur. At hæc  
in re virtute opus non est: ut enim quem ama-  
mus ei benè cupiamus, id habitum non requirit  
quia solus affectus ad illud sufficit. Quod attinet  
autem ad virtutes morales omnes; ita hoc pro-  
batur ex Scoto. Primò si voluntas in se est deter-  
minata ad benè & malè agendum, sive ut supra  
ostendimus, indiget habitu, opus utique habet  
virtute. Sed hæc non potest esse, nisi virtus mo-  
ralis. Ergò. Secundò posito etiam quod volun-  
tas determinetur ab intellectu ad rectè agen-  
dum, jam nihilominus habitu indiget, ut quod  
ægrè alias facit, & cum difficultate, id promptè  
& facile fiat. Sic intellectus etiam, licet sæpe per  
potentiam naturalem rectè ratiocinatur, prom-  
pte tamen & facile illud non exequitur, nisi ha-  
bitus logicus accedat: imò hoc conferunt potè-  
tiis naturalibus habitus, non tam ut rectè faciant  
aut operentur, quàm ut id promptè & cum vo-  
lupta-

luptate fiat. Tertiò probatur idem ex Bonaventura hoc pacto: Quicquid est primum subiectum libertatis, illud quoque est primum subiectum habituum eorum, ob quos laudamur vel culpamur: laudari enim & culpari respectum involvit ad libertatem agendi. Sed primum subiectum libertatis est voluntas, non appetitus sensitivus, ut suo loco docuimus. Ergo etiam voluntas est primum subiectum habituum moralium. Alia argumenta affert Gregor. de Valentia tom. 2. disput. 5. q. 2. puncto secundo. Plura habet ipse Scotus, quem hic omnino vide.

Nec rationes Thomæ & Piccolominei magnam difficultatem habent, quorum ille, ut diximus aliquas, hic omnes virtutes morales in solo appetitu sensitivo collocat. Piccolominei certè longe petitiæ sunt & confutatione opus non habent. Thomæ præcipuum fundamentum hoc est: Si objectum appetitus sensitivi ad mediocritatem reducti proportionatum est voluntati, non eget ea ad id persequendum habitu. Sed & tale: congruit enim rectæ rationi. E. Verum negatur consequentia maioris: etsi enim voluntas tale quid non potest secundum se repudiare, potest tamen id facere propter conjunctam difficultatem & molestiam. Et certè si illa proportio sufficeret, jam nec circa bonum alienum voluntas indigeret habitu, quoties illud ab intellectu proponitur ut rectæ rationi consentaneum. At ipse Thomas statuit, circa bonum alienum opus esse habitu voluntatis, propter difficultatē conjunctam, à qua sæpe impeditur, ut illud etiam refu-

v.  
Respon-  
detur ad  
rationes  
Thomæ.

giat quod tamen, ut bonum, amplecti deberet, quidni ergo requiratur eadem de causa circa bonum proprium? ista ergo est prima assertio.

*VI.  
Secunda  
assertio.*

*Gabriel.*

*Etiam  
appetitus  
sensitivus  
capax  
virtutis  
est.*

*Secunda* hæc sit: Etsi virtutes omnes præcipue sunt in voluntate, ea tamen quæ bonum cuiusque proprium spectant certo modo etiam, inhaerent appetitui sensitivo & rectè etiam, prout in eo sunt, virtutes dicuntur. Sic statuit contra Scotum & Bonaventuram Gabriel Biel. 3. sentent. distinct. 33. & post eum Gregor. de cit. Ostenditur hoc ita. Primo appetitus etiam sensitivus est principium rectarum actionum. Actio autem recta non potest proficisci à potentia nisi benè illa sit disposita: virtutis ergo ille quoque capax est. Deinde evincunt hoc loca Aristot. multa. Ita Ethic. c. ultimo disertè docet virtutes morales esse in appetitu quod de sola virtute intelligere nulla necessitas cogit. Expressius adhuc idem didicit 1. magn. moral. c. 5. cum ait virtutes morales sitas esse in parte irrationali; quod de fortitudine & temperantia repetit 3 Ethic. c. 10. Nec magni momenti est quod subijcit Scotus, virtutem esse habitum præteriticum: etsi enim præteritis principaliter competit eligenti, tamen tribui & illi potest quod præteriti, obsequitur sive quod electioni conformiter agit, ut docet Cajet, 1. secundæ quæst. 56. art. 4. Imò ait, appetitus sensitivus suo modo principium est electionis sive eligere aliquid facit, licet mediatè & indirectè: movet enim hoc pacto voluntatem ipse quoque, ut lib. 2. ostendimus cum de iis quæ voluntatem movent ageremus.

*Tertia*



*Tertia assertio.* Et si Aristot. multis in locis appetitui sensitivo tribuere videtur virtutes morales; dubium tamen non est, quin simul etiam in voluntate eas esse positas velit. Pater hoc primo ex definitione virtutis, proæreticum enim illud maximè est quod eligit, & magis quàm id quod electioni conformiter agit. Secundò ex Politicis, ubi docetur maiorem virtutem esse in facultate animi superiore, quàm inferiore: Tertiò expressè dicit 8. Ethic. cap. 13. præcipuam rationem virtutis & morum in electione consistere. Quoties autem virtutes ponit in parte irrationali accipiendum illud est etiam de voluntate, ut ea contradistinguitur intellectui sicut non tantum Scot. hoc loco, sed etiam Thom. quæst. 65. art. 6. ad secund. facit. Et sanè cum Arist. per irrationale intelligat præcise id quod ratiocinari aut intelligere non potest, quo pacto etiam voluntatem irrationalem esse certum est. Unde nec Ethic. cap. ultim. dicitur appetitum sensuum esse irrationalem, sed simpliciter appetitum, ὁ ἐξ ἡσυχίας etiam voluntatem & præcipuè eam complectitur, ut ex tot. cap. 2. lib. 6. manifestò patet. Imò ipse Aristot. in primo ostendit non de solo sensitivo sed de omni appetitu sermonem esse, cum ait, τὸ δὲ ἐπιθυμητικὸν, καὶ ὅλως τὸ ὀρεκτικόν, illud autem concupiscit, & in universum quod appetit, eatenus ratione participat quatenus ei obedit. Tantum de subiecto virtutum moralium.

Quomodo verò illæ comparantur porrò jam considerandum est. Dictum est cap. 1. fieri id

consuetudine potissimum, quæ cujusmodi esse debeat 2. ethic. cap. 1. 2. & 3. ostenditur. Primum autem & communissimū præceptum est, actiones omnes institui oportere juxta rectam rationem, seu id operam dandum, ut non illud in vita fiat, quod videtur aut maximè libet, sed quod expensis omnibus circumstantis quam rectissimum deprehenditur: nam omne honestum in arduo est, etiam quod vicinum honesto est: non enim tantum fieri debet sed ratione fieri. Hac duce per totam vitam eundem est, minima maximaque ex huius consilio gerenda sunt, ut Seneca ait libr. 2. de benefic. cap. 18. Ejusmodi autem est quod verum modum & mediocritatem ac concinnitatem habet: sicut enim actiones virtutis consistunt in medio, ita sine dubio & eæ quibus virtus paratur illis aut similes aut eadem sunt. Sed quia difficile est mediocritatem & modum in rebus omnibus tenere, sicut & in circulo medium nancisci non cuius vis sed artificis tantum est, id proximum fuerit, ut ab eo extremorum quod medio maximè adverteratur, studiosissimè semper recedatur: hoc enim citius ad medium pertingemus. Tertiò cum multæ ad consequendum habitum requirantur actiones, desistendum ab hac adsuetactione ante non est, quam id quod agimus prompte & cum animi aliqua voluptate nos facere sentiamus: quanquam enim numerus definitus actuum, quibus habitus paratur, non est, id tamen indicium certum fuerit, jam cum esse acquisitum, si illud cum animi iucunditate & facile ac prompte nunc

agas

*Primum  
præceptum.*

*Secundum.*

*Tertium.*

agas quod agere ante & cum difficultate fiebat. Quarto attendendum est ad quæ vitia naturâ *Quar-*  
 potissimum proclives simus, ut ita in contrarium *tum.*  
 nitendo ad virtutem pervenias: sicut enim qui li-  
 gna curva dirigere volunt in partem contrariam  
 ea flectunt, ita etiam hic faciendum est & natura  
 in contrarium trahenda idcirco ut in medio con-  
 stituatur. Postremo in omnibus suspecta esse de-  
 bet voluptas corporis; cum enim hæc à primis  
 annis in sensus & animum nostrum irrepit, facil-  
 limè ea nobis imponit & nos dulcedine sua de-  
 pravat, ac planè ut pecunia iudices corrumpit,  
 ita hæc animum occæcat ut pravè de rebus no-  
 stris & omni vita sæpè statuamus. Vnde Cicero  
 I. offic. Pertinet, inquit, ad omnem officii quæstionem  
 semper in promptu habere quantum natura hominis pe-  
 cudi bus reliquisque bestiis antecedit: illa enim nihil sen-  
 tiunt nisi voluptatem ad eamque feruntur omni impetu, ho-  
 minis autem mens discendo alitur & cogitando semper  
 aliquod aut inquit aut agit, videndi, & audiendi de-  
 lectatione ducitur: quin etiam si quis est paullo ad volupta-  
 tes propensior modo non sit ex pecudum genere: sunt enim  
 homines quidam non re sed nomine, sed si quis est paulò e-  
 rectior, quamvis voluptate capiatur, occultat & dissi-  
 mulat appetitum voluptatis propter verecundiam. Ex  
 quo intelligitur corporis voluptatem non satis esse dignam  
 hominis præstantia: eamque contemni & reiici oportere: sin  
 sit quispiam, qui aliquid tribuat voluptati, diligenter et  
 tenendum esse modum ejus fruenda. Hoc ratione pa-  
 ratur virtus.

Sed hic difficultas aliqua adhuc est. Ostendi-  
 mus bona agendo bonos fieri, & diximus a ctio- *IX.*  
*Objectiones*

nes quæ gignunt in nobis virtutem, aut easdem esse cum illis, quas postmodum virtus ipsa producit, aut certè illis similes. Quæri ergo potest & quærit ipse Aristoteles loc. cit. cap. 4. qui possit quis bona agendo fieri bonus, puta temperanter vivendo temperans, liberaliter faciendo liberalis, &c. cum is qui bona agit jam sit bonus, qui temperanter vivit, temperans, &c. Ita qui grammaticè scribit grammaticus est, qui vestes rectè conficit sartor & sic porro in artibus cæteris. Quæri deinde & hoc potest: si actiones illæ quæ præcedunt virtutem sunt eadem cum iis quæ illam sequuntur, quæ fiat quod illæ sint ejus rei causa hæ tantum sunt effectus? Verum sciendum est primò, aliud esse bona agere & illud bene agere propriè loquendo. Bona agit quisquis agit quod agunt boni, bene, qui eo modo & animo id agit quo illi. Deinde longè diversa ratio est virtutum & artium: quæ enim ab arte fiunt ea bonitatem suam in semetipsis positam habent, quæ à virtute in animo agentis, cum in illis spectetur tantum quid fiat, in his, non tam quid, quàm quomodo factum sit. His observatis facilè responderetur utrique objectioni. Ad priorem sic. Boni fiunt agendo bona, nec tamen jam boni sunt dum fiunt, quia bonus nondum est qui bona agit sed qui benè. Ita qui abstinet à turpi aliqua voluptate facit quod temperantes solent, sed temperans tamen statim non est: nam fortè invitus facit. Nec impedit quod grammatici sunt qui grammaticè scribunt, cum alia ratio sit virtutis alia artium, ut diximus. Imo fieri & hoc

*Alia ratio ar-  
tium alia  
virtutum  
moralium.*

hoc potest, ut grammaticè quis scribat, qui tamen grammaticus non sit, quod tale quid fieri possit etiam fortuito vel certè suggerente altero. Ad posteriorem objectionem dicimus, actiones quæ præcedunt & sequuntur habitum virtutis, esse unas & easdem materialiter potius quàm formaliter; formam enim omni actioni morali præbet animus potissimum agentis & principium in animo à quo illa proficiscitur, ut infra ostendemus. Simpliciter ergo seu specie eadem non sunt, etsi nec toto genere tamen differunt, ut rectè docet Piccol. grad. 2. cap. 10. Hæc ita sic se habent.

Unum restat scilicet quis sit numerus virtutum; qua de re variè fuerunt opiniones veterum. X.  
De numero virtutum. Menedemus Eretrienſis & Aristot. Chius unam tantum faciebant, quæ vel nomine vel objectis solùm differret, ut testatur Plutarchus de virtute morali in initio. Eandem opinionem ibi etiam Zenoni Citrico & Chrysippo tribuit. Sed hic error pridem profligatus est. Plato & Aristot. quanquam copulatas inter se virtutes esse statuunt, plures tamen faciunt. Præcipuæ quarum Plato mentionem facit, sunt Prudentia, iustitia, temperantia, fortitudo & sanctitas. Vide eum in Protagora & Alcinoium cap. 28. Aristot. novem, vel si magnificentiam à liberalitate & magnanimitatem à modestia distinxeris, undecim proponit & explicat: in numerum autem ipsum nusquam inquit. Doctores Scholastici vulgo ex D. Ambrosio lib. 1. offic. cap. 24. & lib. 5. in Lucam cap. 6. *Beati pauperes*, & aliis Patribus, qua-

quatuor, adferunt virtutes cardinales temperantiam, justitiam, prudentiam & fortitudinem. Et alii alias rationes proponunt quibus numerum istum confirmant. Nos illum qui est apud Arist. verum & legitimum esse arbitramur. Neque hoc ratione sed inductione ostendimus, ut fieri etiam alias solet quum numerus specierum aliquarum est assignandus. Sufficiens est numerus iste, quia nulla moralis virtus, quæ ad vitam civilem spectat & natura duce cognosci aut parari potest, reperitur præter has, nec justo major est, quia omnes quas recenset Arist. specie distinctæ sunt. Sunt quidem qui insufficientiam hic nobis ostendere conantur, præsertim Ethicæ, ut vocant. Christianæ authores, sed errant. Ajunt omissam esse pietatem, beneficentiam, misericordiam & similes habitus. Verum aut intelligitur per pietatem amor erga parentes & propinquos, aut cultus nominis. Si illud, non est virtus sed affectus bonus: à natura enim inest; sin hoc, non est virtus civilis sed Theologica: quomodo enim Deus rectè colatur naturâ duce cognosci nequit, nedum cultus ille rectè peragitur illius viribus. Beneficentia autem cū liberalitate ferè coincidit. Misericordia deniq; accipitur itidem vel pro animi nuda cōmotione, vel pro habitu quo misericordiam exercemus. Si pro cōmotione est affectus, sin pro habitu rursus est liberalitas: pauperi enim stipem dare & miseriam ejus hac ratione sublevare ad illam virtutem pertinet. Eadem ratio est cæteris quæ pro augendo numero virtutum allegari hic plerumque solent.

CAPVT

*Sufficiens numerus virtutum qui est apud Arist.*

## CAPVT III.

De natura vitiorum horumque inter se distinctione & oppositione.

## SUMMARIA.

- 1 *Vitium nunc habitum nunc actum dicere.*
- 2 *Proclivitas ad bonum & malum in civilibus.*
- 3 *Discrimen inter actum & habitum malum.*
- 4 *Quid sit vitium.*
- 5 *De vitiorum distinctione, & quomodo ea distinguant.*  
*Thom. & Scot.*
- 6 *Cajet. sententiam Thom. nimis latè extendere.*
- 7 *Distinctionem non posse sumi ex solo ordine ad obiectum.*
- 8 *Cajet. refutatur.*
- 9 *Vitiorum oppositio.*

POSTQUAM de virtute in genere agimus, locus hic monet ut & de natura vitiorum aliquid dicatur: quia enim virtus omnis inter duo vitia, aut extrema medium aliquod est, hoc rectius natura & indoles ejus cognoscetur, si etiam vitiorum ipsorum naturam noveris. Primo autem ostendetur quid sit vitium, secundo quomodo vitia inter se distinguantur, & tertio quomodo opponantur cum virtutibus sibi inter se. Principio igitur notum est vitiū appellari interdum

*I*  
*Vitium*  
*interdum*  
*de habitu,*  
*interdum de actu*  
*aut dicitur.*

dum actum, interdum habitum vitiosum. Priori modo vox accipitur cum consul dicitur vitio creatus esse, posteriori cum vitia appellantur avaritia, injustitia, intemperantia & quæ his sunt similia. Est verò posterior vocis acceptio frequentior & magis usitata, qua & hîc à nobis capitur de habitibus enim vitiosis sermo nobis est. Quia tamen de habitu judicari non potest nisi ex actionibus, quarum ille principium est, ita de vitiis ipsis disputabitur à nobis, ut vitiosorum actuum identidem mentio facienda sit. Non tantum autem accuratè distinguendum est inter habitum & actum malum, sed in universum inter tria ista, habitum, actum & proclivitatem malam: his enim confusis natura vitiorum rectè percipi nequit. Singula quid sint exponemus.

II.  
*Proclivitas ad bonum & malum in civilibus.*

Ostendimus suprà, hominem nec virtute nec vitiis præditum nasci, sed semina utrarumque rerum cum nascendi origine copulata habere. Semina ista virtutum & vitiorum sunt proclivitas ad virtutem & vitium, sive indoles utriusque rei capax: virtus tamen & vitium ipsum non sunt, ut itidem tum diximus. Est autem proclivitas illa ad bonum à lumine naturæ & libero arbitrio, quantum illud cumque in homine post lapsum manet, proclivitas ad malum à corruptione naturæ: cum enim de rebus civilibus rectè judicare adhuc per naturam homo quadamtenus possit, vel etiam & facere pro arbitrio hæc talia, proclivitas utique ejusmodi in homine reliqua est. Sed cum contrà in his ipsis rebus idem errare possit & facultas illa faciendi quæ recta sunt imbecillitate

magna



magna laboret, sit ad mala non minus, imò magis inclinet. Et ut verbo dicam, sicut lumen illud naturale intellectus, & libertas illa reliqua voluntatis, in uno subiecto cum peccato originis & naturæ corruptione conjunguntur, ita etiam igniculi illi boni cum pravis cupiditatibus in nobis copulantur. Quare nec ita naturâ homo tepedit ad bonû, quin proclivior idem sit ad malum: nec rursus tamen ita fertur in malum, quin in rebus civilibus etiam bonum sequi possit. Signanter dico, in rebus civilibus, quia in spiritualibus id per proprias vires planè non potest ut lib. 2. multis ostendimus. Proclivitatem ergo malam vocat Ethicus, cum ad id naturâ ferimur quod civiliter malum & in honestum, sive quod ex lumine naturæ cognoscitur malum esse, sicut proclivitas ad bonum ei est ferri ad id quod honestum & lumini naturæ congruum. Cæterum à proclivitate illam ad malum oriatur actus mali, à proclivitate ad bonum actus boni, qui cum crebrò repetuntur gignunt habitus: ita enim fieri videmus ut qui crebrò agit recta aut prava is promptitudinem sibi in utroque paret majorem quàm quæ aderat antea. Hæc promptitudo nova & naturali potentiz superveniens habitus est: qui si ortus sit à bonis actibus bonus est & virtus, si à malis malus & vitium.

His ita explicatis facilè jam est intelligere quid sit habitus malus, quid actus & proclivitas mala, modo id tantum adhuc notes, actus malos esse non solum eos qui antecedunt habitum malum sive vitium, atque id producant, sed etiam quos

*Actus boni & mali.*

*Habitus.*

*III. Discrimen inter illa omnia.*

quos habitus ipse & vitium illud postmodum procreat. Vnde & discrimen illorum omnium apparet magnum sanè; proclivitas enim mala à natura inest, actus autem & habitus mali ei superveniunt & à nobis superadduntur; item actus est aliquid transiēs, sed habitus permanet. Cum ergo de natura vitiorum & in universum de virtutibus sit mentio in Philosophia morali, non intelligitur vel proclivitas illa naturalis vel actus aliquis malus sed habitus. Equidem Theologi peccatum etiam originis vocant vitium & tamen illud natura inest & in naturali proclivitate ad malum consistit sed id idèd fit ut peccato actuali eò rectius contra distinguatur, & quia corruptio illa totam naturam insedit & peccatorum actualium omnium principium & origo est, sicut eodem sensu etiam habitum corruptum malum habituale appellare solent.

*Quomodo  
peccatum  
originis  
vocetur  
habitus.*

*IV.  
Quid sit  
vitium.*

Quæ omnia si quis rectè observârit facillè jam intelliget, quid sit vitium propriè loquendo & ut hic loci vocem illam accipimus: sicut enim virtus est habitus eligendi ea quæ bona sunt & observandi mediocritatem in rebus omnibus, ita contrà vitium fuerit habitus eligendi mala, seu sectandi ea in vita quæ à modo & mediocritate aberrant, sive id excessu sive defectu fiat. Dico esse habitum electivum sive proæreticum: quemadmodum enim virtus non est si vel semel vel casu rectè quis quid faciat, sed electionem in animo bonam esse oportet, ita nec vitium propriè est ubi vel semel vel ex affectu vel imbecillitate aliqua quispiam impingit, sed cum ita compara-

tus

tus animo jam est, ut quod facit deliberato faciat & actionibus ejusmodi assueverit. Nam quod de injustitia Marcus Tullius dicit 1. off. *permaletum interesse, utrum perturbatione aliqua animi, quæ plerumque brevis est & ad tempus, an consulto & cogitato fiat iniuria. leviora enim esse ea quæ repentino aliquo motu accidunt quàm ea quæ meditata & preparata inferuntur*, idem de omni actione mala valet: tum demum etiam vitium adest, ubi consulto & planè liberato animo mala perpetramus. Et ut supra diximus signum id esse virtutis acquisitæ si bona agantur cum animi voluptate: ita vitium consummatum est, cum turpe quippiam non solum delectat amplius sed etiam placet. Paret hoc ex intemperantibus & incontinentibus. Neutri enim voluptatibus corporis modum ponunt, sed multum interest tamen, incontinensne sis an intemperans. Incontinens voluptati indulget, sed affectu aliquo præventus: etsi enim temperare sibi nequit, non tamen ei placet sic agere, quia statim dolet ubi cupiditatem expleverit. Causa est quod vi affectuum potius quam animi electione talia facit. At intemperans ita voluptates illas sectatur, ut putet rectè se facere, & gaudeat ijs, nec post factum quidquam ejus ipsum pœniteat. Quare intemperantia revera est vitium, sed incontinentia dispositio tantum prava, etsi & hæc ipsa degenerare in illud tandem potest, si diutius duret. Hinc etiam fit quod incontinentia, & pravæ dispositiones similes, commendari possunt, vitia ipsa vix possunt: præterquam enim quod etiam aliàs in universum dis-

*Esse habitum & consistere in electione.*

positiones facile, habitus admodum difficulter loco moventur, ut ex Logicis notum est; id hinc necesse est evenire. Causa hæc est quod electio primum illud movens in omni actione virtutis, depravata est: unde etiam iudicium corrumpi sensim oportet: nec enim facile quis consultò & deliberatò facit, nisi quod omnino pulchrum esse penitus sibi persuasum habet, adeoque ita facere jam assuevit: *desinit autem remedio esse locus ubi qua fuerant vitia mores sunt*, inquit Seneca epist. 59. Et quò rectum maneat iudicium aut remedio locus, cum principia ipsa aboleantur per vitia, ut de intemperantia hoc expressè docet Aristoteles ethic. cap. 5 Ita patet vitia in electione consistere.

*Qualis sit  
electio in  
vitiis.*

Eliguntur autem ea quæ à modo & mediocritate aberrant excessu aut defectu. Vbi duo observanda sunt. Vnum est excessum & defectum illud æstimari ex natura ejus mediocritatis quæ virtuti propria est: sicut enim virtus non tam consistit in medio aut mediocritate rei quàm rationis, ita etiam excessus & defectus intelliguntur hoc loco illi qui isti mediocritati opponuntur. Alterum est, excessum & defectum interdum unum, interdum & quidem plerumque duo diversi vitia & habitus constituere. Vno vitio comprehenduntur tam excessus quam defectus, quando una & eadem actio plus & minus habet, sicut contingit in injustitia: qui enim injustè agit is unâ actione excedit modum & deficit, quia plus boni sumit & minus tribuit alteri quàm debebat, aut minus mali ipse tolerat, plus alteri relinquit. Duo distincta vitia oriuntur quo-

tur quoties distinctæ actiones sunt quarum una tantum non excedit modum, altera tantum deficit in cæteris vitiis omnibus. Ita qui avarè agit deficit tantum, puta in eroganda pecunia, qui prodigaliter, modum excedit tantum, &c. Vnde etiam fit quod soli justitiæ unum vitium opponatur, cæteris virtutibus binia semper, item quod justitia medium obrinere dicatur inter duo extrema tantum, cum cæteris virtutes mediæ sint inter duos habitus vitiosos. Ita liberalitas intercedit inter prodigalitatem & avaritiam duos distinctos & peculiares habitus, fortitudo inter timiditatem & audaciam, &c. Justitiam autem habitus vitiosus utrinque non circumstat, sed virium, quod ei opponitur unum tantum, plus & minus suo complexu continet. Hæc est natura vitiorum.

De distinctione autem eorum statui non potest nisi perspecta ante fuerit, distinctio actuum malorum. Quomodo vero actus malus unus distinguatur ab altero, conversantur inter se Doctores Scholastici Thom. i. secundæ q. 72. art. 1. specificam distinctionem petit ab objectis sive à controversione actionis ad aliud atq; aliud objectum virtutis objecto contrarium. Verba ejus hæc sunt: Manifestum est quod unumquodque consequitur speciem secundum illud quod est per se non autem secundum id quod est per accident. Et ideo peccata specie distinguuntur ex parte actuum voluntariorum magis quam ex parte inordinationis in peccato existentis. Actus autem voluntarii distinguuntur specie secundum objecta: unde quitur quod peccata proprie distinguantur specie secundum ob-

*dum objecta.* Scotus contra 2. sent. dist. 37. discrimen illud ponit in aversione actionum à debito fine, sive privatione perfectionis, quàm adesse in ijs oportebat: Cum, inquit, *privaciones distinguantur specie ex distinctione habituum specifica, & numero ex distinctione habituum numerali*, peccata quæ sunt privationes quadam, scilicet rectitudinum quæ deberent inesse actibus, distinguuntur formaliter ex distinctione talium rectitudinum. Ut quando debent haberi diverse rectitudines specie, sunt carentia diverse specie, & ita per conversiones ad objecta, quæ non sunt mala nisi materialiter, non distinguuntur ipsa peccata, sed formalis ratio in eis distinguitur in comparatione ad rectitudinem aliam & aliam specie quæ debet inesse. Hæc Scotus. Discrimen exempli gratia inter actiones hominis intemperantis & injusti in eo ponit Thomas, quod actiones intemperantis spectent illicitas voluptates corporis, actiones injusti bona aliena. Scotus quod actiones intemperantis careant rectitudine quam intemperantia observat, actiones injusti rectitudine quam præscribit justitia.

VI.  
Cajeta-  
nus sen-  
tentiam  
Thomæ  
nimis late  
extendit.

Cajetanus ad Thomam loc. cit. eousque sententiam Thomæ extendit, ut illum ordinem actus mali ad objectum putet esse ipsam formalem ejus rationem, & vocet malum contrarium sive malitiam positivam, cum privationem rectitudinis quæ est in actu malo appellet malum privativum. Et hinc est quod tria dicit concurrere ad actum intemperantis, primò actum ipsum, secundò malitiam contrariam temperantiæ, & tertio denique privationem rectitudinis quæ est intemperantia & esse in illo actu debebat. Primum

mum vocat *materiam bonitatis* & malitiæ, alterum  
*formam ipsam* inemperantiæ, & tertium *consequens*  
 ejus aliquod. Caseranus sequitur Bartholo- *Eum se-*  
 mæus Medina in 1.2.q.71. artic. 6. Ante utrum- *quitur*  
 que autem, ut ille annotat, Franciscus Victoria *Barth.*  
 eadem de causa censuit malum, siquidem abso- *Medina.*  
 lutè & in genere consideretur formaliter priva- *Item Vi-*  
 tionem esse, sed si in specie, non esse formaliter pri- *ctoria.*  
 vationem sed specificari ex objecto contrario  
 rationi. Similiter & Canus, eodem teste, natu- *Canus &*  
 ram communem mali putavit consistere in pri- *Vasquez.*  
 vatione, sed morale positivum quid esse dicebat,  
 sed tale tamen quod sit Ens rationis, ne malum à  
 Deo esse statueretur. Quin etiam ex recentiori-  
 bus Gabriel de Vasquez in 1.2. disput. 95. cap. 10.  
 malum morale formaliter in relatione rationis  
 constituit: illam autem dicit esse dissonantiam à  
 natura rationali.

Verum enimvero quia omnis actus malus, *VII.*  
 quatenus est malus, per se defectum aliquem in *Distinctio*  
 cludit, atque in eo formalis ipsius ratio consistit, *non potest*  
 ut suo loco multis ostendimus, non potest ex *sumi ex*  
 solo illo ordine actus ad objectum æstimari spe- *solo ordine*  
 cies actuum malorum, sed oportet omnino ut *ad obje-*  
 etiam ratio privationis habeatur, sic rectè cense- *ctum.*  
 Scotus. Nec intelligi potest, quomodo species  
 positiva esse queat sub genere privativo, imò ut  
 Medina dicit, *absurdum hoc est tum in Dialéctica tum*  
*in Metaphysica.* Omnis ergo actus malus privatio-  
 nem includit in sua specie. Nec tamen hoc ob-  
 stat quo minus ubi ad inferiora descenditur  
 differentia ab objecto vel subiecto desumatur,

ut vult Thomas: sicut & aliàs fit in puris privationibus. Ita surditas distinguitur à cæcitate ratione habitus, quod hæc sit visus, illa auditus absentia. Ad eundem modum, sed objecto, distinguuntur actus mali qui distinctis virtutibus opponuntur. Ita injustè & intemperatè agere differunt, quod hoc sit aberrare in percipiendis voluptatibus corporis, illud in commutandis aut distribuendis bonis. Qui autem uni virtuti adversantur distinctionem à subjectis accipiunt. Sic timidè & audacter agere distant, quod illud est aberrare circa pericula adeunda dum multum metetur, hoc dum parum. Neq; hinc tamen cum Cajetano concludendum esse actuum malorum formas malum aliquod positivum: etsi enim per objecta & subjecta ita ut diximus distinguuntur, longè tamè aliter se hic habet ratio distinctionis atq; in rebus absolutè positivis: multum enim metuere & parum metuere ut sunt actus positivi, jam sua natura distincti sunt, imò sibi inter se contrarii. Quare opus non est per formam aliquam novam distinguantur. Nec mali sunt quatenus habent multum aut parum præcisè, sed quatenus multum aut parum à recta ratione discrepat. Quod ergo actus illos malos distinguit, malum in se non est, ut ut ei malum accidat.

*Quomodo  
fit distinctione.*

*VIII.  
Cajetani  
sententia  
refutatur.*

Et verò sententiam Cajetani falsum esse docet etiam Gregorius de Valentia tom. 2. disp. 6. q. 2. puncto 1. imò Deum autorem peccati multis modis facere & committit illi distinctioni duplicis malitiæ inviti accuratè probat Vasquez loc. cit. c. 2. Et ipse Cajetanus absurditatem suam prodit,



prodit, quando ultro fatetur malum illud five *rationem illam mali moralis*, ut vocat *positivam*, ac virtuti contrariam à Deo esse quæst. 17. artic. 6. & quæst. 18. art. 5. Quod si autem cum Cano & Vasquezio ad absurditatem illam declinandam, & <sup>Item Ca. ni & Vasq.</sup> ne Deus autor peccati fiat, dicas positivum illud non reale sed rationale esse frustra id quoque est: primò enim si forma mali consistit indiffonantia rationali, forma virtutis posita erit similiter in consonantia rationali, atque adeo virtus speciem suam habet ab Ente rationis, quod absurdum est. Secundò, relatio & multo magis relatio rationis nihil per se operatur. At virtus operatur. Ergo ipsa non consistit in ejusmodi relatione, atque adeo nec vitium. Tertiò futurum sit eo pacto ut virtus & vitium non in prædicamento qualitatis sed relationis constituantur. Quartò si formalis ratio vitii sit Ens rationis, ipsum illud erit tale Ens, quod nemo dicet. Nos itaque insistentes sententiæ communi omnium veterum, ita species vitiorum distinguimus, ut quæ diversis virtutibus adversantur actionum suarum objectis differant, quæ uni & eidem virtuti subjectis, nec minus tamen ratio formalis utique maneat privativa. Ita injustitia & avaritia differunt quod altera circa pecuniam erogandam, altera circa bona commutanda aut distribuenda versetur: audacia autem & timiditas quod illa exorbitat, five principium exorbitandi est, dum parum metuitur, hæc dum multum. Hoc igitur modo vitia inter se distinguuntur.

IX.  
*Vitiorum  
oppositio.*

Oppositio autem illorum duplex est: nam & inter se opponuntur & virtuti. Inter se opponuntur contrariè: quemadmodum inter duos actus malos qui sub uno & eodem genere longissime distant contraria oppositio est, ita etiam inter duos habitus qui principia sunt ejusmodi actionum. Nec impedit quod formalis ratio vitii privativa sit: sicut enim in actibus malis oppositio fit ratione materialis, id est, opponuntur inter se qua sunt actus, non qua mali: ita etiam vitia contrariè pugnant non quatenus vitia sunt formaliter aut aberrant à virtute, ( hac enim in re conveniunt ) sed quatenus sunt qualitates longissime distantes. Ita opponuntur inter se. Cum virtute autem pugnant privativè: sicut enim virtus est principium actionum honestati & legi naturæ conformium, ita vitia sunt principia actionum, quæ conformitate illa carent. Quia ergo virtus quatenus virtus ponit illud quod vitia, qua vitia sunt, tollunt, virtus quoque qua virtus, vitium, qua vitium, privativè inter se opponuntur. Nec absurdum est unam aliquam rem uni contrariè alteri privativè opponi: cū enim quid purè positivum aut purè privativum non est, sed utrumque participat, fit ita ut quod positivum in eo est fundamentum sit contrariè-  
tatis, quod privativum oppositionis privativæ.

## CAPVT IV.

## De principiis actionum humanarum.

## SUMMARIA.

- 1 *Quam necessaria cognitu sit doctrina de principiis actionum.*
- 2 *De princip. actionum exteriorum hic agi.*
- 3 *De spontaneo, & quid sit conscientia.*
- 4 *Quotuplex sit conscientia, & quid sit recta.*
- 5 *Quid errans.*
- 6 *Quid probabilis.*
- 7 *Quomodo obliget.*
- 8 *Quid sit dubia.*
- 9 *Quid scrupulosa.*
- 10 *Quomodo quid dicatur Spontan. ratione principis interni.*
- 11 *De invito & primò per violentiam.*
- 12 *De invito per ignorantiam.*
- 13 *Quomodo ignorantia causa rei esse possit.*
- 14 *Quotuplex ea sit.*
- 15 *De vincibili & invincibili, &c.*
- 16.17 *Qui & quatenus ignorantia actionem invitam reddat.*
- 18 *Cautela.*
- 19 *Ignorantiam anteced. & invincibilem invitam actionem reddere.*
- 22 *De electione.*

23 *Quæ res eligantur.*24 *De consultatione.*25.26 *De voluntate & quòtupliciter quis quid dicam  
velle.*27 *Quomodo augeatur vel minuatur ratio voluntarij.*28 *Quid actus exterior voluntati superaddat.*29.30 *Error Platonis refutatus.*

1.  
*Quam  
necessaria  
cognitio sit*

*doctrina  
de princi-  
piis actio-  
num.*

**N**ULLA est doctrina in Ethicis aut nobilior  
aut ad omnem vitam civilem cognitu ma-  
gis necessaria eâ quæ de actionum nostrarum  
principiis tractat. Nam quid sponte & ultro fiat,  
quid ab invitis, quid destinato animo, quid ex af-  
fectu aut imbecillitate, si quis accuratè digno-  
scere nequit, eum totius humanæ vitæ rationes  
ignorare necesse est: quod enim M. Tull. 1. offic.  
de injuria dicit (libet enim etiam hic illud repe-  
tere) per multum interesse, utrum perturbatione aliqua  
animi, quæ plerumque brevis est & ad tempus an consulto  
& cogitato quid fiat: leviora enim esse quæ repentino ali-  
quo modo accidunt, quam ea quæ meditata inferuntur, id  
de omni actione ita se habet, sicut omnibus et-  
iam principiis accommodatur quod Arist. 3. c. 2.  
de præfesi ait, ex ea magis quam ex ipsis actio-  
nibus mores æstimari. *Affectus tuus nomen imponit  
operi tuo: quomodo à te proficiscitur, sic æstimatur,* dicit  
B. Ambr. lib. 1. offic. c. 30. Accedit quod nec defi-  
niri virtus aut vitium potest sine mentione  
eorum principiorum, ut suo loco paruit, quodq;  
ex solis illis ostenditur totius Ethicæ & doctrinæ  
civilis fundamentum, id tam virtutes quam  
vitia in nostra potestate esse, sicut à Philosopho  
factum

factum est 3. eth. c. 5. Est que hæc res tam manifesta, ut passim etiam Icti eam inculcent, præcipue ubi de delictis agunt. *Voluntas & propositum distinguit maleficia*, inquit Paulus l. qui injuriæ 53. ff. de furt. & aliud est quod impetu aut casu delinquitur ab eo quod consulto sive ex proposito l. 5. ff. de pœnis & l. 11. ff. eod. Aristot. doctrinam hanc diligentissime persecutus est 3. eth. Nicom. à cap. 1. usque ad 6. 1. M. M. à 13. ad 19. & 2. ad Eudem. à 7. ad 11. Enumerat autem & explicat principia ista: Spontaneum & Inyitum, Electionem, Consultationem & voluntatem sive voluntarium. Dico *Voluntarium*: vocabulum enim voluntatis primo sed pro secundo accipimus. Nos de singulis ordine agemus.

Sed antequam rei ipsi immergamur, tria heic conservanda sunt in initio: unum est, cum actus hominum alii sint exteriores alii interiores, de principiis exteriorum tantum hic quæstionem esse; hi enim cum in sensus & publicam lucem incurrant, actiones κατ' ἐξωθεν in civilibus appellantur. Actus autem interiores principia tantum sunt cæterorum. Ita electio, consultatio, & voluntas actus sunt: eligere enim, cōsultare, velle, agere est, & omnia ad Prædic. Actionis pertinent. Quare principia ista sunt actionum, non omnium, sed exteriorum. Deinde & hoc sciendū est, principia illa ita numerari & distingui ut unum ab altero, si non ex omni parte & realiter, saltem ex natura rei, & tanquam commune à minus communi differat. Vnde ipse Arist. omnem electionem

II.  
De principia  
actuum exteriorum  
hic agit.

Distinctio  
principiorum.

ctio-

ctionem spontaneum quid esse dicit, licet non omne spontaneum sit electio, ostendens, ideo tantum duo ista distingui, quia unum altero latius sit. Eadem ratio est de cæteris: nam & omne eligere est velle, ut suo loco dicetur. Sed hoc illi idem latius patet. Quare etiam electio & voluntas distincta principia sunt. Et verò sufficit hæc distinctio, cum manifestum discrimen in ipsis actionibus hinc resultet: sicut enim plurimum ad mores, interest an actio tantum & simpliciter sit spontanea, an etiam proæretica, quia illa potest ex solo affectu aut inadvertentia aliqua profecta esse, hæc sæpè ex certâ malitia: ita etiam principia illa distinctissima sunt, si considerationem ethicam spectes, quidquid de ijs fiat, prout à Physico considerantur. Tertio notari debet non esse principia plura aut pauciora quàm enumeravimus. Pauciora non sunt, quia omnia hæc sunt principia, & unum tamen est ab altero, ut diximus, distinctum: quanquam enim spontaneum cum voluntate conincidere videtur, non tamen ita est, cum illud certa ratione etiam brutis & infantibus competat, 3. eth. cap. 1. tex. 21. & cap. 2. t. 30. hæc soli homini propria sit. Ne nunc dicam, quod quæ sola animi cupiditate fiunt sponte fiant, & sæpè tamen reluctantæ voluntate, ut incontinenti accidit. Equidem Scholastici voluntarium nonnunquam tribuunt etiam brutis; unde & duplex faciunt illud, voluntarium secundum perfectam & voluntarium secundum imperfectam rationem. Sed quideam de re statuendum sit suprà diximus. Cæterum nec plura prin-

*Numerus  
eorum.*

principia sunt: etsi enim Aristot. 3. eth. c. 5. etiam de libertate arbitrii, siue de ijs quæ in nostra potestate sunt, agit: non ramen libertas arbitrii peculiare principium constituit, nec eo nomine illic à Philosopho explicatur. Non facit peculiare principium: vel enim libertatem illam accipis propriè, vel prout etiam vestigia libertatis eo nomine comprehenduntur. Si illud, conuenit cum voluntate, quando ad hoc institutum pertinet: liberè enim, & libera voluntate quid fecisse unum sunt: sin hoc, idem est cum spontaneo: ita enim liberè quem quid fecisse perinde est atque ultro & non invitum fecisse. Sed nec Arist. explicat libertatem ut peculiare principium, cum id tantum illic loci agat, ut ostendat, omnes virtutes & vitia in nostra potestate esse idè quod & principia tam virtutum quam vitiorum in nobis posita sint. Hunc esse scopum illius capitis etiam Thom. & Acciaiolus statuunt.

His suppositis ad ipsa nunc principia accedimus initio, facto à spontaneo. SPONTANEUM Arist. 3. eth. c. 1. t. 10. definit, *cuius principium est in ipso agente, s. iente singula in quibus est ipse actus*: cum enim ab invitis aliquid fiat, ut post explicabimus, duplici de causa, aut propter principium externum actionis, siue per vim, aut propter ignorantiam, oportet ea quæ sponte fiunt & ab interno principio & à scientibus fieri. Vt autem ratio sponte factorum rectiùs percipiatur explicandum est 1. quomodo quid sit spontaneum ratione scientiæ. 2. quomodo ratione principii interni. Scientia igitur quæ principium est actionū nostrarum

*Libertas  
arbitrii  
non est pe-  
culiare  
princi-  
pium à  
ceteris di-  
stinctum.*

*III.  
DE  
SPON-  
TANEO.*

*De con-  
scientia.  
Quid sit.*

*pro-*

proprie alias *conscientia* vocatur. Quæ quid sit alibi exponitur : heic id nosse sufficit, esse eam cognitionem sive scientiam ad vitæ actiones applicatam, ut docet Thom. par. 1. q. 79. art. ult. sive intellectus iudicium, quod dicitur bonum quid aut malum invita esse, ut Vasquez in 1. 2. tom. 2. disp. 59. art. 1. Est verò iudicium hoc duplex, de faciendis & de factis. Iudicium de faciendis denotat conscientia cum quis dicitur agere secundum aut contra conscientiam, de factis, cum idē rei benè aut malè gestæ conscius sibi est. Heic loci priori sensu vox capitur : illud enim tantum iudicium intellectus quod præcedit actionem, sive est de rebus faciendis, ad nostrum institutum pertinet. Est verò conscientia principium actionum quatenus est quasi præco quidam leges naturæ aut divinæ, id est, homini proponit & suggerit quid utriq; illi consentaneum vel dissentaneum sit, aut in universum quid fieri vel non fieri in vitâ debeat : etsi enim ipsa lex naturæ & divina prima & unica norma est actionum omnium, id tamen ita intelligitur quatenus lex utraq; cognoscitur sive cognosci ab homine poterat. Et quemadmodum ll. civiles norma sunt ad quam tota Respublica componitur, sed remotior quàm scientia istatum legum : cum enim demū lex obtinet cum ad notitiam vel pervenit vel pervenire potuit, l. Divæ 65. in fin. Cod. de decur. ita etiam lex naturæ & divina præcipuum, sed paulò remotius principium sunt actionum omnium, proximum legis utriusque cognitio. Ista verò cognitio conscientia est, unde illa à Joan. Damasc. 2. de orthod.

*Quomodo  
conscientia sit  
principium actionum.*



orthodox. fide cap. 12. lex intellectus appellatur. Ab hac ergo tanquam proximo principio dependent & ad eam ut amissim exiguntur actus omnes, ut recte faciat, qui id agit quod faciendum conscientia precipit, vel certe contrarium non agit, male qui non agit quod iubet, vel facit contrarium, ut docet Thom. 1. 2. q. 19. art. 3. & 4. & illic Vasquez disp. 58. cap. 2. Idq; tam certum est, ut nulla dispensatio efficere possit, ut agat quis contra conscientiam proprie ita dictam & tamen non peccet: sicut enim quamdiu manet preceptum peccat qui contra illud agit: ita etiam quamdiu manet conscientia contradictio in objecto est agere contra eam & tamen non peccare. Potest equidem per dispensationem tolli preceptum, & ita etiam conscientia quæ preceptum illud proponit, sed ut manente hac non admittat peccatum qui contra eam agit, fieri non potest: quamdiu enim conscientia precepti manet tamdiu manere ipsum preceptum censetur. Sicut igitur fieri nequit ut contra preceptum quis agat & tamen non peccet, ita nec fieri potest ut contra conscientiam agatur sine peccato, sicut multis ostendit Vasq. loc. cit. disp. 61. c. 2.

*Nulla dispensatio  
efficere potest  
ut non  
peccet qui  
contra  
conscientiam  
agit.*

Cæterum quod duplex est iudicium intellectus de re quapiam facienda aut omittenda triplicem etiam est conscientia. Iudicium autem istud proprie triplex est, rectum sive certum, probabile, & erroneum: quare etiam conscientia proprie loquendo triplex tantum est, *recta, probabilis & erronea*. Sed quia etiam dubitatio & hæsitantia intellectus interdum improprie iudicium

*IX.  
Quotum-  
plex sit  
conscientia.*

*Conscientia recta.*

dictum intellectus appellantur, fit ut similiter conscientia aliqua *dubia*, aliqua *scrupulosa* dicatur. Greg. de Valentia tom. 2. disp. 2. q. 14. punct. 4. Vasquez disput. 59. cap. 1. nu. 5. unde in univ-  
sum quintuplicem conscientiam vulgò faciunt. Est autem *conscientia recta* quæ ad faciendum aut omittendum dicat quod faciendum aut omit-  
tendum omninò est, sive quod cum jure divino aut humano certò & indubitato cõsentit vel pugnat. Hæc simpliciter obligat ut ejus judicio ob-  
secundet. Causa in promptu est, quia dicta-  
men illius cum ipso jure tam divino quam hu-  
mano exactè congruit. Vbi tamen nota duo 1. quot modis conscientia imperet quidquam, 2. qui sint quibus aliquid imperat. Modus imperandi multiplex est: aut n. dicat quid ut factu ne-  
cessarium, quodq; in arbitrio nostro positum nò est omittere, aut nò ut necessarium, sed quod ta-  
men fieri quam non fieri melius est. Prius est præ-  
cipere propriè, posterius contulere sive suadere. Similiter & vetat aliquid, vel tanquam necessa-  
riò fugiendum, vel ut ideò fugiendum, quia o-  
mittere istud quam facere melius est: illud est ve-  
tare simpliciter, hoc dissuadere. Ii autem quibus quid imperat in duplici differetia sunt: vel enim suo remigio rem gerunt, vel id quod agunt ex mandato superioris faciunt. Quod igitur sim-  
pliciter *præcipit* conscientia recta illud faciendum omninò est, si tuo arbitrio rem agas, sin; saltem ita mandatum superioris exequi decet, ne quid contra illam fiat: sic pauperibus succurrere ubi opus est conscientia recta præcipit. Quare fa-  
cien-

*Quomodo  
plex esse  
possit di-  
ctamen  
conscien-  
tia.*

*Quomodo  
obliget  
conscien-  
tia recta.*

ciendum id omninò est, si de tuis rebus disponas. Quod si verò alterius negotium est cui præes, reliquum est sic id gerere ne illis noceas vel præjudices. Quod *suadet* id aut faciendum est, aut non temerè negligentium, maximè si tui res sit arbitrii. Quod *vetat*, facere non licet si tua res sit. Si iussu superioris quid agitur, distinguendæ sunt tum personæ, quibus quid demandatur, tum res quæ demandantur. Personæ, cui quid demandatur, defertur vel iudicium in ea re & cognitio causæ, vel tantum pura & mera executio. Res quæ demandatur aut continet errorem tolerabilem aut intolerabilem. Quod si iudex est & error intolerabilis, exequi mandatum non debet: Deo enim magis obediendum est quàm hominibus, Actor. 5. 29. Sin officio executoris tantum fungitur & est tolerabilis error, executioni rem mandare potest etsi injustam, nisi à superiori impetret, ut ab hoc onere ipsum absolvat, ut docet jus Canon. cap. Pastoralis. 9. quia verò de off. jud. deleg. Alex. ab Ales p. 3. quæst. 34. m. 1. a. 4. Thom. 22. quæst. 64. art. 6. ad 3. Angelus Clavassius in verbo Judicare num. 8. Rosella in V. Judex num. 28. Quare peccarunt provinciarum præsides in perlecutionibus primitivæ Ecclesiæ, cum Confessorum & Martyrum causas cognoscerent & tamen injustas sententias pronunciant: postulabantur enim Christiani pessimorum, imò absurdorum criminum, infanticidii, epuli ex infantibus, incestus & simulum, sed nunquam convincebantur, imò nec in ea inquirebatur, sed sufficiebat, si quis se professus Chri-

Y

stianum

stianum esse, quemadmodum notum est ex Iustino Martyre apolog. 2. Tertull. apolog. cap. 7. Minut. Felice in *Octavo*, ut etiam Plin. in cognitione pergere noluerit, donec de novo Imperatorem Trajanum super ea causa consuleret, lib. 10. epist. 97.

*V.  
Conscientia errans  
ita errans  
quid sit.*

*Conscientia errans* sive *erronea* est cujus iudicium à jure divino aut humano dissentit, sive quæ id iudicat faciendum vel omittendum, quod faciendum aut omittendum non erat. Estque error iste vel vincibilis vel invincibilis, & vel de re per se bona aut mala, vel de indifferenti. Quis sit error vincibilis, quis invincibilis, notum est, quantum hic sufficit, & explicabitur accuratè infra, quum de invito per ignorantiam agetur. Error de re per se mala est, si exempli gratia persuasus quis sit contra magistratum legimum ultro armacapienda esse quoties id Ecclesiæ Catholice expedit: per se enim malum est legitimo magistratui rebellare. Error de re indifferenti est, si quis putet homini Christiano militandum non esse: militare enim & non militare licet. Obligat autem conscientia ista longè aliter quàm recta. Recta ea est conditio, sicut patuit, ut rectè faciat qui juxta eam agit, pravè qui contrà. At errantis, nisi error sit invincibilis aut de re indifferenti, ista est natura ut peccet tam qui juxta eam agit, quàm qui contra eam. Peccat, ut notum est, qui juxta eam agit: errorem enim cum possit deponere non vult. Qui quid autem ex errore vincibili sit à peccato non excusat, sicut suo loco dicetur. Sed peccat etiam qui contra illam

*Quomodo  
obligas.*

*Peccat tamen  
qui juxta  
quam qui  
contra eam  
agit, si error  
sit  
vincibilis  
& de re  
per se mala.*

agit:

agit : quamvis enim quod agit legi divinæ aut humanæ non repugnet , prout in se spectantur , quia iudicium conscientiæ errat , repugnat tamen utrique prout ille statuit id quod agit lege divina aut principis prohibitum esse , et si revera prohibitum non erat. Ita docent Thom. 1. 2. q. 19. a. 5. Bonavent. 2. sent. dist. 39. a. 1. quæ. 3. Durand. ibid. q. 5. Occamus 3. sent. quæst. 13. Ariminensis 2. d. 39. q. unica a. 2. Biel. ibid. a. 3. & Scholastici ad eum locum communiter. Et potest hoc facile sic ostendi. Primò argumtor isto pacto: Quisquis quantum in ipso est agere vult contra legem Dei aut Principis is peccat. At quisquis facit contra conscientiam errantem is , quantum in ipso est , agere vult contra legem Dei aut Principis. Ergo quisquis agit contra conscientiam errantem is peccat. Deinde potest etiam tale argumentum fieri : Qui contemnit legem divinam aut Principis is sine omni dubio peccat. Sed omnis qui agit contra conscientiam errantem id facit, Ergo ille peccat. Major manifesta est. Minor explicatur: nemo enim facere potest quod lege divina aut Principis vetitum esse statuit, nisi legem illam contemnat. Nisi facit, obediat utique ei, nec committat quod ea prohibitum credit. Nec obstat quod legi divinæ aut principis consentanea certo modo agit qui contra errantem conscientiam facit , cum omne istud per accidens, imò ab invito fiat : per accidens, inquam, & invitus id facit , quia non juxta sed contra legem illam agere ipsi propositum erat. Quare peccat, ut diximus, tam qui contra quam qui juxta

*Conscientia error  
nea deponenda.*

*Quatenus obliget  
quum error est in-  
vincibilis  
aut de re  
indifferenti.*

conscientiam errantem agit. Nec potest aliter fieri quamdiu eam non deponit. Itaque id operanda est, ut error exuatur, quod fieri utique potest quia vincibilis est, id est, aut fuit affectatus, aut certe ex negligentia obrepfit, quia satis accurate in rem inquisitam non est. Unde totum negotium, in quo erratur, diligentius excutendum est, quam ante factum erat, ut rectius iudicium tibi formes, atque ita conscientiam errore, te culpa liberares. Hæc est ratio conscientia errantis, cum error ejus est vincibilis & de re per se titula. Verum quando error invincibilis est, aut de re per se indifferenti, aliter statuendum est. Sanè peccatum etiam qui contra conscientiam facit, non tamen qui secundum eam. De errore invincibili res manifesta est. In rebus autem indifferenteribus idè illud fit, quia etsi propter conscientiam unum fieri oppositorum, nequit alterum tamen facere licet, cum utrumque concessum sit. Sic qui credit prohibitum Christiano esse militare & militat, peccat: contra conscientiam enim facit. Non peccat tamen cum non militat. Similiter qui sub initia Ecclesiæ N. T. persuasum habebant etiam Christiano abstinendum esse à cibis illis quibus sub V. T. interdictum erat Judæis, nec abstinebant tamen, peccabant: contra conscientiam enim, id est, contra id quod credebant fieri debere faciebant. Erat hæc conscientia errans: nihil enim commune est per se ipsum, nisi ei qui existimat quid commune esse, illi commune est, inquit Divus Paulus ad Rom. 14. 14. Sed quod utrinque non peccabatur, ideo fiebat, quod tum  
adhuc

adhuc propter neophytos opinio illa tollerabatur, juxta illud : *Qui manducat Domino manducat : gratias enim agit Deo : & qui non manducat, Domino non manducat : gratias enim agit Deo*, ibid. 6. V. de gloss. ord. in verba, *Omne quod non est fide*, D. Ambrosium ibid & in verb. *Beatus qui non judicat semetipsum*. D. Hieronym. in verba, *Nihil commune nisi ei qui existimat* & Lyrain. ibid. Hæc de conscientia errante. Vbi obuiet notetur, etiam ex lib. Sapiientiæ cap. 14. penult. disci peccare eos qui contra conscientiam errantem aliquid agunt, cum ibi dicatur eos etiam puniri qui per falsos Deos pejerant. Et veteres Theologi eadem de causa Atrianos, quum ipsum Christum adorabant, idololatrias appellare : cum enim quisquis creaturam adorat idololatria fit, Christus autem ex sententia illorum tantum creatura sit, quoties ipsum adorabant nudam creaturam sua opinione adorabant : hæc autem idololatria est. Ita disertè statuit Gregorius Nyssenus libello de fide ad Simplicium : *Τί ποιοῦσιν, inquit, οἱ λέγοντες ὅτι κτίσις ἔστι προσκυνοῦσι πρὸς κτιστὸν ἀντὶ τοῦ ἔχειν εἰμὲν ἢ δὲ προσκυνοῦσιν, Ἰεραρχοῦσιν εἰ δὲ προσκυνοῦσιν εὐδαμον λατρεῖσιν.* Quid faciunt qui dicunt eum creaturam esse, adorantne creaturam illam annon? Quod si non adorant iudeis ad stipulantur: sin adorant, idololatriam committunt. Vide Isaacum Caulabonum nouis ad epistol. Gregor. ἀνέκδοτον p. 8. ubi plura loca allegantur.

VI.

Conscientia probabilis est iudicij iudicium est probabile. Convenit hæc e qm recta quod rectè iudicat, sed differt ab ea quia certitudinem non habet, quod sit.

*Quid sit  
opinio*

habet, ut illa. Vocant aliàs conscientiam opinati-  
vam: opinatio enim & probabilis sententia heic  
coincidunt. Voco autem opinionem, cum intel-  
lectus rei assentitur, non quidem sufficienter ab  
objecto permotus, sed ob rationabilem electio-  
nem quā voluntas in unam partem magis decli-  
nat, quā in alteram, cum formidine tamen  
oppositi. Ita ferè eam describit ex Thoma Cla-

*In opinio-  
ne est ad  
sensum sed  
cum for-  
midine  
oppositi.*

vasius in V. opinio. Vnde liquet duò requi-  
ria i opinionem sive probabilem sententiam: u-  
num est ut intellectus assensum rei præbeat, &  
ad unam partem contradictionis declinet, idque  
ob certas rationes: nam ubi in neutram partem  
vergit, non opinatur sed dubitat. Quod si au-  
tem propendat in unam quidem partem, sed  
nulla ejus est ratio, probabilitatem non habet.  
Alterum est ut intellectus sufficienter non mo-  
veatur ab objecto, sed permixtus sit ad sensus  
formidine oppositi: nam aliàs non probabilis  
sententia aut opinio sed certum judicium est. V-

*Quid heic  
per formi-  
dinem in-  
telligatur.*

bi tamen nota per formidinem heic loci non in-  
telligi dubitationem, cum dubitare propriè sit,  
ut post dicetur, pendere intellectum inter u-  
tramq; partem contradictionis & neutri deter-  
minatè assensum præbere. Fortitudo autem de-  
terminatum assensum non excludit, sed in eo po-  
sita est, ut statuas rationes illius partis cui assen-  
tiris, tantum probabiles esse, non evidentes aut  
certas, sed fieri posse ut reipsa opposita pars ve-  
ra sit, cum tamen rationes illius id non osten-  
dant, sicut id explicat Vasquez loc. cit. disp. 61.  
cap. 5. num. 26. Conscientia ergò probabilis sive  
opina-



opinativa est quæ ex ejusmodi opinione formatur. Vt autem intelligatur, quomodo ea obliget, nonnulla præmittenda sunt. Primò sciendum est inter opiniones probabiles unam sæpè esse magis tutam, sed minus probabilem, alteram magis probabilem, sed minus tutam. Probabilior est, quæ pluribus aut firmioribus rationibus nititur; tutior in qua non ita facilè peccatur, etsi pauciores aut infirmiores rationes sunt, quibus illa fulcitur. Ita exempli gratia compellatur quis de debito. Fieri potest, ut putet ille se nihil debere. Creditor tamen ait ipsum debere. Rationes sunt utrinque, sed plures ac firmiores quod non debeat. Hic probabilior sententiam sequitur debitor, si in eo perseveret, se non debere, nec reddendum; tutiorem si alterum amplectatur & statuatur reddendum: in illo enim peccari potest, in hoc non potest. Secundò potest probabile quid videri cuiquam duplici de causa, vel propter principia interna vel externa. Principia interna sunt; quæ ex ipsa rei natura petuntur, externa quæ ab auctoritate Doctorum. Vsq. c. 3. n. 11. Tertio is qui opinionem de re aliqua habet, aut est sui juris aut alteri subiectus, idque in ea re de qua est illa opinio. Quarto deniq; idem ille aut est literatus aut illiteratus.

His notatis dico conscientiam probabilem obligare planè ut rectam, sive ita ut rectè faciat qui juxta eam agit, malè qui contrà. Sed potest judicium illud conscientie multipliciter formari. Et primò quidem vel formatur ex opinione tutiori, sed minus probabili, vel ex mi-

*Opinio-  
num alia  
probabi-  
lior, alia  
tutior.*

*VII.  
Conscien-  
tia proba-  
bilis obli-  
gat ut re-  
cta.*

nus tuta & probabiliori. Posse iudiciū conscientię probabilis formari ex opinione tutiori nullum est dubium: cum enim in eam partem peccari nequeat, nec errare conscientia potest si illam sequatur. Sed formari etiam potest ex opinione minus tuta, dummodo sit probabilis, ut jam liquebit. Secundò forma ut vel ex opi-

*Judicium  
conscien-  
tia proba-  
bilis in  
viro docto  
ex opinio-  
ne pro-  
pria.*

one propria, vel ex aliena. Tertiò formam aliter à docto, aliter ab indocto. Ex propria opinione ita conscientię probabilis iudicium doctus sibi format: Si rationes partis contrarię expendit, idque operam dederit, ut negotium, de quo quęstio est, rectè cognosceret, nihil absurdi facit si sententiā suam esse statuatur, licet improbatā aliis: qui enim acumine ingenii & iudicii maturitate pollet facillè fieri potest, ut, ubi diligentiam adhibeat, id animadvertat quod ceteri momentis rationum non satis ponderatis haut perceperit. Vasquez loc. cit. cap. 4. num. 13. Alia ratio est si temerè & levi de causa aliorum sen-

*Judicium  
conscien-  
tia viri  
docti ex  
aliena o-  
pinione.*

tentiam quis reiiciat. Idem ex opinione aliena formare iudicium sibi potest, ut quamvis statuatur opinionem, quam ipse propriam de re quapiam habet, probabiliorem esse quàm quę Dd. communiter, eique ob principia interna assentiri non desinat, tamen id deferat auctoritati Doctorum, ut illorum potius, quàm suo iudicio acquiescat. Et certè facillè potest apud hominem non infrunitum efficere multorum, vel paucorum, sed præstantium, auctorum præiudicium, ut statuatur id verius esse, quod minus ipsi tamen probabile & minus tutum aliàs apparet. Neque hoc

hoc

hoc modo quis imprudenter facit , cum iudicium optimorum in re aliqua artificum suo præponit. Quare si quis tale quid sibi persuasit probabiliter sentit & iudicat. Itæ se habet iudicium conscientia probabilis hominis docti. At indodus rectè facit cum eam opinionem sectatur, quæ maximè ipsi probabilis apparet , quamque doceri à peritis & probis videt, licèt illa quoque non usque adeò tuta sit. Vasquez cap.8.num.43. Postremò subditus non tantum potest sed debet contra propriam opinionem id amplecti quod superiori visum est, modò & illud non sit improbabile: obædiendum enim superiori est quoties licèt id fieri potest. Licèt autem sit quod probabilitatem habet. Sed heic observa, probabilitatem non esse inde metiendam simpliciter quod superior sit ille cui sententia placet, sed quia vel subditus scit eam à multis Doctoribus comprobari, vel quia superior doctus ipse & probus est, vel deniq; quia hominum prudentum consilio omnia administrat. Unde etiam est, quod subditi Principi obedire tenentur , vocanti eos ad bellum , licet ipsi dijudicare non possunt justumne illud sit, an in justum: sufficit enim ijs scire, Principem viris sapientibus instructum, de quorum consilio omnia gerat. Vasquez cap.6.n.33.& 34. Ita agitur secundum conscientiam probabilem : ut facilè etiam intelligitur , quomodo contra eandem aliquid fiat. Hactenus de conscientia probabili.

*Conscientia dubia* vocatur, cum quis dubitat & nescit , utri patri contradictionis assentiendum

Y 5 sit,

VIII.

*Conscientia dubia  
quid sit.*

*Peccat  
qui dubia  
conscientia  
ali-  
quid agit.*

*Idque fit  
sive quis  
dubitet  
theoreticè  
sive pra-  
cticè.*

lit. Quod quidem fieri dupliciter potest: vel enim simpliciter iudicat, rem esse incertam, vel secum disputat negotium in utramque partem, nec tamen uni harum accedit sed utrinque ambiguus hæret, quia maiorem convenientiam extremorum non videt in una contradictorium, quam in altera. Vnde etiam est quod supra dixerimus conscientiam dubiam & scrupulosam improprie tantum conscientiam vocari: cum enim conscientia proprie sit iudicium, quo statuitur de re quapiam, fieri ne an omitti debeat, dubia vel planè non iudicat se nescire quid se facturum sit. Peccat autem quisquis dubia conscientia quidquam agit: idque multis modis ostendi potest. Primò, Qui exponit se periculo peccandi, ille peccat. At omnis qui dubitans, an bonum quid sit an malum, illud facit, is exponit se periculo peccandi. Ergò is peccat. Deinde, Qui vult peccatum ille peccat. Sed qui dubiâ conscientia quid agit ille vult peccatum. Ergò peccat. Minor probatur: quia enim dubitat an bonum quidquam sit an malum, utrumque fieri posse putat, id est, ut rectè faciat, si id agat, & ut malè. Quum itaque id agit, utrumque alio modo vult. Ni vellet, non ageret. Tertiò docet idem ipsa scriptura Roman. 14. ultim. *Qui dubitat si ederit condemnatus est.* Distinguunt equidem heic vulgò inter dubitare theoreticè & practicè. Theoreticè dubitare est, cum quis de re universalis dubitat, puta simpliciter, an exempli gratia veritum sit accipere usuras: practicè, cum dubitatur de re singulari, nempe, an huic vel illi, & hoc

& hoc vel illo tempore usuras accipere prohibitum sit. Qui practicè dubitat cum peccare ajunt si cum dubio illo aliquid agat, non tamen illicò qui theoreticè, quod theoreticè dubitare quis de re possit, qui tamen de eadem practicè certus sit, id est, possit esse incertus de universali qui tamen certus sit de singulari. Ita docet Cajetanus tom. 1. opusc. tract. 31. resp. & ex eo alii. Sed quanquam distinctio ipsa judicii conscientiae in speculativum & practicum optima est, & verum etiam, judicium speculativum esse remorum tantum principium actionis, cum practicum sit proximum principium, eousque tamen non discrepant, ut judicio speculativo existente incerto practicum certum aut probabile esse possit, cum perpetuò unum alteri respondeat. Sic quamdiu quis dubitat in universum, an liceat Christiano usuras accipere, certus utique esse nequit, sibi hoc aut isto tempore id concessum esse. Sanè potest illud fieri, ut de universali propositione quis dubitet, nec tamen dubitet de singulari quæ sub ea continetur, sed si ignoret singularem illam sub illa contineri, Ita fieri potest ut quis statuat simpliciter non esse licitum usuras accipere, & tamen arbitretur licere sibi hoc aut illud facere, quod aliàs revera est usuram accipere, sed ipse ignorat. Quod si autem non ignorat id quod facit esse usuram accipere, & statuit usuras accipere non licere, non potest etiam non statuere id quod facit illicitum esse, sicut rectè contra Cajetanum ostendit Vasquez disputat. 62. cap. 3. n. 22. Quare simpliciter

pliciter verum est, conscientia dubia egere quidquam non licere, siue dubitetur theoreticè siue practice. Interim sicut sæpè quis quod intuitu interiorum principiorum rei putat minus esse probabile, illud tamen amplectendum iudicat propter externa principia siue auctoritatem aliorum aut simile quippiam: ita etiam de quo quis dubitat quatenus intrinseca principia considerat, idem illud sine dubitatione amplecti potest propter aliorum præjudicium. Sed hoc nihil ad distinctionem Caietani, cum statim atque id sit practice, simul etiam fiat theoreticè. Ita qui intuitu auctoritatis aliorum iudicat sibi hoc tempore usuras accipere licere, quamquam multæ rationes sint in contrarium, idem eo ipso etiam simpliciter iudicat licere hoc aliquando facere, ubi non tam rationum momenta quam auctoritatum expendantur. Cum igitur peccet quisquis dubitâte conscientia quid agit, id reliquum est ut dubitatio deponatur: quod rectè fecerit qui sui juris est si partem tutiorem elegerit, qui alteri subiectus, si id amplectatur quod superior mandat. Hæc est conscientia dubia.

IX.  
Conscientia scrupulosa.

Postremò *Conscientia scrupulosa* appellatur, cum statuitur quid licitum esse, sed ita tamen ut sub sit scrupulus aliquis. Scrupulus autem hic vel rationalis est vel irrationalis. Si rationalis, rectè fecerit, qui ejus rationem habuerit, etsi ad id propriè non obligatur. Si irrationalis, negligendus est, & quantum fieri potest animo ejiciendus. Tantùm de conscientia.

Quomo-

Quomodo ea quæ spontè facimus à scientibus fiant hucusque explicavimus : addendum nunc est quomodo quid spontaneum dicatur ratione principii interni. Sanè etiam scientia est internum principium , quia inest subjecto quod quid agit, sed sicut intellectus causa actuum non est nisi interveniente appetitu ; ita nec scientiis principium est nisi mediante appetitus inclinatione. Quare fit ut inclinatio illa appetitus κατ' ἐξ ὧν heic principium vocetur. Est autem appetitus , qui actionum humanarum principium esse potest duplex , sensitivus & rationis ; quorum hic alias propriè voluntas dicitur. Sed de voluntate infra agetur, de sensitivo heic quæstio est : iste enim tam latè patet quàm spontaneum. Dicitur autem fieri aliquid spontè ratione principii interni quatenus nostra cupiditate aut in universum animi inclinatione aliqua in rem quampiam ferimur : cupiditas enim animum inclinat ad id sectandum cuius cupidi sumus ; Thom. 1. 2. quæst. 6. artic. 7. imò idèò appetitus sensitivus & ejus cupiditates animalia natura tributæ sunt & ad illius conservationem faciunt , ut persequi possit quæ ei salutaria sunt , & declinare quæ inimica & noxia, sicut alibi hoc explicatur. Verùm potest id quod diximus cōtingere duplici ratione : quem admodum enim in Phisicis duobus modis aliquid dicitur secundum naturam esse, uno, ratione principii activi, altero actione passivi: (ita non tantum naturale est igni calefacere , sed celo etiam moveri ) ad eundem modum dupliciter aliquid

*Quomodo  
quid di-  
catur  
sponta-  
neum ra-  
tionis  
principii  
intrinsic.*

*Princi-  
pium in-  
trinsicum  
duplex: a-  
ctivum &  
passivum.*

aliquid fit juxta animi inclinationem, aliter cum inclinamur ad agendum, aliter cum ad patientium. Perinde itaque est siue cupiditate animi inductus quis quid faciat, siue patiatur: utrumque enim est spontaneum & utriusque principium in nobis, etsi unius activum, alterius passivum: Poterant plura hac de re adferri, sed pergendum est ad alia:

**XI.**  
*De invito  
Invitum  
per vio-  
lentiam.*

Quid sit spontaneum hæcenus copiose satis exposuimus, sequitur invitum, INVITUM autem aliquid dicitur dupliciter per violentiam & ignorantiam. Violentum est cujus principium foris est, & tale quidem, ut nihil ad id conferat is qui agit aut patitur 3. Ethic. cap. 1. tex. 4. Sic violentia est cum quis tempestate aut venti impetu aliquò abreptus fertur, quò nolebat, aut cum vi quis manum suam arripit eaque alterum pulsar. Prius est pati, posterius agere, sed ita ut utriusque rei principium externum sit, nec quicquam per se conferat ad eam agens aut patiens. Vbi observa primò quod dicitur, principium ejus quò vis fit, non tantum foris esse, & extra subjectum etiam vis fit, sed ita ut nihil actum istum adjuvet subjectum illud. Equidem omne aliàs objectum, quod allicit animum, foris est: nec tamen propterea ejusmodi actio est violenta; cæteroqui non tantum ea quæ ultrò facimus & magna animi cupiditate, per vim fierent, sed in universam omnes actiones nostræ violentæ essent. Ne nunc dicam quod actionem violentam comitatur dolor, hanc talem voluptas: item quod

*Quomodo  
in violentia  
princi-  
pium sit  
extra sub-  
jectum.*



quod poteramus cavere, ne objectum illud nos pelliceret. Quare sicut violentum illud propriè est in Phycis, quando patiens immutatur ab agente contra naturam suam ( nam aliàs omnes alterationes & generationes, præsertim corporum simplicitum, essent violentæ ) ita etiam violentum propriè in homine est, non cujus principium simpliciter externum est, sed ita ut res illa sit contra animi nostri inclinationem. Deinde & hoc nota, cum sponte quid fieri dicatur non tantum ratione principii activi; sed etiam passivi, ut paulò ante monuimus, utrumque hic excludi, quando dicitur, etiam cui vis fit; nihil conferre ad id quod fit: intelligi enim id ita debet; ut nec unâ agendo is adjuvet rem illam, nec voluntatem patiendi adferat. Tertiò considerandum heic est, quid de iis sentiendum sit, quæ per metum facimus. Non fieri illa ab omni parte sponte sed permixtum iis aliquid esse inviri nullum esse dubium. Et docet disertè ita Aristoteles 3. ethic. cap. 1. tex. 5. & 6. Nem. esius de nat. hom. cap. 30. Damascen. 2. de fid. orthod. cap. 24. Thom. 1. 2. quæ. 6. art. 6. Ratio in promptu est: sunt enim per metum, quæ nemo aliàs faciat. Vnde etiam est quod veniam sæpè impetret, si quid isto modo minus rectè committatur. Verùm nec violenta ista sunt simpliciter: etsi enim nemo quod metus causa facit, id demto metu faceret, tamen quandoquidem eo loco quis constitutus tum est, ut effugere imminens malum alio pacto non possit, omninò vult ita agere ut agit, aut pati quod patitur, imò rebus

*Quotum-  
pliciter  
dici possit  
subiect.  
nihil con-  
ferre ad  
princi-  
pium ex-  
trinse-  
cum.*

*Quid sen-  
tiendum  
de iis qua  
motus  
causa  
sunt.*

rebus sic comparatis nunquam aliter faceret: Huc accedit quod vix explicari potest quomodo metus causa esse queat violenti aut inviti, nisi violenta omnia dicas etiam quæ metu iræ divi-  
 næ fiunt & pœnarum quas vel lex divina vel IL. Reipubl. delinquentibus statuunt. Ita utrinque est difficultas. Sed quidquid sit, censendum tamen est, actiones illas omnes magis spontaneas quam invitas esse, ut ipse Philosophus docet, imò spontaneas simpliciter, violentas secundum quid, ut censet Thomas. Quod ut intelligas sciendum est, cum actus omnes versentur circa singularia, æstimari eos præcipue ex circumstantiis ut talis simpliciter quisve sit, qualia sunt quæ actum circumstant. Et alias etiam res unaquæque talis est simpliciter qualis est in re ipsa, secundum quid autem, prout à nobis sub certa conditione esse cogitur. Quapropter quando ea quæ metu fiunt considerantur ut simpliciter sunt, id est, cum ijs circumstantiis, cum quibus fiunt, spontanea sunt. Nec certe id tantum spontaneum est, quod per se expetimus, ut finem, sed id etiam quod experitur propter aliud. Sic quanquam merces projicere in mare nemo vult per se, vult tamen eo fine, ut vitæ hoc pacto consultat. *Expetitur*, inquit Philosophus, *actio, tum cum sit, & finis actionis in temporis conditione consistit.* Quare merces epicere cum magnitudo periculi illud suadet spontaneum est simpliciter: si quid autem violenti habet, id omne oritur ab addita illa conditione, *si periculum non immineret.* Quod igitur metu fit, spontaneum

*Quæ per metum fiunt spontanea sunt simpliciter, violenta secundum quid.*

neum est in se & simpliciter. Idem tamen violentum est secundum quid, puta quatenus consideratur extra ejusmodi casum, sive prout à circumstantiis illis mente abstrahitur. Tantum de invito quod ob vim sive violentiam tale dicitur.

Invitum per ignorantiam est, quod ob ignorantiam fit, ita tamen ut eum qui fecit illius postea poeniteat XII. Invitum per ignorantiam.

3. ethic. 1. t. 14. Multiplex autem esse potest ignorantia: suntque omnes ejus differentie heic expendendæ, ut recte intelligas qui & quomodo ea actionem invitam reddat. Sed antequam exponatur, quotuplex ignorantia sit, præmittendum est primo quid per eam heic denotetur, deinde quomodo ea causa actus alicujus esse possit. Primo igitur id observandum est, ignorare simpliciter idem non esse quod nescire, cum ea etiam nescire homo dicatur, quæ scire plane non potest, ignorare autem proprie quæ scire potest.

Quare simplex nescientia negationem magis dicit, ignorantia privationem. Vide Thom. 1. 2. q. 76. arr. 2. Sed ignorantiam vicissim vel dicit puram privationem tantum, vel pravam dispositionem, Quid per ignorantiam heic intelligatur.

ut docetur 1. post. c. 15. ignorantia prava dispositionis est, cum quis judicat rem illud esse quod revera non est. Hic alias error proprie vocatur: Ignorantia pura privationis est quum simpliciter quid ignoratur & nullum intellectus judicium intervenit. Sic quum quis inter venandum hominem transfigit, quem feram esse putabat, ignorantia prava dispositionis est: si transfigat casu, & nihil petit, ignorantia est puræ privationis. Ignorantia prava dispositionis & pura privationis.

Z

Angel.

*Ignoran-  
tia furio-  
forum a-  
mentium  
c.*

Angel. Clausius in V. Ignorant. Vtraq; ignorantia causa invitæ actionis esse potest. Hoc primo sciendum est. Deinde nota & istud, sermonem heic esse de ignorantia illa tantum, quæ est in hominibus quibus ratio constat : nam alias etiam furiosi, amentes, melancholici, &c. ignorât quid agunt. Sed hæc ignorantia huc non pertinet, cum nec actiones humanæ sint proprie quæ ab ejusmodi hominibus proficiuntur, quod nullus in his usus rationis sit. Sed heic jam quæritur, quomodo rei positivæ causa esse possit privatio. Vbi recolendum ex metaph. est, dupliciter quid posse esse causam alterius, uno modo proprie, altero improprie. *Proprie* aliquid causa alterius est, cum rem simpliciter efficit, *improprie* cū tantum removet impedimentum, quod obstabat ne aliquid fieret. Ita Arist. 5. metaph. c. 2. t. 2. absentiam gubernatoris à navi causam esse ait quare navis submergatur. Equidem causa naufragii alias proprie est tēpestas quæ navi incūbit eamq; submergit.

XIII.

*Quomodo  
ignorantia  
causa  
aliter  
rei esse  
possit.*

Sed quia præsentia gubernatoris submersio- nem impedire poterat, fit ut ejus absentia etiam causa submersionis dicatur: quod enim cum præsens est causa huius, idem cum abest causa est contrarii, ait Philosophus. Similis ratio est cum remotionem columnarum causam dicimus cur fornix collabatur, qui columnis illis fultus erat, ut notat Aristot. Phys. cap. 4. t. 32. etsi enim gravitas corporum, ex quibus constat fornix, proprie causa lapsus est, non minus tamen usitata est altera ratio loquendi, imo in communi vita & moti-

libus usitator. Quando igitur ignorantia causa dicitur actionis, siue cui hoc aut illud fiat, non est alia ratio causæ nisi illa: quoties enim fieri quid dicimus ob ignorantiam; toties id volumus; ignorantiam illam tollere scientiam quæ prohibitura siue impeditura actum istum fuerat. Sic Oedipus cum Thebas iter faceret & à Lajo parente, cui occurrens de via uon cesserat, sceptrō percuteretur, parentem, sed quem non norat, interfecit. Sophocles in Oedipo tyrann. Causa cædis erat dolor ex accepta injuria, & ignorantia: sed ille proprie: per se enim dolor instigat ad ultionem; hæc improprie & eatenus tantum, quatenus tollebat quod ultionem & cædem impedire poterat: si enim patrem esse scisset non interfecisset. Thomas loc. cit. vocat causam *per se* & causam *per accidens*: quod enim impedimentum tantum tollit, per se rem non movet; nec tamen motum ipsum efficit, quam quod cum motu necessario conjunctum est, ut idem docet; metaph. lect. 3. Dico quod necessario cum motu conjunctum est: neque enim heic *per accidens* illud voco, quod opponitur necessario, sed quod quid efficit per aliud. Ita fornix necessario collabitur subrutis columnis, & necessario agit quis id per ignorantiam sæpe, quod nunquam alias facturus erat. Quod quia non observat Cajetan. ad 1.2. quæst. 76. artic. tertio expedire etiam nequit, quomodo Thomas illic dicat, *ignorantiam de se hoc habere quod faciat actum quem causat involuntarium*, cum

tamen supra art. 1. doceat ignorantiam per accidens tantum causam rei esse.

XIV.

*Quæstio-  
plex sit i-  
gnoran-  
tia.*

*Aristot.  
Thom.*

*Ignoran-  
tia conco-  
mitans a-  
ctum vo-  
luntatis.*

*Conse-  
quens.*

His suppositis sciendum est tripliciter fieri aliquid ab ignorante posse: vel enim facit quis quid ignorans, sed non ob ignorantiam, vel facit ob ignorantiam, sed ita ut postmodum, ubi rem resciverit, ejus ipsum pœniteat; vel denique facit ob ignorantiam ita ut non pœniteat. Sic docet Arist. eth. 1. 1. 14. & seqq. Hinc & Thom. 1. 2. q. 6. artic. 8. ignorantiam triplicem facit, unam quæ concomitatur tantum actum voluntatis, alteram quæ consequitur eum, & tertiam quæ antecedit. Ignorantia *concomitans* voluntatem est, cum ignorans quis quid facit, sed id quod facere idem vellet, etiamsi sciret. Sic se habet qui hostem interficit ignorans, quem interfeciturus tamen alias erat: ibi enim ignorare & agere, sive velle aliquid agere, uni subiecto accidunt, sed unum tamen alterius causa non est. Ignorantia *consequens* voluntatem est illa cujus voluntas causa est: quod fieri dupliciter potest, aliter cum quis simpliciter quid ignorare voluit, & dicitur ignorantia affectata, aliter cum non quidem simpliciter ignorare voluit, sed ignorat tamen quod scire oportebat & debebat. Quod iterum fit dupliciter: vel enim non considerat aut advertit nunc, quod advertere debebat, ut contingit, cum sive propter affectum aliquem, sive propter malum habitum, minus recte de rebus judicamus: vel plane ignorat etiam alias quia notitiam ejus rei quam poterat & debebat sibi non comparavit.

Ignor-

Ignorantia deniq; *antecedens* voluntatem quę ipsa *Antecedens.* est causa volendi quod alias quis non vellet. Talis ignorantia est cum ea quis ignorat quę nec scire poterat in hac aut illa re, nec scire tenebatur.

Aliter distinguitur ignorantia in vincibilem & invincibilem. *Vincibilis* est cum ea ignoramus quę scire poteramus & tenebamur, *invincibilis* quum ea quę scire quis non poterat. Porro distribuit eam Aristot. tex. 14. in ignorantiam universalium & ignorantiam particularium. *Ignorantia universalium* est, si quis vel nesciat simpliciter, quid sequendum sibi in vita sit & quid expediat, ut an res mala sit scortatio aut adulterium, an furari liceat, & similia; vel alias ignoret universalia ista, an in actionibus nostris ratio habenda sit temporis, personę & loci, an verò omnia omni loco & tempore apud omnes æque recte fiant. *Ignorantia particularium* est, si quis singulari rerum, quę actionem circumstāt, aliquam ignoret, puta, si propalet quę nesciebat tacenda esse, filium in prælio interficiat, quem sibi persuasisset hostem esse, hasta feriat quenquam, quam præpilatam esse nesciebat, neci dedat præter spem, quem emendandi tantum causa verberare animus fuerat &c. Postremo non absimilis distinctio ignorantie apud Jurisconsultos est in ignorantiam juris & facti. Vid. tot. tit. ff. C. de juris & facti ignorant. Ignorantiam *juris* vocant, cum quis jus suum ignorat, *facti* cū ignorat quid contigerit. Ita ignorare bonorum aliquorum possessionem sibi deferri ignorantia juris est, sed igno-

XV.

*Ignorantia vincibilis & invincibilis.*

*Ignorantia universalium & particularium.*

*Ignorantia juris & facti.*

rare decessisse eum, cuius bonorum possessio deferretur, ignorantia est facti. Et hæc ignorantia vicissim distinguitur: ignorantia enim juris alia est juris *divini*, alia *juris naturalis*, alia *juris positivi*: sive ejus quod ipse quis facit, alia *alieni*.

XVI.  
*Quæ &  
quatenus  
ignorantia actionem invitam faciat & excuset.*

*Ignorantia consequens & vincibilis invitam actionem non reddit.*

Hactenus ostendimus quot modis ignorantia dicatur. Quibus ita explicatis id nunc dispiendum est, quænam ignorantia, & quatenus, actionem invitam reddat, quæ item eam excuset, quæ non excuset: neq; enim omnis ignorantia invitam actionem facit, sed ea tantum quæ scientiam tollit prohibeturam actum illum, ut docet Thom. loc. cit. & nos jam ante etiã diximus. Prohibet autem scientia actum aliquem, quatenus voluntatem agendi tollit: unde ignorantia etiam tum demum actionem invitam reddit, cum facit ut id quis velit, quod plane alias nolebat, sive nolle, si sciret. Quapropter *primo* nulla ignorantia *consequens* voluntatem, nulla item *vincibilis* actionem simpliciter invitam reddit aut excusat: qui enim ignorare voluit, aut ignorantiam, cum posset, animo nõ expulit, ei & per illã agere placuit, quod scientia, quam acquirere noluit, aut qua, si habebat, nõ utitur, impedire poterat. Hæc conditio ignorantie est in omnibus malis: cum enim sponte sua vitia contrahant, ultro etiam ipsi sibi ignorantiam præceptorũ virtutis accersunt, quam vitia secum trahunt. Et quamvis ubi semel animi oculum cæno nequitie immerferunt, recte de rebus judicare amplius, etiam quũ volunt, non possint: tamen neque hoc involuntarium plane



plane est, quia ob longam peccandi consuetudinem ejus rei ipsi sibi auctores extiterunt. Quod si diligenter expendisset magnus Plato nunquam eo absurditatis prolapsus fuisset, ut vitia in vitis accidere putasset, qua de re infra.

Deinde nulla ignorantia *universalium*, nec omnis ignorantia *juri* invitam actionem facit aut excusat. De ignorantia *universalium* & *juris naturalis*: (nam de jure divino agere hujus loci non est) modo communissima ejus præcepta spectes, idque, ut nude, & sine peculiaribus circumstantiis proponuntur, res manifesta est. Nam expressè hoc docet Aristot. 3. ethic. 1. tex. 14. Thom. 1. 2. quæst. 94. art. 6. Imo usq; adeo illa præcepta evidentia sunt, ut nec ignorari aut ex animo deleri possint nisi ipsi naturæ vim feceris. Fuere quidem in nonnullis rebus pub. & gentibus aliqua licita, quæ diserte cum illis præceptis pugnant, sicut apud Lacedæmonios furta & adulteria, apud Locrenses Ozolos, Ætolos & Acarnanes prædationes, Plutarch. in Lycurgo. Xenophon de republ. Lacedæmon. Thucyd. lib. de primo sed idèò tamen ignorantia talium rerum invita non est aut excusationem meretur: jam enim ignorare non potuere fœda illa & turpia esse, ut non aliqua ratione remanserit, vel si reliqua nulla erat, sua culpa & amore peccandi ipsi eam extinxere, quod fieri posse Aristot. 6. ethic. capite quinto testatur. Certe alias in re tam evidenti fieri facile non potest, ut non interdum se vindictæ ratio, & toto vitæ tempore nulla cogitatio

XVII.  
Nec ignorantia universalium aut  
juri semper hoc facit.

*Ius hu-  
manum.*

animum subeat, hæc talia minimè licere. Vaquez in 1.2. disp. 122. cap. 1. De ignorantia autem juris humani etsi non est eadem plane ratio: tamen nec illa in foro exteriori excusat aut actionem in vitam reddit: *leges enim qua constringunt hominem vitas intelligi ab omnibus debent* ait lib. 9. Coc. de ll. Equidem indultum est in certis casibus jus ignorare militibus, foeminis, rusticis & in universum quian. XXV. minores sunt, sed id specialis est. Imo nec in foro conscientiae excusat ignorantia illa, si diligentiam debitam quis non adhibuerit, maxime quatenus leges illae ad cuiusque statum proprie pertinent. Vasq. disp. 124. cap. 2.

*XVIII.  
Cautela.  
Prima.*

Verum hic tamen cautela aliqua addenda sunt. *Primo* nota ignorantiam consequentem, si affectata proprie non sit, sed per negligentiam, aut in advertentiam potius aliquam, obrepserit, licet non excuset simpliciter, minuere tamen non nihil delictum. Thom. 1. 2. q. 6. art. 8. *Secundo* diligenter observa quod diximus, ignorantiam juris naturae non facere actionem in vitam, si communissima ejus præcepta spectes & prout unde ac sine peculiarib. circumstantiis proponuntur. Nam alias conclusiones sunt, ex jure naturae deductae, tam longe à communibus & evidentissimis illis præceptis abeuntes, ut obscuritatem & difficultatem habere possint. Cujusmodi multa docti è jure naturae eruunt, sed quas non nemo vix suspicetur jure naturali consentaneas esse. Quod si etià communissimis illis & evidentissimis præceptis certae circumstantiae adjiciantur, fieri potest

potest ut quis ea invincibiliter ignoret. Ita quamquam ignorare nemo potest, non esse occidendum, ignorare tamen hoc potest, nec ei qui lethaliter jam vulneratus est mortem, si ipse te roget, appropinquandam esse. *Tertio* sciendum est, *Tertia.* quum de jure humano agimus, non loqui nos de lege quæ vel promulgata nondum est, vel nondum in notitiam omnium pervenire potuit, aut saltem communiter recepta non est: hujus enim ignorantia sine dubio excusat. Vnde more suo, id est, tyrannicè faciebat C. Caligula imp. quod vel vectigalia indiceret, sed non proponeret, & si legem proposuisset id minutissimis literis & angustissimo loco fieri curaret, ne cui describere liceret. Sueton. *in Caligula.* Quin cum quis invincibiliter ignorat legem etiam promulgatam & receptam excusatur in foro conscientie, licet in foro exteriori id non fiat, quod illic legis promulgatæ & receptæ ignorantia nisi crassa & supina non præsumitur, nec facile alia edoceri potest. Ludovicus Molina de just. & jur. tom. 5. tract. 4. disp. 71. nu. 20. *Quarto* distinguendum *Quarta.* est inter jus commune, siue cujus explicatio obvia est, & abstrusum atque intricatum. De priori item hic præcipue sermo est, de posteriori catenus solum, si is qui ignorat vel habuit quem consuleret, vel sua prudentia ipse instructus sit, ut facite ei fuerit scire. l. regula. §. sed juris ignorantia ff. de ignor. jur. & fact.

Cæterum omnis ignorantia *antecedens* actum voluntatis, omnis item *invincibilis* invitam actionem

*XIX.*  
*Ignorantia.*

*antecedēs* nem reddit, modo non tantum in se, sed etiam in  
*et invin-* sua causa invincibilis sit, eamq; subsequatur pœ-  
*cibilis in* nitentia. De antecedente res liquida est: planè e-  
*vitam fa-* nim voluntatem tollit, cum nec affectata sit, nec  
*cit.* ex negligentia orta: nam alias non antecederet,

*Ignoran-* sed sequeretur voluntatem, tanquam effectus e-  
*tia invin-* jus. De invincibili itidem hoc patet. Sed, ut dixi,  
*cibilis in* oportet ut non tantum in se, sed etiam in sua cau-  
*se et in* sa sit talis. Sic qui ex ebrietate peccat, plane nescit  
*sua causa.* sæpe quid faciat, ut ignorantia illa in se spectata

simpliciter sit invincibilis. At in sua causa vinci-  
 bilis tamen est: poterat enim non inebriari. Vide  
 Durand. 2. sent. d. 3 2. art. 4. Deinde oportet pœ-

*Etiā i-* vita erit. Ad eundem modum invitam actionem  
*gnor. par-* facit & excusat ignorantia *particularium*, ut docet  
*ticul. et* Arist. 3. eth. t. 16: & apud I Ctos ignorantia facti,  
*facti ex-* Li. 4. 8. & 9. ff. de ignor. jur. & fact. sed ita tamen;

si supina aut crassa non sit, ut est d. l. 9. §. sed facti  
 ignorant. Ubi enim factum quis ignorat quod  
 scire optime poterat, sed observare neglexit aut  
 ignorare voluit, hoc ad ignorantiam consequen-  
 tem pertinet, cum scire debuerit, aut operam de-  
 disse, ut sciret. Quod tamen rursus ita intelligen-  
 dum est, ut scientiam neq; curiosissimi neq; ne-  
 gligentissimi hominis accipiamus, quemadmo-  
 dum id I Ctus l. & §. cit. explicat.

XX. Postremo ignorantia *concomitans* (nam de hac

*Item i-* nondum diximus) actionem quidem invitam  
*gnorantia* proprie non reddit, ipsa tamen quoque excu-  
*concomi-* sat. Invitam non reddit; nam id tantum invitum  
*par.* est, quod

est, quod si cognosceremus aversemur. At qui ex ignorantia concomitante quid facit, eo animo est, ut idem faceret si sciret. Sed nec sponte tamen fit, quod ita committitur, cum id tantum sponte fiat in quod fertur appetitus, ferri autem in ignotum nequit. Aristot. talia dicit nec sponte nec invito, sed non sponte fieri. Excusat hæc ignorantia, quia excusatur omne quod sponte tantum factum non est. Ita qui inopinato occidit hominem, cui insensus alias erat, & quem forte etiam si scivisset occidisset, excusatur, si ignorantiam eam in sufficienter docere possit: quanquam enim affectus ejus à peccato immunis nunquam fuit, quamdiu animum occidendi habuit, peccat etiam quum post approbat quod ignoranter fecit; actus tamen ille exterior in se consideratus excusationem vulgo invenit. Et hoc modo ignorantia actionem invitam reddit & excusat.

Duo adhuc notanda sunt. Primum est omnem ignorantiam quæ actionem invitam reddit excusare *in totum* à re ignorata, sed sæpe *in quantum* si secundum quid tantum ignorantem, idq; tū fit quum quis operam dat rei illicitæ. Sic Oedipus quia ignorabat, nec scire poterat, patrem esse quæ occidebat, excusatur à parricidio, nec tamen ab homicidio: quemadmodum & Judam Gen. 38. quū Thamar nurū suam ignorās comprimeret, ignorantia ab incestu liberabat, nec tamen plane inculpatum alias reddebat: fornicationem enim commisit. Deinde & hoc observandum est.

Dixi-

XXI.  
Aliud ex-  
cusari à  
re ignora-  
ta & an-  
cusari i-  
gnoran-  
tem.

Diximus supra ignorantiam quæ ex ebrietate aut affectuum vehementia oritur ideo non excusare quia in causa sua non sit invincibilis. Quod ita tamen accipiendum non est, quasi nunquam allevare tale quidquam delictum possit: omnino enim potest, præsertim si præter opinionem quis inebriatus sit aut per ebrietatem aut affectum id designarit, quod alioqui facere non solebat, nec ipse prospicere poterat se facturum. Vnde Plutarchus *συμπόσια*. q. 1. tradit veteres Baccho oblivionem cum ferula consecrasse, ut ostenderent, aut non esse recordandum eorum quæ in vino peccata essent, aut levi plane & puerili pœna ea afficienda. Nec obstat quod Pittacus Mitylenæus, ut est 5. eth. c. 6. t. 72. ebrios duplici pœna afficiendos censuerit; nec enim ideo id faciebat, quod ebrietati putaret nunquã veniam concedi posse, aut ipsam etiam aggravare delicta, sed ut cives tam severa lege à temulentia hoc magis revocaret & publico bono cōsuleret, præsertim cū Lesbos insula, ubi est Mitylene, vino abundet, sicut expresse docet Aristot. 2. politic. c. ult. & Diog. Laërtius in Pittaco. Tantum de invito.

**XXII.** *Delecti-*  
*one. Quid*  
*fit.* Expofuimus quid sit spontaneum, quid invitum: pergamus ad electionem siue prææresin. Cujus natura ut eo rectius percipiatur ostendendum primo quid sit Electio, deinde quarum rerum sit. Vbi initio facile constare potest, non esse illam unum plane & idem quid cum spontaneo: sponte enim certo modo etiam bruta & pueri agunt, ut in initio diximus, quibus tamen electio

electio competit. Adde quod ea etiam quæ subito à nobis fiunt sponte facimus, nec ex præfati tamē. Multo minus aut cupiditas aut ira esse potest, ut veterum quidam opinati sunt, quod illa non tantum itidem in brutis reperiuntur, sed sæpe etiam electioni aduersentur, sicut hoc ubertime disputat Philosophus. Imo in universum electio non est in anima sciēte, nec eorū quidquam, quæ etiam in brutis sunt. Sane potest brutum animal, cum pascitur, ex multis herbis pro lubitu, & prout hæc aut illa magis artiferit, hanc præ illa decerpere, electio tamen ea non est nisi vocabulo abutaris. Causa hæc est, quod electio ex multis ante inter sese collatis libere unum accipit: bruta autem nec conferre res inter se possunt, & solo naturali instinctu in eas feruntur. Improperie ergo electio dicitur cum brutis tribuitur, propriis autem ita vocatur illa tantum quam consultatio præcessit, quæque in homine est. Verum hic jam statim quæritur, sitne igitur actus intellectus an voluntatis? Dicimus autem voluntatis esse: etsi enim nihil eligimus nisi præcedente actu aliquo intellectus, imo voluntas ab intellectu dirigitur in eligendo: unde Aristot. 6. Ethic. cap. 2. t. 25. ait, electionem esse aut intellectum appetitivum aut appetitum intellectivum; dubium tamen non est, quin præcise & in se spectata sit actus voluntatis. Paret hoc ex definitione ejus 3. ethic. capit. 3. t. 61. ubi disertè vocatur appetitio. Vnde etiam Thom. 1. 2. quæst. 13. art. 1. *Est actus* expresse vocat actum potentie appetitivæ, & *voluntas* Henr. *sic*

*Electio non est in anima sciēte aut in brutis*

*An sit actus intellectus an voluntatis*

Henr. quodlib. 1. quæst. 16. per se & completive dicit voluntatis esse, licet semper præcedat cognitio. Facile autem hoc ostenditur & iisdem quidem argumentis, quibus Aristoteles probat eam non esse opinionem. *Primo* enim intellectus versatur circa res omnes, id est, tam æternas, quæque in nostra potestate non sunt, quam quæ nostri sunt arbitrii, & fieri à nobis queunt, quod electioni non competit. *Secundo* iudicium intellectus vero & falso distinguitur, electio bono & malo: neque enim veram aut falsam electionem dicimus, sicut veram aut falsam sententiam, sed bonam vel malam, rectam aut pravam. *Tertio* ab electione boni vel mali dicimur primo & per se, à iudicio intellectus non item. *Quarto* persequi aliquid aut fugere eligimus, non iudicamus. *Quinto* denique laudatur electio, si sit rei bonæ, iudicium si rei veræ. Ita constat electionem actum intellectus proprie non esse. Quare relinquitur, ut sit actus voluntatis. Verum non est quivis actus ejus, sed talis quem præcessit aliqua deliberatio: cum enim eligere nihil sit aliud quam ex ijs, quæ ante inter se contuleris, unum accipere, ut supra diximus, sive ex multis; quæ consideraris, unum alteri præoptare, illud, velle demum erit eligere quod sit præcedente certa rerum consideratione & disquisitione. Sic patet quid sit electio.

*Qualis a-  
ctus vo-  
luntatis  
sit.*

**XXIII.**

*Quanam  
res eli-  
gantur.*

Res quæ eliguntur sunt primo *possibiles*, secundo *tales*, ut fieri à nobis possint, tertio *media* potius quam fines. Electionem esse rerum *possibilium tantum*,



tantum, facile liquet: eligere enim est rem agere  
 velle voluntate completa. At stultus sit qui velit  
 agere quod scit fieri non posse. Eligi ergo nihil  
 potest, nisi quod possibile est. Vbi nota voluntatē *Voluntas  
completa  
incompleta.*  
 completam vocari cum simplicitate & absolute  
 quis quid vult, incompletam cum quid vult sub  
 certa ista conditione, si res illa esse possit, quæ vul-  
 go ut à voluntate completa distinguatur, vellei-  
 tas dicitur. Hæc impossibile esse potest, illa  
 non potest: impossibilia enim quis velle potest  
 ea conditione si possible sint, at non simplici-  
 ter sive prout sunt impossibilia. Esse potest elec-  
 tionē eorum tantū quæ à nobis fiunt inde con-  
 stat, quod velle quidem possumus, ut hoc aut il-  
 lo pacto fiant quæ alii faciunt, eligere non pos-  
 sumus. Postremo mediocrius potius est quam fi-  
 nis. Causa hæc est, quia illud solum sub electio-  
 nem cadit quod in consultatione conclusum  
 fuit. Finis autem in syllogismis practicis conclu-  
 sio non est sed principium, ut docet Aristoteles  
 7. ethic. cap. 8. tex. 61. Ita inter sanitatem & mor-  
 bum nemo electionem instituit, sed media tan-  
 tum eligit quibus sanitatem vel præsentem con-  
 seruet vel amissam recuperet. Nihil tamen ob-  
 stat eum finis unus subordinatur alteri ejus quo-  
 que esse electionem; sed tum ille naturam me-  
 dii induit, ut docet Thomas loc. cit. art. 3. Quibus  
 ita expositis natura electionis manifesta est. De-  
 finitur autem sic: *Electio sive proarsis est earum rerum  
 quæ in nostra potestate sunt ex consultatione profecta ap-  
 petitio.* Hæc de electione.

*Consul-*

**XXIV.** *De consultatione. Pertinet ea ad intellectum. De quibus rebus consultatur.* Consultatio cum electione ratione objecti convenit, tantum subiecto differt: cum enim consultare sive deliberare sit dispicere quid in re quam factum sit opus, consultatio utique ad intellectum pertinet. Verum sicut electio non est omnium rerum indifferenter, sed earum tantum quæ in nostra potestate sunt & fieri à nobis possunt: ita nec consultatur de rebus omnibus, aut de iis quæ uno & eodem modo semper fiunt, sed de illis tantum quæ aliter atque aliter evenire solent. Nec etiam de his cunctis: quarum enim natura aut fortuna causa est, eæ sub consultationem non cadunt. Sic nemo deliberat de siccitate aut imbribus; nemo de inventione thesauri, etsi hæc interdum contingunt, interdum non contingunt. Quare de iis solum deliberatio instituitur, quæ agi ab homine possunt. At nec rursus hæc omnia sub deliberationem cadunt, sed ea tantum, quæ fieri à nobis possunt: ecquis enim nostrum de rebus e.g. Scytharum, Chinesium aut Brasiliæ consulet, cum eæ nihil ad nos attineant? Porro vero etiam res illæ quæ fieri à nobis possunt in duplici sunt differentiæ: quædam enim nihil dubii habent, quædam multum habent. Nihil dubii est in ijs, quæ vel patet sunt, ut contemnuntur, vel tam exacte ab arte aliqua comprehensæ, ut uno & eodem modo semper fieri à nobis possint. Sic nemo dubitat, quomodo pingendæ sint literæ, si artem scribendi norit, nemo etiam inquit quid fieri ei ijs debeat, quæ parum juvare ejus propositum possunt,

possunt. Contra multum dubii est in ijs rebus  
quæ non semper æq; succedunt. Ita medicus et-  
iam, qui optime artem medendi callet, dubitat  
sæpe qua ratione morbum hunc aut illum quam  
felicissime cutet. Atque harum, non illarum, est  
consultatio. Postremo sicut electio non est tam  
finium quam mediorum, quorum ope finem con-  
sequimur: ita etiam consultatur de medijs tantum.  
cum enim finis, ut ante dicebamus, principium  
sit in practicis, dubii nihil habet, nec sub inquisi-  
tionem venit, sed tanquam certum & notum quid  
supponitur. De fine ergo non est deliberatio, nisi  
forte quod finis est unius rei medium fiat alterius.  
Nam tum fit quod alias etiam in demonstratio-  
nibus fieri solet: quemadmodum enim quod est  
principium unius demonstrationis sæpe fuit cō-  
clusio alterius, ut docetur in apodicticis & ex  
toto 1. lib. clem. Euclidis patet: ita etiam quod acci-  
pitur ut finis in una deliberatione, accipi potest ut aliquid  
ad finem in alia, inquit Thom. 1. c. q. 14. art. 2. Tan-  
tum etiam de consultatione:

*Omnis  
consulta-  
tio de me-  
dijs ad  
finem.*

**XXV.**  
*De vo-  
luntate.*

Vltimum principium actionum est *Voluntas*.  
Quod autem nomine voluntatis hic denotemus  
jam ab initio dictum est: duplex enim ejus consi-  
deratio in Ethicis esse potest, una ubi de objecto  
agitur, altera heic ubi de principiis. Illic ipsa po-  
tētia volēdi, heic actus volūtatis spectatur. Qua-  
re etiam illic explicatur, quid sit voluntas, quod  
ejus subjectum, & quod objectum, &c. heic tantum,  
qui & quatenus actio aliqua exterior ab ipsa de-

*Quomodo  
differat à  
cæteris  
principiis.*

pendeat sive voluntaria aut involuntaria sit. Et differt voluntas tum à cæteris principiis, tum ab electione consultatione. Quomodo distinguatur à spontaneo supra dictum est. Ab electione differt, quod illa potissimum in media spectet, voluntas fines, item quod ea quæ subito facimus volumus nec tamen eligimus, ut dicitur 3. ethi. cap. secundo. A consultatione, qua ista actus intellectus est.

**XXVI.**  
*Quomodo  
multipliciter  
quis quid  
dicatur  
velle.*

Sed ut recte intelligatur quatenus actus exteriores dependant à voluntate, tria breviter exponenda erunt. 1. Quotupliciter quis quid possit velle. 2. Qua ratione aliquid fiat magis minusve voluntarium. 3. Quid actus exterior, quid item eventus, voluntati superaddat. Principio igitur velle quis quid dicitur, non tantum quum ipse quid facit, sed etiam quum approbat quod alius facit. Potest autem hoc fieri multipliciter, primo enim approbat qui jubet, dein qui consentit, tertio qui facientem collaudat, quarto qui commodi particeps fit, quinto qui cum possit & debeat non impedit, & sexto denique qui auctorem rei recepat. Thomas 2. 2. quæstion. 62. articul. 7. his versibus inclusa hæc recitat: *Iussio, consilium, consensus, palpo, recursus, Participans, mutus, non obstand, non manifestans.* Iubet autem fieri aliquid non tantum qui expresse id mandat, sicut David Vriam interfici iussit, sed etiam qui signis ostēdit rem sibi placere, imo iussisse, etiam censetur qui quod factum est ratū habet. *Consentit* quisquis vel consilium alteri suggerit,

gerit, vel ipsum sciens adjuvat, vel etiam veniam concedit absque qua facere ille id non poterat. Dico qui sciens adjuvat: nam si vel nesciat quid faciat alter, vel eum finem, quem ipse propositum sibi non habeat, alia ratio est *Collaudat* qui in instituto alterum confirmat eumque ad faciendum invitat, vel id quod facturum scit, utile & pulcrum esse ipsi ostendit. *Particeps* commodi fit, qui vel ex furto, vel rapina aliquid accipit, etsi prædonem aut furem non adjuvit. *Non impedit*, qui vel ipse non obstat cum obstatre posset & teneretur, vel non indicat alteri qui impedire potest, cum indicari oporteat. Denique *receptat* qui vel hospitium præbet alteri, ut eo facilius & tutius perficiat, quod animo destinavit, vel post factum occultat auctorem, eo sine ne ad pœnam trahatur, sed porro facultatem delinquendi habeat. His & si qui sunt alii modi culpam quis ejus quod alius facit in se transmovet, ut perinde sit ac ipse fecerit. Vnde & ll. pœnam statuunt eandem iis qui ipsi homicidium aut furtum committunt & qui eadem alicui mandant, vel furem ope sua iugant, imo latroni & qui eum receptant §. inter dum Inst. de oblig. quæ ex delict. nasc. l. in furti 50. ff. de furt. lib. 15. ad l. Corn. de sicar. & t. i. ff. de receptatoribus.

augetur autem & minuitur ratio voluntarii **XXVII.**  
 rii *primo* prout quid sit vel sine errore & ut per- *Quomodo*  
 turbationum, vel per errorem & ob perturba- *augeatur*  
 tionem, deinde prout proposito voluntatis ali- *vel mi-*  
 quid accedit & decedit. Maxime voluntarium *nuatur*  
*ratio vo-*  
*luntarii.*

est, quod nec errore seducti, nec vi affectuum abrepti, ipsi facimus. Ita agunt qui ex certa malitia quid faciunt. Sed & voluntarium cum primis est quod per affectum fit, si huic quis locum ultro dedit ut eo confidentius peccaret. Minus voluntarium est, quum vel errore deceptus quid agit, vel ex imbecillitate humana affectui alicui cum ingratis succumbit, ut ira aut amore abreptus aliquid designet. Propositum voluntatis augetur & auget voluntarium tripliciter, ob *num- rum, extensionem vel intensiorem*. Ob numerum, quum quis bene aut male facere quid semel animo proposuit, sed tum non fecit, post iterum sibi proponit & facit: ob extensionem quum ita quis quid facit, ut diu illud animo proposuerit: ob intensiorem, quum ita facit, ut quo magis facit eo cupiat magis, quia maiorem ex re illa voluntatem percepit, quam ante sperarat. Thom. 1. 2. q. 20. art. 4.

XXVIII.  
*Quid a-  
ctus exte-  
rior sup-  
per addat  
actui vo-  
luntatis.*

Super addit porro actus exterior voluntati aliquid quatenus est terminus voluntatis & perfectio actus interioris: sicut enim motus perfectus non est nisi cum terminum agit, ita nec velle perfectum nisi cum actio subsequitur. Potest autem hoc fieri dupliciter: vel enim plene quis quid vult, vel plene non vult; sed ex parte tantum. Si priori modo se habeat voluntas, actus exterior addit maiorem tantum delectationem, & vel commodum vel damnum proximi: si posteriori, supplet etiam quod voluntati deerat. Ita si omnino dare velis eleemosynam & impediaris forte, & que acceptum illud Deo

Deo est, quam si dedisses, nisi quod alterum in commodum proximi magis cedit: si item peccare voluisti & impeditus es, æque malum illud est ac si perpetrasses factum, nisi quod tanta libido non adfuit, quanta est cum facinus perpetratur, nec damnum proximo illarum est: sin vero non plene volueris facere quod facis & facis tamen, perinde hoc est, ac si facere omnino voluisses, Thom. loc. cit. Et hoc est quod apud Ciceron. 3. de finibus dicit Cato: *Ut peccatum est patriam prodere, parentes violare, fana depeculiari, quæ sunt in effectu, si timere, marere, sic in libidine esse peccatum est, etiam sine effectu.* Postremo eventus qui supervenit actui *Quid sit aut est à nobis prævisus aut non est. Si prævisus, per addas omnino auget bonitatem & malitiam actus. Si eventus.* Si non prævisus, erat vel talis, ut necessario actum illum sequeretur, & itidem addit ei aliquid, vel plane per accidens supervenit & nihil superaddit. Hactenus etiam de Voluntate. Hæc sunt actionum nostrarum principia, quæ cum in potestate nostra posita sint, actiones quoque ab iis profectæ in nobis sitæ erunt, adeoque & virtutes & vitia. Idque ut recte ex iis, quæ explicata hactenus sunt, deducitur, ita cum primis heic observandum est. Quod tamen quum dicimus de actionibus aut virtutibus aliis quam civilibus sermo non est, sicut nec aliarum principia tota hac dissertatione consideravimus: quæ enim natura & conditio sit actionum, quarum sola Spiritus S. gratia in homine principium est, alio pertinet explicare.

*De principis actionum civilium heic tantum tractatum esse.*

XXXI.

Error

Platonis

fatuentis

omne

quod ma-

lum fieri

ab invi-

tis.

Alcinous.

Supereſt ut heic obiter notemus errorem Platonis, qui virtutem tantum voluntariam eſſe ſtatuēbat, vitia involuntaria, reprehenuſ eo nomine & rectiſſime confutatus ab Ariſtot. 3. ethic. cap. 5. Eſſe hanc ejus ſententiam ex pluribus locis manifeſto colligitur, quorum aliqua tantum ſcribemus. In Protagora ſic ait: Arbitror equidem ſapientem nullum putare, quemquam hominem eſſe qui ultro aberret, malaque & turpia ſponte committat: ſciunt etenim quod qui mala turpiaque committunt præter voluntatem peccant. Et 9. u. l. Ruſus videamus o Clinia quomodo nos de hiſ conſentimus. Clin. Quem dicis conſenſum? Athen. In ſuperioribus diſerte mihi dictum arbitror. Clin. Quo pacto? Athen. Quod ſi ſupra dictum non eſt, nunc ſaltem medicere exiſtimate. Clin. Quidnam? Athen. Malos omnes omnino male eſſe contra voluntatem ſuam. Idem accommodat ad injuſtitiam c. dell. Noſſe imprimis oportet nullum injuſtum ſpōte injuſtum eſſe: nemo enim unquam maximorum malorum aliquid alicubi vellet habere, multoq; minus in hiſ quæ ipſi præſantiſſima ſunt. Hæc Plato. Alcinous rem hanc ex ejus ſententia ita proponit & diſputat de doct. Platon. cap. 30. Quod ſi quis in vitium fertur, inquit, primum quidem non ut in malum, ſed velut in bonum potius inclinatur: & ſi in malum nihilominus labitur, certe decipitur, quod hac via per minus aliquod malum ad maius aliquod adſpirat bonum, atq; hoc modo invitus accedit: neque enim fieri poteſt, ut quis eo animo ad mala feratur, ut hæc conſequatur, non ſpe boni alicuius aut metu maioris mali. Quamobrem omnia quæ improbus improbe agit involuntaria ſunt. Hæc ille. Verum




rum enim vero enormiter labitur, summus Philosophus: nec tantum error est in fidem Christianam, sed ipsam Philosophiam graviter impingit. In fidem: tantum enim adest, ut inviti mala perpetremus aut mali simus, ut nullam in rem pronior aut proclivior sit animus postquam semel naturam peccati originalis labes in sedet & penitus corrumpit, ut id in scholis Theologicis docetur. In Philosophiam impingit: aut enim actiones malæ non sunt nostræ actiones, aut ab illis principiis proveniunt quæ in nobis sunt & hætenus explicavimus. Nec enim alia esse principia possunt. Adde quod omnes legum latores viro illi alias incomparabili refragentur, imo privatus etiam quisque, cum eos qui male faciunt uno ore pœnis destinant & tradunt, ac contra iis qui recte se gerunt honores & præmia decernunt, quod profecto absurdè fieret, si sponte sua nemo malus esset: nec enim quæ aliter fieri simpliciter non possunt aut poterant, pœnis coercentur, aut legibus prohibentur, nisi quis etiam ad solem stanti imperare velit ne caleat, aut ei qui pulsatur ne doleat. Nec alicuj<sup>9</sup> momēti est quod de ignorantia assertur: præterquā enim quod manifesto falsum est, omnia quæ male fiunt ab ignorantibus committi, notum etiam est omnem ignorantiam actionem invitam nō reddere. Dubiū igitur nullū est quin ut principia actionū ita & ipsæ actiones nostræ in potestate nostra sint, imo non tantū actiones, sed & habitus qui ex iis in nobis gignuntur. Tantum hoc sciēdum adhuc est actio-

XXX.

Confusa-  
tur error  
Platonis.

num quidem & principium & finem in nobis & in manu nostra esse, habituum vero principium tantum, puta quod sciamus ex huius vel illiusmodi actionibus hunc aut illum habitum tandem oriri, licet is ubi jã adest in potestate nostra esse desinat. D. Augustinus lib. 8. Confess. cap. 5. præclare hoc docuit de habitibus vitiorum. *Ex voluntate perversa, inquit, facta est libido, & dum servitur libidini, facta est consuetudo, & dum consuetudini non resistitur, facta est consuetudo, & dum consuetudini non resistitur, facta est necessitas.* Tantum de principiis actionum.



## CAPVT

De virtute mali in specie & primo  
de Fortitudine.

## SUMMARIA.

- 1 Nomen fortis late patere.
- 2 Quenam res mutantur.
- 3 Democritum non territum spectris.
- 4 Objectum fortitudinis metum mortis.
- 5 Quinque genera eius. Primum.
- 6 Secundum.
- 7 Tertium.
- 8 Quartum.
- 9 Quintum.
- 10 Quenam revera sint fortes.
- 11 Duplex munus fortitudinis.

- 12 De αὐτοχρεια.  
 13 Quantopere multis probata sit.  
 14 Non esse licitam.  
 15 De facto Razia.  
 16 Αὐτοχρεια pugnare etiam cum recta ratione.

17 Vitia fortitudini opposita.

**H**Actenus in genere de virtute morali tracta-  
 tum fuit, nunc unamquamque earum singulatim consideremus. Quod etsi parum inter-  
 est quo ordine fiat, nos tamen ductum Aristot.  
 sequemur & ordinem cum servabimus, quem ipse in ethicis Nicomacheis tenuit. Dicemus igitur primo de fortitudine. Late autem patet nomen fortis & fortitudinis: interdum fortis idem est quod celer, si Nonio credimus. Ita accipitur in illo Lucretii lib. 3.

*Quidnam tremulis facere artubus hedi  
 Consimile incursum possint ac fortis equi vis.*

Item in Enniano isto quod apud Cic. in Cat. Majore legitur:

*Sicut fortis equus, spatio qui saepe supremo.  
 Vincit olympia, nunc senio confectus, quiescit.*

Interdum idem est quod robustus, sicut in illo mimi apud Capitolinum, quod Maximino imperatori, qui propter robur & magnitudinem corporis occidi se non posse putabat, occentur legimus.

*Leo fortis est & occiditur,  
 Tigris fortis est & occiditur,  
 Cave multos si singulos non times.*

Interdum etiam pro pulcro accipitur, sicut apud

pud Plautum in Milite. Item pro divite & nobili;  
ut in Trinumo. Sæpe porro fortitudo idem est  
quod laborum tolerantia aut etiam continentia.  
Sic Horat. lib. 2. epist. 1.

*Agricola prisci fortes parvoq; beati.*

Et lib. ep. 6.

---fortis omisiss

*Hoc age deliciis.*

*S. Au-  
gust.*

*Ambros.*

*Proprie  
dicitur  
fortis qui  
circa me-  
tum recte  
se habet.*

Quo sensu etiam Plato 1. de legibus *majori forti-  
tudine opus esse dicit ad voluptatem vincendam quam do-  
lorem.* Et sæpius adhuc usurpatum illud vocabulū  
invenitur pro tolerantia & constantia in rebus  
adversis. Ita B. Aug. lib. de l. arb. c. 13. dicit: Non in-  
telligo quem fortem verius appellare possim, quam eum qui  
rebus iis quas neq; ut adipiscamur, neque ut obtineamus in  
nobis situm est, a quo & tranquillo animo caret, quod hunc  
necessario facere compertum est. Et Ambros. 1. offic. c.  
36. utramq; acceptionem conjungit & *contemnere  
divitias voluptates, honores, res adversas,* numera forti-  
tudinis facit, imo cap. 39. ait *fortitudinem munire a-  
nimum contra omnia vitia & facere ne ab ullo eorum quis  
vincatur.* Sed omnes hæ acceptiones minus pro-  
prie sunt accepta tātum ultima: maxime proprie  
fortitudo illa dicitur quæ circa fiduciam & metū  
versatur, id est, confidēti & intrepido animo esse  
docet. Cujus eximiæ virtutis natura ut eo rectius  
percipiatur duo exponenda cū primis erunt, pri-  
mo objectum ejus, sive quæ res sint in quibus fi-  
dere oportet, & quarum metum tollat fortitudo,  
& quantum vel ad eam accedant vel ab ea abeāt

cæte-

cæteri habitus, qui speciem tantum fortitudinis præ se ferunt, vel similitudinem ejus aliquam habent.

Plurima autem sunt quæ metui ab hominibus solent & inter cætera etiam infamia, pau-

II.  
*Quamvis  
res magnæ  
antur.*

peritas, morbus, plagæ, solitudo sive vita amicis orbara, si quid his est affine. Sed hæc materiæ fortitudinis proprie non sunt: infamia enim recte metuitur & metuit eam optimus & sapientissimus etiam quisque. Paupertas autem, morbi & plagæ, etsi semper metuenda non sunt, fortis tamen statim non est qui ista non metuit, cum plagas etiam nequam servi contemnant & paupertatē prodigi. Morbos vero & calamitates magno animo tolerare etsi fortitudine affine est, fortitudo tamen proprie non est, ut Arist. 3. eth. c.

6. tex. 88. docet. Causa est quod fortitudo ut omnis virtus versetur circa ea quæ maxime ardua sunt: unde sit ut quod minus est terribile sub fortitudinē ita proprie non cadat. Metuuntur præterea terræ motus, inundationes fulmina, ruinae, dæmonum illusiones, & conspectus sive phantasmata, ac similia. Verum nec in his fortitudo occupatur, quia supra hominis virtutem & constantiam posita sunt, eaque etiam fortis ut homo metuit. Quin plerisque his contra ire hominis est vel admodum stupidi vel oppido insani dicente Aristot. c. 7. tex. 95. Certe insaniebant olim Celtæ sive Galli, si vera sunt quæ de iis subindicat Arist. 3. eth. c. 7. exponit autem Ælianus li. 12. c. 23. Dicit adeo ignominiosum eos duxisse sugere ut à corruentibus & collabentibus adibus saepe in exiret, sed ne ex ardentibus

*Quamvis  
rerum  
metus  
constan-  
tiam ho-  
minis su-  
peret.*

ardentibus quidem , ita ut incendio ignique circumveni-  
rentur. *Multi & inundans mare substinebant &*  
*quidem insuper in fluctus armati se iniiciebant, atque eo-*  
*rum impetum excipiebant , protensis gladiis evaginatis*  
*& hastis vibratis , perinde ac si vel terrere vel vulnera-*  
*re possent. Hæc Ælianus. Quanquam autem*  
*eadem ista Cimbris olim tribuit Ephorus , falsa*  
*tamen sunt , ut jam olim docuit Posidonius &*  
post eum Strab.lib.7.in descript. Germaniæ,ut  
in nostris notis ad 3. ethic. observamus. Ve-  
rius forte est , quod de Cannis refert Hero-  
dotus lib.1.eos armatos aerem hastis pulsasse, dicentes  
se eicere Deos peregrinos, aut quod idem de Phyllis,  
qui arma contra austrum ventum capiebant, quod in iu-  
via se ab eo affectos dicerent, ut habetur li. 4. Et similis  
est Xerxis stultitia , cum transiens in Græciam  
compedes in Hellespontum iniiceret & verbe-  
rari eum juberet, ut refert idem lib. 9. Hæc, in-  
quam, non fortitudinis sunt sed furoris aut certe  
magnæ stultitiæ.

III. Despectis autem et si paulo alia ratio est, ne-  
que hic tamen fortitudini fere locus relinquitur  
quidem Democritus Abderita adeo hæc talia  
non metuit, ut per diem & pernox sæpe extra portam in  
monumentis viveret, ibi scriptionibus & commentatio-  
nibus vocans. Cumque aliquando illudere & perterrefa-  
cere ipsum aliquot adolescentes vellent, & nigra veste in  
modum cadaveris ornati , ac larvis cranium huma-  
num representantibus induti eum circumfiliarent, ille ni-  
hil commotus & nec inter scribendum respiciens, id tan-  
tum dixisse fertur, ineptie definerent, ut testatur Lu-  
cianus in Philopseude. Sed hic persuasus  
erat

*Canniorū  
& Phyl-  
lorum in-  
sonia.*

*III.  
Democri-  
tus non  
per terre-  
stribus spe-*

erat nihil spectrorum esse in rerum natura posse. *Nec M.*  
 Major animi præsentia in Marco Bruto fuit, qui *Brutus.*  
*spectrum horrendum & terribile de nocte sibi oblatum*  
*non tantum intrepido animo vidit . sed ultro etiam*  
*compellavit , rogans quis esset & qua de causa venisset,*  
*cumque respondisset phantasma : molus tuus genius*  
*sum ,Brute, in Philippis me videbis,subjecit Brutus,vi-*  
*debo , ut refert Plutarch. in Bruto.* *Aut A<sup>2</sup>*  
*Nec ab simile*  
*facinus est Athenodori Philosophi Athenien-*  
*sis, qui non tantum ædes propter spectra infa-*  
*mes ultro habitatum immigravit, sed cum spe-*  
*ctrum concubia nocte apparens ei innueret,*  
*ut se in aream ædium subsequeretur , sublato*  
*lumine , ad quod scribebat, secutus est & lo-*  
*cum ubi evanesceret notavit, sicut narrat Plinius*  
*lib. 7. ep. 27.*

Verum hoc admodum rara sunt ; nec si talia *IV.*  
 metuat vir fortis vitio ei id vertitur. *Objectionum*  
 Quare relin- *fortitudi-*  
 quitur ut in iis intrepide se gerat, quæ ita terribi- *nis metus*  
 lia sunt & metum incutiunt, ut constantiâ tamen *mortis.*  
 hominis nō superent. Inter hæc autem præcipuū  
 est vitæ periculum sive mors ipsa illa enim est re-  
 rum omnium maxime terribilis. Nec mors tamē  
 omnis huc pertinet: nam etsi in illa quoq; quam  
 vel in mari tempestas vel morbi vis affert, animo  
 abjecto vir fortis non est, tamen hæc nō est præ-  
 cipuum fortitudinis munus: indicio sit, quod istā  
 mortem etiā moleste fert quia virtuti & præcla-  
 ris factis in ea locus non est. Sane vir fortis nō de- *Nec om-*  
 trectat mori, sed ita ut morte sua de multis præ- *nis mori*  
 clare mereatur. Hinc Achilles apud Homerum & *tamen:*  
 Aeneas

Æneas apud Virgilium cum hic metueret naufragium, ille ne in Scamandro fluvio periret, conqueruntur; quod non in prælio plurimis hostibus prius interfectis cadere sibi licuerit potius, quam ita miseriam & ingloriam mortem oportere. Verba Achillis sunt:

Achilles  
Δ. Φ.  
CXXC.

Ὡς μὲν ὁ φεικτῶν κλίνειν, ὅς ἐν σταδὶ πύθεται ἀει-  
ς.

Τῷ κ' ἀγαθὸς μὲν ἵππερ' ἀγαθὸν δέκεν ἔξαιε δαίμων.  
Νῦν δέ με λευγαλὶ ὀδυνάτω ἱμαρτο ἀλῶναι  
Ἐρχθὲν' ἐν μεγάλῳ ποταμῷ ὡς παῖδα συφορβόν,  
Ὅν ἔλ' ἐν αὐλῇ ἀπέρσει χαμῶνι περῶντα,

Lib. 1.  
Æneas.

Nec aliter Æneas:

---- O terque quaterque beati.

Queis ante orta patrum Troia sub mœnibus altis

Contigit oppetere: ὁ Danaum fortissime gentis

Tydidæ, mœne Iliacis occumbere campis

Non potuisse: tuâq; animam hanc effundere dextra?

Sævus ubi Aecida telo iacet Hector, ubi ingens

Sarpedon, ubi tot Simonis correpta sub undis,

Scuta virum galeæque & fortia corpora voluit.

Vnde Cimbros etiam & Celtiberos scribit Valerius Maximus lib. 2. cap. 6. in acie exultasse tantquam gloriose & felicitet vita excessuros, lamē-  
tatos autem in morbo quasi turpiter & miserabiliter perituros, quod etiam Cicero Tuscul. 2. refert. Eadem de causa Epaminondas Dux Thebanorum post prælium ad Mantineam tranquillo animo spiritum tum demū efflavit cum sua morte patriæ victoriam partam esse intelligeret, ut testatur Iustinus lib. 6. c. 8. In morte ergo honesta &

Epami-  
ondas.

præ-



præclara atque iis quæ hanc afferunt virtus vii  
 fortis potissimum emicat, ibi fidit & impet terri-  
 tus est. maxime autem si quid subito accidat: re-  
 pentina enim & inexpectata fortius animum per-  
 cellunt & facilius de statione turbant quam  
 prævisa: virtus autem in iis cum primis occupa-  
 tur quæ ardua maxime sunt 2. eth. 3. text. 9 Adde  
 quod hoc magis ab habitu est si in repentinis re-  
 cte se quis getat; nam quæ multo ante perspecta  
 sunt ea solo consilio & ratione suscipere quis  
 potest 3. eth. ca. 8. tex. 118. Hoc est obiectum for-  
 titudinis.

V.

Quod si autem naturam ipsam ejus confide- *Quinque*  
 res, quinque præcipue fortitudinis genera vulgo *genera*  
 occurrunt. Vnum est civile sive civium in repu- *fortitudi-*  
 plica, qui præmiis & honoribus invitati, vel ig- *nis qua*  
 nomina quam metuunt compulsi, fortes se ge- *vulgo pu-*  
 runt, sicut Lacedæmone fuisse legē, quæ ignomi- *tatur.*  
 nia notabat cives qui è prælio fugerant, constat *Primum.*  
 ex pugna Leuærica. Vide Plut. in Lacon. apophth.  
 c. 21. Hi ad veram fortitudinem proximè omniū  
 accedūt: namq; & amore rei honestæ ac pulchræ  
 cujusmodi quid est honor, & evitandi causa quod  
 turpe est, pericula adeunt. Eo animo erat Hector  
 apud Homerum cum exclamaret:

Ω μοι ἔγωγά μιν κεύλας καὶ πείχια δῶω

Πουλυδάμας μοι πρῶτον ἐλέγχειν ἀναθήσει.

Hei mihi si portas rediens meosque subibo,

Polydamanta a probro primum mihi credo daturum.

λ. χ.  
XCIX.

Neque alio Diomedes cum ad Nestorem dicit:

Ἐκ τῶρ ὅτι πεφῆσθαι ἰ Τρώεσσι ἀγορεύων,

Τυδίδης δὲ ἵππῳ ἐμῷ φοβέμεν ἰκετο νῆας,

λ. θ.  
CXLVIII.

Ὡς περ

Ὁ σποτ' ἀπειλήσει, πὲρ μείχ' ἀνοί εἰς ῥῆα χθεῖν  
*Hector apud Troas, dum sese extollit & ornat,*  
*Tydidēs dūcet, nostra formidine dextra*  
*Fugerat ad naves nam sic iactabit: at ipse*  
*Malim terra mihi penitus prius ima dehiscat.*

Ad hanc civilem forritudinem referri & illorū  
 ausa solent, qui coacti se viros præstant, puta si  
 pœna decreta sit iis qui fugiunt, vel qui verberibus  
 aguntur in hostem, aut undiq; ab hoste ob-  
 sessi sunt, ut nulla elabendi via pateat. Hoc pacto  
 pugnabatur sub Astyage ultimo rege Medorum  
 contra Cyrum: ille enim à tergo partem exercitus co-  
 piis suis ponebat, denunciāns iis ut vincerent, non minus  
 fortes etiam post terga inventuros quam à frontibus viros.  
 Iustin. lib. i. c. 6. Eodem animo erat Clearchus  
 Lacedæmoniorum dux, cum diceret, Imperatorem  
 potius quam hostem metui debere, significans eos qui in  
 pralio dubiam mortem timuissent, certum, si aciem dese-  
 ruissent, manere supplicium. Frontinus lib. 4. strateg.  
 c. i. Nec minus Agamemnon eum ait.

Clearchus.

Agamemnon.

λ.β.

CCCXCI.

Ὅνδ' ἐγὼν αἶπαί εἰθε μάχης ἰδέλοντα νοήσω  
 Μινάζειν ὄφρα νηυσὶ κορωνίσιν, ὅ οἱ ἔπειτα  
 Ἀΐχιον ἑστέειται φυγίειν κλέας ἢδ' οἰωνός.  
 •• Quem (inquit) sese pugna subducere cernam;  
 Vt fiat canibus mox fixa voracibus esca.

Sed qui sic pugnant horum virtus conferri cum  
 altera illa civium fortitudine nequit, nec enim a-  
 more honestatis sed metu & necessitate compelluntur,  
 neque dedecus effugere cupiunt, ut illi,  
 sed pœnas. Nō potest autem quis facile esse igna-

VUSJ

vus, cui non ex desperatione crescat audacia :  
nam cum spei nihil est, sumit arma etiam formido, & li-  
benter capit commori, qui sine dubio scit se moriturum, ait  
Vegetius lib. 3. de re militari cap. 3.

Alterum fortitudinis genus est militum. Hi i- VI.  
deo plerumque multum audent, & pericula Alterum  
contemnunt, quod bellis assueti sunt & armo- genus.  
rum peritiam habent : scientia enim rei bellica domi-  
candi nutrit audaciam & nemo facere metuit, quod se be-  
ne didicisse confidit, dicente iterum Veget. lib. 1. cap.  
1. Sed isti tamdiu præsente animo sunt quam diu  
scientiæ & peritiæ suæ fidunt, eaque hostibus  
longe se superiores esse autumant. At ubi depre-  
hendunt hanc non esse tantam quantam pu-  
tarant, vel successus præter opinionem non re-  
spondet, primi sæpe fugiunt, multum deteriores  
civibus fortibus, qui acriter pugnant etiam ad  
interitum usque.

Tertium genus illorum est qui ira, dolore aut  
alio aliquo animi affectu concitati, nihil metuunt. VII.  
Verum nec hi fortes sunt. Sane addit ira calcar ei Tertium.  
qui periculum subit & adiuvatur eâ vir fortis.  
Sic docet Aristoteles capit. 8. tit. 105. quem fru-  
stra hoc nomine reprehendit Seneca lib. 1. de ira  
c. 13. & 14. & ex recentioribus Franciscus Philel-  
phus lib. 4. de disciplina morali in fine. Sed nec  
tam affectu aut impetu fertur fortis quam confi-  
lio, nec ob iram aut dolorem sed honestatē pu-  
gnat. Vnde Lucius Paulus imperatorem semen mori-  
bus dicebat esse oportere ac moderatiora consilia sequi, ut  
refert Frontin. 4. stratagem. cap. septimo. Et Age- Vir fortis  
non tam  
affectu  
quam  
consilio  
gerit.

silauis in pugna ad Mantineam hortabatur Lacedæmonios, ut *omissis reliquis in solum pugnarent* Epaminondam, solos, inquit, prudentes esse fores, & illo necato facilem fore de reliquis victoriam, fatuus & nullius pretii hominibus, idque ait Plutarchus, consilium euentus comprobauit. Vnde cum in Apopth. Lacon. c.

21. *Mens una sapiens plurimum vincit manus*, inquit Euripides, idque Polybius lib. i. hist. c. 35. in Xanthippi victoria de Regulo parta liquido constitisse ait: Vnde etiam Iulianum à prudentia commendat Amm. Marcellin. lib. decimo sexto cum ille contra Allemannos pugnaret: *Hinc & deinde,*

*ait, nec itinera nec flumina transire posse sine infidiis putans, erat providus & cunctator: quod prapuum bonum in magnis doctoribus opem ferre solet exercitiis & salutem* Pugnaces itaque illi sunt, qui solo animi affectu impulsī pericula intrepide adeunt, fortes vera non sunt, cum & belluæ dolore atque ira incensæ periculum præsentissimum contemnāt, imo nec asinus, animal omnium alias ignauissimum, cum resurrit, ulla plagas metuat, aut iis à pastu abigi se sinat. Inter pugnacem autem & fortem multum inter esse vel ex Scipione Africano discas: nam cum & hunc quidam parum pugnacem esse dicerent, respondisse fertur: *imperatorem me mater non bellatorem peperit.* Front. l. c.

*Aliud est  
pugnacem  
aliud fortem  
esse.*

II. X. *Quartum genus fortitudinis est, cum ii ferociunt, qui crebro ante vicerunt. Verum & hi instar ebriorum magna spirant tantisper dum persuasum habent se splos virtuti & marti litasse.*

At ubi

At ubi spes hæc decollat, a cæturum & clypeo & animo abjecto fugiunt.

Quintum & ultimum eorum est qui ideo aliquid audent quod periculi magnitudinem sæpe ignorant. His autem quanto intervallo à fortibus distent facile intelligitur, cum proximè ab audacibus & temerariis absint. Hæc sunt quinque genera fortium, quæ vulgo occurrunt: sed omnia à vera fortitudine, etsi unum altero longius, recedunt. Potest tamen ex his optime iudicium fieri de ista: ubi enim id demiseris, quod in superioribus reprehendimus, vera fortitudinis idea ob oculos ponetur.

Fortes igitur reuera ijs sunt, qui non tam honore aut præmiis, nec adeo fiducia peritiæ suæ, quam honestatè sive honestissimi ac pulcherrimi facinoris conscientia ducti, non animo affectibus excæcati, aut ob felices successus ferociente, sed pleno & bono consilio pericula sibi non ignota adeunt, animose pugnant, & ubi opus est intrepide mortem ipsam appetunt. Hoc animo cum essent Miltiades & postmodum Themistocles Athenienses, ille in pugna Marathonia, hic in bello Medico, totam Græciam à jugo Persico suis temporibus liberarunt. Quibus par erat Thrasibulus qui libertatem Athenarum à Lacedæmoniis oppressam recuperavit, & Leonidas Spartanorum rex, qui cum trecentis Lacedæmoniis ad Thermopylas occubuit; multis millibus Persarum prius interfectis. Hac item virtute Epaminondas tempore Thebanorum nullo ante ipsum me-

IX.  
*Quintum*

X.  
*Quinam  
revera  
sunt fortes.*

*Miltiades  
Themistocles.*

*Thrasibulus.  
Leonidas.*

*Epaminondas.*

morabili bello claram eo usque euexit, ut ipsi Lacedæmoni terribilis esset. Hac denique Curii, Camilli, Fabritij, Marcelli, Reguli, Scipiones, Pauli, Luculli, & similia hominum dæmonia rem Romanam cum à promiscua pastorum & convenarum multitudine ortum sumpisset, ad id fastigium perduxerunt, ut Romana magnitudo tantum hostium vinceret quantum vel ipsa vellet, vel rerum natura permetteret, sicut loquitur Veget. l. 3. de re milit. c. 3. Vnde accipimus tantā semper fuisse fortitudinis laudem, ut multæ gentes eam solam pro virtute habuerint, ut autor est Aristot. 7. Polit. c. 2. Ea mente fuit Lacedæmoniorum respubl. ut ex 2. Politic. & Platone 1. de legē notum est. Quare ipsa etiam musica, quā in festis utebantur eo spectabat: tres enim chori constituebantur, secundum ætates distincti. Chorus senum initio factus canebat.

*Laconum  
fortitudo.*

*Iuvenes eramus olim nos per strenui.*

Tum juvenum chorus respondebat.

*Si nos sumus. fac si lubet, periculum.*

Post tertius chorus puerorum canebat:

*Nos fortiores erimus olim plurimo.*

Vide de hac & universa fortitudine Laconū Plutarchū in Lycurgo. Et profecto, nisi fortitudine resp. præstet, salva diu esse nequit. Quare recte dicebat Antisthenes philosophus, ut auctor est Plutarch. de fort. & virt. Alexandri lib. secundo omnia bona precanda hosti esse præterquā fortitudinē: ita enim ea fore nō possidentium, sed qui vicerint. Quantum etiam maiores nostri isti virtuti tribuerint tum à prima usque origine tum adhuc superiori seculo histo-

*Item Ger-  
manorum*

histo-

historiæ loquuntur. Vtinam autem hodie plane à veterum institutis non recesserimus & militarem artem, quam illi solam olim, nos nunc una cum literis tractemus, sine dubio meliori loco simus. Hæc ex natura fortitudinis.

XI.

Dux  
munusfortitudi-  
nis.

Vbi tamen adhuc observa, cum geminum ejus munus sit, unum, viriliter ferre, si quid adversi aut acerbi in bello accidat, alterum fidere & optima sperare, illud hoc præclarius esse, quia majoris constantiæ virtutis est. Sed & id præterea sciendum est. Quanquam vir fortis nec vulnera nec mortem ipsam, ut diximus, exhorrescit, si publice ita interlit: omnia enim postponit honestati & communi bono, idque cogitat, neminem ignavia immortalem factum, neque quenquam parentem liberis uti æterni forent optavisse, magis, uti boni honestique vitam exigent, ut inquit C. Marius apud Salin Iugurtha, item mensuram vitæ honestatem non temporis diuturnitatem esse. *μίτρον ἔστιν τὸ καλὸν ὃ τὸ ἔχρον μῆκος εἶναι*, ut Plutarch. consol. ad Apollonium scribit: Imo quo majus est periculum, hoc libentius id subit.

— *Serpens sitis, ardor, arena*

*Dulcia virtuti, gaudet patientia duris:*

*Latius est quoties magno sibi constat honestum,*

ait Cato apud Lucanum lib. nono. Non tamen id circo statuendum est, hunc ipsi finem propositum esse simpliciter, ut aut vulneretur, aut mortem optaret. Quin illa ipsi molesta sunt, ut homini, & in se considerata nolenti etiam ac invito obtingunt: & quisq; quo virtute magis præstat & patriæ re-

Bb 3

etius

*Marinus.*

Atius cupit, hoc magis sæpe dolet, se incommodum tempore illi eripi. Præclare hoc intellexit C. Marius, cuius jam mentionem fecimus: cum enim in bello Cimbrico & Teutonico, quod postquam aliquot vicibus cæsi & castris exuti Romani essent, ipse tandem feliciter gessit, Teudo quidam cum provocaret, & postularet ut prodiret, respondit: si cupidus mortis esset, laqueo eum vitam finire posse, cunctique demonstraret ei gladiatorem, contempta statura & prope exacta ætate, obiecit ei, dixitque, si eum superasset, cum victore congressurum. Frontinus lib. quarto strateg. cap. septimo scilicet vir ille in quo ea tempestate spes atque opes civitatis sitæ erant, dicente Salustio Jugurtha in fine. & tantus ut nisi illo seculo contigisset, actum de Romana Republica fuisset, ut Florus loquitur lib. tertio capit. tertio, eo fine expeditionem illam non susceperat, ut vita sua ambiguo monomachizæ eventui commissa patriam in discrimen porro adduceret, sed ut salvus ipse cum exercitu suo eam ab inundatione tot bellicosissimorum populorum liberaret. Hinc etiam Varroni post prælium Cannense à senatu & populo gratiæ actæ sunt, quod vitæ suæ consuluisse, nec desperasset de republica, cum collega ejus L. Paulus amisso exercitu & offerente equum Lentulo, quo fugeret superesse cladi (quanquam non per ipsum contractæ) noluisse, sed in eo saxo, cui se vulneratus acclinaverat perfedisset, donec ab hostibus oppressus confoderetur. Liv. lib. vigesimo secundo capit. ultimo. Valerius Maxim. lib. tertio cap. quarto. Front. loc. cit. cap. octavo. Quæ cum ita sit recte docet Arist. cap. nono, 1.

*Varroni  
gratiæ ac-  
tæ quod  
reip. se ser-  
vasset.*



114. etiam Fortitudinem conjunctam quidem esse cum voluptate & delectatione, ut ceteras virtutes omnes, sed ita ut illa non tam ex ipsa actione semper capiatur, quam ex fine ob quem actiones suas suscipit. Quemadmodum ergo dulce est forti viro vulnerari, & mori etiā, cum honestas aliter non patitur, sicut Codrus Atheniensium princeps, Leonidas Spartanorum rex & Decius Mus pater ac filius consules Romani ultro se devoverunt, cum omnes oraculo edocti essent sola ratione salvam & incolumem rempubl. fore, Iustin. lib. 2. cap. 6. & 11. Herodotus lib. 9. Livius lib. 8. c. 9. & lib. 10. c. 28. ita contra non fortis viri, sed hominis in semetipsum injurii & insani est absque ulla necessitate vitam proijcere.

Quod propterea accurate hic observandum est, tum ut recte intelligatur Fortitudinis indoles, ne ejus loco habeat quod audaciæ & timiditatis sæpe est, tum ut sciatur quid de istis sentiendum sit, qui ultro ipsi sibi manus inferunt. Fuit hæc res olim familiaris admodum & multis magni animi atq; fortitudinis nomine commendata. Non diu nunc, quod à solo Hegesias Philosopho Cyreniaco, exaggerate pro concione vite huius miserias persuasi sint, ut voluntariam mortem oppeterent, idq; tanto munere ut Ptolomeus rex vetare coactus fuerit, ne ulterius de hoc argumento differeret. Valerio Maximo lib. octavo ca. vigesimo & Cic. 1. Tuscul. Nec adferam quod de virginibus Milesiis ex Plutarcho narrat Agellius lib. decimo quinto capi. decimo.

*Codrus.  
Decius  
Mus Pa-  
ter & fi-  
lius.*

*XII.  
De auro  
Xupia.*

*Hegesias.  
Cyrenni-  
cus.*

*Virgines.  
Milesia.*

omnes scilicet, quæ in ea civitate erant aliquando repente sine ulla evidenti causa volūtatem cepisse obeunda mortis, ac plurimas vitam suspendio amisisse, ut decreverint eandem Milesii omnes quæ corporib. suspensis demortua essent, nudas cum eodem laqueo, quo essent pervinctæ, efferre: quæ decreto demum medicina malo illi facta est. Id mirum videri potest viros alias etiam sapientissimos idē partim fecisse, partim ut recte & præclare factum comprobasse. Sic Saul Rex Iudæorum ne vivus perveniret in manus hostium in suum ipsius gladium irruit 1. Sam. cap. ult. v. 4. & tempore Iudæ Maccabæi Razias quidem ex senioribus Hierosolymitanis, ne traderetur Nicanori, primū gladiose petiit, cumq; aberrasset de muro præcipitē dedit, & cum ne sic quidē moreretur tandē discerptis sua manu intestinis periit 2. Maccab. 14. 37. Similis fere mors est Eleazari 1. Maccabæorū c. 6. cuius meminit honorifice B. Ambrosi. 1. offic. c. 40. Idem apud Romanos fecit Cato Uticensis vir sua tempestate maximus, cum republ. à Iulio Cæsare occupata vitæ ipsum tēderet. Dio Cassius lib. 43. Flor. lib. 4. c. 2. Eius exemplum imitatus est M. Brutus ipsius ex sorore nepos & gener, avunculo & socero doctrina & virtute non multo minor, & Cassius, qui post cladem Philippi cam servis suis se confodiendos præbuere. Dio. li. 47. in fin. Plut. in Bruto. Sed & ipse Zeno Citicus & Cleanthes præcipua disciplinæ Stoicæ lumina ultro & nulla de causa mortem sibi consciverunt, ille cum è schola abiens offendisset & digitū perfregisset; hic cū ex gingiva putrescente labo-

*Etiam  
homines  
sapientes  
autrox-  
is facti.  
Saul.  
Razias,*

*Brutus.*

*Cassius.*

*Zeno Cit-  
ticus.  
Cleanthes*

laborans ab biduum iussu medicorum cibo abstinuiſſet. Vide Dioge. Laert. in vita eorum. Vt *Mithra-*  
 nunc omittam Mithradaten Regem, Annibalē *dases.*  
 & alios imperatores ac milites, qui rebus despe- *Annibal.*  
 ratis ne in manus hostium vivi venirent, vel ve-  
 reno hausto vel suis pugionibus se interemerūt.  
 Florus lib. 3. c. 5. Liv. lib. 39. cap. 51.

Placuit autem hæc *αὐτοχειρία* multis præſer- *XIII.*  
 tim Stoicis, etſi ante eos etiam Diogenem Cyni- *Quid de*  
 cum in ea ſententia fuiſſe tradunt. Princeps Stoi- *αὐτοχει-*  
 corum hac de re iſta ſtatuebat, iuſte & cum ratione *ria.*  
 ſapientem educere ſe à vita vel pro patria vel pro amicis *ſentias*  
 vel ſi in acerbis doloribus verſetur, itemque membrorum *Zeno.*  
 mutilatione vel morbis agre curandis. Idem docet E- *Quid E-*  
 picteſus apud Arianum lib. 1. cap. 24. in fin. Quod *picteſus.*  
 caput eſt, inquit memento apertam eſſe ianuam: ne ſis  
 pueri timidiſ, ſed ut illi dicunt, cum re aliqua non am-  
 plius delectantur, ſe diutius luſuros non eſſe. ſic & tu, cum  
 quadam eiſmodi eſſe videbuntur, ubi te diutius eſſe luſu- *Item Se-*  
 rum negari, recedito. Et Seneca non tantum lau- *neca,*  
 dat Tullium Marcellum, qui morbo correptus  
 non inſanabili, ſed longo & moleſto, ſuaſu cu-  
 juſdam Stoici vitam ſua ſponte finiit epist. 77. &  
 Druſum Libonem adoleſcentem, qui itidem  
 ægrotus ad cohortationem Scriboniæ animæ  
 ſuæ id fecerat epist. 70. Imo epist. 70. refutat  
 ſententiam Pythagoræ, Socratis & aliorum qui  
 contrarium ſentiunt, Invenies, inquit, etiam profeſſos  
 ſapientiā, qui vim adferendam vitæ ſuæ negent, & neſas  
 judicent ipſum interemptorem ſui fieri; expectandum eſſe  
 exitum, quem natura dedit. Hoc qui dicit non videt ſe li-  
 bertati viam claudere. Nil melius æterna lex fecit, quam

quod unum introitum nobis ad vitam dedit, exitus multos. Vide illic cætera. Sententiam autem suam hac de re ita exponit, epistol. 58. Non relinquam, ait, senectutem, si me totum mihi reservabit, totum autem ab illa parte meliore. At si caperit concutere mentem, si partes ejus convellere, si mihi non vitam reliquerit, sed animam, proficiam ex edificio putrido ac ruenti. Morbum morte nō fugiam, duntaxat sanabilem, nec efficientem animo: non afferam mihi manus propter dolorem. Sic mori vinci est. Hunc tamen, si sciero, perpetuum mihi esse patiendum, exibo non propter ipsum, sed quia impedimento mihi futurus est ad omne propter quod vivitur. Imbecillus est & ignavus, qui propter dolorem moritur: stultus qui doloris causa vivit. Hæc ille. Quare nec aliter Stoici αὐτοχρηστὰς vocabant, quam ἰσχυροὺς ἐξαγωγῆν & factum ipsum ἐξάγειν αὐτὸν. Vnde etiam Varro librum quendam suum inscripsit περὶ ἐξαγωγῆς. Qua de re vide P. Victorium lib. sexto var. lection. capit. undecimo. Et quid Philosophorum sententiis recedendis immoramur cum ipse author librorum de Maccabæis factū Razia laudare videatur & genero se cum mortuis esse dicat, imo ipsi etiā Christiani in primitiva ecclesia pro fide αὐτοχρηστὰς facti legantur. Ita in decima persecutione nō nulli ne in manus quæstorum, & tormenta inciderent, de tabulatis ædium ultro se præcipientes egerunt, ut testatur Eusebius libr. octavo histor. Eccles. c. 24. Mulieres etiā & virgines, ne stupraretur aliæ in profluentem insilierunt, aliæ se gladiis transfixerunt, ut idem auctor est tum loc. cit. tum capite vi-

re vigesimo septimo. Idque laudat Eusebius ut præclare factum. Idem institutum Forminarum multæ secutæ sunt, postea etiam, cum Gothi in Rom. imperium irrupissent, præsertim virgines sanctimoniales, ut notum est ex S. Augustino libro primo Civi. Dei capite primo & sequentibus.

Verum quicquid hujus sit, certum tamen est, XIV.  
*αὐτὸς ἐλάττω* omnem illicitam esse, & non tantum Αὐτὸς ἐλάττω  
 cum lege divina, sed ipsa etiam, ubi res accurate πῶς ἐστὶν ἡ ἰλλ-  
 expenditur, recta ratione pugnare. Cum lege di- cita. Pugn-  
 vina pugnat: nam si homicida nefarius est, ait Lactā- gnat cum  
 tius libro tertio institut. c. 18. qui hominis extinctor lege divi-  
 est, eidem scelere obstrictus est. qui se necat, quia hominem na. La-  
 necat. Ne frustra, inquit D. Augustinus lib. 1. de ci- stantius.  
 vitate Dei cap. 20. in sanctis canonicis libris nusquam August.  
 nobis divinitus præceptum permissumve reperiri potest, ut  
 vel ipsius adipiscende immortalis, vel ullius carendi caven-  
 dique mali causa nobismetipsis necem inferamus. Quin &  
 prohibitos nos esse intelligendum est, ubi lex ait: Non occi-  
 des. Et iterum c. 23. Non fecerunt Patriarchæ, non Pro-  
 phetæ, non Apostoli, quia & ipse Christus Dominus quan-  
 do eos si persecutionē patientur sugere admonuit de civita-  
 te in civitatem, potuit admonere, ut sibi ipsis manus infer-  
 rent in manus hostium ac persequentium pervenirēt. Por-  
 ro si hoc illo non jussit aut monuit: ut hoc modo ex hac vi-  
 ta migrarent, quibus migrantibus mansiones æternas se  
 praparaturum esse promisit, qualibet exempla apponant  
 gentes, quæ ignorant Deum, manifestum est hoc non licere  
 volentibus unum verum Deum. Hæc D. August. amo  
nec

*nec Samson aliter excusatur, quod seipsum cum hostibus  
ruina domus oppressit, nisi quia spiritus hoc latenter iusse-  
rat, qui per illum miracula faciebat, ut idem ait. c. 21.*

XV.  
*Responde-  
tur ad sa-  
lum Ra-  
zia.*

Ad Raziæ autem factum responderi potest tripliciter: primo libros Maccabeorum non esse vere canonicos, ut vel ex illo loco Aug. ante adducto liquere potest, ubi ait, *ἀντιχριστῶν* in S. Canonicis libris nusquam præceptum aut permisam reperiri. Secundo, non dicit scriptura Raziã recte fecisse, sed intulisse sibi manus, quod mori mallet generose, quam contumeliis sua nobilitate indignis exponi. Narratur ergo *tantum factum, non approbatur*, vel generosum dicitur, quod ille putabat, aut tale esse vulgo tum persuasum erat. Ad hunc modum respondet D. Augustinus epist. 61. & lib. 2. contra Gaudentium cap. 3. Tertio respondet Lyranus peculiari instinctu & præcepto S. Sancti eum id fecisse. Vbi autem præceptum est, cessat peccatum: Deus enim qui vitam dedit repetere ubi vult sive nostra sive alterius manu potest. Quapropter concludimus cum D. Augustino c. 26. *neminem spontaneam mortem sibi inferre debere, velut fugiendo molestias temporales, ne incidas in perpetuas, neminem propter aliena peccata, ne hoc ipso incipiat habere gravissimum proprium, quem non polluebat alienum, neminem propter peccata sua præterita, propter quæ magis hac vita opus est, ut possint poenitendo sanari, nomine velut desiderio vita melioris, quo post mortem speratur, quia reos sua mortis melior post mortem vita non suscipit.* Hæc Augustinus. Ita ostenditur *ἀντιχριστῶν* pugnare cum lege divina.

Pugnat

Pugnat autem etiam cum recta ratione, ut o- XVI.  
pime ostendit Socrates apud Platonem in Phæ- Pugnare  
autem ex-  
pian.  
done: sicuti, ait, in hanc vitam sponte nostra non veni- etiam cum  
recta ra-  
tione.  
mus, ita nec rursus ex hoc domicilio corporis, quod tuen- Socr. Py-  
thagoras.  
dum nobis assignatum à Deo est, ejusdem iniussu receden- Cicero.  
dum, qui nos in hoc corpus induxit tam diu habitaturos, Aristoti.  
donec jubeat emitte. Sic enim Socratis verba expri- Iosephus.  
mit Lactantius. Unde jam olim Pythagoras quo-  
que vetabat, iniussu imperatoris de presidio & statione  
vite discedere, teste Cic. in Catone majore. Idem Cic.  
in somnio Scipionis docet: *Più omnibus*, inquit, re-  
tinendus est animus in custodia corporis, nec iniussu eius, à  
quo ille nobis est datus, ex hominum vita migrandum, ne  
munus humanum assignatum à Deo defugisse videamur.  
Nec ipse Epictetus aliter sentit. lib. c. 9. etsi supra  
contrarium dicebat. Quin Aristotel. 5. ethic. cap. Aristoti.  
11. 126. *ἀνὴρ καὶ ἐξ iniuriam reip. facere* ait, & ideo mul-  
tam ei imponi & ignominiam irrogari. Et certe, ut e-  
gregie disputat sapientissimus Ebraeus Iosephus Iosephus.  
lib. 3. de bello Iudaico c. 14. nullum est animal, quod  
ex industria vel per se moriatur, siquidem natura lex vali-  
dissima in omnibus est, ut velint vivere. Idcirco & qui no-  
bis adimendum id putant, hostes ducimus, & quos nostros  
insidiatores putamus, pœna persequimur, Deum vero indi-  
gne ferre non arbitramur cum donum eius homo despi-  
ciat: ab illo enim accepimus, ut essemus, rursusq; ut esse  
desinamus, illi reddendum est. Corpora quidem cum eis  
mortalia sunt ex caduca materia fabricata, anima semper  
immortalis est, Deniq; particula incorporibus collocata. Si  
quis ergo depositum hominis surripuerit aut male tracta-  
verit, pessimus statim ac perfidiosus habetur, si Dei depusi-

χρῖ.

Ρυθμίζω  
αὐτοχρη-  
σίαν.

*etiam cū  
reclara-  
tione.  
Socr. Py-  
thagoras.*

**Cicero:**

**Aristor's**

**Josephus:**

tum ex proprio corpore quis ejecerit, eum se latuisse, quænti  
 laferit, existimabit? Et servos quidem fugientes ulcisci ju-  
 stum creditur, quamvis nequam Dominos fugerint; ipsi  
 vero fugientes Deum & optimum Deum impie facere non  
 videbimur? Hæc ille, quem ipse portro lege. Qua-  
 mobrem nullo modo inter fortes referimus, qui  
 manus sibi ipsis adferunt; sed impie eos facere  
 statuimus, imo timidus & mollibus accensum  
 cum Arist. cap. 7. 1. 100. Non minus enim timidus  
 habendus est, qui mori vult, quam non oportet, quam qui  
 non vult cum opus est, ut rursus ait Iosephus, & ali-  
 quando etiam vivere fortiter facere est dicente Seneca,  
 epist. 78.

XVII. Vitia, quæ fortitudini opponuntur sunt Timi-  
 ditas & Audacia. Timidus est qui omnia metuit,  
 audax qui nihil. Vtrumque male fieri certum est.  
 De timiditate quidem nullum est dubium, sed non  
 minus crimini datur, temete si quid ausis: lactan-  
 tius enim & levissimi ingenii est, ut dicebat Octavius  
 Augustus teste Sexto Aurelio Victore in epitome.  
 ardore triumphandi & ob lauream coronam & folia  
 infructuosa per interitoseventus certaminum securitatem  
 cœvium precipitare, neque imperatori bono quicquam mi-  
 nus quam temeritas convenit. Satis celeriter fit quicquid  
 commode geri ut, arinaq; nisi majoris emolumentis causa  
 nequaquam movenda sunt. ita Augustus. Unde & opti-  
 mi quoq; imperatores temeritate acerrime lem-  
 per punierunt. Lucius certe Papyrius Cursor. Di-  
 ctator, Fabium Rutilium magistrum equitum in  
 bello Samnitico, quod adversum edictum ejus, quam-  
 vis prospere pugnaverat, virgu poposcit casum, securi per-  
 cussurum: nec contentioni aut precibus militum concessit a-

mamæ-



*nimā aduersionem, eumq; confugientem Romam persecutus est, nec ibi quidem remissio prius supplicii metu quam ad genua ejus & Fabius cum Patre provolueretur, & pariter senatus ac populus rogaret. Frontin. 4. stratagem. c. 1. Autor lib. de viris illustribus in vita Papyrii. Sed hic exorari se de nūm passus est. Titus vero* *Manlius* *Manilius nullius precibus induci potuit, quin in bello Latino hac de causa ipsum filium suum securi percuteret. Livius l. 8. cap. 5. Frontinus loc. cit. Vnde ab ejus severitate proverbium natum est de Manlianis imperiis, Agellius lib. 9. cap. 13. Tantum de fortitudine & virtus ei oppositis.*

## CAPVT VI.

## De Temperantia.

## SUMMARIA.

- 1 *Temperantiam versari circa voluptatem.*
- 2 *Maxime tactus.*
- 3 *Cupiditas communis & propria.*
- 4 *Quid Stoici temperantiam vocent.*
- 5 *Quam ex vita hominum necessaria sit.*
- 6 *Praestantissimos quosque temperantissimos fuisse.*
- 7 *Quanta vita pestis sit intemperantia, & de temperantia Romanorum.*
- 8 *Cum intemperantia successit eo minus floruisse.*
- 9 *Quid sit intemperantia & avaritia.*

Tem-

*Temperantia  
ver-  
satur cir-  
ca volu-  
ptates.*

*Sed corpo-  
ris.*

*Nec illuc  
omnes ta-  
men.*

**T**emperantia, ut ex ipsa vocis acceptatione notum est, circa voluptates versatur; sive id agit ut voluptatibus modum ponat. Voluptates autem duplices sunt, alia animi, alia corporis: at illa huc non pertinent: neque enim qui vel ex honoribus voluptatem nimiam capiunt, vel fabulis aut inutilibus narrationibus tempus perdunt, intemperantes vocari solent. Tantum ergo voluptates corporis huc spectant. Verum nec haec omnes: nam quas aut visu aut auditu, aut olfactu percipimus, intemperantes non arguunt: nemo enim intemperantem dixerit; qui autem spectu elegantium picturarum, aut auditione pulchrae cantilenae, aut odore rerum suaviolentium delectetur, nisi ideo id fiat, quod ista forte memoriam aut imaginationem aliarum voluptatum continent. Sed hoc omne fit per accidens. Ita enim & canis odore leporis, leo voce bovis capitur: nec tamen aut illi odor iste tam suavis, aut hic voce ista adeo demulcet, sed uterque cibum & praedam inhiat; & gaudet, quia hanc in propinquo esse persentiscit. Quem admodum & anus illa apud Plautum Curculione odore vini se delectari dicit;

*Act. i. sc. 2*

*Flos, inquit, veteris vini meis naribus obiectus est,  
Eius amos cupidam me huc prolicit per tenebra:  
Vbi ubi est, prope me est, evax, habeo. salve a. uime  
mi,  
Liberi lepos, ut veteris vetustis cupida sum.  
Nam omnium unguentum odor praetuo naute est:  
Tu mihi stacte, tu cinnamomum, tu rosa.*

*Tu cre-*

*Tu crocinum & cassia es, tu bdellium: nam ubi*

*Tu profusus, ibi me pervelim sepultam.*

Causam enim statim subijcit:

*Sed cum adhuc naso odos obsecutus es meo,*

*Da vicissim meo gutturi gaudium.*

*Nihil ago tecum, ubi est ipse, ipsum expeto*

*Tangere, invertere in me liquores tuos*

*Sine ductim.*

Hæc illa. Qua propter per se materia temperantia tantum sunt voluptates, quæ cæteros sensus; id est, gustum & tactum afficiunt. Neque porro tamen tam in gustu; quam tactu Temperantia est: cum enim gustatus potissimum fiat aut pitifando, aut cum rerum conditarum extremâ linguâ sapores discriminamus, parum ad intemperantis cupiditatem facere potest, qui non tam saporem, quam solidam perceptionem & ingluviem cibi ac potus spectat, unde voluptatem etiam illam maximè probat, cujus diuturnior sensus est. Docuit id optimè Philoxenus Eryxii filius, insignis inter gulæ proceres, qui *ut diutius frui voluptate cibi ac potus posset, collum gruis optabat*, ut auctor est Aristot. el. 3. ethic. c. 10. & Athenæus libr. 1. cap. 2.

In solâ ergo voluptatè tactus potissimum consistit Temperantia. Sed neque in ista omni: quæ enim toto corpore percipitur, sive ex frictione, sive calefactione, aut re simili, liberalis per se est & ingenua. Relinquitur ergo ea, quæ gula percipitur, & ijs corporis partibus, quibus sensus distinguitur. Hæc enim voluptas, ut maximè communis nobis est cum brutis, ita cum primis

Ce homi-

II.  
*Sed tactus tantum.*

*Nec rursus ille in differenter.*

*August.*

hominem dedecer, si modum excedat, atque inde coercitione opus habet. Vnde D. Augustinus libro 10. Confess. cap. 31. præclare ait: Cum salus sit causa edendi & bibendi, adiungit se tanquam pedissequa periculosa iucunditas, & plerumque præire conatur, ut eius causa fiat quod salutis causa me facere vel dico vel volo; nec idem modus utriusque est. Et sapè incertum fit, utrum adhuc necessaria corporis subsidium petat, an voluptuaria cupiditatis fallacia ministerium suppetat. At hoc incertum hilarescit infelix anima, & in eo præparat excusationis patrocinium, gaudens non apparere quid satis sit moderationi valetudinis, ut obtentu salutis obumbrat negotium voluptatis.

III.  
Cupiditas  
communis  
& propria

Verum & hæc ipsa voluptas iterum distinguenda est, cupiditas enim talis, & quæ eam explet voluptas, vel est communis, vel propria & peculiariter adscita. Communis est naturalis illa, quâ omnes homines quotidie cibum ac potum, ac convenienti ætate venerem appetunt. Propria quæ in certos cibos, certum potum, & hunc magis quàm illum, in certæ item fœminæ consortium fertur. In communibus & naturalibus cupiditatibus non ita facilè peccatur, sed eo tantum pacto, si simpliciter modum excedas, si ut qui comest & bibit quæ offeruntur, sed plus sumit quàm natura requirerebat, id solum peccat quod modum superet. In propriis verò facilior lapsus est, nec is uniformis, fieri enim solet, ut quis non tantum delectetur plus simpliciter te quapiam, quàm decet, sed & ea parte qua non decet, vel quomodo aut quo tempore

Cupiditates  
necessariae  
& adfectiva

pore non decet. Et hæc distinctio cum primis est  
 necessaria, quam Epicurum primùm animad-  
 veruisse dicit Torquatus apud Ciceron. II. de fi-  
 nib. Sed Socratis est, qui unum genus cupidita-  
 rum ponebat earum quæ essent & naturales &  
 necessariae; tertium quæ nec naturales, nec ne-  
 cessariae, & harum hanc rationem esse dicebat;  
 ut necessariae nec operâ multâ nec impensâ ex-  
 plegantur, imò nec naturales quidem multa desi-  
 derare, propterea quod ipsa natura divitias, qui-  
 bus contenta est, & parabiles & terminatas ha-  
 bet, inanium autem cupiditarum nec modum  
 ullum nec finem inveniri posse. Quapropter  
 non tam incupiditatibus illis communibus quã  
 propriis, & ut Socrates vocat, inaniibus refrenan-  
 dis operam suam ponit temperantia. Hinc Sene-  
 ca epist. 90. *Simplici cura constant necessaria; in delicias  
 laboratur.* Et rursus: *Ad parata nati sumus: nos omnia  
 nobis difficilia facilius fastidio fecimus. Tecta tegu-  
 mentaque & fom. nta corporum & cibi, quæ nunc ingens  
 negotium facta sunt, obvia erunt, & gratuita, & operâ  
 levi parabilia: modus enim omnium prout postula-  
 bat necessitas erat: nos ista pretiosa, nos mira, nos  
 magnis multisque conquirenda artibus fecimus. Suffi-  
 cit ad id natura quod poscit.* Quò & Democriti il-  
 lud spectat: *Ambitosam mensam fortuna; par-*  
*cæ virtus apponit.* Ammianus Marcellinus libro  
 16. in pr. Et hæc quidem Temperantiæ essen-  
 tia & ratio est: nam circa dolorem non versatur,  
 nisi ubi aliquem intemperans ex privatione &  
 absentia voluptatis capir. Si tamen & hujus  
 Cc 2 mentio

*Circa po-  
 steriores  
 tempera-  
 tia occu-  
 patur.*

*Quousq;  
 circa do-  
 lorem  
 versatur.*

mentio facienda est, erit Temperantia directrix voluptatis & doloris pertinentium ad sensum tactus & gustus, docens & conuefaciens ita voluptate frui & dolore ex ejus absentia affici, quem admodum decet & honestum est:

IV. Zenon longè aliter illam de finit: dicit enim dispositionem esse inseparabilem eorum quæ sunt rectæ rationis; sive habitum qui vinci à voluptatibus non potest. Quod Cicero sic exprimit. *Temperantia est, quæ ut in rebus expetendis aut fugiendis rationem sequamur monet.* Sed manifestò abutuntur voce Temperantiæ: facere enim ut quis omnia getat ex præscripto rectæ rationis, nec ulla in re à voluptate superetur, non unius, sed commutæ omnium virtutum munus est. Equidem Græci σωφρονα interdum dicunt omnem, qui frugi est, σωφρονίζεν communiter vocant ad bonam frugem redigere, sed ista vocis acceptione una certa virtus denotari nequit, de quâ tamen hic nobis quæstio est. Similiter abutuntur Stoici voce intemperantiæ; cum omnium perturbationum fontem hanc faciunt, & ita vocant defunctionem à totâ mente & recta ratione sive aversionem à præscriptione rationis, quod nullo modo appetitiones animi nec regi nec contineri queant, sicut docet. Cic. 4. Tuscul.

V. Hæc ergo est temperantia, maxima post fortitudinem in republic. virtus, & non minus necessaria in otio, quàm fortitudo est in bello; ea etiam de causa sine dubio ab Aristotele fortitudini statim subjecta. In qua quantum momentum situm sit ipse Philosophus omnium optimè docuit 7. Polit. c. 15. *Civitatem, inquit, & temperantem*

*Quid Stoici temperantiam vocent.*

*Abutuntur voce.*

*Quam necessaria hominum sit temperantia.*

*parantem & fortem laborumque patientem esse oportet. Et paulò post: Opus est fortitudine atque tolerantia in rebus gerendis, sapientia in agenda quiete: temperantia autem & hoc illo tempore, & magis iis qui pace fruuntur. Nam bellum ad iustitiam temperantiamque nos addigit: at usus prospera fortuna & otium cum pace petulantes, contumeliosos, & confidenter improbos magis red- Aristotel.*  
dit. Multa igitur opus est iustitia, multaque temperantia iis qui vivere ex animi sententia & omnium rerum, quæ felices & beatos faciunt, copia frui videntur. Hæc Aristoteles. Unde & Socrates apud Xenophontem lib. 1. de dictis & factis memorabilium, Socrat. in fine, continentiam fundamentum vocat omnium virtutum, & hac primo loco animum instituti iubet, quod sine eâ nec disci nec cogitari quidquam præclari possit: imò in continentibus Deos precandos ait, ut de bonis dominis ipsis provideatur: ceteroquin enim id genus hominum salvum esse non posse. Vide locum integrum.

Quare ut quisque ab omni memoriâ præstantior existit, hoc etiam temperantior fuit. Alexander Magnus cum Darium Regem Persarum vicisset, & uxorem ac filias ejus cepisset, bene & pudicè illas habuit: Justinian. lib. 11. cap. 9. imò Philoxenum quendam à præfectura removit, quod ad ipsum scripisset, an pueros formosos emi sibi vellet, teste Plutarcho in libello quod secundum placita Epicuri ne jucunde quidem vivere liceat, idem optimos coquos ajebat, esse ad prandium parandum nocturnum iter, ad cœnam prandium parçè sumptum. Epaminondas cum ab amico invitatus esset, & ille plus apposuisset, quàm pro fa-

VI.

*Ut quique optimus iusta & temperantissimus fuit*  
Alex. M.

Epami-  
nondas.

Scipio Æ-  
milia-  
nus.

Agefilaus.

cultatum suarum conditione cœnare noluit, in-  
quies: *putasse se, ipsum convivium instructurum, non in-  
juriam facturum.* Plutarchus ibidem & Scipio A-  
fricanus minor, cum devictâ Carthagine novâ,  
inter obsides ei virgo eximiæ formæ traderetur,  
& ipse eam nobili loco natam atque alteri de-  
sponsam comperisset, ultrò, etsi juvenis & cœ-  
lebs, in violatam parentibus restituit. Valerius  
Maximus lib. 4. cap. 3. Agefilaus Lacedæmonio-  
rum Rex etiam osculum à formoso sibi oblatum repu-  
diavit, ut ait Plutarchus lib. de audiend. Poet. Res  
autem ita se habebat, ut idem in apophthegma-  
tis Laconicis c. 6. refert: *Ageilaus Megabuten Mi-  
thridatis filium, qui erat formosissimus, offerendi osculi  
gratia accedentem, (admodum enim amari se putabat)  
declinaverat, cumque is finem fecisset accedendi, requi-  
rebat eum ultrò. Tum amicis dicentibus, ipsum esse in cul-  
pa, qui pulchri osculum formidasset, paullum tacitè secum  
meditatus Agefilaus, Nihil, inquit, attinet, eum à nobis  
adduci persuadendo: malle enim mihi videor hu-  
iusmodi vincere cupiditates, quàm populosissimam hostium repu-  
gnantium urbem capere: melius est enim suam ipsius  
libertatem conservare, quàm aliis eam adimere.* Idem  
assiduè hoc in ore habebat, *ducem non mollitie &  
luxu, sed tolerantia ac fortitudine debere subditis anteire:*  
imò admiranti cuidam ejus reliquorumque La-  
cedæmoniorum in victu & vestitu frugalitate  
hac, inquit, *sementi vita libertatem metimus.* Plutarch.  
in Apophth. cap. 7.

VII.

Quanta  
que pestis  
intempe-

Nec ferè major pestis est, quæ vel præclara  
facinora retardet, vel ipsas etiam respublicas,  
evertat, quam intemperantia. Norat hoc Cyrus  
primus



primus Persarum rex : cum enim Lydi gens industria quondam, potens, & manu strenua ab eo secunda vice debellari essent, (rebellaverant enim postquam semel subiugati essent) non aliter censuit eos iugo ferendo idoneos fore, nisi armis & equis ademptis, iube, et cauponas & ludicras artes & lenocinia exercere. Quod cum faceret, tota gens molliæ luxuriæque effæminata, virtutem pristinam perdidit, & quos ante Cyrum invictos bella præstiterant in luxuriam lapsos otium ac desidiosa superavit, ut refert Iustinus libr. 1. cap. 7. Sic & Alexander Magnus intemperans jam factus in intimos amicos sævit, Iustin. libr. 12. cap. 7. morbum contrahit, & mortem ipsam sibi accelerat. ibid. cap. 3. Annibal secundo bello Punico Romam cepit, nisi Campanæ deliciæ impetum ejus fregissent. Flor. lib. 2. cap. 6. Imò intemperantia. Sardanapali regnum ab Assyriis ad Medos transtulit. Iustinus lib. 1. capit. 3. Idem vitium Tarquinius Romam ejecit : Flor. libr. 1. cap. 7. Et postmodum ipsa respublica Romana paulatim inclinare cepit, cum in urbem Attalicæ opes commigrassent. Idem libr. 2. cap. 20. Et sanè non potest illustrius hujus rei exemplum aliundè, quàm à Romanis peti. Nihil illis temperantius, nihil continentius ab initio, & multis adeò sæculis erat, quando adhuc.

*Temperantia Romanorum primis sæculis.*

*Curius.*

----Curius parvo quæ legerat horto  
Ipse focus brevibus ponebat oluscula, quando.  
Sicci terga suis rara pendentia crate  
Moris erat tantum festis servare diebus,  
Et natalitium cognatis ponere lardum,  
Accedente nova, si quam dabat hostia, carne.

Cc 4

Co-

*Cognatorum aliquis titulo ter consulis atque  
Castrorum imperiis & dictatoris honore  
Functus, ad has epulas solito maturius ibat,  
Erectum domito referens à monte ligonem.*

*Cato ma-  
ior.*

Cato Major Mænilium, consulatus ut credebatur propinquum, senatu movit, quod is interdum vidente filia uxorem osculatus esset, ut refert Plutarchus in ejus vita. Vnde nec patiebantur Romani generos cum soceris, aut filios unà cum parentibus balneum ingredi, quod membrorum nudationem illis inspectantibus cum decore fieri non posse judicarent, ut testatur idem loco allegato, & beatus Ambrosius libro 1. offic. cap. 12. imò Cicer. ipse l. 1. de officiis, Nec virorum tantum magna tum erat continentia & abstinencia, sed major etiam fœminarum. Audiatur modo Plinius libr. 14. cap. 13. Non licebat inquit, vinum fœminis Roma bibere. Invenimus inter exempla Egnatii Mecenij uxorem, quod vinum bibisset è dolio interfectam juste à marito, eumque cadis à Romulo absolutum. Fabius pistor in annalibus suis scripsit, matronam, quod loculos, in quibus erant claves vinarie cellæ, resignavisset, à suis inedia mori coactam: Cato, idèò propinquos fœminis osculum dare, ut scirent an temetum olerent: hoc tum nomen vino erat, undè & temulentia appellata. Idem narrat Agellius libro 10. cap. 23. Valer. Maxim. libr. 2. cap. 1. Athenæus lib. 10.

*VIII.  
Cum in-  
temperā-  
cia succe-  
ssit minus  
floruerūt.*

Quid poterat esse præclarior? aut quid mirum si tùm Respublica Romana floruit? At ubi postmodum luxus & intemperantia in locum tantæ abstinenciæ successerunt, paulatim etiam fortuna & felicitas in contrarium vertit, & bella

bella civilia infinita orta sunt. Qua de re ita Salustius Iugurth. Mos partium popularium & senatus factionum, ac deinde omnium malorum artium, paucis ante annis Roma ortus est, otio atque abundantia earum rerum, quæ prima mortales ducunt: nam ante Carthaginem deletam populus & senatus R. placide modesteque inter se rempubl. tractabant, neque gloria, neque dominationis certamen inter cives erat: metus hostilis in bonis artibus civitatem retinebat. Sed ubi formido illa mentibus decessit licet ea, quæ secunda res amant, lascivia atque superbia incessere. Ita quod in adversis rebus optaverant, otium postquam adepti sunt, asperius acertiusque fuit. Namque cœpere nobilitas dignitatem, populus libertatem in libidinem pertere sibi quisque ducere, rapere, trahere. Ita omnia in duas patres abstracta sunt: respubl. quæ media fuerat, delacerata. Tantum mali luxus & intemperantia progignere solet. Unde Socrates jubebat quicquid persuadet, aut ut edamus quum non esurimus, aut bibamus quum nondum sitimus, aut adspectus & osculationes formosorum ita cavere, tanquam acrius venenum immittant atque scorpium aranea, ut refert Xenophon. libr. 1. de dict. & fact. Soc. & post eum Clemens Alexandr. 2. Stromat. Et hinc idem apud Platonem 2. de LL. adolescentibus ante XVIII. ætatis ann. prorsus intercidit vino; postea usum ejus moderatum concedit, sed ne ante XL. annum liberalius se invitent. Eodem libro extremo probat Carthaginensium legem, quæ vetabat vinum gustare eos, qui in castris essent, & ait, nec magistratui id concedi debere, dum cum imperio sit, nec ei qui consulere quicquam reip.

*Præcepta  
Socratis.*

velit, nec viro aut mulieri, quoties liberis operam daturi sint.

IX.  
Quid sit  
intemperantia,  
quid  
ἀναισθησία.

Est autem intemperantia, ut constar; nihil aliud, quam cum modus exceditur in voluptatibus corporis præcipiendis. Græci ἀκολασίαν vocant. Vitium quod in defectu hic peccat rarò occurrat, & ἀναισθησία vocatur, estque cum quis ne licitis quidem voluptatibus fruitur: qua de re pluribus in notis ad Aristot.

## CAPVT VII.

De liberalitate magnificencia.

### SUMMARIA.

- 1 Liberalitatem circa pecunias versari.
- 2 Vsum pecunie magis consistere in dando quam accipiendo. Quomodo det liberalis.
- 3 Dare etiam non rogatum.
- 4 Quis sit prodigus.
- 5 Illiberales plurimum esse generum.
- 6 De magnificencia.
- 7 Eam principibus potissimè convenire.
- 8 De luxu.
- 9 De sordibus.

**D**Vas insignes virtutes, quarum una bellè altera pacis tempore reipublicæ inprimis necessaria est, breviter percurramus: pergamus nunc ad cæteras. Vbi primò se apud Aristote-

Stoceleum offert liberalitas five beneficentia. Hæc ut notum est in dandis & accipiendis pecuniis locum habet : ubi tamen per pecunias intellige cuncta illa quorum æstimationem nummus metitur. Opus autem omninò est in vita hominum ejusmodi aliqua virtute, cum nihil facilius sit, quàm ut illis rebus malè quis utatur. Vnde *Lycurgus* apud Spartanos planè vetuit liberos homines quidquam attingere, quod ad rem pecuniariam pertineret, teste Xenophonte libello de re public. Lacedæmoniorum : imò & Plato interdicit republ. suæ custodibus tam aurum quàm argentum attingere lib. 3. de republ. in fine. Sed fac ista nimis rigida esse, *ecquis usus est divitiarum & abundantia sublatâ beneficentia ut rectè dicit Arist. 8. ethic. c. 1.* Vnde & Boetius, nec minus eleganter, lib. 2. prof. 5. *Omnes divitiæ, inquit, effundendo magis quàm coacervando melius nitent & cum est pretiosa pecunia cum translata in alios largiendi usu desinit possideri.*

Cæterùm cum usus pecuniæ, & rerum quæ pecunia æstimantur, magis consistat in dando quàm in accipiendo (accipere enim custodientis potius est, quàm utentis.) Liberalitas etiam in erogandis potius quàm accipiendis pecuniis sita erit. Imò erogare virtuti magis proprium est etiam aliàs, quia difficilius & laudabilius, Vnde Artaxerxes Longimanus Rex Persarum dicere solitus est : Regium magis esse adijcere alicui aliquid quàm adimere & Ptolemæus Lagus rex Ægypti, ditem facere quam ditescere, ut refert Plutarchus

*Lycurgus**Plato.**Aristotel.*

*II.*  
*Usus pecuniae*  
*magis consistit in dando quàm accipiendo.*

*Artaxerxes.*  
*Ptolemaeus.*  
*Lagus.*

*Præcipuum  
munus li-  
berale est  
beneface-  
re.*

chus in apophthegmatis. Ne nunc dicam quod accipere unde & quod decet; id est, aliena non appetere ad iustitiam magis quam liberalitatem pertineat. Præcipuum ergo munus hominis liberalis est, ut aliis benefaciat, quantum in ipso est. Cui rei illi studet, non ut beneficium recipiat: liberalitatem enim etsi jucundior debitor gratus clariorem tamen ingratus facit, inquit Plinius minor in panegyrico Trajani num. 46. sed solius honestatis causa, siue quia id pulchrum & homine in-

*Dat tamē  
quantum  
oportet.*

genuo dignum est. Quapropter dat quibus quantum & quando oportet. Nam ambitio, jactantia, & effusio, & quidvis potius quam liberalitas existimanda est beneficentia, cui ratio non constat, dicente eodem Plinio num. 38. Dat etiam libenter, citò & sine ulla dubitatione, cum ingratum sit beneficium, quod diu inter manus dantis hæsit, quodque quis egrè dimittere visus est, & sic dare, tanquam si sibi præriperet, ut ait Se-

*Sed liben-  
ter & citò*

neca libr. 2. de beneficiis cap. 1. Et certè omnis benignitas properat & proprium est libenter facientis citò facere, inquit libr. 1. cap. 3. Nec expectat semper, donec rogetur, nedum ut roganti durus sit: beneficium enim ab homine duro asperè datum panis lapidosus est, quem esurienti accipere necessum est, esse acerbum, dicebat Fabius Verrucosus. Seneca l. 1. c. 7. Vnde & Scriptura Prov. 3. 27. ait; Ne cohibeto bonum ab eis qui opus habent, quum est in potestate manus tua efficere illud. Ne dicito proximo tuo, abi & deinde revertere, cras enim daturus sum.

*III.  
Interdum  
etiam non  
rogatus.*

Quemadmodum igitur sol non expectat preces aut præstigas, ut oriatur, sed statim splendet, & ab omnibus salutatur, sic neque hic applausus, & strepitus & laus

& laudationes expectat ut benefaciat, sed ultrò benemeretur ut aequè sol ametur, sicuti præcipiebat Epictetus: Quin pauperi, sed paupertatem suam dissimulanti, nonnunquam etiam beneficium obtrudit, sicut Arcefilaus invisens Cresibium ægrò tantem, cum videret illum in egestate esse, clam cervicali crumenam nummis plenam supposituit. Illustrius in vita ejus, Seneca l. de beneficiis, cap. 10. Verè enim liberalem delectat benefacere, non benefecisse videri. Hic beatus Ambrosius 2. offic. cap. 16. *Videndus est ille, inquit, qui te non videt, requirendus ille qui erubescit videri: ille etiam clausus in carcere occurrat tibi, ille affectus agitur.* *Dat prae-*  
*dine mentem tuam personet qui aures non potest. Dat stantiora*  
 præterea plura & præstantiora aliis; quàm sibi *quam sibi*  
 relinquit: nec enim tam se respicit quàm alios. *relinquit.*  
 Unde etiam rarò ditissimi sunt; qui liberalissimi: Nec magnitudine tamen & multitudine eorum quæ dantur, liberalitas mensutatur; sed animi habitus ejus qui dat, ut nihil obset, quin æquè liberalis interdum sit; qui pauca dat, atque is qui plura, modò de paucioribus & facultatibus minoribus det. Largitur autem omnis liberalis de suo, & ideo etiam rem familiarem non negligit, ut sit unde date possit. L. Sylla equidem post devictum C. Marium *tanta profusione usus est erga amicos suos, ut etiam gregarii milites ipsius beneficentiâ regio victu & cultu atatem agerent.* Sallustius in Catilin. cap. 37. Idem faciebat Iulius Cæsar post devictum Pompejum: Sed hi ea quæ suis dabant aliis eripuerant: quare non liberalitas hac erat, sed translatio tantum pecuniarum à  
*justis*

*Secundum  
de suo.*

*iustis dominis ad alienos, ut rectè notat Cicer. lib. i. de officijs. Quæ igitur sit natura liberalitatis ex ijs quæ dicta sunt intelligi potest.*

VI.

*Prodigus  
quis sit.*

Peccant hic excessu prodigi, defectu illiberales sive avari. Prodigus erogat plus quam oportet, & ijs quibus nō oportet, nec eo fine quo debebat. Imò ubi *ἀρχὴν* venerit eo, ut verbo dicam, animo est quo olim. Nero imperator, qui *divitiarum & pecunie fructum non alium putabat* (verba sunt Suetonii in Nerone c. 30.) *quàm profusionem, sordidos ac deparcos esse dicens, quibus ratio impensarum constaret, prelatos verèq; magnificos, qui abuterentur ac perderent: quin laudabat mirabaturque avunculum Cajum nullo magis nomine quàm quod ingentes à Tiberio relictas opes in brevi spatio prodegisset.*

V.

*Illiberales  
plurium  
esse gen-  
tium.*

Illiberales autem non sunt unius generis, alii enim non dant, quantum debent, alii plus quàm oportet accipiunt. Est verò utrumq; vitium pessimum, sed peior tamen, ubi vitæ hominum incubuerit, avaritia: prodigalitas enim in adultis ita familiaris non est, & facilius emendatur, nec cum injustitia tanta conjuncta est, nisi ubi interdum in avaritiam degenerat. At avaritia longè familiarissima est,

--- & sanctissima divitiarum  
Majestas, et si funesta pecunia templo

*Avaritia  
evertit  
Republ.*

Nondum habitat, nullas nummorum ereximus aras, ut poeta ait. Eadem incurabilis est postquam semel invaluit, omnem justitiam evertit; ubi enim illa republic. occupavit, & eos, qui ipsi præ sunt, ibi necesse est & judicia corrumpi, & omnia tandem venalia fieri, ut maturè etiam  
ip[s]a



ipsa respublic. pereat, si emptorem inveniat, sicut de Roma dixerat Iugurtha, teste Sallustio in Iugurth. Et sanè, ut ait B. Ambrosius sermone 81. non

*Ambros.*

minus est criminis habenti tollere, quam cum possis & abundes indigentibus denegare. Esurientium panis est quem tu detines, nudorum indumentum est, quod tu recludis, miserorum redemptio est, & absoluta pecunia quam tu in terram defodis. Tot ergo te scis invadere, bona quot possis prestare si velis. Vnde Aristoteles 2. Politic. cap. 5. & 6. tantum momenti in eo situm esse ostendit, animos civium in republic. virtute muniri contra avaritiam, ut magis eo pacto à se ditionibus immunis respublica præstetur quam si vel cum Socrate bona omnia communia facias, vel certus iis modus præscribatur cum Phalea Chalcedonio: ut ut enim certum modum

*Aristot.*

possessionum definias, improbitas tamen; inquit, hominum insatiabile quid est. Initio quidem etiam binis obolis contenti fore videbantur: cum hoc iam fuerit factum hereditarium, semper plura desiderant, usque donec in infinitum procedant. Satietas enim, ut rursus dicit ibidem Ambrosius, nunquam, nec finis adderit cupiditati. Nam interdum paucis gula nimium deditis indulgentius, desideratos cibos avidius sumere, ut nimietate ipsa satiari horrescant & avertant se de reliquo ab huiusmodi cupiditate. Avaritia tamen nihil tale patitur, sed quanto plus invenerit tanto amplius quarit. Unde præclare ait Marius apud Sallustium in Iugurtha, omnibus bonis oportere plus gloriæ quam divitiarum esse, & Cicero r. de ll. ut quisque, inquit, maxime ad suum commodum refert quacunque agit, & minime est vir bonus. Et tantum de Liberalitate.

*Libe-*

- VI.** Liberalitatem excipit Magnificentia : nec enim multum hæ duæ virtutes inter se distant. Tantum hoc discriminis est, quod liberalitas de mediocribus opibus privatim, Magnificentia de magnis publicè potissimum beneficiat. Et est magnificus, qui sumptum magnum concinnè & decorè facit in res illas : quæ magno sumptu indigent. Res autem hujusmodi sunt primò exstructiones & reparationes templorum & publicorum ædificiorum. Ita Augustus imperator urbem Romam usque adeò totâ vitâ suâ ornarat & inundationibus ac incendiis obnoxiam excoluerat, ut gloriaretur marmoream se relinquere quàm lateritiâ accepisset.
- August.** Sueton. in Augusto cap. 28. Sextus Aurelius Victor in epitomè. Deinde talia sunt, quæ aliàs usus publicus requirit, putâ cum paupertas hominum tenuioris fortunæ sublevatur, aut subsidia annonæ comparantur, vel cum olim universo populo epulæ darentur, In di exhiberentur, aut pecuniæ vititim dividerentur. Ita Cimonem Atheniensem Miltiadis filium semper pedissequi cum nummiis sequebantur, ut si quis opus ejus indigeret haberet quod statim daret, ne differendo videretur negare. Hic sæpè cum aliquem offensum fortunâ videret minus bene vestitum, suum amiculum dedit, & quotidie sic cœna ei coquebatur, ut quos non vocatos vidisset in foro, omnes devoraret, quod facere nullum diem pratermittebat. Idem multos locupletabat, complures pauperes mortuos, qui unde efferrentur non reliquissent, suo sumptu efferebat. Æmilius Probus in vita ejus. Nec alius erat Gillias ille Agrigentinus, ejus

cujus domus quædam, quasi munificentia officina erat de quo legatur Valerius Maximus libr. 4. cap. 8.

Hæc est magnificentia, virtus principibus & magnatibus cum primis digna: id enim hi cum imperio sunt, & inter mortales eminent, ut multis benefaciant, sicut Aristoteles ad Alexandrum Magnum scripsit. Vnde etiam Alexander gloriari solebat à nullo se beneficiis victum. Sen. 5. de beneficiis cap. 6. Et Titus imperator sibi persuaserat, non oportere quenquam à sermone principis tristem discedere, idque adeò penitus animo infixerat, ut cum aliquando in cœna recordaretur, quod nihil cuiquam toto illo die præstutisset, in vocem eam erumperet, diem se perdidisse, Sueton. in ejus vit. c. 8. Eodem animo Cyrum regem Persarum fuisse passim in libb. de ejus prædeja tradit Xenophon. Et hinc etiam Bocchus rex Maurorum ad Syllam aiebat, regem armis quàm munificentia vinci minus flagitiosum esse. Sallust. Jugurthâ.

Vitia magnificentia opposita sunt luxus & sordities. Luxus est cum modus in sumptus faciendos exceditur: idque tum fit quando in res parvas aut nullius etiam momenti profusiones fiunt, opum tantum obstantiarum gratiâ. Quam in re sæpè ad insaniam usq; peccatur & peccatum fuit maximè olim à Rom. Imperatoribus. Cæjus enim Caligula in histriones, equos, gladiatores & res similes, non toto vertente anno, omne istud quod moriens in thesauris reliquerat Tiberius, sive ad vicies septies millies H. S. id est, incunte rationes Lipsio, ultra sexaginta sex milliones & quinquaginta millia

VII.

Magnificencia

Principibus potissimum

conuenis.

VIII.

Luxu.

Caligula.

Nero.

Philippicorum, ut tradit Sueton. in vit. ejus c. 37. vel ut vult Dio Cassius lib. 59. ad ter & tricies mil-  
 lies, id est, octaginta milliones, absumpsit. Nero qui  
 ut supra diximus, nihil magis quam hoc ipsum in  
 Cajo avunculo suo admirabatur, non tantum  
 mirmillionem triumphalium virorum patrimonii edi-  
 busq; ornabat teste Suet. in Nero. c. 30. sed uni etiam  
 militi pratoriano dari aliquando iusserat centies H. S. id  
 est, ducenta quinquaginta millia. Philippicum,  
 cumque mater Agrippina eam pecuniam uno loco coa-  
 cervasset de industriâ, ut ipsum intuentem sum-  
 mam, tanta pecunia pœniteret, interrogabat quan-  
 tum illi jaceret, & cognita summa eam duplicari jussit:  
 non enim putavi, inquiebat, me tamen exiguum mu-  
 nus dedisse. Dio libr. 61. Idem hic aurato re-  
 ti piscabatur purpura coccôque funibus nexis  
 & nunquam carucis minus mille iter faciebat,  
 soleas mularum argenteas, muliones canusiatos  
 habebat. Heliogabalus nunquam minus cen-  
 ties H. S. cœnavit, aliquando etiam millies H.  
 S. id est, duobus millionibus & dimidio, et-  
 iam meretricem centies H. S. redemit, imô  
 ne quid insanix deesset in Eurypis vino ple-  
 nis navales Circenses exhibuit, Lamprid. in  
 Heliogab. Hæc & similia exempla passim  
 occurrunt in Suetonio, Dione & sex illis,  
 ut vulgo vocantur, historiæ Augustæ scripto-  
 ribus.

Helioga-  
balus.IX.  
Sordes.

Sordities est cum in defectu hîc peccatur, quod  
 fit cum in res magnas minutus sumptus impen-  
 ditur, vel etiâ inde lucrum percipitur unde turpe  
 est percipere, quo nomine malè audit Flavius  
 Vespasianus Imperator, cû non tantum nova &

gravia tributa provinciis adderet, sed negotiationes etiam privato pudendas propalam exerceret, Sveton. in vit. ejus c. 16. & 23. Deterior adhuc Vespasiano fuit princeps ille Gallicus à quo cum quidā XX. aureos peteret in dotem filiae, quam elocare ipse non poterat, & denegarentur, commendatitias ad vicinium Regem impetraret: cū autem literas illas offerret Principi obsignandas, is qui dictarat, unde papyrū deprompsisset, quaerebat. Respondet hic, ex principis armario. Tum Princeps: *Siccine, ait, me expilatis omnibus. Si ita bona nostra prodigemus ad mendicitatem brevi redigemur. Male hunc diem impendimus*, ut narrat Aeneus Sylvius comm. in Panorm. de dict. Alphonfi lib. 2. c. 16.

## CAPUT VIII.

De magnanimitate modestia.

## SUMMARIA.

- 1 Virtutes quae circa honorem versantur.
- 2 Quod arduum sit verè esse magnanimum.
- 3 Quomodo is se gerat in secunda & adversa fortuna.
- 4 Quomodo erga alios.
- 5 Nihil dissimulare.
- 6 Non temere alios laudare nec vituperare.
- 7 De elato & pusillanimitate, item de modestia.

I.  
*Virtutes  
 qua circa  
 honorem  
 versan-  
 tur.*

*Qui sit  
 magnani-  
 mus.*

*Adest ei  
 quidquid  
 in una-  
 quaque  
 virtute  
 eximium  
 est.*

**V**IRTUTES quæ rectè uti pecuniâ & ijs quæ pecuniæ æstimari, possunt, docent, explicavimus, sequuntur quæ circa honorem versantur. Hæ sunt magnanimitas & modestia. Sed de magnanimitate prius. Magnanimus est, vel nomen indicat, qui magna affectat sive magnis gaudet. Majus verò inter bona externa nihil est honor, tum quod ille Deo ipsi tribuitur, tum quod præmium hoc præcipuum est, quod optimè & præclarissimè meritis in republ. decerni solet. Magnanimus itaque is dicitur qui magna consequi & magnis dignus is dicitur qui magna consequi & magnis dignum se præstare studet. Dico qui magna consequi & magnis dignus esse studet. quod si enim posterius illud ablit, vanitas tantum & animi elatio est. Causa est quod magnanimus, etsi ad magna adspirat, in ipsis tamen illis modum non excedit, nec majora expetit, quàm quæ ipsum decent, ut magnitudine ipsa rerum quas gerit summus quidem sit, sed eo, quod ita ut oportet de meritis suis judicat, mediis, sicut dicit Philosophus. Vnde omnem magnanimum necesse est non tantum virum bonum esse, sed ei adesse etiam quicquid in unaquaq; virtute eximium est: nec enim animi magnitudo patitur ut quis vel turpiter è prælio fugiat vel intemperans & injustus sit, cum ea contemnat magnus animus quæ ad fugam, injurias & libidines homines pertrahunt. Et ut verbo dicam, sicut magnitudo animi quodam quasi concursu omnium optimatum & honestissimarum rerum constat: magno enim honore dignum se nemo alter cū-

efficere potest : ita etiam magnanimitas ornamentum cæterarum virtutum est, omnesque illas splendidiore reddit & ampliores : Quare & arduum comprimis est vere magni animi esse.

Sed quis sit character viri magnanimi porro ostendamus : inde etiam quid sit ipsa magnanimitas facile deprehendetur. Magnis itaq; , ut diximus, honoribus ille gaudet: sed si ij à viris optimis & præstantissimis deferantur qui æstimare virtutem possunt: istis enim se & sua probari cupit. Minutos autem, vel à quibusvis hominibus ob res paruas delatos negligit: quemadmodum Alexander Magnus edixisse traditur, ne quis ipsum alius quàm Apelles pingeret, quàm Pyrgoteles sculperet, quàm Lysippus ex ære duceret, teste Plin. lib. 7. cap. 37. & Cicer. libr. 1. epist. 18. ita omnis magnanimus laudari se lætatur, sed ut Hector apud Nævium, à laudato viro. Vnde Agesilaus Rex Lacedæmoniorum, quoties laudantes, aut vituperantes audiret, cenabat, non minus dicentium mores cognoscendos esse, quàm eorum de quibus dicerent. Plutarch. in Apophth. Lacon. Et Augustus Imperator etsi ingenia seculi sui omnibus modis fovebat, & recitantes etiam benignè & patienter ipse audiebat, nec carmina tantum & historias sed & orationes & dialogos; componi tamen de se aliquid, nisi seridè & à præstantissimis, offende batur, Sueton. in August. cap. 89. Estque profectò magna demerita, si quem clamores imperitorum hilarem ex auditorio dimittunt, aut si lateris, quod hominib. iis laudatis, quos ipse sæpe laudare non potes, ut inquit Senec.

II.  
*Arduum est vere magnanimum esse.*

*Laudari cupit sed à laudato viro.*

*Quomodo se erga calumnias gerat.* epist. 56. Sic ergò honores accipit magnanimus. Calumnias verò, obrectationes, invidiam & infamiam ipsam denique contemnit, quia ijs superiorem esse se novit. Ita Scipio major cum à *Scipio Africanus.* Petiliis & Nevio tribunis plebis repetundarum postularetur, ipsum librum rationum, quo tutari se poterat, in conspectu populi scidit, hac die, inquit, Carthaginem vici: bonum factum, in Capitolium eamus & Diis supplicemus. Sext. Aurel. in Scipione. Ita & Marius apud Sallust. in Iugurha dicebat: Me quidem ex animi sententia nulla oratio ladere potest, quippe vera necesse est bene prædicet, falsam vita moresque mei superant. Imò suaviter ridere talia magnanimus potest & sicut Neronis tempore faciebat Agrippinus vir præstantissimus, cum malè audiret, etiam laudationem infamiae conscribere. Vid. Epictet. in sententijs.

## III.

*Quomodo se gerat in secunda & adversa, fortuna.*

*Beneficiū libentius confert quam accipit.*

Idem in divitiis, principatu, & omni tam bona quam adversa fortunarectè se gerit, ut nec rebus secundis efferatur, nec frangantur adversis. Et quanquam magnum momentum ad magnanimitatem habet summo loco natum & opulentum esse: tamen ut nec honorem, cui alias studet, maximum bonum statuit, ita multò minus cætera fortunæ bona eo loco habet. Pericula parva non subit, nec in universum ulli leviter se obijcit, quia pauca virtute sua digna putat. Quod si autem periculum adit, magnum adit, & tum nec vitæ parcat. Beneficium non libenter accipit, sed libentissimè in alios confert: illud enim inferioris est, hoc virtute superioris. Remuneratur etiam si quid beneficij acceperit multò



multò pluribus, & ita ut qui beneficium præstiterit, non tantum redhostimentum habeat, sed ipse jam ei debere incipiat. Quapropter & meminit eorum libentius, quibus ipse benefecit, quam à quibus beneficium accepit. Ægrè etiam alios quidquam rogat, aut prensat honorem, sed id magis operam dat, ut tanta virtute excellat, ut ultro honor ipsi deferatur. Ita cum Appius Claudius censoriam dignitatem contra Scipionem minorem prensaret, & diceret, omnes Romanos nominatim à se saluari, cum ipse penè omnes non nosset, respondit Scipio: *Verum dicis, mihi enim cura fuit non tam multos nosse, quàm ne à nemine ipse ignoraret.* Plutarch. in apoph.

*Scipio minor.*

Porro erga magnos magnum se præbet, erga inferiores moderatum: inter illos enim dignitatem suam accuratè tueri debet, inter hos id ineptum fuerit. Nec gerit nisi quod præclarum cum primis est: quare & cunctatur, neque enim omnem occasionem apprehendit se ostendendi, sed pulcerrimam expectat. In amore & odio apertus est: metuere enim videtur qui hæc dissimulat: Sic Iulius Cæsar, etiam cum captus esset à piratis, continere se non potuit, quin salutem per jocum & dum luderet cum illis, minaretur eis crucem, Plutarch. in vit. ejus. Ita Alexander M. cum ad Gaugamela ei amici auctores essent, ut noctu Darium adoriretur, & magnam hostium multitudinem, quæ suis terrorem incutere de die posset, tenebris absconderet, noluit id facere, sed respondit: Non soleo furari victoriam. Plutarch. in Alexandro. Eodem

IV.

*Quomodo se erga alios gerat*

*Cū Actor est & apertus.*

*Fur. Ca-  
millus.  
Fabricius*

animo fuere Furius Camillus & Fabricius, quo-  
rum ille cum obsideret Faliscos ludimagistrum  
urbis proditorem, hic in bello Tarentino medi-  
cum Pyrrhi, sive, ut alii volunt, literas medici ca-  
put regis venale offerentes, regi ultro remisit,  
Flor. libro 1. cap. 11. Cicer. 3. off. Plutarchus in a-  
pophtheg. Frontinus 4. strateg. cap. 4. Parem vir-  
tutem fuisse accepimus Iohannis Patris Caroli  
IV. Imperatoris: cum enim longa & difficilis ei  
contentio esset cum Henrico Carinthiæ Duce  
de regno Bohemiæ, & clanculum Ioanni se of-  
ferret, qui Henricum se veneno occisurum pro-  
mitteret, respondit: *Si me nescio Henricum inter emis-  
ses atq; ad me venisses, crux tibi futura erat premium, qui  
regio sanguine manus commaculasset, & tu me modo au-  
ctorem tanti sceleris facis?* Æn. Sylvius in Panor. libr.  
3. cap. 23.

*Nihil dis-  
simulat.*

Veritas insuper potius rationem habet quàm  
ut curet quæ sit hominum de se opinio: nec  
dissimulat in universum quidquam, nisi ubi ad  
populum id opus est. Non potest vivere ad  
alterius arbitrium, nisi ille amicus fuerit; nec  
admiratur faciliè quæ videt: nihil enim magnum  
ipsi est. Sed nec faciliè meminit injuriarum;  
quin eas despicit ac pro nihilo habet. Qui enim ci-  
tò injuria movetur facit se dignum videri contumeliâ,  
dum vult eâ indignus probari. *Melior est itaque qui  
contemnit injuriam quàm qui dolet: qui enim contem-  
nit, quasi non sentiat, ita despicit, qui autem dolet quasi  
senserit, torquetur, inquit B. Ambrosius 1. officior.  
cap. 6.*

*Contem-  
nit inju-  
rias.*

*Corpora magnanimo satis est prostrasse leoni,  
 Pugna suum finem cum cadit hostis habet :  
 At lupus & tristes instant morientibus ursi  
 Et quacunq; minor nobilitate fera est.*

Unde Marcus Livius fuso Hasdrubale hor- *M. Li-*  
 tantibus cum quibusdam, ut hostem ad interne- *vius.*  
 cionem persequeretur, respondit : aliqui supersint  
 qui de victoria hostibus nuncient. Hoc etiam Plinius *Plinius.*  
 in Julio Cæsare admiratur : Magnanimitatis, in-  
 quit, perhibuit exemplum, cui comparari non possit aliud:  
 spectacula enim edita effusaq; opes aut operum magnifi-  
 centiam in hac parte enumerare, luxuria faventis est. Illa  
 fuit vera & incomparabilis invicti animi sublimitas, ca-  
 ptis apud Pharsaliam Pompeij Magni scribis epistolarum,  
 iterumq; apud Thapsum Scipionis, ea optima concremasse  
 fide atq; non legisse. Unde Plin. lib. 7. c. 25. Idem fe- *Julius*  
 cerat antea Pompejus in Hispania debellato Ser- *Cæsar.*  
 eptio. Plutarch. in apoph.

Cæterum qui magni animi est non laudat *Pompeius*  
 quoq; temere quenquam, & nemini facile ma- *VI.*  
 ledicit : quin in universum non loquitur multa *Non te-*  
 vel de seipso vel de aliis, præsertim humilibus : *mere lau-*  
 nec enim curat ut ipse ab obvio quovis laudetur, nec vitu- *dat alios*  
 nec vituperentur alii, Motus sedatos habet, vo- *peres.*  
 cem gravem & tardam. Idem non est querulus,  
 magnus enim animus adversa omnia superat.  
 Postremò pulcra mavult possidere quàm fru-  
 ctuosa in quibus splendor tantus non est. Hujus-  
 modi ergò est magnanimus.

Peccat hic in excessu qui eo honore dignum se *VII.*  
 reputat, quo dignus nō est, sive ad magna & sum- *Elatum.*  
 ma enititur ijs mediis quib. ad illa nō pervenitur.

*Pusilla-  
nims.*

*Humili-  
sai.*

*Modestia.*

Græci talem vocāt *σχῦνον*, Latinè inflatus aut elatus dicitur: nam quod Agyrophylus lentum vocat nimis absurdum est. In defectu peccat Pusillanims sive qui omissi & abjecti animi est ne quicquam suscipit quod præclarū sit: vitio enim merito vertitur, si quis ita honorem contemnat, ut negligat etiam actiones virtutis quib. honorē consequimur. Quod si tamē hoc non fiat, id est, agat quis omnia quæ maximo honore digna sunt, & tūc enim nihilominus contemnat, jam non vitium est contemptus ille honoris, sed heroica quædam modestia, quam Theolog. Humilitatem vocant. Tandū de magnanimitate. Modestia est quæ circa mediocres honores versatur, & tantum à magnanimitate distat quantum liberalitas à magnificentia. Quare modestus ille vocatur, qui in mediocrib. honoribus sic se gerit ut decet & honestum est. Extrema hæc sunt, in excessu ambitionis defectu ἀφιλοτιμία.

## C A P V T IX.

De mansuetudine & humanitate.

### SVMMARIA.

- 1 Opus esse virtute quæ iram compescat.
- 2 Quid sit mansuetudo.
- 3 Eam alias clementiam ac misericordiam vocari, & Stoicorum error misericordiam in vicio ponētium.
- 4 Quatuor classes eorum qui nimium irascuntur.

5 De

5 De humanitate.

6 De adulatoribus & quid sit adulatio, item de morosis. 1.

**V**IRTUTES quæ fidere in bello & voluptati-  
bus corporis modum ponere, quæque in re  
pecuniaria & honorib. capeſſendis rectè omnia  
gerere nos docēt, explicatæ ſunt: pergimus ad eā ſcat.  
quæ iræ moderatur, & illas in univerſum omnes,  
quarum in convictu & congreſſionibus uſus eſt,  
nullum autem dubium eſt comprimis opus eſſe  
virtute aliquā, quæ iram compeſcat: nec enim  
affectus alias facilè eſt nobis familior, aut qui  
maiores plerumq; turbas det. Nullam hic tranſit a-  
tatem, inquit Senec. l. 3. de irac. 2. Nullum hominum  
genus excipit. Quædam gentes beneficio egeſtatis non nove-  
re luxuriam, quædam quia exercita & vaga ſunt, effugere  
pigritiam: quib. incultus mos agreſtis vita eſt, circumſcri-  
ptio ignota eſt, & fraus & quodcunq; in foro malum naſ-  
citur. Nulla gens eſt quam non ira inſtiget, tam inter Gra-  
cos quàm Barbaros potens, non minus pernicioſa leges me-  
tuentibus, quàm quib. jura diſtinguit modus virium, De-  
niq; ceteros ſingula corripunt, hic unus affectus eſt qui in-  
terdum publicè concipitur. Nunquam univerſus populus  
unius ſcæminæ amore flagravir, nec in pecuniam aut lucrum  
tota civitas ſpem ſuam miſit: ambitio viritim ſingulos oc-  
cupat: impotentia non eſt malum publicum. Sæpe in iram  
uno agmine itū eſt: viri ſcæminæ, ſenes pueri, principes vul-  
guſq; conſenſere, & tota multitudo pauciſſimis verbis con-  
citata ipſum concitatorem antecēſit: Ad arma protinus i-  
gneſque diſcuſſum eſt & indiſta finitimis bella aut geſta  
cum civibus, &c. Plura enim illic ipſe vide,

Ira Thyeſten exitio gravi

Stravere, & altis urbibus ultima.

Ste-

*Stetere causa cur perirent*

*Funditus, imprimeretque muris*

*Hostile aratrum exercitus insolens.*

ait Poeta. Vnde etiam Stoici etsi omnes affectus malos esse statuunt, maximè tamen iram averfantur, *cetera enim vitia*, inquit idem Seneca, loco citato capite. 1. *impellunt animos, ira precipitat.*

II.

*Quid sit  
mansuetudo.*

*Paulus  
Macedon.*

*Archytas  
Tarentin.*

*Plato.*

Cæterum virtus, quæ huic malo medetur, mansuetudo est sive lenitas. Mansuetum autem illam dicimus qui irascitur quidem sed super ijs rebus, super quibus irasci debet, & ijs quibus ac tam diu quàm diu irascendum est. Quo animo erat Paulus Macedonicus erga Persem regem Macedonum ultimum, in bello Macedonico secundo, eum à se devictum, sibi que supplicem ita tractaret, *ut nemo ipso reverentior esset captae majestatis*, quin & liberos eâ occasione de inconstantia fortunæ diligenter admoneret. Nec minor virtus fuit Syllæ in bello Mithridatico, cum Athenienses, quos subegerat, hominum, ut ipse dicebat, ingratis-  
simos, in honorem mortuorum sacris suis famæ que donaret. Flor. lib. 2. cap. 11. & lib. 3. cap. 5. Nec milites tantùm homines eâ re insignes nonnunquam fuere, sed maximè quotquot verè doctos fuisse accepimus. Sic Archytam Tarentinum ferunt ad villicum suum dixisse: *O te infelicem, quam te afflicta rem, nisi iratus essem*, ut ait D. Ambrosius 1. offic. cap. 21. Similiter Plato, cum baculum levasset coram puero, diu stetit, & iram se domare dicebat, ut refert Plutarch. libro de sera Dei vindicta. Vnde Socra-

Socrates nam ante eodem agebat : Minus esse ma- *Socrates.*  
 lam, si quis incidens in aquam turbidam pre incontinen-  
 tia non expectet donec pura reddatur, sed statim bibat,  
 quam si ira & furore perturbatus, pœnam ab homine  
 sumere non differat, donec animus subsistat, & purus de-  
 nud fiat, cum homo cognata cuique natura sit. Et scri-  
 ptura Proverbiorum XVI. 32. dicit, meliorem esse *Prov. 16.*  
 patientem viro forti, & eum qui dominatur animo suo,  
 expugnatore urbium. Κρείσσων, inquit, ἀνὴρ μακρό-  
 θυμος ἢ ἰσχυρὸς, ὅς τ' ἀρετῶν, ἢ γῆς καὶ πλεονεκτημάτων πό-  
 νων.

## III.

Porrò mansuetudo aliàs clementia & mi- *Mansue-*  
 sericordia vocatur. Stoici tamen etsi clemen- *tudo alias*  
 tiam magnificiunt, misericordiam tamen *clementia*  
 in vitio collocant. Causas has reddit Seneca li- *& miseri-*  
 bro secundo de clement. capite quinto. Primò, *cordia di-*  
 quòd misereri sit animo ad speciem alienorum *citur.*  
 malorum succidere. Deinde quia misericordia *Stoici mi-*  
 sit animi ægritudo aut tristitia, cum ægritudo in *sericordiā*  
 vitium sapientem non cadat. Tertiò quod vicina *in vitio*  
 sit miseriæ, & habeat aliquid trahatque ex ea. Sed *ponunt.*  
 hæc controversia tantum est de voce, ut quum  
 ijdem veniam dandam censent, sed nemini igno-  
 scendum, quod ignoscere sit eum non punire  
 qui jure puniendus esset. Nec ipse Seneca id  
 id diffitetur. Et vero quamvis vox misericordiæ  
 dicatur à miseria, non tamen appellatur ita à mi-  
 seria aut ægritudine ejus qui misereretur, sed illius  
 erga quem misericors est, ut ludicra & tantis vi- *Refutan-*  
 ris indigna in voce captiuncula esse videatur. *tur à B.*  
 Vnde rectè eos refutat Beatus Augustinus libro *Augustin.*  
 de



de moribus Ecclesiæ Catholicæ, capite vigesimo septimo. Illa omnia, quibus huiusmodi malis incommodisue resistitur, qui officiosè atque humaniter præbent, misericordes vocantur, etiamsi sapientes usque adeò sint, ut iam nullo animi dolore turbentur: nam quis ignoret ex eo appellatam esse misericordiam, quod miserum cor faciat condolentis alieno malo? Et quis non concedat ab omni miseria liberum esse debere sapientem cum subvenit inopi, cum esurienti cibum præstat, potumque sitienti, cum vestit nudum, cum peregrinum tecto recipit, cum oppressum liberat, cum denique humanitatem suam usque ad sepulturam porrigit mortuorum, etiamsi id faciat mente tranquilla, nullis aculeis doloris instinctus, sed adductus officio bonitatis. Misericors tamen vocandus est: huic enim nihil obest nomen, cum absit miseria. Stulti vero, cum misericordiam quasi vitium devitant, quia officio satis moveri nequeunt, si nec perturbatione commoventur, congelascunt potius rigore inhumanitatis, quàm rationis tranquillitate serenantur. Hæc August. & tale quid est mansuetudo si-  
ve clementia.

## IV.

Quatuor  
classes eo-  
rum qui  
hic in ex-  
cessu pec-  
cant.

Peccant hic in excessu, quicumque irascuntur vel quibus non decet, & ob quas causas non decet, vel qui plus quàm decet & longiori tempore. Aristoteles quatuor eorum classes facit: alios enim dicit iracundos esse, alios planè cerebroso, alios item amaro, alios, & denique sævos & crudeles. Iracundi & cerebrosi sunt qui facile & celeriter irascuntur, sed cito tamen finem faciunt: at amari sævi, qui iram semel conceptam retinent, nec concoquunt facile aut depouunt antequam ultio pro lubitu injuriam fuerint.

Quo-



Quorum posteriores hi illis longè deteriores sunt. Vnde apud Sen. nutrix Medeam hortatur, ut iram contra Iasonem regat: ita enim rectius ipsam eum ulcisci posse:

*Sile inquit, obsecro, quæstusq; secreto abditos*

*Manda dolori: gravia quisquis vulnera*

*Paciente & aquo immotus animo pertulit;*

*Referre potuit. Iræ quæ regitur nocet.*

*Professa produnt adit in dicta locum.*

Senec. Medea act. 2. v. 20. 130.

Iracundi, siue potius hominis admodum cerebrosi exemplum insigne est in Alex. Magn. Hic cum Clytum præcipuum inter amicos videret sibi non assensari, ut cæteros purpuratos, & fiducia amicitiae regis cujus palmam tenebat, memoriam Philippi patris sui tueri, ejusq; res gestas laudare, ad eum excaudit, ut telo à satellite lapso, eum in convivio trucidaret. Et si autem in principio ea de illa exultabat, statim tamē postquam animus ab excaudescencia conquievit, ita ipsum pœnituit, ut sibi etiam manus inferre voluerit. Iustin. lib. 12. c. 6. Crudelitatis exempla passim occurrunt. In defectu hic peccant qui ita nunquam irascuntur, ut injuriam nullā propulent, sed se suosque ultrò ludibrio haberi patiantur. Hoc vitium quia rarum est, nomine caret, & aliàs multò tolerabilius est, quàm iracundia aut sævitia. Tantum de Mansuetudine.

Huic affinis est Humanitas, quæ sic vivere cum aliis docet, ut ijs consuetudo tua non molestata sed jucunda sit, & ut facias quæ grata aliis sunt, sed ita tamen ut nec dissimules rursum

tibi

Alexand.  
Magn.

V.  
Humanitas.

tibi displicere, si quid turpe committant, aut id quod magno malo ipsis fore putes, imò ut modestè interdum etiam eos reprehendas. Habet item affinitatem cum amicitia: ita enim vivere; ut diximus; amicorum esse videtur. Sed id interest, quod humanus ita se gerit tã erga ignotos, quàm erga notos, amicus erga notos & amicos tantum; idque ex amore & affectu peculiari quo illos prosequitur. Observat autem qui humanus est id præcipuè, qua conditione sit ille qui cum vivit: aliter enim se gerere debet erga superiorem, aliter erga æqualem, & aliter denique erga inferiorem.

IV.

A<sup>π</sup>ιστος.

Peccant hic in excessu qui nimis obsequentes sunt aliis, neminique in ulla re adversantur. Atque hi in duplici sunt differentia; alii enim id faciunt solo placendi studio qui Græcè ἀπιστοι dicuntur, alii ut utilitatem inde capiant. Prioris generis pauciores sunt, ad posterius omnis assentatorum & adulatorum natio pertinet, quorum egregium characterem habes non tantum passim in Comicis, sed etiam apud Theophrastum & apud Iuvenalem satyr. 3. *Laudat*, inquit, de adulatore.

*Sermonem indocti, faciem deformis amici,  
Et longum invalidi collum cervicibus aequat  
Herculis, Antaum procul à tellure tenentis;*

*Miratur vocem augustam, quod deterius nec  
Ille sonat, quo mordetur gallina marito.*

Et sanè vitium est quod faciliè sub specie honesta regi potest. Unde Seneca ep. 45. *Adulatio*, inquit, quàm similis est amicitia? non imitatur tantum illam,

Adulatio  
sub ami-  
citia spe-  
cie latet.

*illam, sed vincit & præterit, apertis & propitiis auribus recipitur, & in præcordia ima descendit, eò ipso gratiosa quoadit. Hæc Seneca. Imò quam similis est ipsi virtuti interdum!* Messala Valerius cum initio principatus Tiberii in senatu præsentè Tiberio censuisset, renovandum per annos sacramentum in nomen Tiberii, interrogatus à Tiberio, num se mandante eam sententiam prompssisset; sponte dixisse, respondit: *neque in iis quæ ad rempubl. pertinerent consilio nisi suo usurum, vel cum periculo offensio- nis, ut refert Tacit. lib. 1. annal.* Sic multi etiam quum offendere videntur pejus adulantur: *sunt enim qui adulationi libertatem veluti sub austerum condimentum admiscunt, quo proterua loquacitati adium & sanitatem dimoveant, idq; consequantur ut assentientes & concedentes quoties de re gravi sermo inciderit, non gratiam capere, sed prudentia inferiores videantur, sicut. Plutarchus dicit evenisse ab adulatoribus suis M. Antonio. Plutarch. in Anton. Nihil homine ingenuo indignius. Sed & valde noxium est hoc vitium tum privatim, tum maximè in Republ. & aulis principum: regum enim opes sapius assentatio quam hostis evertit, ut ait Curtius lib. 8. Vnde Gordianus jun. Imperator ap. Capitolinum confitetur, miserum esse imperatorem, apud quem vera reticent:ur.*

In defectu hîc peccant morosi & contentiosi, qui in re omni aliis adversantur & parum pensi habent si eos, quibuscum vivunt, etiam ob rem non magni momenti, gravissimè interdum offendant.

VII.  
Morosi.

## CAPVT X.

De veritate &amp; urbanitate.

## SUMMARIA.

- 1 Veritas seu candor.
- 2 Ex mendacio disci potest quid sit veritas, & quid sit mendacium.
- 3 Omne mendacium peccatum esse.
- 4 Mendacium triplex.
- 5 Aliud mentiri, aliud veritatem celare.
- 6 Cautela, & objectionum aliquot solutio.
- 7 Vitia veritati opposita.
- 8 Urbanitas & vitia ei opposita.

I.  
Veritas  
seu Candor.

Veritatis  
vox ambigua.

Verum  
dici potest  
in multis  
rebus.

VERITAS sive candor est virtus, quæ mendacium & simulationem vitare docet, nemo enim cum aliis rectè vivere, imò nec honestus esse potest, nisi nō id tantum operam det, ut ijs voluptati potius, quam oneri sit, quod munus humanitatis est, sed etiam ut veritatem colat in re omni, verbis pariter & factis. Vbi principio observetur vocem veritatis communiter accipi pro re quæ est vera, & hoc sensu huc non pertinet. Deinde vocatur veritas etiam quum quis dicit verum, eaq; alias solet veracitas appellari, ut notat Thom. 2. 2. quæst. 109. art. 1. Et hoc sensu veritas virtus est. Sed cum verū dicere quis possit in multis, primò dū vera docet, deinde dum in iudicio verū testi-

mo-

monium perhibet, & tertio si quis etiam extra  
 judicium tota vita se talem demonstret, qualis  
 est, nec aliud dicat, aliud sentiat, mendacium ac  
 simulationem per se oderit, & veritatem ac can-  
 dorem diligit, id præterea sciendum est, de veri-  
 tate doctrinæ hic non agi quia, ad virtutes intel-  
 lectivas magis pertinet, quàm ad morales. At nec  
 de veritate illa altera, quàm justitiæ vocat Thomas:  
 pars enim justitiæ est. Vnde ipse Philosophus 4.  
 eth. 7. t. 105. non de illo dicimus, inquit, qui in stipulati-  
 onibus verum dicit, & in iis quæ ad justitiam & injustiti-  
 am pertinent. (hæc enim ad aliam accommodantur virtutem)  
 sed de eo qui in quibus hoc nihil refert, & in ver-  
 bis & in vita ex eo vera dicit, quia habitu talis est. Atq;  
 talis æquus & bonus esse videbitur. Quinamq;  
 verum amat, & in quibus nihil refert, vera dicit,  
 is multo magis vera dicet in quibus refert:  
 ut turpe enim, mendacium fugiet, quod & per se fu-  
 giebat. Talis verò laudabilis est. Sola itaque tertia ac-  
 ceptio huc pertinet. Et sanè non tantum virtutis  
 est in contractibus, & ibi, ubi ideo verum dicen-  
 dum est, ut alteri solum tribuas, veritati studere,  
 sed ibi etiam ubi sine alterius noxa mentiri po-  
 teras: per se enim mendacium improbum est & vitu-  
 perabile, verum autem probum ac laudabile, ut iterum præ-  
 clarè ad modum scribit Arist. t. 104. Et Th. loc.  
 cit. art. 3. in corp. dicit, hominem homini ad veri-  
 tatis manifestationem obstringi, non tantum ex de-  
 bito legali sed etiam morali, seu non solum propter justiti-  
 am sed & propter honestatem. Hoc igitur hujus vir-  
 tutis munus est, eaq; ut cùm Poeta loquar, id docet

*De veri-  
tate justi-  
tie hic  
non agi.*

*De qua  
veritate  
hic aga-  
tur.*

*Claudia.  
Ssili 2.*

--nullo livefcere fūco,

Nunquam falsa loqui, nunquam promissa morari,

*invisos odisse palam, non virus in altb  
Condere, non latam speciem pratendere fraudi,  
Sed certum mentique parem componere vultum,  
Occultè favire, vetat, pròdesse remittit.*

11.

*Ex men-  
dacio disci  
potest quid  
sit veritas*

*Quid sit  
menda-  
cium.*

Cætetum quid sit veritas, ex mendacio, ejus  
opposito, quàm rectissimè intelligitur. Est au-  
tem mendacium nihil aliud quam falsa significatio  
voci cum intentione fallendi, ut dicit Ius Canon. 22.  
quæst. 2. ille ergo. Intelligitur autem per vocem  
omne signum seu nutus ille sit, seu scriptura, seu  
factum, seu vox & sermo denique. Dicitur esse  
falsa significatio, sed additur cum intentione fal-  
lendi: nec enim statim qui falsum dicit mendacio  
se obstringit, quia fieri potest ut dicat quod res  
non est, sed inscius & sine animo falsa proferen-  
di. Nec tum est mendacium nisi materialiter tan-  
tum, cum mendacium formaliter tum sit, si quis  
contrà quàm novit rem se habere enunciat, atq;  
adeò voluntatem falsa dicendi habet. Imò usque  
adeò voluntas requiritur ad mendacium, ut et-  
iamsi quis vera dicat, sed inscius & animo fallen-  
di, mentiri censeatur, sicut etiam alias qui animo  
occidendi quenquam verberat, occidisse cense-  
tur, licet se vera vitam ei non ademerit. Causa est,  
quod formalis ratio actionis moralis ab electio-  
ne & voluntate dependeat, ut suo loco ostensum  
fuit quidquid ergo actui competit prout volun-  
tarius est, per se ei inest, quod sine voluntate, per  
accidens. Vnde & id porrò intelligitur, mātiri es-  
se dicere falsum, sed assertivè, non recitativè aut  
repræsentativè: quod si n. quis illud quod falsum  
est



est dicat sciens, & volens, sed ita tantum ut alterius verba recitet, vel sub aliena persona id faciat & facere se ostendat, tum ut animum fallendi non habet, nec tam ipse sic re se habere dicit, quam id alios dicere significat, ita nec mentitur, licet ea asserat quæ falsa sunt.

Nullum autem dubium est quin mendacium III.  
 omne peccatum sit. Causa est, quia, ut ait B. August. enchirid. cap. 22. *homo debet loqui quod animo gerit. Omnis autem qui mentitur, contra id quod animo sentit, loquitur.* Et utique verba propterea sunt instituta non per quæ se invicem homines fallant, sed per quæ in alterius notitiam cogitationes suas proferant. Verbis igitur uti ad fallaciam, non ad quod instituta sunt, peccatum est. Idcirco non tantum Aristotel. supra dicebat mendacium per se improbum & vituperabile esse sed etiam scriptura sacra passim illud detestatur: unde & Psalm. 5. dicitur: *Perdes omnes qui loquuntur mendacium.* Et B. August. toto li. de mendacio hoc multis ostendit, eousque etiam, ut cap. ult. & penult. *nec mendacium simplex statuat ob salvandum proximi animum ab aeterna damnatione.* Quare insigniter errat Eustratius ad 3. eth. c. 1. quum mendacium dicere negat peccatum esse, si utilitatis alicujus causa id fiat, non tantum enim id recte rationi, sed ipsi etiam Aristot. directe repugnat, ut in notis ad eum locum sufficienter ostendimus. Interest equidem plurimum qua causa, quo fine, qua intentione quid, fiat, sed ea quæ constat esse peccata, nullo bona causa obtentu, nullo quasi bono fine, nulla velut bona intentione facienda sunt, ait iterum B. August. loc. cit. cap. 7. Omne mendacium peccatum August.

Ec

3

Sed

VI.  
Menda-  
cium tri-  
plex.

Vnum al-  
tero ma-  
ius pecca-  
tum.

V.  
Aliud  
mentiri  
aliud ve-  
ritatem  
celare.

Sed ut hæc eò rectius intelligantur, observandū est mendacium vulgò ex glossa ordinaria ad Ps. 5. distinguit tripliciter, ut aliud sit, quod joco seu ex vanitate quadam tantum dicitur, aliud quod pro salute & commodo alicujus, aliud quod ex malignitate, & in perniciem alterius. Primum appellari solet jocosum, alterum officiosum, tertium perniciosum. Quanquam a mendacium, quod per jocū dicitur, tam malum non est, atq; quod in perniciem alterius, & ipsum tamen quatenus mendacium est, peccatum & malum est: vanitas enim est & ἀταξία delectationem ex illa re percipere, quæ abesse ab homine longè debet. Similiter etiam qui peccat ut alteri commodet, minus peccat, quam qui eo fine id non facit, nihilominus tamen recte simpliciter nō agit: nec enim facere mala licet, ut bona eveniant ut docetur ad Rom. 3. 8. Et sanè si mendacium in se est improbum, ut Arist. expressè dicit, omne mendacium, etiā minimū, turpe est & peccatum. Vbi nota, in cosum non dici, si quis falsum dicat non seriò, sed joco, ita ut omnes facilè intelligant aliud illū significare, quā dicit: nā cū ibi non sit significatio falsi, mendacium non est; sed id demum cum animi causā & quo delectationē inde capiat falsa quis narrat, quæ aliis, ut seria, persuasa esse cupit.

Verū n. verò etsi hæc ita se habent, nec mendacium dicere ullatenus licet, veritas tamē celari interdū & honestè reticeri potest: etsi enim virtus hæc vetat falsū dicere & quid quid asseritur præcipit ut verū sit: non tamē id efflagitat, ut semper effutiat quod tale quidē est sed efferri non cōvenit: unde & in Ecclesiastico dicitur, Non omni ho-



*mini cor tuum manifestes* c. 9. 22. Tum autem id facere licet, quum quis non tenetur alteri ex mente ipsius respondere: ita enim primò dicere licet quod verum est sensu uno, licet ille fortè de altero quærat & responsum accepturus sit. Ita Abraham Gen. 12. 10. de Sara Pharaoni & Gen. 20. 2. Abimelech. respondit eam sororem suam esse. Idem facit Isaacus Gen. 26. 7. Et tamen ex utroque quærebatur, utrum uxores essent. Dixit uterque verum; & Sara n. Soror erat Abraham, & Rebecca Isaac, id est, illa illius hæc huius agnata, nam & hæ sorores Hebræo idiomate appellatur. At neuter ad propositum respondit, licet ita respondisse percunctantib. visi sint. Deinde quum ad unam interrogationem multiplex est responsio, responderi potest unum & rericeri alterum, sicut Sam. 1. Reg. 15. 6. quum Bethlehemum veniens interrogatus quare venisset, respondit ad sacrificandum Deo, etsi præcipuè ad unguendum Davidem venerat.

Sed sicut hæc contra virtutem veritatis non sunt & licent tum, ubi quis veritatem dicere non tenetur, ita contra an iudicio vero & legitimo, aut ubi alias quis veritatem confiteri obstrictus est, aut denique se dicturum eam de re quapiam planè, ut quæritur, recepit, non valent. Dices legi tamen in ipsis scripturis nonnullos ex sanctis mentitos, imò mendacium alicubi commendari. Ita Exod. 1. leguntur obstetrices Ægyptiæ mentitæ: dicebant enim Hebræas mulieres sine sua ope parere, cum tamen dicantur vivos conservasse Hebræorum natos, Nec minus tamen dicitur ibi Deus ea de causa ijs bene-

Ee 4

fecisse

*Quando  
posterius  
id sit con-  
cessum.*

*Exempla  
d sacris.*

*VI.  
Cautela.*

*Obiectio.*

*Solutio.*

fecisse. Respondeo primò cum Thoma, Deum iis benefecisse quod non interfecissent infantes, non quod mentitæ fuissent; unde etiam dicitur v. 21. *Et quia obstetrices timuerant Deum adificavit illis domos.* Deinde dici potest, non esse mentitas; verum enim erat mulieres Hebræas viuidas esse & sæpè non accersita obstetrice parere, etsi semper id factum non fuerat. Oggetes porrò, verè tamen mentitum esse Iacobum Genes. 27. 21. cum se Esavum esse patri affirmaret, mentitam item Iuditham & alios. Respondeo primum cum Lyræ loc. illum Genes. exponente, non esse necesse excusare sanctos à mendacio officioso, cum mulierum etiam in graviora peccata incidisse legantur. Deinde possunt etiam mysticè vera esse quæ non sunt secundum litteram ut quod Iacob se primogenitum dixit.

*Alia obiectio.*

*VII.  
Vitia veritatis  
opposita.*

Vitia veritati opposita sunt iactantia seu mentiendi libido & dissimulatio. Mendax & gloriosus in excessu peccant, & alter quidem ob meram vanitatem, alter propter gloriæ cupiditatem; dissimulator peccat in defectu, qui omnia sua extenuat, ea etiam quæ levia sunt & in aperto posita: qui tamen mendacibus & gloriosis longè tolerabiliore sunt, cum civilius sit sua extenuare, quàm efferre.

*VIII.  
Urbanitas*

Urbanitas officium suum facit in consuetudine & congressibus quotidianis, quum iocosa tractantur, sicut humanitas & veritas versantur in rebus seriis. Posse autem in iocis etiam exorbitari, nemo est qui ignoret. Rectè itaque hic se gerit & urbanus est, qui in loco concinne & eleganter ioca-

jocari novit, ita ut nihil proferat, quod vel ipsum dedecet dicere vel alterū audire. In excessu peccat scurra & cavillator, quorum ille ita jocatur, ut nec dignitatis suæ nec in universum honestatis rationem habeat, hie tam false alios sæpe perstringit, ut quem jocum esse vult convitium meritò putare possis. In defectu impingit homo a- *Αγροικία.* grestis, qui nec ipse recte jocari didicit, nec alios civiliter jocantes audit sine stomacho. Tantum etiam de illis virtutibus, quæ homileticæ appellantur. Nunc ad justitiam pergendum est.

## CAPUT XI.

## De Iustitia in Communi.

## SUMMARIA.

- 1 Iustitiam esse virtutum moralium principem.
- 2 Homonymia vocabuli iustitia.
- 3 Quid iustitia universalis differat à virtute & Thoma hic opinione.
- 4 Aristotelis & verior sententia.
- 5 Argum. Soti pro Thoma.
- 6.7.8.9. Solvantur.
- 10 Quomodo iustitia referatur ad alium.
- 11 De iustitia universali.
- 12 De iustitia particulari.
- 13 Quare de iustit. universali peculiariter non tractetur,

*Et quo modo particularem Aristot. definit.*

14 *Quomodo Icti.*

15.16.17.18.19. *Explicatur definitio Ictorum.*

20 *Eam comperere soli iustitia particulari.*

21 *Alia definitio, Et quæ hic sit ratio medij.*

22 *Quotuplex sit iustitia particularis.*

23 *Quæ sit hic specifica differentia.*

24 *Sententia Valent. Et Molina item vera sententia.*

I.  
*Iustitia  
virtutum  
moralium  
princeps.*

**I**Nter omnes virtutes, quibus cōtinetur & perficitur vita civilis, principem locum obtinet iustitia: etsi enim illa ceteris etiam, præsertim fortitudine & temperantia cum primis opus habet, iustitia tamen minimè omnium carere potest. Imò rātum abest, ut salva esse Respubl. ulla queat sine iustitia, ut nec latronum aut furum cohors aggredi quidquam possit aut efficere, si ipsi inter se ab injuriis non abstineant, ut Plato docet 1. de republ. in fin. Nec verius quidquam, vel ex tripode dici potuit, quam ille in tragœdia scripsit.

*Ὁ πονεὺς βέλτερον, δρᾶν ἢ ἀβύλεται,*

*Τῶ τινὲς νομίζε τὴν πόλιν χρόνῳ πρῶτε*

*Εξουρίων δεσμεύσαν εἰς βυδὸν πεσὶν*

*Vbi licentia omnis est injuriæ,*

*Tunc Et statum urbis postmodò tandem illius*

*Cursu è secundo pessum iturum existima.*

Unde Agesilaus interrogatus, utrū fortitudo an iustitia præstantior esset, respondit fortitudinem, si absit iustitia, nulli utui esse, ac si iustitiā omnes colant, nihil fore opus fortitudine. Plutarch. in apophth. Lacon. c. 17. Et hinc etiam est quod ipsa non paulò operosiori explicatione indigeat, quā virtutes cæteræ. Aristotel. integrum ferè librum

quin-

quintum Nicomach. & capit. 34. prim. magn. moral. huic rei tribuit : quartus : enim Eudemiorum cum quinto Nicomach. planè coincidit.

Ante autem quàm exponamus, quæ natura sit  
 justitiæ & quotuplex ipsa sit, vocabulū ab æqui- I r.  
Homony-  
mya vo-  
cabuli in-  
stitia.  
 vocatione liberandum est, sicut id accuratè etiā  
 Aristot. fecit. Supponimus igitur, quod apud o-  
 mnes constat, justitiam dici ejusmodi aliquem  
 habitum, quo justī sumus, sive ad justā volenda &  
 agēda apti, & cujus ad eò beneficio justā agimus,  
 & volumus, injustitiam autem quo injustī sumus  
 sive volumus & facimus injustā ; nemo enim a-  
 liud quicquā utriusq; rei appellatione unquam  
 intellexit. Verū potest dupliciter quis appellari  
 justus, uno modo cōmuniter, qui legibus & juri  
 congruenter vivit: altero peculiariter, qui de bo-  
 nis externis unicuiq; suū tribuit, sicut & injustus  
 vocatur tam quisquis legibus non obtemperat,  
 quàm qui iniquus in alterum tantum est, eumq;  
 defraudat & plus sibi quam ipsi tribuit. Quem-  
 admodū igitur justus nō uno modo quis dicitur  
 ita etiam justitiæ & injustitiæ vocē homonymā  
 esse oportet, & ut in multū interest, priori an po-  
 steriōri sensu justum aliquem appelles, sic multū  
 etiam refert, utro sensu vocabulū justitiæ capias.  
 Quod autem æquivocatio ista non facilè depre-  
 hēdatur inde est, quia magnā æquivocata illa co-  
 gnationē habent. Vna igitur acceptione justitia Iustitia  
universa-  
salu.  
 extenditur ad omne quod legibus & juri con-  
 sentaneum est, neq; tum illa est species quæpiam

vir-

virtutis, sed ipsa & tota virtus. Causa in promptu est: cum enim leges præcipiant, præcipere certè debebant, de omni virtute, non pars hæc virtutis erit, sed universa virtus, cunctis illis quæ leges præcipiunt obtemperare, & ad illas totam vitam componere. Vnde etiam *iustitia universalis* vulgò appellatur & veteri versu omnes in se virtutes complecti dicitur, imò nec hesperus nec lucifer admirabilior ipsa esse.

III.  
Quid &  
differat à  
virtute  
ipsa.

Et sanè tam latè paret quàm virtus ipsa, nec ab hac differt, nisi quod non tam est virtus nuda & in se spectata, quam eadem in usu & exercitio posita: sicut enim lex hoc differt à nudo præcepto virtutis, quod illa concernit totam communitem & hominem prout in eà cum aliis vivit, hoc etiam privatum quemque, ut est talis, & tamen lex omnis rectè lata virtutis præceptum est, ita etiam iustitia à virtute hoc distat quod virtus ordinem tantum ad possessorem involuit iustitia ordinem ad alios. Ut clariùs dicam, nudæ virtutis officium est possessorem reddere virum bonum simpliciter, iustitiæ universalis efficere, ut idem virtute sua aliis & toti Reipubl. prosit. Discrepant autem hæc duo: fieri enim potest ut quis ipse bonus sit, deq; rebus suis rectè satis statuatur, nec tamen idem usque quaque se gerat ut par erat, ubi cum aliis negotii quid ipsi intervenit. Vnde vetus illud verbum est ab Aristotele s. eth. c. i Bian- ti, à Diog. Laertio Pittaco, à nonnullis antiquo- rum Soloni tributum, Ὁ πᾶσι καὶ τὸν ἑαυτοῦ δίκαιον, Magistratum ostendere virum, quod & Sophocles sic expressit Antigona:

Ἀμν-



Ἀμήχανον δὲ παῖτ' ὅς ἀνδρὸς ἕκμα δ' εἶν'  
 Τύχην τε καὶ φρίσσημα καὶ γνῶμην, πείνᾳ,  
 Ἀρχαῖς σε καὶ νόμοισιν ὑπελβὴς φανῇ,

& Simonides — πόλις ἀνδρα διδάσκει. Aristot. loc. cit. tex. 15. ita virtutem à justitia distinguit: *Quid intersit, inquit, inter hanc justitiam (universalem) & virtutem, ex iis quæ dicta sunt innotescit: unum enim & idem sunt, sed esse, non est idem: quatenus est ad alium justitia est, quatenus autem habitus aliquis talis, virtus simpliciter est.* Vbi observa, cum inquit justitiam & virtutem differre τῷ εἶναι, non intelligi realem distinctionem aut quod toto esse differant (unum enim & idem esse ait) sed loqui Philosophum de modo tantum essendi sive considerandi: sicuti enim nonnunquam per, τὸ λόγῳ sive ratione differre distinctionem realem intelligit, ita etiam differre τῷ εἶναι interdum pro sola rationali distinctione accipit. Ejus exépla sunt 5. Phys. t. 46. 1. de generat. t. 41. & 6. Eth. t. 72. ut jam alibi annotavimus. Equidem Thom. 2. 2. quæst. 58. art. 6. justitiam legem (sic enim aliàs illa appellatur quam nos universalem vocamus) ita putat generalem esse ut nihilominus certa species virtutis sit, sed ordinet omnes virtutes cæteras ad finem suum. Quare ipsi universalis dicitur non ratione esse sui, seu quod essentia ejus tam latè pateat quàm virtutis ipsius, sed ratione officii & efficaciarum tantum, quod ipsa omnium reliquarum virtutum actus ad commune & publicum bonum referre doceat: sicut charitas, inquit, dici potest virtus generalis, in quâ tum ordinat actus aliarum vir-

tutum

Thoma opinio hæc  
 dere.

tutum ad suum finem ( ita caritas patiens est, benigna est, omnia suffert, omnia credit, omnia sperat, 1. Corint. 13. & 14. & seqq. ) & tamen revera est specialis virtus; sic etiam justitia legalis generalis est quo ad efficaciam, licet aliàs species tantum virtutis sit. Thomam sequitur Ludov. Molina de just. & jur. tom. 1. tract. 1. disp. t. num. 1. Dominicus Soto lib. 3. de just. q. 2. art. 5. & Gregor. de Valent. tom. 3. disp. 5. q. 2. punct. 2.

## IV.

*Aristot.  
& verior  
sententia.*

Verum altera illa explicatio quàm non attulimus melior est, & sine dubio menti Aristot. magis consentanea. Eam tradit & defendit Acciajolus ad 5. ethic. cap. 1. t. ult. atque, ut citant, Buridanus 5. ethic. quæst. 4. Et mentem hanc Aristot. esse evincit totum caput primum 5. ethic. ubi non tantum disertè negat, justitiam universalem partem virtutis esse: sed ait, unum & idem quid esse cum virtute, inò modo ellendi rãtum distingui, ut suprà patuit. Quorum locorum tanta evidentia est, ut nec Thomas ipse, nec qui cū eo faciūt, eam eludere possint: nam quod Thom loc. cit. in fine corp. ait, eatenus justitiam legalem dici idem quid esse essentiã cum omni virtute, quatenus unaquæque virtus ab ea ordinatur ad commune & Reipubl. bonum, seu ab ea imperatur & ad opus admovetur, ut Soto dicit; quod item Cajet. vult justitiam unum quid dici cum virtute universa non identicè, sed relativè tantum, & propter unitatem aliquam ordinis, sicut mentem ejus explicat Valentia, id omne planè contortum est, & verbis Arist. nō quadrat. Multò autem absurdius quod Valentia per virtutem intelligit nō vir-



tutem universalem sed ipsam virtutem justitiæ legalis, ut hic sit sensus verborum Aristotelis, justitiam legalem ut est virtus & ut est justitia, re esse unum & idem, differre autem ratione: quorsum enim hæc afferat Aristot. qui illic loci justitia universalem discernere docet à particulari, cum isto pacto etiam justitia particularis à virtute sola ratione differat? Nec obstat quod Philosophus justitiam universalem vocat virtutem perfectā: *Quare justitia n-  
iversalis  
dicatur  
perfecta  
virtus.* eo enim nomine totam & universam virtutem intelligi debere ipse postmodum satis declarat. Eo novum non est virtutum omnium complexū dici virtutem consummaram, estque apud Græcos cum primis formula ista loquendi usitatissima. Sed nec quod idem dicit, & nos ex eo supra, differre virtutem nudam & virtutem in usu positam sive virtutem in se spectatam & justitiam, arguere potest justitiam esse peculiarem speciem virtutis, sed hoc tantum, tum demum virtutem unamquamque esse præclarissimam, cum ea foras etiam progreditur, nec possessorem tantum bonum reddit, sed fructus ab ea ad Rempubl. totam insignis reddit. Justitiam ergò universalem eo sensu dicit Aristot. quo nos. Nec aliter sine dubio veritas ipsa loqui & sentire quenquam patitur, si accuratè rem & citra præjudicium consideret. etsi enim ipsa vox virtutis respectu ad subiectum, cui inest potius, quam ad quidquam aliud extra illud involuit, virtus tamen nulla est, quin ad bonum publicum tēdat. Ratio in promptu est: cum enim homo ipse naturā sit animal sociale, & tum demum felicitatem vitæ hujus

*Omnis  
virtutē  
dis ad bo-  
num pu-  
blicum.*

consequatur, cum in civitate vivit, ut docetur 1. Polit. capit. 2. imò cum unum idemque bonum sit unius hominis & totius civitatis, & una utriusque definitio, sicut constat ex 1. eth. cap. 2. & 7. Polit. cap. 1. & 2. omnes utrique virtutes quæ hominem felicem reddunt ad publicum bonum comparatæ sint eoque natura sua referantur necesse est. Qui si est virtutum genius, jam certè justitia illa universalis, quæ omnia ad publicum bonum referrè docet, specie essentialiter ab illis distincta non erit. Perfectior itaque est virtus unaquæque profectò quòd latius diffunditur & ad alios extenditur, sed diffundi ipsam tamen omnibus sua natura competit, etsi id voce justitiæ magis quàm virtutis exprimitur. Ita nulla est liberalitas, nulla magnificentia nisi erga alium, nulla fortitudo, nisi ubi pro patria pericula adtutur: nulla item mansuetudo, nulla virtus homiletica, nulla magnanimitas, nisi ubi cum aliis vivitur: imò hoc unaquæque earum est præclarior, quòd in majori hominum luce versatur. Quapropter nec virtutes hæc omnes aliam essentiam à justitia habent: quin justitia est virtus illa universa ita diffusa.

*V.  
Propo-  
nuntur  
argumen-  
ta Domi-  
nici Soto  
pro opini-  
one Tho-  
ma.  
Primum.*

Hæc ergo sic habent. Multis autem contra disputat, & accuratissimè omnium sententiam Thomæ adversus Buridantum propugnat Soto. Primò igitur aliam esse speciem virtutis à qua imperatur actus & à qua elicitur, atque adeò justitiam etiam legalem diversam speciem à virtutibus reliquis, probat non tantum cum Thoma ex natura charitatis & cæterarum virtutum

Theo-

Theologicarum, sed etiam ex furto propter for-  
 nicationem facto : sicut enim , inquit , charitas  
 non definit esse peculiaris species virtutis & di-  
 stincta essentialiter à fide & spe , idè , quod a-  
 ctus fidei & spei imperat , & ad opus suum ad-  
 movet: sicut autem furtum illud elicitur ex inju-  
 stitiâ quidem, imperatur tamen ab intemperan-  
 tia, quæ distincta sunt vitia : ita etiam distin-  
 ctæ virtutes sunt, quæ simpliciter docet fortiter  
 repugnare, & quæ pugnare illud docet ad pu-  
 blicum & commune civitatis bonum referre.  
 Deinde contra Buridatum sic argumentatur : Si  
 fit ut probè quis affectus sit ad rectè agendum *Secun-  
 dum.*  
 propter particularem finem, nec similiter tamè,  
 ut agat propter commune bonum ; & contra a-  
 lius ita est affectus , ut agat propter cômune bo-  
 num, nec idem tamen propter particularem fi-  
 nē, distinctæ sunt virtutes quæ utrūq; præstant.  
 Sed fieri illud potest. Majorem sic probat. Vbi e-  
 nim difficultas agendi diversa est, ait, ibi diversis  
 opus est virtutib. Minorem dicit confirmari ex  
 perientia, cum deprehendatur , nonnunquam  
 homines abstinere, & frugaliter vivere propter  
 honestatem quidem ; sed ut est particulare tan-  
 tum bonum, id est, ita ut leges & commune bo-  
 num nō respiciant, imò leges etiā & ipsum ma-  
 gistrarum custodem earū exosum habeant. Qui  
 igitur ita sit animati, ut propter leges tale quid-  
 quam non facturi sint & faciant tamē , eos o-  
 stendere dicit, aliud se propositum habere bonū,  
 cur faciant, seu aliam honesti rationem quā ut  
 legibus obediant. Ad eundem modum adserit

fieri contrà sapè quidquam intuitu solius obedientię legibus debita, publicique boni gratia, quod alioqui & propter particularem finem facturus quis non erat. Tertium argumentum hoc est: Si non est iustitia legalis essentialiter distincta à cæteris virtutibus, nec obedientia est peculiaris virtus. Sed istud absurdum est. Ergo & illud.

*Tertium.*

*Locus Aristotelis.*

Quartò producit testimonia ex Aristotele. Primus locus est 5. ethic. cap. 1. ubi dicit Aristoteles, multos uti virtute in propriis, nec eosdem tamen uti posse eadem ad alterum. Secundus est 3. Polit. cap. 3. ubi Philosophus docet, non esse unam & eandem virtutem viri & civis boni; civem autem bonum esse qui bono publico probè inserviat. Unde efficit aliam esse ejus virtutem à cæteris quæ simpliciter virum bonum reddunt. Tertijs rursus est 5. ethic. cap. 1. ubi Aristotelem dicere statuere diversum objectum iustitiæ legalis & iustitiæ particularis, illius quidem justum legitimum; hujus verò æquitatem erga privatos. Adde etiam exemplum remigis & gubernatoris in navi, quorum altetius virtutis sit rectè tantum remum ducere, etiam, si de salute navis nihil cogitet, akerius verò ut de salute totius navis sollicitus sit. Hæc ita doctè & eleganter Soto.

*VI.*

*Respondetur ad argumenta Adprimum.*

Verum enim verò non sufficiunt ista adsertioni nostræ evertendæ: quare ad singula ordine respondebimus. Primò autem de charitate ita res se habet; ubi ipsa est adfuit ut cæteræ virtutes Theologicæ ita & earum opera, quod nec vera fides, nec spes sit, nisi individuò nexu cum hac

hac

hac cohæreant: unde etiam opera, cæteris propria, huic à S. Paulo tribuuntur. Nec tamen ideo officium charitatis est actus cæterarum virtutum Theologicarum referre in Deum ut finem supernaturalem, cum omnes istæ eo modo in Deum per se tendant. Neq; impedit quod Soto dicit, si fortiter quis pugnet in prælio aut temperanter etiam vivat propter honestatem naturalem, esse id opus fortitudinis & temperantiæ peculiare: sin autem idem illud faciat propter Deum, id à charitate esse: non tantum enim à charitate illud est, sed à fide quoq; & spe, &c. cū ex quo id competat omnibus Theologicis virtutibus quidquid moralis est virtutis, seu quicquid moraliter recte fit, adeoq; propter honestatem tantum & Deum ut auctorem naturæ id elevare, & referre in eundem tanquam auctorem gratiæ; & qui fortiter præliatur aut castè vivit propter Deum, non ideo hoc tantum facit, quia Deum supernaturaliter diligit, sed & quia hoc eodē modo in ipsum credit, & spem in eo collocat. Quemadmodum itaque Arist. 3. ethic. 3. 1. & 8. magnanimitatem dicit virtutum cæterarū esse quasi ornamentū quoddam, eique inesse quidquid est magnum in reliquis, magnanimum item fortiter pugnare, nec injuriam cuiq; facere, aut turpe quidquam committere, ideo tantum, non quod eius officium sit ista certis virtutibus imperare, aut ad opera eas illas ad movere, sed quia, ut ipse subiicit, sine reliquis virtutibus magnanimitas non paratur: ita etiam charitas dicitur omnia credere,

omnia sufferre , omnia sperare , nec munus tameneius est ut ista certo modo producat , sed ideò ei tribuuntur, quod ipsa ceteras illas virtutes præsupponat, aut secum trahat, à quibus ista propriè sunt. Hæc ad exemplum de charitate. De furto autem propter fornicationem commissio, faciliore iam responsio est: sicut enim actus unius virtutis referri potest ad actum alterius, ita etiam actio unius virtutis tendit sæpè ad actionem alterius. Sed hoc omne per accidens fit, nec ideò opus est, ut una & peculiaris aliqua sit quæ per se id agat , multo minus quæ omnes illas ad communem finem dirigat, cum cunctæ ultro, ut supra diximus in eum colliment. Quemadmodum igitur, si quis ob libidinem tantum explendam furetur, actus is est iniustitiæ, sed propter intemperantiam commissus : ita quoque si exercitum privato sumtu conscribat fortis ut patriæ succurrat, magnificentia opus est, sed ad quod fortitudo eum instigavit : unde id liquet virtutem unam excitare ; & ad opus proprium admoveere posse alteram, ut rectè hoc dicit Soto, nec tamen aut per se id fit, aut inde efficitur, unam peculiariter ideo institutam esse ut hoc faciat. Hucusque de primo argumento.

VIII.  
Ad secundum.

In altero conceditur Maior, scil. si probè quis sit affectus ad rectè agendum propter honestatem ut particulare bonum, qui tamen non item affectus sit ad idem agendum propter bonum publicum, & contra, opus esse distinctis virtutibus, quarum una illud, altera istud præstet. Sed Minor negatur: nam quod experientia dicitur

citur hoc testari id si penitiùs inspiciatur nihil est. Certè qui abstinet & temperanter vivit amore honestatis, seu quòd sic vivere pulcrum existimat, is nullo modo aut contemnere leges potest de temperantia publici boni causa latas, aut magistratum odisse diligentem earum custodem: quin potius ille, quàm in ipso est, vult omnes homines sui similes esse, adeoque leges istas communiter obtinere. Quod si tamen idem ille magistratum oderit, facit alià utique de causa, puta vel ambitione ductus, quod ipse malit imperare quàm alteri subjectus esse, vel quia aliquin privata similtas cum eo qui magistratum illum gerit ipsi intercedit. Sed hæc nihil ad nostrum institutum: nec enim si hunc aut illum magistratus honore indignum quis censeat, idè & leges abrogatas cupiet, quas ipse salutare esse judicat. Ad eundem modum qui operatio mercedem debitam solvit (nam & hoc exemplo utitur Soto) idè ut fidè servet, odisse nec leges potest quæ hoc præcipiunt, cum necessum sit ut leges istas bonas esse statuat. Si dixeris, non facere tamen eum illud propter leges, sed propter se ipsum, concedo non facere propter leges, si facere aliquid propter eas opponatur illi, quod per se honestum est, & sic intelligatur, formidine pænæ quèquam facere quod aliàs non faceret, vel noluisse facere nisi imperatum esset, cum virtutis non sit, eo sensu propter leges rectè agere. Facere autem eum id propter se ipsum nego: nec enim quis dici potest fidè servare propter seipsum, nisi uti-

*Ad ter-  
tium.*

litis suæ causa potius quam honestatis quid fa-  
ciat, puta ne si quem semel defraudarit, postea e-  
jus opera potiri nequeat, &c. Manifestum ita-  
que ex his est, non requiri aliam virtutem, quæ  
doceat agere quod honestum est, aliam quæ  
quod salutare leges propter commune bonum  
præcipiunt, & distinctionem illam agere propter  
honestum particulare & agere propter honestum  
commune sine causa excogitatam esse. Ad ter-  
tiam rationem dicitur obedientiam non esse pe-  
culiarem speciem virtutis juxta Aristotelem, sed  
ipsam illam, de qua quaestio est, justitiam univer-  
sale, adeoque principium peti, quum ita pro-  
batur justitiam universalem speciem virtutis es-  
se, quia sit obedientia. An autem obedientia,  
prout est virtus Theologica, specie distincta sit à  
cæteris ejus generis virtutibus nihil hîc attinet  
disputare.

*VIII.  
Ad pri-  
mum lo-  
cum Ari-  
stotelis.*

*Quare di-  
citur  
magistra-  
tus vi-  
rum o-  
stendere.*

Postremò loca quæ ex Aristotele allata sunt  
partim ex solutione argumentorum, partim ex  
ijs quæ superius in explicatione nostræ senten-  
tiæ dicta sunt, facile intelliguntur. Breviter ita-  
que ea tantum percurramus. Quod autem  
primò dicit multos rectè uti virtutem dum sibi  
vivunt, qui tamen ubi ad rempublicam accessse-  
rint, idem non præstent, nihil mirum est, cum  
perfectior gradus virtutis requiratur, ut rectè  
ibi quis se gerat; ubi plures occasiones sunt de-  
linquendi, quàm ubi aut nullæ aut paucæ. Sic sæ-  
pè qui nihil avarè, nihil injustè egerat privatus, i-  
dem postquam ad rempublicam accessit, avarus  
& injustus fit, quòd major sit occasio. Imò sæpè  
virtu-



virtute vera præditus videtur dum privatus esset, qui postmodum ubi in lucem prodijt, nihil quidquam ejus possidere deprehenditur. *Multorum quia imbecilli sunt latent vitia, non minus ausura cum illis vires sue placuerint, quam illa que jam felicitas aperuit. Instrumenta illis explicanda nequitia desunt. Sic tunc serpens etiam pestifera tractatur dum rigit frigore. Non desunt tunc illi venena, sed torpent. Multorum crudelitas & ambitio & luxuria ne paria pessimis audeat, fortuna favore deficitur.* Eadem velle eos cognoscere da posse quantum volunt, ut egregie hoc exponit Seneca epist. 42. Quod itaque magistratus ostendere virum dicitur inde est, non quod peculiari virtute opus habeat, sed quod omnibus virtutibus perfectioribus, seu quod rectius ostendat, quantum in studio virtutis quis processerit, quam vita privata.

Alter locus ex 3. politic. cap. 3. paulò plus difficultatis habet. Docet Aristoteles aliam esse virtutem civis boni, aliam viri boni, idque tribus his argumentis. Primò civis dicitur cum respectu ad rempublic. estque tum bonus quum sic se gerit, ut ex usu est ejus reipubl. in qua vivit, seu bona illa sit sem mala. Ac vir bonus non est, nisi qui perfecta & consummata virtute præstat & sic vivit examussim ut honestas jubet: unde nec tyrannidis nec oligarchiæ aut alius prævæ reipublic. instituta probare, aut iis obtemperare potest. Deinde etiam in opt. republ. non possunt omnes cives esse viri boni, cum tamen necessum sit, ut omnes sint cives boni. Tertiò civitas constat civibus specie dissimilibus, sicut pluri-

IX.

Ad secundum locum.

bus hoc contra Platonem ostenditur 2. Politic. cap. 1. Vnde multa sunt, quæ bonum civem efficiunt. At quod virum bonum reddit uniforme est, perfecta scil. & omnibus numeris absoluta virtus. Ex quibus cunctis manifestè constat non ilicò esse qui civis est bonus virum item bonum, nec hujus munus aut virtutem coincidere cum officio & virtute illius. Hæc ita disputat philosophus. Verum res ipsa docet, non accipi hic vocabulum virtutis propriè, seu pro virtute morali, sed communiter seu pro quavis facultate vel proprio rei munere & functione. Patet hoc duobus modis; primò enim civis bonus aliquis dicitur, etiamsi in pessima republ. Si civis bonus est in tyrannide, qui oppressâ libertate ad unius libidinem & dominatum contra jus fasque omnia transfert, optimos quosque extirpatos, scelestissimos autem & flagitiosissimos rebus omnibus quam ornatissimos esse cupit, immò nemo alius est in ista republ. civis egregius, nisi iste. Ecquis verò hoc dixerit virtutis esse, si de vera & morali virtute loquaris? Deinde si virtus civis boni est virtus moralis, puta obedientia erga leges, jam vel nemo erit civis bonus in mala republica, vel etiam obedire injustissimis & impiissimis legibus virtus moralis fuerit: ejusmodi enim oportet leges esse in depravatis rebus publ. ut ex 3. politic. cap. 7. notum est, Nihil ergo certius est quàm quum dicitur, aliam esse virtutem viri boni aliam civis boni, intelligi aliud esse id unde quis vir bonus, aliud etiam unde civis bonus fit & dicatur. Nec ad rem facit ex-

cit exemplum de remige : etsi enim munus ejus præscindi mente potest & considerari citra respectum ad salutem navis , reverà tamen idè tendit : unde disertè dicit Philosophus licet proreta remex & gubernator peculiare quisque munus gerat , omnes tamen salutem navis propositam habere , imò hanc omnium eorum aliquo modo opus esse. Ultimus locus verbo expendi potest. Facit sanè Aristotel. objectum aliud justitiæ universalis, aliud particularis , sed ita ut unum includat alterum , seu ut differant tanquam commune & minus commune, non tanquam specie distincta, sicut etiam Acciaiolus id observat.

*Ad tertium  
& ultimum.*

Vnum adhuc monere liber antequam ab explicatione justitiæ universalis abeamus. Diximus justitiam superaddere virtuti respectum ad alium seu hoc inter virtutem & justitiam interesse , quòd illa præcisè spectet subjectum in quo est, idque bonum reddat, & benè agere faciat, ut dicitur 2. ethic. cap. 6. text. 30. hæc verò ad alios porrigatur. Vbi sciendum relationem istam ad alios de diversis suppositis, ut Philosophi vocant, seu distinctis hominibus vel personis intelligendam esse, non de partibus aut potentiis diversis in uno eodemque supposito seu homine: sicut enim actiones propriè sunt ipsius suppositi non partium ejus, nec dici potest anima irasci aut timere, nec ædificare, sed homo qui animam habet, ut traditur 1. de anima c. 4. tex. 64. ita etiam justitia nō est nisi hominis ad hominem, seu personæ unius ad alteram, nec nisi per metapho-

X.  
*Quomodo  
justitia  
referatur  
ad alium.*

*Plato mi-  
nus rectè  
relatio  
nem istam  
accepit.*

ram tantum aliquam ad partes suppositorum  
transfertur, sicut id docent Aristoteles 5. ethic.  
cap. ultim. Thom. 2. 2. quæst. 58. artic. 2. Soto  
libr. 3. de justit. & jur. quæst. 2. artic. 2. Observan-  
dam autem hoc est propter Platonem, qui 4. *de*  
*republic.* justitiam universam non tam inconviectu  
ipsorum hominum; quàm concentu partium a-  
nimæ cujusque, sicut & injustitiam non in eo si  
homo hominem lædat, sed in illarum itidem se-  
ditione & diffidiis positam multis contendit,  
Locum unum adscribemus, *Revera quidem talis,*  
*inquit iustitia est, at non circa actionem exteriorem, sed*  
*circa interiorem, circa nosmetipsos & nostra, dum quis-*  
*que nostrum non permittit quidquam suorum aliena age-*  
*re, neque ex tribus animæ generibus unum alterius munus*  
*occupare, sed planè sua ipsius rectè disponit, & sibi ipsi im-*  
*perat, seque ipsum moderatur, utque sibi cum primis ami-*  
*cus reddatur tria illa inter se contemperat, tanquam tres*  
*harmonie terminos summa chorde, inæ & media.* Hæc  
Plato, quibus similia illic passim reperiuntur. Sed  
manifestò abutitur voce justitiæ: etsi enim ab  
harmonia & concentu illo facultatum animi in-  
ter se universa virtus adeoq; & justitia dependet,  
imò hæc est virtutum omnium summa, animum  
ita compositum habere: sicut tamen facultas una  
animi alteri injuriam non facit, puta quando in-  
ferior rebellat superiori, ita nec justitia propriè  
est quum una earum cum altera concordat, sed  
quum homo ipse, animo ita ad concordiam re-  
ducto, sic cum altero vivit ut fas est, & leges ju-  
bent. Non animadvertit hæc Christoph. Ehe-  
mius

*Error E.  
pamii.*

in libro quinto de princip. juris cap. 3. unde occasione ex loco illo. Platonis arrepta iustitiam universalem duplicem facit, absolutam & relatam seu politicam, illamque omnium animæ virtutum comprehensionem & totius animi rectitudinem esse dicit, hanc verò vinculum societatis hominum & partium reipubl. Absolutam autem illam vocare se ait idè, quod animæ tantum vires moderetur, neque quidquam aliud propositum habeat, ut & hanc relatam, quòd ad aliud referatur, item politicam, quia in societate & republic spectetur. Sed hæc ut nova sunt, ita omni fundamento carent: semper enim iustitia dicitur ad aliud, ut ex 5. ethic. c. 1. & voce ipsa intelligitur, nec quam ille iustitiam absolutam vocat aliud quidquam est, quàm ipsa virtus nuda, seu virtus in se spectata, & citra illam relationem quam iustitia involuit, quaque solà à virtute distingui ab Aristotele dicitur. Et tantum etiam hæc de re.

Hæc ergo est iustitia illa universalis sive legalis. Cui ex adverso respondet injustitia ejusdem rationis: sicut enim iustitia illa virtus universalis est, ita hæc injustitia totum vitium completur, quæque de illa dicta sunt eadem servatâ proportionem etiam isti accommodari debent. Hoc tantum interest, quod iustitia universalis in uno numero homine sive uno individuo esse potest, injustitia ista secundum totam suam latitudinem non potest: neque enim vitiorum mutua contrarietas id permittit. Sic homo unus idemque avaritiâ simul & prodigalitate, audacia

dacia & timiditate, nimia lenitate & crudelitate laborare nequit, cum unum illorum vitiorum alteram sua natura pellat. Neq; tamen hoc impedit, quo minus ista ratione iniusti dicantur qui omnibus vitiis oppleti sunt: tantum enim vitiorum tum intelligitur quantum cadere in unum hominem potest.

XII.

*Iustitia  
particu-  
lari.*

Quid nomine iustitiæ & iniustitiæ intelligatur una exceptione vocabuli ostendimus. Sed est & altera acceptio longè illa prioræ arctior & strictior, ut initio diximus. Hac iustum appellamus illum tantum, qui de bonis externis suum cuiq; tribuit. Rem ita se habere sic ostendit Aristoteles 5. ethic. c. 2. Primò, si plus iusto capere de bonis externis ad nullam cæterorum vitiorum pertinet, erit peculiare aliquod vitium quod iniustitia dicitur. Sed ad nullum aliud pertinet, ut inductione probari facile potest. Deinde si quis adulterium committat non tam propter libidinē, quàm propter defraudandum alterum, ille non tam intemperans quàm iniustus vocatur. Vtrūque tamen est contra leges. Alia ergò acceptione iniustus dicitur, quàm cum quis simpliciter contra leges peccat. Tertiò omnes actiones quæ sunt contra leges nomē peculiaris alicujus vitii nanciscuntur. Sic qui locum deserit in acie timidus & ignavus est, qui voluptates corporis sectatur intemperans, &c. At plus ex re aliqua lucrari quàm debebas cæterorum vitiorum nomine non censetur. Quare hoc facere peculiare vitium est. Quod si autem iniustitia, nonnunquam pecu-

peculiare vitium est, à cæteris vitiis distinctum, est utique, & iustitia interdum peculiaris aliqua virtus. Hoc igitur est iustitia altero illo vocis significatu. Quæ cum sit pars virtutis tantum & una ejus species Aristot. ipsam vocat τὴν ἐν μέρει & τὴν κατὰ μέρος δικαιοσύνην. Vulgò iustitiam particularem dicunt: etsi enim illa cum iustitia universali in eo convenit, quod utraque respectum includat ad alium, differt tamē ab ipsa tanquam pars à toto. D. Thomas & qui cū eo hīc faciunt, particularem idē dici putant, quod cum iustitia universalis circa totam communitatem & bonum publicum occupetur; hæc particularia bona tantum & particulares sive singulares homines respiciat. Vidē Thomam loco supra citato artic. 7. in corp. & Gregorium de Valent. loc. cit. Sed sicut aberrant à veritate & mente Aristotelis in cæteris; ita etiam hic manifestò impingunt.

Exposuimus hætenus quotupliciter vox iustitiæ & iniustitiæ accipiatur, & quænam dicatur iustitia universalis quæ particularis. Cæterum de iustitia universali peculiaris tractatio instituenda non est; cum enim ipsa, ut ostendimus, sit universa virtus, tum explicata fuerit cum singulæ species virtutum pertractatæ fuerint. De particulari ergò ulterius despiciendum est, & accuratè explicandum, quid sit & quotuplex. Plato i. de republ. adfert definitionem iustitiæ attributam Simonidi, sed, ut ipse ostendit, falsò τὸ ἀποδιδόναι, ἅντις τι καὶ οὐκ ἔστι λαβεῖν. Reijcit autem eam duabus de causis, primò quia furioso gladius

XIII.

De iustit.

universa-

lipeculha-

ri tracta-

tio non in-

stituatur,

ius suum cuique tribuere, quæ statim à Cito subijciunt, ultimum tantum eâ exprimat. Sed rectè hæc confutat Soto: honestè enim vivere non est actus unius virtuti peculiaris, sed communis omnibus: illud autem neminem lædere includitur in isto, suum cuique tribuere, ut postea melius intelligetur. Vt itaque hæc tanquam tria & distincta præcepta juris proponat Vlpianus, rectè ne ansecus nunc non disputamus, peculiaris tamen aut distincti actus iustitiæ non sunt, nedum omnia ista in definitione ejus exprimi necessum fuerit.

XV. Dicitur autem iustitia voluntas *constans & perpetua*, ut intelligatur non tam de actu aliquo quàm habitu voluntatis sermonem esse: ita enim alteri jus suum tribuere velle, ut constanter & perpetuò id facias solius habitus est. Sanè semel atque iterum velle quod iustum est etiam injustissimo competere potest, cum nemo tam injustus facile esse possit, quin interdum illud velit quod iustum est. Quare ut iustus quis sit, perpetuò & constanter id fieri oportet. Soto & ex Juriscons. Paulus Castrensis ad l. dict. ff. de iustit. & jur. distinguunt vocabula illa *constans & perpetua*. Soto ait, perpetuum dicere solum propositum atque intentionem sic operandi, constans autem addere ejusdem propositi firmitatem, nempe, ut eo quis non nutet & vacillet, idque nemini obtingere antequam virtutem ipsam adipiscatur, cum tamen propositum illud rectè semper agendi multi habeant, qui quia firmis radicibus virtutis non nitantur identidem ab eo dilaban-

Explicatio definitionis.

Soto male hic distinguit inter constans & perpetuum.



labantur. Sed errat: etsi enim longè aliud est voluntas seu propositum perpetuò aliquid agendi; aliud constans voluntas id agendi; cum prius illud de uno etiam actu intelligi possit & in eum quoque cadat qui in re aliqua nihil dum confirmatus est, imò vix initiū ejus aliquod habet; nihil tamen hoc ad rem facit, cum non dicat Ulpianus justitiam esse voluntatem jus suum cuique perpetuò tribuendi, sed voluntatem perpetuam hoc faciendi. At hæc toto cœlo distant. Sic sæpe incontinens quum expletâ jam libidine pœnitentia ducitur proponit animo & vult perpetuò deinceps abstinere: Volūtatem igitur tum habet perpetuò à re simili abstinendi: sed ipsa voluntas ista non est perpetua: quin paulò post, ubi iterum est quod animum pellicit, novâ victus cupiditate aliud vult & denuò proruit in id quod perpetuò fugere ante hac decreverat. Quod si autem in quoquam perpetua voluntas sit abstinendi; is constanter hoc agit & nunquam non id vult, sicut temperans. Ad eundem modum res etiam hinc se habet. Non constituit justitiam voluntas seu propositum tantum aliquid jus suum cuique tribuendi, sed perpetua voluntas id faciendi, hoc est, non sufficit semel atq; iterum animos proponere, neminem te læsurum unquam, aut cuique id non concessurum quod ipsi debetur, sed perpetuo ita animatum esse oportet, quod utique sine habitu fieri nequit. Unde patet abiq; causâ varium doctissimum inter voluntatem perpetuam & constantem distinxisse.

fieri contrâ sapè quidquam intuitu solius obedientiæ legibus debita, publicique boni gratia, quod alioqui & propter particularem finem facturus quis non erat. Tertium argumentum hoc est. Si non est iustitiæ legalis essentialiter distincta à cæteris virtutibus, nec obedientia est peculiaris virtus. Sed istud absurdum est. Ergo & illud.

*Tertium.*

*Loca Aristotelis.*

Quartò producit testimonia ex Aristotele. Primus locus est 5. ethic. cap. 1. ubi dicit Aristoteles, multos uti virtute in propriis, nec eosdem tamen uti posse eadem ad alterum. Secundus est 3. Polit. cap. 3. ubi Philosophus docet, non esse unam & eandem virtutem viri & civis boni; civem autem bonum esse qui bono publico probè inserviat. Unde efficit aliam esse ejus virtutem à cæteris quæ simpliciter virum bonum reddunt. Tertius rursus est 5. ethic. cap. 1. ubi Aristotelem dicit statuere diversum objectum iustitiæ legalis & iustitiæ particularis, illius quidem justum legitimum; hujus verò æquitatem erga privatos. Adde etiam exemplum remigis & gubernatoris in navi, quorum alterius virtutis sit rectè tantum remum ducere, etiam, si de salute navis nihil cogitet, alterius vero ut de salute totius navis sollicitus sit. Hæc ita doctè & eleganter Soto.

*VI. Responsio ad argumenta Adprimum.*

Verum enim verò non sufficiunt ista adserri-  
oni nostræ evertendæ: quare ad singula ordine respondebimus. Primò autem de charitate ita res se habet; ubi ipsa est adfuit ut cæteræ virtutes Theologicæ ita & earum opera; quod nec vera fides, nec spes sit, nisi individuo nexu cum hac

hac cohæreant: unde etiam opera, cæteris propria, huic à S. Paulo tribuuntur. Nec tamen ideo officium charitatis est actus cæterarum virtutum Theologicarum referre in Deum ut finem supernaturalem, cum omnes istæ eo modo in Deum per se tendant. Neq; impedit quod Soto dicit, si fortiter quis pugnet in prælio aut temperanter etiam vivat propter honestatem naturalem, esse id opus fortitudinis & temperantiæ peculiare: sin autem idem illud faciat propter Deum, id à charitatē esse: non tantum enim à charitate illud est, sed à fide quoq; & spe, &c. cū ex quo id competat omnibus Theologicis virtutibus quidquid moralis est virtutis, seu quicquid moraliter recte fit, adeoq; propter honestatem tantum & Deum ut auctorem naturæ id elevare, & referre in eundem tanquam auctorem gratiæ; & qui fortiter præliatur aut castè vivit propter Deum, non ideo hoc tantum facit, quia Deum supernaturaliter diligit, sed & quia hoc eodē modo in ipsum credit, & spem in eo collocat. Quemadmodum itaque Arist. 3. ethic. 3. 1. & 8. magnanimitatem dicit virtutum cæterarū esse quasi ornamentū quoddam, eique inesse quidquid est magnum in reliquis, magnanimum item fortiter pugnare, nec injuriam cuiq; facere, aut turpe quidquam committere, ideo tantum, non quod eius officium sit ista certis virtutibus imperare, aut ad opera eas illas ad movere, sed quia, ut ipse subiicit, sine reliquis virtutibus magnanimitas non paratur: ita etiam charitas dicitur omnia credere,

omnia sufferre, omnia sperare, nec munus tamen eius est ut ista certo modo producat, sed idè ei tribuuntur, quod ipsa ceteras illas virtutes præsupponat, aut secum trahat, à quibus ista propriè sunt. Hæc ad exemplum de charitate. De furto autem propter fornicationem commissio, faciliore etiam responsio est: sicut enim actus unus vitii referri potest ad actum alterius, ita etiam actio unius virtutis tendit sæpè ad actionem alterius. Sed hoc omne per accidens fit, nec idè opus est, ut una & peculiaris aliqua sit quæ per se id agat, multo minus quæ omnes illas ad communem finem dirigat, cum cunctæ ultro, ut supra diximus in eum colliment. Quemadmodum igitur, si quis ob libidinem tantum explendam furetur, actus is est iniustitiæ, sed propter intemperantiam commissus: ita quoque si exercitum privato sumtu conscribat fortis ut patriæ succurrat, magnificentia opus est, sed ad quod fortitudo eum instigavit: unde id liquet virtutem unam excitare, & ad opus proprium admoveere posse alteram, ut rectè hoc dicit Soto, nec tamen aut per se id fit, aut inde efficitur, unam peculiariter ideo institutam esse ut hoc faciat. Hucusque de primo argumento.

VIII.  
Ad secundum.

In altero conceditur Maior, scilicet si probè quis sit affectus ad rectè agendum propter honestatem ut particulare bonum, qui tamen non item affectus sit ad idem agendum propter bonum publicum, & contra, opus esse distinctis virtutibus, quarum una illud, altera istud præstet. Sed Minor negatur: nam quod experientia dicitur

citur hoc testari id si penitiùs inspiciatur nihil est. Certè qui abstinet & temperanter vivit amore honestatis, seu quòd sic vivere pulcrum existimat, is nullo modo aut contemnere leges potest de temperantia publici boni causa latas, aut magistratum odisse diligentem earum custodem: quin potius ille, quàm in ipso est, vult omnes homines sui similes esse, adeoque leges istas communiter obtinere. Quod si tamen idem ille magistratum oderit, facit alià utique de causa, puta vel ambitione ductus, quod ipse malit imperare quàm alteri subiectus esse, vel quia aliquin privata similtas cum eo qui magistratum illum gerit ipsi intercedit. Sed hæc nihil ad nostrum institutum: nec enim si hunc aut illum magistratus honore indignum quis censeat, idèd & leges abrogatas cupiet, quas ipse salutare esse iudicat. Ad eundem modum qui operatio mercedem debitam solvit (nam & hoc exemplo utitur Soto) idèd ut fidè servet, odisse nec leges potest quæ hoc præcipiunt, cum necessum sit ut leges istas bonas esse statuatur. Si dixeris, non facere tamen eum illud propter leges, sed propter se ipsum, concedo non facere propter leges, si facere aliquid propter eas opponatur illi, quod per se honestum est, & sic intelligatur, formidine pœnæ quèquam facere quod aliàs non faceret, vel noluisse facere nisi imperatum esset, cum virtutis non sit, eo sensu propter leges rectè agere. Facere autem eum id propter se ipsum nego: nec enim quis dici potest fidè servare propter seipsum, nisi uti-

*Ad ter-  
tium.*

litatis suæ causa potius quam honestatis quid fa-  
ciat, puta ne si quem semel defraudarit, postea e-  
jus opera potiri nequeat, &c. Manifestum ita-  
que ex his est, non requiri aliam virtutem, quæ  
doceat agere quod honestum est, aliam quæ  
quod salutare leges propter commune bonum  
præcipiunt, & distinctionem illam agere propter  
honestum particulare & agere propter honestum  
commune sine causa excogitatam esse. Ad ter-  
tiam rationem dicitur obedientiam non esse pe-  
culiarem speciem virtutis juxta Aristotelem, sed  
ipsam illam, de qua quæstio est, justitiam univer-  
sale, adeoque principium peti, quum ita pro-  
batur justitiam universalem speciem virtutis es-  
se, quia sit obedientia. An autem obedientia,  
prout est virtus Theologica, specie distincta sit à  
cæteris ejus generis virtutibus nihil hic attinet  
disputare.

*VIII.  
Ad pri-  
mum lo-  
cum Ari-  
stotelis.*

*Quare di-  
citur  
magistra-  
tus vi-  
rum o-  
stendere.*

Postremò loca quæ ex Aristotele allata sunt  
partim ex solutione argumentorum, partim ex  
ijs quæ superius in explicatione nostræ senten-  
tiæ dicta sunt, facile intelliguntur. Breviter ita-  
que ea tantum percurramus. Quod autem  
primò dicit multos rectè uti virtutem dum sibi  
vivunt, qui tamen ubi ad rempublicam accesser-  
int, idem non præstent, nihil mirum est, cum  
perfectior gradus virtutis requiratur, ut rectè  
ibi quis se gerat; ubi plures occasiones sunt de-  
linquendi, quàm ubi aut nullæ aut paucæ. Sic sæ-  
pè qui nihil avarè, nihil injustè egerat privatus, i-  
dem postquam ad rempublicam accessit, avarus  
& injustus fit, quod major sit occasio. Imò sæpè  
virtu-

virtute verapræditus videtur dum privatus esset, qui postmodum ubi in lucem prodijt, nihil quidquam ejus possidere deprehenditur. *Multorum quia imbecilli sunt, latent vitia, non minus ausura cum illis vires sua placuerint, quam illa quæ jam felicitas aperuit. Instrumenta illis explicanda, nequitia desunt. Sic tunc serpens etiam pestifera tractatur, dum rigit frigore. Non desunt tunc illi venena, sed torpent. Multorum crudelitas & ambitio & luxuria neparia pessimis audeat, fortuna favore deficitur.* Eadem valle eos cognosces, da posse quantum volunt, ut egregie hoc exponit Seneca epist. 41. Quod itaque magistratus ostendere virum dicitur inde est, non quod peculiari virtute opus habeat, sed quod omnibus virtutibus perfectioribus, seu quod rectius ostendat, quantum in studio virtutis quis processerit, quam vita privata.

Alter locus ex 3. politic. cap. 3. paulò plus difficultatis habet. Docet Aristoteles aliam esse virtutem civis boni, aliam viri boni, idque tribus his argumentis. Primum civis dicitur cum respectu ad rempublic. estque cum bonus quum sic se gerit, ut ex usu est ejus rei publ. in qua vivit, seu bona illa sit seu mala. At vir bonus non est, nisi qui perfecta & consummata virtute præstat & sic vivit examussim ut honestas juber: unde nec tyrannidis nec oligarchiæ aut alius prave rei public. instituta probare, aut iis obtemperare potest. Deinde etiam in opt. republ. non possunt omnes cives esse viri boni, cum tamen necessum sit, ut omnes sint cives boni. Tertiò civitas constat civibus specie dissimilibus, sicut pluri-

IX.  
Ad secundum locum.

bus hoc contra Platonem ostenditur 2. Politic. cap. 1. Unde multa sunt, quæ bonum civem efficiunt. At quod virum bonum reddit uniforme est, perfecta scil. & omnibus numeris absoluta virtus. Ex quibus cunctis manifestò constar non illicò esse qui civis est bonus virum item bonum, nec hujus munus aut virtutem coincidere cum officio & virtute illius. Hæc ita disputat philosophus. Verum res ipsa docet, non accipi hic vocabulum virtutis propriè, seu pro virtute morali, sed communiter seu pro quavis facultate vel proprio rei munere & functione. Patet hoc duobus modis; primò enim civis bonus aliquis dicitur, etiamsi in pessima republ. Si civis bonus est in tyrannide, qui oppressâ libertate ad unius libidinem & dominatum contra jus facque omnia transfert, optimos quosque extirpatos, scelestissimos autem & flagitiosissimos rebus omnibus quam ornatissimos esse cupit, immò nemo alius est in ista republ. civis egregius, nisi iste. Ecquis verò hoc dixerit virtutis esse, si de vera & morali virtute loquaris? Deinde si virtus civis boni est virtus moralis, puta obedientia erga leges, jam vel nemo erit civis bonus in mala republica, vel etiam obedire injustissimis & impiissimis legibus virtus moralis fuerit: ejusmodi enim oportet leges esse in depravatis rebus publ. ut ex 3. politic. cap. 7. notum est, Nihil ergo certius est quàm quum dicitur, aliam esse virtutem viri boni aliam civis boni, intelligi aliud esse id unde quis vir bonus, aliud etiam unde civis bonus sit & dicatur. Nec ad rem facit ex-



cit exemplum de remige : et si enim munus ejus præscindi mente potest & considerari citra respectum ad salutem navis , reverà tamen idè tendit : unde disertè dicit Philosophus licet proreta remex & gubernator peculiare quisque munus gerat , omnes tamen salutem navis propositam habere , imò hanc omnium eorum aliquo modo opus esse. Ultimus locus verbo expendi potest. Facit sanè Aristotel. objectum aliud justitiæ universalis , aliud particularis , sed ita ut unum includat alterum , seu ut differant tanquam commune & minus commune , non tanquam specie distincta , sicut etiam Acciaiolus id observat.

*Ad tertium  
& ultimum.*

Vnum adhuc monere libet antequam ab explicatione justitiæ universalis abeamus. Diximus justitiam superaddere virtuti respectum ad alium seu hoc inter virtutem & justitiam interesse , quòd illa præcisè spectet subjectum in quo est , idque bonum reddat , & benè agere faciat , ut dicitur 2. ethic. cap. 6. text. 30. hæc verò ad alios porrigatur. Vbi sciendum relationem istam ad alios de diversis suppositis , ut Philosophi vocant , seu distinctis hominibus vel personis intelligendam esse , non de partibus aut potentiis diversis in uno eodemque supposito seu homine : sicut enim actiones propriè sunt ipsius suppositi non partium ejus , nec dici potest anima irasci aut timere , ne re aut edificare , sed homo qui animam habet , ut traditur 1. de anima c. 4. tex. 64. ita etiam justitia nō est nisi hominis ad hominem , seu personæ unius ad alteram , nec nisi per metapho-

X.  
*Quomodo  
justitia  
referatur  
ad alium.*

*Plato mi-  
nus rectè  
relatio-  
nem istam  
accepit.*

ram tantum aliquam ad partes suppositorum  
transfertur, sicut id docent Aristoteles 5. ethic.  
cap. ultim. Thom. 1. 2. quæst. 58. artic. 2. Soto  
libr. 3. de justit. & jur. quæst. 2. artic. 2. Observan-  
dam autem hoc est propter Platonem, qui 4. de  
republic justitiam universam non tam inconvi-  
ctorum hominum; quàm concentu partium a-  
nimæ cujusque, sicut & injustitiam non in eo si  
homo hominem lædat, sed in illarum iridem se-  
ditione & dissidiis positam multis contendit,  
Locum unum adscribemus, *Revera quidem talis,*  
*inquit iustitia est, at non circa actionem exteriorem, sed*  
*circa interiorem, circa nosmetipsos & nostra, dum quis-*  
*que nostrum non permittit quidquam suorum aliena age-*  
*re, neque ex tribus animæ generibus unum alterius munus*  
*occupare, sed planè sua ipsius rectè disponit, & sibi ipsi im-*  
*perat, seque ipsum moderatur, utque sibi cum primis ami-*  
*cus reddatur tria illa inter se consemperat, tanquam tres*  
*harmonie terminos summa chorde, inæ & media. Hæc*  
*Plato, quibus similia illic passim reperiuntur. Sed*  
*manifestò abutitur voce justitiæ: etsi enim ab*  
*harmonia & concentu illo facultatum animi in-*  
*ter se universa virtus adeoq; & justitia dependet,*  
*imò hæc est virtutum omnium summa, animum*  
*ita compositum habere: sicut tamen facultas una*  
*animi alteri injuriam non facit, puta quando in-*  
*ferior rebellat superiori, ita nec justitia propriè*  
*est quum una earum cum altera concordat, sed*  
*quum homo ipse, animo ita ad concordiam re-*  
*ducto, sic cum altero vivit ut fas est, & leges ju-*  
*bent. Non animadvertit hæc Christoph. Eche-*  
*mius*

*Error E-  
chemii.*

ius libro quinto de princip. juris cap. 3. unde occasione ex loco illo. Platonis arrepta iustitiam universalem duplicem facit, absolutam & relatam seu politicam, illamque omnium animæ virtutum comprehensionem & totius animi rectitudinem esse dicit, hanc verò vinculum societatis hominum & partium reipubl. Absolutam autem illam vocare se ait ideò, quod animæ tantum vires moderetur, neque quidquam aliud propositum habeat, ut & hanc relatam, quòd ad aliud referatur, item politicam, quia in societate & republic spectetur. Sed hæc ut nova sunt, ita omni fundamento carent: semper enim iustitia dicitur ad aliud, ut ex 5. ethic. c. 1. & voce ipsa intelligitur, nec quam ille iustitiam absolutam vocat aliud quidquam est, quàm ipsa virtus nuda, seu virtus in se spectata, & citra illam relationem quam iustitia involuit, quaque solà à virtute distingui ab Aristotele dicitur. Et tantum etiam hæc de re.

Hæc ergo est iustitia illa universalis sive legalis. Cui ex adverso respondet injustitia ejusdem rationis: sicut enim iustitia illa virtus universalis est, ita hæc injustitia totum vitium completur, quæque de illa dicta sunt eadem servatâ proportionem etiam isti accommodari debent. Hoc tantum interest, quod iustitia universalis in uno numero homine sive uno individuo esse potest, injustitia ista secundum totam suam latitudinem non potest: neque enim vitiorum mutua contrarietas id permittit. Sic homo unus idemque avaritiâ simul & prodigalitate, audacia

IX.

Injustitia

universalis

li.

dacia & timiditate, nimia lenitate & crudelitate laborare nequit, cum unum illorum vitiorum alteram sua natura pellat. Neq; tamen hoc impedit, quo minus ista ratione iniusti dicantur qui omnibus vitiis oppleti sunt: tantum enim vitiorum tum intelligitur quantum cadere in unum hominem potest.

XII.

*Iustitia  
particul-  
lari.*

Quid nomine iustitiæ & iniustitiæ intelligatur una exceptione vocabuli ostendimus. Sed est & altera acceptio longè illa prior ætior & strictior, ut initio diximus. Hac iustum appellamus illum tantum, qui de bonis externis suum cuiq; tribuit. Rem ita se habere sic ostendit Aristoteles 5. ethic. c. 2. Primò, si plus iusto capere de bonis externis ad nullam cæterorum vitiorum pertinet, erit peculiare aliquod vitium quod iniustitia dicitur. Sed ad nullum aliud pertinet, ut inductione probari facile potest. Deinde si quis adulterium committat non tam propter libidinè, quàm propter defraudandum alterum, ille non tam intemperans quàm iniustus vocatur. Vtrûque tamen est contra leges. Alia ergò acceptione iniustus dicitur, quàm cum quis simpliciter contra leges peccat. Tertiò omnes actiones quæ sunt contra leges nomè peculiaris alicujus vitii nanciscuntur. Sic qui locum deserit in acie timidus & ignavus est, qui voluptates corporis sectatur intemperans, &c. At plures ex re aliqua lucrari quàm debebas cæterorum vitiorum nomine non censetur. Quare hoc facere peculiare vitium est. Quod si autem iniustitia, nonnunquam pecu-

peculiare vitium est, à cæteris vitiis distinctum, est utique & iustitia interdum peculiaris aliqua virtus. Hoc igitur est iustitia altero illo vocis significatu. Quæ cum sit pars virtutis tantum & una ejus species Aristot. ipsam vocat τὴν ἐν μέρει & τὴν κατ' μέρος δικαιοσύνην. Vulgò iustitiam particularem dicunt: etsi enim illa cum iustitia universali in eo convenit, quod utraque respectum includat ad alium, differt tamē ab ipsa tanquam pars à toto. D. Thomas & qui cū eo hīc faciunt, particularem idēdō dici putant, quod cum iustitia universalis circa totam communitatem & bonum publicum occupetur; hæc particularia bona tantum & particulares sive singulares homines respiciat. Vidē Thomam loco supra citato artic. 7. in corp. & Gregorium de Valent. loc. cit. Sed sicut aberrant à veritate & mente Aristotelis in cæteris; ita etiam hic manifestò impingunt.

Exposuimus hætenus quotupliciter vox iustitiæ & iniustitiæ accipiatur, & quænam dicatur iustitia universalis quæ particularis. Cæterum de iustitia universali peculiaris tractatio instituenta non est; cum enim ipsa, ut ostendimus, sit universa virtus, tum explicata fuerit cum singulæ species virtutum pertractatæ fuerint. De particulari ergò ulterius despicendum est, & accuratè explicandum, quid sit & quotuplex. Plato i. de republ. adfert definitionem iustitiæ attributam Simonidi, sed, ut ipse ostendit, falsò τὸ ἀνοιδόναι, ἀντι τὸ καλῶς ἔλκεν. Reicit autem eam duabus de causis, primò quia furioso gladius

XIII.

De iustit.  
universa-  
li peculia-  
ri tracta-  
tio non in-  
stituatur.

*Definitio  
iustitia  
particul.  
apud Ari-  
stotelem.*

gladius reddendus non est, quem ab eo acceperas, deinde quia iustus ubi malum accepit non reddit, nec si quis malus ipsi nocuerit contra ei nocere studet. Vnde perinde esse ait, ac si ita eam describas: iustitia est quum benè sit bonis & malè malis. Eodem libro disputat contra Socratem Thrasymachus sodhista, iustum id esse quod potentioribus in republ. sit utile. Sed hi: cum à Socrate ibi rectè refutati, tum ipse tam absurdus est, ut longam refutationem non mereatur. Aristoteles etsi naturam ejus diligenter exposuit, ut ex doctrina illius facile sit iustitiam definire, ipse tamen certam & accuratam ejus definitionem nusquam assignat. Sanè dicit in principio 5. eth. cap. 1. text. 1. iustitiam esse quæ iusta volumus & facimus, & cap. 5. text. 60. quia iustus dicatur aptus ad agendum ex proæresi illud quod iustum est, &c. Quin & libellò de virtutib. ait, iustitiam esse virtutem animi distribuentem id cuiq; quo dignus est. Sed nihil horum pro accurata definitione haberi potest, nec eo fine sine dubio ab Aristotele allata sunt, etsi eo loco illa ex 5. libro habent Thom. Soto & alii. Ehemius de princip. iur. libro quinto capite quinto dicit, descriptiones tantum esse nec tantam naturam & substantiam iustitiæ quàm vim & proprietatem eius exprimere, idè quod ex actione & effectu re explicent. Sed hæc causa nulla est: nec enim melior definitio virtutis ulla esse potest quàm quæ per proprium actum & obiectum naturam eius exponit, ut rectè dicit Soto loco citato artic. 1. & passim Aristoteles

teles re ipsa comprobatur. Id in ijs quæ ex quoque ethic. desumuntur desiderari potest, quod communiter tantum natura justitiæ illis delineetur, imò solum vocabulum explicetur: sicut enim si dicas fortitudinem esse qua fortiter agamus, temperantiã quã temperanter, non definitiones sed vocum tantum explanationes sunt, aut leves certe & obscuræ descriptiones, ita etiam hic res se habet. Illa autem descriptio ex lib. 1. de virtutibus idem hoc loco reiicienda est, quod soli justitiæ distributiue competat.

Et hanc causam esse puto, quare auctores etiam nostri retineant potissimum definitionem justitiæ quæ est apud I Cris l. 10. ff. de just. & jur. & instit. eod. in princ. Iustitia est constans & perpetua voluntas jus suum cuique tribuendi. Thom. loc. cit. Dominicus Soto l. 3. qu. 2. art. 1. & Valentia punct. 1. imò hanc explicatiorem esse ipsa Aristotelica Soto dicit. Censet tamen Thomas magis eam ad formam definitionum exquisitarum quadraturam si hoc pacto concipiatur: Iustitia est habitus secundum quem aliquis constanter & perpetua voluntate jus suum unicuique tribuit. Cæterum etsi non ignoro definitionem istam à I Cris nonnullis & Thoma quoque ad justitiam etiam universalem accommodari: dubiũ tamen non est, quin rectius particulari competat, ut post ostendetur. Butidanus 5. eth. q. 2. id in ea reprehendit, quod non omnes actus justitiæ complectatur, cum ex tribus illis præceptis juris, honeste vivere, neminem lædere & jus

XIV.  
Definitio  
eius apud  
Iuriscor-  
sultos.

Butidan.  
immerito  
eam re-  
prehendit.

jus suum cuique tribuere, quæ statim à Cito subijciunt, ultimum tantum eâ exprimatur. Sed rectè hæc confutat Soto: honestè enim vivere non est actus unius virtuti peculiaris, sed communis omnibus: illud autem neminem lædere includitur in isto, suum cuique tribuere, ut postea melius intelligetur. Vt itaque hæc tanquam tria & distincta præcepta juris proponat Vlpianus, rectè ne an secus nunc non disputamus, peculiares tamen aut distincti actus iustitiæ non sunt, nedùm omnia ista in definitione ejus exprimi necessum fuerit.

XV.  
*Explicatio  
definitionis.*

Dicitur autem iustitia voluntas *constans & perpetua*, ut intelligatur non tam de actu aliquo quàm habitu voluntatis sermonem esse: ita enim alteri jus suum tribuere velle, ut constanter & perpetuò id facias solius habitus est. Sanè semel atque iterum velle quod iustum est etiam injustissimo competere potest, cum nemo tam injustus facile esse possit, quin interdum illud velit quod iustum est. Quare ut iustus quis sit, perpetuò & constanter id fieri oportet. Soto & ex Juriscons. Paulus Castrensis ad l. dict. ff. de iustit. & iur. distinguunt vocabula illa *constans & perpetua*. Soto ait, perpetuum dicere solum propositum atque intentionem sic operandi, constans autem addere ejusdem propositi firmitatem, nempe, ut eo quis non nutet & vacillet, idque nemini obtingere antequam virtutem ipsam adipiscatur, cum tamen propositum illud rectè semper agendi multi habeant, qui quia firmis radicibus virtutis non nitantur identidem ab eo dilaban-



labantur. Sed errat: etsi enim longè aliud est voluntas seu propositum perpetuò aliquid agendi, aliud constans voluntas id agendi, cum prius illud de uno etiam actu intelligi possit & in eum quoque cadat qui in re aliqua nihil dum confirmatus est, imò vix initiū ejus aliquod habet; nihil tamen hoc ad rem facit, cum non dicat Ulpianus justiciam esse voluntatem jus suum cuique perpetuò tribuendi, sed voluntatem perpetuam hoc faciendi. At hæc toto cœlo distant. Sic sæpe incontinens quum expletâ jam libidine pœnitentia ducitur proponit animo & vult perpetuò deinceps abstinere: Voluntatem igitur tum habet perpetuò à re simili abstinendi: sed ipsa voluntas ista non est perpetua: quin paulò post, ubi iterum est quod animum pellicit, novâ victus cupiditate aliud vult & denuò proruit in id quod perpetuò fugere ante hæc decreverat. Quod si autem in quoquam perpetua voluntas sit abstinendi; is constanter hoc agit & nunquam non id vult, sicut temperans. Ad eundem modum res etiam hîc se habet. Non constituit justiciam voluntas seu propositum tantum aliquod jus suum cuique tribuendi, sed perpetua voluntas id faciendi, hoc est, non sufficit semel atq; iterum animos proponere, neminem te læsurum unquam, aut cuique id non concessurum quod ipsi debetur, sed perpetuo ita animatum esse oportet, quod utique sine habitu fieri nequit. Unde patet abiq; causâ verum doctissimum inter voluntatem perpetuam & constantem distinxisse.

piam addatur, si minus habet quam debet, (quod minus *Valentia* vocatur generatim, in hac materia à Philosopho 5. *Ethi. sententia* cap. 5. *damnum*) tum etiam ut quippiam & detrahatur, hac de re, si plus habet quam debet (quod plus seu superfluum vocatur ibi *lucrum*) ut notat Thom. art. 11. ad tertium. Ex qua re patet reddi iuxta definitionem hanc ius suum ei etiam, qui secundum iustitiæ leges punitur, per subtractionem nimirum alicuius boni sui ut redigatur ad equalitatem cum eo, cui iniquè ipse abstulit. Sed nescio an ista explicatio usquequaque recto talo stet: certè ius suum reddi aut tribui, exempli gratia furi, cum suspenditur, aut ius ejus hoc esse, ut suspendatur, admodum improprie dicitur, sicut etiam ius cuiusquam esse ut onera ferat quæ ex scripto iustitiæ imponuntur, cum ius in bonam tantum partem plerunque accipiatur.

Ius itaque suum tribui alicui hic sine dubio ita intelligendum est, ut fiat; quatenus in pœnæ inflictione alterius interest, ut delictum puniatur, & quatenus in onerum æquali & iusta distributione cæteris subvenitur, quibus onera illa simul imponuntur. Ita bonum non est ipsi furi, ut suspendatur; nec illi iniuria fit, si non suspendatur, etsi ejus interest, cui quid furatus est. Ad eundem modum bonum nemini est, onus ei imponi, etsi iuste fiat, sed ita id imponi, ut æqualiter simul alii ferant. Sanè cum ius alicuius id proprie dicatur, quod sic ei debetur, ut citra ipsius iniuriam, & ni iniquus esse in ipsum velis, denegari ei nequeat, nemini autem iniuria fiat cum à pœna etiam iusta & debita, aut onere aliquo sublevatur; ita ius suum unicuique tribui in omni actu iustitiæ

*Confutatur.*

*XVIII: Verus intellectus verborum istorum.*

dicendum est, ut de bonis quidem quisque accipiat, quantum ipsi simpliciter debetur, seu ita ut sine ipsius injuria denegari hoc ei non possit, de malis autem h. e. pœnis & oneribus illud ferat, quod ita ipsi debetur, ut citra alterius injuriam ab eo immunis præstari nequeat. Non minus itaque jus cuique suum tribuitur cum pœna fontes afficiuntur, quam cum præmiis optima meriti: quemadmodum enim his præmia de negari non possunt circa ipsorum iniuriam, ita nec à pœna illi liberari citra iniuriam aliorum.

XIX. *Quomodo accipienda vox tribuendi:* Postremo vox *tribuendi* ita hic accipienda est; ut non tantum distributioni sed etiam commutationi iterum aptetur: nam & emptor, cum precium persolvit merciam venditori; ei suum tribuit. Sciendum quoque est cum actu tribuendi cuique jus suum connexum esse etiam actum abstinendi ab iniuria; sive ut neminem lædas: uterque enim ad iustitiam pertinet, sed posterior à priori includitur; ut isto nominato etiam ille subintelligatur, si ut id docet Soto loc. cit. art. 7: Quin Wefenbecius in paratit. de iust. & iur. numer. 10. etiam vocem *cuique* peculiariter aliquid denotare putat, indeque differentiam inter iustitiam & liberalitatem exculpit; sed planè, ut arbitrator, citra necessitatem, cum quod ex liberalitate cuicumque conceditur ad ius nullius spectet; neque debere ei id dici possit seu ratione speciei, & quia homo est, seu prout est hoc vel illud individuum, nisi abutendo vocabulis iuris & debiti. Atque ista hæcenus.

XX. *Definitio.* Ex his ergò definitio iustitiæ percipi potest.

Et

Et patet jam præterea quod suprà diximus soli particulari justitiæ eam revera convenire: justitia enim universalis etsi facit, ut omnia fiant secundum jura & leges, jus tamen suum cuique tribuere ad solam particularem pertinet, nec illi competit nisi quatenus particularem certa ratione includit. Id ita ostenditur: nullus est actus justitiæ universalis quin vitam conformem reddat juri & legibus: docet ergò facere quod juris est, hoc est, quod jura præcipiunt. At multi sunt à quibus jus alteri suum non tribuitur. Sic sobriè temperanterque vivere, fortiter pugnare, mitem ac mansuetum esse, juris est: leges enim in republica benè constituta sic jubent. Sed hoc non est propriè jus suum alteri tribuere, cum citra alterius injuriam & damnum seu incommodum etiam intemperans & timidus quis esse possit. Equidem usu venit, ut qui intemperans aut timidus est, idem etiam injuriam alteri faciat, sed id est ex accidenti, nec semper fit. Ita quanquam adulter non tantum intemperans sed etiam injustus est, intemperans oblibidinem simpliciter, injustus, quia cum ea muliere consuevit quæ alterius viri est, helluo tamen intemperans tantum est & injuriam, quæ talis nemini facit: quamvis enim quotidie se ingurgitet, jus tamen suum alteri non eripit aut ei quidquam derogat: sed nihilominus tamen contra jus facit, id est, in leges Reipubl. peccat. Quare aliud est contra jura & leges vivere, aliud jus suum alteri eripere, atque adeò aliud etiam se-

cundum iurā vivere, & ius suum cuique tribuere. Vnde porro concluditur cum prius illud sit iustitiæ universalis simpliciter, posterius ei quā talis est, competere non posse. Sed hæc ICris disputanda relinquimus.

XXI.

*Alia definitio  
iustitiæ ex  
Aristo con-  
cinnata.*

Nos unum tantum istud adhuc observamus. Quamvis definitio illa Vlpiani, si explicetur ut explicata nunc est, rectè usurpari sine dubio possit, & ideo à nobis allata sit: potest tamen, ut etiam supra meminimus, ex Aristotele, si non melior, at æquè proba & clara insuper definitio iustitiæ contrui ad hunc modum: iustitia est virtus, quæ tam in rerum distributione, quam commutatione ac contractibus & omnibus in quibus injuria cuiquam fieri potest, ita hominem se gerere docet, ut nec de externis bonis, puta pecuniis, honoribus & id genus aliis, plus sibi vendicet, & minus alteri relinquat, nec rursus de malis, id est, oneribus, pœnis &c. minus sibi & plus alteri, quam par est & jure illi debetur. Quæ definitio etiam hoc alteri illi præstat, quod non tantum objectum iustitiæ disertè exprimit, sed insuper ostendit quænam hic sit mediæ sive mediocritatis ratio. Multum autem ea differt à medio in quo consistunt virtutes ceteræ, ut docetur 5. Ethic. c. 5. t. 4. Primò enim cum illæ omnes obtineant mediæ, inter duo distincta vitia & duas contrarias actiones, quarum una modum simpliciter excedit, altera contrà tantum deficit, iustitia inter duo extrema talia interjacet, quorum utrumq; est in una ac eadem actione, Et hæc extrema sunt plus & mi-

*Quæ sit  
ratio me-  
diæ in iu-  
stitia.  
Iustitia  
non est  
medium.*

& minus. Itaque exempli gratia defraudat alter *inter duos*  
 rum, una actione & modum excedit & deficit; *habitus*  
 excedit, quia plus sibi sumit quam par erat, dehi- *viciosos.*  
 cit quia minus quam oportebat alteri relinquit.  
 At longè alia ratio est in fortitudine: nam temerè  
 omnia audere, qui illic excessus est, & nihil aude-  
 re, qui est defectus, simul in una actione reperiri  
 nequeunt. Vnde etiam fit ut reliquis virtutibus  
 singulis duo vitia aduersentur, justitiæ unum tan-  
 tum: sicut enim illic excedere modum & defice-  
 re duæ diversissimæ, imò contrariæ actiones sunt,  
 hic verò una tantum, ita etiam excessus & defe-  
 ctus illic duo contraria vitia gignunt, hic unum  
 tantum, quia una iniustitia utrumque extremum  
 includit. Hæc est prima ratio differentia medi *Medium*  
 in justitia & cæteris virtutibus. Deinde etiam *rei & ra-*  
 hoc interest, quod medium reliquarum virtu- *tionis hic*  
 tum sit medium rationis tantum, medium justiti- *coinci-*  
 riæ etiam rei, sicut docent Thomas 2. 2. quæ. 58.  
 art. 10. Soto lib. 3. quæst. 2. artic. 7. & Donat. Ac-  
 ciol, eth. cap. 3. t. 43. Ita in temperantia mediocri-  
 tatem tenere, est tantum comedere & bibere  
 quantum habito respectu personæ valetudinis,  
 loci, &c. licet, quæ res cum multis modis va-  
 riet, à recta ratione constitui debet: nec me-  
 diocritas vera censebitur, nisi ab illa constitui-  
 tur. At in justitia quamprimum æqualitas tan-  
 tum rei adest, puta ut nec plus nec minus quis-  
 quam sibi vendicat, quam par erat, mediocritas  
 illa actum etiam rationi consentit: quod si e-  
 nim in rerum distributione æqualitas sit meri-  
 torum & præmiorum, in commutatione exæ-

quatio lucri & damni nullam præterea conditionem personæ, temporis aut simile quid, à ratione addi necesse est, aut inde peculiarem rationem mediæ arcessi.

XXII.  
*Quotuplex sit iustitia.*

Quid sit iustitia hucusq; explicatum est: nunc dicatur etiam verbo quotuplex sit. Constat autem eam vulgò duplicem fieri, distributivam & commutativam. Ita docet Aristoteles Thomas & doctores communiter. Vbi id extra controversiam est, pertinere ad iustitiam non tantum res rectè distribuere, sed etiam commutare: cum enim in utroque illo esse possit iniquitas, utrumque etiam æqualitatis, adeoque & iustitiæ capax sit oportet. Vnde definitione quoque utrumque à nobis expressum est. Id tantum quærì poterat, an ita iustitia sit duplex, ut ipsa unum genus, & iustitia distributiva & commutativa duas veras sub illo genere species constituent, an iustitia sit species specialissima tantum, qui propter diversas aliquas rationes aut diversos solummodò modos ita dispescat. Non esse veras species sentit Buridanus, ut citant, 5. Ethic. quæst. 7. cum enim tam distributiva quàm commutativa iustitia æqualitatem in rebus efficere studeat & tantum una alium modum eius quàm altera observe, statuit ille unam quoque infimam speciem esse iustitiam, sed duplicem vocari, quòd duplex in ea ratio sit res ad æqualitatem redigendi. Verum altera sententia communis est & sine dubio verior. Ita expressè docet Aristoteles non tantum enim caput 5. Ethic. 3. post-

*Iustitiam habere veras species negat Buridan.*

*Refutatur.*

3. postquam egerat de iustitia distributiva sic concludit: *Hac igitur una est species iusti: sed etiam c. 4. ita orditur: Restat iustum quod est in emendandis commerciis, tam iis quæ sponte exercent homines, quam quæ inviti: hoc autem aliam habet speciem à priore.* Etiam ante cap. 2. sic scripserat: *Iustitiæ eius quæ est pars & ejus quod ad ipsam attinet iusti, una quidē species est ea quæ in distributione consistit aut honoris aut pecuniarum aut cæterarum rerum, quæ inter eos dividi possunt qui in eadem societate civili versantur, &c.* Idem docet Th. 2. 2. q. 61. a. 1. Soto lib. 3. quæ 6. art. 1. Gregor. de Valent. loc. cit. disp. 5. q. 5. p. 1. Estq; ratio in promptu; nam sicut distributio à commutatione & æqualitas geometrica ab arithmetica non tantum peculiari modo, ut Buridanus vult, sed tota specie differt, ita etiam iustitia quæ circa distributionem illam versatur, differat oportet ab altera quæ circa commutationem.

Tantum in explicanda differentiâ illa specifi- XXIII.  
ca nonnihil difficultatis est. Thomas ita exponit: *Quæ sit*  
*Iustitia particularis, inquit, ordinatur ad aliquam pri-* hic diffe-  
*vatam personam quæ comparatur ad totum. Potest autem* rentia  
*ad aliquam partem duplex ordo attendi, unus quidē par-* specifica.  
*tis ad partem, cui similis est ordo unius private persone ad* D. Tho-  
*aliam, & hunc ordinem dirigit iustitia commutativa, quæ*  
*consistit in his quæ mutuo sunt inter duas personas ad in-*  
*vicem, Aliis ordo attenditur totius ad partes & huic ordi-*  
*ni assimilatur ordo ejus quod est commune ad singulas*  
*personas, quem quidem ordinem dirigit iustitia distributi-*  
*va, quæ est distributiva communium secundum proportio-*  
*nalitatem, Ita Thomas Caietanus ista omnia in*



pauciora sic contraxit; *Legalis*, inquit, *justitia dirigit partem ad totum, distributiva totum ad partes, commutativa demum partes inter se*. Idem docet Soto & Dorbellus 5.eth. 2.

*Quid in  
ea deside-  
raripos-  
sit.*

Sed hæc nisi cautè accipias usquequaque vera non sunt; quanquam enim, ut optimè hic notat Gregorius de Valentia justitia distributiva id involuit; ut rectè se habeat tota communitas ad singulas suas partes, id est, Respub. ad cives, quò ad eam pertineat tam bonorum quam malorum inter cives distributio, formalis tamen ratio justitiæ distributiæ non tam posita est in habitudine illa communitatis ad partes suas, quàm in ordine omnium partium ejus inter se. Causa patet, tum enim præmia justè & rectè distributa censentur, cum ita se habet præmium unius civis ad præmium alterius, sicut se habet meritum unius ad meritum alterius. Quæ proportio & æqualitas cum non sit inter Rempublic. ipsam & ejus cives, sed inter cives tantum (etsi distributio illa à Republic. instituitur) necesse est justitiam quoque, quæ reperitur in distributione illa, consistere præcisè in ordine partium Reipublic. ad se invicem. Idque aperte docet Aristoteles 5.ethic. cap. 2. loco quem iam iam allegavimus: *justitia distributiva est, ait, quæ in distributione consistit aut honoris, &c. aut caterarum rerum quæ inter eos dividi possunt qui in eadem societate civili vivunt*. Adde quod inflictio pœnarum & vindictio iniuriæ factæ pertinet ad Rempubl. & tamen actus iustitiæ commutativæ est, & consistit in æqualitate, quæ

quæ est inter eum qui iniuriam fecit & qui iniuriam passus est. Quod si actus iustitiæ commutativæ & tamen ad publicam potestatem eius exercitium pertineat ipse Thomas fatetur 2. 2. q. 108. art. 2. *ad primum*, etsi prout consideratur vindictio illa in persona læti, ad specialem virtutem ipsam refert.

Quapropter alia ratio differentię quærenda est: est autem iuxta Valentiam hæc, quod distributiva iustitia bona & mala communia, id est, tam præmia quam onera quæ ad partes communitalis spectant ea proportionē & æqualitate iis distribuit quā hoc fieri par est, id est, geometrica: commutativa autem bona & mala cætera cuiq; tribuit quæ privatim ipsi debentur, idq; alia, hoc est, arithmetica proportionē. Hæc ad eū ferè modum explicat Valentia. Cui suffragatur Molinatom. 1. de iust. tract. 1. disput. 12. num. 3. & differentiam in duobus hisce ponit, in ratione debiti & ratione æqualitatis. *Iustitia distributiva*, inquit, *respicit illud debitum quo aliquid ea ratione aliqui debetur quod pars sit communitalis, bonaq; Reipubl. si in ea redundant dividendaque sint, partibus Reipubl. debeantur, &c.* *Iustitia verò commutativa respicit quodcunque aliud debitum, quod quovis alio titulo cuique debetur.* Hæc ille Deinde addit quæ nos iam ante attulimus de diversa proportionē, quæ in utraque specie iustitiæ observatur. Quin ipse Soto differentia hæc ponit ex parte in diversa ratione debiti, imò ex ea præcipuè contra Burid. demonstrat iustitiā distinctas species habere. Verba eius l. 3. q. 3. art.

XXIV.  
Sententia  
Valentia  
& Molina.

art. 1. hæc sunt : Iustitia munus est debitum unicuique reddere. Est autem diversa ratio debiti in distributiva ab illa quæ est commutativa. Ergo virtutes ipsa specie differunt. Minor patet. Dupliciter aliqua res dicitur hominis, uno modo simpliciter, quæ propria eius possessio, altero verò secundum quid, ut aiunt, quia scilicet non est sua propria, nisi quatenus est totius, cuius homo est pars: etenim quæ sunt totius, quoddammodo sunt partium. Et ex his nascitur diversa ratio debiti: alia quippe ratio est, quia res propria erat creditoris, alia verò quia erat totius reip. &c. Et rursus in resp. ad 2. sic ait: Perscrutamur differentiam illam tum ex ordine diverso, tum ex diversa ratione debiti, quia commutativa reddit id quod simpliciter debitum, distributiva verò id quod est quodammodo debitum. Nos totam differentiam in sola diversa ratione debiti collocamus: nam hæc ipsa distributione & commutatione naturæ posterior est.

*Vera sententia.*

## C A P V T XII.

### De iustitia distributiva.

## S U M M A R I A.

- 1 Iustitia distributiva.
- 2 Quid sit proportio & quotuplex.
- 3 Quare doctrina proportionum hic explicetur.
- 4 Ad omnem iustit. quatuor concurrere.
- 5 Solam Geometr. proport. iustit. distributiva competere.

6. Quo-

- 6 *Quomodo id Thomas explicet.*  
 7 *Et qualis in ea æqualitas sit.*  
 8 *Idem statuere communem opinionem ; sed dissentire*  
*Bodinum.*  
 9.10.11. *Bodinus refutatur.*  
 12 *Natura iussit. distrib. adhuc accuratius explicatâ.*  
 13 *Beneficiorum collatione ad eam non pertinere.*  
 14 *Vt nec contractum societatis.*

**P**OSTquam egimus de iustitia in genere, quantum satis hac vice esse putavimus, consideremus deinceps species eius, & primò iustitiâ distributivam. Hæc, ut notum est, cum per se tum ex iis quæ suprà dicta sunt ; retum distributione occupatur. Et sunt res illæ, ut itidem indicavimus, tam bonæ quam malæ, id est, tam præmia quam onera, & ut Aristoteles 5. eth. cap. 2. dicit, *omnia illa quæ distribui inter eos possunt & solent ; qui unius civitatis cives sunt* : etsi enim ille rerum bonarum mentionem tantum facit ; & eæ quòque præcipuè huc spectant, his tamen verbis etiam malâ insinuat quæ ad totam communitatem pertinent : unde ita quòq; eum exponit Thomas loc. cit. lect. 4. Diximus etiam peculiarem in illâ distributione æqualitatem sive proportionem attendi, & hanc esse proportionem geometricam. Quid igitur sit proportio & quare ea sola in omni distributione adhibeatur diligenter exponendum erit, unde natura universæ iustitiæ distributivæ intelligetur. Quod dū facimus, operæ prætiū non est multa huc afferre, quæ mathematici de-

pro;

proportionum natura & differentiis in geometricis aut arithmetici tractant: nulli enim rei id futurum sit, & fieri potest, ut si anxie nimis illa quis hic persequatur, magis doctrinam hanc Ethicam impeditam reddat, quam explicet, sicut monet Caietanus 2. 2. quæstion 61. articulo 2. & ex eo Valentia tom. 3. disputat. 5. quæstio 5. part. 1. Paucula ergo & quæ præcipue ad institutum nostrum pertinent, inde decerpemus.

II.  
*Quid sit.*

Primò autem sciendum est, proportionem nos hic vocare quam alias proportionalitatem appellant, Græcè ἀναλογία: nam alioqui inter proportionem & proportionalitatem id interest, quod illa sit comparatio duarum quantitatum inter se, hæc illarum comparisonum similitudo: unde illa Græcis est λόγος, hæc λόγων ἰσότης. Ita habitudo binarii ad quaternarium proportio est, habitudo item octonarii ad sedecim, sed similitudo utriusque habitudinis sive comparatio habitudinis unius ad alteram proportionalitas, ut ex tertia & quarta definitione 5. elem. Euclid. notum esse potest, & illic à Christoph. Clavio pluribus explicatur. Sed nos, ut diximus, proportionalitatem & proportionem promiscuè usurpamus. Est autem eiusmodi proportio potissimum triplex, geometrica, arithmetica & musica. *Geometrica* est, quando ita numeri progrediuntur, ut quoties primus eorum continetur in secundo, toties tertius continetur

nea-

neatur in quarto, & quartus in quinto, & sic de inceptis. Talis est in his numeris: II. IV. VI. XII. Sicut enim se habent duo ad quatuor, ita se habent sex ad duodecim; & ut binarius bis continetur in quaternario, ita senarius bis in duodenario. *Arithmetica*, cum numeri ita progreduntur, ut æqualis inter omnes distantia sit, id est, quantum primum superat secundus, tantum tertium superet quartus, &c. Talis proportio est in istis numeris: II. IV. VI. VIII. quantum enim distant duo à quatuor, tantumdem absunt sex ab octo: sed ut binarius à quaternario superatur duabus unitatibus, ita & senarius ab octonario.

*Arithmetica.*

*Musica* denique, sive harmonica est, quando ita numeri ordinantur, ut eadem sit proportio maximi ad minimum, quæ est differentie intercedentis inter maiores duos ad differentiam quæ intercedit inter duos minores. Illa est in his numeris: III. IV. VI. Sicut enim senarius bis continet ternarium, ita differentia quæ est inter senarium & quaternarium, puta binarius, continet differentiam, quæ est inter ternarium & quaternarium, puta unitatem. Cæterum tam proportio geometrica quam arithmetica vicissim est

*Musica.*

vel continua vel disiuncta. Disiunctam vocant, cum omnes termini proportionis numeri distincti sunt: continuam, cum unus numerus bis sumitur. Exemplum continuæ est in geometricâ hoc: XI. IV. III. tres enim hic tantum numeri sunt, cum tamen quatuor termini in proportionem requi-

*Proportio  
coniuncta  
& disiuncta.*

requi-

sine dubio ineptum est conclusiones hujus disciplinæ ex principiis physicis demonstrare, ut notum est ex Logicis, & notat Philosophus 8. Ethic. c. 1. t. 9. ita nec ex principiis mathematicis illatum veritas ostendi potest. At longè aliud est terminos, quos una disciplina ex altera commodatò accipit, in illâ obiter explicare, & rerum ipsarum demonstrationes confundere. Æqualitatem & proportionem in omni justitiâ requiri, aliam item proportionem competere justitiæ distributivæ, aliam commutativæ; & illi quidem solam geometricam, huic solam arithmetica, conclusiones Ethicæ sunt. Vnde istarum veritatem ex suis principiis Ethicus docet. Sed quid & quotuplex sit proportio, quæ dicatur geometrica, quæ arithmetica, sola mathesis tradit. Quare etiam inde disci debet, an totuplex proportio est, quotuplicem fecimus, & an ita quæque earum describenda, sicut supra nos descripsimus. Verum quia Ethicus in rebus mortalibus eatenus deprehendit simile quid illis, quæ in rebus mathematicis sunt, ut terminis inde desumptis ea explicare cogatur, terminorum illorum intellectum inde petat necesse est. Cumque idem quando dicit unam speciem justitiæ consistere in proportionem geometrica, alteram in arithmetica, hoc velit, in una specie justitiæ ejusmodi quid occurrere, cujusmodi mathematici in rebus mathematicis proportionem geometricam dicant in alterâ tale quid, quale vocent arithmetica, explicare

*Quousq;  
eadem  
huc accô-  
modari  
possit.*

mentem suam nequit, nisi ex mathematicis supponat, quod per utramque illam proportionem propriè denotetur. Quapropter quæ sit proportio in quâque specie justitiæ, quod explicandum hic nobis sumimus, id ex mathematicis non demonstramus, sed quid voce proportionis intelligatur inde tantum repetimus. Ut enim termini isti illinc primum translati sunt huc, ita etiam quid per eos propriè intelligatur vel inde vel ex nulla disciplinâ cognosci potest. Sed revertamur eo unde discessimus.

IV. *Ad omnē  
iustitiam  
quatuor  
concur-  
runt.* • Quotuplex sit proportio & quid earum quæque ostendimus. Antequam autem demonstre-  
mus solam geometricam justitiæ distributivæ competere, sciendum hic in universum est, sic-  
ut ad omnem proportionem quatuor termini requiruntur, ita etiam justitiam ad minimum in quatuor esse; cum omne justum sit minimum inter duas distinctas personas, (nam ad nosmet-  
ipsos ut non est propriè injuria, ita nec justum, si-  
cut jam supra diximus) omnes item æqualitas minimum rerum duarum, ut traditur 5. Ethic. c. 3. t. 23. imò nō tam continuam quam disjunctam tantum proportionem ad justitiam pertinere, quod de distributivâ disertè docetur t. 29. & si-  
ne dubio etiam in commutativâ sic se habet: etsi enim in deposito, commodato & contra-  
ctibus similibus, res una videtur esse, duæ ta-  
men sunt, cum non tam spectetur id quod de-  
ponitur aut commodato datur, quàm lucrum  
& da-



& damnum, quod ex unâ illâ re oriri potest, & ad æqualitatem redigi à justitiâ debet.

His expositis ita ostendimus solam geometri- V.  
Solam geometri-  
cam proportionem justitiæ distributi- cam proportionem  
tere. Res omnes ; quæ in Rep. distribu- iustitiæ distribu-  
tur, & aut bonæ sunt aut malæ : bonæ præmia, tiva com-  
malæ onera: Vtræq; autem sicut ad totam com- petere.  
munitatem pertinent, ita etiam ad singulos cives De præ-  
cætenus tantum spectant, quatenus ejus partes & miis.  
membra aliqua sunt. Quicquid ergò præmii pu-  
blico nomine confertur, id ut debetur cuiq; qua-  
tenus civis ejus Reipublic. est ; ita etiam ma-  
jus minusve erit, prout majores aut minores cu-  
jusque in Rep. partes sunt. Causa in promptu est:  
si enim debentur membris propter totum ; &  
quatenus constituunt illud, tribuantur etiam ijs  
oportet juxta proportionem quam ad totum ha-  
bent. Nulla ei-  
gò justa distributio præmiorum esse  
potest, nisi pro diversitate civium diversa sint  
præmia. Idq; ipsa etiam experientia docet : sicut  
enim Remp. conservat, si quantum in unoquoq;  
civium est virtutis ; tantum is præmii consequatur :  
ita si contrâ fiat, turbari eam & labefactari  
paulatim conspiciamus.

Εν τῷδε γὰρ κάμυσιν αἱ πολλαὶ πόλεις,

ὅταν τις ἰσθλὸς καὶ ἀνέθιμῳ ὦν ἀνὴρ

Μηδὲν φέρεται τῶν κακίωνων πλέον,

Namque id perire plurimas urbes facit;

Si vir probus fortique maclius pectore,

Non auferat plus præmii quam pessimus,

Inquit Euripides Hecubâ. Unde & Achilles

Homericus idcò negat militare se sub Aga-

memnonis imperio amplius posse, quod æquali honore apud eum sit fortis & ignavissimus.

*De oneribus.*

Εν δ' ἡ τιλῆ, inquit. μὲν κακὸς ἦδ' ἐ καὶ εὖ θλός,

Ita res se habet de præmiis. Similis est ratio de oneribus: cum enim & ea pertineant ad totam Rempub. imponenda itidem sunt civibus, prout eorum quisq; pars Reipubl. est. At non ex æquo omnes eam participant, aut commoda illius percipiunt. Quare nec onera ex æquo ferent. Hoc ergo pacto instituenda est distributio rerum ut æqualitas & iustitia observetur. Verum hæc æqualitas vel nulla est, vel talis, qualis est in proportionem geometricâ: quemadmodum enim ista in eo posita est, ut sicut se habet numerus primus ad secundum, ita tertius se habeat ad quartum: sic æqualitas illa distributionis in eo consistit, ut sicut se habet persona civis unius ad personam alterius, ita etiam præmium unius respondeat præmio alterius. Et quemadmodum proportio geometrica est, si quum exempli gratia, secundus numerus duplo maior est primo, etiam quartus duplo maior sit tertio: sic geometrica quoque proportio est, si cum meritum unum duplo majus est altero, etiam præmia unius duplo maiora sint præmiis alterius.

VI.

*Quomodo rem hanc explicet D. Thomas.*

D. Thomas 2. 2. quæst. 61. art. 2. ita rem totam hanc explicat: In distributivâ iustitiâ, inquit, datur aliquid alicui privata persona in quantum id quod est totius est debitum parti; quod quidem tantum maius est, quâto ipsa pars maiorem principalitatem habet in toto. Et ideo in distributivâ iustitiâ tantò plus alicui de bonis communibus datur, quanto illa persona maiorem habet principa-

cipa-

cipalitem in communitate. Quæ quidem principalis in aristocratica communitate attenditur secundum virtutem in oligarchica secundum divitias, in democratica secundum libertatem, & in aliis aliter. Et ideo iniustitia distributiva non accipitur med. uni secundum æqualitatem rei ad rem, sed secundum proportionem rerum ad personas. Hæc Thomas. Vbi observa, quod alias vocatur meritum erga Rempubl. & conditio cujusque personæ in Republ. id Thomæ appellari principalitem in communitate. Deinde & hoc hîc nota, perinde esse alicujus conditionem æstimes inde, unde æstimari propriè debebat, & æstimatur in bene constituta rep. sive unde æstimatur de facto, suppositâ hac aut illâ non optimâ semper rep. sic docet Arist. & ex eo repetit. Thom. ac infra magis intelligetur.

Æqualitas igitur, ut patet, heic est, non si omnes idem accipiant simpliciter, sed si idem proportionem seu secundum quid. Dices, etiam planè idem interdû accipere, si scil. personæ inter quas sit divisio, æquales sint: non tantum enim proportionem geometricam flagitaret ut inæqualia inæqualibus tribuantur, sed etiam ut æqualia æqualibus. Soto libr. 1. quæst. 5. art. 2. resp. accidentarium istud esse justitiæ distributiæ, nec ad eam pertinere ut hoc curet, quod alias nihil differret à commutativa. Nos præterea dicimus nec contingere quidem in rerû distributione id posse, ut omnes ij, inter quos sit divisio, æquales sint. Sanè æquales esse civium unus & alter, imò plures possunt, omnes non possunt: impossibile enim est ut

Hh

3

omnes

VII.

Qualis

hic sit æ-

qualitas.

omnes cives sint similes ait disertè Arist. 3. pol. c.3. Quare nec distributio quæ fit inter cives totius civitatis talis esse potest ut æqualia omnibus obtingant. De ejusmodi autem tantum distributione hic sermo est. Proportio itaque qua utitur justitia distributiva in solo eo consistit, ut sicut cives in rep. sunt dissimiles, ita etiam non omnes idem præmium sed id consequantur quod cuiq; competit.

VIII.  
Idem statu-  
it com-  
munis o-  
pinio.

Dissentit  
Bodinus.

Hac est vera sententia de proportionem quam observat justitia distributiva, explicata Aristoteli 5. eth. cap. 3. quam præter Thomam sequuntur Averroes 5. Ethic. cap. 3. Soto loc. cit. Molina tom. i. de just. tract. i. disp. 12. n. 5. Acciaiolus 5. ethic. cap. 3. Dorbellus ibid. Conimbricens. disp. eth. 7. q. 2. art. 2. & Doctores communiter. Solus, quod sciam, eam improbat Joh. Bodinus l. 6. de rep. c. 6. Cum enim reprehendisset Platonem & Xenophontem, quod ille justitiam geometricam proportionem, hic arithmeticam definiisset, ista subjungit: Hac igitur Græcorum sermonibus pervulgata Platonis & Xenophontis contentio duabus factionibus, optimatum inquam & popularium præbuit incrementum, alteri quidem arithmeticam iustitiam rationem secuti populares status, alteri quod opibus ac nobilitate præstarent, geometricam aristocratia congruentem adamaverunt. Ex his duobus tertia factio exitit, quo iustitiam arithmeticam ad æqualem rerum permutationem adhibuit, sed in præmiorum ac pœnarum distributione geometricam, qua non æqualiter omnia omnibus, sed pro cuiusq; meritis tum pœnas infligit, tum præmia largiatur. Atque hæc fuit Aristotelis sententia, qui tamen nec magistri Platonis meminit,

nit, nec Xenophontis. Id autem animadversio dignum est, quod utramque iustitia proportionem seiunxerunt, harmonica verò iustitia nusquam meminerunt, nec Latini-  
 norum quisquam, aut Græcorum harmonicæ rationes si-  
 ve ad iuris distributionem, siue ad civitates moderandas  
 accommodavit, quæ ipsa tamen cum dignitate ceteris  
 longè præstat, tum verò ad illud regale civitatis genus,  
 quod quarimus, aristocratica quodam modo ac democra-  
 tica ratione temperatum, refertur. Paulò post autem  
 explicat, quomodo proportio harmonica ad ju-  
 stitiam accommodari possit. Lex, inquit, geometri-  
 ca gubernanda civitatis est, cum similia similibus copu-  
 lantur, ut leges connubiales XII. tabb. patriciorum cum  
 plebeis coniugia vetabant, ut patricii ducerent patricias &  
 cum plebeis plebei coniungerentur. &c. Si verò cautum  
 esset, ut sorte connubia quaererentur gratissima plebi lex  
 esset, quia nobiles ac locupletes tenuibus & obscuris homi-  
 nibus sortitione sapiùs obvenirent, &c. Sed utrumque re-  
 genda civitatis genus suo quodam morbo laborat, pro-  
 pterea quod alterum tenues ac plebeios homines opprimit,  
 alterum potentes ac locupletes opibus & dignitate spoliât.  
 At verò harmonica gubernandi forma utrosque concen-  
 tu suavißimo tuetur. Et postea. Id a. harmonicis legibus  
 optimè convenit, si plebeia locuples patricio egenti nupserit,  
 aut patricia inops à pecuniis plebeio locupleti. Postremò  
 in concludit. Igitur siue unus siue pauci siue populus u-  
 niversus maiestatis imperio præsit ac sine legibus civitas re-  
 gatur arbitrio imperantis, qui præmia, qui pœnas, qui con-  
 nubia, qui honores pro cuiusque meritis decernat, idque si-  
 ne fraude fiat, (quanquam fieri non potest) hic tamen  
 status nec diuturnus erit, nec civibus utilis futurus, quia

Vult in-  
 stam di-  
 stributio-  
 nem fieri  
 proportio-  
 ne har-  
 monica.

nullum potentioribus cum infimis concordia vinculum intercedit &c. Contra verò de legibus iisdem ac iudiciis inflexibili norma cives omnes dirigantur, si omnes omnibus honores, uti fors tulerit, omnia omnibus præmia, nulla ratione dignitatis personarum ac meritorum legibus arithmeticis tribuantur, decus omne virtutis eo civitatis statu interire necesse est. Quemadmodum igitur simplicia medicamenta vi ac potestate dissimillima, qua hominibus perniciem ac pestem illatura sint, simul temperata fiunt salutaria: ita quoque arithmetica & geometrica rationes harmonica lege temperata, Rebusp. salutes semper futura sunt.

**I X.** Hæc Bodinus, qui latius etiam rem istam persequitur: nos præcipua excerpimus, unde constare de mente ejus potest. Verum ista sententiam nostram nullo modo infringunt, imò Bodinus, ut solet, doctrinam Aristot. plenè assecutus non est. Et primò malè confundit quæstionem politicam cum ethica, id est, duo ista, quænam sit optimus Reipubl. status, regnūve aut aristocratia, aut democratia pura, an status aliquis ex illis omnibus quodammodo mixtus & temperatus? & deinde quamnam proportionē justitia in rerū distributione, quam in communicatione observet? Et si enim hæc justitiā utraque nullus esse bonus Reipubl. status potest, idē tamen duo illa simpliciter non sunt. Idq; facillè patet: cum enim tres sint formæ Rerumpubl. bonæ, nulla illarum est, quin utramque justitiā in ea reperiās. Certè tam in regno quàm in aristocratia, & tam in hac quam in democratia commerciorum usus est & item præmiorum & onerum distributio. Qua-  
pro-

*IX.  
Confusa-  
tur.*

*Bodinus  
confundit  
quæstio-  
nem ethi-  
cam cum  
politica.*

propter disputare, quid sit justè res distribuere, quid justè commutare, idem præcisè non est atque quærere, quænam inter formas Rerum publ. sit optima, nec si ex omnibus istis formis componenda una est, propterea etiam omnis distributionis & commutationis jura & rationes confundendæ. Hoc primum peccatum Bodini.

Alterum quod putat quicquid geometricum est, id illico omne regium aut aristocraticum quodque esse, & quicquid arithmeticum, omne illud populare & democraticum. Id sic ostendo. Primo omnis justa rerum commutatio est, ut suo loco ostendetur, arithmetica: & tamen nõ minus in regno atq; aristocratia quã democratiã obtinet: nunquam enim auditum est, siue in absoluto regno, siue in purã aristocratia, emptionis, venditionis, locationis conductionis, aut in uniuersum ullius contractus vel commutationis iustitiam à dignitate personarum æstimari solitam. Arithmetica ergo proportionem iustitiam mentiri populare solummodò non est. Sed nec geometricè res administrare regium aut aristocraticum tantum est: nam etiam in populari statu etsi omnib. ex æquo & indefinitè aditus ad Rempubl. & honores patet, consequuntur tamen eos & hi aliquo modo, prout meretur de Republ. id est, prout quisque liberrati maximè studet & statum illum tueri posse creditur. At pro diverso merito cuiusque distribui honores geometricum est. Quare etiam in populari statu geometricum quid occurrit. Et hoc est quod tam malè Bodinum torfit.

cui tamen scrupulum istum ipse Aristoteles eximere poterat, si mentem ejus rectè percepisset. Ita enim ille docet distributionem honorum pro dignitate cujusque fieri debere, ut expressè tamen addat dignitatem illam pro diversis Rerum publ. formis aliter atq; aliter æstimari. Verba ejus capite 3. text. 26. hæc sunt. *Iustum quod in distributionibus est omnes uno pro dignitate quâdam oportere esse dicunt, ipsam tamen dignitatem non eandem omnes inquirunt esse, sed populares quidem libertatem, oligarchici opulentiam, nonnulli nobilitatem, optimates verò virtutem.* Hæc Philosophus. Quapropter nihil optat, quo minus etiam in populari statu honores capiat quisque pro merito. Tantum quale meritum ibi attendatur observandum est: neque enim illic id tam est virtus, ut in regno aut aristocratia, quam libertatis studium & odium regni aut potentiæ paucorum. Quavis ergo democratia virtute omnes forte pares sint: prout tamen unus status illi magis, alter minus est aut esse censetur utilis, ita etiam majus unius quàm alterius est vel putatur meritum, & unius potius quàm alterius in honorum distributione ratio habenda est, ut justè pro Reipubl. illius conditione omnia administrentur & status ille, quantum fieri potest, conservetur: sicut enim Aristoteles 4. Politic. c. 7. distinguit inter viros bonos qui simpliciter sunt tales & qui secundum hypothesin: ita etiam meritum & dignitas alia est simpliciter talis, alia ex hypothesi Reip. in qua vivitur.

Qui-



Quibus observatis etiam tertium erratum Bodini facileprehenditur: statuit enim diversam rationem æstimandi merita & dignitatem personarum etiam proportionem distributionis quæ fit ob merita, diversam statim facere. Sed multum labitur. Sic cum dignitas civis, non spectatur tantum ex nobilitate aut virtute, sed libertate etiam & opulencia, alia hæc ratio est dignitatem quidem & merita attendendi, quam cum virtus sola aut sola aut sola libertas æstimatur: sed propterea proportio tamen alia non est, quam geometrica, si præmia meritis illis conferatur geometricum enim omne est quod dignitatem alicujus attendit & personam cum personâ comparat, undecumq; dignitatem ejus arcessas. In puris formis Rerum publ. vel sola nobilitas, vel sola opulencia, vel sola etiam virtus rem conficit: ac in cæteris, quæ aliquid mixtum habent ex plurium formatum institutis, merita ex pluribus æstimantur. Quapropter siue harmonicum quid sit in ratione æstimandi meritum & dignitatem cujusque, siue non sit, nihil impedit tamen, quo minus proportio geometrica maneat in distributione rerum, quæ juxta merita illa instituitur. Et ita res se habebat de connubiis Romanorum. Legis illius XI tab. sola nobilitas fundamentum erat, legis Canuleiæ sola libertas. Dignus itaq; conjugio patriciæ secundum illam nobilis tantum, secundum hæc quisquis liber & civis Romanus. At juxta Bodini opinionem ex nobilitate & opulencia

lentiâ ac libertate simul dignitas erat arcessenda. Vnde iuxta ipsum dignus patriciâ erat plebeius, sed opulentus, digna item ignobilis & plebei opulenta patricio seu paupere. Vbique de ratione æstimandi dignitatem cujusq; quæstio est. At aliud est disputare, unde dignitas arcessi debeat, aliud quomodo pro dignitate justè aliquid distribuatur. Prius illud esto faciendum sit secundum proportionem harmonicam, ut vult Bodinus, non tamen actutum etiam posterius ita fiet. De posteriori autem agebat Aristoteles, quia ethica quæstio erat, de priori consideratio Politic. Tanrum de opinione Bodini.

XIII.  
*Natura  
 iustis di-  
 stributi-  
 va adhuc  
 accuratius expli-  
 catur.*

Cæterum è diverticulo redeamus nunc in viam, ut naturam justitiæ distributiæ paulò adhuc accuratius exponamus. Ubi recolendum id cum primis est, quod disputatione superiori dictum, distinctionem inter eam & commutativam in solâ diversâ ratione debiti positam esse: nisi enim id identidem in mentem revocetur, fieri facillè potest, ut nec naturam justitiæ distributiæ rectè percipias, & huc referas quæ simpliciter ad commutativam spectant. Diximus autem non pertinere huc quidquam, nisi quod de communibus totius Reipub. bonis cuiquam debetur, & eatenus quidem quatenus civis quis ejus est, sicut nec alia onera, nisi si quæ ratione totius communitatis omnes ferre tenentur: Idque etiam Aristotel. 5. Eth. cap. 7. expressè docet: *iustitia*, inquit, *quæ versatur in distributione, communium rerum est.* Quicquid ergò non debetur cuiquam

quam tanquam de communibus bonis, neque ferendum imponitur ut publicum & commune onus, non distributivæ sed commutativæ iustitiæ est.

Vnde id primò liquet, si Respubl. stipendium cuiquam persolvat, aut certis beneficiis compenset operam peculiariter sibi præstitam (puta si rem in bello quis strenuè gesserit, conjurationem detexerit, aut consilium egregium principi dederit) sive id ex certa obligatione faciat, sive inde tantum, quod aliàs dignum hoc est, non esse hunc actum distributivæ sed commutativæ iustitiæ, sicut docet Thoni. 2. 2. q. 61. art. 4. ad 2. & Soto lib. 3. quæst. 5. art. 2. ad 3. Causa in promptu est: cum enim distributio sit *nuda attributio eorum quæ toties sunt ad partes*, ut Soto dicit, persolutio stipendii, vi & collatio beneficiorum ejusmodi, compensatio quædã est & merces, nec ideo cuiquam obtingit, quod civis est, sed quod labore & industria suâ id commèruit. Vnde fit ut luculentius beneficium etiam in aristocratia cõferatur nonnunquam tam plebejo quàm nobili, licet in distributione communiũ præmiorum nobilis plebejo præferri illico omnino debeat: imò inter beneficia ista etiã hoc esse potest, ut hoc ipso ex loco humili ad eminentiorem in Republ. ascendat. Deinde & hoc ex dictis manifestum est, meritum, quod injustitiã distributivã attenditur, non esse nisi dignitatem seu personam, & locum quẽ inter cives quis tenet, qui ut multis de causis cuiquam obtingere potest, ita etiam merita

XIII.

*Beneficiorum collatio non pertinet ad iust. distributivam.*

*Quid vocetur meritum in hac iustitia.*

hic

hic variant, sicut supra diximus, cum in commutativâ ita dicatur res ipsa; cui vel præmium vel pœna tribuenda est. Vnde suprâ etiam meritum & dignitatem promiscuè usurpavimus: si enim quod commune est, ideo huic aut illi meritò conceditur quia pars communis est, meritissimò illi datur, cujus præcipuæ in ea partes sunt.

*In iusta  
distribu-  
tione non  
semper  
accipit  
quisque  
quantum  
simplici-  
ter mere-  
tur.*

Tertiò patet commutativam justitiam non esse nisi simpliciter quis tantum accipiat quantum meretur, & æqualitas sit inter rem datam & acceptam; cum tamen in distributione etiam iusta rarò tantum quis accipiat, quantum meretur: cum n. ut loc. cit. dicit. Tho. *in iustitia distributivâ non attendatur æqualitas eius quod quis accipit ad id quod ipse impendit, sed ad id quod alius accipit secundum modum utriusque personæ*, justè distribui possunt honores, pecuniæ, agri ad hostib. capti &c. nec tamen cuiquam tantum obtingere quantum per se merebatur. Sic nobilissimo loco natus sit quisquam; & extentum ipsius, tum majorum ejus in Rempubl. merita insignia; administret item primo loco Rempubl. dividendi autem sint agri aut alia præmia inter cives; certè justè non fiet divisio, nisi præclarissimo omnium civium nobilissima præmiorum portio adsignetur. At nec tamen tantum statim consequetur, quantum virtute ejus merebatur, cum aliud sit recipere quod virtutis par sit, aliud quod ex hac aut illâ bonorum distributione tibi debetur.

*XIV.  
Contra-  
ctus.*

Vnum restat dubium de contractu societatis: etsi enim is eo ipso quo contractus vocatur, pertine-

tinere ad justitiam commutativam intelligitur, videri tamen potest ad distributivam spectare & *societatis* lucrum proportionem geometricam in eo dividi, *non per-* cum prout inæqualiter socii ad sortem confe- *tinet ad* runt, ita etiam inæquales lucri portiones aufe- *justitiam* rât. Sanè lucrum illud est bonum commune illis *distribu-* qui ita contraxerunt & socijs competit prout *tivam.* quisq; societatis pars est, unde distributionis materia esse videtur. Verùm hæc omnia per acci- dens tantum fiunt & nullo modo ad justitiam distributivam contractus iste pertinet, nec ejus sed commutativæ actus est juxta lucrum illius divi- sio, sicut rectè docet Molina loc. citat. num. quar- to. Argumento hoc est, tum quod verus est con- tractus, nec lucrum id quod cuique obtingit ei tanquam præmium datur, sed ut privatum debi- tum, tum quod nec persona personæ, sed res rei, videlicet portioni lucri portioni sortis, quâ quis contulit, adæquatur. Nec etiam proportio ista geometrica est sed arithmetica, etsi speciem geo- metricam præ se fert. Sicut enim cum emuntur res diversæ & inæquales à diversis, precium fit inæ- quale, nec tamen emptio & venditio ulla juxta proportionem geometricam instituitur, ut apud omnes cõstat, ita etiam hic inæquale est lucrum, nec tamen propterea juxta proportionem geo- metricam attribuitur, cum non personæ adæ- quetur, sed pecuniæ quam ad sortem quis contulit.

## CAPVT XIII.

## De Iustitia commutativa.

## SUMMARIA:

- 1 Iustitia commutativa.
- 2 Ejus obiectum.
- 3 Commutationes voluntaria & invita.
- 4 Vtraq; ad illam pertinere.
- 5 Proportionem arith. hic observari.
- 6 Quomodo capiantur vocab. lucri & damni.
- 7 An poena semper irrogentur proport. arith.
- 8 Opinio recentiorum & quorundam Ictorum.
- 9 Arist. & vera sententia.
- 10 Reijctur opinio recentiorum.
- 11 Eos non satis accuratè naturam iustit. huius explicare.
- 12.13.14. Rationes VVesenbecii solvuntur.
- 15 Poena non sunt aliquid quod distribui possit.
- 16.17. Nec irrogari possunt proport. geometrica, quod probatur.
- 18 Quomodo non violetur proport. arithmet. si nobiles mitius puniantur.
- 19 Immuta regula illius proportionis.
- 20 Obiectionis cuiusdam solutio.
- 21 Quomodo cum Aristot. hic conciletur ius civile.
- 22 Vnum adhuc de iust. illa notatum.
- 23 De Talione.
- 24 Quid de ea Pythagorici senserint.
25. Quod

- 25 Quomodo illa justitia quadret.  
 26 Vnde rerum aestimatio dependeat.  
 27 De numo.  
 28 Quid sit & cur inventus.  
 29 Quousque constet hominum opinionè.  
 30 Eum debere esse aliquid stabile.  
 31.3.33. & seqq. tres quaestiones explicatae.

**Q**Uæ sit natura justitiæ distributivæ ita expli-  
 cavimus: accedimus nunc ad commutativam dicitur autem hæc; ut supra patuit, à justitia  
 distributiva tum objecto, tum ratione & qualita-  
 tis & proportionis quam tenet: cum enim illa  
 pro objecto habeat res quæ sub distributionem  
 cadunt, hoc est, præmia & onera publica, sive  
 omnia quæ cuiquam debentur, quatenus mem-  
 brum civitatis alicujus est; hæc circa res  
 ceteras versatur, quæ privato nomine & quo-  
 vis alio titulo ac jure alicui competunt. Deinde  
 illa, ut ostendimus, proportionem observat geo-  
 metricam, hæc, ut jam docebimus, arithmetica.  
 Utrumque paulò accuratius nunc exponendum  
 est, ut natura etiam justitiæ commutativæ rectè  
 cognoscatur.

Aristoteles omnia quæ ad objectum com-  
 mutativæ justitiæ pertinent uno nomine *συλλα-  
 γµατα* vocat. Latine alii commutationes & per-  
 mutationes, alii contractus, alii denique com-  
 mercia interpretantur. Quæ tamen voces om-  
 nes aliàs longè strictiùs accipiuntur, præsertim

apud I Ctos , quibus contractus & συναλλαγμα  
 propriè est ultro citroq; facta obligatio, ut sunt  
 emptio venditio, locatio conductio, societas, ut  
 habetur libr. 19. de verborum signific. & libr. 7.  
 pr. ff. de pactis. Et multo adhuc strictius accipi-  
 tur vox permutationis : propriè enim illa dicitur  
 , quando certa res pro re datur, estque una  
 tantum contractuum species , & ab ambitione,  
 locatione conductione, &c. differt, ut ad tit. ff. &  
 Cod. de rer. permutat. illi notant. Eadem forè  
 ratio est de voce commercii : commercia enim  
 inter furem & eum, cui quid furto aufertur ra-  
 ptorem & cui quid eripitur , adulterum & ad-  
 ulteræ maritum, &c. intercedere nemo facile di-  
 xerit, nisi latius quàm vulgo fieri solet , vocabu-  
 lum extendat. Sed ut hoc sit, nihil tamen verat  
 quin commutationes & συναλλάγματα tam latâ si-  
 gnificatione accipiamus quam accepit Aristote-  
 les : cum enim res omnes in quas iuris alicui  
 quidquam est alio quàm publico nomine, ad ius-  
 titiam commutativam pertineant, sicut suo lo-  
 co diximus, uno illæ vocabulo comprehendi de-  
 buerunt. Quare, quia aliud nō erat commodius,  
 voce συναλλάγματος Philosophus usus est. Vnde  
 & nos ad eundem modum commutationes &  
 contractus hic appellamus , non tantum veros  
 contractus & quasi contractus, sed omnes etiam  
 obligationes tam quæ ex delictis , quàm quæ ex  
 quasi delictis nasci à I Ctis dicuntur : & si quid  
 iis est simile. Quid quod ita etiam in ipso iure  
 vox contractus capitur l. omnem 20. ff. de  
 iudic

Quomodo  
 Aristotel.  
 accipiat  
 vocabula  
 συναλ-  
 λάγμα-  
 τος.  
 contra-  
 ctus, com-  
 mutatio-  
 nis &c.



judic. ut ad l. d. de verborum significatione glos-  
sa notat.

Cæterum dividuntur ab Aristotele commu-  
tationes istæ 3. ethic. capite 2. in voluntarias & in-  
vitas. Voluntariæ sunt, quando utrinque est ani-  
mus cummutandi aut contrahendi, qualis est  
emptio venditio, invitæ ubi commutatio illa fit  
unâ parte invitâ, sicut est furtum, rapina, &c.  
quod enim in futuro res transfertur ab uno ad  
alterum, eo tantum fit volente qui furatur, non  
cui furto eripitur. Quæ autem & quod sint ejus-  
modi commutationes, accuratè definiri necesse  
forte hic non est: nam & Aristoteles aliquot tan-  
tum species recenset. Nos sequemur distributio-  
nem illarum quam adfert Divus Thomas 2. 2.  
quæstione 61. articul. 3. Enumerat is eas ad  
hunc modum. Involuntarias quindecim facit:  
Læditur enim quisquam vel in re suâ, vel in per-  
sona, & utrumque fit vel occultè, vel manife-  
stò. Ubi occultè res alterius accipitur, *Furtum* est:  
ubi manifestò, *rapina*. Persona autem alicujus læ-  
ditur, vel ratione incolumitatis, vel ratione di-  
gnitatis: & rursus vel ipsa in se, vel in persona a-  
lia, certo modo sibi conjuncta. Cum læditur per-  
sona ratione incolumitatis occultè, est *caedes dolo*  
*fàcta*; *veneficium* aut *fraudulenta percussio*: cum  
manifestò, *caedes violenta*, *incarceratio*, *verberatio*, *mu-*  
*tilatio*. Cum læditur persona ratione digni-  
tatis occultè, est *falsum testimonium*, aut *detractio*:  
cum manifestò, *falsa accusatio*, aut *convitium*. Cum  
quis autem læditur in persona conjuncta, est  
*adulterium*, *seductio*, *servi*, & si quid his est simi-

III.

Comm-  
tationes  
voluntá-  
ria & in-  
vita.Numerus  
invita-  
rum.

*Numerus  
voluntaria-  
rum.*

le. Commutationes voluntarias numerat octo:  
primò enim transferre quis rem suã potest sim-  
pliciter in alterum, pro certo pretio, estq; *emptio-  
venditio*. Deinde potest concedere usum tantum  
rei suæ alteri; & ita ut ipsam eam recupere t:  
quod cum sit gratis in ijs rebus quæ fructifi-  
cant, dicitur *ususfructus*, in cæteris *mutuum* vel  
*commodatum*, hoc, quando ita conceditur rei usus,  
ut eadem numero sit restituenda, illud quando  
eadem specie tantum redditur. Quod si autem  
usus ille concedatur pro precio, *locatio & condu-  
ctio est*. Terriò, potest tradere quisquam rem  
suam alteri, ut habeat eam, vel illa utatur, sed  
tantum ut conservet, sicut fit in *deposito*, vel ut  
confirmet obligationem de satisfaciendo, ita ut  
nisi satisfaciatur, retineri possit, estque *opignoratio*.  
Quartò potest simpliciter se quis obligare ad sa-  
tisfaciendum pro altero & vocatur *fideiussio*.  
Hoc modo Thomas enumerat commutationes  
ut ex ejus Valentia tom. 3. disputat. 5. qu. 5. punct.  
2. Quanquam autem nec ipse omnes complecti-  
tur, aut accuratè dividit, ut rectè movent Caje-  
tanus & Valentia; neque enim id agebat: tot ta-  
men adfert, ut ex iis de cæteris faciliè judicari  
possit.

Hæ ergo & hujusmodi res objectum sunt iu-  
stitiæ commutativæ: in cunctis enim istis una &  
eadem ratio est capiendi medium, & quidquid  
in illis iustitiæ reperitur, aut ad iustitiam redigi  
potest, id unâ & eadem æqualitate ac proportio-  
ne mensuratur. Quare etiam ad unam speciem  
iustitiæ referuntur. Dico ad unam speciem, tū  
subin-

ſubintellige, ſpecialiſſimam: ita enim ſtatui-  
 mus cum Thoma. Nam quanquam Ariſtot. loc.cit.  
 duas partes facit iuſtitia commutativæ, unam,  
 quæ verſetur circa commutationes voluntarias,  
 alteram quæ circa invitas, non tamen ideo vult  
 duas eius ſpecies eſſe: cum enim tam in volunta-  
 riis quam invitis commutationibus una & ea-  
 dem planè ratio ſit debiti, unus etiam modus res  
 ad æqualitatem redigendi, una quoque forma-  
 lis ratio iuſtitia utrobique ſit oportet. Inte-  
 rim ratione materiae aliqua diverſitas eſt, cum  
 in voluntariis commutationibus tantum res  
 compenſetur, invitis dampnum pariter & offen-  
 ſa. Equidem iniuſtitia quæ in commutationi-  
 bus occurrit plures habet ſpecies ( ita fur iniu-  
 ſtus, eſt etiam homicida: & differunt tamen fur-  
 tum homicidium tota ſpecie, ſed & hæ ſpecies  
 vel ratione materialis ſui tantum ita diſtin-  
 guuntur, prout habitus ſunt poſitivi, non prout  
 involuunt privationem rectitudinis iuſtitio op-  
 poſitam, ut vult valentia, vel etiam absurdum  
 non eſt, vitia eſſe multiplicia, una tantum exi-  
 ſtente virtute, ut vult Caietanus, cum omne bo-  
 num ex integra cauſa naſcatur, malum etiam  
 ex ſingulis defectibus. Haſtenus de obiecto  
 commutativæ iuſtitia.

Cæterum proportio, quam obſervat, eſt, ut  
 toties iam diximus, arithmetica. Id ſic oſtendo.  
 Omnis iuſtitia, ut ex ſuprà dictis notum eſt, con-  
 ſiſtit in aliqua rerum æqualitate. Æqualitas au-  
 tem iſta vel ex dignitate perſonarum æſtima-  
 tur, ſicut oſtendimus fieri iniuſtitia diſtributiva,

*Commu-  
tationes  
tam vo-  
luntaria  
quam in-  
vita ad  
unam  
ſpeciem  
iuſtitia  
pertinent.*

*V.  
Proportio  
quam ob-  
ſervat  
hæc iuſti-  
tia eſt A-  
rithmeti-  
ca.*

*Id probatur.*

*In commutationibus non posse spectari personam & dignitatem commutantium.*

vel simpliciter tantum ex rerum ipsarum modo ac mensura: tertium enim dari nequit. Sed prius illud, sicut rerum distributioni optimè quadrat, ita planè non competit commutationi. Causa in promptu est: cum enim commutationes ideo institutæ non sint, ut de communibus bonis ultrò civibus præmia persolvantur, utique personarum dignitas in iis primò ac per se attenditur. Quare nec æqualitas quæ ex dignitate personarum æstimatur, locum in iis aut justitia commutativa habet. Relinquitur itaque ut observetur altera illa quæ ex rerum ipsarum conditione æstimatur æqualitas, illud æquale est, quod simpliciter tantum interjacet inter plus & minus, sive cum res in duas æquales partes tribuitur, ita ut æqualis tantum distantia, utrinque sit à lucro damno, ut Aristoteles vocat. Non esse autem commutationes & rationem illas ad æqualitatem redigendi inventam ideò, ut pro dignitate cuiusque tribuatur ei quod ipsi debetur, multis modis probari potest. Primò præmia civibus à republ. & tota communitate ponuntur: commutationes autem & contractus inter privatos sunt. Secundò in commutationibus spectatur id solum, ut quisque tantum recipiat boni aut mali: quantum utriusque ab illò in alterum profectum est. Ita qui ædes vendit tantum pecuniæ ab emptore expectet necesse est, non quanto ille fortè dignus sit si dignitatē ejus inter cives spectare quis velit, sed

sed quantum numorum compensare ædes illas potest, nec pecuniam emtor erogat alio fine.

Tertiò, si tantam iniuriam facit probus, cum quenquam defraudat, quantam improbus, iniquitas rei illius non ex personâ sed à ipso facto pensatur. Sed verum prius. Ergo. &c. Quod si autem iniquitas in his talibus ex re ipsa tantum æstimatur primò ac per se, ergò & æqualitas ad quam redigi res illæ debent, indidem primò æstimanda est. Certum itaq; est in iustitia commutativa non tam spectari illud, quod personis commutantibus aptum est, iisq; competit, quàm quod cuique earum debetur ratione ipsarum rerum quas commutant, quidquid interim de personarum dignitate & æqualitate aut inæqualitate fiat. Docet id Xenophon.

exemplo Cyri Persarum regis lib. I. de eius pædeia, quid quod ea, quæ diximus, in causa duorum puerorum iudicanda, cum puer adhuc ipse esset, non observasset, à magistro plagas se accepisse narrat. Verba Cyri hæc sunt: *Causa erat huiusmodi: Puer magnus cui parva erat tunica, puerum alterum qui tunicam haberet magnam, exuerat, suaque illum tunica induerat, illius tunicâ à se induta. Ego igitur horum causâ auditâ iudicari esse melius ambobus, ut aptam uterque haberet tunicam. Quapropter magister me percutiebat, dicens: Vbi de eo iudex fueris constitutus, quid cuique aptum sit, ita iudica: at ubi iudicandum est utrius sit tunica, id considerandum, quanam sit iusta possessio, & an eum habere oporteat qui vi abstulit, an illum qui ipse fecit aut emit.* Hæc apud Xenophontem Cy-

*Docet id etiam Xenophon exemplo Cyri.*

rus. Persuaseras scilicet ille sibi unam & eandem rationem æqualitatis in omni iustitia esse, adeòque etiam in commutationibus rerum id iustum esse, quod cuiusque personæ maximè conveniret. Sed magister eius aliud esse docet, spectare quid cuique ratione personæ suæ quadret, si præmia fortè distribuere vellet, aliud quid privato iure cuique debeatur. Hæc igitur sic se habent. Vnde iam facilè intelligi potest, solam Arithmeticam proportionem iustitiæ commutativæ competere: sicut enim illius hæc natura est ut simpliciter numerorum inter se distantiam observet, ita & iustitia commutativa medium & æqualitatem quærit in sola distantia à lucto & damno.

## VI.

*Quomodo  
hic acci-  
pian-  
tur  
vocabula  
lucris &  
damni.*

Sciendum autem hic est vocabulum lucris & damni hoc loco multò latius accipi quàm aliàs vulgò solet, ut docet Aristotel. lib. 5. eth. cap. 4. & ex eo Thom. Verba Thomæ adscribemus: *Omne superfluum, inquit, in his quæ ad iustitiam pertinent lucrum, extenso nomine, vocatur, sicut & omne quod minus est, vocatur damnum: Et hoc ideo, quia iustitia prius est exercita, & communius exercitatur in voluntariis commutationibus rerum, quia emptione & venditione, in quibus propriè hæc nomina dicuntur & exinde derivantur hæc nomina ad omnia circa quæ potest esse iustitia.*

*Quomodo  
res ad æ-  
qualita-  
tem redi-  
gantur.*

Aristoteles idè docet, & lucrum vocat plus boni, & minus mali; damnum plus mali & minus boni. Quando itaque iustum dicit esse medium, simpliciter inter lucrum & damnum, hoc ait, tum demum commutationes vel esse iustas, vel  
ad iu-

ad iustitiam & æqualitatem à qua abeunt re- *in hac in-*  
ductas cum neuter aut nullus inter com- *sticia.*

mutantes plus boni aut minus mali habet, quàm habere merito debebat. Unde in voluntariis cōmutationibus iustè tum agitur, quando ita quis cum altero commutat, ut neuter eorum lucrum aut damnum habeat, in invitis verò, cum lucrum aut damnum quod aderat, tollitur: *quid enim emēdo, vendendo, cateraq; agendo, qua lege concessa sunt, plus habent quam suum in lucrari, qui minus quam in principio, id damnum pati dicuntur. Sed cum neq; plus neq; minus habent quam oportebat, & par pro pari refertur, sua se habere dicunt,* inquit Aristoteles cap. quarto 41.

Quemadmodum igitur linea inæqualiter divisa *Duplex ratio qua id fit.* ad æqualitatem redigitur, vel detrahendo uni parti & apponendo alteri, vel uni detrahendo solum & simpliciter quantum deest alteri, ita etiam hic, cum vel ei, qui lucratus est sive plus iusto habet, demitur quantum satis est, & additur alteri qui damnum cedit & iusto minus habet, vel demitur, simpliciter uni tantum quantum is demisit alteri, ad æqualitatem pervenitur. Vtriusque modi exempla in promptu sunt. Sic cum quis furto pecuniam cuiusquam aufert, is qui aufert plus habet quam habere eum par erat: is cui aufertur, minus. Ut ergo res ad æqualitatem redigatur, reddendum, alteri à fure est, quantum ipsi abstulit, imò non id tantum, sed duplum aut quadruplum aut quintuplum, secundum ius divinum, quia præter damnum quod dedit, offendit tum proximum, tum rempubl. utque eo pacto à de-

licto absterreantur alii. Hoc exemplum est primi modi. Dubium non est quin cædes voluntaria, à privato facta, extra moderamen inculpatæ tutelæ, sit res iniqua & iniusta. Est igitur hic lucrum, est damnum, lucrum penes homicidam, damnum penes eum qui occiditur: homicida enim animo & iræ suæ morem gerit, & voluptatem inde cadit: qui interimitur verò, rei charissimæ iacturam facit. Factum hoc corrigi, & ad æqualitatem redigi, à qua abiit, primo modo non potest. Causa in promptu est: nihil enim hic est quod ei addi possit, qui damnum fecit & quo damnum illud resarciatur, cum vita ipsa crepta sit. Altero itaque modo res ad æqualitatem reducitur, & homicidæ contrà eripitur, quod ipse alteri eripuerat, ut vel eâ ratione æqua utriusque sic conditio. Sed hic nota, per lucrum & damnum intelligi illud tantum, quod sit hominibus invitis sive cum alterius iniuria coniunctum est, ut disertè monet Aristoteles. 42. nam cum lucrum aliàs quis capere ex re dicitur nemine invito, aut damnum etiam pati ultrò & sua sponte, id huc non pertinet. Hæc est natura iustitiæ commutativæ, & ratio proportionis sive æqualitatis quam illa observat.

## VII.

*Tractatur nobilis illa quaestio, an poena etiam semper iura-*

Vbi iam statim quaestio nobis nascitur, an non etiam iustitia commutativa, præsertim in poenarum inflictione, habeat rationem personarum & geometricam potius quam arithmeticam proportionem usurpet. Certè nobi-

les



les & virtute præstantes plerumque mitius puni-<sup>gentur ja-</sup>  
 riri quàm alios constat, mitius item integræ fa-<sup>cta pro-</sup>  
 mæ quàm famulos, liberos quàm servos, idque <sup>portionem</sup>  
 tum legibus approbatum, tum consuetudine re-<sup>arithme-</sup>  
 ceptum est, Sic l. 9. ff. de pœn. dicitur discrimina-<sup>ticam.</sup>  
 pœnarum esse, nec omnes eadem pœna affici  
 posse; nam decuriones in metallum damnari  
 non posse, nec in opus metalli, nec furcæ subiici,  
 nec vivos exuri: & l. seq. ait, ex quibus causis li-  
 ber fustibus cædatur ex his servum flagellis cæ-  
 di, & ex quibus liber fustibus cæsus in opus  
 publicum damnatur, ex his servum sub pœna  
 vinculorum ad eius temporis spatium flagellis  
 cæsum domino reddendum. Similia de distin-  
 ctione personarum observanda habentur lib.  
 28. §. & ut generaliter, & fin. adeoque tot. titulo:  
 plura etiam aliunde à iurisconsultis adducuntur.  
 Ne nunc dicam quod omnis virtus consistat vel  
 in sola mediocritate rationis, vel in mediocrita-  
 te rei & rationis simul. Mediocritas autem ratio-  
 nis tum cæteras circumstantias, tum etiam per-  
 sonæ conditionem includit. Quod si igitur se-  
 cundum conditionem & dignitatem persona-  
 rum delicta puniuntur, videtur utique id juxta  
 proportionem Geometricam fieri, imò tota res  
 non ad commutativam, sed distributivam ju-  
 stitiam pertinere. Et sanè ipse Aristoteles aperte  
 favere isti sententiæ videtur, quando §. ethic.  
 cap. 5. tomo 45. plurimum interesse docet, an  
 quis magistratum gerens quenquam percusse-  
 rit an alius, item, an ipsum magistratum quis per-  
 cussio-

cusserit, an alium quempiam hominem privatum: qui locus tam evidenter pro ista opinione facit, ut suspicari quis possit Philosophum is quæ præcedenti capite tradiderat, disertè hic contradicere, sicut Averroës & Thomas annotarunt.

VIII.

*Recentiorum Ethicorum & quorundam IC. opinio.*

His rationibus inducti sunt tam ex ethicis recentioribus, quàm ICtis multi, ut pœnas irrogandas statuerent proportionè Geometrica, adeoque munus hoc non commutativæ sed distributivæ iustitiæ facerent. Ex ethicis ita docent Conimbricenses disputat 9. quæst. 1. art. 2. qui hac etiam de causa distributivâ iustitiam distinguunt in retributivâ & punitivâ, Golius 5. ethic. c. 3. Magirus ibid. cap. 4. & 5. Heilandus c. 3. Sebast. Foxius compend. ethic. Philos. libr. 3. cap. 12. & alii. Ex Iurisconsultis unus instar multorum esse potest Matthæus VVelsenb. in paratit. ff. de iust. & iur. numer. 11. qui non tantum inter cæteros actus iustitiæ distributivæ etiam hunc refert, pœnas nocentibus pro cuiusque merito irrogare, sed id addit, nusquam certius conspici eius iustitiæ actionem quàm in pœnarum distributione: tamen enim lex in genere & abstracto citra aliquè personarum & rerum cõplexum, & sine ~~πρὸς~~ *πρὸς* πολεμικήν pœnâ constituat arithmetica proportionè, & ex lege talionis delicto eâ commensuret, tamè iustitiam hanc legis executricem, seu magistratum instrumentum iustitiæ cum legem exequitur, & in concreto de pœna personæ applicanda disputat, rem ad proportionem

nem

nem Geometricam reducere, Sic cenſet Weſenbecius, qui multis deinde ex jure confirmatum & idem delictum gravius in una perſona plerunque plecti quàm in altera. Similiter Myſingerus inſtitut. §. juſtitia de juſtit, & jur. juſtitiaæ diſtributivæ tranſcribit pœnarum inflictionem, & Ehemius lib. 5. de princip. jur. cap. 2. cum expedire id non poſſit, quomodo in delictis & pœnis habenda ſit ratio perſonarum, & Ariſtoteles tamen injuſtitia commutativa citra reſpectum perſonarum lucrum tantum & damnum attendendum eſſe adſerat; ita concludit, ut in commutationibus voluntariis, emptione, venditione & ſimilibus, juſticiam commutativam propriè & per ſe reperiri dicat, in delictis autem non tam illam quàm diſtributivam, idque ideo quod in iſtis omnium circumſtantiarum ratio habenda ſit. Quæ omnia eodem redeunt: ſive enim dicas, pœnas irrogandas eſſe ſecundum proportionem Geometricam; ſive pertinere eas ad juſticiam diſtributivam, perinde eſt, cum nec ad juſticiam diſtributivam ſpectare quidquam poſſit, niſi quod geometrica proportione conſtat, ut ſupra patuit, nec ad commutativam niſi quod arithmetica, ut jamjam expoſuimus. Ad hunc ergo modum illi.

Planè contrarium hiſ ſentit Ariſtoteles & veteres ethici omnes: non tantum enim pœnarum irrogationem actum faciunt juſticiæ commutativæ, ſed eam non minus quam emendationem cæterorum contractuum proportione arithmetica inſtituendam eſſe docent. Hinc Ariſtoteles

les lib. 5. cap. 4. utrosque contractus tam invitos  
quàm voluntarios ad unam speciem justitiæ re-  
fert: *Restat, inquit, iustam quod sit in emendandis com-  
merciis tam iis qua sua sponte faciunt homines quàm iis  
qua invitis ipsis efficiuntur.* At emendare contractus  
invitos ecquid aliud est quam delicta punire?  
Unde statim subijcit, omnia ista non geometri-  
ca sed arithmetica proportionè fieri: *nihil enim  
refert, ait, si probus pravo detraxerit, an pravius probus,  
neque si adulterium probus an pravius commiserit: sed  
ad differentiam nocumenti lex respicit tantum & perso-  
nis utitur & aequalibus, &c.* Nihil dici poterat diser-  
tius. Si homo aliàs probus, inquit, de fraudet bi-  
pedum etiam nequissimum, non minus est fraus  
& injuria, quàm si p-ssimus defraudet optimum,  
adeoque res pœna digna. Quod si digna pœna,  
punienda non minus est in ista persona quàm  
puniretur in altera: si enim personæ dignitas  
non vetat quo minus sit delictum quod delictum  
aliàs per se est, nec eadem impedire potest, ne  
pœna illâ dignum sit quàm aliàs committeretur. In  
hunc sensum Philosophus. Atq; inde paullò post  
dicit justum correctivum seu emendativum, nil  
nisi medium esse inter damnum & luctum. Idem  
cum Aristot. docent Averroes 5. ethic. capitè ci-  
tato. Div. Thomas ibid lect. 6. & 8. & 2. 2. quæst.  
61. art. 3. & Cajetanus ib. Actiajolus 5. ethic. c. 5.  
Soto de just. & jur. l. 3. quæst. 5. art. 1. ubi omnem  
actum vindicandi scelera & injuriam pertinere  
dicit ad justiciam commutativam, tam quatenus  
à privato quid vindicatur, quid delinquentem  
accusat, quàm quatenus à iudice qui pœnâ inflit-

git. Ecquid opus est auctorum testimonia colligere, cum apud omnes veteres philosophos inauditum sit correctionem ullius delicti ad iustitiam distributivam spectare, ut mirer scriptores ethicos supra laudatos, inprimis Conimbricenses, tam facile à recepta & vera sententia in tam novam opinionem, nullis adductis rationibus, concessisse: nam I Cti vitio id verti à deo non potest, cum tota hæc quæstio non iuridica sed ethica sit: etsi enim id jure cautum est; ut discrimen personarum attendatur in pœnis irrogandis, & peculiariter etiam, quomodo liber & servus, quomodo famosus & integræ famæ & c. plectendus tamen à deo actus ullus puniendi ad iustitiam distributivā pertineat potius quàm commutativam, item an istud sit proportionem geometricam non arithmeticam sequi; aut si quid his est simile, id ut ll. definitum non est, nec definiri poterat, ita nec Iurisconsulti propriè sed philosophi est de eo disputare.

Cæterum mihi dubium non est, quin rectissime sentiat Aristoteles, & cum eo communis veterum scholæ, & falsa sit ista recentiorum sententia. Nec censere aliter potest, qui mentem & doctrinam Aristotelis rectè perceperit, sicut iam ante nos id docuit V. Gl. Henning. Arsinæus tum peculiari disputat, hac de re; tum in doctrina politica lib. 1. cap. 18. Et sanè facile ostendemus non tantum verissimum esse, omnes pœnas infligi iure debere iuxta proportionem Arithmeticam, sed id etiam; nihil quodquam hoc cum iis quæ de personarum discrimine

X.

*Reijciunt  
opinio re-  
centio-  
rum.*

*De quib.  
in hac  
quaestione  
ordine di-  
cendum.*

mine in puniendis delictis observando ex jure civili allata sunt pugnare. Ut autem ordine procedamus tria ista explicabimus, primò probabimus adversam partem, nec distributivæ nec commutativæ justitiæ naturam rectè exponere, nec sibi ipsi satis hac in re constare, secundò pœnas non esse rem quæ distribui possit, nec nisi improprie ita dici, pœnas distribui; multò minus irrogari eas posse proportionem geometricam; & tertio denique non tollere ea proportionem arithmeticam; quæ de discrimine personarum supra allata sunt.

*xi.  
Recentio-  
res non sa-  
tis accu-  
ratè huc  
jus just.  
explicant.*

Primò itaque non satis accurate naturam utriusque justitiæ explicare eos, qui contrarium sentiunt, inde patet, quod VVeslenbecius inter munera justitiæ distributivæ etiam illud refert, ut ij conducantur à repub. milites, professores, medici, qui quàm rectissimè fungi istis officiis possunt, item ut salaria & stipendia ijs justè statuantur & persolvantur, quod citra omnem controversiam non distributivæ, sed commutativæ justitiæ est, ut infra docebitur. Idè sibi ipsi non constat, quum dicit, licet leges constituent pœnas arithmetica proportionem, & ita ut ex lege talionis pœnam delicto commensurent, justitiam tamen quæ leges illas exequatur, & magistratum quum exequitur, rem ad proportionem Geometricam reducere, quo quidem nihil incogitantius à viro tã docto adferi potuit. Patet hoc multis modis: cum n. executio legis nulla esse possit nisi quum id sit quod lex jubet, & planè eo modo quo jubet, nihil

nihil minus fieri potest, quàm ut rectè se habeat executio, quum proportionè Geometrica plectitur quod lex dicit non hac sed arithmetica plectendum esse. Certè cum respectu personarum punire quod lex sine eo puniendum sancit, non est id facere, quod lex illa mandat, sed directè contrarium. Quum id ergò facit magistratus, non jam est executor legis sed ejus quod legi simpliciter repugnat. Unde malè censet Wesenbecius alia proportionè constitui pœnam in legibus, alia institui executionem legum istarum. Deinde nemo justè punitur nisi qui ita punitur, ut lex præcipit. Sed lex vult citra respectum personatum & proportionè arithmetica homines puniri. Justè ergò non punitur qui cum respectu personarum & geometrica proportionè. Major per se manifesta est: quorsum enim lex cõstituit certas pœnas certis delictis & præcipit hoc delictum isto, istud illo modo puniri, si justum non est ita ea puniri, quorsum dicit nullum habendum respectum dignitatìs in pœnæ irrogatione, si omninò habenda est cum irrogatur? Minor ipsius Wesenbecii est. Nullo modo ergò justè infliguntur pœnæ si id alia proportionè fiat quàm arithmetica ex ipsa Wesenbecii hypothesi. Ne dicam nunc quod inauditum est aliud justitiæ actum esse præceptum de re facienda, aliud actionem juxta illud præceptum conformatam: si enim judicium rectè formare & præscribere quomodo punienda sint delicta, est commutativè justitiæ, seu ejus quæ proportionem arithmeti-

cam tenet, quomodo alterius erit juxta præscriptum illud punire? quomodo item justitia distributiva id præstat ut delicta rectè puniantur, nec eadem tamen docet quomodo puniri debeant.

## XII.

*Rationes  
VVeſemb.  
ſoluntur.*

Nec ad rem facit aut difficultatem tollit, quod dicit, legem in genere & in abstracto citra aliquem personarum & rerum complexum pœnam constituere, justitiam autem executricem seu magistratum, instrumentum justitiæ, cum legem exequitur, in concreto de pœna personæ applicanda disputare; sicut nec illud quod post subjungit, necesse esse ut recurratur ad analogiam Geometricam in justitia administranda, propterea quod personarum ingenia, voluntates, dignitates, status, consilia, dicta atque facta inæqualia sint, ut iis æqualia numero tribui non possint, unde natum illud quod vulgò dicitur, duo cum idem faciunt non esse idem. Nihil,

*Prima solutio.*

inquam, hæc omnia ad rem pertinent, imò pleaque falsa sunt. Primò enim nulla lex ita in genere & abstracto loquitur, ut non distinguat id quod ultro factum est ab eo, quod invito, quod ex proæresi & sæpè, ab illo quod semel & ex imbecillitate quadam &c. cum ista sint quæ tum genus tum speciem delicti constituunt. Sic nulla lex esse potest, quæ simpliciter jubeat capite plecti eum qui hominem interfecit: quid si enim magistratus id ratione officii faciat, aut privatus quisquam, sed planè invitus & inscius, aut cum moderamine inculpatæ tutelæ, aut certè miles hostem confecerit in prælio? At lex est quæ homicidium ita puniri præcipit: homicidiū

autem



autem est si privatus, sciens volens, extra moderamen inculpatæ tutelæ & cupiditate vindictæ, aut aliâs ex malitiâ hominem occiderit. Quod quum lex addit certè non est id citra personarum ut ipse vocat, & rerum complexum pœnam constituere.

Deinde expendenda utique sunt circumstantiæ, quas ait, scilicet, quo ingenio sit qui quid fecit, quo statu, quo consilio fecerit, qua voluntate: si quis enim hominem interemit multum refert an ingenio sit alias crudeli & perulanti; sine dubio enim tum non ex errore, sed pro ære fecit, an item hoc aut illo consilio id fecerit, puta ut cum custos portæ appositus esset, ipso interemptio hostem intromitteret: ita enim non homicidium simplex, sed patriæ proditio est, an denique ipse filius sit ejus quem interemit: ita enim præter prodicionem erit participium. Sed hæc omnia accuratè examinare non est pœnam legibus statutam personis attemperare: aut præ conditione personarum pœnas illas exasperare aut mitigare, sed delicta inter se distinguere: ut quid deliquerit reus & cujus legis pœnæ obnoxium se fecerit, sciatur, sicut postea pluribus explicabitur. Eadem ratio est de cæteris, puta quod dicit acerbius puniri eum qui sæpè idem commisit quàm qui semel tantum, qui consultò quàm qui ignoranter, qui per lasciviam, quàm qui per ebrietatem, qui magistratum aut patrem violat quàm qui extraneum. Ecquid enim id mirum est, inæqualès pœnas esse, si delicta sint longè imparia, cum res etiam

XII.  
Secundæ.

quæ venduntur uno pretio non vendantur quoties ipsæ inter se inæquales sunt ; Nec ipsæ leges unam & eandem pœnam statuunt parricidæ & simplici homicidæ , ei qui errore hominem interfecit & qui ex malitia, ut ita ista distinguantur non tantum in executione legum , sed ipsis etiam legibus.

XIV.  
Tertia.

Tertiò non rectè accipit vocabulum personæ: quoties enim in justitia distributiva dicitur haberi ratio personarum , nihil aliud intelligitur quàm locus & dignitas quam quis habet in republ. ut suprâ patuit. Quid autem dignitas personæ ad istas circumstantias , sciensne quisquid fecerit an inscius , ex malitia an ebrietate &c. Certè si pro ratione personarum essent constituendæ pœnæ , non statueretur alia homicidæ, alia furi, alia parricidæ, alia proditori, sed alia magistratui qui sit homicida, proditor, parricida, &c. alia subdito qui hujusmodi quid perpetrarit, alia nobili, alia ignobili, &c. Quod quia interdum sic fieri videtur illud est quod hic loci difficultatem parit ; non istæ circumstantiæ quæ à Vvesenbecio ad feruntur : magistratum enim, subditum, nobilem & ignobilem esse, personam in republ. facit, homicidæ autem, parricidæ &c. non à persona & dignitate quam gerunt , sed delictis appellantur. Hæc sunt in quibus ideò, ut dixi, cessat doctissimus Wesenbecius, quod naturam justitiæ tam distributiæ quàm commutatiæ non rectè & attentè satis considerarit. In eundem lapidem impingit Ehemius, ut insipienti palam esse potest. Tantum de primo puncto.

Secunda

Secundò dico, pœnas non esse aliquid quod sub distributionem cadat, & eas rectè dici irrogari aut infligi, at non distribui. Ratio in promptu est: nihil enim distribuitur, nisi quod commune est, seu quod cum totius communitalis sit, inter membra ejus partimur; sicut est pecunia publica, agri ab hostibus capti, honores & dignitates quas resp. confert, onera item quæ civibus imponit & si quid his est simile. At tale quid non sunt pœnæ: ecquis enim sicut dicimus certas pecunias, certos agros esse totius comunitatis, aut etiam certa onera à tota republica ferenda, & inter cives partienda, ita quoque dixerit supplicia hæc aut illa reip. esse & civibus tanquam de publico depromi, seu inter eos ita dividenda, ut illorum singuli partem auferant? Deinde quidquid distribuitur id unicuique; ideo vel confertur vel imponitur, quia civis & pars ejus communitalis est, cujus vel bona illa sunt vel mala. At nemo ideo supplicio afficitur quia civis est, nec publico nomine ad pœnas sufferendas tenetur sicut ad onera: etsi enim civis est qui punitur, non tamen ideo punitur quia civis est, sed quia hoc aut illud deliquit, quod puniri reipub. interest. Tertio quidquid distribuitur ejus aliqua portio omnibus cedit. At nunquam pœnæ irrogantur civibus omnibus. Ergò non distribuuntur. Quarto quod commune est & distribuendum, illud natura prius est partibus, in quas tribuitur, sicut tota summa prædæ inter milites distribuenda prior est portione quam ex ea capit imperator, legatus, &c. At quum pœnæ multis simul infliguntur, aggregatio

gatio pœnarum istarum non est prior singulis pœnis quę huic aut illi nocenti infliguntur. Sanę prout major aut minor pecunię vis ab hostibus capta in promptu est, ita unicuique militi majus aut minus pręmium assignatur. At ita res hic se non habet: nec ideo enim magistratus ex facinorosis hunc furcę, illum igni, tertium cruci addicit, &c. quod tantum suppliciorum uni facinorosorum gregi semel destinatum sit: quin contrę quando plures supplicio simul afficiuntur, ideo major aut minor cumulus suppliciorum oritur & atrociora vel minus atrocia supplicia sunt, quia huic aut illi ex facinorosis istis hoc aut illud supplicium debetur. Ex his liquido patet pœnas nec esse quid commune, nec sub distributione, si rectę loquaris, cadere.

XVI.

*Nec irrogari possunt pro portione Geometrica.*

Sed & illud facile evincitur proportionē Geometricā eas non irrogari. Proportio Geometrica id tantum requirit, ut pro inęqualitate personarum seu dignitatis civium in repub. inęqualia etiam sint pręmia aut onera, ita ut majus pręmium & onus ferat, qui major, minus qui minor est. Quod si ergo Geometricę delicta quoque puniendā sunt, jam pro eodem delicto nobilis & liber acrius, ignobiles & servus mitius puniendus fuerit. At plane contrarium nonnunquam fit, & fieri ipsi volunt qui contrarium sentiunt. Non ergo Geometricā proportionē delicta puniuntur. Deinde si secundum proportionem Geometricā plectantur delicta, sufficit si simpliciter, quando unum eorum majus est altero, tanto etiam graviore pœna afficiatur. Sed hoc non

*Id probatur primò Deinde.*

non sufficit commiserit enim unus eorum for-  
 nicationem, alter simplex adulterium, tertius a-  
 adulterium duplex, quartus incestum. Ponatur  
 item adulterium simplex crimen esse duplo ma-  
 jus fornicatione, duplex adulterium rursus du-  
 plo majus simplici, incestus totuplo majus deli-  
 ctum adulterio etiam duplici. Dico, si juste puni-  
 ti fuerint, ubi posterioris pœna duplo major fue-  
 rit pœnæ prioris, ergo fornicator pœnæ loco pen-  
 dat duos obolos, simplex adulter quatuor, adul-  
 ter duplex octo, incestuosus sedecim. Certè hæc  
 proportio est Geometrica: sicut enim se habet  
 persona, ut illi vocant, ad personam, ita planè  
 & pœna ad pœnam. Dices, primo illi non esse  
 pœnam sufficientem statutam, atq; ideò nec cæ-  
 ris. At unde æstimabitur, quanta debeat esse pri-  
 mi istius pœnæ proportio enim ex qua ipsi totum  
 hoc negotium arcessunt id jubet tatum, ut totu-  
 plo minor sit pœna primi pœna secundi, quotu-  
 plo crimen secundi majus est crimine primi: quã-  
 tam autem oporteat pœnam illam esse non ex-  
 primit, nec verò exprimere potest. Fundamentũ  
 itaque justæ punishmentis hic est, æstimare quanta  
 pœna debeat fornicationi, quod certè compa-  
 ratione illa tum delictorum illorum omnia  
 inter se, tum & pœnarum, longè prius est. At pœ-  
 nam simpliciter adæquare delicto, id est, rem  
 rei, arithmeticæ proportionis est. Vt iusta ergò  
 sit ejusmodi, ut illi vocant, pœnarum distributio,  
 non ea ex collatione multarum personarum  
 delinquentium inter se, ut ex comparatione  
 plurimum pœnarum, sed ex adæquatione unius-

cujusque delicti & pœna ejus petenda est. Vnde Soto loo.cit.art.ad 1.argum. rectè dicit, punitio-  
nem per se respicere quam quis injuriam irroga-  
rit, ut pari plectatur supplicio, nec primò atten-  
dere ad delictorum proportionem, sed ad cujus-  
que quantitatem, nec nisi ex consequenti tan-  
tùm servari in suppliciis eandem proportionem  
quæ erat in criminibus. In hunc modum ille.

xvii.  
*Tertio.*

Tertio, distributio iusta esse potest, etiam ubi  
unusquisque non consequitur tantum quantum  
merebatur, sed quantum ex summa distribuenda,  
quæ in promptu est, percipere suo loco po-  
tuit, sicut superiori disputatione, ostendimus. At  
quis dixerit pœnas unquam justè irrogari quum  
pro merito quis non punitur? Equidem in di-  
stributione prædæ dixerit imperator, qui præ-  
dam militibus distribuit, plura militum virtutem  
mereri, sed prædam hac vice majorem non esse:  
quantum enim cuique cedat, ex summa prædæ  
æstimandum est. Verum ubi delicta punienda  
sunt dici nequit, majora supplicia esse facinoro-  
sos illos commeritos, sed de cumulo suppliciorum  
quæ ipsis destinata sint, ea non suppetere. Quar-  
to, si idcò observanda est proportio Geometri-  
ca in pœnis constituendis, quia quum diversa &  
inæqualia sunt delicta, gradatio quædam est in-  
ter pœnas ut inter delicta, jam etiam in propriè  
dictis contractibus eadem proportio locum ha-  
bet. Sic vendit civium unus ædes, alter fun-  
dum, tertius arcam. Fundus is duplo melior est  
ædibus, arx quadruplo melior fundo. Emptio &  
venditio iusta esse nequit, nisi pretium arcis qua-  
druplo

duplo majus sit pretio fundi, & rursus pretium fundi duplo majus pretio ædium. Nec tamen quisquam unquam tam absurdus fuit, ut emptiones vel venditiones dixerit secundum proportionem Geometricam instituendas esse. Quemadmodum itaque quum emuntur & venduntur res diversæ & inæquales, pretia earum proportionem inter se habent eandem quam res ipsæ, nec tamen proportio ista fundamentum est emtionum, sed ex accidenti supervenit, ita etiam de delictis res se habet quum multa sunt & inæqualia. Si enim justè punitum sit unum eorum, fieri nequit, ut alterum aliquod duplo majus pari pœna plectatur. Si fiat, jam vel prior pœna non fuit justa & adequata priori delicto, vel certe hæc posterior justa non est. Verum hoc omne per accidens tantum fieri manifestum est. Hæc de puncto secundo, restat tertium.

Constat itaque jam pœnas proportionem Geometricam interrogari non posse. Tantum id adhuc explicandum est, an & quomodo ergo arithmetica proportio in puniendo observari possit, si discrimen personarum habeatur, quod certo modo faciendum esse suprà dictum est, & exerte si nobiles & in dignitate positi, aut virtute aliàs præstantes & bene meriti, mitius nonnunquam puniantur quàm alij. Vbi ante omnia id supponendum est, non quæri hîc de ijs quæ nonnunquam publici boni interest ad vivum non resecari, nec de eo quod fit cum necessitati cedendū aliquando est, aut aliàs princeps ex clementia ignoscit ei quod justè punire poterat, sed ea re,

*XVIII. Quomodo non violenter proportionem arithmetice, si nobiles mitius puniantur quàm alii.*

*Delicta duplicia.*

*In non-  
nullis de-  
lictis no-  
bilis a-  
crius aliis  
punitur.*

quum delicta iusta pœna afficienda sunt. Hoc  
supposito notandum primò est, duplicia in uni-  
versum esse delicta, alia quæ ex proæresi com-  
mittuntur, alia quæ ex imbecillitate tantum hu-  
mana. Illa tantum abest, ut in nobili & eo qui in  
dignitate constitutus est, quum iure experiun-  
dum est, mitius puniri fas sit, ut gravius plecten-  
da sint. Causa est, quia tum delicta ista maiora  
etiam sunt, quàm si eadem alius perpetrasset. Pri-  
mò enim nobiles & cæteri, quos cum iis hic con-  
iunximus, facilius resistere poterant malo, cum  
scientiâ & virtute maiore instructi fuerint, quod  
quia non fecerunt, hoc gravius peccarunt, iuxta  
illud in sacris, *Sciens voluntatem Domini sui & non fa-  
ciens plagis vapulabit multis.* Lucæ 12. 47. Deinde  
maior eorum est in Deum ingratitudo, à quo  
maioribus bonis quam cæteri ornati sunt: unde  
etiam hoc nomine maiora sunt quæ committunt.  
*Exiguo enim conceditur misericordia, potentes autem po-  
tenter tormenta patientur,* dicitur Sapiēt. 6. 7. Tertiò  
deterius est omne crimen quo magis proficisci-  
tur ab iis quos virtuti præ cæteris litare decebat.  
Quartò etiam propter exemplum & publicum  
scandalum. De iis itaque peccatis quæstio accipi  
non potest. At quæ imbecillitate tantum com-  
mittuntur, ea huc pertinent. Hoc primò scien-  
dum est. Deinde & illud observandum, aliud  
esse, cum constat de *negapiēti* mala; aliud cum  
præsumitur tantum. Ubi constat de ea, nulla  
est prærogativa nobilis aut in dignitate positi, ut  
iam diximus: at ubi non constat, liquido præro-  
gativam habet. Quidquid enim raro quis fe-  
cit,

*Aliud est  
cum con-  
stat de pro-  
æresi aliud  
cum non  
constat*

cit,



cit, id magis ex imbecillitate aliquâ humana quâ ex proæresi fecisse censetur, cum contrâ de proæresi coniectura certissima sit, si quis quid sæpè & iteratò commiserit. Proæresin autem multum elevare & aggravare factum, ostendimus ubi de principiis actionum dictum fuit. Tertio notandum est, pœnam quæ qualitate una & eadem sæpè est, quantitate tamen differre, prout alia atque alia persona eâ afficitur. Ita fustigari mitior pœna est servo aut perdito alicui nebuloni, quàm capite plecti, ingenuo autem & verè nobili etiam maior. Unde fit ut nobilis cum pœna afficitur nonnunquam mitiori in speciem, æquè tamen graviter plectatur re ipsâ, atque alius quispiam cui maior, ut videtur, pœna decreta est, cum etiam una circumstantia efficere possit, ut una alias & eadem pœna duplo maior sit quando uni infligitur, atque est cum infligitur alteri. Sic oculo privari longè sine dubio gravius malum est uno oculo quam ei qui ambos oculos habet, quod ille isto pacto planè excæcerur, hic ex parte tantum. Certè æquali pœna utrumq; non affeceris, si utrique oculum erueris, etsi una & eadem pœna esse videtur.

*Pœna  
que qua-  
litate est  
eadem,  
non est  
quantita-  
te in di-  
versis per-  
sonis.*

His suppositis, facilè iam ostendi potest quomodo interdum mitius aliis puniantur nobiles & virtute præstantes, nec tamen violetur proportio Arithmetica. Præceptum proportionis illius est, tam nobilem quàm quemvis alium suppliciter tantum plectendum esse, quantum alteri nocuit aut iniuriæ fecit, sive, æquale esse simpliciter debere delictum cuiusque & pœnam,

**XIX.**  
*Immuta  
regula A-  
rithmeti-  
cæ propor-  
tionis.*

nam. Hoc immotum est & manet etiam, cum  
 biles interdum mitius puniuntur quàm alii: nam  
 vel delictum tam grave non est in nobili quàm  
 in alio, vel si est, non præsumitur tam facile, vel  
 etiam pœna una & eadem est, etsi vulgò non ap-  
 pareret. Ita commiserit idem delictum duo, unus  
 virtute præstans, alter nulla virtute. Conster e-  
 nim utrumque non tam ex proæresi, quàm ex  
 affectu & imbecillitate aliqua peccasse. Erit ni-  
 hilominus delictum illius levius quàm est huius,  
 Causa est, quia cum ille sedulo semper caverit ne  
 tale quid delinqueret, ex minori negligentia la-  
 psus est, hic verò etsi nec ipse ex proæresi fecit,  
 majorem culpam habet, quia minus caverat. U-  
 num igitur est delictum, sed alterum altero gra-  
 vius. Vnde etiam major pœna uni merito infligi-  
 tur quàm alteri. Rursus si duo commiserint i-  
 dem delictum, nec conster ex imbecillitate eos  
 peccasse, majus iterum censetur delictum ejus,  
 qui sæpè ante peccavit, quia ex proæresi fecisse  
 judicatur, minus istius, qui tale quidquam facere  
 non consuevit. Denique sit idem & æquè gra-  
 ve delictum aliquod viri præstantis & hominis  
 aliàs nequam, Fustigatur unus, alter è senatu ej-  
 citur; mitior apparet pœna posterior, sed æquè  
 gravis est, cum homo perditus vix tanti faciat fu-  
 stigationem, quantialter ille eam ignominiam.  
 Quæ cum ita se habeant, mitius puniri dicuntur  
 nobiles nonnunquam, vel quia minus deliquere-  
 runt, et cum idem crimen commisisse vulgò cen-  
 sentur, vel quia pœna mitior apparet quæ æq; il-  
 lis gravis est. Sed hæc nō vetant quo minus tantū  
 pœnæ

Quousq;  
 iustitia  
 commu-  
 sativa  
 attendat  
 conditio-  
 nem per-  
 sonarum.

pœnæ luant quantum nocuerunt. Quare nec proportionem arithmeticam violant.

Dices, haberi tamen hic rationem personæ & dignitatis, cum juxta arithmeticam proportionem personis utamur ut æqualibus; dicit ut Aristoteles, & geometricum tantum sit personas respicere aut ex eorum dignitate re arcessere. Respondeo planè per accidens esse quod dignitas personæ hic respicitur, cum proportio geometrica per se eam spectet: hæc enim simpliciter fundatur super comparatione personarum & præmiotum: Arith. non super personarum dignitate, sed nuda adæquatione delicti & pœnæ. Illic igitur per se attenditur persona, hic per accidens, siue eatenus tantum quatenus persona pœnam aut delictum vel aggravat vel elevat. Docet hoc Thomas l. citat. quæst. 61. att. 2. ad ultim. *Conditio personæ, inquit, in distributiva justitia attenditur, secundum se, in commutativa secundum quod in hoc diversificatur res.* Et ibi Cajetanus: *Commutativa iustitia non attendit conditionem personæ, sed præsupposita rei quantitate tam ex persona quam cuiuscunque alterius circumstantia conditione, adæquare uni rei rem alteram absolute quarit: distributiva verò in constituendo æqualitatis formam conditiones personarum assumit, quasi mensuras æqualitatis rerum, &c.* Consideratio prima est ad materiam, scilicet ad quantitatem rei, ista verò ad æquationis formam.

Quibus ita explicatis in proclivi jam est tum loca ipsius Aristotel. quæ pugnare inter se videri supra diximus, tum Aristotelem cum ijs quæ ex jure civili allata sunt conciliare, imò ad om-

XX.  
*Obiectio-  
nis cuius-  
dam solutio.*

XXI.  
*Quomodo  
cum A-  
rist. con-  
ciliantur,  
quæ ex  
nia*

*iure ci-  
vili su-  
pra allata  
sunt.*

nia respondere quæ in contrarium adducta sunt. Dicit Philosophus 5. eth. c. 4. justitiam commutativam respicere tantum differentiam nocu-  
menti nec personam, sed personis uti æqualibus; primò scilicet & per se: id enim tantum agit, ut  
pœnam delicto adæquet. Idem c. 5. & cum eo jus  
civile ait, in puniendis delictis etiam personas di-  
stinguendas, puta per accidens & ex consequen-  
ti, scilicet quatenus ex personæ conditione vel  
delictum vel pœnæ quantitas æstimari potest.  
Personæ itaque dignitas non attenditur hic pro-  
pter se, ut in distributiva justitia; sed tantum ad  
delicti & pœnæ magnitudinem eò rectius intel-  
ligendam, ex æquatione autem delicti & pœnæ per  
se spectatur. Tantum de hac questione.

**XXI.**  
*Vnum ad  
huc de in-  
just. hac  
notatur.*

Unum adhuc nota de justitia commutativa  
ex Molina de just. tract. 1. disputat. 2. h. 9. quàm-  
vis illa frequentius versetur inter partes rei publ.  
in se; posse tamen eam etiam intercedere inter  
reipubl. ipsam & partem ejus; si ve intret totam  
communitatem & ejus aliquem civem. Ita si re-  
ipubl. quidquam emat à privato; cogitur pre-  
tium solvere juxta proportionem arithmeticam, non  
minus atq; privatus contrahit eam æquè ut pri-  
vatus. Eodem quoq; modo solvit stipendia pro  
præstito servitio ijs quorum operam peculiartiter  
cōduxit secundum justitiam commutativam non  
distributivam, sicut rectè notat Thom. 2. 2. q. 61.  
artic. 4. ad 2. salarii enim omne compensatio  
quædam est operæ quam ex contractu quis præ-  
stat: cum distributio publicorum bonorum nec  
ex contractu fiat, nec ad quidquam compensan-  
dum;

lum, sed ideò, ut ejus quod jam antè totius est  
communitatis singuli partem possideant.

Haftenus de natura justitiæ tam commutati-  
væ quàm distributivæ dictum est. Cæterum cum  
commutativa, sicut paruit, in eo sit posita, ut  
quantum vel boni vel mali alter alteri facit, tan-  
tum recipiat, quæri hîc jam potest, an ergo justitia  
commutativa eadem sit cum talione. Cujus rei  
explicatio quia multum confert tum ad confir-  
manda ea quæ hucusque allata sunt, tum ad na-  
turam commutationis rectius adhuc percipien-  
dam, omitti hîc non debet. Appellatur autem ta-  
lio cum quis id vicissim patitur quod alteri fecit.  
Græci vocant τὸ ἀντιπεπονθὸς, quod vulgò con-  
tra passum interpretantur.

Plurimum huic rei sive legi Pythagoreos o-  
lim tribuisse, ita ut omnem justitiam nuda talio-  
nie comprehendî statuerint, imò secundum eam  
jus ab ipso Rhadamanto inferis dici prædicarint,  
autor est Aristoteles 5. ethic. ca. 5. & 1. magn. mor.  
c. 3 4. & ita eos sensisse ex Æschyli *in ieris* confir-  
mat Pet. Victorinus. Idque etiam Theſeus ita a-  
pud Seneçam narrat Herc. furente:

XXIII:  
De talio-  
ne.

XXIV:  
Quid de  
talione  
senserint  
Pythagoræ  
rei.

*Amphit, Quis iste verè rector atque æquus arbiter è*

*Theſ. Non unus aliâ sede quaſitor ſedens,*

*Iudicia trepidus ſera ſortitur reis.*

*Auditur illo Gnoſſius Minos foro,*

*Rhadamantus illo; Theridis hoc audit ſocer.*

*Quod quîſque fecit patitur, auctorem ſcelus*

*Reperit, ſuoque exemplo premitur notens.*

Cameſtatius tamen iniquiorè Pythagoreis Ariſt.  
hic eſſe cêlet, nec eos de ſimplici talione locutos  
inde

Inde conijcit, tùm quod tanti viri ignorare non potuerint ejusmodi talionem in vita usurpati nõ posse, tùm quod ipsa vox *ἡ ἀντιτιτὸν τοῦ τοῦ* si geometricè sumatur, ut sumserint absque dubio Pythagorei, Geometricæ scientiæ magistri, semper proportionale aliquid dicat, sicut *ὀργανὰ ἀντιτιτὸν τοῦ τοῦ* vocentur figuræ, quæ proportionalia latera habent. Idem hic in Aristotele desiderat Eheimius lib. 5. de princip. jur. c. 2. quanquam is novas rationes non adfert, imò totam observationem istam dissimulato nomine ex Cameratio excipit. Verùm etsi conjectura ista Camerarij inrudita non est, nobis tamen vix fit verisimile, Philosophum sine causâ & toties ac tam disertè Pythagoricos reprehendere, sed oportet omninò eos, aut multos ex ijs, vel in re vel certè in modo loquendi hic hallucinatos esse. Porro fuit etiam inter leges XII. tabularum similis aliqua, ut testatur Agellius lib. 20. c. 1. *si membrum rupit, ni cum eo pacto, talio esto.* Quin ipse quoque sacræ literæ talionem approbare videntur. Ita Exod. 21. 23. legitur: *Reddet vitam pro vita: oculum pro oculo; dentem pro dente, manum pro manu, pedem pro pede, unctionem pro unctione, vulnus pro vulnere: tunicem pro tunice.* Quod reperitur Deut. 19. v. ult. Et Sap. 11. 16. dicitur: *Pro insipientibus autem ratiocinationibus insipientia ipsorum, quibus errantes colebāt reptilia rationis expertia & bestias viles, misisti contra eos multitudinem animantium rationis expertum ad vindictam ut cognoscerent per qua quis peccat per eadem ipsum puniri.*

XXV.  
Nuda talio.

Verum res ista difficultatem magnam non habet: quanquam enim talio simplex neque ad justitiam

justitiam distributivam, neque ad commutativam quadrat, ut rectè docet Aristoteles, dubium tamen nullum est, quin in omni commutatione tam voluntaria quàm invita locum illa obtineat, si cum proportionem usurpetur, id est, talionem voces, non cum simpliciter quis id patitur quod fecit, sed illud quod ei respondet aut æquale est. Talionem simpliciter ita dictam adhiberi in neutra specie justitiæ posse facile patet. Cum distributiva quidem nihil commune habet: in distributione enim propriè nō datur hoc pro illo, sicut toties jam diximus, sed id quod jam ante omnium erat, singulis tribuitur. Aristoteles certè tam manifestum id esse putat in distributiva nullam talionem esse posse, ut nudè id tantum dicat, nec ullam rationem addat c. 5. t. 43. nam quū r. seq. ait, multum interesse an quis magistratum gerens percusserit quempiam, &c. de commutativa justitia loquitur, sicut rectè cum exponunt Averroes, Thomas, Acciaiolus, non distributiva, ut perperam hoc accipiunt recentiores Ethici & ipse Græcus interpres Eustratius. In commutativa autem observari eam itidem non posse in contractibus invitis, vel hoc indicio est: si quis gerens magistratum verberarit subditum is nec re-percutietur: quod si autem subditus ipsum percusserit, non tantum male multabitur vicissim, sed etiam supplicio fortè afficietur. Nec enim dicam quod multum intersit, an sponte quis quid fecerit an invitus: quod si enim invitus fortè pulsavit alterum, non tantum non re-percutietur, sed

nullo etiam modo pleāetur. In delictis ergo puniendis non observatur. Multò minus in commutationibus voluntariis attendi potest. Nec enim emptor id recipere vult quod alteri dat simpliciter & absolute, sed hoc agit ut recipiat quod bonitati ejus rei respondeat, quam venditori ille tradit. Idque tam certum est, ut simpliciter ratione rerum permutationes peragenda sint, nullæ commutationes, nullæ Respublic. permanere possint. Cum enim civitas sit multitudo differentium specie, ut docet Aristoteles 1. Polit. cap. 1. hoc est, ex diversorum generum artificibus & civibus constet, ut Plato ostendit 2. de Rep. & Aristot. etiam in ethicis loc. cit. t. 48. non potest civium alter cum altero permutare ita ut idem vel numero vel specie reddat quod accipit. Quin ideo permutationes instituuntur, ut id quisq; accipiat ab alio quo ipse indiget, quemadmodum explicatur 1. Polit. cap. 6. Ita agricola frumentum dat sutori, sutor contra agricolæ calceū. Calceus hic idem quid non est cum frumento, sed tanti tamen, si æstimes, quanti frumentum est quod accepit. Unde constat nec justum esse, nec fieri posse, ut in commutationibus sive voluntariis sive invitis idem simpliciter quis recipiat quod facit aut alteri dat, sive ut alio simplex semper usurpetur. Quod si autem adhibeatur cum proportionē, & reddatur idem, non quod simpliciter, sed quod ratione æstimationis tale est, longè aliter res comparata est. Id sic ostenditur. Notum est ex ijs quæ supra disputata sunt, justam commutationem in eo positam esse, ut res quæ permutan-

*Talis proportionalis locum habet in just. commutativa*



tur inter se adæquantur. Ita delictum & pœna, precium & res empta æqualia esse debent. Quod quando fit, tantum quis patitur, quantum fecit, & tantum recipit, quantum alteri dedit. Sed æqualitas illa ex æstimatione rerum permutandarum petitur, ut idem dicatur passus quis, si ita puniatur ut pœna facti illo digna sit, item si pro ædibus alteri concessis tantum pecuniæ accipiat, quanti ipsæ ædes erant. Quapropter hic talio quædam est, maximè in delictorum coercionem; (hic non propriè est facere & pati) neque tamen simplex illa aut absoluta, sed proportionem aliquam constans: idem enim patitur quis quod fecit, si idem dicas, quidquid ratione æstimationis tale est; licet alias ratione naturæ & substantiæ suæ, vel etiam quantitatis Physicæ dissimile sit. Fit eadem quidem interdum, ut plane idem reddatur alicui quod alteri fecerit; sed id eatenus tantum fit quatenus res illæ etiam ratione æstimationis coincidunt: Ita quia nulla potest esse alia æstimationis vitæ hominis, redditur anima pro anima. In ijs autem quæ æstimari possunt sufficit si æquivalens persolvatur.

Sed hic accuratè notandum est quod jam .XXV.  
ante invenimus, æstimationem illam rerum *Vnde dē-*  
non dependere propriè ex perfectione natu- *pendens*  
rali earum; putà magnitudine, numero, aut *rerum æ-*  
qualitate Physicæ; vel in universum nobilitate *stimationis*  
essentiæ; sed vel ex usu & utilitate aut indigen- *in vita*  
tia eorum in vita, vel certè ex hominum opi- *communi:*  
nione: tantò enim majoris vel minoris res pu-  
tarur esse, quantò ea magis ad vitam necessaria

aut utilis est, vel certè esse creditur. Præclarè hoc explicavit D. August. lib. 11. de civit. Dei c. 16. ubi cum dignitatem rerum ex natura & gradibus perfectionis naturalis explicasset, hæc subiungit: *Est etiam aliud atq; aliud pro suo cuiusq; usu estimationis modus quo fit, ut quadam sensu carentia quibusdam sentientibus præponamus, in tantum ut si potestas esset ea prorsus de rerum natura auferre vellemus, sive quem in ea locum habeant ignorantes, sive etiã si sciamus nostris ea locum habeant ignorantes, sive etiã si sciamus nostris ea commodis postponentes. Quis enim non domi sua parvam habere quàm mures, numos quàm pulices malit? Sed quid mirum cum in ipsorum etiã hominum estimatione, quorum cerè natura tantæ est dignitatis, plerumq; carius comparatur equus quàm servus, gemma quàm famula; Hæc ille: unde intelligi potest qualis estimatio in rerum commutationibus observetur. Quoties itaq; id quis recipit quod æquivalens est ei ratione eiusmodi estimationis quod alteri dedit, non habet de quo conqueratur, licet inanimatum sæpè pro animato recipiat: nec numero aut magnitudine aut etiã specie idem illud fit. Idque necessum est sic fieri: sine estimatione enim tali res æquari inter se nequeunt, adeoq; nec permutari, cum solus usus ea quæ naturâ sua maximè sunt discrepantia æqualia reddat.*

XXVII. Huiusmodi igitur talio in omni iustitia commutativa occurrit, imò sine ea manere vita hominum nequit: unde ipsa etiã natura homines hanc docuit, ut multis ostendit Aristoteles 1. Politic. 6. Neque tantum inde est quod merces pro mercibus dantur, sicut etiam num hodie per-

permutare solent gentes barbaræ sed indidem etiam est inventio ipsius numi: nam cum à remotioribus etiam quæreretur vitæ subsidium, inquit Aristoteles, importando illa quibus indigebant, & exportando illa quibus abundabant, necessario numi introductus est usus. Neque enim alias deferri possunt singula ad vitam necessaria. Quare ad permutationes faciendas tale aliquid composuerunt inter se dare & accipere, quod utilium quidpiam existens haberet usum commodandi facilem ad vitam, ceu ferrum & argentum, & si quid aliud tale, primò simpliciter definitū quantitate & pondere, postmodum verò etiam signo impressum: quo à mensura liberi essent: nam signum positum est ad quantitatem demonstrandum. Hæc Aristoteles.

Hinc duo discite de numo, quid sit, & cui fini inventus, Est, aut esse debet, quidpiam rerum utilium, siue tale quod communi cōsensu homines ament. Finem habet, ut sit instrumentum commutationum & commerciorum, non tantum quæ exercentur inter cives unius Reipubl. maximè eorum quæ nobis intercedunt cum longè distitis. Quidquid ergo communi cōsensu mortales in precio non habent, aut non facile aliò asportari potest, id numus esse nequit. Dicit eundem Aristoteles 5. Eth. cap. 5. t. 51. numum ex instituto hominum tantum factum esse, nec natura constare, sed hominum opinione, (id enim est apud Aristotel. illud, νόμος εἶναι; non, leges constare, ut vulgè interpretantur) ut nobis situm sit eum mutare & inutile facere. At non loquitur de instituto & opinione unius Reip. aut gentis, sed de opinione omnium hominum, vel saltem ma-

XXVIII.  
Quid sit  
numus &  
quo fine  
inventus.

ximæ hominum partis. Nec ullum est dubium  
 quod aurum & argentum sit in precio, hoc inde  
 adeo non esse, quod sua natura sit res tam nobilis  
 aut vitæ tam necessaria: nec enim vel sitim vel fa-  
 mem sedare, vel cæli injuriam propulsare per se  
 potest; unde vitæ etiam manere sine utroque po-  
 terit. Præclarè hoc docet Philosophus 1. Polit. c.  
 6. *Mutatis iis, inquit qui utuntur nullius pretii aut uti-  
 litatis est ad aliquod necessarium, & locuples numis  
 penuriam patietur alimenti. Quidquid autem bo-  
 nitatis habet, illud inde est quod utroque metal-  
 lo commutare cibum, potum, vestes, ceteraque  
 quæ vitæ revera necessaria sunt, possumus. Com-  
 mutari porro utroq; illa possunt idèd, quia om-  
 nes homines communi quodam consensu au-  
 rum & argentum amant, cujus rei tum aliæ causæ  
 sunt tum si quæ sunt in re ipsa, præcipuè vi-  
 dentur de auro illæ esse, quas Plinius lib. 33. hist.  
 nat. cap. 3. recenset. Verba ejus adscribimus.*  
*Præcipuam, inquit, gratiam huic materia fuisse arbi-  
 tror, non colorem qui in argento clarior est, magisque diei  
 similis, & idèd militaribus signis familiarior, quoniam u-  
 longius fulget, &c. Nec pondere aut facilitate materia  
 prælatum est cæteris, cum cedat utrumque plumbo, sed  
 quia eorum uni nihil deperit igne, tutò etiam in incendiis  
 rogi quo durante materia: quin imò quo sæpius arsit  
 proficit ad bonitatem, &c. Altera causa pretij major: quàm  
 minimum usus deterit, cum argento, aere, plumbo, lineis  
 producantur manusque sordescant decidua materia. Nec  
 aliud laxius dilatatur, aut numerosius dividitur, ut po-  
 teæ cuius uncia in septuagenas & quinquagenas pluresque  
 bra-*

*bracteas quater unum utroque digitorum spargantur.* Ista Plinius: qui quæ de auro dicit, et etsi non æque, ex parte tamen etiã argento competunt. Hæ ergo & huiusmodi sunt causæ ex quibus amor ille utriusque metalli ortus primum est & unde æstimari utrumq; capit, quibus sine dubio ipsa hominum stultitia multum adjecit. Ex communi autem ista opinione & amore evenit, ut in tanto precio habeatur & instrumentum commutationum factum sit. Quod si autem tollatur illa opinio, & ut nunc omnibus grata ista metalla sunt, ita in prætio caperit haberi plumbum vel æs, jam illud commutationis instrumentum erit, & aurum ac argentum negligetur, sicut in multis novi orbis provinciis à principio ab incolis in nullo pretio habitum fuisse legimus.

Opinione itaq; hæc constant & arbitrio hominum, sed communi omnium aut plerorumque, *XXIX. Quis & quousque constat hominum opinione.* saltem eorum quibuscum comærcia nobis intercedunt. At non instituto & arbitrio unius gentis aut regionis, ut dixi, nisi forte illa nulla comærcia cū alijs habeat præterquã dādo merces pro mercibus. Sic in Tartaria monetam faciunt de papyro forma quadratâ, cui regis sive imperatoris signū imprimitur, ut scribit Haythonus in hist. oriental. c. 2. vel de cortice mori arboris, ut tradit Paulus Venetus l. 2. c. 21. Licet hoc utiq; illi genti, sed istis tamen numis ab exteris nihil e ment: nec enim quisquam Europæorum aut Turcarum pro corticis alicujus aut papyri exigua portione quidquam cū illis commutabit. Sed istiusmodi numus Tartaris sufficit ideò, ut diximus, quia

tam latè patent eorum terræ & tam vastum unius Reipubl. imperium est, ut abunde omnia quæ ad vitæ sustentationem requiruntur suppeditet, nec ipsi nisi pauca fortè ab aliis gentibus eaque nuda permutatione accipiant. At in aliis provincijs, quæ nec tam amplæ sunt ut ipsæ sibi sufficiant, nec uni domino parent, fieri id nullo modo potest, nisi cõmutationes & commercia omnia penitus tollere velis. Nec impedit quod nõnquam in obsidionibus urgente necessitate ex aliis metallis numi cusi traduntur, cum quidquid ita cuditur non tam numi veri sint, quam vectorum numorum succedanei, quia statim atq; melior rerum facies redierit, à magistratu veris numis permutantur, nec alio fine cuduntur, quam ut tamdiu quasi fide jubeant pro magistratu, donec veri numi denò suppetant. Quod si autem idè cusi fuerint, vel ijs quidquam durante obsidione ematur, nec id absurdum est, quia tum omnes à quibus quid emitur sub ejus imperio sunt qui numos illos cudit, ut merces pro ijs dare nemo detrectare possit. Sed hoc aliàs ita se non habet, quoties scil. unius Reipub. cives emunt à civibus alterius: tum enim nisi communi consensu inter plures Resp. de numo convenerit nulla esse cõmercia possunt argenteis & aureis non retentis.

XXX.  
*Numus  
 debet esse  
 aliquid  
 stabile.*

Quomodo itaque ex hominum opinione numus dependeat, & qua ratione Aristoteles dicat in nostra potestate esse eum mutare & inutilem reddere ita patet: nec enim pro lubitu de eo statuere potest Respubl. multò minus quoties pla-

placuerit eum immutare. Certè tantùm abest ut hoc sentiat Aristoteles, ut normam illum & mēsuram omnis æstimationis rerum, & cunctorum commerciorum esse dicat, quemque, cum rerum aliarum pretia nunc majora sint, nunc minora, stabile quid & constans, quantum fieri potest, esse oporteat. *Idem*, inquit, *numo quoq; accidit*, scilicet ut valor ejus crescat aut decreascat: *non enim semper æqualem vim habet*: ὁμοῦ δὲ βύλεται μένειν μάλλον, *sed ejus natura est ut stabilis permaneat magis*. Nec fieri aliter potest: si enim norma est omnis æstimationis, fundamentum utiq; erit cunctorum contractuum, & impossibile est aut ipsos contractus aut quidquam justitiæ in ijs remanere, ipso ejusque antiquo valore sublato. Ubi autem contractus tolluntur, & justitia quæ in contractibus requiritur, ibi ipsam societatem civilem everti & planè pessumdari necessum est. Hæc de numo: quæ enim plura hac de re disputari possunt, ea partim ad Politicos, partim ad Ictos pertinent.

Quæ sit natura justitiæ tam in communi, quam sigillatim tum distributiæ tum commutativæ, Tres quæ-  
exposuimus hætenus, jamq; defuncti hoc labo-  
re plane essemus, nisi tanquam ἐκ παρορμήσεως ad  
ciendæ hic in fine viderentur tres quæstiones, siones ad  
quæ propter Aristotelem explicari in hac mate-  
ria debent, & ideo, unâ exceptâ, explicantur à  
Thoma 2.2. quæst. 59. art. 2. & 3. Soto 3. de just. &  
jur. quæst. 3. art. 2. & 3. & Molina loc. citat. disput.  
10. & 11. Sunt autem hæ, primò; an quicunque  
facit injustè is continuo sit injustus? deinde:

an etiam volenti possit injuria fieri? tertio: an iustitia & iniustitia sicut reperitur in societate civili & est inter eos qui cives sunt, ita locum quoque habeat in societatibus domesticis & intercedat etiam inter uxorem & maritum, parentes & liberos, dominum & servos? De his, inquam, verbo adhuc dicendum est, tum ut Aristoteles rectè intelligatur, tum quòd hæc ad ea quæ superius dicta sunt facere aliquid videntur.

## XXX.

*An qui iniuste facis continuo sit iniustus.*

Primam itaque quæstionem tractat Aristotel. 5. Ethic. cap. 6. & 65. & cap. 8. t. 86. Dicit autem posse quenquam iniusta & iniuriam facere qui tamen idèd iniustus ilicò non sit: iniuriam verò vocat si sciens faciat quod iniustum est nec deliberato tamè animo sed ex ira aut affectu aliquo: solas enim illas iniurias iniustum hominem reddere quæ ab electione profectæ sint. Sed hoc nò videtur usquequaque verum esse. Sanè id extra controversiam est, posse quenquā agere quæ sunt iniusta, nec idèd iniustum fieri, sicut in universum mala, nec propterea malum esse: aliud enim est agere mala & agere malè, ut 2. Eth. cap. 4. rectè docetur, cum mala agat quisquis id agit quod mali, licet inscius fortè aut aliàs invitus; male autem is demum, nò qui id agit quod mali, sed qui sciens & volens ac plane eodè modo quo mali. At quisquis iniuriam facit, is non tantum iniusta sed etiam iniuste agit: quare & iniustus erit. Nec facile cuiquam persuadebitur quod ca. 6. t. 65. dicit Philosophus, non statim furè esse si quis furatus sit, nec adulterum si adulterium commiserit.



ferit. Equidem Aristoteles, ut disertè passim id ostendit, sicut justum eum tantum vocat, qui ex electione & habitu agit quod justum, & in universum virtute præditum, temperantem, liberalem &c. non qui opus virtutis aliquod facit sed qui habitum possidet & electione id agit: hæc enim habitum præsupponit: ita etiam injustum vocat eum tantum qui habitum injustitiæ contraxit: Sed nimis id abhorre à comuni usu loquendi videtur, & ita potius res se habere, ut nemo justus sit dicendus, nisi qui rectè semper, & ex electione atq; habitu justè agat, injustus verò is qui vel semel sciens volens injuriam fecerit. Cui addi potest, quod in Theologicis sic res se habeat: injustus n. quis sit vel uno actu, sicut primis parentib. id contigit. Hæc sunt quæ ad sententiam illam Aristotelis dubiam reddunt. Ubi tamen sciendum est, ipsum non negare: eum qui injuriam facit & eo, quod dictum est, modo injusta agit, peccare & pœnâ dignum esse, sed id tantum, injustum non esse, idq; ideo quod injuria sit vitium, hoc autem habitus, qui una & altera actione non gignitur.

Sed respondendum est Aristotelem nihil falsi dicere: nec enim negari potest id quod asserit, *Quousque* supposita eâ acceptione vocis quam ipse usurpat. *vera sit* Neque de sola justitia id ita se habeat, sed de cæ- *sententia* teris etiam vitiis: intemperanter enim, timide, iracundè agere potest, qui tamen nec intemperantiæ, nec timiditatis aut iracundiæ habitum contraxit. Certum etiam hoc est, philosophos morales, ut accuratè tum virtutes tum *Arist.* vitia

*Vera solutio.*

vicia explicent, denominationes utrorumq; non tam ex actu quàm ex habitu perpendere debere, ut Soro dicit. Alia præterea ratio est de iustitia etiam exteriori, de qua Theologi agunt, atque de qua Ethici, idq; ideo quod illa ex gratia dependet, quâ sublatâ, quod ob unum peccatum mortale fieri potest, statim amittitur. Falsi ergo & absurdi Aristot. nihil dicit. Interim tamen dissimulandum non est nimis subtiliter id fieri, ut nec injustus dicatur nisi qui ipso habitu talis est, nec fur aut adulter nisi qui furtis & adulteriis totus deditus. Neq; dubito, qui non obstante Aristotelis hac in re sententia, rectè non tantum iniustitiz, sed cæterorum quoque vitiorum nomina ijs tribuantur qui actus istorum scientes & volentes perpetrant, licet ex prava dispositione sæpe potius quàm malitia peccent, sicut & Molina censet. Causa est quod etsi doctrina Ethica accuratè distinguere debet inter actus nudos & habitus, tamen eadè sicut & omnis doctrina civilis ijs merito utitur modis loquendi qui à populari sermone non multum recedant, præsertim cum & ipsas disputationes civiles non tam mathematicas quàm populares esse jubebat ipse Philosophus 1. Ethic. c. 3. & passim. Dicimus igitur injustum rectè appellari & verè esse uno modo qui agit iniuste, seu sciens prudens iniuriam facit, sicut & fur è quisquis furatur, adulterum quisquis adulteriū committit, altero qui ex malitia & pro æresi iniusta agit: hic enim κατ' ἐξοχήν ita dicitur quemadmodum & fures atq; adulteri, qui non tantum semel furati

rati sunt aut adulterium perpetrarunt, sed istis flagitiis unice & perpetuo dediti sunt, idq; quodam animi morbo & incurabili malitia. Hæc de prima quæstione.

Alteram multis tractat Aristot. c. 9. & 11. Nos paucis eam expediemus. Dicimus autem cum Arist. nemini injuriam fieri, aut posse fieri, planè & omninò volenti. <sup>XXXIV. An volenti possit fieri iniuria.</sup> Causa hæc est, tum quod sicut aliàs in moralib. id quis dicitur agere quod ipse vult fieri, ita pati illud dicitur quod ipso fit renitente, ut Thomas & Soto hic docent, tum quod quando quis quid fieri omninò vult, & planè ut fiat consentit, eo ipso iure suo cedit, ut contra id tum agi non possit nec ei iniuria fieri, sicut rem hanc explicat Molina. Nota autè quod dicimus, *omnino volenti*: nam iniuria fieri alicui potest etiam qui aliquid voluit sed coactus & sub certa cōditione. Sic iniuriā patitur qui usuras illicitas sōluit, licet id faciat volēs: vult enim ita ut nolle si gratis usurarius, aut licita usura pecuniā mutuetur. Similiter res se habet de eo qui latronibus pecuniā dedit ut vitā servaret: nec dubium n. est quia iniuriam passus sit, etsi volens pecuniā dedit. Ad eundem deniq; modum matrimonium contractum per consensum metu mortis exortum dissolvitur propter iniuriā, ut Soto hic añotat. Ne itaq; iniuria fiat nō sufficit voluisse aliquid ex parte & mixto modo, sed omninò & omni ex parte.


Nec obstat quod qui seipsos aut mutilant aut sibi manus ultrò inferūt, iniuriam sibi facere dicuntur, cum tamen volentes id faciant, nō enim ii sibiipsis iniuriā faciunt, sed Reip. ut dicit Arist. <sup>XXXV.</sup>

c. 11. & cum primis Deo; Reip. cui civem subtrahunt; Deo cuius injussu è vita nemini magis exire licet quam militi è statione sua citra præceptum imperatoris, ut etiam Pythagoras censebat, sicut suo loco id ostendimus. Tantùm de secunda questione. Vbi obiter nota, injuriam posse quenkũ facere licet nemo sit cui fiat; Sic si quis rem pluris vendat, quàm par erat, animo defraudandi emptorem; emptor autem sciens & prudens tantum det quantum poscit, nec egestate tamen compulsus aut alias coactus, sed ita ut sponte jacturã ejus petuniæ, quam ultra justum precium dat, facere velit, aut liberaliter eam venditori concedere, injuriam facit venditor; quod quantum in se est defraudat emptorem: nec hic tamen defraudatur aut injuriam patitur, quemadmodum Soto & Molina hoc loco adservant.

XXXVII

*An justitia sit etiam in domo  
sticis soci-  
tibus.*

Ultima questio explicatur ab Arist. lib. 5. c. 6. Rectè autem statuit tam justũ quàm injustũ esse inter plures & quidẽ liberos homines ac vitæ in civitate aliquã socios: nam qui in societate domesticã unã vivunt ipsi justitia & injustitia non nisi per similitudinem tanquã aliquam competit. Causa hæc est, quod servus quidquid est, sit domini sui & liberi parentum. Sicut igitur injuriam nemo sibi ipsi facere potest, ita nec suis: ad quos autem non est injuria ad eos neque justitia est. Similiter res se habet etiam de societate mariti & uxoris, etsi inter eos plus nonnihil justitiae & injustitiae intercedit quàm inter dominum & servum, parentes & liberos. Hactenus de justitia; & virtute morali in universum. Proximum est ut ad dia-  
beticas seu habitus nientis accedamus. PHI-



PHILOSOPHIÆ MORALIS

S E V

CIVILIS DO-

CTRINÆ DE

MORIBVS

LIBER QUARTUS.

DE VIRTVTE DIANOETICA

*seu habitibus mentis.*

CAPVT I.

De habitibus mentis in com-  
muni.

SVMMARIA:

- 1 *Quid dicatur Habitus.*
- 2 *Vocem dispositionis accipi dupliciter.*
- 3 *De subiecto habituum.*
- 4 *In solis creaturis esse, nec in corpore sed animo tantum.*
- 5 *Scotus & Gabriel refutantur.*
- 6 *In qua facultate anima sint.*
- 7 *An cadant etiam in bruta.*
- 8 *De causa efficiente habituum.*
- 9 *Habitu principiorum aequè atq; alios acquiri.*

10 In

- 10 *Inclinationes individuorum potentias tantum naturales esse.*
- 11 *Quomodo habitus naturales dici possint.*
- 12 *Habitus acquiri per actus.*
- 13 *An uno actu acquiri possit habitus.*
- 14 *An cum plures concurrant omnes aliquid producant.*
- 15 *De habitibus infusis.*
- 16 *De augmento habituum.*
- 17 *De corruptione eorum.*
- 18 *An corrumpi sola intermissione actuum possint, affirmare Gab. negare Thomam.*
- 19 *Gabrielis sententia approbatur.*

I.  
Quid dicitur  
habitus.

**E**Xpositur naturam & essentiam habituum mentis, non inhærebimus explicandæ vocis æquivocationi: notum enim est ex post prædicamentis, multis modis dici habitum, sicut idem inculcatur etiam 5. Metaph. c. 20. & 23. t. 25. & 28. Id sciendum est, nos hoc ita vocare qualitatem sive dispositionem rei supervenientem, naturâ suâ durabilem seu difficulter mobilem, per quam res certo modo disponatur, ut benè aut malè se habeat ratione naturæ vel operationis suæ: ita n. definiri potest ex 5. Metaph. t. 20. & Prædicam. Qualitatis. Et pertinet hoc sensu ad primam Qualitatis speciem.

II.  
Vox dispositionis  
accipitur  
dupliciter.

Ubi tamen nota primò, dispositionis vocabulum recte accipiendum esse: sumitur enim interdum latè, interdum strictè, sicut ipse Aristoteles insinuat in prædicam. & notat D. Thomas 1. 2. q. 49. a. 2. ad 3. Latè pro omni eo quod subjectam disponit, sicut in hac definitione accipitur, strictè pro eo quod ita illud disponit, ut conjuncta adhuc sit

fit magna imperfectio & mutabilitas, quo sensu  
in Prædicament. dispositiones habitibus oppo-  
nuntur. Ita calor & frigus dispositiones tantum  
dicuntur; disponunt enim subiectum, sed facile  
accedunt & recedunt, similiter etiam sanitas: di-  
spositio præterea est in homine cum pingere quis  
primum discit seu inchoationem aliquam artis  
pictoriæ habet. At scientiæ & artes ipsæ habitus  
sunt, quia perfectius quicquam & magis diutur-  
num sunt: *quod enim non est difficulter mobile non est  
proprie habitus, sed solum dispositio*, inquit Aristoteles.  
Deinde observa quod diximus habitum natura  
sua durabilem & difficulter mobilem: nam in-  
terdum etiam dispositio proprie dicta durabilis  
est, sed per accidens tantum & ratione subiecti.  
Sic calor, ut diximus, dispositio est: facile  
enim si naturam ejus in se spectes accedit & re-  
cedit. Neque minus tamen in hecticis difficulter  
loco movetur. Ad eundem modum habitus quo-  
que nonnunquam sunt instabiles; cum tamen  
per se & naturâ suâ durare possint. Sic virtutes  
Theologicæ Fides, Spes, Caritas, culpa subiecti  
& hominis cui insunt facile amittuntur: excu-  
tere enim eas & perdere homo potest, nec minus  
tamen, habitus sunt & ita comparatæ, ut nisi per  
subiectum stet, durare perpetuò possint, sicut re-  
ctè docet Gregor. de Valentia tom. 2. disput. 4.  
quæst. 1. p. 1. Tertiò nota quod dictum est habi-  
tum disponere re ut benè vel malè se habeat, aut  
ratione naturæ aut ratione operationis suæ: in-  
terdum enim primò perficit naturam, interdum

*Quomodo  
habitus  
dicatur  
aliquid  
durabile.*

*Quid per-  
fiat in  
subiecto  
suo.*

& præcipuè operationem. Sic lumen gratiæ secundum Thomam perficit primò animā ipsam novumque ei esse conciliat, ac virtutes Theologicæ, quæ ex lumine illo ortum trahunt, perficiunt primo operationes. Hominem itaque novam creaturā esse ab habitu illo gratiæ est juxta ipsum, quod autem ipsum exerceat novos actus, est à fide, spe & cæteris virtutibus, ut in gratia ipsa naturam disponat ad esse aliquid novi, virtutes ad agere. Sed alij aliter hinc sentiunt, & quicquid ea de re sit, præcipuè tamen omnis habitus ordinatur ad operationem, ut ipse Thomas dicit l. cap. a. 3.

III.  
De subje-  
cto habi-  
tuum.

Cæterum ut natura habituum rectius ad huc intelligatur, quatuor ista cum primis explicanda sunt: *Primò* in quo subiecto sint: *deinde* quomodo producantur: *tertiò* an & qua ratione augeantur: *quartò* deniq; quomodo diminuuntur & corrumpantur. Multis hæc pertractat Thomas 1. 2. à qu. 50. ad 54. nos præcipua tantum excerpemus. Nihil autem notius est quam certas tantum res esse quæ subiectum ad dispositionem habituum esse possit: nec enim omnibus hoc competit. Thom. 1. c. quæst. 49. art. 4. tres conditiones in re aliqua requirit, ut subiectum habitus aut dispositionis esse queat. Prima est, ut in potentia sit ad aliud: disponi enim nihil potest aut habile reddit, nisi quod in potentia est ad certum quidquam à quo actuetur. Altera est, ut potentia illa ad ea à quibus actuetur indifferenter sese habeat. Tertia ut diversimodè actuari ab eis possit: quod enim sua

natu-



natura determinatum est ad unum tantum, idq;  
sufficiens & promptè satis præstare potest, illud  
à superveniente qualitate nec ad unum determi-  
nari; nec promptius reddi ad functionem suam  
bene obeundam potest.

Unde primò efficitur nullum habitum aut di-  
spositionem cadere in Deum opt. max. nec sapi-  
entiam aut virtutem ad eum modum ipsi inesse:  
præterquam enim quod habitus sint qualitates  
& accidentia, prima illa conditio hic deest; cum  
sapientia & virtus divina ipsa Dei essentia sint, ut  
rectè docet Thomas I. contra gentes c. 92. & p.  
1. q. 14. a. 4. Relinquitur itaq; quod tantum crea-  
turis competant. Deinde & hoc facile intelli-  
gitur, nullos habitus propriè loquendo, sive dis-  
ponant ad Esse, sive ad operationem, esse posse  
in corpore. Id sic ostenditur. Qui disponunt ad  
esse non reperiuntur in corpore, quia corporis  
qualitates causas durabiles non habent, cum ta-  
men, ut supra patuit, habitum necesse sit esse ali-  
quid durable. Sed nec qui disponunt ad opera-  
ri, cum operationes quæ à corpore primo oriun-  
tur naturà suà ad unum sint determinatæ. Ubi  
notandum est; quod les animæ facultates per  
membra corporis functiones suas exercent; ha-  
bitum qui principium est functionum illarum;  
In ipsis animæ potentijs primò & propriè reside-  
re. Equidem Scotus 3. sent. dist. 33. unica. ad 3. in  
fine etiam in ipsis membris corporis per crebras  
actiones veros habitus gigni statuit: Concedi-  
tura, inquit, quod in parte corporis potest esse virtus &  
habitus sicut patet in manu pictoris & scriptoris. Et i-

IV.  
In solis  
creaturis  
sunt.

Nec in  
corpore  
propriè,  
sed animo  
tantum.

Scotus &  
Gab. com-  
trarium  
sentiant.

terum : *Manus mea in exercitata in habilis est in illa facultate quæ est ad pulsandam citharam, exercitata autem est habilis, quod non est nisi habilitate inhaerente manui, Idem ex Occamo docet Gabr. ibid. distinct. 23. q. 1. a. 3. dub. 1. propos. 1.*

V.  
Refutantur.

Sed sine dubio rectius sentit Thomas quæst. 50. a. 3. ad ult. Cajetanus, Cōradus, & Gregorius de Valentia habitus omnes principaliter & propriè hærere in animo. Causa in promptu est : habitus enim primo competit ei quod non tantum ex sese ipso determinatum est ad plura, sed & per se producit actionem. At quicquid fit per membra corporis id omne determinationem à sola anima accipit ; estque hæc præterea unica & vera ejusmodi actionū causa. Cum enim membra illa, ut suo loco ostendimus, instrumenta tantum animæ sint, quicquid agunt ; ab animo est, cumque hic plane herile imperium in ea exerceat, ut refragari ipsi plane nequeant, omnem etiam determinationem ad hoc aut illud objectum ab ipso solo recipiunt. Sicut itaque cum faber opus facit malleo ; promptitudo actionis illius, quodque hoc aut illud fiat, non est in malleo sed in fabro : ita nec manuum aut pedum vel reliquorum membrorum agilitas, studio & labore comparata, tam membris inhæret, quam animæ facultati membra moventi. Negari equidem nequit, crebrum & continuum exercitulum non nihil etiam membra aptare & rectius disponere ad actionem aliquam suscipiendam, quam alias disposita erant : Sic si manus ex humore forte aliquo

Quid cōferant habitus membris corporis.

quo torpeat, discuti ille per crebram exercitatio-  
nem potest. Sed hæc dispositio ut non est nisi  
materiale tantum principium actionis quam  
post modum exercet, ita materialiter etiam se  
habet ad actionis illius promptitudinem.  
Quemadmodum enim agens nullum agere po-  
test, nisi materia sit disposita, nec tamen disposi-  
tio materiæ principium actionis per se est, sed ef-  
ficiens, ita etiam promptitudo actionis in manu  
supponit quandam materiæ dispositionem, ipsa  
tamen in illa dispositione primò consistit. Ea-  
dem ratio est de cæteris membris corporis. Qua-  
propter, ut diximus, habitus illis primò & princi-  
paliter competere nequeunt: quod si autem com-  
petunt, sit hoc secundariò, id est, conciliant habi-  
tus illi in animo majorem aptitudinem corpori  
ad ejus functiones recipiendas, nec tamen illa a-  
ptitudo proprie est habitus, sicut Thomam ex-  
plicat Valentia & dispositio tantum aliqua ha-  
bitualis passive se habens, sive corpus proclive  
reddens ad patiendum, cum habitus proprie gi-  
gnant proclivitatem ad agendum, ut vult Con-  
radus 1.2.q.56.a.5. Hoc secundum est.

Tertio sciendum est, etsi habitus sunt in ani-  
ma, nec in omni tamen ea, aut omnibus ejus  
facultatibus eos reperiri: Certe in anima ve-  
getante non dantur: nec enim facultates ejus  
ulteriori perfectione indigent, nec indiffe-  
rentiam habent, ut sic aut aliter agant, cum  
jam à natura ad actus suos sufficienter instru-  
ctæ & determinatæ sint. Ita facultas nutritiva

Mm 3. modo

modo viscera sana sint, rectè satis suo officio fungitur. Relinquuntur ergò anima sentiens & rationalis. De rationali difficultas non est: tam enim intellectus quàm voluntas habitibus perficitur, cum utraque potentia bene & male ad operationes suas disponi possit. Tantum de potentijs animæ sensitivæ controversia manet. Thomas quæst. cap. art. 3. ita hac de re censet: *Vires sensitivæ dupliciter possunt considerari, inquit, uno modo secundum quod operantur ex instinctu naturæ, alio modo secundum quod operantur ex imperio rationis. Secundum igitur quod operantur ex instinctu naturæ, sic ordinantur ad unum sicut & naturæ, & ideo sicut in potentiis naturalibus non sunt aliqui habitus, ita etiam nec in potentiis sensitivis secundum quod ex instinctu naturæ operantur. Secundum verò quod operantur ex imperio rationis sic ad diversa ordinari possunt, & sic possunt in eis esse habitus aliqui, quibus bene aut male ad illud disponuntur.* Hæc ille. Ne dubium est quin sit alia ratio de anima sentiente atque externis membris corporis: ita enim imperio rationis obediunt ejus potentia, ut ipsæ tamen simul ad actionem concurrant, & indifferentiam ad obædiendum & repugnandum ex seipsis habeant. Quare etiam habitibus perfici possunt, cumque id appetunt quod debent prompte & alacriter, promptitudo ea non tantum in voluntate imperante, sed in ipsis etiam residet, sicut & actionis in sese principium aliquod sunt. Sed nota hic, istud de ijs tantum potentijs dici quæ rationi parent, & prout in homine sunt. Tales sunt appetitus sensitivus & sensus

sius interiores, ut memoria & imaginatio: nam & hæc consuefieri possunt, ut promptius quam solent officium faciant. At in sensibus exterioribus nulli esse possunt: naturâ enim officium suum sufficienter faciunt, nec indifferentiam habent.

De potentijs autem sensitivis in universum ut sunt in brutis, res liquida nō est. Notum est bruta animantia multa edoceri, multaq; tam artificiosè sæpe agere, ut & homini inimitabilia sint. Cujus rei plurima exempla accumulat Plutarch. lib. de solert. animal. & exertè de elephantis scribit cap. 26. eos si erudiantur ab hominē, ostendere in theatris eas gestuum figuras & varietates sæpe, ut copiam & concinnitatem eorum difficilē sit humane industria exprimere aut memoria complecti. Vnde Arist. lib. 9. de histor. anim. c. 46. de ijsdem: Multa erudiuntur & sciunt quando & regem adorare condisunt, Et Strabo lib. 15. Ad eò mansuescunt, ut lapidem ad scopum jacere & armis uti & optimè natæ ediscant. Plura habet Plinius & Ælianus, ad miraculum usque, quæ ex omni antiquitate colligit peculiari epist. ad Ianum Haurenū Iustus Lipsius. Quæritur igitur, an etiam in brutis sint habitus propriè dicti? D. Tho. art. 3. ad 2. quo minus veri habitus sint hoc deesse putat, quod dominium eorum & potestas utendi ijs in brutis non sit; cum enim ad habitum pertinere videatur, ut secundum eum agamus cū volumus, sicut dicit Averroës 3. de animat. 18. bruta autē omnia illa agunt non tã proprio motu quam homine ad id inducēte, propriè habitus non esse censet. Nihilominus tamen quia per illā

VII.  
*An cadās  
etiam in  
bruta.*

qualitatem longa consuetudine disponuntur ad agendum sic vel aliter putat quodam modo habitus dici posse. Conradus habituales dispositiones vocat. Gregorius de Valentia solis potentijs naturalibus ea fieri posse putat, ut assuefactio tantum quædam conditio sit ad naturaliter eo modo operandum requisita, quod tamen quid sit non assequor. Scot. loco supra cit. veros habitus esse vult simpliciter. Nos item vel esse tales, vel à veris habitibus parum distare censemus. Tantum de subiecto habituum: nam an etiam in angelis esse possint ad scholas theologicas pertinent disputare.

VIII.  
De causa  
efficiente  
habituū.

Cæterum causam, quæ producit habitus, triplicem statuit Thomas, aliosque à natura inesse docet, alios acquiri actionibus & industria nostra, alios deniq; à Deo ipso infundi. Inter habitus à natura insitos præcipuū facit habitum principiorum: *intellectus*, inquit, *dicitur esse habitus naturalis: ex ipsa enim natura animæ intellectualis convenit homini, quod statim cognito quid est totū & quid est pars, cognoscat quod omne totum est maius sua parte.* Nec tamen simpliciter eum facit naturalem, sed tātum secundum inchoationem aliquam, quod usque ejus nullus esse possit, nisi species intelligibiles adsint, hæc autem non natura insint, sed acquirātur, Vnde subiicit: *Sed quid sit totum & quid sit pars, cognoscere non potest, nisi per species intelligibiles à phantasmatis acceptas & propter hoc Philosophus in fine poster. ostendit, quod cognitio principiorū proveniat nobis ex sensu.* Hæc Thomas. Idem ad habitus naturales refert quod

Thom.  
nonnullos  
dicit à  
natura  
produci.

quod propter corporis temperiē & organorum dispositionem hominum unus altero nonnunquam ad hoc vel illud intelligendum, & ad hanc vel illam virtutem addiscendam natura aptior est. Et videtur ejusmodi habitus ipse quoq; Philosophus agnoscere, cū 6. Eth. c. 13. & 5. Eudem. c. eod. non tantum doceat hominum nonnullos natura fortes esse, nonnullos item ad temperantiam aut justitiam proclives nasci, sed expresse etiam dicat pueris ac belluis naturales habitus inesse. Verū quicquid hujus sit, nobis verisimile non fit, habitum ullum proprie loquendo à natura esse posse, sive potius id habitum proprie dici, quod à natura rei inest, ut jam supra in descriptione ejus innuimus. Et potest hoc ex ijs quæ antè ex ipso Thoma docuimus facile ostendi. Si enim ad subjectum omnis habitus, imò etiā dispositionis proprie loquendo, requiritur, ut non tantum ex se indifferens sit ad plura, sed etiam ut possit diversimodè de ad illa disponi, nec habitus principiorum naturalis est, ita ut natura causa ejus sit præcise, nec cæteræ illæ naturales inclinationes veri habitus, quia præcise à natura sunt.

*Refutatur.*

Nec verò, quod sciam, auctores adeò multi sunt qui cum Thoma habitum principiorum naturalem faciant. Tantum Durans. 3. d. 33. qu. 1. ad 2. & ex recentioribus Dominicū Soto libro 1. de justit. & jur. quæst. 9. art. 2. & Medinam. 1. 2. quæst. 51. art. 1. ita sentire dicunt Conimbricenses, & idem innuere Capreol. in 3. quæst. prolog. respons. ad 3. argum. cont. 1. conclu. Idem etiam

IX.

*Habitus principiorum aquè acq; alii acquiruntur.*

jam docet Valentia. Non esse naturalem sed acquiritum docent Suarez in Metaphys. tom. 1. disput. 1. sect. 4. num. 15. & Conimbricens. 1. post. c. 1. quæst. 1. art. 4. qui & Arist. citant. 2. post. cap. ult. Thom. 2. cont. gent. c. 79. Ferrar. ibid. ad ratio. 3. Cajetan. 1. 1. quæst. 50. art. 1. & plures auctores ajunt pro ista sententia allegati ab Abulensi super cap. 13. Exod. quæ 97. Et verò rem ita se habere optime ostendit Suarez, cujus verba idèò adscribimus. *Aristoteles*, inquit, *utrumque posuit, scilicet & habitum principiorum esse virtutem distinctam à sapientia* ( de ea enim re illic agit ) *ut constet ex citato loco 6. Ethic. & esse habitum quem nostris actibus comparamus, ut ex eodem loco & ex 2. post. cap. ultim. facile sumi potest.* Nam in priori loco manifestè ponit illum inter habitus seu virtutes intellectus. Si autem non esset res distincta ab ipsa facultate intelligendi impropriissimè, imò & falso diceretur, esse habitum intellectus. In posteriore autem loco apertius sentit esse habitum non à natura inditum sed acquisitum, non per discursum sed per simplices actus ex sola terminorum propositione & intelligentia comparatos. Et re vera hoc posterius sequitur ex illo priori. Nam si hic habitus non esset facilitas aliqua usu comparata ad similes actus promptius eliciendos, nulla esset ratio aut fundamentum cur existimaretur esse qualitas aliqua distincta ex natura rei à lumine naturali intellectus, seu ab ipsa facultate intelligendi, tum quia ut *Aristoteles dixit 3. de anima cap. 4. intellectus naturæ suæ est pura potentia in ordine intelligibilium & tanquam tabula rasa; tum etiam quia si natura ipsa dedisset totam vim qua ex parte potentia necessaria est ad eliciendos hos*  
actus



actus, non tantum quoad substantiam sed etiam quoad promptitudinem & facilitatem, supervacaneum fuisset multiplicare entitates in ipsa facultate intelligendi, sed ipsa posset & deberet in suamet inrinsica entitate fortior & efficacior constitui, neque esset ullum indicium ad illam distinctionem entitatum colligendam: sicut si voluntas natura sua ita est prompta & facilis ad amandum bonum in communi, ut non possit per actus promptior & facilior reddi, optimum argumentum est, non habere illam promptitudinem per habitum innatum sed per suamet entitatem. Et similiter visus quia ex natura sua habet totam inclinationem & efficacitatem, quam ex aperte sua habere potest ad eliciendum actum videndi, recte colligimus habere totam illam vim & inclinationem per intrinsecam facultatem & entitatem suam indivisibilem, & non per aliquam aliam à natura inditam. Vnde D. Thomas 1. 2. quæst. 51. a. 1. sensit hunc habitum non esse naturalem secundum se sed quoad inchoationem quandam, quia scilicet actus per quos acquiritur non sunt per discursum habitui, sed immediate ab ipso natura lumine profluunt, quamvis in principio & ante habitum non emanent cum tanta promptitudine & facilitate, sicut post acquisitum habitum. Hæc ille. Vnde intelligi potest quidnam in cognitione principiorum naturali potentia & ipsi lumini intellectus, quid habitui deferendum sit. Quæ, si vera sunt, ut sunt nostra sententia, habitus principiorum innasci nobis aut naturalis dici non potest, nisi idèd fortè, quod circa ea versatur facilius & promptius percipienda, quæ vulgo natura nota vocantur. Tantum nota, quod Suarez dicit Thomam habitum prin-

principiorum ex parte tantum naturalem facere, quia simplicium terminorum notitiâ acquiri cōcedat, sicut ipse etiam Thomas id dicit, id vix recto talo obflare : cum enim notitia simplicium terminorum, ex quibus principia constant, multum differat à iudicio de compositione eorum adeoq; cognitione ipsorum principiorum in se, ipsa facere nequit ut cognitio ista acquisita dicatur, sicut nec lumen intellectus, cuius beneficio primum cognoscuntur, & antequam accedit habitus, naturale ea de causa esse desinit.

X. De inclinationibus autem illis naturalibus, quæ in certis individuis propter organorum dispositionem tam ratione intellectus quàm voluntatis nonnunquam reperiuntur, dicimus, habitus proprie eas non esse sed naturales tantum potentias, sicut ex parte etiam explicatum est supra. Nec obstat quod Aristoteles virtutes vocat, item naturalem fortitudinem, temperantiam & naturales habitus, cum abutatur vocabulis tantum, ut ipse disertè fatetur. Idem facit. 1. Polit. ca. 2. ubi unò & eodem commate nomen virtutis nunc nudæ potentiæ naturali, nunc virtuti propriè dictæ accommodat. Verba sunt: *Vt homo perfectionem nactus animantium est optimum; sic cum à lege iustitiæque discessit omnium pessimus est: importunissima enim est armata iniustitia. At homo prudentia & virtute armatus est à natura, quibus maxime potest in res contrarias uti. Itaque impie nefarius atque immanissimus absque virtute sit, & in Venerem & gulam turpissimus.* Hæc Philosophus. Vbi manifestò virtutem

rem & prudentiam verbis prioribus vocat naturalem proclivitatem ad utramque: hac enim abuti tantum possumus, ipsa virtute non possumus, ut insinuatur 2. Ethic. cap. 6. t. 41. & multis deducit D. Augustin. 2. de libero arbitr. cap. 19. Et tamen posteriora verba loquuntur de virtute propriè dicta. Virtutes itaque & habitus naturales vocat insignem aliquam proclivitatem naturalem & indolem ad hunc vel illum habitum, ad hanc vel illam virtutem. Nec minus tamen proclivitas illa propriè habitus aut virtus non est, nec id vult Aristoteles, cum alias otiosè habitus à naturalibus potentiis in prædicamento Qualitatis distinxisset. Ex quibus omnibus manifestum est à natura ipsa propriè habitus non oriri: quod enim præcisè à natura est, id potentia naturalis est.

*Quid Arist. vocat virtutes & habitus naturales.*

Quæ tamen cum dicimus, non negamus, si habitus quisquam homini infundatur ab instanti nativitatis, eum naturalem dici posse hoc est, naturæ congenitum; qua ratione omnes virtutes Theologicæ naturales nobis essent, si Adam in integritate perstitisset. Sed etiam hi habitus etsi cum natura inciperent, & eò sensu re verà naturales essent, tamen non essent à natura, nec causâ eorum natura esset; sed huic ejusque potentis ab illo supervenirent, qui etiam nunc homini Christiano eos largitur. Multo minus id negamus; posse à natura aliquid inesse quod ad instar habitus nobis adhæreat & durabile sit atque adeo habituale aliquid

*XI. Quomodo habitus naturales dici possint.*

voco

vocetur. Ita morbi hæreditarii & chronici habituales dicuntur: ita quoque hæctica febris appellatur nonnunquam apud medicos omnis febris contumax & opponitur scheticæ, sive ei quæ faciliè expelli & fugari potest. Ad eundem modum peccatum originale à Theologis nonnunquam habitus & habituale aliquid dicitur, ut eò rectius distinguatur ab actuali: cum enim hoc transeat, illud perpetuo & tenaciter inhæret. Nec tamen aut morbus, aut peccatum propriè habitus est; sed labe & corruptio ad modum habitus subiecto inhærens, sicut pravam concupiscentiam & sine metu Dei, sine fide esse, ideo malos habitus appellari disertè docet apologia Augustinæ confessionis ut constat *non actuales culpas esse sed durabiles defectus natura non renovata.* Manet ergo nullum habitum, ut diximus, propriè ita vocatum à natura esse.

XII.  
*Habitus  
acquiri  
per actus.*

Gigni autem eos per actus nostros nullum est dubium, idque cum experientia testatur, tum multis docet Aristoteles 2. ethic. 1. Omnes, inquit, *habitus ex operationibus similibus fiunt.* Et paullo ante. *Sicut edificando homines fiunt adificatores, citharam pulsando citharædi, ita mala agendo mali fiunt, bona agendo, boni.* Cum enim res quæ habitibus perficiuntur ita producant actus certos, ut principium agendi sufficiens tamen ab omni parte non sit; crebro idem agendo confirmatur & supplementum principij illius acquirunt. Quæ vero habituum subiecta esse non possunt, in ijs principium agendi iam ante sufficiens est: Ita  
ignis

ignis cum præfente materia difpofita femper urit  
tam perfecte quam id abfolute fieri poteft, cre-  
bro urendo qualitatem novam non acquirit: at  
qui cithara canit, is quia actum illum initio tam  
perfecte non producit, quam in fe produci ille  
poterat, defectum iftum continuo exercitio fup-  
plet. Dixeris hic fortè, non poffe fieri ut ab actu  
producatur habitus, cum actus aliquid fit im-  
perfectius ipfo: quia enim habitus nobiliores a-  
ctiones producit, quam eæ funt quæ à naturali  
potentia proficifcuntur, ipfe quoque nobilior fit  
iftis actibus oportet. Sed refpondeo, animam  
producere habitum: actus autem illos naturalis  
potentiæ instrumenta tantum animi in hoc ne-  
gotio effe: animus enim idem fæpe agendo fe-  
metipfum perficit.

Verum hic quæri poteft, annon interdū etiam XIII.  
unus actus gignendo habitui fufficiat? In volun- An uno  
tate quidem, appetitu fenfitivo & fenfibus inte- actu ac-  
rioribus id nō contingit, fed crebris ibi opus eft: quiri pof-  
at nec in intellectu ad habitum, ut vocant, opi- fis habi-  
nativum generandum. Sufficit tamen interdum tus.  
unus actus ad fcientiā conclusionis acquirendā.  
Oftenditur hoc ita. Voluntas non poteft deter-  
minari ad agendum quicquam uno actu: obftat  
enim libertas ejus, quodq; in particularib. occu-  
petur, actionesq; illius certas & multas circum-  
ftantias requirant. Vt itaq; conftanter velit etiam  
una in re, quod velle debet, plurib. actibus con-  
fue fieri eā oportet; nec tantū enim velle rem il-  
lā debet, fed eo modo & ratione qua velle dece-  
Simi-

Similiter res se habet de appetitu sensitivo. Liberratem enim aliquam participat à voluntate, & æquè circumstantiis est alligatus pluribus. Quò accedit, quòd post lapsum propter corruptionem naturæ proclivis in se etiam aliàs est ad rebellandum rationi & voluntati; unde non ita facile subigitur. De memoria & cogitativa facultate experientia idem docet: nec enim facile quid meminimus, nisi plures unam rem meditemur. At intellectus alia est ratio. Sanè Syllogismus probabilis & argumenta Topica nec illum una vice determinant ad assentiendum rei constanter & perpetuò, sed plures rationes hic concurrere oportet, unde nec opinio uno actû gignitur, opinio, inquam, loquendo de habitu sive durabili opinione. Verùm ubi demonstrationibus res geritur, etiam unus Syllogismus sufficit; una enim demonstratione convinci intellectus potest, ut sufficienter conclusioni alicui assentiatur. Ratio in promptu est: cum enim demonstratio causam adsignet, evidentiam rei conciliat. Intellectus autem cum evidēs res est non potest non assentiri; ut suo loco docuimus. Nec tamen necessario hoc facit, sed tam firmiter & constanter, ut postmodum assensus illè nunquam tollatur. Et est ejusmodi scientia unius conclusionis habitus aliquis partialis, licet ab habitu totius alicujus objecti sive generis differat, cum non tantum per eum qualitas aliqua de novo acquiritur subjecto, sed ut diximus, etiam durabiliter illi inhaereat. Ita cognoscere  
 celi-

Eclipsin, est percipere illud quod naturâ ignotum erat. Est præterea constans aliquid: qui enim semel causam ejus cognovit nunquam deinceps ea de re dubitat. Scientia itaque illa non est naturalis potentia sed habitus aliquis.

Sed & hic porro queri potest, an quum plures actus ad unum habitum acquirendum concurrunt, habitus ille introducatur per omnes ex quo, an per ultimum tantum? Thom. 2. quæ. 24. art. 6. ad 2. censet, per ultimum tantum eum introduci: *In generatione virtutis acquisita; inquit, non quilibet actus complet generationem virtutis, sed quilibet operatur ad eam ut disponens, & ultimum qui est perfectior, agens in virtute omnium præcedentium educit eam in actum; sicut etiam est in multis guttis cavantibus lapidem.* Thomæ contradicit Gabr. 2. sent. d. 23. quæst. 1. a. 3. dub. 4. Verba ejus sunt: Cum habitus & virtus generatur ex actibus; quilibet actus gignit aliquam partem habitus, quâ vocamus gradum. Partem dico certæ intensiōis maiorem vel minorem, secundum quod actus ipse est perfectior vel minus perfectus, puta secundum quod est diuturnior aut etiam maiori conatu potentia elicitur. Item: Per actus singulos aliquis gradus gignitur, quibus unitis & intensis virtus nominatur. Et iterum: Sic etiam videre est de guttis lapidem cavantibus: nam qualibet gutta aliquid operatur in lapide cavando, licet sensu imperceptibile, donec frequenter cadentibus guttis appareat lapidis cavatio. Ita Gabriel. Verum sententia Thomæ nobis probabilior apparet, cum nullus habitus talis introducatur nisi per sufficiens exercitiū; tum autē hoc sufficiens est,

Na cum

XIV.

An cum

plures

actus ad

habitum

concur-

runt om-

nes ali-

quid eius

producat.

cum ultimus actus elicitur. Ita etiam guttæ præcedentes nihil abradunt à lapide, sed lapidem disponunt tam diu donec una ex sequentibus particulam aliquam auferat, ea inquam, quæ terminus est exercitij illius, quod ad abradendum aliquid requirebatur. Sic sentit etiam Gregor. de Valent. Et certè, si singuli actus producant aliquid habitus alicujus, tum tales habitus etiam per unum actum possunt produci, nec discriminè est inter scientiæ habitum & cæteros. Hæc est ratio habituum nostra industria acquiritorum.

XV.  
*Habitus  
infusi.*

*Infusum  
per se &  
per acci-  
dens.*

Cæterum sunt alij adhuc qui à Deo ipso infunduntur, ut in scholis Theologicis docetur: cum enim Fides, Spes, Charitas, qualitates sint natura sua durabiles & homini supervenientes: subjectum item, in quo sunt, aptum reddant ad certas actiones edendas; nec tamen nostris viribus, sed per gratiam divinam nobis obtingant, habitus sunt, sed longe alius generis quam cæteri. Potest autem dupliciter aliquid dici infusum, ut notat Thomas 1. 2. quæst. 51. art. 4. per se & per accidens. Infusum *per se* dicitur quod tale est, ut nisi infundatur esse nequeat, sive q̃ simpliciter à nobis & nostra industria produci non potest: Talis est vera & salvifica Fides, caritas Christiana & c. infusum *per accidens* vocatur, quod tale est ut possit etiam à nobis industria nostra acquiri, sed aliquando tamen sine nostro labore à Deo producitur. Hoc modo infundebatur scientia linguarum Apostolis die Pentecostes: cum enim illarum cognitio aliàs paretur nostra industria, Apostolis tamen per solam gratiam divinam

con.



concessa fuit. Nec mirum hoc est, cum Deus Opt. Max. non tantum largiri possit & largiatur ea quæ supra naturæ vires sunt, nec nisi ab ipso solo proficisci possunt, sed nonnunquam etiam illa sine concursu caussarum secundarum producat, extra ordinem, quæ alias ordinariè per illas comparari possunt & solent. Tantum de causa habituum.

Dicuntur autem habitus augeri non ratione formæ in se, sive specifici & essentialis conceptus sui: id enim à quo aliquid habet speciem oportet manere fixum & stans in indivisibili, ait Thomas: sed ratione participationis formæ illius in hoc vel isto individuo. Quatenus enim unum individuum perfectius potest recipit formam illam accidentalem quam largitur habitus; atque prius, eatenus habitus ipse augeri dicitur. Et potest hoc fieri dupliciter: vel enim perfectior redditur in aliquo individuo objecti, prout ad plura se postmodum extendit. Ita scientia rerum naturalium augetur in Petro, cum plurium conclusionum Physicarum cognitionem sibi acquirit quam ante habebat: vel perficitur quatenus forma illa subiectum magis magisque subijcit, licet ad nova objecta non porrigatur. Ita major promptitudo est in uno individuo quam in alio, etiam cum plura individua circa unum & idem objectum versantur, & uno ac eodem habitu prædita sunt. Sic habitus augentur:

XVI.

De augmento habituum.

Postremò corrumpi possunt itidem dupliciter, per se & per accidens. Per accidens, cum

XVII.

De corruptione eorum.

Nn 2 sub-

subjectum interit vel corrumpitur aut vitiatur  
cujus sint habitus, siue illud sit primum, siue  
secundarium. Per se cum ipsi tolluntur per actus  
contrarios. Vtroque modo corrumpi dicit Tho-  
mas habitus corporis: sed hi veri habitus non sunt,  
ut supra ostensum est. Neutro modo corrumpi-  
tur habitus principiorum: non autem enim in-  
tellectus, cui inhæret, immaterialis est & incor-  
ruptibilis, sed tanta etiam illorum principiorum  
evidentia, ut contrarium sentire nemo possit.  
Vnde nec à contrario actu destrui planè possunt,  
præsertim illa maximè communia; etsi minus  
communia interdum obliterantur, ut ex 6. eth.  
cap. 3. t. 49. notum est. Vtroque modo rursus cor-  
rumpi possunt scientiæ & virtutes. De scientijs  
hoc liquet: sicut enim acquiruntur per demon-  
strationes & vera principia, ita expelluntur & ex  
animo delentur per demonstrationes sophisti-  
cas & falsas propositiones. Et quanquam subje-  
ctum primum illarum intellectus incorrupti-  
bilis in se sit: corrumpi tamen virtus imaginativa  
poteest, & eo etiam modo scientia tolli. De virtu-  
tibus non minus id constat: dum enim non exer-  
cet bonæ actiones, paulatim succrescunt con-  
trariæ, & contrarium habitum, altero expulso,  
introducunt. Ita corrumpuntur habitus.

XVIII.  
*An sola in-  
termissio-  
ne actuum  
corrumpi  
possit ha-  
bitus.*

Vnde etiam de diminutione eorum facile  
conspicere est: actus enim contrarij ideo tandem  
corrumpunt habitum, quia magis magisque di-  
minuunt. Gabriel. loc. sup. cit. dub. 6. statuit et-  
iam sola cessatione & intermissione actus pro-  
prij

Prius diuturniore habitus diminui & corrumpi posse. Duae enim causa corruptionis & diminutionis ponit unam, contrarium habitum, alteram, negligentiam & longam cessationem: Argumentatur & mentem suam explicat hoc modo: Sicut, inquit, habitus generatur ex actibus, ita ex ipsis conservatur, non quidem simpliciter, quod non possit esse sine actibus, sed quod non possit diu manere sine actuum frequentatione, sicut manifesto patet in habitibus memoriae, Et postea subiicit: Ratio autem huius non est alia, nisi natura habitus sunt enim quaedam ita à Deo condita, ut non solum contrario positivo corrumpantur, sed etiam continuo fluant ad non esse, nisi conserventur ab alio; quorum alia ipse institutor natura conservat immediate, sicut angelos & spiritus rationales; aliqua conservat mediate, sicut lumen mediante luce vel luminoso. Et horum aliqua sic mediate conservat, quod cessante mediatore conservante statim desinunt conservata per ipsum, quaedam non statim, sed remoto conservante (non Deo sed medio sive minus principali) successive corrumpi incipiunt, & non diu permanent. Hæc Gabriel. <sup>Negas</sup> Valentia hoc negat, & tantum per accidens <sup>Thomas.</sup> illa omnia fieri dicit, hoc est, quatenus dum cessatur ab actibus propriis contrarii suboriuntur. Vbi tamen per contrarios actus, explicante eum Valentia, intelligit actus vel oppositos & revera contrarios vel saltem alienos ab illis, qui habitui proprii erant, ita ut simul his vel illis vacare animus nequeat. Sententiam Thomæ hoc modo explicatam defendit contra Gabrielem, idem Valentia. Argumentatur autem ex fundamento

contrario ita. Si non potest ostendi, habituum conservationem dependere ab actibus, actuum intermissio per se quoque causa non est diminutionis aut corruptionis eorum. Sed non potest hoc ostendi, cum enim actus illic transeant, non habemus inquit, ullum certum argumentum cur sentiamus ab illis quoad conservationem dependere habitus. Sed quicquid ejus sit, non videtur de nihilo esse quod Gabriel dicit: etsi enim evidenter ostendi forte aliàs nequit, habitus per actus conservari, ipsa tamen experientia docet eos expirare, cum diu exercitium suscipiuntur, etiam si actus contrarii aut tales, qui cum illis quoquo modo pugnent, non intervenerint. Equidem excepit jam contra hoc Valentia, cum diceret, actus repugnantes vocari etiam alienos, quique ita ab actibus habitui alicui proprijs discrepent, ut simul exerceri cum illis non possint. Unde dicit, nec requiritur, ut actus illi contrarii sint circa idem objectum specie. Sed nescio an hoc rem efficiat. Si enim ideo tantum actus nonnulli contrariari dicuntur habitui alicui, & habitum imminuunt, quia exercitium illorum, si frequens & diuturnum fuerit, incomparabile est cum exercitio habitus, ut loquitur Valentia; item quia actus illi impediunt, quo minus actuum habitui illi propriorum simul tunc esse possit exercitium facile & assiduū, non video, quidnam aliud habitum illum tum tollat, aut imminuat, quam actuum propriorum intermissio. Id sic ostendo: actus enim illi alieni vel officiuntur habitui isti, quatenus sunt actus tales, vel quatenus plures actus simul esse etiam a-

lias

XIX.  
Gabriel.  
sententia  
approba-  
tur.

lias non possunt. Non quatenus sunt tales: si enim contrarij non sunt nec sibi inter se ullo modo oppositi, simul esse in eodem subjecto, quod ad naturam illorum attinet, utique possunt. Ergo quatenus plures actus simul esse nequeunt, adeoque quatenus plures actus simul esse nequeunt, adeoque quatenus unius positio est negatio & exclusio alterius. Quare adhuc manet, interdum habitus perire per id solum quod actus ij proprii cessent, & ab alijs exercitium eorum excludatur, etiam qui illis nullo modo ratione suæ naturæ & essentiæ repugnant.

## C A P V T II.

### De habitibus in specie. SUMMARIA,

- 1 Non agi hic de habitibus infusis sed acquisitis.
- 2 Quomodo intellectus noster assensum rei prabeat.
- 3 Quomodo scientia, sapientia &c. semper dicant verum.
- 4 Quod sint tales habitus, & de scientia.
- 5 De mente seu intellectu.
- 6 Principiorum divisio & quomodo sint natura nota.
- 7 De sapientia.
- 8 Metaphysicam esse sapientiam.
- 9 Quomodo sapientia à scientia & habitu principiorum differat.
- 10 De habitibus qui circa actionem versantur.

Nn +

Quid

I.  
Non agi  
hic de ha-  
bitibus  
infusis.

Nec de o-  
mnibus  
acquisitis.

De qui-  
bus sit a-  
gendum.

**Q**uid sint habitus mentis exposuimus hucusque in communi: nunc progredimur ad considerationem eorum specialem. Vbi statim initio sciendum est, tantum deinceps de acquisitis hic agendum nobis esse: cum enim de infusis ex lumine naturæ nihil constat an sint, & quid sint, & quicquid de ijs cognoscimus, ex S. Scriptura & divina revelatione hauriatur, imò nec habitus illi perficiant hominem tam in ordine ad hanc quam ad futuram vitam, in sola S. Theologia explicari possunt & debent, ubi & principia traduntur, ex quibus natura eorum intelligitur, & finis, propter quem à Deo homini conceduntur. Sed nec de omnibus acquisitis hinc disputabimus; cum enim de cæteris habitibus, quibus animus hominis perfici potest, agamus eo tantum fine, ut prudentiæ naturam hoc rectius percipiamus, omnium illorum tractatione persequi necesse non est. Et sunt in animo non tantum habitus principales, sed etiam instrumentales. Principales dico, qui per se animum perficiunt & per se quoque expetuntur; Instrumentales, qui cæteris pro instrumentis sunt sive habituum reliquorum quasi accensi quidam, quiq; adeò propter reliquos acquiruntur. Sunt porro etiam habitus acquisiti alij, qui simpliciter dicunt verum, alij qui verum quidem, sed cum formidine oppositi, ut opinio & fides humana. Cum igitur nullum dubium sit prudentiam per se perficere hominem, per se expeti, item docere eam semper verum, facile intelligitur, nec inter instrumentales

Ies habitus quærendam esse, nec inter eos, qui simpliciter & semper verum nō continent. Quapropter ut naturam prudentiæ cognoscamus, principales habitus & illi, in quibus per se ratio veri est, siue per quos animus veritatē cognoscit, ita ut falsi nihil subesse possit, soli & præcipuè considerandi sunt. Sanè negari non potest etiam opinionem sepe verum dicere, siue animum nostrum veritatem apprehendere, cum opinionem tantum de re habet, vel si de humanā aliquid credit (dico humanā, id est, quæ auctoritate tantum humana nititur) sed id perpetuum non est, nec desinit esse opinio aut fides, si falsum subsit, sicut sapientia, scientia aut prudentia esse desinunt quod sunt, si falsi quidquam habeant: contradictio enim in adjecto est, scire se rem sic habere, & tamen rem aliter comparatam esse.

*Opinio & fides humana non semper continent verum.*

Sed ut hæc, & quæ postea dicenda erunt, eò rectius intelligas, non abs re fuerit, ut arbitror, verbo hic monere, quomodo in uniuersum animus noster permoveatur, ad assensū rei alicui præbendum, sicut egregiè id explicat B. Thom. quæ. 14. de verit. 2. 1. & ex eo Cap. 1. sent. quæ. 1. prologi. Moveretur autem intellectus vel ab objecto & ipsa re intelligibili, vel à voluntate. Ab objecto, cum à rei ipsius euidētia assensus proficiscitur, à voluntate, cum non tam res, cui assensum præbes, ad assentiendum te retrahit, quàm voluntas tua. prius quidem rursus fit tripliciter: primò n. aliquando intellectus movetur à re intelligibili, sed non magis ad unam, quàm ad alterā partem cō-

*II. Quomodo intellectus noster permouetur ad assensum rei præbendum. Ab objecto.*

tradictionis, idq; vel propter defectum rationū & argumentorum, ut in illis problematis contingit, de quibus rationes nullæ suppetunt, puta, si quæratur sit ne numerus stellarum par an impar, vel propter apparentem æqualitatem argumentorum, siue cum tot videntur & tam fortia militare pro una, quam pro altera sententia. Vtrum horū fiat semper dicitur intellectus *dubitare*. Deinde movetur intellectus à re intelligibili sepe ad unam partem contradictionis magis, quam ad alteram, nec sufficienter tamen, sed ita ut unam quidem determinatè statuatur esse veram, at cum formidine tamen aliquā oppositi, quod quomodo intelligendum sit pluribus expositum est l. 3. c. 4. n. 6. Et hinc nescitur *opinio*. Tertiò movetur ab objecto ad unā, cōtradictoriarū totaliter, idq; vel immediatè ut sit in *principiorū* cognitione: planè enim illis adsentimur, nec propter aliud, sed propter ipsam eorum evidentiam, vel mediate, ut in *scientiis*: Conclusioni enim demonstratæ animus inhæret itidem sine ulla formidine oppositi, nec tamen propter evidentiam ipsius cōclusionis, sed propter eam, quam jã à principiis accepit, ex quibus adstruitur. Hæc est certitudo rerum evidentium. Ita movetur intellectus ab ob-

*A voluntate.* A voluntate autem hoc fit, cum ad unam partem contradictionis determinatur non tam à rei ipsius evidentia, quàm ab autoritate dicentis, quæ tanta est ut sufficiat ad inducendā voluntatem, ut ei assentiamur. Et hæc est ratio *divine fidei*, si scilicet innitatur quis authoritati divinæ & voluntas per peculiare gratiā Spir. S. ad assensum intel-



intellectui imperandum inclinetur; humanæ, cū ad sensus ille super authoritate humana fundatur. Quibus expositis facile percipitur, quī fiat, quod opinio & fides humana verum semper non dicant: certitudo enim rei vel ab evidentia objecti vel à certitudine auctoritatis est, cui creditur. At neutrum est in illis: fides enim humana nullam evidentiam nec auctoritatem infallibilem habet; opinio evidentiam quidem aliquam, sed insufficientem, auctoritatem autē nullam: cum enim auctoritati aliquid damus, non operari sed credere rem dicimur. Scientia verò sapientia & cæteri habitus tales, sicut & fides divina certitudinem habent: illi propter rerum ipsarum evidentiam, hæc propter auctoritatem infallibilem & ista etiam evidentiam longè superiorem.

Ubi tamen accuratè observa, quomodo intelligendū illud sit, habitus istos semper verum dicere, quanquam enim nullum dubium est, omnem scientiam, sapientiam, prudentiam &c. nostram esse imperfectam & in multis deficere, item ipsum animum hominis, etiam cum habitibus illis instructus est, sæpè impingere, non tamē idēd vel scientia vel sapientia in se se falsum dicit. In promptu ratio est: primò enim longè aliud est, scientiam aliquam non esse perfectam, sive non attingere omnia, & aliud eam in ijs, quæ attingit, errare, ut etiam libro 2. multis disputavimus. Deinde aliud etiam est, hominem, ut ut scientiam habeat multarum rerum in nonnullis tamen cessitare, aliud ipsam scientiam causam erroris esse sive errorem continere: nulla enim ita ani-

mum

munum perficit, quin ignorantia multum relinquatur, quod ex eo non expellat, nec ita obiectum suum exhaurit, quin reliquum aliquid faciat ad quod non porrigatur. Quapropter errare is potest, in quo scientia est, non tamen per scientiam illam, sed imperfectionem & ignorantiam, quæ cum illa ipsa in uno & eodem subiecto conjuncta manent.

## IV.

*Quod sint  
tales ha-  
bitus.*

Cæterum habitus illi principales: quique verum semper dicunt, quinque sunt numero, ut eos recenset Aristot. 6. Eth. c. 3. ars, scientia, prudentia, sapientia & vñ, seu intellectus. Sufficientiam numeri hujus Philosophus non ostendit, sed potest ea facile demonstrari: omnes enim habitus animi acquisiti & principales, quique verum propriè dicunt, huc referri possunt, unde plures dari necesse non est. Et tamen omnes illi quinque distincti sunt ut pauciores esse nequeant. Omnes eo referri posse experientia docet, distinctos autem esse quinque illos in progressu patebit. Acciaiolus aliam affert probationem petitam ex diversitate obiectorum, circa quæ habitus illi versantur. Sed hæc apud illum legi potest. Nos ordine breviter habitus illos describemus, initio facto à scientia. Quid autem scientia sit rectius intelligi non potest, quam si meminerimus, quid sit ipsum scire. Notum verò est ex Logicis & 1. post cap. 2. scire nihil aliud esse, si propriè & strictè vocabulum accipias, quam rem per causam cognoscere & illam quidem propter quam res est id est, proximam & adæquatam. Vnde necesse est præcipuè eam reperiri in rebus necessarijs & æ-

ternis,

*De scientia.*

ternis, nec enim in cæteris certitudo aliqua causa  
rum invenitur, vel si qua est, nos tamen latet. V-  
bi nota æternum vocari, quicquid perpetuū est,  
sive æternum & semper verum, licet aliās ab æ-  
terno non extiterit, nec in æternum existat : de  
necessitate enim complexa sive proportionum  
aut connexionis terminorum sermo est. Acqui-  
ritur autem doctrinā & disciplinā & quidem  
Syllogismo demonstrativo: ita enim rem edoce-  
re, ut proximam & veram causam ejus adsignes  
non cujus vis argumentationis est, sed illius, quā  
apodicticam vocamus. Vnde jam facile defini-  
tio scientiæ adsignari potest : erit enim habitus  
mentis, qui demonstrat conclusionem necessariā  
ex veris, necessarijs, primis, immediatis priorib.  
notioribus & causa conclusionis. Tale habitus  
sunt Physica, Mathesis, Metaphysica & quam  
Pererius addit, quarta illa scientia de substantijs  
incorporeis. Vbi obiter nota Thomam, Scotum,  
Albertum, Ægidium & plerūq; Latinos voca-  
bulum scientiæ latius extendere, quam Aristor.  
6. Eth. facit, cum scientias distinguunt in cōtem-  
plativas & practicas : res enim, quæ praxi subja-  
cent, ut contingentes sunt, ita nec propriè loquē-  
do demonstrationem habent. Imò etiam Aristor.  
cap. 5. in eo discrimen ponit inter scientiam &  
prudentiam, item inter scientiam & artem, quod  
scientia non sit rerum contingentium aut quæ  
sub actionem cadunt, sicut prudentia & ars. Sed  
hæc alibi pluribus disputantur.

Porro verò sicut scientia est habitus rem seu  
conclusionem ex certis & necessarijs principijs  
de-lectu.

*Quomodo  
acquiritur.*

*V.  
De mente  
seu intel-  
lectu.*

deducens & demonstrans ita *vñ*, seu mens & intellectus & habitus, quo ipsa principia cognoscimus. Imò scientia omnis cognitionem principiorum communium præsupponit, ut multis docet Arist. 1. Post. cap. 2. *Cum enim inquit, oporteat credere & cognoscere rem eò quod syllogismum habemus, quem vocamus demonstrationem, hoc est, eò quod hæc sunt, ex quibus est syllogismus, necesse est non solum præcognoscere prima aut omnia aut quadam, sed etiam magis: semper enim propter quod unum quodque tale est, illud magis est tale, ut propter quod amamus, illud magis amicum est, ad eò ut si novimus per prima & credimus, & illa noscamus & credamus magis, quoniam per illa novimus & posteriora: Hæc Philosophus. Non potest aliter fieri, vel enim in infinitum proceditur, vel in primis aliquibus principiis listatur necessum est. In infinitum procedi non potest, nisi omnem cognitionem tollere velis: nec enim posteriora cognosci possunt, nisi de prioribus ante certus sit: In primis ergò aliquibus subsistendum est. Nec tantum id inscientijs, sed omnibus omnino disciplinis & universa cognitione nostra usu venit: Non cognoscuntur autem principia illa prima vel habitu scientiæ, vel prudentiæ, vel artis, cum omnes istæ disciplinæ, quicquid docent, ex certis principiis demonstrent, & conclusiones tradant, quarum veritas per principia ostendi primū debet. Quod si igitur habitus est, quo illa cognoscimus alium esse necesse est à cæteris: Datur autem talis habitus: quanquam enim principia illa vulgò naturâ non appellantur & natura etiam*

nota

*Necesse  
est esse  
aliqua  
prima co-  
gnitionis  
principia.*

nota sunt, habitui tamen eatenus hic locus est, quatenus accedente exercitio aliquo promptius veritatem eorum percipimus, quam per solam potentiam naturalem & lumen intellectus congenitum, sicut id cap. precedente ostendimus.

Cæterum principia illa alia theoretica sunt, VI.  
 alia practica, theoretica; ut, *Omne totum est maius suâ parte, Equalia si addas aequalibus, quæ inde oriuntur sunt equalia.* Idem non potest simul esse & non esse. *Qualibet res est vel non est: Practica, ut, Quod tibi non vis fieri, alteri non esse faciendum: Deum esse colendum, Honestè vivendum; Benefactores & parentes esse honorandos, &c.* Prima hæc, inquam, sunt & maxime communia principia omnis in universum cognitionis nostræ: cætera enim cuncta in hæc tandem aut similia recidunt. Novit autem quisque mortalium sine præceptore & sine indagatone aut inquisitione ea vera esse: tantam enim evidentiam habent, ut modo ipsos terminos simplices tantum intelligas de veritate eorum statim certus sis. Vbi tamen duo notanda sunt, primum est, quod dixi ad cognitionem principiorum requiri cognitionem antea terminorum simpliciorum: quando enim hoc non fit, nullo modo cognoscuntur. Ita natura ipsa quidem docet, totum esse majus suâ parte, sed tunc demum quando jam quis novit, quid vocetur totum, quid pars. Sic itidem docet parentes colendos esse; nec tamen propositionem istam infans intelligit, qui nondum novit, quid sint parentes, quid colere, cum  
 impos-

*Principia illa alia theoretica alia practica.*

*Quomodo sint nascituræ.*

*Cautiones.*

impossibile sit de terminorum connexionem judicare & ejus veritatem percipere, antequam terminos ipsos mens apprehenderit. Alterum est, quod diximus principia illa tam esse evidētia, ut nemo de ijs dubitare possit, id intelligendum esse de ipsis in se spectatis, sive quatenus sine aliqua adjectione & peculiari circūstantia proponuntur: nam alioquin fieri potest, ut vel in dubiū vocentur, vel non ita facile percipiantur. Sic natura docet, non esse alterum occidendum, quia hoc tibi fieri nolis: Nec quisquā de veritate hujus principij in se dubitare potest. Interim tamen id in dubium vocari potest, an nec eum interficere liceat, qui quod lethaliter vulneratus sit in prælio ipse te roget, ut hoc facias & mortem sibi appropere. Ad eundem modum naturā notum est, vim vi repellere licere, & tamen una circūstantia addita id quod alias certum est dubium reddere potest. Ita se habet ratio primorum illorum principiorum. Circa hæc igitur versatur habitus, quem Arist. cum aliud vocabulum commodius non reperiret, nomine ipsius potentiæ intelligendi vñ appellavit, vulgo nunc intellectū vocamus, rectius sine dubio Græcam vocem interpretaturi si mentem diceremus. Sed illud jam usu receptum est, ut mutari nequeat: & parum interest, modò æquivocationem vocis notes & caveas. Pergimus ad sapientiam.

*Habitus principiorum dicitur vñ seu intellectus.*

*VII.  
De sapientia.*

Vbi ante omnia sciendum est, dupliciter quæquā dici posse sapientem, secundum quid & simpliciter, ut docet Aristot. 6. Eth. c. 7. Secundum quid sapiens dicitur, qui in certa materia aut di-

sci-

disciplina excellit. Ita Phidias sculptor, Polycletus  
 statuarius sapiens vocatur; quo sensu nihil aliud  
 intelligimus *quā ipsius artis virtutem*, inquit Philo- *Sapiens*  
 sophus, id est, cognitionem ejus, quod in qua; *secundū*  
 arte eximium est seu summū ad quod ea ascen- *quid &*  
 dere potest fastigiū: id enim virtus rei vocatur, *simplici-*  
 ut docetur i. de cælo t. commentatoris 16. Sim- *ter.*  
 pliciter autem sapiens appellatur, qui intelligit  
 non quod in certa re, sed in omnibus præclaris-  
 simum est. Sed relicto hīc sapiente secundū quid  
 & respectu certæ artis aut disciplinæ ita dicto, de  
 sapiente simpliciter considerandum est. Hujus *Conditio-*  
 Aristot. i. Metaph. c. 2. sex conditiones sive pro- *nes sapi-*  
 prietates esse dicit omnium hominum iudicio. Pri- *entis.*  
 mus est, ut omnia sciat, quoad id fieri potest, non  
 tamen ita ut ea singulatim sciētia complectatur;  
 sed universaliter tantum, altera, ut sciat maximē  
 ardua & difficilia, quæque ab homine levi opera  
 non cognoscuntur: quæ enim vulgata sunt &  
 omnibus obvia ea nosse nullius sapientiæ est, ter-  
 tia, ut in demonstrando sit accuratior cæteris &  
 maximē causas reddere possit, quarta, maximā  
 habeat ad docendum aptitudinem: ista enim  
 cohærent; causas omnium accuratissimē nosse;  
 & optimē docere; quinta, ut tradat quæ maximē  
 propter seipsa cognoscuntur, sive ut 6. Ethic. vo-  
 cantur *honorabilissimā & maximē divina*; sexta deni-  
 que, ut cæteris artificibus prælit & præcipiat: nam-  
 que & hoc proprium est sapientis; ut non ipse  
 alterius ductū sequatur, sed alijs præscribat, sicut  
 fabris architectis. Idque necessum est fieri: si  
 enim ea novit, in quib. palmarium humanæ eru-

ditionis situm est, imò si huius quasi arcem teneas, scientias cæteras ei certo modo subiici oportet. Hæ sunt *ὑπολήψεις*, quas quisque mortalium de sapientia habet, & ita eum comparatum esse necesse est. Unde Aristoteles in Ethicis sapientiam constare ex duobus illis docet, ex scientia peculiari, & deinde habitu principiorum: scilicet enim eæ sunt conditiones sapientis, quas recensuimus, ut quàm maximè difficilia & cum primis admiranda, tum prima rerum principia & supremas causas cognoscat, & scientiam oportet esse sapientiam, & talem, quæ quasi caput habeat ipsam principiorum intelligentiam, sicut hoc pluribus explicavimus in Metaphys. l. I. dispu. I. membr. 5.

VIII.  
*Metaphy-  
sica est sa-  
pientia.*

*Sed natu-  
ralis.*

Ceterum inter disciplinas naturâ duce inventas sapientia & reliquarum scientiarum princeps est Metaphysica, ut ostendit Aristoteles I. Metaphys. c. 2. hæc enim non tantum scientia est, sed obiectum nata tam commune, ut sola primas rerum causas explicet & prima etiam cognitionis nostræ principia illustrare ac propugnare possit. Ita quæ sit prima causa omnium rerum, quis actus ei competat, quæ eius & quanta sit potentia &c. exponit. Ostendit etiam ex terminis suis communissimis eorumque declaratione, quàm impossibile sit, ut prima & communia illa principia cognoscendi, quæ vulgò natura nota vocantur, fallant aut falsi quidquam contineant, sicut hoc pluribus Metaphysici docent. Veruntamen non est sapientia simpliciter, sed naturalis; nam aliàs etiam S. Theologia sic appellatur:

Sed



Sed hic difficultas oritur, quomodo sapientia à scientia & habitu principiorum distinguatur: *IX. Quomodo sapientia à scientia & habitu principiorum differat.* composita enim ex utroq; esse apparet. D. Thomas in Ethicis lectione 5. & 1. 2. quæst. 57. a. 2. dicit, eam distingui à scientia communiter sumpta propter eminentiam, quam inter alias scientias habeat, ab intellectu, quod iste consideret principia in se, hæc ea simul cum conclusionibus. Acciaiulus ait, sapientiam nec scientiam, nec intellectum esse, quia sit tertium aliquod ex compositione utriusq; resultans. Idem tamen postmodum diffusus huic solutioni, addit sapientiā posse principia aliarum scientiarum à priori & communia illa à posteriori probare, quod nec scientia alias nec intellectus possit. Verum neque hæc omnia recto talo stant, nec Thomæ explicatio nodum solvit. Breviter itaq; respondemus, sapientiam differre à scientia, quod tale objectum habeat, de quo cum demonstrat affectiones rei proprias, illo ipso etiam suppeditat rationem & modum tum confirmandi principia cæteris scientijs propria, tum illustrandi, declarandi & propugnandi principia communia, si in dubium ab homine pertinaci vocentur: differre item ab intellectu, quia is quæ talis, promptitudinem quidem intelligendi illa principia suppeditat, non tamen illustrandi & propugnandi ea sicut Metaphysicus: cum enim hoc dependeat ex accurata explicatione terminorum communissimorum, ex quibus constant, puta Entis, Totius, Partis, &c. nemo nisi Metaphysicus illud præstare potest.

X.  
*Habitus  
qui circa  
actionem  
versantur.*

*Aliud a-  
gere aliud  
efficere.*

*Ars.*

*Pruden-  
tia.*

XI.  
*Discri-  
men inter  
eos.*

Haecenus descripsimus habitus, qui circa res necessarias & æternæ veritatis versantur: restant duo, qui pro objectis habent res contingentes. Dico autem eas quæ sub actionem nostram cadunt, id est, quæ pro arbitrio nostro mutare & conformare possumus. Suntq; rursus in duplici differentia: nonnullæ enim agi propriè dicuntur, nonnullæ effici. Aguntur quæ ad vitam ipsam pertinent rectè instituendam, siue quæ rationem honesti aut inhonesti habent, efficiuntur quæ instrumenta quasi vitæ sunt & corporis indigentie subveniunt. Thomas actionem vocat *operationem manentem in ipso agente* ut est intelligere, velle, &c. Effectio *operationis in transeuntem in exteriorem materiam ad aliquid formandum ex ea* ut ædificare, secare &c. Vnde duo etiam diversi habitus sunt, rerum quidem quæ aguntur prudentia, quæ vero efficiuntur, ars. Hæc definitur, quod sit habitus cum rectâ ratione factivus, id est, qui conficere aliquid docet rectè & optimâ ratione, sicut sutor calceum, sartor vestem conficit. At prudentia habitus est cum rectâ ratione activus, siue qui secundum veram & rectam rationem vivere docet, & agere ea quæ hanc vitam decet.

Aristoteles triplex facit discrimen inter prudentiam & artem: primo enim opera prudentiæ plerunque sunt propter se ipsa, artis propter aliud. Sic rectè vivere, justè & temperanter agere, &c. propter se ipsum expetitur, quia per se pulchrum est, at calceum facere propter usum ejus, id est, ut induas vel vendas. Secundo ars indiget

diget virtute morali sæpè prudentia non item, sed virtus moralis ipsâ potius: regina enim virtutū moraliū est prudentia. Tertiò diversa est ratio peccatorum, quæ committuntur in arte, ab ijs quæ in prudentia: nam qui in artefactis peccat spontè, melior eo est qui invitus peccat, cum cōtra res se habeat in rebus prudentiæ subjectis. Sic pictor si de industria in pingendo aberraret præstantior est, quā si invitus hoc faciat: qui enim de industria peccarat, rectius pingere norat, qui invitus, non poterat. At in vita ipsa, qui de industria hominem lædit, peior est eo qui invitus facit. Eleganter hoc exponit etiam Seneca ep. 95. *Vis scire, inquit, quam dissimilis sit aliarum artium conditio & huius: ita enim per abusum vocis appellat prudentiam. In illis excusatiū est voluntate peccare quàm casu; in hac maxima culpa est sponte delinquere. Quod dico tale est. Grammaticus non erubescit solacismum si sciens facit, erubescit si nesciens. Medicus si deficere agrum non intelligit quantum ad artem magis peccat quam si se intelligere dissimulat. At in hac arte vivendi turpior volentium culpa est. Hæc ille. Tot igitur sunt habitus animi principales acquisiti, in quibus ratio veri est, & ista eorum est natura.. Vnde facile jam intelligitur, quid sit prudentia & quid à cæteris habitibus distet. Sed quia hæc tractatio omnis propter naturam prudentiæ explicandam suscepta est, de ea sigillatim & pluribus adhuc dicendum erit.*

## CAPVT III.

De Prudentia in specie, Et primò  
de nomothetica siue le-  
gislatoria.

## SUMMARIA.

- 1 De prudentia.
- 2 Quod sit & unde petatur.
- 3 Primum ejus principium à Deo arcessendum.
- 4 Artem simulandi & dissimulandi non esse pruden-  
tiam.
- 5 Prudentiam dupliciter dici.
- 6 Divisio prudentia.
- 7 Quomodo de illa agat Philosophus, quomodo I Crus.
- 8 De quibus hac disputatione dicendum, & an vox  
legis.
- 9 Non involuere,
- 10 Aliud esse legem universi, aliud legem de qua hic agi-  
tur.
- 11 Quid si lex.
- 12 Thomæ definitio.
- 13.14.15.16.17.18. Definitio auctoris & eius explica-  
tio.
- 19 Quotuplex sit lex.
- 20 De lege natura.
- 21 Definitio apud Aristot. & Vlpianum.

- 22 *Obiectiones ex scrip. solvuntur.*
- 23 *Quomodo V Vesenbec explicet definit. Vlpiani.*
- 24 *Alia difficultas de eadem.*
- 25 *Legem natura esse actum non habitum.*
- 26 *Præcepta leg. nat. esse duplicia.*
- 27 *Eam obtinere apud omnes gentes.*
- 28 *Materia seu obiectum ejus.*
- 29 *An sit mutabilis.*
- 30 *De jure humano & quatenus constat ratione.*
- 31 *Id exemplo declaratur.*
- 32 *Duplex id esse gentium & civile.*
- 33 *Obiectum ejus,*
- 34 *Ius humanum esse mutabile.*
- 35 *De obligatione legam.*
- 36 *De obligatione legis natura.*
- 37 *Neminem de ea dispensare posse.*
- 38 *Nec Deum ipsum.*
- 39 *Materiam tamen legis tollere posse.*
- 40 *Explicantur loca quæquam ex sacris.*
- 41 *De obligatione legis humana.*
- 42 *An etiam Principem obliget.*
- 43 *Obligare.*
- 44 *Obligatio ad pœnam & in conscientia.*

**P**Ræclare M. Tullius libro i. de offic. inter ho-  
mines & belluam hoc maximè interesse di-  
cit, quod hæc tantum quantum sensu movetur  
ad id solum quod adest quodque præsens est se  
accommodet, paullum admodum sentiens præ-  
teritum aut futurum, homo autem qui ra-

I.  
De pru-  
dentia.

tionis est particeps, per quam consequentia cernit, principia & causas rerum videt, earumque progressus & quasi antecessiones non ignorat, similitudines comparat, rebusque presentibus adiungit atque annectit futuras, facile totius vitæ cursum videat: ad eamque degendam præparet res necessarias. Fit autem hoc ope Prudentiæ, imò hæc ipsa est prudentia, optimè prospicere quid ad vitam feliciter vivendam conducatur, & cum ex præteritis de præsentibus iudicare, tum his rursus futura annectere: *quod enim sibi rectè prospexerit, id prudentiam habere homines dicunt*, inquit Aristoteles libro 6. Ethic. cap. 7. r. 63. adeò ut nonnullis etiam bestiis prudentia id eò nonnunquam tribuatur, quod in vitâ suâ providendi viam habere videantur ut ipse Aristoteles facit 1. Metaphys. cap. 1. Unde olim Anaxagoram & Thaletem & similes sapientes quidem, sed non prudentes vocabant, cum viderent ipsos propria commoda ignorare, & insignia quidem & admiranda ac difficilia cognitu divinâque scite, sed inutilia dicerent, quia non quærerent bona humana: prudentia enim circa humana versatur, & in quibus consultatio locum habet, sicut idem philosophus docet.

II.  
*Quid sit  
prudentia  
& unde  
petatur.*

Quapropter prudentia omnis in eo posita est, ut quis cum sibi, tum aliis consultat quæ vitæ salutaria cum primis sunt, eamque quam pulcherrimam & honestissimam reddunt optima enim vita nulla est, nisi honestissima, sicut id statim primo libro ostensum est. Quid autem honestum

nestum sit tam in univēsum quā in singulis actionibus, definit recta ratio: hæc enim prudentiam gignit, imò est ipsa prudentia, dicente Aristotele l. 6. Eth. c. ult. t. 136. Porro verò recta ratio nihil aliud est quā ut lib. 2. exposuimus, rectum de vitâ hac iudicium, idque ex ipsa lege naturæ depromptum. Lex denique naturæ ipsa lex Dei est, ejusq; digito mentibus hominum in scripta, sive potius legis illius æternæ & divinæ radius aliquis, ad vitam hanc civilem regendam nobis post lapsum relictus, sicut ex Paulo ad Rom. c. 2. tum docuimus. Unde id intelligi potest, mentiri tantum nomen prudentiæ & astutiam ac calliditatem merâ esse quicquid nec rectæ rationi congruit, nec ad honestatem & virtutem tendit, ut ut aliàs præclaram & utile in vitâ appareat: speciem enim boni habere potest quod à voluntate Dei & lege naturæ abhorret, verè bonum esse nequaquam potest.

Primum itaque principium prudentiæ à Deo ipso immortali arcessendum est & ita existimandum, veram prudentiam ab ejus lege & voluntate unicè dependere. Nemo enim prudens qui Deum nescit, ait D. Ambrosius lib. 2. offic. cap. 25. *Et nihil est quod magis proficiat ad vitam, quam ut credamus eum iudicem futurum quem occulta non fallant, & indecora offendant & honesta delectent*, sicut idem sanctissimus Pater porro scribit c. 26. Unde negat Epictetus rectè de vita sentire quenquam posse, nisi idem de Deo & divina providentia rectè statuatur, imò nisi penitus & certò sibi id persuaserit, non tantum numè aliquod esse, quod res mortalium

curet tam in communi quàm uniuscujusque sigillari, sed etiam, quod Socrates censuerit, seclam Deo nec moveri posse, ut refert Arianus li. 1. cap. 2. Idem Seneca ep. 83. inculcat: *Si certè, inquit, vivendum tanquam in conspectu vivamus, sic cogitandum, tanquam aliquis inpectus intimum inspicere posset. Et post: quid enim prodest ab homine aliquid esse secretum? Nihil Deo clusum est: interest animis nostris & cogitationibus mediis intervenit.* Et Cicero libr. 1. de legibus. *Nihil est prastabilius quam planè intelligi nos ad justitiam esse natos, neque opinione, sed naturâ constitutum esse jus.* Hæc illi. Quare ut nec vita recta aut optabilis, ita nec prudentia vera ulla est nisi Deum autorem & ducem habeat. Notat hoc optimè & Zaleucus Locrensis Pythagoræ discipulus: cum enim magnæ, ut refert Diod. Siculus lib. 12. cap. 19. esset in patria auctoritatis ac observationis, ad ill. componendas à populo delectus & novas sanctiones aggressus, ita in proæmio sanctionum suarum scripsit: *requiri ab incolis sue urbis ut ante omnia certò persuasum habeant credantque esse Deos, & mente cælum intuentes & mirificum ejus ornatum & ordinem non casus fortuiti nec hominum illud opificium esse judicent.* Idcirco Deos colant ac venerentur, quibus auctoribus omnia honesta & bona mortalibus existant. Quidquid igitur legi naturæ & rectæ rationi congruit, sectandum totâ vitâ & quidquid ab eâ abhorret, fugiendum idèò censet quisquis prudens est, quod illud Deus ipse præcipiat & approbet, hoc vetet & detestetur, imò quod illud certò remuneretur, hoc acriter puniat.



puniat. Qua in re enormiter olim lapsi sunt Epicurei, quod non tantum animæ immortalitatem, sed & providentiam divinam negarint, ut mirum non sit omnem eos rectè vivendi rationem sustulisse, cum ipsa principia veræ prudentiæ subverterint. non potest enim homo quin indignum in modum se omni scelere polluat, si nec præmia virtuti nec pœnas peccatis post mortem decretas statuatur, ut multis hoc deducit liber Sapient. c. 2. dicit. Nullam, ait, providentiam præesse rebus humanis libenter opinantur, dumq; fortuitis committunt casibus & animos & corpora sua, tradunt se feriendos & laniandos libidinibus, divina judicia negantes, humana fallentes, eos à quibus accusantur fortuna patrocínio propulsare se putant.

Sunt autem hæc eò accuratius observanda, quò magis hodie sub specie virtutum ipsa vitia venditantur: sicut enim fieri dicebat Cato, ubi Respublicæ in extremo sitæ sint, ut vera rerum vocabula amittantur, & bona aliena largiri liberalitas, malarum rerum audacia fortitudo vocetur, ita prudens nunc plerunque est, quisquis.

IV.

*Ars quid-  
vis simu-  
landi &  
dissimu-  
landi non  
est pru-  
dentia*

*Composita dicta ex pectore evoluit suo,*

*Quæ cum componas, dicta factis discrepent.*

Imò hoc palmarium ejus tenere est, sicut de Tiberio Imp. nullâ eum æquè, ut referatur, ex virtutibus suis quam dissimulationem dilexisse, apud Cornel. Tacitum legimus. Egregiam sane virtutem quàm æquè ut orcum sibi invisam olim dicebat Græcorum fortissimus; & eximiam pruden-

dentiam, quâ sine dubio nulla major vitæ perniciēs esse potest, sicut rectè Tullius censet lib. 2. offic. quæque etiam in improbissimos quosque cadit, imò non nisi in illis summam suam *axum*, attingit: nam *Malus cum bonum se simulat, tum pessimus est*. Nihil ergo in universum cum verâ prudentia commune habet ars illa, quidvis simulandi & dissimulandi callideq; alios circumveniendo. Docet id rursus ita Cicer. 1. de officijs cum ait: *Cum duobus modis, id est, aut vi aut fraude fiat iniuria, fraus quasi vulpecula, vis leonis videtur: utrumque ab homine alienissimum, sed fraus odio digna maiore, Totius autem iniustitiæ nulla capitalior est, quam eorum qui tum, cum maxime fallunt, id agunt, ut viri boni esse videantur*. Vnde ipsa cultores suos tandem pessumdet. Nam si quis simulatione & inani ostentatione, ficto non modo sermone, sed etiam vultu, stabilem se gloriam consequi possetur, vehementer errat. Vera gloria radices agit atque propagatur, ficta omnia celeriter tanquam flosculi decidunt, nec simulatum quidquam potest esse diuturnum. Imo quo quis persutior & callidior est hoc est invisior & suspectior, detracta semel opinione probitatis, ut hæc omnia Cic. lib. 2. præclare persequitur: Sed relictâ hac falsò dictâ prudentiâ, in instituto nostro pergamus.

V.  
Prudentia dupliciter dicitur.

Sciendum autem est, cum Prudens sit qui vitæ rectè consulit, posse prudentiam dupliciter accipi, vel pro eâ quæ privata curat & rem familiarem administrat, quatenus ad corporis sustentationē illa pertinet, vel pro eâ quæ mores & virtutis rectè instruit. Priore significatione hic vocem nō accipimus: nam & hæc minus propriè pru-

prudētia est, cum etiam brutis commune sit ut de ijs prospiciant quæ ad vitam conservandam faciunt.

——— *Sapē exiguus mus*

*Sub terris posuitque domos atque horrea fecit;*

*Aut oculis capti fodere cubilia talpa.*

Tamen de posteriore significatione hic sermo est.

Et hoc sensu prudētia re ipsā nihil differt à *Prudētiā*  
 Politica, sive facultate civili, etsi ratione discerni *& doctrina*  
 possunt, sicut docet Aristoteles lib. 6. Ethic. cap. *na civilis*  
 8. *Vnus & idem*, inquit, *est habitus, sed esse non est idem.* *ratione*  
 Vbi recurrit formula illa loquendi quem suprà *tantum*  
 usurpabāt & nos explicabamus, cum de distinctione iustitiæ universalis & particularis ageretur. Differunt autem hoc, quod prudētia magis respicit quæ in rem cuiusque propriā sunt, civilis facultas, quæ in publicum bonum: etsi utrumque tandem in idem recidit, cum unum idemque bonum sit unius hominis & totius civitatis; una etiam & eadem felicitas, sicut docetur 1. Ethic. c. & 7. Polit. c. 1. & 2. & nos suo loco ostendimus. Liqueat hoc facile: sicut is detum privātum recte & prudenter vivit, qui nihil avarè, nihil injustè; nihil intemperatè etiam in vita privata agit, sed cum ipse virtuti studet, tum familiam universam eā instruit, maximè autem liberos in spem & emolumentum patriæ educat: ita etiam Kemp. rectissime curet qui virtute excellit. Quemadmodum item administratio rei familiaris & vita privata administrationi Reipubl. subordinatur, ita quo-

quoq; prudentia statuendi de rebus privatis referatur necesse est ad Prudentiã civilem. Quare nec una ab altera separari potest, & ubi prudentiam civilem explicaveris de universa eã res liquida erit.

VI.  
*Divisio  
prudentiæ.*

Dividit autem Aristoteles prudentiam civilem primò in duas partes, in Nomotheticam sive legislatoriam & Politicam propriè dictam. Legislatoriam appellatur quæ leges condit, ut verbo dicam novam Remp. ornat; Politica quæ eam secundum leges istas administrat. Vnde Aristot. illam architectonicam respectu hujus esse dicit: sicut enim architecti est ædes mète designare, & præscribere quid quomodo in earum extructione fieri debeat, fabricatorum autem, sedulo exequi quæ præscribit: ita is qui Remp. ordinat. tam publica quàm privata jura condit, ad quorum normam Politica deinceps eam gubernat. Dicitur autem posterior hæc κατ' ἐξοχὴν civilis & Politica facultas, quia etsi const. tuere & ordinare Remp. majus quid est quàm eã administrare; administratio tamē maximè in sensus incurrit. Vnde facultas cuius ope & beneficio hæc perficitur præcipiè Politica appellatur, sicut & Politici illi qui partem reipubl. aliquā gerunt: Pòrrò verò Politica rursus dividitur ab Aristotele in Iudiciariam & Deliberativam. Iudiciaria est quæ iudicia obit, Deliberativa quæ deliberat, & sententiam in senatu dicit. De singulis partibus agendū nobis est, initio factò à Nomothetica sive Legislatoria. Pertinet autē huc nniversa tractatio de Legibus & jure, non quidem ut à prætoris edicto aut à XII. tabulis, sed penitus ex intima Philosophia eã hau-

*De prudentia  
legislatoria.*

riamus, hoc est, naturam juris & legum in genere explicemus, eamque ab ipsa hominis repetamus natura, sicut id faciendū monet Cicero libr. I. de legib. Quod dum fit, jus civile, sicut idem Cicero dicit, in parvum quendam & angustum locum concludatur necessum est. Neq; enim hæc consideratio ad leges aut jura unius civitatis, sed universi generis humani pertinet, cum non tam spectetur hic quæ jura tam composita sint aut quibus legibus Resp. regantur, sed quibus regi debeant, & ut multa paucis complectar, fontes aperiendi sint unde jura omnia & leges profluunt, quo recurrendum etiam idētidem est quoties in explicatione juris civilis hæretur.

Et hæc ideo observari debet, ut intelligatur quo pacto de jure & legibus agat Philosophus, VII. Quomodo de ll. agat philosoph. quomodo ICtus. quo item ICtus: nec enim id existimandū est tractationē illam ad ICtos tantūm pertinere. Quod quidem tantum abest, ut fieri possit, ut solum jus civile, hoc est, quod certa Respubl. sibi jam constituit, ad eos pertineat: cū enim ICtus non condatur leges, sed conditas interpretetur tantūm, nec de alijs agere potest quatenus talis est, nisi quæ latę jam sunt. Vnde quidquid tractat id omne eò refertur, ut ostendat ita aut legibus, aut rescripto principis, aut jure statuario vel simili cautum esse, idque ideo quia aut expressē sic scriptum illi inveniatur, aut ex ijs quæ scripta sunt evidenter hoc deduci possit. Quare nec an rectē & utiliter lata sit lex disputare potest, aut rationes eorū quę constituuntur inquirere l. & ideo 2. ff. de leg. imo

imò erubescit sine lege loqui §. consideremus novell. de trient. & semis. 18. item quum lex etià dura est, sufficere ei tamen debet quod ita sit scripta l. prospexit 12. ff. qui & à quibus man. lib. non fiant. At longe altioris indaginis est quæ Philosophus tractat: primam enim originem omnium legum ostendere debet, leges civiles item in legē naturæ quantum fieri potest, & hanc in divinam reducere; imò rationem condendarum legum explicare. Prius facit Ethicus: sicut enim huic exponendum est quæ sit natura justitiæ, ita etiam quid & quoruplex in universum jus sit, unde justitia æstimetur. Posterius autem ad Politicum pertinet: quæ enim leges in unaquaque Reip. formæ salutares sint, quæ noxiæ, quantâ curâ lex semel lata conservanda sit, & si qua abroganda, quantâ cautione id fieri oporteat; ejus tantum est & illius habitu faciunt qui Reip. præfunt: sicut enim solo habitu Politices Respubl. constituuntur, ita maximè etiam leges feruntur in quib: anima Reip. & salus posita est. Quare de condendis ijs & cuique formæ rerum publ. aptandis disputare Politici est. Plures itaque disciplinæ; ut diximus, de legibus tractant, sed quæq; peculiari ratione: nec tantum eæ quas antè attulimus; sed ipsa etiam sacra Theologia: de lege enim divina sive de lege æterna Dei agit.

VIII.  
De quib.  
dicendum  
hac dispu-  
tatione.

Verum nos relictis ijs quæ ad alias disciplinas pertinent, tria illa hic explicabimus. I. Quid sit Lex? II. Quoruplex sit, & III. Quomodo & quatenus unaquæque obliget. Vbi principio sciendum est, vocabulum Legis tam latè pate-  
re, ut

te ut Gregorius de Valentia tom. 2. disput. 7. q. 2. punct. 1. quinque ejus acceptiones recenset. Sed quia aliqua ex ijs ad solam Theologiam pertinet, nobis ad nostrum institutum sufficere videtur tres tantum annotasse. Accipiunt autem primò *Quotuplisciter accipitur vox legis.* latissimè pro omni regula aut præscripto quo vel imperatur vel prohibetur aliquid in vita sive justè id fiat, sive injustè. Secundò strictius, pro regula tantum recta, quæque præscribit ea quæ justa & bona sunt, & ex usu publico. Tertiò strictissimè sicut interdum apud Iurisconsultos, cum lex opponitur plebis scito, senatusconsulto, edicto prætoris, &c. ut ex toto titulo Institutionis de jure naturali gentium & civili liquet. Sed ommissa ultimâ acceptione, quæ ut facilè putat, justo angustior est pro hoc quidem loco, de duabus cæteris videndum est, quænam huc competat. Sunt autem autores multi & magni, qui legem verè tantum esse putant quam secundâ acceptio vocabuli denotat. Sic Plato 5. de legibus sub fin. statuere videtur, cum legem omnem annexam habere vult rationem, ut non tantum cogat subditos, sed vim persuadendi habeat. Cicero verò etiam disertius hoc docet passim in libris de legibus. Unde lib. 1. definit. legem rectam rationem imperandi atque prohibendi. Et lib. 2. ait: omnem legem quæ quidem rectè lex appellari possit esse laudabilem. Et paulò post subiicit, eos qui perniciofa & injusta populis iussa descripserint, cum contrafecerint quam polliciti professique sint, quidvis potius tulisse quam leges; ut perspicuum esse possit in ipso nomine legis inter-

pretando inesse vim & sententiam iusti & juris colendi. Hæc ille, cui consentit & D. Augustinus lib. 1. de libero arbitrio. cap. 5. *Mihi lex esse non videtur*, inquit, *quæ iusta non est*. Multis etiam inculcat hoc D. Thomas, Sic 1. 2. *quæst.* 99. *art.* 2. docet omnem legem ordinari ad bonum commune totius civitatis, idque testimonio Aristotelis ex lib. 5. ethic. cap. 1. confirmare nititur. Et. q. 92. *art.* 1. ubi quæsierat, an affectus proprius legum sit homines reddere bonos & responderat, fieri hoc, si rectè latæ sint; sin minus, reddi bonos tantum secundum quid, siue in ordine ad illud regimen, cui leges aprentur, sic ait in solutione quartæ objectionis: *Lex tyrannica cum non sit secundum rationem non est simpliciter lex, sed magis est quadam perversitas legis*. Rursus *quæst.* 96. *art.* 4. in corp. dicit, leges injustas esse magis violentias quam leges. Cum Thoma facit Gregorius de Valentia, ut tam ex loco citato quàm ex definitione legis punct. seq. perspicitur.

IX.  
Non involvere.

Verum enim vero quidquid hæc de re sit, nobis tamen videtur prima acceptio vocabuli magis quàm secunda huc quadrare: nec enim aut de lege divina, aut de naturali, aut bonis tantum legibus hîc agitur, sed de lege in universum. Licet itaque nec lex divina nec naturalis, nec ulla rectè lata possit esse injusta, id tamen ideo non fit, quasi lex esse tum aliquid definat, cum injustum est, sed quod talis lex sit, hoc est, aut divina, aut naturalis aut rectè lata, cum alias legi humanæ non repugnet, ut interdum iniqua sit, sic-  
ut et-



ut etiam Arniseus docet libro 1. doct. polit. cap. 18. Id sic ostenditur : primo enim sive à legendo *Hoc probatur.*

vocem derives, ut Isidorus libro 2. etymol. c. 10. sive à deligendo quod optimu in est, quam notationem Cicero adfert : sive à ligando, ut volunt Scholaſtici, nihil impedit, quo minus & quæ iniusta sunt leges esse & dici possunt, cū ista omnia etiam malis legibus accommodari certo modo queant; Deinde si de essentia reipubl. non est ut sit bona aut ad publicum bonum simpliciter referatur, nec est de essentia legis. At non est de essentia reipubl. cum non tantum bonæ formæ rerum publ. veræ respubl. sint, sed etiam malæ. Ergo etiā verè lex esse potest illa quæ bona simpliciter non est. Maior probatur: sicut enim lex primò inventa est propter publicum bonum, ita etiam resp. ut, quantum ad hoc negotium; utrobique pat sit ratio. Probat etiam minor: definitio enim reipub. quam Aristoteles tradit 3. polit. c. 4. puta quod sit ordinatio civitatis cum circa magistratus alios tum maximè circa id quod summam in civitate auctoritatem habet, tam competit tyrannidi, oligarchiæ & democratiæ, quam regno & alii alicui bonæ & laudabili reipublicæ. Tertiò si nō tantum verus sed & bonus civis esse potest qui non est tamē vir bonus, etiam lex esse revera potest, imò bonā etiā secundum quid, quæ tamen simpliciter bona & iusta non est. Prius illud fieri posse docet Arist. 3. pol. c. 3. E. potest fieri etiam posterius. Quarrò, disertè ita docet ipse Aristot. quum nō tantum 3. pol. c. 7. leges alias affi-

gnat bonis rerumpubl. formis, alias malis, sed etiam 5. eth. cap. 9. quem locum Thomas allegat, expresse dicit: *Leges de omnibus rebus ita loquuntur, ut vel communem omnium utilitatem spectent, vel optimorum, vel eorum penes quos summa rerum est potestas, idque vel secundum virtutem, vel secundum aliquem alium modum talem.* Nec obstat quod supra dixerat, omnia legitima esse aliquo modo iusta: sicut enim 4. politic. 7. optimos sive optimates alios simpliciter dicit, alios ex hypothesi huius aut illius reipub. ita etiā iustum est quod iuri consentit, sive sit simpliciter tale sive ex hypothesi tantum. Hæc primo notari debent.

X. Aliud est. Porro & hoc observandum est, Legem interdum appellari id quod ad solas actiones humanas pertinet, interdum ordinem quo tota rerum universitas ab eius conditore & observatore regitur, quique etiam res inanimatas concernit. Ita Claudianus in Ruffi. lib. 1.

— Tunc omnia rebar

*Consilio firmata Dei qui lege moveri  
Sidera, qui fruges diverso tempore nasci,  
Qui variam Phæben alieno iusserit igne  
Compleri &c.*

Et Boëthius lib. 1. de consolat. Philos. metro 5.

*O stelliferi conditor orbis,  
Qui perpetuo nixus solio  
Rapido cælum turbine versas,  
Legemque pati sidera cogis.*

Et paulò post:

*Nihil antiqua lege solutum  
Linqvit propria stationis opus.*

Idem

Idem lib. 2. met. 3.

*Constat aeterna positumque lege est,*

*Vt constet genitum nihil.*

Eodem sensu voce ista utitur Manilius 1. astro-  
nom.

*Nec quicquam in tanta magis est mirabile mole*

*Quam ratio & certis quod legibus omnia consent.*

Nos hîc priorem tantum acceptionem retine-  
mus, cum posterior ad prudentiam civilem nihil  
spectet.

His suppositis dispiciendum jam est quid sit XI.  
Lex. Cicero in libris de legibus multas habet de- Quid sit  
finitiones. Primo ita eam definit lib. 2. *Lex est ater-* lex.  
*num quiddam quod universum mundum regit, imperan-*  
*di prohibendique sapientia.* Sed hæc definitio huc Varia ejus  
non quadrat: latius enim vocabulum legis ac- definitio-  
cipit, quam fieri debere jamjam diximus. Altera nes,  
est libro eod. talis: *Lex vera atque princeps apta ad*  
*jubendum & ad vetandum ratio est recta summi Iovis.*  
Verum hæc solam legem divinam complecti-  
tur. Tertia est libro 1. cujus partem supra etiam  
attulimus: *Lex est recta ratio qua jubet ea qua sunt fa-*  
*cienda, prohibet autem qua non sunt facienda.* Papinia-  
nus I Ctus l 1. ff. de leg. ita eam definit: *Lex est com-*  
*mune præceptum, virorum prudentium consultum, deli-*  
*ctorum qua sponte vel ignorantia contrahuntur coerci-*  
*tio, communis reipubl. sponsio.* Cui definitioni simi-  
lem libr. 2. Martianus ex Demosthene adfert &  
Gregorius de Valentia aliam ex Aristotel. Rhe-  
toricis ad Alexandrum cap. 1. Sed præterquam  
quod multa desiderari etiam in istis definitioni-

bus possint, omnes eæ solis legibus positivis humanis conveniunt.

XIII.

*Thoma  
definitio.*

D. Thomas qu. 90. art. 4. hanc definitionem habet: *Lex nihil est aliud, quam quædam rationis ordinatio ad bonum commune ab eo qui curam communitatis habet promulgata.* In qua tamen Gregorius de Valentia duo reprehendit: Primo quod illa definitio latius pateat quàm definitum, cum non tantum leges, sed etiam consilia contineat, quæ & ipsa sint ordinationes quædam, nec tamen propriè leges, cum vim obligandi non habeant. Deinde vocem *promulgata* minus convenientem esse putat, quod promulgatio tantum creaturis intelligentibus fieri possit, lex autem æterna Dei tam latè pateat, quam ipsa providentia divina & gubernatio totius universi. Sed quidquid sit de voce ordinationis; nec enim negare fortè potest consilia, præsertim quæ in scripturis occurrunt, nonnunquam ordinationes appellari posse, cum leges tamen propriè non sint, quia necessitatem nobis nullam imponunt, altera tamen reprehensio illa locum hic non habet, ipse Gregor. sic definit: *Lex est rectum quoddam rationis practicum decretum ab eo qui curam communitatis gerit sufficienter sancitum & constitutum, ut ex eius vi debeat necessario mori aliquis sive in re sive in actione propter commune bonum adhiberi.* Verùm & hæc definitio laborat, ut ex suprâ dictis manifestum est.

XIII.

*Propria.*

Nobis ita definiri posse videtur: *Lex est decretum sive Dei, sive eius penes quem maiestas est in republica, vel natura ipsi impressum, vel sufficienter aliis sancitum & constitutum iuxta quod vivatur, ita ut*  
vel sim.

*vel simpliciter expedit & pium ac honestum est, vel expedit huic saltem aut illi reipublica.*

Dico decretum: lex enim vim cogentem habere debet, quemadmodum dicitur 10. ethic. cap. 9. text. 86. ut à consiliis, cohortationibus & dehortationibus differat. Unde Philosophus ibid. præter optimam educationem civium etiam leges reipublic. (*multitudo enim, inquit, necessitati potius quam rationi, & pœnis quàm honestati paret,*) insinuans commonefactiones & iuasiones ac dissuasiones hoc à lege differre, quod illæ necessitatem nullam imponant ei cui suggeruntur aut præscribuntur, hæc omninò imponat. Imò expresse hoc dicit, cum subiicit: *Patris quidem præceptio vires non habet neque necessitatem, neque ullius omnino unius viri, nisi rex aut aliquis talis.* Atque hinc Papinianus legem vocat coercionem. Errant hic Plato & Cicero quod ut diximus, leges omnes præmio constare volunt, quo persuadeatur id quod iubetur. Rectius Seneca epist. 94. *Non probo, inquit, quod Platonis legibus adjecta principia sunt: legem enim brevem esse oportet, quo facilius ab imperitis teneatur: velut emissæ divinitus vox sit: iubeat, non disputet. Nihil videtur mihi frigidius, nihil ineptius quam lex cum prologo. Mone, dic, quid me velis fecisse: non disco, sed pareo.* Ita Seneca. Quod tamen cum dicimus non putamus necessarium esse aut de essentia legis, ut certa pœna transgressoribus semper in ea constitutatur, sed sufficere si ab ijs repeti ea possit legis vigore & obligatione, ut rectè docet Gregorius de Valentia, disput. 7. q. 2. punct. 2.

XIV.  
*Explicatio definitionis.*

*Lex debet habere vim cogendi.*

XV.  
Pertinet  
ad intel-  
lectum &  
volunta-  
tem.

Porro *decretum* etiam ideo voco, ut intelligatur cum lex sit regula juxta quam vivatur, prescribere autem & proponere regulam partim ad intellectum, partim ad voluntatem pertineat, utriusque potentie actus ad legem condendam in legislatore concurrere. Intellectus quidem concurrat oportet; cum ejus proprium sit ostendere quid fieri debeat ac utile sit, quidque conducatur ad finem quem legislator propositum habet. Concurrit autem etiam voluntas, cum legem ferre non tantum sit dicere aut proponere quid fieri oporteat, sed & jubere ut fiat: quatenus igitur regula est, opus est intellectus, quatenus vim obligandi habet, opus voluntatis ejus, cujus voluntati conformari voluntatem alterius oportet. Hinc D. Augustinus utrumque exprimere voluit, cum lib. 22. contra Faustum cap. 27. de lege eterna Dei dicit, *eam esse rationem divinam vel voluntatem Dei, ordinem naturalem conservari jubentem, perturbari vetantem.* Quo etiam pertinet illud Ulpiani. l. 1. ff. de constit. princip. *Quod principi placuit legis habet vigorem.*

XVI.  
De ejus  
promul-  
gatione.

Dico porro in definitione: *Sive Dei sive eius penes quem est majestas in republ.* & intelligo prioribus quidem verbis non tantum legem divinam proprie ita dictum, sed potissimum legem naturae: nam & haec Dei est, cum Deus ipse eam revelaret; & mentibus hominum inscripserit, ut docet D. Paulus ad Rom. cap. 1. 19. & cap. 2. 15. posterioribus vero omnes leges humanas, sive ecclesiasticas sint sive civiles: etsi enim majestas proprie est in republ. tamen quia etiam ecclesia visibilis ad modum

modum reipubl. alicuius eatenus gubernari debet, ut certa disciplina observetur, etiam illic leges ab hominibus feruntur & ferri possunt. [Additur deinde; *Vel natura impressum, vel alias sufficienter sancitum & constitutum*, illud propter legem naturæ, hoc propter leges positivas: cum enim, ut dictum est, lex esse regula aliqua debeat, iuxta quam vivatur, nota sit iis oportet quibus præscribitur. Innotescit autem lex naturæ per naturale lumen rationis & conservatur per συντήρησιν, lex positiva verò & humana, quando sancitur & proponitur, sive promulgatur, quod fieri necessarium est, idque eò usque ut etiam de essentia legis hoc sit, sicut rectè docet Thomas 1. 2. qu. 90. art. 4. Vbi tamen paulò latius accipimus vocabulum promulgationis, quàm fiebat olim apud Romanos, cum legem promulgare esset publicè eam proponere integro trinundino, sive diebus viginti septem, antequam præferretur, sicut ex Cicerone, Livio, Halicarnassæo & aliis scriptoribus constat, & annotavit Rosinus libro 8. antiquit. cap. 2.

Nihil autem interest an ita constitutatur, ut scripto ea comprehendatur, an ut memoriâ tantum, aut alia ratione conservetur, sicut rectè dicit Aristot. 10. eth. cap. 9. text. 90. Sanè Lacedæmonii nullam legem scribebant, sed omnes memoriæ mandabantur, ut Iustinian. Imp. §. 10. inst. de iur. natur. gent. & civ. testatur. Imo lege caverat ipse Lycurgus ne scriberentur, ut refert Plutarchus in Lycurgo. Alius mos erat Atheniensium: hi enim omnes scripto comprehendebant. Dis-

VIII.

Perinde

est sive

scribatur

sive non

scribatur.

putant equidem hic Icti multis, an scriptura sit de essentia legis, aliis disertè id negantibus cum Connano lib. 1. com. 8. aliis contra affirmantibus cum Wesenbecio in parat. de legib. nu. 5. Mynsing. in §. quartum inst. de jur. N. G. & civili. Sed istam litem nostram non facimus: nec enim quid requiratur ad leges Romanas, quatenus sunt tales, sed quid in universum sit de ratione legis, quærimus.

XVIII.

Postremò dicimus, *iuxta quod vivatur &c.* h. e. quod præcipit bona vetatque mala, puta quæ vel simpliciter, talia sunt, vel secundum quid, idque cum hac interminatione, ut puniat contra facientem, sicut docet Thomas 1. 2. q. 92. a. 2. Vbi tamen duo observa. Primum est, Thomam etiam tertium affectum legi tribuere, ut permittat indifferentia. Sed quia permissio fit sine obligatione, & necessitatem nullam imponis, minus propriè in hunc numerum venit, ut rectè docet Gregor. de Valentia loc. cit. quæst. 1. puncto 1. Deinde & hoc nota: Quamvis lex præcipiat & vetet cum obligatione ad pœnam, nec punitione tamen esse inter effectus ejus recensendam, cum non primariò sed secundariò tantum legi proposita sit, et si Valentia in obligatione legis includi eam censet, quæst. 2. punct. 2. Ejusmodi igitur quid sunt leges, & solent alio nomine vocari *Jura*: quanquam enim voces istæ non nihil discrepant, & jura præcipuè dicuntur leges bonæ, plerumq; tamen hæc duo in re ipsa aliàs conveniunt. Sic jus divinum, ius humanum, ius naturale dicimus æquæ ac legem divinam, huma-

humanam, n  
quam illa  
et non fun  
quendi doc  
Quid sit le  
quoruplex  
omnium rati  
aut divina  
in divini pa  
um autoren  
referunt. D  
quam Deus  
tali patefa  
ur: poste  
odiciariæ q  
Deo præscri  
tam genera  
turæ, & h  
Theologica  
humanata  
distingui et  
a dicitur q  
Sed quia h  
emissâ pri  
Est aute  
tam de leg  
primò de  
liud est, de  
raterationi  
men nobis a  
cognoscim  
nostra con



humanam, naturalem : Imò jura civitatis nonnunquam illa quoq; dicuntur cum iusta simpliciter non sunt. Sed hæc facile, ut puto, ipse usus loquendi docebit.

Quid sit lex, ostendimus: explicetur iam porro quoduplex sit. Potest autem dividi rectissime omnium ratione causæ efficientis, ut lex omnis sit aut divina, aut humanam, accipiendo vocabulum divini paulò latiùs. Divina est quæ Deum ipsum autorem habet: humanam quidem homines ferunt. Divina porro vicissim dividitur in eam quam Deus naturæ inscripsit, & eam quam speciali patefactione promulgavit. Prior est lex naturæ: posterior decalogus, & leges omnes tam iudiciariæ quàm ceremoniales populo Iudaico à Deo præscriptæ, &c. Vnde vulgo tria in universum genera legum faciunt, Legem divinam, naturæ, & humanam. Sed de divina ad scholas Theologicas pertinet agere. Nos de naturali & humana tantum hic dicemus. Solet quidem lex distingui etiam in affirmativam & negativam, illa dicitur quæ præcipit aliquid, hæc quæ vetat. Sed quia hæc divisio ex accidente tantum est, eam omisâ priorem retinemus.

Est autem paulo accuratius nobis agendum tam de lege naturali quam de lege humana, sed primò de naturali. Lex itaque naturalis nihil aliud est, definiente Valentia q. 4. p. 1. quàm *naturæ rationis nostræ iudicium seu dictamen*, quo per lumen nobis ab æterna lege impressum & inditum evidenter cognoscimus ea esse facienda, quæ ita sunt recta & naturæ nostræ consentanea, ut ea negligere sit deforme & natura

XIX.

Quotuplex sit lex.

XX.

De lege seu jure naturæ.

tura

*tura repugnans, & contra ea esse vitanda quæ facere turpe sit, & natura rationali minimè congruum.* Talia sunt Deum colere: honestè vivere; neminem lædere; suum unicuique tribuere; & uno verbo, illa omnia aliis facere, quæ tibi fieri velis. Hanc legem etiam post lapsum in nobis reliquam esse tum ipsa experientia testatur, jam disertè docet B. Paulus ad Rom. 1. & 3. sicut id lib. 2. c. 2. multis explicavimus, & contra nonnullorum absurditatem sufficienter, ut arbitror, demonstravimus. Et sanè dicit Apostolus, *gentes quæ legem (intellige scriptam) non habent, naturaliter quæ legis sunt facere, & ostendere opus legis scriptum esse in cordibus suis, una testimonium reddente ipsorum conscientia & cogitationibus sese mutuo accusantibus aut etiam defendentibus.* Unde manifesto liquet etiam homines corruptissimè viventes legem habuisse & cognovisse, quæ tam bonum approbaret, quàm malum vetaret, licet eam non observarent. Aristot. 5. eth.

XXI.

*Definitio  
juru naturalis  
ap. Aristotelem.*

cap. 7. *jus naturale ita describit: Jus naturale est, quod ubique gentium unam vim obtinet, nec ideo valet, ita vel decretum sit, vel non decretum.* Quæ definitio et si rem ipsam satis explicat, à posteriori tamen est nostra quidem sententiâ, licet Socro dicat ita jus naturale per causam formalem & philosophico more definiri lib. 3. de just. q. 1. art. 2. Vlpianus libr. 1. ff. de just. & iur. ius naturæ esse ait, quod natura omnia animalia docuerit: nec enim id soli humano generi proprium esse, sed omnibus animalibus quæ in cælo, quæ in terra, quæ in mari nascantur. Idem repetitur in instit. de iur. N. G. & civili Sed hæc definitio minus accurata

est

est et si eam partim approbant, partim in bonum sensum trahunt. D. Ambrosius 1. offic. cap. 27. Thom. 2. 2. qu. 57. art. 3. & Gregor. de Valentia, disput. 7. q. 2. punct. 2. Primò enim dubium nulum est, quin sicuti injuria in bruta non cadit; ut ipse etiam Imperator testatur. libr. 1. ff. si quadrupes pauper, fecisse dicatur, ita etiam nec jus illis competat. Inde ipsi Iurisperiti ex Cujacio & Goveano ita rem plerumque explicant, jus naturæ esse si homines id ratione faciant, quod bruta incitatione naturali. Dicitur itaque jus naturale esse *Difficili- committit etiam brutis, non quod jus ipsum re- sasque in- periat in illis, sed quia id in ijs deprehendatur, ea occur- rit.* quod, quando in homine est, jus dicatur. Ita bruta per naturalem inclinationem tuentur se contra vim, alunt & protegunt sobolem & similia faciunt, quæ etsi in ipsis rationem juris aut justitiæ non habent, justa tamen sunt cum homo ea facit. Iulius Pacius in notat. ad instit. expositio- *Imò & in- nem hanc violentiam esse putat, & ipsi textui re- juria nul- pugnantem & relabitur ad illud, posse saltem lo modo cadunt in improprie jus tribui etiam brutis. Sed quidquid bruta.* do priori illo sit: ita enim est, ut dicit, vix admittere explicationem illam verba tam evidentia videntur, posterius defendi nequit. Sanè occurrunt etiam in sacris Scripturis loca, ubi jus & injuria brutis quoque tribui videntur. Sic Exodi 21. 28. bos cornupeta, qui hominem occiderit, lapidari jubetur, & Levitici 20. 25. occidi jun:entum quicum homo cubuerit. Similiter Deuterón. 22. 6. sancitur, si quis offenderit nidum avium, ne matrem accipiat cum pul- lis, sed

dis, sed pullos tantum, matre liberâ dimissâ, & paulò post, interdicitur ne quis atet asino simul & bove. Quæ leges omnes id supponere videntur, injuriam etiam in bruta aliquo modo cadere: cur enim bos cornupeta & jumentum illud puniuntur, si non peccant, nec bos ille injuriam fecit ei quæ occidit? pœna enim omnis peccato alicui irrogatur. Vnde D. Augustinus quæst. super Exod. cap. 81. tractans hunc locum de bove, ait ad justitiâ pertinere, ut animal hominibus noxium perimatur. Possunt ergo injuriam bruta quoque facere. Sed & eandem pati possunt: si enim non licuit ludæis pullos & matrem simul auferre; nec asinum bovi jungere in opere faciundo, quia bove imbecillior est, videtur utique injuria utrique animali fieri posse.

XXII. Verùm enim verò hæc nihil probant: nec enim vel bos cornupeta lapidabatur, ideo quod injuriam fecisset, ut jumentum, qui cum homo consueffet, occidebatur, quod ipsum etiam peccasset, sed alterum horum fiebat, ut eo magis constaret non leve peccatū esse homicidium, quippe cum sanguis hominis etiam à bruto repetetur, quod se facturum expressè dixerat Dominus Genes. 9. 5. alterum verò sancitum fuit in detestationem criminis & abolendam omnem memoriam rei tam nefandæ sicut eodem fine Achan propter peccatum suum non solum cum filiis & asinis ac bobus, sed tentorio quoque & omnibus quæ ei erant comburebatur. Ios. 7. 25. De pullis autem cū matre non auferendis & asino bovi non jungendo ideò præceptum fuit, ut dū ab ijs quæ speciem

ciem crudelitatis tantum & injuriæ habent abstinerent, eò fortiùs à vera crudelitate & injuria erga proximum retraherentur, quemadmodum hæc omnia exponunt Lyranus & cæteri scripturæ interpretes communiter. Vnde rectè S. Augustinus lib. 1. de adulter. conjugis ad Pollent. cap. 16. ait: *Consuetudo sermonis ita latè patet, ut etiam jumenta quamvis sint rationis expertia, tamen plerumq; dicamus debere vapulare cum peccant. Pescare autem propriè non est nisi eius qui utitur rationalis voluntatis arbitrio, quod in omnibus mortalibus animantibus non nisi homini est divinitus attributum, sed aliud est cum propriè loquimur, aliud cum verba ex aliis rebus transferendo vel abutendo mutamus.*

Wesfenbec. in paratitlis de justit. & jur. ita medicinam huic rei facere conatur, ut dicat hominem, cujus causa omne jus constitutum sit, considerari posse tripliciter, primò ut animal, secundò ut hominem, tertio ut hominem civilem. Hinc efficit porro, quum ei opus jure & disciplinâ sit, tam quatenus est animal, quàm quatenus est homo, & homo civilis; tria esse genera juriûm, jus naturale, jus gentium & civile, & naturale illud cõpetere homini prout animal est: unde ait jus naturale efflorescere ex inclinationibus naturalibus, & facultate animæ qua concupiscimus & afficiamur, quæque sit homini cum reliquis brutis communis: istas enim inclinationes unde est custodia & defensio vitæ, libertas, conjunctio maris & fœminæ, procreatio liberorû, & *σὺργὰς φυσικὰς* esse, quæ omnibus animantibus, ceu communi naturæ hominû & bestiarû inditæ  
sint,

XXIII.

*Quomodo**Wesfenb.**conetur.**difficulta-**tem solve-**re.*

*Consideratio illius solutionis.*

sint. Sed & hæc reſ non conficiunt ut ipſe poſtmodum ingenuè fateretur: nec enim inclinationes illæ communes cum brutis; aut quidquid eſt in homine quatenus eſt animal, juſtum eſt aut juri conſentaneum, niſi quatenus rationi & principiis practicis conformatur. Cauſa eſt in promptu: quod ſi enim id ilicò eſt agere ſecundum juſ naturæ ſequi inclinationes naturales quæ ſunt in animalibus, jam omni turpis libido, cædes, imo cuncta flagitia juriſ naturæ ſunt, cum omnia iſta homines faciant brutâ aliquâ inclinatione. Quare ita cenſendum eſt, quicquid juſte fit ſecundum illas inclinationes, id omne à ratione eſſe, ſicut hoc ipſe Weſenbec. uberrimè perſequitur. Quin nec obſcurè oſtendit, ratiſ accuratam eſſe iſtam deſcriptionem juriſ naturalis, & licet dicat eam retineri poſſe, quia recepta ſit, rationi tamen magis conſentaneum eſſe ait, ſi non ex inclinationib. duntaxat naturalibus, ſed principiis practicis juſ naturæ acceſſantis. Hoc primum hic notandum fuit.

XXXIV.  
*Alia diſſicultas in eadem deſinitione.*

Alterum eſt quod dicitur juriſ naturæ eſſe conjunctio maris & ſœminæ, item procreatio liberorum. Vnde Weſenbecius dicit conjunctiſonem illam eſſe verè naturalem & communem beſtijs. Sed non video quomodo ipſa conjunctio maris & ſœminæ item ipſa procreatio ſobolis à jure aliquo ſit; aut talia agere ſit facere quod juſ naturæ doceat. Quicquid enim juriſ naturæ eſt hoc ſine peccato omitti nequit. Sic uxorem, ubi duxeris, tutari legitimo modo, & ſobolem quam procrearis educare, juriſ naturæ eſt,

est, adeoque nec sine peccato omitti potest. At nemo peccat si non duxerit uxorem, vel liberos non procreavit. Quare etsi uxorem ducere & liberos procreare naturale est, hoc est, naturalis ad eam rem in homine est inclinatio, non magis tamen juris naturæ est quam cibus & potum sumere. Sed his omissis, quæ obiter annotare placuit, eò redeamus, unde digressi sumus.

Primo autem recolendum est quod diximus; XXV.  
 legem naturæ esse dictamen sive judicium rationis nostræ. Alexander Alensis p. 3. summæ q. 27. membr. 2. art. 1. mavult eam habitum esse: sed re- Lex natura est a-  
tius rati-  
onis habi-  
tus.  
 ctius, sine dubio, sentit Thomas; qui actum aliquem rationis esse dicit. Sic docet: 12. q. 94. a. 1. sicut n. aliud sunt ipsa principia naturæ nota; aliud naturalis potentia & habitus quo principia illa cognoscuntur, ita aliud etiam est sine dubio ipsa lex naturæ, modo accuratè loqui velis, aliud habitus, qui docet tam principia quam conclusiones legis illius. Imò lex omnis est præceptum: præcepta autem propositiones sunt in mente; non habitus. Quare nec lex naturæ habitus propriè esse potest. Deinde hoc nota; judicium illud esse, Descendit  
à lege æ-  
terna Dei.  
 à lumine nobis ab æternâ lege indito, quibus verbum tum promulgatio tum vis obligandi legis naturæ continetur: lex enim non est lex nisi promulgetur, & vim aliquam præcipiendi habeat, ut suprà ostendimus. De promulgatione res liquida est. Imperandi autem facultatem is habet qui communitati præest. Cum igitur Deus opt. max. totius rerum universitatis, cujus nos pars aliqua sumus, Dominus & Princeps sit, quidquid ille

ita ostendit faciendum vel omittendum esse, ut si contra ages, ipsius indignationem & vindictā incurras, id omne præcepti & legis vim habeat, necesse est. Et hoc modo proponitur quidquid lex naturæ dicat. Tertio observa, cū dicitur per legem naturæ cognosci ea esse facienda, *quæ ita sunt recta & naturæ consentanea. ut ea negligere sit deforme & naturæ repugnans*, &c. non intelligi: tantū ipsa principia practica, & cōmunia illa præcepta, sed omnes etiam conclusiones, quæ inde necessariō deducuntur. Quicquid n. ita faciendum, ita bonum & honestum est, ut cōtrarium ejus ex se sit turpe, id omne ad legem naturæ pertinet, cum quod contra legem humanam sit, turpe tantum sit eatenus quatenus id lege jam & certa constitutione prohibitū est. Id patet quid sit lex naturæ.

XXVI.  
Præcepta  
legis na-  
turæ du-  
plicia  
sunt.

Sed ut ratio ejus rectius adhuc percipiatur, quatuor ista porro explicanda nobis sunt, primò quotuplicia sint præcepta legis naturæ, secundo; an lex illa & quomodo valeat apud omnes homines: cum enim Aristot. jus naturale hoc distare dicat à legitimo, quod illud ubiq; gētium obtineat, hoc nō itē: potest sine dubio inde quā rectissimē cognosci, tertio quodnā sit ejus objectū, & quarto an mutari possit necne: namq; & hoc addit Arist. non valere eatenus quatenus quid sit vel decretū vel non decretūq; nūquā de legis illius ratione esse quod sit immutabilis. Duplicia autē præcipuē sunt præcepta illa: alia ipsa cōmunia & indemonstrabilia principia practica, puta honestē esse vivēdū: quod tibi velis fieri alteri faciendū &c. alia conclusiones ex principiis illis deductæ



ductæ, ut non esse occidendum : neminem esse defraudandum; non esse dicendum falsum testimonium. Sed & hæc vicissim duplicia sunt: nonnulla enim ex principiis illis primis & indemonstrabilibus promptè & facile deducuntur, adeoque ijs propinquiora sunt, quemadmodum conclusiones jã allatæ; alia difficilius & ferè à doctis tantum, remotiora enim ab ijs sunt. Sic juris naturæ est ut pecunia quum mutuo acceperis, reddatur eadè prorsus bonitate, qua accepisti: quanquã n. videri potest sufficere sola externa ut vocant bonitas, idque etiam doctis nonnullis fortè persuaderi, revera tamen non sufficit, sed proximum defraudat qui quod tam interna quam externa bonitate accepit, externa tantum reddit. Atque hac in re tam diu proceditur, quàm diu per cogentem & necessariam rationem ex principiis illis aliquid deduci potest, etiam si conclusiones oriantur à principiis illis nonnihil remotæ, quæque prima fronte non ostendant statim ad legem naturæ sese pertinere. Quamprimum autem ratio probabilis tantum occurrit, exceduntur limites legis naturæ, & incipit esse lex humana.

Obtinet autem lex naturæ apud omnes homines, sicut enim natura una est omnium, ita etiam quod natura dicat, præsertim, si illa maxime communia præcepta spectes; maxime communia inquam: nam alias fieri potest, ut vel propter peculiarem affectum, vel pravam & inveteratam consuetudinem, nonnunquam apud nonnullas gentes aut ignota sint, quæ lex naturæ docet, aut ab ijs approbentur etiam quæ disertè cum illa

XXVII.  
Lex natura ob-  
inet apud  
omnes  
gentes.

pugnat, sicut hoc rectè explicat D. Thomas q  
cit. a. 4. & ex eo Greg. de Valentia. Quin ne  
tantùm contra conclusiones juris naturæ paul  
abstrusiores multa interdum fiunt, sed etiam ei  
rarius, in ipsa illa communi unissima præcepta in  
pingitur. Sic apud Lacedæmonios furta & adu  
teria, apud Locenses, Ozolos Ætolos & Aca  
nanes prædationes olim erant licitæ, ut hæc  
stantur Plutarchus in Lycurgo, Xenophon  
rep. Lacedæm. Thucydides l. 1. quod & Germ  
nis nostris siue verè siue per calumniam tribu  
Iulius Cæsar de bello Gallico lib. 6. Imò ipse  
mnis sapientiæ apud Græcos parens Homeri  
Antolycum ob calliditatem in furando & pej  
rando prædicat. Odysl. 1. idque à Deo Mercur  
edoctum esse dicit; reprehensus hac de re meri  
à Platone 1. de rep. in principio.

## XXVIII.

*Materia  
sen abje-  
ctum legis  
naturæ.*

Materia legis naturæ, quod ad præcepta aff  
mantia, sunt actiones omnium virtutum; quæ  
ad negantia omnes actiones virtuti contrarias  
illas n. imperat has prohibet. Dico autè signa  
rer actiones omnium virtutū, non omnes acti  
nes virtutum: nec enim omnes istas lex natur  
præcipit, cū multæ suscipiantur liberè siue abs  
obligatione, multæ etiam ex solo præcepto h  
mano. Hujusmodi sunt omnia quæ secundu  
virtutē heroicā fiunt: et si enim nihil illis est pu  
crius aut præclarior, nemo tamē ad ea obligatū  
Ita continere se & temperanter agere etiam tu  
cum voluptatem licitè capere quis poterat ex  
aliqua, lex naturæ nō imperat. Vnde quid ex h  
roica quadam temperantia facit secundum virtutē  
te

tem quidem agit, sed ultrò sine obligatione. Similiter cibo & potu abstinere ex mandato magistratus tum quando licebat aliàs eo frui, actio virtutis est, nec tamen ad eam quis obligatur vi legis naturæ, sed præcepto tantum humano. Idque docet Thomas, cum ait, *actus virtutum secundum speciales suas rationes non esse de lege naturæ*. Constat igitur, legem naturæ et si nihil præcipit, nisi actionem virtutis, imo præcipit actiones omnium virtutum, non tamen præcipere omnes actiones omnium, sive omnes quæ à virtute proficisci possunt. Alia ratio est de præceptis negativis: prohibet enim lex naturæ omnes actiones vitiosas. Et causa hæc est: quamquam enim esse potest actio aliqua bona ad quam suscipiendam non obligeris, nulla tamen actio est à vitio aliquo profecta, quin obligemur ad eam vitandam. Omnia igitur vitia sunt contra naturam & legem naturæ. Quod tamen cum dicimus verba illa, *contra naturam*, paulo latius accipiuntur, quam fieri interdum solent, sicut monet D. Thomas a 3. ad secund. cum enim natura hominis possit dici vel natura ei propria, pura ratio, vel naturalis inclinatio, quæ ei cum brutis etiam communis est, fit ut nonnunquam omnia vitia dicantur contra naturam esse, hoc est, contra rationem: nonnunquam autem quædam tantum peculiariter & κατ' ἐξχιν. Quo sensu peccatum Sodomiticum dicitur esse contra naturam hoc est, tam terribile & immane, ut non solum rectæ repugnet rationi, sicut cætera peccata omnia, sed ipsa etiâ naturali inclinationi brutorū.

XXIX. Postremò cum quæritur, an lex naturæ sit in-  
*An lex* tabilis, potest id intelligi dupliciter, primò ita  
*natura sit* ipsa mutetur, & desinatque aliquando rectum  
*mutabilis* quod ea dicat, deinde ita ut cõsideres subjec-  
 in quo est lex naturæ, & quæras an nonnunqu  
 aboleri ex mente hominum possit, ita ut q  
 quod ejus beneficio sciebant bonum esse an  
 hac, post aut ignoret, aut malum esse statuatur.  
 cilis autem est responsio distinctione tantum a  
 hibita: quod si enim loquamur de præceptis m  
 xime communibus, certum est nec posse ea  
 desinere esse veram in se; nec deleri è mente h  
 minis. Sin verò sermo sit de conclusionibus  
 præceptis particularibus, possunt nonnu  
 quam aliqua mutari, sed per accidens tantum  
 obliterari etiam, imò prava consuetudine & d  
 uturno usu peccandi planè obrui. Ita depositum  
 esse reddendum, legis est naturæ: nec tamen fi  
 rioso gladius quẽ fortè deposuerat, reddi debe  
 sic latrocinia sunt contra legem naturæ, & tam  
 fieri posse, ut totæ nonnunquam gentes putet  
 ea licita esse, supra ostendimus. Imò ita docet L  
 Paulus ethnicos in reprobum sensum à Deo da  
 tos esse ad Rom. 1. v. 28. ut sc. permiserit eos por  
 ro, indulgendo omnis generis vitiis, mentis ho  
 magis expertes fieri, quo magis ipsi sanam men  
 tem & notitiam honestatis, quam natura, sive  
 Deus per naturam iis concesserat, ultro ante con  
 templerant & nefariè decoxerant.

XXX.  
*De jure*  
*humano.*

Quid sit lex sive jus naturæ, exposuimus; per-  
 gamus ad jus humanum. Hoc Aristot. lib. 5. eth  
 c. 7. ita describit: *Jus legitimum est, quod ab initio hoc*  
 an il-

an illo modo fiat, nihil refert; cum verò constitutum fuerit, *Definitio*  
 tum demum refert. Plenior descriptio hæc esse *legis hu-*  
 potest: Lex humana est decretum factum & promulga- *mana.*  
 tum ab eo qui publicam auctoritatem in civitate aliqua  
 habet præscribens quidpiam à subditis servandum, quod  
 ad reip. tranquillitatem & utilitatem facere probabiliter  
 putatur: Appellatur jus legitimum: secundum ex-  
 cellentiam enim lex dicitur, quod peculiariter  
 sancitur & constituitur, nec tam per se facien-  
 dum est, quàm ideò quia sic constitutum fuit.  
 Eadem de causâ positivum dicitur. Humanum  
 verò, quia tam natura id jubet, quam homines  
 pro arbitrio suo constituunt, prout scilicet ad  
 vitæ usum conferre aliquid censent: omne e-  
 nim quod natura ipsa docet, hoc enim vel ipsa  
 principia practica, vel conclusiones ex ijs evi-  
 denti necessitate deductas ad jus naturale spe-  
 ctare diximus. Causa autem constituendi ejus-  
 modi aliquod jus hæc fuit: cum enim præcepta *Quare*  
 juris natura is observari in vita nequeant, nisi *propter*  
 particulares nonnullas dispositiones ratio hu- *legem na-*  
 mana addat, quæ ipsa lege naturæ expressæ non *tura opus*  
 sunt, necesse fuit præter legem naturæ esse aliquā *sis ill. posi-*  
 humanam. Sic jus naturale docet equidem fur-  
 tum rem esse per se malam, & fures esse punien-  
 dos, at quānam pœna præcipuè coerceri debe-  
 ant, ut quantum fieri potest è medio tollantur,  
 non addit. Similiter juris naturæ est, ut testamen-  
 ti, & ultimis voluntatibus hominum auctoritas  
 sua constet, iisque fides habeatur. Sed quot  
 testes à testatore adhibendi sint, ut testamen-  
 to credi tutò possit, constitutioni humanæ

*Quare  
nec  
quomodo  
constat  
ratione.*

relictum est. Denique juris naturæ est, non esse  
quenquam defraudandum in contractibus, ac  
quanti hoc aut illud, hoc aut illo tempore veni-  
re debeat, ne quis defraudetur, caveri legi hu-  
mana potest. Dependet itaque jus humanum  
ut dixi, ab hominum constitutione: nec  
minus tamen ratione aliqua constare debet. mo-  
do benè se habeat. Sic furtum pœna severiore aut  
mitiore punitur prout conditio reip. id requirit.  
Ita etiam non unus sed plures testes adhibentur  
ad testamentum ut ei fides hoc rectius constet. Si-  
militer quanti vendendum sit frumentum hoc vel il-  
lo anno, ostendit major minorve proventus ejus  
anni: id n. legis humanæ est, prescribere quomo-  
do quâ rectissimè fiat, quod lex naturæ jubet. Fit  
autè hoc per rationem, ut dixi, quæ non quidè ne-  
cessario ex lege naturæ depêdet, (nā aliàs & ipsū  
legis naturæ esset,) sed quæ aliàs probabilis est.

**XXXIII.**

*Id ex ex-  
plo decla-  
ratur.*

Quod rectissimè intelligitur si quis animo  
cogitarit qua argumentatione apud semetipsum  
utatur. Cum aliquis legislator cum legē quā-  
piam invenit quam reip. utile esse putat. Est autè  
hæc istiusmodi: Quicquid quam rectissimè tollit  
è rep. furtum hoc sine dubio reip. est salutare. Sed  
furem reddere duplum, id facit: vel non illud, sed  
pœna capitis hoc facit. Ergo illa est irroganda. V-  
bi manifestum est, maiorem quidem proportio-  
nem esse legis naturæ, sed minorem niti ratione  
tantum probabili: fieri enim potest, ut pœna du-  
pli aut quadrupli in certa rep. sufficiens sit ad cō-  
pescendam improbitatem civium, sicut in popu-  
lo Iudaico; unde etiā illa constituta est Exo. 22. fi-  
eri

eri quoq; potest ut severiori aliqua nonnunquā sit opus. Quare ut aliās quum principiorum siue præmissarum una, præsertim major, est evidens vel necessaria, altera probabilis tantum & minus evidens, conclusio infertur non nisi probabilis, ita etiam in his & similibus argumentationibus res sese habet: omnes enim leges humanæ, quatenus sunt tales, per ejusmodi aliquem discursum excogitantur & constituuntur.

Cæterum etsi jus humanum multipliciter dividi potest, duplex tamen vulgò faciunt, jus gentium & civile. Jus gentium vocant, quod vel omnes gentes vel plures communiter constituent: hujusmodi esse ajunt rerum proprietatem, emptiones venditiones & similia: civile quod certa aliqua respub. peculiare habet, ita I Crī & ex nostris Thom. 1. 2. q. 96. a. 4. Soto 3. de just. q. 1. a. 3. Greg. de Valent. disp. 7. q. 5. p. 2. Sed si ita definias tum jus naturale tum positivum & humanum, ut nos cum Aristot. suprā definivimus, jus gentium pars est juris naturalis nō positivi, sicut ipse Thomas id docet 2. 2. quæst. 57. art. 3. & 5. eth. lect. 12. Ratio in promptu est: si enim jus gentium ex jure naturæ derivatur, sicut conclusio ex principiis & necessariò quidem, nec per modum particularis determinationis tantum, ut Thomas & Soto ipsi docent, si item est id quod naturalis ratio inter omnes homines constituit, & apud omnes homines per æque custoditur, ut dicitur 9. jus autem inst. de jur. nat. gent. & civ. non differt à naturali, ut etiam Welsenb. in paratit. de justit. & jur. n. 16. ultro faterur. Sanè faciunt discrimen

*Jus positivum duplex vulgè gentiū & civile,*

*Jus gentiū est pars juris naturalis.*

inter jus naturale & gentium hoc, quod naturale simpliciter sit necessarium secundum absolute considerationem quoque citra rationationem homo intelligat iusta esse quæ præcipit, ut fur cõmunissima principia legis naturæ, puta se tueri & suos alere, jus gentiũ autẽ necessarium tantũ sit certis additis circũstantiis & in ordine ad certũ finẽ, sicut si ager absolute spectetur, non habet unde magis sit huius quã illius; quod si autẽ cõsideretur per respectum ad opportunitatem colendi & ad pacificum usum agri, necessum est, ut sit unius & nõ alterius. Unde et per discursum id discitur iustũ esse, ut privatim agros quisq; possideat potius quam ut cõmunes sint. Ita Thomas & Sotus. Sed quia non rãtum ad jus naturale spectant principia legis naturæ, verum etiã conclusiones quæ non probabiliter sed necessario ex ijs deducũtur, ut supra ex ipso Thoma id docuimus facile patet discrimen illud nullius momẽti esse. Et quanquam natura quædã dictat facienda esse simpliciter, quædam propter certas circumstantias, non minus tamen ista docet quam illa. Sic etsi non intererat rem absolute spectando, ut ea quibus vita indiget privatim quisque possideret potius quam omnes cõmuniter, interest tamen imò & necessariũ est, si ita administrari ea oportet ut commodẽ vivatur sicut ex 2. polit. c. 2. & 3. constat. Certè quod omnes aut pleræque gentes in proprio omnia possident non tam ex arbitrio quam necessitate coacti fecerunt. Hoc de iure gentium monendum erat. De civili autem nota, aliter illud hic nos appellare quam quod Civile  
live



sive Politicum Aristot. vocat: ipsi enim ita vocatur jus omne quo utitur civitas, sine quod nō intercedit inter parentes & liberos; dominum & servum, sed inter cives: nam istud æconomicum secundum quid tantum jus esse dicit multisque ostendit l. 5. eth. c. 6. Quare etiam jus civile in naturale & positivum sive humanum aut legitimū dividit, cū nos id speciem positivi faciamus. Icri ferè eodem modo quo nos accipiunt nisi quod plerunque solum jus Romanum intelligant.

Materia legis humanæ sunt actiones virtutis & vitii, quatenus vitæ tranquillitatem & utilitatem illæ juvant, hæc perturbant & impediunt, ita tamen quousque ei quod natura dicat aliquid hominū constitutio addere hic potest. Dico quæ juvant aut perturbant tranquillitatem & communem vitam: nam alias lex humana omnes actiones virtutum imperat, nec omnia vitia prohibet, sed eas tantum actiones virtutis quæ cum primis ad conservationem reip. necessariæ sunt, mandat, & ea vitia coercet, à quibus tota aliqua multitudo commodè revocari potest, quemadmodum dicit Thomas 1. 2. qu. 96. art. 2. & 3. imò nec de omnibus leges ferri possunt, ut Plato docet 4. de republ.

XXXII.  
*Objecta  
legis hu-  
mana.*

Postremò potest etiam jus humanum mutari, idque duplici de causâ: primò enim mutabile est respectu rationis & causæ ob quam lex aliqua lata fuit; deinde respectu hominum quibus fertur. Prius iterum dupliciter fit: aut enim ratio ferendæ legis erat bona, & tū ideo tantū cessat, quia forte

XXXIII.  
*Ius hu-  
manum  
est muta-  
bile.*

*Non ta-  
men nisi  
cautè no-  
tandum.*

fortè res ipsa & necessitas amplius non uiget, ut si constitutum aliquid sit, quod bello tantum valere : id enim pace restituta abrogatur. Aut bona non erat, etsi in initio sic visum fuerat : falli enim homines possunt ; & tum lex vetus abrogatur idè quia inventa est utilior & melior. Respectu hominum quibus fertur causa legis abrogandæ est, quatenus mores multitudinis nonnunquam in melius aut pejus proficiunt. Ita igitur lex positiva mutabilis est. Cautissimè tamen mutatio omnis institui debet, tum quod non facile reperitur aliquid veteribus melius ; tum quod res est mali exempli : sicut enim nihil magis obediens legibus subditos reddit quàm diuturna consuetudo ijs parendi ; si cum eò certiori noxâ conjunctum est, sic temerè lex aliqua abrogetur, quæ religiosè diu observata fuit, quod ea ratione omnium auctoritati delibatur, ut docet Thomas 1. 2. quæst. 97. artic. 1. & 2. Vnde optimi quique legumlatores, quantum opere potuere, semper hoc caverunt ; sicut vel unius Charondæ Thuriorum legislatoris sanctio sufficienter ostendere potest, qua cavebat, ut si quis legi cuiusdam correctionem adhibere vellet, proposito ea de re consilio, interim guttur laqueo infertum haberet, & expectaret, dum populus de mutatione legis suffragia pertulisset : quod si comitia populi legem posteriùs scriptam recepissent, auctorem ejus solvi ; sin ita irritam haberent abrogationem, confestim frangi gulam jussit, referente Diod. Sicul. 12. c. 17. Imò apud Cretenses & Lacedam. lex peculiaris erat, qua vetabatur, ne aut juve-

juvenes in ullam legem inquirerent, rectè ne an secus lata esset, aut si nes in præsentia juvenum de legibus disputarent, ut autor est Plato libro 1. de legibus. Sed hæc latius persequi ad Polit. per-

Quid sit lex tam naturæ quàm humana, exposuimus hætenus, ostendatur nunc quomodo & quosque utraque obliget. Vbi principio constat omnem obligationem legis in eo consistere, ut voluntas & actus subditorum conformentur voluntati ejus qui legem tulit. Sed id rectè intelligendum est: nec enim conformari voluntas subditi ad voluntatem domini, aut hominis ad voluntatem divinam semper decet tam ratione voliti quàm ratione volentis, hoc est, nō tam ut velit semper quod Deus vult, quàm quod ipse cum vult velle: ista enim differunt. Docet hoc de conformatione voluntatis humanæ cum voluntate divinâ admodum egregiè D. August. in enchir. ad Laurent. c. 101. unde desumerunt Alexan. A. lensis part. 3. q. 26. memb. 3. & Thomas 1. 2. q. 15. art. 10. Sic aliquando, ait D. August. *bona voluntate homo vult aliquid quod Deus non vult, etiam ipse bonâ multò amplius multoque certius voluntate: nam illius voluntas mala nunquam esse potest: tanquam si bonus filius patrem velit vivere, quem Deus bonâ voluntate vult mori.* Hæc ille. Obligat itaque lex divina ut homo non tam velit quod Deus ipse vult, quia quod ipse vult cum velle. Ita nullū dubium est, licet pater propter crimen aliquod dignus morte sit, pietatem tamen filii requirere, ut nolit mortem patris, nec Deus hoc in ipso improbat, cum

XXXV.  
De obligatione  
legum.

Quomodo  
voluntas  
subditi  
debeat  
conformari  
voluntati  
superioris

cum ipse <sup>copiam</sup> istam naturæ in se verit; & nihilo minus tamen Deus vult noxium patrem ad supplicium rapi. Quare etsi interdum non vult homo quod vult Deus simpliciter, conformatur tamen voluntas ejus volūtati divinæ, modò id velit quod Deus ipsum velle vult. Exemplum hujus rei in sacris observat Lyranus 3. reg. cap. 8. r; Leguntur ibi verba hæc Salomonis regis: *Volu David pater meus edificare domum nomini Domini Domus Israel & ait Dominus ad patrem meum: Quod cogitas edificare domum nomini meo bene fecisti, hoc ipsum me te tractans; verum tamen tu non edificabis mihi domum sed filius tuus qui egredietur de renibus tuis.* Rectè itaque fecerat David, quod templū extruere volebat, idq; à Deo ipso commēdatum dicit Salomone tamen Dominus hoc fieri voluit. Eadem ratio est de voluntate subditi conformanda ad volūtatē Principis aut ejus qui principis loco est.

Sed hæc in genere de obligatione: descendamus ad speciem. Duo autem ad obligationem legis alicujus intelligendam necessaria esse videntur; unum ut scias quosnam obliget; alterum a quo tolli illa obligatio, & ut vocant, de leg aliqua dispensari possit. De utroq; videbimus. Obligat autē lex naturæ omnes omnino homines, ratione utentes, quacunque ætate, quocunque loco & conditione sint: cum enim omniū naturæ eam Deus insculpsit, non potest non omnibus lata & promulgata etiam esse. Dico, *ratione utentes*, cum enim primò incipit homini innotescere, quando ratio incipit se exercere: necesse est ut actu eā semper omnes cognoscant  
suff

sufficit ut cognoscere potuerint. Vnde constat, *Quicquid*  
 quid contra legem naturæ fit, à quocunque fiat *contra eam*  
 peccatum esse. Docet id præclare D. Aug. l. 3. *fit. à quo-*  
 conf. c. 8. *Flagitia, inquit, quæ sunt contra naturam, u-*  
*biq; ac semper detestanda ac punienda sunt, qualia Sodo-*  
*mitarum fuere, quæ si omnes gentes facerent, eodem crimi-*  
*nis reatu divinâ lege tenerentur, quæ non sic fecit homines*  
*ut se illo uterentur modo. Violatur quippe ipsa societas quæ*  
*cum Deo esse debet nobis, cum eadem naturâ, cujus ille*  
*autor est, libidinis perversitate polluitur.* Hæc D. Au-  
 gust. quæ ex eo repetitur jus Canonicum c. *Quæ*  
*contra, dist. 8. Quamvis itaque princeps in repub.*  
 superior alias legibus vulgò dicatur, & peculiari  
 indultu eximi quisquam ab observatione le-  
 gis humanæ possit, naturalitamen etiam prin-  
 ceptis & omnes subijciuntur, ut impiè & absurdè  
 Cambysi contra legem naturæ & gentis Persicæ  
 consuetudinem sororis conjugium appetenti, &  
 de jure sciscitanti, indices regii responderint,  
*nullam quidem legem de conjugio cum sorore contrahen-*  
*do apud Persas se invenire, sed aliam tamen esse, quod*  
*regi Persarum liceat quidquid libeat, ut narrat He-*  
*rodotus libr. 3. Cui simile est illud Iuliæ nover-*  
*cæ Antonini Caracellæ imp. cum privignus eam*  
 incestaturus, diceret velle se si liceret; respon-  
 dentis, *licere si liberet, an nesciret se imperatorem esse &*  
*leges dare, non accipere, teste Spart. in Carac. sub fin.*  
 Nec minor impudentiâ Anaxarchus Philosoph.  
 Alexandr. M. mæstum ob Clyti cædem his ver-  
 bis consolabatur: *En tibi Alexandrum quem universus*  
*terrarum orbis suspicit, ut jacet mancipii in morem flens,*  
*hominumq; legē & reprehensionem timens quibus ipse de-*  
*bebat*

bebat iuris regula & finis esse, siquidem in hoc vicit ut i  
peraret, non ut inani opinione victus serviat? Nescis ins  
fas assidere Iovi, quidquid rex facit id iustum fasque sit. S  
nè assidere Themini Jovi Poeta dixit; sed id  
quod iustitia sit norma omnium quod facit, n  
quod facit quæ sunt contra iustitiam. Unde Pl  
tarchus merito Anaxarchum istum novam p  
nè rationem philosophandi secutum ait, alio  
superbe contempsisse, & Alexandrum hæc conf  
latione ex crudeli crudeliorem reddidisse: qu  
si enim veterem & veram illam sectatus esset,  
mò nisi pessimus adulator potius quam philo  
phus fuisset, nunquam ista dixisset, adeoque  
naturam & Deum ipsum hæc talia injuria  
contumeliosa esse facile intellexisset.

XXXVI.

Nec quis-

quam lib.

minum

de ea di-

spensare

potest.

An Deus

possit.

Quid sit

dispensare

Ius igitur naturale, ut diximus, omnes homi  
nes obligat, cujuscunq; conditionis sint, & illi  
etiam qui legibus humanis non obstringuntur.  
Unde & illud manifestum est, nec hominem u  
lum dispensare contra legem naturæ posse: na  
dispensare de lege aliqua requirit superiorem  
esse. An autem Deus ipse id possit; dubitatu  
apud auctiores. Qua de re antequam dicam  
quid sentiendum sit; observandum est quid  
nam propriè sit dispensare de lege aliqua. Equi  
dem est hoc facere ut lex in aliquo casu non va  
leat; sed istud non valere admodum latè pate  
cum etiam illa lex non valeat, quæ vel rectè fa  
cita & promulgata non fuit, vel abrogata est c  
antè valuisset. Potest etiam fieri, ut lex eæten  
valere definat, quatenus æquitas seu *ἐπιείκεια*  
adhibetur. Dispensare itaque est cum quis v  
exim

eximitur per privilegium à principio, ut non obligetur, qui aliàs obligaretur; vel postmodum in certo casu liberat ab obligatione quæ cæteroqui tenebatur, sicut rectissimè id ex Richardo, Durando & Hernédo docet Greg. de Valéria, disp. 7. qu. 4. p. 6. Cum ergò quæritur an dispensari à Deo possit de lege naturali, aut aliquò ejus præcepto, sensus iste est, an salvâ justitiâ divina, siue sine contractione dici queat, per peculiare indultum DEI ab obligatione legis naturalis quemquam liberari; ita ut in certo casu lex ea, quæ omnes obligat, ijs circumstantijs quibus obligas, eum non obstringat. Dico in *circumstantijs quibus aliàs obligat*: nam cæteroqui, hoc est, si de ijs circumstantijs loquaris, quæ à jure humano fortè additæ sunt, dubium nullum est, quin eatenus obligatio tolli possit, non à Deo tantum sed homine etiam. Sanè id certum est, Deum esse autorem legis naturæ, adeoque ipsa illa lege superiorem. Notum enim est ex sacris Abrahamo patriarchæ non concessum tantum sed imperatum ab ipso fuisse, ut suum ipsius filiû occideret, Gen. 22. 2. sicut & Israelitis, ut vasa aurea & argentea ab Ægyptiis commodatò accepta secum auferrent, Exodi 11. 2. Legimus etiâ 1. Mac. 2. 41. Iudæos cum contribulium suorum mille trucidatos esse ab exercitû Antiochi ideò tantum viderent, q̃ die Sabbati arma capere noluisent etiam sabbato hostes propulsa. Cum itaq; auferre quod commodatò acceperis, furtum sit, & filium nihil promeritû à privato occidi, parricidium, sabbato autem præliari sit debitum hono-

*Quid sit dispensa-  
re.*

*Vnde vi-  
deri possit  
Deum di-  
spensare  
de lege natu-  
rali.*

rem Deo non tribuere : videtur posse à De  
 dispensari de præceptis legis naturæ : rectè et  
 ita esse dubitari nequit , cum Dei instinctus  
 præcepto, præsertim priora illa duo , facta  
 sint.

XXXVII

*Vera &  
 commun.  
 sententia  
 Deum  
 non posse  
 id facere.*

Sed quanquam ex Scholasticis Occam. 2.  
 dist. 19. ad 3. omnia præcepta legis naturæ  
 prius etiã decalogi; Scot. verò 3. dist. in. 27. q.  
 cã; Bonavent. 1. d. 47. q. ult. & ut citant, Ægi  
 Rom. a. ibi. q. 3. præcepta tantum secundæ ta  
 læ sive quæ ad proximum attinent, dispensari  
 esse statuunt, communis tamen & vera sente  
 est, nihil tale fieri posse. Ita docet Albert. M.  
 summæ tr. 10. q. 80. ar. 1. D. Tho. 1. 2. q. 100. ar.  
 Hervæus 1. sen. dist. 47. q. 3. art. 3. Cajet. Greg  
 Valent. loc. cit. Veritas hujus rei ita demonst  
 tur: Nullum Dei decretum mutabile est, hoc  
 ita tolli potest ut iisdem circumstantiis qui  
 semel iussit aliquid fieri, idq; simpliciter sine  
 finitione certi temporis ad ipsum fieri postme  
 nolit: retractare enim dicta non potest, nec est  
 us quasi homo ut mentiatur, aut filius hominis ut mi  
 tur, sicut Nu. 23. a. 9. scriptum est, multo minus  
 gare se ipsum potest. ut est 1. Tim. 2. 13. At si Deus  
 dispenseret contra legem naturæ, jubereturq; iisdem  
 circumstantiis rem non fieri, quibus ante ma  
 daverat ut fieret, vel fieri quibus ante vetue  
 ne fieret. Dispensatio igitur eiulinodi Deo tri  
 buenda non est. Deinde idem sic ostenditur :  
 Deus nihil potest agere contra justitiã suam, nec  
 potest etiã dispensare de præceptis legis natu  
 ræ: particula enim quasi sunt justitiæ divinæ. Se

no



non potest agere contra iusticiam suam. Ergo nec dispensare de præceptis legis naturæ quatenus sunt talia. Equidem id fieri potest, ut si quid sub conditione tantum Deus decernat, id sublatâ illâ conditione mutetur. At hoc non est mutari decretum ipsum, sicut nec universum hypothetica aliqua proportio falsa fit, si una simplicium ex quibus constat vera esse desinat. Longè aliud etiam est Deum velle rem aliquam mutari, & aliud voluntatem Dei mutari, sicut rectissimè docet Thomas pag. 1. quæst. 19. art. 5. Verùm quæ lege naturæ præcipiuntur ea quatenus talia sunt simpliciter & sine omni conditione Deus mandat: quare ista mutari sine mutabilitate voluntatis divinæ nequeunt. Nec obstat quod Deus sit autor legis naturæ & superior ipsâ: *et si enim* ut rectè respondet Albert. *lex superior tollit inferiorem, si diversa inter se sint, fieri tamen id non potest, quando inferior directè est exemplar superioris.* Talis autem est lex naturæ: ex ipsa enim lege æternâ Dei, quasi transcripta est, ut ait D. Augustinus l. 2. de ord. c. 8. & l. 83. qq. quæst. 53.

Hæc igitur sic se habent. Interim tamen id fieri potest, ut tollat Deus materiam legis, & ita efficiat, ut contra legem naturæ non peccet, qui absque eo esset, omnino contra eam peccaret, sicut multis hoc explicat Thom. loco ad 3. Sed hoc non est dispensare nisi improprie loquendo. Ita quanquam Deus imperare aut concedere non potest, ut furtum quis faciat, committat homicidium &c. facere tamen potest, ut id furtum non sit, nec homicidium, quod absq; ejus concessione

R r 2

fur-

XXXVII  
Interim  
materiam  
legis tolle-  
re potest.

furtum & homicidium esse. Quin tale quidquam etiam magistratus Politicus potest. Sic princeps cum privat vasallum feudo, facit ut licet illud acquirat, & occupet ejus agnatus, quod non præcedente illa privatione, rapina, aut spoliū esset. Adeundem modum, q̄ sine mandato Dei fieret furtum & homicidium esset, desinit esse tale quando Deus id jubet.

XXXIX.

*Expli-  
cantur  
loca sacris  
supra ad-  
ducta.*

Quibus ita explicatis, facile etiam solvuntur argumenta ex sacris supra allata. Licuit igitur Abrahamo occidere filium, non quod homicidium sine culpa penetraret, sed quia homicidium non erat: nec enim privata, sed ejus auctoritate fecisset, qui propter peccata tam justis, quam injustis p̄nā mortis iuste cum vult, & per quem vult infligit. Licuit etiam Israelitis vasa Ægyptiorum auferre, quia ipsorum erant, postquam sententia Dei, in cujus manu est transferre dominia rerum, a quo in quē vult, ijs concessa erant. Nec furtum committebant quia non aliena sed sua sibi vindicabant. Concesserat autē illa ipsis Deus tum in compensationem, tam durarū operarum quam Ægyptijs præstiterunt, tum quod in bello iusto res hostium victoribus cedunt, ut hoc explicat Clem. Alex. lib. 1. Strom. & Epiph. in anch. Vnde & liber Sap. c. 10. 1. dicit: *Reddidit iustis mercedem laborum suorum* & v. 20. *Iusti tulerunt spolia impiorum*. Licuit denique Iudæis contra Antiochū pugnare die sabbati, non quod concessum illis erat violare sabbatum, sed quia hæc non est violatio sabbati, facere eo die quod ad salutem ho-

minis

minis procurandam pertinet, sicut Dominus ipse disputat Matth. 12. 12. Hæc de dispensatione. Vnum restat ut addamus, quod rectius fortè supra monuissemus, aliter obligare præcepta affirmativa, aliter negativa; hæc quovis tempore, illo aliquo tantum. Sic quum lex jubet parentes honorare, obligat ut colas eos ijsque beneficias, quoties est occasio & commoditas; at quum prohibet furtum, obligat ut totâ vitâ & omni tempore à contrectatione rei alienæ abstineas. Nec ita tantum de lege naturali res se habet, sed & humanâ, & in universum omni. Tantum de obligatione legis naturalis.

*Aliter ob-  
ligant  
præcepta  
affirmativa  
aliter  
negantia.*

Cæterum de legis humanæ obligatione alia est ratio, etsi in multis etiam convenit cum obligatione legis naturalis. Obligat autem hæc non omnes homines simpliciter, sed ejus reip. subditos, in quâ lex illa sancita est. Nec dubitari potest, quin etiam lex humana revera vim obligandi habeat: sicut enim non tantum jus naturale, sed aliquod etiam civile requiritur ad rectè administrandam rempubl. & gubernandam vitam hominum, ita utrique meritò paretur, siquidem salvos nos esse & piè ac honestè vivere cupimus. Imò in lege humana & temporali, modò rectè lata sit, nihil est iustum atque legitimum quod non ex æterna lege Dei homines sibi derivarint, ait Aug. l. de libero arb. c. 6. Et quanquam lex illa multa concedit & impunita relinquit, quæ tamen per legem æternam & divinam providentiam vindicantur; nihilominus bona & à DEO est, cum ijs tantum vindicandis condatur, quæ satis sint conciliandæ

*Quomodo  
obliget lex  
humana.*

paci hominibus imperitis, & quanta possunt per hominem regi: ceteræ enim culpæ alias pœnas habent à quibus sola sapientia liberare potest. *Nec quia non omnia facit ideo improbanda est*: sicut totidem ferè verbis idem D. August. responderet. c. 5. Quemadmodum itaq; lex naturæ obligat omnes homines, ita etiam quod ex lege naturæ derivatur, obligat eos quibus præscribitur. Nec interest hîc siue infidelis quis sit siue fidelis, cum fides Christiana magistratum & leges politicas non tantum non tollat, sed maximè confirmet, sicut ex infinitis scripturæ locis constat.

XLI.

*An etiam  
principem  
reip. obli-  
get.*

Dixi autem obligare eam omnes subditos: nam de principe ipso aut ijs penes quos maiestas reip. est, dubitare solet. Et notum est illud ex l. Princeps i. o. ff. de ll. *principem non esse subiectum legi.* Nec videtur princeps cum legem cõdat, eaq; vim cogendi ab illo obtineat, ipse sibi legem ponere posse: nemo enim seipsum cogit. Ita etiam sentiunt I Cti plurimi, Wesenb. in paratit. d. tit. n. 7. & obligare. alii. Verum tamen rectiùs sine dubio censent. D. Thomas 1. 2. q. 96. art. 5. & illic. Caietan. Covarruu. in cap. *alma mater*, part. 1. §. 1. n. 4. cum Felino, ut ipse citat, Decio, Ludov. Gemesio & aliis insignibus I Ctis, qui nec principem omnino à lege quam ipse fert, absolvi statuunt. Idem sentit Dominic. Soto de iust. lib. 1. q. 6. a. 7. & Greg. de Vallet. disp. 7. q. 5. punct. 5. Quod ut intelligatur, observandũ hîc ante omnia ex Caietano est, in duplici differentia leges esse quæ à principe ferantur; alias enim ita fert, ut sint communes toti civitati, & ut rationes ob quas feruntur, ad ipsum etiam

*De quibus ll.  
questio  
hic sit.*

etiam

etiam principem extendi possint: alias verò ita, ut aliquot tantum, & certos ex civium numero concernant. De posterioribus nulla controversia est: nec enim lex quæ peculiariter e.g. fertur militibus, principem obligare potest, nisi forte ipse etiam militet; tantum de prioribus est quaestio.

*XLII.  
Hypothesi quædam hic necessaria.*

Deinde & hoc notandum est, in lege omni triplicem vim esse, unam ostendendi sive monstrandi quid faciendum, quid omittendum sit, quum habent leges etiam prout à philosophis præscribuntur: docent enim tantum non obligant: alteram dirigendi, sive obligandi, ut id facias aut omittas, nisi peccare velis; tertiam cogendi, sive ut pœnam statuatur, eamque à delinquentibus exigat.

Cum igitur dicimus principem non absolvi omnino à lege quam fert, sermo est primò de lege quam tori civitati condit, & quidem ob eas causas, quæ certo modo etiam ipsum attingere possunt, ut diximus. Deinde, non de vi coactivâ aut ostensivâ, (hæc enim non obligat: illa autem locum non habet, nisi ubi invitus quis legi parere cogitur,) sed de directivâ tantum: etsi enim princeps lege quam ipse fert non obligatur ad pœnam civilem: solâ enim ipsius auctoritate pœna in lege constituta repetitur à delinquentibus, obligatur tamen eâ illiusque ut quia legem illam fert aliis, ipse etiam juxta eam vitam dirigat nisi peccare velit. Ostendo hoc ita cum Cæsarano & Valentia: Quod sine violatione legis naturæ omittere princeps non potest ad id utique obligatur. Sed sine violatione legis naturæ

*Etiam principem obligari suis ll. ostenditur ratione.*

non potest omittere observationem ejus le-  
 quam toti comunitati tulit, cujus ipse pars, et  
 caput est. Ergo ad ejus observationem obligat.  
 Major manifesta est; Minor ita probatur: Prin-  
 cipalis quod oneris tibi imponi non vis, id neque ali-  
 cui impones, qui sit eadem conditione tecum que  
 rem de qua agitur: nam quod tibi non vis fieri  
 alteri ne feceris. Quare quod omnibus impe-  
 princeps, & ab aliis fieri vult, id ipse etiam facere  
 debet, vel jus naturæ violat. Secundò: Turpe  
 si pars, & præsertim caput, non congruat ci-  
 toto, in ijs quæ omnibus partibus communia  
 se debent, & ad salutem totius corporis faci-  
 Tertiò, si princeps quod bonum est subditis, non  
 præcipit tam seriò & efficaciter quàm potest, præ-  
 cat in jus naturæ: opus enim Domini negligenter  
 facit. At si princeps iste non faciat quod aliis  
 jungit in communi negotio, non tam seriò præ-  
 cipit quod bonum est, quàm præciperet si ipse  
 dem faceret. Longum enim iter est per verba,  
 quidam ait, breve & efficax per exempla, quod  
 hic cum primis locum habet. Peccat ergo in  
 naturæ. Idem confirmant autoritates plurimæ  
 quæ tam ex sacris literis quàm Iure Canonico  
 Civili & sapientum scriptis adduci possunt. Sicut  
 ipse Salvator Phariseos reprehendit, quod alia  
 nera imponant, nec ipsi digito ea moveant. Mat. 23. 4. I-  
 cit etiam huc illud. Cap. Omnes ext. de constit. Quod  
 quisq; juris in alterum statuit, ipse eodem uti debet. & te-  
 tit. ff. quod quisq; jur. in al. & vulgatum Dionysii C-  
 tonis præceptum à Papa allegatum: Patere legem  
 tu ipse tuleris: unde & lib. 4. de legib. ait, dignam voc-

*Confir-  
 matur i-  
 dem au-  
 thoritate.*

majestate regnantis esse, legibus alligatum se profiteri. Cui simile quid reperitur §. fin. Inst. quib. mod. test. infir. ubi Imperator inquit: *Licet legibus soluti simus, attamen legibus vivimus.* Præclariùs adhuc §. eth. 6. t. 71. Aristot. *Non sinimus hominem dominari sed rationem.* Quæ omnia eleganter Iacobus Sanazarius libr. 2. epigramm. sic expressit, ad Fridericum regem Neapol. scribens:

*Edicto nuper cum tu, rex magne, caveres,  
Audaci ne quis stringeret arma manu,  
Deposuisse tuum vel primus diceris ensen,  
Et monstrasse palam primus inermem latus.  
Quid maius populisve tuis: Friderice vel urbi  
Accidere huic nostra per tua dona potest:  
Post d. mitos hostes, inter tot commoda pacis  
Contigit exemplis vivere posse tuis.  
Publica mimirum res tunc sibi constat & æquum  
Imperium, cum Rex quod iubet ipse facit.*

Sed observandum tamen hic est quod sapienter monet D. Thom. obligari quidem principem id faciendum, quod lege suâ aliis imperat, sed proportionaliter, hoc est, quantum dignitas & persona principis requirit. Dices, obligari ergo eum ad legem propriam servandam non ipsâ illâ lege suâ, sed lege duntaxat naturæ. At obligatur & illâ & hac, imò ne hac quidem, nisi propter illam, nec enim id facere quod lex quam tulit iubet, teneretur, nisi aliis eam legem tulisset. At postquam eam tulit, & hoc ipso non tantum id salutare esse, & honestati ac legi naturæ congruum declaravit, sed alios hoc facere voluit, se

Rr s quoque

XLVI.

Caute.

quoque an illud obstrinxit. Nec obstat quod rogare legem à se latâ potest, & ita semetipsam etiam ab ejus observantiâ liberare: neque enim ad observandam eam tenebatur, nisi cum conditione, quàm diu legem istam à subditis observari vellet. Conditione itaque hac sublata tollitur ipsa legis observantia, nec prius tam Quibus ita explicatis, etiam ad argumenta superius in contrarium allata responsio per se patet. Quod igitur obliget lex humana ita constat. Nec obligat autem quemquam, nisi cum promulgata. At promulgationem verò requiritur non tantum ut ritè sanciat, & solenniter proponat sed ita etiam divulgetur, ut ad singulorum notitiam pervenire possit, imo etiam ut à subditis recipiatur, hoc est, ad minimum à majore eorum parte, sicut communiter Iurisperiti doceant, ite Molina.

*Lex non obligat nisi promulgata & recepta*

**XLIII.**  
*Obligatio ad poenam vel in conscientia tantum.*

*Legis precepta etiam in eo, cum sit obligatio.*

Postremo modus obligandi diversus esse potest: vel enim obligatur quis tantum ad poenam vel in conscientiam etiam. Obligare legem humanam, (loquimur autem de civili) nam de Ecclesiastica alibi agitur, ad poenam nullum est dubium. Merito enim poenam à magistratu constitutam suffert qui legibus civilibus repugnat, non aut notoriè tyrannicæ aut manifesto impiæ seu hoc est, adversæ legi naturali aut divinæ. Sed in conscientia obligare possunt, hoc est, ita ut qui non obtemperat ijs, etiam Deum ipsum offendat, & in eum quoque peccet. Liquet hoc manifestè: cum enim quidquid ad justiciam, honestatem & salutem rei publicæ conservandam à magistratu

stra



stratū civili percipitur, id à Deo ipso proficisci nullum sit dubium, nec leges civiles quibus iste scopus propositus est, violari sine peccato in Deum possunt. Subiecti estote, inquit Pet. 1. epist. 2. 13. cuius humana ordinationi propter Dominum, sive regi ut supereminenti, sive presidibus, &c. Et ad Rom. 13. 1. 2. Paulus: Omnis anima potestatibus supereminentibus subiecta esto: non enim est potestas nisi à Deo, & quæ sunt potestates sunt à Deo ordinatæ. Itaque quisquis obsistit potestati, Dei ordinationi obsistit, &c. Et rursus ver. 5. Necessè est subiici non tantum propter iram, sed etiam conscientiam. Idem docetur Tit. 3. 1. 1. prov. 8. 15. Tantum de Prudentiâ Legislatoriâ.

## CAPUT IV.

De Prudentia Iudiciaria & deliberativa.

## SUMMARIA.

- 1 Prudentia iudiciaria.
- 2 Quid sit iudicare.
- 3 Quare iudicando litera l. semper sequenda.
- 4 Cumam liceat rigorem eius moderari.
- 5 Tria in iudice requiri.
- 6 Iudicium non debere esse usurpatum.
- 7 Dubium ex sacris solvitur.
- 8 Nec debere in eo personam acceptari.
- 9 Non temerarium esse.
10. 11. 12. 13. 14. 15. An iudex etiam contracta & probata iudicare possit.
- 16 Quid in casibus dubiis faciendum.
- 17 Caietan. sententia à Soto refutatur.
- 18 Prudentia deliberativa & quid ea à reliqua differat.

19. Fin.

19 Vnde petatur.

20 Quæ sit optima deliberatio.

21 Male imperari ubi non imperatur ad salutem subditorum.

22 Nonnullorum ficta prudentia.

23 Epilogus.

I.  
Prudentia  
judiciaria.

Explicavimus paulò pluribus quæ ad naturam prudentiæ legislatoriæ pertinere videntur, & exponi in philosophia morali debent. Restat prudentia judiciaria & deliberativa. Duetraque breviter, sed de illa prius dicemus. Ostemus supra ad reipub. salutem pertinere, ut non tantum leges optimæ ferantur, sed juxta eas quàm fieri potest diligentissimè & accuratissimè ipsa administretur:

—Τὸ γὰρ τοι σωτήριον αἰθρώπων πόλεις  
τῶν ἑσθ' ὅταν ᾗς τὰς νόμους ποίησι καλῶς.

*Ist hoc enim est, quod continet respublicas  
Servare quicquid iura legesque imperant.*

ut ait Euripides *ixίτις*. Quod expressit Amm. Marcellin. quum libr. 4. hist. leges *fundamenta libertatis & retinacula sempiterna* appellat. Sicut igitur una pars prudentiæ in illo occupata est, ita altera hoc curat, idque in eo consistit, tum ut leges rectè explicentur, tum ut ex earum præscriptis causæ civium decendantur, hoc est, si uno verbo dicas, judicia in republic. quàm optimè & dexterrimè obeantur. Et huc pertinet Iurispruden

dentia, quam multi ex ipsis Ictis perperam ad Nomotheticam referunt, sicut id disputatione superiore monuimus.

Est autem judicare nihil aliud, quam actum aliquem justitiæ exercere, sive jus dicere, unde etiam judex judicium animatum dicitur. 5. eth. 4. tex. 38. Sed jus dicere in duobus consistit: unum est; ut judex secundum leges perscriptas pronūciat, alterum, ut sicubi eæ propter universalitatem deficient, quod deest ex æquitate suppleat. Et verò residet illa facultas præcipuè in ipso principe reipublicæ, cujus enim est condere leges, ejus etiam est interpretari eas, sed derivatur ab ipso in magistratus. Quid igitur sit æquitas, & quid à jure differat, quousq; item secundum verba legis & quando secundum æquitatem pronūciandum sit, explicari hic debet. Notum autem esse potest ex 5. ethic. c. 10. æquitatem nec idem planè esse cum jure, nec toto tantū genere ab eo distare. Non est eadem cum jure, quia moderamen ei quoddam addit & juri ipsi sæpè præfertur. At nec tamen planè diversa est, cum res sit laudabilis, & in ijs versetur in quibus & justitia locum habet. Est itaq; correctio quædam juris scripti, judici relicta à legislatore in ijs casibus, ubi lex deficit. Dico esse correctionem legis, sed quæ scripta non est: quod si enim lex vetus nova sanctione aut emendetur aut suppleatur, nō æquitas hæc est, sed lex nova, ut rectè notat Acciajulus ad 5. eth. loco citato, unde etiam ipsa æquitas est jus & justum aliquid, sed tale quod scriptum aut constitutum non erat.

Opus

II.

Quid sit  
judicare.  
Iudicatur  
vel secundum  
literas  
seram  
legis. vel  
secundum  
æquita-  
tem.

Quid sit  
æquitas.

## III.

*Quare in  
iudicando  
litera le-  
gum non  
semper se-  
quenda.*

Opus autem habet jus scriptum ejusmodi a quo supplemento, non quod leges ipsæ male tæ sint, sed quia nulla in universum tam accurate ferri potest, quin casus emergat nonnunquã, c secundũ omnes circũstantias & præcisè, siue jura literam, siue iniquitate applicari nequeat. Id à materia & objectis legum oritur : cum eni hæc sint res humanæ, & que infinitis modis variant, non potest tam perfectè de omnibus definitum, præsertim ubi ad particulariora devenit, quin aliquid non sufficienter determinatum relinquatur. Imò non tantum ideo supplementum ejusmodi opus est, quia legibus casus omnes comprehendi non possunt, sed etiam quia nec omnes exprimere deberent, si fieri id posset, id què propter confusionem vitandam: infinite enim alias leges essent, sicut rectè observat D. Thomas 1. 2. q. 9. art. 6. ad 3. Sed ipsum Aristot. videat hic qui vol lib. 5. c. 10. sicut & li. 9. c. 15. ubi partem istam prudentiæ quæ æquitatem sectari docet *ποσειδωνος* appellat. Idem docent I Cti Non possunt, inquit Julian. l. 2. ff de ll omnes articuli singulatim aut legibus à I Cti comprehendere, sed cum in aliqua causa sententiarum manifesta est, is qui jurisdictioni præest, ad finem procedere atq; ita jus dicere debet. Et Modestinus li 12. Nulla juris ratio aut æquitatis benignitas permittit, qua salubriter pro utilitate hominum introducuntur, nos durioris interpretatione contra ipsorum commodum producamus ad severitatem.

## IV.

*Quinam  
piceas mo-  
derari vi-*

Vbi tamen observa quod diximus, correctionem illam legi adhiberi non à quovis posse, sed ab e

ab eo qui jurisdictionem habet, sive cui potestas <sup>gorem lit-  
sera.</sup> illa à principe concessa est: constat enim aliàs ne-  
mini præter verba legis agere licere, quamvis ca-  
sus emergat in quo intelligat legem deficere, &  
in publicam utilitatem observationem ejus lite-  
ralem impingere. Et ratio in promptu est: nec e-  
nim cuilibet permitti potest, ut pro lubitu quid  
utile, quid inutile publice sit, statuatur, sed à magi-  
stratu illud expectari oportet, nisi periculum for-  
tè in mora sit, & evidens necessitas urgeat, sicut  
id explicat Thomas loc. cit. in corp. Sed redea-  
mus ad institutum.

Ad prudentem itaq; judicem utrumque illud <sup>V.</sup>  
quod diximus pertinet. Quod ut rectè admini- <sup>Tria re-  
quirun-  
tur in  
prudent  
judice.</sup> strent tria requiruntur. Primum est ut amore justi-  
tiæ judicium exerceat; alterum ut publica autho-  
ritate id faciat: tertium ut secundum rectam rati-  
onem: quod si enim judicare est actum aliquem  
justitiæ exercere, sicuti diximus, legitimum judi-  
cium esse nequit, nisi istis omnibus accuratè ob-  
servatis, quemadmodum iterum docet Tho. 2. 2.  
q. 60. art. 2. Quare si quis alio animo judicet, quā  
justitiæ administrandæ causa, judicium illicò in-  
justum est. Si verò id faciat optimo quidem ani- <sup>Totidem  
præcipua  
vitia ju-  
diciorum.</sup> mo, sed autoritate judicandi non instructus, ju-  
dicium tantum usurparum dicitur. Si denique u-  
trumque adsit, nec tamen certis rationibus, sed  
suspicionibus tantum in judicando nitatur, judi-  
cium temerarium est. Quæ omnia maxima esse  
vitia judiciorum facile patet. Sed de singulis pau-  
lò pluribus dicendum est.

Et pri-

VI.

*Judicium  
non debet  
esse usur-  
patum.*

*An quis  
possit ju-  
dicare  
etiam sibi  
non subje-  
ctum.*

Et primò quidem de jurisdictione, quam cundo loco collocavimus, res certa est. Cum nimis sententia judicis sit tanquam particula quædam lex, ut eleganter notat Tho. 22. qu. 6. art. 1. lex autem omnis vim cogendi habeat; non potest nec debet usurpare potestatem juris dicendi qui eam non habet, neque ordinariè neque per commissionem: cum ipse nec jus habeat cogendi alios, nec vim etiam & efficaciam si cogere velit. Quod tamen quando dicimus, non negamus, judicare quenquam posse interdum etiam sibi non subiectum, sicuti in compromissione eri solet. Etsi enim propriè illi non sunt subiecti tamen quia compromiserunt in hominem a quem certum, tanquam arbitrum, eatenus ipsi se ei subjecerunt, licet nec plenaria forrè jurisdictione hæc sit, cum vim coercendi non habeat. Idem fieri potest & fit, si quis eo loco delinquat quidquam, qui sub jurisdictione alterius est: efficitur enim, tum judex ejus loci superior illi, cui aliàs imperare non potuerat, idque propter delictum eo loco perpetratum ubi ipsi justitia administrare competit.

Occurrit equidem in sacris exemplis unum atque alterum, ubi judiciū exercuisset etiam sacri viri traduntur, qui tamen jurisdictionem, non videntur, nullo modo habebant. Prius est Moses interficientis Ægyptium, qui virum Hebræum percussisset. Exod. 2. 12. alterum Phineas, filij Eleazaris, nepotis Aaronis, cum Zamri filium Sacerdotum in speculo confoderet, quod mulierem Midianitidem contra præceptum Dei ante oculis

los Ismaëlis adduxisset, ut cum ea scortaretur & idololatriam exerceret. Num. 25. 7. Vterque erat privatus, nec ij quos occidebant ipsis subiecti, & tamen factum Phineæ illic non tantum à Domino laudatur, imo iram ejus à populo Israëlítico avertisse dicitur, sed etiam ob id ipsum confirmatur ei summum sacerdotium in perpetuum; unde & Ps. 105. 31. legitur reputatum illud ei esse ad iustitiam in generationem & generationem. Sed Moses id vel ex peculiari revelatione fecit, *Quid statuendum de facto* qua autoritas & potestas vindicandi fratres suos ipsi à Deo concessa fuerat, quemadmodum innuit. *Mosis percussientis* S. Steph. Act. 7. 25. vel defendendo Hebræum illum contra iniuriam Ægyptii cum moderamine *Ægyptii.* inculpatæ tutelæ, sicut hoc interpretatur D. Ambrosius in offic. cap. 30. Quid & id fieri potest ut non plane absque peccato res ea fuerit, etsi non à malitia sed amore erga popularem & odio iniustitiæ profecta, ut docet D. Aug. q. super exod. cap. 2. idque multis exponit l. 22. cont. Faustum cap. 70. ubi fervorem istum Mosis cum præpostero zelo Pauli, persequentis ecclesiam propter amorem paternarum traditionum, & Petri percutientis Malchum Domini defendendi causa comparat. Vterque, inquit de Mose & Petro, non detestabilis immanitate, sed emendabili animositate, iustitiæ regulam excessit, uterque odio improbitatis aliena, sed ille fraterno, iste dominico, licet adhuc carnali, tamen amore peccavit. Vnde & paulo ante animum illum Mosis similem facit agro optimo sed malis herbis luxurianti. Sicut agricola, ait, quum terram viderint quamvis inutiles tamen ingentes herbas progignere,

frumentis aptam esse pronunciant, & ubi silicem adspiciunt, licet eradicandam sentiant. validis viribus habilem intelligunt, & quem montem oleastris silvescere adspexerint, oleis esse utilem cultura accedente non dubitant: sic ibi nimirum motus, quo Moyses peregrinum fratrem à cive impuri injuriam perpetientem non observato ordine potestatis ultum esse non pertulit, non virtutum fructibus inutilis est, sed adhuc incultus vitiosa quidem sed magna fertilitatis signa fundebat. Hæc de facto Moysis. De Phineæ resp. Thom. dicendum esse vel quod itidem revelatione divina id fecerit, vel quod licet non esset summus sacerdos, ad quem pertinet ejusmodi scelera vindicare, fuerit tamen filius ejus. Hæc de jurisdictione.

*Quid de  
Phineæ  
Num. 25.*

*VIII.  
Nulla de-  
bet esse  
acceptatio  
personarum  
in judicio.*

Eadem ratio est de amore justitiæ quem in hoc dice requiri diximus. Is autem præcipue consistit, ut citra acceptionem personarum judicium fiat: cum enim ideo judicetur, ut quod æquale est ad æqualitatem redigatur, statimque vel actoris vel rei persona acceptatur, non est, vel huic vel illi plus tribuitur quam meritis causæ patiuntur, corrumpitur judicium necesse est nam ita inæqualitas, ob quam auxilium jus implorabatur, vel non tollitur, vel major et fit quam antea erat. Sane ostendimus supra justitiæ distributivæ personarum rationem habendam esse & nonnunquam etiam in commutativa, sed distributivæ ad judicia non pertinet quidquid autem in commutativa tale fit id legibus aliud est, & ad ipsam æqualitatem requiritur qui in societate ad sortem contulit mille autem distinguendus utique ab eo est inducente



tum erogavit, nec lucri divisio alias æqualis esse aut iusta potest. Similiter personæ conditio nunc elevat, nunc aggravat delictum, ut tuo loco docuimus: nec huius magnitudo æstimari recte potest nisi inter alia accurate & illa observetur. Sed hoc non est acceptare personas, id personæ tribuere quod ei debetur, sed tribuere quod non debetur. Sic persona pupilli commendatur iudici in sacris, ut & pauperis & viduæ. In iudicando esto pupillis misericors ut pater, & pro viro matri illorum; ait ecclesiasticus c. 4. 10. Nec minus tamen Exod. 23. v. 3. legitur, *Pauperis quoq; non misereberis in iudicio.* Videlicet cum viduæ & pupilli facile opprimantur, certè omnium maximè exposti sint aliorum libidini, & iniuriam facilius patiantur quam faciant, præsumi pro iis contra potentiores debet, cum hi in maiori plerunque culpa & malitia sint. Quod si tamen de ipsorum etiam malitia constet, alia est ratio, nec minus in culpa sunt quam quisquam alius.

Postremo requiritur ut iudex sufficientibus rationibus instructus sit: iniuriam enim alias facit iis quos iudicat. Ad hanc rem duo sunt necessaria: scire accurate tum ius secundum quod decideres debet, tum factum de quo disceptatur. Prius continetur exacta scientia legum, statutorum & laudabilium consuetudinum, qua de re supra. Ad posterius requiritur, primo ut sit aliquis accusator: *Nec enim iudicis est sine accusatione quemquā damnare,* ait Ambrosius sive is est Remigius, in 1. ad Cor. c. 5. & ex eo Ius canonicum *cap si quis potestatem* 23. q. 4. Vnde & Act. 25. 16. dicit Festus: *Non est Roma-*

*Quid sit personam acceptare.*

*Iudicium non debet esse temerarium.*

*nis consuetudo damnare aliquem hominem priusquam  
qui accusatur praesentes habeat accusatores, locumque  
fendendi accipiat ad abluenda crimina. Accusator a  
tem est vel privatus quispiam, qui propter re  
xam aut crimen perpetratum sive rempubl  
psam, sive in se & suos, alterum in iudicium rap  
vel magistratus ipse, si factum notorium sit,  
in iudicio perpetratum. Docuit hoc Deus in  
cum Gen. 11. ædificatores turris Babylonicae  
tè non puniret, quam descendisset & vidi  
turrim: ubi recte S. Chrysostomus hom. 30.  
ἡσπίτη, φασὶ, κίετο ὁ θεὸς. καὶ ἵνα αἰθρωπίας νοήσας  
ἀλλ' ἵνα διὰ τοῦτο παιδεύωμεθα, μηδέποτε κατ' ἡφ  
ῶσαι ἀπλῶς τῶ ἀδελφῶν τῶ ἡμετέρων, μήτε ἐξ ἀκοῆς  
ταδικάζειν, ἵνα μὴ πλείον πολλῶν δεξιώμεθα τὴν πλ  
φορίαν. Et descendit, inquit, Dominus Deus: nō ut hu  
no more (illud) intelligamus, sed ut hoc pacto doceam  
nunquam condemnare simpliciter quenquam frat  
nostrorum neque ex auditione contra eum senten  
ferre nisi magnam antea consecuti simus certitudi  
Deinde requiritur, ut qui accusat sufficiens  
factum edocere possit, quæ præcipue docum  
torum integritas, testium sufficiens numerus  
diligens eorum quæ à testibus deponuntur  
cussio pertinet. Tertio, ut reo copia sit se de  
dendi sive per semetipsum, sive per advoca  
nam,*

*Qui statuit aliquid parte inaudita altera,  
Æquum licet statuerit, haud æquus fuit,  
ait Seneca Medea. Sed de his omnibus ple  
agunt Icti: etsi inter ethicam & iuridicam  
ctrinam id hic interest, quod quicquid illa*

tinet ex ipsa rerum natura deducere decet, & id tantum tradere quod hac in re juris naturæ est & apud omnes gentes observari debet, ista vero ea tradit quæ jus civile juri naturæ adjecit; quod item ethicis communia tantum persequitur, juris consulto autem ad particulariora descendendum est & res tota pressius urgenda atque enucleatius pertractanda. Hæc igitur ad judicium recte obtemdum necessaria sunt.

Verum enim vero hic quæstio nobis quasi sub manu nascitur consideratione digna: cum enim dixerimus ad judicium exercendum requiri ut factum sufficienter ab auctore probetur, quæritur potest: annon privata scientia judicis quam ipse de re quapiam habet, supplere illud possit, ut quem ipse certo, sed solus scit innocentem esse, contra acta & probata absolvere, aut quem scit nocentem, sed non convinci, condemnare possit? Absolvere innocentem qui sufficienter convincitur, aut condemnare nocentem non convictum non potest: ne omnis ordo & leges judiciorum perturbentur, & dum rei aut vitæ privati atque unius hominis consulitur, tota res publica periculum eat. Condemnare innocentem & absolvere nocentem non licet: *Innocentem enim ac justum non occides* dicit scriptura Exod. 23. 7. *Non suscipies vocem mendacij, nec junges manum tuam ut pro impio dicas falsum testimonium.* ibid. 1. *Si quis per industriam occiderit proximum suum & per insidias, ab altari meo evellas eum ut moriatur.* Exod. 21. 13. *Qui iustificat impium & qui condemnat iustum abominabilis est uterque apud Deum.* Prov. 17. 15. Vtrinque est ma-

*Discre-  
pantes  
auctorum  
sententia  
de inno-  
cente ius-  
ficienter  
convicto.*

gna difficultas. *Hinc atq; hinc vasta rupes geminiq; n-  
nuantur, In calum scopuli.* Unde & actores in part  
diverſas imo contrarias eunt. Sane de abſoluti  
ne nocentis non convicti fere conſentiunt; in  
Soto dicit nunquam de ea dubitatum, adeoq;  
hoc extra controverſiam eſſe, etſi noſtio iudic  
pœne eadem heic difficultas eſt: at de conder  
natione innocentis convicti plurimum diſci  
pant. Non con demnandum eſſe contra ſcient  
nec abſolvendum contra acta, ſed iudici inſta  
dum ut exonere tur ab officio iudicandi, vel m  
neri quod gerit plane renunciandum, cenſet  
col. Tyrantus ſuper Exod. c. 23. Hoſtienſ in c. I  
ſtoralis, §. *quia vero de offic. iud. deleg* & Panormi  
bid. Abſolvendum eſſe dicunt Angelus Cla  
ſius in V. iudicare q. 7. Roſella in V. Iudicium  
xta acta & probata iudicari & reum con demn  
poſſe ſtatuunt Alex. Alenſis p. 3. q. 34. memb  
art. 4. & q. 40 memb. 6. artic. 2. Thom. 2. 2. q. 1  
artic. 1. Cajetan. ibid. Dominicus Soto lib. 5  
juſtir. & jur. q. 4. art. 2. Gregor. de Valentia tom  
diſp. 5. q. 11. punct. 2. & ex Ictis Bartolus ſuper  
illicitas §. *veritas ff. de offic. præſid.* Didacus C  
varru. vias var. reſol. tom. 2. lib. 1. c. 1. Cujac. l.  
obſer. c. 19.

*XI.  
In quibus  
auctores  
concor-  
dent.*

Antequam autem oſtendamus quid hac de  
ſentiendum putemus, & quænam opinio maxi  
probabilis nobis appareat, duo præmittenda ſi  
primo ſciendum quatenus auctores omnes co  
cordent, deinde quæ ſint præcipuæ rationes q  
bus nituntur. Omnes igitur in eo concordant  
primo incumbere iudici nihil non tentare &

cere quod per iura & ordinē iudiciorum potest, ut innocentem liberet : & quanquam alii alias rationes afferunt quibus id efficiat, nihil tamen amplius facere forte potest, quam ut eo maiori studio iudicium administret, absterrendo testes à periurio, percontando item de loco, tempore, &c. si forte hoc pacto fides testimoniorum elevari queat, sicut à Daniele factum est in causa Sulfannæ Dan. 13. 45. 55. Quanquam & id sine dubio facere potest, quod Soto addit, ut si fieri citra scandalum & secreto queat, carceres apertos relinquat quo se captivus in pedes coniiciat & aufugiat. Secundo etiam hoc inter eos convenit, si sit inferior iudex, ut si potest ad superiorem negotium remittat, & reum ipse iuvet testimonio suo, etiam iurato, modo illi eo pacto consuli possit. Sin iudex supremus sit & ipse princeps in repub. id agat, ut placato actore in causa dispense, quod pro sua auctoritate non difficulter obtinebit. Tercio, neq; hoc in dubium vocatur, an si iudex persuasum habeat non licere contra scientiam etiam sufficienter convictum condemnare, peccet si id faxit: sine dubio enim mortaliter peccat, cū simpliciter contra conscientiam agat. Contra conscientiam autem agendum non esse etiam illi non negant qui iuxta acta pronunciandum censent, ut erudite inquit Covarru. & suo loco pluribus ostensum est. Quarto multo minus de eo disceptatur, an nō iudex extra iudicium de iis quæ ab ipsius arbitrio commissa sunt, constituere debeat pro scientia sua quam privatim & solus habet: de eo enim quod iudex facit ut iudex, hoc est, in

est, in iudicio, quæstionē esse à principio dictū est. Hæc sunt in quibus doctores concordant.

XII.  
*Expon-  
duntur  
rationes  
quib. uni-  
us non  
sunt in hac  
contro-  
versia.*

*Aliud  
nuda rei  
scientia,  
aliud con-  
scientia.*

Rationes quibus pugnant multiplices si de prompta non tantum ex iure divino & naturali sed etiam positivo. Sed quæ petuntur ex iure positivo. Ceteris relinquimus: nec enim ex ijs quæ hæc principaliter decidi potest, nec de ijs litigium ad nostrum forum pertinet. Et sine dubio ex licitas, §. veritas ff. de offic. præsidis, ut ipse varru. & Cujac. testantur, aut ex c. jud. 3. qu. 7. c. pastoralis §. supra allegato de offic. jud. de liti, elici certi hac de re nihil potest. Nec vero pro sententia juxta scientiam privativam feri disputant, caute contra adversarios suos illagent, adversus conscientiam nihil esse faciendum nec mentiendum iudici, quod tamen faciat sciens & volens eum nocentem pronunciaré apse innocens est. Causa hæc est, nam prima conscientia ipsi concedunt, ut ante dictum. Sed negant hoc esse contra conscientiam agere. Scientia enim tantum est, eum esse innocentem ac conscientia, statuere quid de eo faciendum nec vero omnis scientia conscientia est, ut docetur. Deinde utrumq; quod afferunt æquale de absolutione nocentis non convicti, at condemnatione innocentis legitime convicti, cum tamen illi absolutionē illā approbent. Et tē si semper, id est, contra conscientiam agere nocentem condemnare, est utiq; etiam nocentem absolvere: sicut n. illic est scientia in iudice, non esse innocentem, ita heic ille scit esse nocentem. Quod si etiam mentitur iudex semper

sciens pronunciat, e.g. homicidii reum esse qui  
 revera homicida non est, mentitur non minus  
 cum pronunciat homicidii reum non esse quem  
 homicidam scit, licet sufficienter convictus non  
 fuerit. Quid quod nec mentitur judex quando  
 pronunciat innocentem illum sufficienter con-  
 victum, secundum leges & jura puniendum esse,  
 cum non dicat eum in culpa aut revera nocentem  
 esse (nec enim hoc facere debet, aut sine maximo  
 peccato potest) sed pœnæ à legibus addici, quod  
 eo modo convictus sit, quo eæ præscribunt con-  
 vincendum quenquam esse, ut recte notat Soto  
 in solut. arg. ultim. Nec quadrat huc illud ex l. ab-  
 sentem ff. de pœn. satius esse nocentis facinus im-  
 punitum relinquere quam innocentē damnare:  
 etsi enim id in dubiis valet, tamen ubi certo con-  
 stat reum nocentem esse, ea locū habent quæ su-  
 pra ex Exodo & Prov. adduximus. Sed neq; con-  
 tra qui pro actis & probationibus stant, recte di-  
 cunt, duplicem esse in judice conscientiam, publi-  
 cam, quā habeat ut judex, & privatam, quam ha-  
 beat ut homo, nisi hoc ita explicent, & per priva-  
 tam conscientiam intelligant nudam scientiam fa-  
 cti, per publicam, notitiā juris sive judicium in-  
 tellectus, quo judex statuit quid faciendum sibi  
 sit. Nam alioquin quod fundamētum illa distin-  
 ctio habeat non video, nec quomodo de una &  
 eadem re contrarium judicium, idq; certum, in  
 uno subjecto, uno tēpore esse possit, ut recte et-  
 iam ex Joh. Calderino Juris Canonici interprete  
 notat Panormitanus. Et parum interest, si peccat  
 udex, dum secundum acta judicat, sive id faciat

*Distin-  
ctio con-  
scientia in  
publicam  
& priva-  
tam fun-  
damento  
causa.*

*Legitima  
probatio-  
nes non  
male di-  
cuntur  
veritas  
publ.*

ut iudex, siue ut homo: certe enim à Deo punie-  
tur, siue pœna ut iudici siue ut homini ipsi expe-  
ctanda fuerit, ut recte obijcit summa Angelica.  
Tandem nec qui pro scientia privata faciunt re-  
cte eijs innt distinctionem veritatis in publicam  
& privatam: etsi enim proprie veritas unica &  
simplex est, quod in tempestive in hac contro-  
versia inculcat Treutlerus disp. 12. vol. 2. th. 14.  
lit. E. ut &, quod vera conscientia & vera proba-  
tiones pugnare inter se nunquam possint, recte  
hoc nomine reprehensus à Reinh. Bachovio: ta-  
men nihil impedit, quo minus veritas publica  
vocetur quod legitime probatum & eo modo o-  
stensum est quo veritas erui humana industria  
potest, & alias communiter solet, cum ipsum et-  
iam jus divinū pro vero habeat quod certo mo-  
do, puta duorum aut trium hominū testimonio,  
probatum est, non obstante quod nonnunquam  
ejusmodi etiam testimonium falsum esse possit,  
ut in causa Susannæ contigerat quemadmodum  
erudite hæc disputat idem Bachovius.

*XIII.  
Præcipua  
argumen-  
ta in hac  
contro-  
versia.*

Hæ ergo rationes rem non conficiunt. Præ-  
cipuum argumentum est nostra sententia, pro  
scientia, quod innocentem damnare sit actus in-  
se pravus, ut nulla recta intentione, nullo timore,  
nulla scandali evitatione licitus fieri possit, sicut  
Cajetanus notat: etsi enim interest plurimum qua  
causa, quo fine, qua intentione quid fiat, ea tamen qua cō-  
stat esse peccata nullo bona causa obrentu, nullo quasi bo-  
no fine, nulla velut bona intentione facienda sunt, ait D.  
Aug. lib. cont. mendac. c. 7. Pro actis autem ista  
sunt: primo quo iudici nec cōcessum est nec con-  
cedi



cedi potest, ut ex privata scientia & arbitrio rem gerat, ne plus hinc incommodi quam commodi ad rem perveniat. Cogitur igitur officii ratione judicare secundum acta non minus in uno casu quam in altero, cum rectius reip. prospici nequeat, nec majora mala evitari. Quod si autem hic sequius quid evenit, quam oportebat, necessitati publicæq; salutis id concedendum est: *est enim lex omnis humana, quantumvis justa, nihil aliud quam cribrum expurgando tritico, quæ nequit sic exacte justæ & injustæ ducernere, quin cum purganinibus nonnulla quandoq; decident grana*, ut eleganter dicit Soro. Idq; in multis aliis etiam accidit, estq; elegans plane exemplum quod à I Cris hic suggeritur. Ita non retractatur ordinariæ sententiæ semel lata, postquæ in rem judicatam transit, propter instrumenta nove reperta, non quod ex ijs non possit rectiora iudex sæpe edoceri quam ante notat, sed quia isto pacto lites nunquam finiendæ essent, ut ad l. 4. & 5. C. de re jud. illi disputant. Secundo, si licet nocentem absolvere quam diu non convincitur, idq; ideo quia non convincitur, quem absolvere tamen alias nullo pacto licebat; nec innocentem in tali casu, ubi alijs licitis medijs liberari nequit, condemnare peccatum est. Et quemadmodum dicta illa, *Qui justificat impium & qui condemnat justum, abominabilis est uterque apud Deum &c.* Non junges manum tuam ut pro impio dicas falsum testimonium &c. intelligenda sunt ita, si convincatur, sic & istud: *Innocentem non condemnabis, accipi de eo cujus innocentia demonstrari potest.*

His

XIV.

*Decisio  
contro-  
versia.**Prima  
conclusio.**Secunda.**Tertia.*

His suppositis rem totam tribus conclusio-  
bus complectemur: *Prima:* Reus sufficiens  
convictus contra acta absolvi non potest, nec  
id iudex obligatur, quamvis innocentem esse  
sciat, contra quam statuit prima opinio.  
test tamen princeps ipsum absolvere vel fal-  
dispensare in causa, ut etiam Covarru. censet  
*Secunda:* Iudex inferior relinquat causam superi-  
si fieri id utiliter & cum commodo rei potest  
vult secunda opinio, nam hoc ipse Thomas  
cit. quæst. 64. artic. 6. ad 3. docet, & ut supra di-  
mus in eo auctores fere omnes concordant.  
Quod si autem superior ipsum exercere ju-  
cium velit, renunciare ideo officio non cogitur  
nisi facere id toties etiam velit quoties noc-  
non convictus absolvendus est: multo minus  
tæ periculum adire tenetur, ut ipse etiam Ro-  
la concedit. *Tertia;* Quoties iudex cogitur ju-  
care non peccat si secundum acta & probata  
dicet, cum id sit ejus officii: nec ipso reo injuri-  
facit, sed vel ij qui falsum testimonium depol-  
runt, vel humanorum judiciorum condicio, et  
rectius instituti nequeunt, imo injustissima fi-  
ra sint, nisi ex actis judicetur, ut statuit tertia  
nio. Vnde recte dicit Thom. in epist. ad Rom.  
20. lect. 1. aliam esse rationem judicii huma-  
etiam justi, & judicii divini, quia Deus  
est iudex ut ipse simul testis sit, nec falsis alle-  
tionibus decipi possit: *Hominiis judicium*, inq-  
etiam si iuste dicetur, non semper est secundum veritatem  
negotii: sed secundum dicta testium, quæ quand-  
dissonant a veritate. Sed hoc non est in divino judicio,

ut ipse dicit Hierem. 29. Ego sum iudex & testis: non etiam fallitur falsis allegationibus. Hæc sententia maxime probabilis non apparet, etsi prima opinio tutior forte est.

Quibus ita explicatis, facile iam quoque liquet XV.  
quid de absolutione nocentis sufficienter non *Quid de  
absolutio-  
ne nocen-  
tis non  
convicti  
sentien-  
dum sit.*  
convicti sentiendum sit: quia enim iudex secundum acta & probata iudicare debet, absolvere etiam nocentem non convictum potest: aliud enim officii eius non est, cum in scelera animadvertere tum demum cogatur, cum eorum quis convictus fuerit. Interim tamen & hic princeps pro sua auctoritate, præsertim si atrox crimen sit & reipub. interficere illud puniri, aliud statuere potest, maxime si scientiam suam publice testatus sit.   
Tantum de ista questione.

Vnum restat de casibus dubiis. In iis autem, ut XVI.  
supra iam innuimus, mitior pars præferenda est. *Quid in  
casibus  
dubium  
facien-  
dum sit.*  
Docet hoc recta ratio: qui enim deteriore partem rapit quod dubium est, iniuriam utique ei facit de quo ita iudicat, cum quantum in se est sine iusta causa hominem condemnet. Nec excusatur etiam si reapse res sic, ut ipse auguratur, se habeat: omne enim hoc per accidens est, cum etiam aliter habere se poterit. Et quanquam condemnavit tum eum qui condemnandus per se erat, eo tamen proposito hoc fecit, ut condemnatum voluerit etiam si in culpa non esset: nam id animi ei fuisse oportet, cum dubitans an reus esset, nihilominus damnarit. Idem scriptura approbat. Vnde Deut. 22. 24. & seqq. cum distinxisset inter compressionem puellæ desponsatæ fa-

ta factam in civitate & factam in agro, sanc-  
 ta facta sit in agro solum scortatorem puniend-  
 esse: clamaverit enim, inquit, puella, nec fuerit qui  
 varet eam. Ad quem locum Lyranus: Lex inter-  
 ratur factum in meliorem partem, scilicet quod puella cla-  
 verit & cognita fuerit per violentiam. Et ex hoc ha-  
 tur argum. quod dubia sint in meliorem partem inter-  
 tanda. Hæc ille. Nec obstat quod sæpius fa-  
 mur quum meliorem partem eligimus qu-  
 quum pejorem: melius enim est frequenter li-  
 li & bonam opinionem fovere etiam de homi-  
 malo, quam rarius falli & male de viro bono  
 spicari, cum hoc cum injuria proximi conj-  
 ctum sit, illud non item; ut docet Thom. 2. 2. 1.  
 6 q. art. 1. ad 1.

XVII. Equidem Cajetan. l. d. censet imprudentiæ  
*Cajet. sen-* se, ubi nihil certi appareat, in alterutram parte  
*tentia.* animum impellere, adeoque non positive sed r-  
 gative id intelligendum esse, quod dubia in m-  
 liorem partem interpretanda sint, ita scilicet n-  
 ut alterutri parti ad sensum præbeas, sed ut ju-  
 cium suspendas. Unde Christum Matth. 7. 1. 2.  
 non dixisse ut in meliorem partem judicemus  
 sed ne judicemus, & Paulum ad Rom. 14. 3, præ-  
 cipere, tantum, ut qui non manducat, mand-  
 cantem ne iudicet. Sic Caietan. qui & hoc add-  
 sitamen omnino judicandum sit, & alteru-  
 parti adhærendum, meliorem ideo eligendam  
 non quod bonum sit sine certitudine ulli rei m-  
 liori quam peiori sententiæ. Verum hæc omnia r-  
 &te confutat Soto lib. 3. de iust. q. 4. artic. 4. N-  
 dubium est quin non tantum non concessum  
 propt

*Refuta-  
tur à So-  
to.*

propter dubia signa male sentire de quoquam mortalium, si d teneamur etiam optima, quantum res patitur, de omnibus præsumere, nisi interdum iudicia in sequiorem partem nimium vergant: tum enim nihil definire à iudicio temperare sufficit. Nec impedit quod dicit Cajetanus, ubi res dubia est nullam causam esse quare uni parti essentiaris: ipsum enim jus naturæ ad assentiendum meliori parti & bonum præsumendum nos obligat quoties ratio manifesta non est quæ contrarium imperet. Vbi itaq; nulla certa causa est quare malum suspiceris, bonum præsumendum omnino est. Itaq;, ut puto, diserte etiam docet locus ex Deuteronomio: etsi enim dubium est si puella extra urbem, ubi sola cum scortatore erat, compressa sit, an clamaverit & invita pudicitiam perdiderit nec ne, lex tamen divina jubet simpliciter eam absolvi & ita haberi quasi clamaverit sed à nemine exaudita sit. Nec magni momenti est quod Cajetanus obiicit, si uni parti ad sensus in dubiis præbeatur errore intellectum nostra culpa implicari: nec enim error intellectus est quid per se malum in genere motum, nisi tum demum ubi appetitum & actiones nostras depravat. Adde quod etiam alias circa singularia contingentia parum ad ipsam scientiam interest, an verum falsum statuatur, cum nec perfectio intellectus in eorum cognitione posita sit. Hæc de prudentia iudiciaria.

Cæterum cum leges nec ferri possint nec ferantur de omnibus quæ in vita hominum occurrunt, sicut supra diximus, imo respiciant potius quid

XVIII.  
Prudentia delib-  
rativa.

quid iustum sit, quam quid utile & necessarium reipublicæ requiritur ad vitam recte instituendam & remp. feliciter administrandam non tantum legum condendarum & iudiciorum ex earum præscripto obeundorum scientia; sed etiam facultas recte deliberandi & statuendi de iis quæ præterea tum ad ipsius reipub. conservationem, tum privatim ad singulorum emolumentum ac vitæ tranquillitatem procurandam pertinet. Vnde Aristoteles rhetor ad Alexand. ait: Τὸ βουλευσθαι τὸ δὲ καὶ ἀνθρώπων θεότατον ἐστίν, *Consiliariis eorum, quæ inter homines sunt divinissimum est.* Et Sallust. ad Cæsarem: Ego ita comperi omnia regna, civitates, nationes, usque eo prosperum imperium habuisse, dum apud eos vera consilia valuerunt. Vbicunque gratia, timor, voluptas ea corrumpere, post paullo imminuta opes, deinde ademptum imperium postremo servitus imposita est. Hoc ergo munus est prudentiæ Deliberativæ. Quid autem sit bona deliberatio, seu quibus de rebus deliberetur ac consultetur, supra, ubi de principiis actionum humanarum egimus, dictum est. Nec opus est ea hic reperi: communia enim tantum sunt. Sed nec peculiariter hic explicari potest, quoniam in unaquaque forma reipubl. consilia & deliberationes præcipue referendæ sint: sicut enim politici est explicare & distinguere ipsas rerumpubl. formas & causas exponere, tam quæ conservant quam quæ destruunt singulas: ita etiam ad ipsum spectat ista omnia uberissime persequi. Huius loci id tantum est, ostendere in universum quomodo comparata esse debeat consultatio, & quis ei propositus finis, ut

. consi-

Quatenus de ea  
hic agatur.

consilia ea inveniantur & approbentur quæ optima sint & reip. ac vitæ mortalium universæ salutaria. Differt autē hæc pars prudentiæ à duab. cæteris, præcipuè à judiciaria: nam cum Nomothetica magnam affinitatem habet. Et sanè fieri potest, ut rectè quis intelligat quæ ad lites juxta legum normam decidendas pertinent, ne eadem tamen quid aliàs utile sit reipublic. adeò exactè calleat. Equidem prius illud accuratâ legum, statutorum ac consuetudinum cognitione absolvitur, at posterius ex illis nullo modo peti potest aut decet, cum aut parum aut nihil de ijs præcipiant. Ita an bellum sit gerendum, an pax facienda; an fœdera & cum quibus pangenda, quomodo importentur res in regionē & exportentur, quomodo ipsa custodiatur & muniatur, unde redditus in promptu esse possint, & ærarium sufficiens, denique quomodo leges ferantur utiles ac observentur, & reprimantur vitia; quæ paulatim; cum resp. degenerare incipiunt; invalescere solent, &c. de quibus potissimum capitibus deliberari docet Aristoteles 1. rhet. cap. 4. hæc, inquam, talia legum peritia non suppeditat. Vnde magnus error nst, atq; is cum majori reipubl. perniciæ conjunctis, quod vulgò persuasum hodie est, prudentiam judicariam & senatoriam, (ita n. hæc altera vocari potest, quod senatus sit consultare; ut judicis est judicare) unam eandemque esse imò ipsam etiam jurisprudentiam cum hac coincidere. Nam sicut leges ad formam reip. accommodand. sunt, non contrā hæc ad illas, ut dicitur 4. Pol. c. 1. ita etiam ex

*Quid differat à reliqua prudentia.*

*Male confunditur cum judicaria.*

Tt

præ-

nis consuetudo damnare aliquem hominem priusquam is qui accusatur presentes habeat accusatores, locumque defendendi accipiat ad abluenda crimina. Accusator autem est vel privatus quispiam, qui propter noxam aut crimen perpetratum sive rempubl, ipsam, sive in se & suos, alterum in iudicium rapit; vel magistratus ipse, si factum notorium sit, vel in iudicio perpetratum. Docuit hoc Deus ipse, cum Gen. 11. ædificatores turris Babylonicæ antè non puniret, quam descendisset & vidisset turrim: ubi rectè S. Chrysostomus hom. 30. Καὶ πρὸς τὴν, φασὶ, κτίσιν ὁ θεὸς. καὶ ἵνα αὐθροπίας νοήσωμεν, ἀλλ' ἵνα διὰ τοῦτο παιδείᾳ ὠμεῖται, μηδέποτε κατ' ἐπιφύξειν ἀπλῶς τῶ ἀδελφῶν τῶ ἡμετέρων, μήτε ἐξ ἀκοῆς καταδικάζειν, ἵνα μὴ περὶ τὸν πολλὴν διζώμεθα τὴν πληροφορίαν. Et descendit, inquit, Dominus Deus: nō ut humano more (illud) intelligamus, sed ut hoc pacto doceamur, nunquam condemnare simpliciter quenquam fratrum nostrorum neque ex auditione contra eum sententiam ferre nisi magnam antea consecuti simus certitudinem. Deinde requiritur, ut qui accu'at sufficienter factum edocere possit, quæ præcipue documentorum integritas, testium sufficiens numerus, & diligens eorum quæ à testibus deponuntur discussio pertinet. Tertio, ut reo copia sit se defendendi sive per semetipsum, sive per advocatum: nam,

*Qui statuit aliquid parte inaudita altera,*

*Aequum licet statuerit, haud æquus fuit,*

sic Seneca Medeâ. Sed de his omnibus plenius agunt I Cti: etsi inter ethicam & iuridicam doctrinam id hic interest, quod quicquid illa continet



tinet ex ipsa rerum natura deducere decet, & id tantum tradere quod hæc in re juris naturæ est & apud omnes gentes observari debet, ista vero ea tradit quæ jus civile juri naturæ adjecit; quod item ethicus communia tantum persequitur, jurisconsulto autem ad particulariora descendendum est & res tota pressius urgenda atque enucleatius pertractanda. Hæc igitur ad iudicium recte obitundum necessaria sunt.

Verum enim vero hic quæstio nobis quasi sub manu nascitur consideratione digna: cum enim dixerimus ad iudicium exercendum requiri ut factum sufficienter ab actore probetur, quæritur potest: annon privata scientia iudicis quam ipse de re quapiam habet, supplere illud possit, ut quem ipse certo, sed solus scit innocentem esse, contra acta & probata absolvere, aut quem scit nocentem, sed non convinci, condemnare possit? Absolvere innocentem qui sufficienter convincitur, aut condemnare nocentem non convictum non potest: ne omnis ordo & leges iudiciorum perturbentur, & dum rei aut vitæ privati atque unius hominis consulitur, tota respublica pessum eat. Condemnare innocentem & absolvere nocentem non licet: *Innocentem enim ac iustum non occides* dicit scriptura Exod. 23. 7. *Non suscipies vocem mendacij, nec junges manum tuam ut pro impio dicas falsum testimonium.* ibid. 1. *Si quis per industriam occiderit proximum suum & per insidias, ab altari meo evellas eum ut moriatur.* Exod. 21. 13. *Qui iustificat impium & qui condemnat iustum abominabilis est uterque apud Deum.* Prov. 17. 15. Vtrinque est ma-

*Discre-  
pantes  
auctorum  
sententia  
de inno-  
cente suf-  
ficienter  
convicto.*

gna difficultas. *Hinc atq; hinc vastæ rupes geminiq; mi-  
nuantur, In calum scopuli.* Unde & actores in partes  
diversas imo contrarias eunt. Sane de absolutio-  
ne nocentis non convicti fere consentiunt; imo  
Soto dicit nunquam de ea dubitatum, adeoque  
hoc extra controversiam esse, etsi nostro iudicio  
pœne eadem hec difficultas est: at de condem-  
natione innocentis convicti plurimum discre-  
pant. Non condemnandum esse contra scientiã,  
nec absolvendum contra acta, sed iudici instan-  
dum ut exoneretur ab officio iudicandi, vel mu-  
neri quod gerit plane renunciandum, censet Ni-  
col. Lyranus super Exod. c. 23. Hostiens in c. Pa-  
storalis, §. *quia vero de offic. iud. deleg* & Panormit. i-  
bid. Absolvendum esse dicunt Angelus Clava-  
sius in V. iudicare q. 7. Rosella in V. iudicium lu-  
xta acta & probata iudicari & reum condemnari  
posse statuunt Alex. Alensis p. 3. q. 34. membr. 1.  
art. 4. & q. 40 memb. 6. artic. 2. Thom. 2. 2. q. 67.  
artic. 1. Cajetan. ibid. Dominicus Soto lib. 5. de  
iustit. & jur. q. 4. art. 2. Gregor. de Valentia tom. 3.  
disp. 5. q. 11. punct. 2. & ex Ictis Bartolus super l.  
illicitas §. *veritas ff. de offic. præsid.* Didacus Co-  
varru. vias var. resol. tom. 2. lib. 1. c. 1. Cujac. l. 12.  
obser. c. 19.

*XI.  
In quibus  
auctores  
concor-  
dent.*

Antequam autem ostendamus quid hac de re  
sentiendum putemus, & quænam opinio maxime  
probabilis nobis appareat, duo præmittenda sunt:  
primo sciendum quatenus auctores omnes con-  
cordent, deinde quæ sint præcipuæ rationes qui-  
bus nituntur. Omnes igitur in eo concordant,  
primo incumbere iudici nihil non tentare & fa-  
cere

cere quod per iura & ordinē iudiciorum potest, ut innocentem liberet : & quanquam alii alias rationes afferunt quibus id efficiat, nihil tamen amplius facere forte potest, quam ut eo maiori studio iudicium administret, absterrendo testes à periurio, percontando item de loco, tempore, &c. si forte hoc pacto fides testimoniorum elevari queat, sicut à Daniele factum est in causa Sulfannæ Dan. 13. 45. 55. Quanquam & id sine dubio facere potest, quod Soto addit, ut si fieri citra scandalum & secreto queat, carceres apertos relinquat quo se captivus in pedes coniiciat & au- fugiat. Secundo etiam hoc inter eos convenit, si sit inferior iudex, ut si potest ad superiorē negotium remittat, & reum ipse iuvet testimonio suo, etiam iurato, modo illi eo pacto consuli possit. Sin iudex supremus sit & ipse princeps in repub. id agat, ut placato actore in causa dispense, quod pro sua autoritate non difficulter obtinebit. Tercio, neq; hoc in dubium vocatur, an si iudex persuasum habeat non licere contra scientiam etiam sufficienter convictum condemnare, peccet si id faxit: sine dubio enim mortaliter peccat, cū simpliciter contra conscientiam agat. Contra conscientiam autem agendum non esse etiam illi non negant qui iuxta acta pronunciandum censent, ut erudite monet Covarru. & suo loco pluribus ostensum est. Quarto multo minus de eo disceptatur, an nō iudex extra iudicium de iis quæ ab ipsius arbitrio commissa sunt, constituere debeat pro scientia sua quam privatim & solus habet: de eo enim quod iudex facit ut iudex, hoc

est, in iudicio, quæstionē esse à principio dictum est. Hæc sunt in quibus doctores concordant.

XII.

*Expon-  
duntur  
rationes  
quib. unl-  
genius  
tur in hac  
contro-  
versia.*

Rationes quibus pugnant multiplices sunt, depromptæ non tantum ex jure divino & naturæ sed etiam positivo. Sed quæ petuntur ex jure positivo Ictis relinquimus: nec enim ex ijs quæstio hæc principaliter decidi potest, nec de ijs litigare ad nostrum forum pertinet. Et sine dubio ex l. illicitas, §. veritas ff. de offic. præsidis, ut ipse Covarru. & Cujac. testantur, aut ex c. jud. 3. qu. 7. aut c. pastoralis §. supra allegato de offic. jud. de legat. elici certi hac de re nihil potest. Nec vero, qui pro sententia juxta scientiam privativam ferenda disputant, caute contra adversarios suos illa urgent, adversus conscientiam nihil esse faciendū, nec mentiendum iudici, quod tamen faciat cum sciens & volens eum nocentem pronunciat qui reapse innocens est. Causa hæc est, nam primo de conscientia ipsi concedunt, ut ante dictum est. Sed negant hoc esse contra conscientiam agere: scientia enim tantum est reum esse innocentem, ac conscientia, statuere quid de eo faciendum sit, nec vero omnis scientia conscientia est, ut alibi docetur. Deinde utrumq; quod afferunt æq; valet de absolutione nocentis non convicti, atq; de condemnatione innocentis legitime convicti, cū tamen illi absolutionē illā approbent. Et certè si semper, id est, contra conscientiam agere innocentem condemnare, est utiq; etiam nocentem absolvere: sicut n. illic est scientia in iudice, reum non esse innocentem, ita heic ille scit esse nocentem. Quod si etiam mentitur iudex semper cum sciens

*Aliud  
nuda rei  
scientia,  
aliud con-  
scientia.*

sciens pronunciat, e.g. homicidii reum esse qui revera homicida non est, mentitur non minus cum pronunciat homicidii reum non esse quem homicidam scit, licet sufficienter convictus non fuerit. Quid quod nec mentitur iudex quando pronunciat innocentem illum sufficienter convictum, secundum leges & jura puniendum esse, cum non dicat eum in culpa aut revera nocentem esse (nec enim hoc facere debet, aut sine maximo peccato potest) sed pœnæ à legibus addici, quod eo modo convictus sit, quo eæ præscribunt convincendum quenquam esse, ut recte notat Soto in solut. arg. ultim. Nec quadrat huc illud ex l. absentem ff. de pœn. satius esse nocentis facinus impunitum relinquere quam innocentē damnare: etsi enim id in dubiis valet, tamen ubi certo constat reum nocentem esse, ea locū habent quæ supra ex Exodo & Prov. adduximus. Sed neq; contra qui pro actis & probationibus stant, recte dicunt, duplicem esse in iudice conscientiā, publicam, quā habeat ut iudex, & privatam, quam habeat ut homo, nisi hoc ita explicant, & per privatam conscientiam intelligant nudam scientiā facti, per publicam, notitiā juris sive iudicium intellectus, quo iudex statuit quid faciendum sibi sit. Nam alioquin quod fundamentum illa distinctio habeat non video, nec quomodo de una & eadem re contrarium iudicium, idq; certum, in uno subjecto, uno tēpore esse possit, ut recte etiam ex Joh. Calderino Juris Canonici interprete notat Panormitanus. Et parum interest, si peccat iudex, dum secundum acta iudicat, sive id faciat

*Distinctio conscientie in publicam & privatam fundamentis.*

*Legitima  
probatio-  
nes non  
male di-  
cuntur  
veritas  
publ.*

ut iudex, siue ut homo: certe enim à Deo punie-  
tur, siue pœna ut iudici siue ut homin. ipsi expe-  
ctanda fuerit, ut recte obijcit summa Angelica.  
Tandem nec qui pro scientia privata faciunt re-  
cte eiiciunt distinctionem veritatis in publicam  
& privatam: etsi enim proprie veritas unica &  
simplex est, quod in tempeste in hac contro-  
uersia inculcat Treutlerus disp. 12. vol. 2. th. 14.  
lit. E. ut &, quod vera conscientia & veræ proba-  
tiones pugnare inter se nunquam possint, recte  
hoc nomine reprehensus à Reinh. Bachovio: ta-  
men nihil impedit, quo minus veritas publica  
vocetur quod legitime probatum & eo modo o-  
stensum est quo veritas erui humana industria  
potest, & alias communiter solet, cum ipsum et-  
iam jus divinū pro vero habeat quod certo mo-  
do, puta duorum aut trium hominū testimonio,  
probatum est, non obstante quod nonnunquam  
ejusmodi etiam testimonium falsum esse possit,  
ut in causa Susannæ contigerat quemadmodum  
erudite hæc disputat idem Bachovius.

*XIII.  
Præcipua  
argumen-  
ta in hac  
contro-  
versia.*

Hæ ergo rationes rem non conficiunt. Præ-  
cipuum argumentum est nostra sententia, pro  
scientia, quod innocentem damnare sit actus in  
se pravus, ut nulla recta intentione, nullo timore,  
nulla scandali evitatione licitus fieri possit, sicut  
Cajetanus notat: etsi enim interest plurimum qua  
causa, quo fine, qua intentione quid fiat, ea tamen qua cō-  
stat esse peccata nullo bonæ causæ obtentu, nullo quasi bo-  
no fine, nulla velut bonæ intentione facienda sunt, ait D.  
Aug. lib. cont. mendac. c. 7. Pro actis autem ista  
sunt: primo quo iudici nec cōcessum est nec con-  
cedi

cedi potest, ut ex privata scientia & arbitrio rem gerat, ne plus hinc incommodi quam commodi ad rem perveniat. Cogitur igitur officii ratione judicare secundum acta non minus in uno casu quam in altero, cum rectius reip. prospici nequeat, nec majora mala evitari. Quod si autem hic sequius quid evenit, quam oportebat, necessitati publicæq; salutis id concedendum est: *est enim lex omnis humana, quantumvis justa, nihil aliud quam cribrum expurgando tritico, quæ nequit sic exacte justæ & injustæ discernere, quin cum purgaminibus nonnulla quandoq; decidunt grana, ut eleganter dicit Soro.* Idq; in multis aliis etiam accidit, estq; elegans plane exemplum quod à I Ctis hic suggeritur. Ita non retractatur ordinariæ sententiæ semel lata, postquam in rem judicatam transit, propter instrumenta nove reperta, non quod ex ijs non possit rectiora iudex sæpe edoceri quam antenorat, sed quia isto pacto lites nunquam finiendæ essent, ut ad l. 4. & 5. C. de re jud. illi disputant. Secundo, si licet nocentem absolvere quam diu non convincitur, idq; ideo quia non convincitur, quem absolvere tamen alias nullo pacto licebat; nec innocentem in tali casu, ubi alijs licitis medijs liberari nequit, condemnare peccatum est. Et quemadmodum dicta illa, *Qui justificat impium & qui condemnat justum, abominabilis est uterque apud Deum &c.* Non junges manum tuam ut pro impio dicas falsum testimonium &c. intelligenda sunt ita, si convincatur, sic & istud: *Innocentem non condemnabis, accipi de eo cujus innocentia demonstrari potest.*

His

XIV.

*Decisio  
contro-  
versia.**Prima  
conclusio.**Secunda.**Tertia.*

His suppositis rem totam tribus conclusionibus complectemur: *Prima*: Reus sufficienter convictus contra acta absolvi non potest, nec ad id iudex obligatur, quamvis innocentem eum esse sciat, contra quam statuit prima opinio. Potest tamen princeps ipsum absolvere vel saltem dispensare in causa, ut etiam Covarru. censet. *Secunda*: Iudex inferior relinquat causam superiori, si fieri id utiliter & cum commodo rei potest, ut vult secunda opinio, nam hoc ipse Thomas loc. cit. quæst. 64. artic. 6. ad 3. docet, & ut supra diximus in eo auctores fere omnes concordant. Quod si autem superior ipsum exercere iudicium velit, renunciare ideo officio non cogitur, nisi facere id toties etiam velit quoties nocens non convictus absolvendus est: multo minus vitæ periculum adire tenetur, ut ipse etiam Rosella concedit. *Tertia*: Quoties iudex cogitur iudicare non peccat si secundum acta & probata iudicet, cum id sit ejus officii: nec ipso reo injuriam facit, sed vel ij qui falsum testimonium deposuerunt, vel humanorum iudiciorum condicio, quæ rectius instituti nequeunt, imo injustissima futura sint, nisi ex actis iudicetur, ut statuit tertia opinio. Vnde recte dicit Thom. in epist. ad Rom. c. 20. lect. 1. aliam esse rationem iudicii humani, etiam justî, & iudicii divini, quia Deus ita est iudex ut ipse simul testis sit, nec falsis allegationibus decipi possit: *Homini iudicium*, inquit, *etiam si iuste dicatur, non semper est secundum veritatem negotii: sed secundum dicta testium, quæ quandoque dissonant à veritate. Sed hoc non est in divino iudicio, qui*  
ut ipj



ut ipse dicit Hierem. 29. Ego sum iudex & testis: non etiam fallitur falsis allegationibus. Hæc sententia maxime probabilis non apparet, etsi prima opinio tutior forte est.

Quibus ira explicatis, facile iam quoque liquet XV.  
quid de absolutione nocentis sufficienter non Quid de  
convicti sentiendum sit: quia enim iudex secun- absolutio-  
dum acta & probata iudicare debet, absolvere ne nocem-  
etiam nocentem non convictum potest: aliud e- tis non  
nim officii eius non est, cum in scelera animad- convicti  
vertere tum demum cogatur, cum eorum quis con- sentiem-  
victus fuerit. Interim tamen & hic princeps pro dum sit.  
sua auctoritate, præsertim si atrox crimen sit &  
reipub. intersit illud puniri, aliud statuere potest,  
maxime si scientiam suam publice testatus sit.  
Tantum de ista quaestione.

Vnum restat de casibus dubiis. In iis autem, ut XVI.  
supra iam innuimus, mitior pars præferenda est. Quid in  
Docet hoc recta ratio: qui enim deteriorem par- casibus  
tem rapit quod dubium est, iniuriam utique ei dubium  
facit de quo ira iudicat, cum quantum in se est facien-  
sine iusta causa hominem condemnet. Nec dum sit.  
excusatur etiam si reapse res sic, ut ipse augura-  
tur, se habeat: omne enim hoc per accidens est,  
cum etiam aliter habere se poterit. Et quanquam  
condemnavit tum eum qui condemnandus per  
se erat, eo tamen proposito hoc fecit, ut conde-  
mnatum voluerit etiam si in culpa non esset: nam  
id animi ei fuisse oportet, cum dubitans an reus  
esset, nihilominus damnavit. Idem scriptura  
approbat. Vnde Deut. 22. 24. & seqq. cum di-  
stinxisset inter compressionem puellæ desponsa-  
tæ fa-

tæ factam in civitate & factam in agro, sancit, si facta sit in agro solum scortatorem puniendum esse: clamaverit enim, inquit, puella, nec fuerit qui servaret eam. Ad quem locum Lyranus: *Lex interpretatur factum in meliorem partem, scil. quod puella clamaverit & cognita fuerit per violentiam.* Et ex hoc habetur argum. quod dubia sint in mitiorem partem interpretanda. Hæc ille. Nec obstat quod sæpius fallimur quum mitiorem partem eligimus quam quum pejorem: melius enim est frequenter falli & bonam opinionem fovere etiam de homine malo, quam rarius falli & male de viro bono suspicari, cum hoc cum injuria proximi conjunctum sit, illud non item, ut docet Thom. 2.2. qu. 69. art. 1. ad 1.

XVII.  
Cajet. sen-  
tentia.

Equidem Cajetan. l. d. censet imprudentiæ esse, ubi nihil certi appareat, in alterutram partem animum impellere, adeoque non positive sed negative id intelligendum esse, quod dubia in meliorem partem interpretanda sint, ita scilicet non ut alterutri parti ad sensum præbeas, sed ut judicium suspendas. Unde Christum Matth. 7.1. ait, non dixisse ut in meliorem partem judicemus, sed ne judicemus, & Paulum ad Rom. 14.3, præcipere, tantum, ut qui non manducat, manducantem ne iudicet. Sic Caietan. qui & hoc addit: sitamen omnino judicandum sit, & alterutri parti ad hærendum, meliorem ideo eligendam, non quod bonum sit sine certitudine ulli rei meliori quam peiori sententiæ. Verum hæc omnia recte confutat Soto lib. 3. de iust. q. 4. artic. 4. Nec dubium est quin non tantum non concessum sit propter

Refuta-  
tur à So-  
to.

propter dubia signa male sentire de quoquam mortalium, sed teneamur etiam optima, quantum res patitur, de omnibus præsumere, nisi interdum iudicia in sequiorem partem nimium vergant: tum enim nihil definire à iudicio temperare sufficit. Nec impedit quod dicit Cajetanus, ubi res dubia est nullam causam esse quare uni parti essentiaris: ipsum enim jus naturæ ad assentiendum meliori parti & bonum præsumendum nos obligat quories ratio manifesta non est quæ contrarium imperet. Vbi itaq; nulla certa causa est quare malum suspiceris, bonum præsumendum omnino est. Itaq; ut puto, diserte etiam docet locus ex Deuteronomio allatus: etsi enim dubium est si puella extra urbem, ubi sola cum scortatore erat, compressa sit, an clamaverit & invita pudicitiam perdiderit nec ne, lex tamen divina jubet simpliciter eam absolvi & ita haberi quasi clamaverit sed à nemine exaudita sit. Nec magni momenti est quod Cajetanus obiicit, si uni parti ad sensus in dubiis præbeatur errore intellectum nostra culpa implicari: nec enim error intellectus est quid per se malum in genere motum, nisi tum demum ubi appetitum & actiones nostras depravat. Adde quod etiam alias circa singularia contingentia parum ad ipsam scientiam interest, an verum falsum statuatur, cum nec perfectio intellectus in eorum cognitione posita sit. Hæc de prudentia iudiciaria.

Cæterum cum leges nec ferri possint nec ferantur de omnibus quæ in vita hominum occurrunt, sicut supra diximus, imo respiciant potius quid

XVIII.

Prudentia delib-  
rativa.

consilia ea inveniantur & approbentur quæ optima sint & reip. ac vitæ mortalium universæ salutaria. Differt autē hæc pars prudentiæ à duabus cæteris, præcipuè à judiciaria: nam cum Nomothetica magnam affinitatem habet. Et sanè fieri potest, ut rectè quis intelligat quæ ad lites juxta legum normam decidendas pertinent, nec eadem tamen quid aliàs utile sit reipublic. ad eò exactè calleat. Equidem prius illud accuratà legum, statutorum ac consuetudinum cognitione absolvitur, at posterius ex illis nullo modo peti potest aut decet, cum aut parum aut nihil de ijs præcipiant. Ita an bellum sit gerendum, an pax facienda; an fœdera & cum quibus pangenda, quomodo importentur res in regionē & exportentur, quomodo ipsa custodiantur & muniantur, unde redditus in promptu esse possint, & ærarium sufficiens, denique quomodo leges ferantur utiles ac observentur, & reprimantur vitia; quæ paulatim, cum resp. degenerare incipiunt, invalescere solent, &c. de quibus potissimum capitibus deliberari docet Aristoteles 1. rhet. cap. 4. hæc, inquam, talia legum petitia non suppeditat. Vnde magnus error nst, atq; is cum majori reipubl. perniciē conjunctis, quod vulgò persuasum hodie est, prudentiam judiciariam & senatoriam, (ita n. hæc altera vocari potest, quod senatus sit consultare; ut iudicis est judicare) unam eandemque esse imò ipsam etiam jurisprudentiam cum hac coincidere. Nam sicut leges ad formam reip. accommodandæ sunt, non contrā hæc ad illas, ut dicitur 4. Pol. c. 1. ita etiam ex

*Quid differat à reliqua prudentia.*

*Male confunditur cum judiciaria.*

T c

præ-

præscripto legum de utilitate publica & summi rei disceptari semper nequit.

XIX.  
Indepo-  
satur.

Petitur autem prudentia ista tum ex accur cognitione civilis doctrinæ, tam hujus quæ moribus agit, quam alterius qui de rep. & in κατ' ἐξοχήν civilis dicitur, tum ex diligenti optimi rû historiariû lectione. Primo, inquam, loco necessaria est pars illa civilis facultatis quæ de rebus tractat: ecquid enim sani consilii resp. is si gerat, qui ipse de virtute & honestate imò v. omni ejusq; sine supremo pravè sentit, vel si ctè sentit, nec virtutem tamen & honestatem riò amat, aut factis exprimit? Secundo loco politica propriè dictam. Per hanc autem intelligo notitiam tantum certi status, sed præpta omnis generis optima de rep. feliciter administranda, à cunctarum gentium sapientibus ventâ, & longo & usu confirmata: nam reliquod illud absq; his aut nihil aut parum prodesse potest. Tertium est historia, omnium sanorum dicio nutricula unica imò anima politicæ. Ex ergo prudentia deliberativa perenda est. Quæ cum itidem à plurimis hodie non obset vetuit etiam ut licet respublicæ multis modis labore & in extremo propè sitæ sint, remedia tan frustra adhibeantur: nec enim principium tollitur, quia aut ignoratur, aut cōtemnitur. Neque verò fieri aliter potest quamdiu pro sapientia & virtute calliditas, avaritia & injustitia destanda passim regnant. Sed ad institutum.

XX.  
Optima-  
des.

Prudentia itaq; deliberandi inde, ut dixi, petitur, estq; deliberatio illa optima & sola v. in q.

mortalium salutaris, cujus fundus est virtus & honestas: sicut contra nihil solidæ prudentiæ habet, nec emp. fulcit, sed paulatim labefactat, qui alium finem sibi proponit, ut in principio sæpe non animadvertatur. Docent hoc non tantum & omni ævo docuerunt sapientes cuncti & Politici optimi quique, Pythagoras, Plato Arist. sed idem testantur omnes historiæ, & à condito orbe usque rerum publ. ortus incrementa, inclinationes & interitus. Certè post homines natos ut gens aliqua præ cæteris extitit justa, continens, frugalis, fortis, ita fines suos nõ tantum rutata est facilè. sed promovit insuper; & orbis universi imperium sæpenumero sibi paravit: contra verò si qua in luxum & ignaviam se transdaret, & injustitiam sectaretur, convelli paulatim respub. cœpit, donec planè periret, & quæ longè latèque dominata antè fuerat, turpissimam servitutem subiret. Hoc pacto regnum Medorum ad Persas devolutum est, gentem pauperem antè & contemptam, sed virtutis in ista paupertate amantem. Ita Græcia totius orbis pars florentissima, imò aliquod olim compendium, cum virtuti & abstinentiæ majorum luxus, molli- ties & avaritia, veræ autem prudentiæ & honestati astutia; & injustitia cessissent, & civitates omnes inter se mutuis odiis & cæcâ rabie commississent, calliditate Philippi Macedonis oppressa est. Nec ipsa Romana respubl. aut ad fastigium illud suum, quo majus in orbe nihil unquam extitit, ascendit, nisi cultu virtutis, si-

*liberatio  
cuin  
fungus est  
virtus &  
honestas.*

*Quibus  
studius re-  
spub. e-  
mergant  
quibus i-  
tem labe-  
santur,  
& pereant.*

T r a                      dei

dei & iustitiæ, aut ab eo descendit postmodum  
& præcepta lata est, nisi postquam Græcæ artes  
Asiaticus luxus sanctissimos mores longo ten-  
pore corruerant, & gentem masculam enerv-  
rant. Nec aliud quicquam ante unum & alterum  
seculum totum imperium orientale barbaricæ  
servituti subiecit, & tot tamq; olim cultas regi-  
nes plapè subvertit.

— Vbi enim non est pudor

Nec cura iuris, sanctitas, pietas, fides,

Instabile regnum est; Senec. Thyeste.

Non potest  
resp. flore-  
re citra  
iustitia &  
virtutis  
studium.

Contra autem, ille Reip. status optabilis & firmus est,  
quo & privatim sanctè innoxieq; vivitur & publicè in-  
iustitia ac clementia vigent. Polybius lib. 6. Et ut expe-  
rientia hoc non doceret, ratio ipsa tamen satis in-  
firmorum poterat, non potest enim vel perditum  
firmorum latronum exercitus aliquis aggredi  
quidquam aut se tueri, si non alijs tantum, se  
sibi intet se quoque injuriam faciant; nedum  
sine iustitia societas civilis, quæque benevivendi  
gratia coijt, salva esse queat, ut sapienter scripsit  
Plato t. de rep. in fine. Cic. lib. 2. offic. rem ita ex-  
pressit: *Tanta huius (iustitiæ) vis est, ait, ut nec ij qui  
dem qui scelere ac maleficio pascuntur possint sine ulla pa-  
ticula iustitia vivere.* Et Socrates execrari in sup-  
eum tolebat, qui primus utilitatem ab honestate  
& iustitia se junxisset: id enim querebatur capere  
esse exitiorum omnium, ut refert Cicero 1. de legibus,  
& ex 2. lib. Cleanthis de volupt. Clem. Alexandrinus lib. 2. *σπουδαί.* Confirmat  
etiam ipsa Scriptura, in d. nusquam non clam-  
iustitia elevat gentem; miseros autem facit populos p-

fatum, ut dicitur Proverb. cap. 14. 34. & Regnum à gente in gentem transfertur, propter injustitias, & contumelias & diversos dolos, ait ecclesiasticus c. 10. 8.

Cæterum justitia nulla esse potest nisi ubi ita imperatur, & eò consilia omnia referuntur, ut non illorum tantum qui imperant, sed totius reipub. & singulorum utilitas spectetur & procuretur. *Malè imperatur ubi non imperatur* Ut enim gubernatori cursus secundus, medico salus, *ad subditorum salutem.* imperatori victoria: sic moderatori reip. beata civium vita proposita esse debet, ut opibus firma, copiis locuples, gloria ampla, virtute honesta sit, quemadmodum scripsit Plato loc. cit. & ex eo Cic. cum in lib. de rep. tum ad Attic. l. 8. ep. 11. Quin hoc unicum differt imperium civile ab herili, & subditum esse à servitute, quod herus utilitatem propriam per se, servi per accidens tantum spectat: princeps autem contrà commodum & salutem subditorum per se, suam per accidens, sicut id docet 8. polit. cap. 10. & ferè nusquam non inculcat Philosophorum & Politicorum omnium coriphæus. Verba sunt: Ο μὲν τὴν εὐανθεῖαν τοῖς αὐτοῖς συμφέρον σκοπεῖ, ὁ δὲ βασιλεὺς τὸ τῶν ἀρχομένων. Tyrannus suum ipsius commodum spectat & quærit, at rex subditorum: unde & 5 ethic. cap. 6. mercedem ijs qui præsumt reip. ait hanc deberi, decus & honorem, qui verò his contenti non sunt eos tyrannos fieri. Quod præclare exponit etiā Xenophon. li. 3. de dict. & fact. Socratis. Ο βασιλεὺς inquit αἰρεῖται, ἔχῃνα ἑαυτῷ καλῶς ἐπιμελεῖσθαι, ἀλλ' ἵνα καὶ οἱ ἐλόμενοι δια τῷ τον ἐνπράτῃσι. Rex eligitur non ut sese moliter curet, sed ut per ipsum ij qui legerunt, benè beateque vivant.



*Quod  
nam im-  
persum sit  
stabile.*

Et res manifesta est, ideò enim potentia & aq-  
toritate instruuntur, ut noxam à subditis at-  
ceant: non ut ipsi interant. *Pestis fera vis est va're ad-  
nocendum.* Huius denum magnitudo stabilis fundataque  
est, quem omnes tam supra se esse quàm pro se sciunt, cuius  
curam excubare pro salute singulorum atq; unive'sorum  
quotidie experiuntur, quo procedente non, tanquam ma-  
lum aliquod aut noxium animal è cubili profiliret, diffu-  
giunt, sed tanquam ad clauum ac beneficiũ fidus certatim  
obycere se pro illo mucronibus insidiantium paratissimi, &  
substernere corpora sua si per stragem illi humanam iter  
ad salutem sternendum sit, ut divinitus à Sene-  
ca scriptum est lib. 1. de clement. cap. 3. Nec  
minus præclara sunt, quæ cap. 5. subjungit: *Serva-  
re, ait proprium est exc llentis fortuna, que nunquam  
magis suspici debet, quàm quàm illi contingit idem posse  
quod Divi. quorum beneficio in lucem edimur tam boni  
quàm mali.* Et veiò id esse Deum imitari ipsa Scri-  
ptura docet: is enim cum iustus sit iustè omnia disponit:  
ipsum quoque qui non debet puniri condemnare externum  
æstimat à sua virtute: virtus enim ejus justitiæ initium est,  
& ob hoc quod omnium Deus est omnibus se parcere facit,  
ait l. Sapient. cap. 12. 15.

**XXII.**  
*Nonnul-  
lorum  
falsò dicta  
pruden-  
tia.*

Hæc ergò, quàm dixi, natura & indoles est  
Prudentiæ senatoriæ, à qua immane quantum  
absint hodie qui nesciò quæ sophismata & arca-  
na rerum publicar. nosse pro palmariò veræ  
prudentiæ habent, atque in eo proram ac pup-  
pim omnium consiliorum collocant. Quæ pru-  
dentiæ cujusmodi sit ipse eventus docet: planè  
enim divinum quid & mirabile est, si quis hoc  
tempo

tempore ipsam injustitiam justitiâ potio-  
 rem non putet, quemadmodum & suo tempore in  
 Græcia contigisse Socrates conqueritur apud  
 Platonem 2. de rep. imò generosa quædam stul-  
 titia censetur virtus & honestas, sicut justitiam  
 Thrasymachus vocat 1. de republ. Vnde etiam  
 fit, ut dum nemo non prudentiam civilem cre-  
 pat, paulatim respublicæ prolabantur, & jugum  
 exterarum nationum appropinquet. Nec pos-  
 sunt hæc emendari, nisi tandem ad veterem il-  
 lam & veram prudentiam redeatur, quæ et si & i-  
 ipsa non ignorat arcana illa, honestatem tamen &  
 justitiam ab ijs non sejungit, sed sicut par est, pri-  
 mò loco inculcat, ut hoc præclare admodum  
 non ita pridem ostendit vir longè doctissimus  
 Daniel Heinsius peculiari ratione de civili sapi-  
 entia, quò quia nos ad finem properamus, lecto-  
 rem remittimus.

Ista igitur dicta sint de Prudentia, sine qua XXIII,  
 virtus moralis nulla esse potest, ut suo loco pa- Epilogus,  
 tuit; sicut contrà nec ipsa sine virtute morali:  
 prudentis enim est rectè de omnibus & singu-  
 lis judicare, quæ ad felicitatem vitæ ducunt. Ju-  
 dicium autem tale, præsertim confirmatum,  
 consistere nullo modo potest cum voluntate,  
 & appetitu nondum satis subactò: habitus e-  
 nim id requirit, ut de omnibus & perpetuò re-  
 ctè judices, quod cum fit, ex proæresi malè a-  
 gere non potes. Sanè vir prudens non exercet  
 semper omnes virtutes morales, sed id propter  
 defectum materiæ aut instrumentorum tan-  
 tum fit, non ipsarum virtutum, sicut hæc om-

nia Aristoteles docet lib. 6. ethic. c. ult. & penul  
Verum de connexionē virtutum moralium tam  
inter se quā cum prudentiā plura hic dicend  
erant, sed ea in aliud tempus rejicimus.

## CAP V.

## De Heroica virtute &amp; Continentia.

## SYMMARIA.

- 1 Ratio ordinis.
- 2 Quid sit virtus heroica.
- 3 Quid feritas.
- 4 Quid continentia & incontinentia.

I.  
De qui-  
bus adhuc  
dicen-  
dum.

**P**ERtractavimus hactenus universam scilicet Pl  
losofiam moralem: restat tantum ut no  
nihil de heroica virtute, semivirtutibus & am  
ritia adhuc dicatur: sicut enim tria fugienda su  
in moribus, vitium incontinentia & feritas, ita tri  
quoque sunt laude & commendatione in vita  
gna, virtus, continentia & indoles heroica. Ni  
autē vel heroica virtus differt à virtute simpli  
nisi quod excellentia ejus quædam est, vel fe  
tas à vitio, nisi quod excessus est enormitas qu  
dam vitii. Continentia porro & omnes semiv  
tutes dispositiones quædam sunt ad virtutē p  
fectam, incontinentia quoque & semivitia dis  
positiones ad perfecta vitia. De amicitia verò qu  
hic agendum sit post dicetur. Sed quia ista om  
excepta doctrinā de continentia, difficultat  
nullam habent. & jam superioribus paullò c  
tius immorati sumus verbo tantum singula m  
perstringemus, præsertim quia sufficienter ab  
ristotele tradita sunt.

He

Heroica igitur virtus, ut dixi virtus peculiaris non est sed ipsæ illæ, quas explicavimus, præsertim morales, si id fastigium in quoquam attingant quod rarò solent: qui enim aut fortitudine aut mansuetudine, liberalitate, aut alia aliqua virtute ita emineat, ut supra captum humanum hoc esse videatur, heros dicitur fortitudinis heroicæ exempla passim occurrunt, præsertim in historia Romana ut non necessum sit ea enumerare. Temperantiæ heroicæ exemplum in Scipione Africano habet Valer. Maxim. l. 4. c. 3. & Plutarch. in apoph. regum & imperatorum, & in Zenobia fœmina Odenati Palmyrenorum principis conjuge Trebellius Pollio in triginta tyrannis, liberalitatis in Cimone Atheniensi Cornel. Nepos, mansuetudinis in Philippo Macedone, Seneca libro 3. de Ira cap. 3. item in Augusto Dio Cassius lib. 55. & Seneca de clem. lib. 1. c. 9. & Tito Vespasiano, Suetonius in Tito c. 9.

III.  
Feritas.

Virtuti heroicæ opponitur feritas sive immanitas, tantus excelsus in quoque vitio, ut non hominem sed belluam esse putes si quis eo se poluat. Ita belluina intemperantia est peccatum Sodomiticum, ut ipse Aristoteles disertè hoc docet 7. ethic. c. 5. tomo 39. crudelitatis autem ferinæ exempla aliquot vide apud Senecam 3. de ira, c. 15. 16. 17. & seqq.

Porro semi virtutes duobus nominibus continentia & tollerantia potissimum comprehenduntur, nisi continentia propriè dicta dispositio tantum est ad temperantiam. Sed de his Aristoteles integro ferè lib. 7. egit. & nos 7. disput. ad

IV.  
Conti-  
nentia &  
inconti-  
nentia.

Tr 5

Arist.

Aristot. quare illic vide. Quid autem intersit inter temperantiam & continentiam vide plura etiam apud Plutarch. lib. de virtut. morali.

## CAPUT VI.

## De amicitia.

## SUMMARIA.

1 Amicitia omnibus in vita opus esse.

2 Quid ea sit & quotuplex.

1.  
De ami-  
citiâ.

Omnibus  
tam in  
vita esse  
necessa-  
riam.

**Q**UÆ ad vitam rectè & feliciter degendam necessaria sunt cuncta explicavimus sola amicitia excepta. Hæc autem etsi virtus non est, sed relatio tantum, magnam tamen cum ea affinitatem habet: certè vita felix sine hac esse nequit. Vnde Diogenes dicebat *qui saluus esse cupiat ei aut amicos optimos esse oportere aut inimicos insensissimos*: illos enim docere quid facto in vita opus sit, hos redarguere si quid malefacias, ut refert Plutarch. in libello ab amico quis discernere adulatorem possit. Et sanè ita res se habet, cujuscunque quis sive ætatis sive conditionis sit, Senes amicis indigent juvenibus, ut per eos gerant, quæ ipsi ob ætatem amplius non possunt. juvenes amicis senibus, ut ab ijs discant quid sectandum in vita sit: quia enim viâ aliquam iam confecerunt quæ nobis etiam ingredienda est, audire ex iis oportet, ubi aspera & difficilis ubi item facilis sit ac pervia, inquit Socrates, apud Platonē 1. de rep. in initio. Nec tenuis tantum sortis homines opus habent à quibus sublevantur interdum, sed ipsi etiam reges: ut rebus omnibus abundant, amicis opus habent. Non exercitus, dicebat Micipsa rex Nu-

Numidiæ ad filios jã morituros, *non thesauri, præsidia regni sunt, verum amici, quos neque armis cogere neque auro queas parare officio & fide parantur.*

Cæterum quid sit amicitia & quotuplex, quomodo item contrahatur & distrahatur Arist. l. 8. & 9. exposuit. Est autem beneyolentia mutua nō latens propter unum aliquod eorum quæ amabilia sunt, & primo triplex honesta, utilis & jucunda, maximè tamen nomen & ratio ejus primæ speciei competit. Deinde est amicitia alia simpliciter ita dicta quæ est inter pares, alia secundum quid sive amicitia secundum excellentiam inter impares, puta principem & subditum, parentem & liberos, uxorem & maritum. Sed hæc omnia peti ex Aristotele, aut ex disputationibus ad eum nostris possunt, 12.

*Quid sit  
amicitia.*

*Quotuplex.*

## CAPVT VII.

### EPILOGVS.

Perduximus itaque ad finem universam hanc disciplinam, quem antequam ei imponamus unum adhuc præcipuè & cum primis observandum restat. Tradita hæc ita sunt quanta nunc fieri diligentia potuit ex omnis generis optimis auctoribus. Et spero rem ipsam lectores docuisse, & docturam posthac uberrimè quantum quæ allata sunt ad omnem veram eruditionem conferant, præsertim ad Theologiæ & civilis ac Jurisprudentiæ studia. Nec tamen is finis præcipuus est ut scientiâ animum instruant, sed sicuti opportunè id hic in calce I.  
Epilogus.

Phi-

Philosophus inculcat, ut vitam juxta præcepta illius  
*Epiſtetus.* quantum fieri poteſt ad unum omnes ſeriò componam  
 contra quàm vulgò hodie fieri conſuevit. T  
 ſunt in Philoſophia loci: inquit Epiſtetus enchirid  
 cap. 26. unus, qui docet uti ijs qua rectè de vita decr  
 ſunt, alter qui demonſtrat qua ſinè decernenda, tertius  
 modum demonſtrandi tradit. At primus ille maximè  
 ceſſarius eſt, & in eo tantum conquieſcendum. Nos veri  
 tertio loco immoramur, in eoque omne ſtudium noſtr  
 conſumimus, primum autem prorsus negligimus. Proi  
 mentimur quidem, quomodo autem demonſtretur non  
 mentiendum, in promptu habemus. Ita Epiſtetus. N  
*Seneca.* ſanè eſt Philoſophia popolare artifiſcium aut oſtentati  
 paratum: non in verbis, ſed in rebus eſt, nec in hoc adhibe  
 ut aliqua oblectatione dies conſumatur, ut dematur  
 nauſea: animum format & fabricat, vitam diſponit, ac  
 nes regit agenda & omittenda demonſtrat, ſedet ad gul  
 naculum & per ancipitia fluctuantium dirigit curſu  
 ſine hac nemo ſecurus eſt: innumerabilia accidunt ſing  
 horis qua conſilium exigunt quod ab hac petendum eſt.  
 quit Seneca epi. 16. Vnde nulli pejus, dicente  
 dem ep. 108. merentur de omnibus mortalibus, quã  
 Philoſophiam velut aliquod artifiſcium venale didice  
 qui aliter vivunt quàm vivendum eſſe præcipiunt: exen  
 enim ſeipſos inutilis diſciplina circumferunt nulli non  
 quod inſequuntur obnoxii. Non magis mihi poteſt, in  
 talis prodeſſe præceptor quàm gubernator in tempe  
 nauſe abundus. Vnde rectè cenſebat Macedo  
 loſophus apud Agell. 12. cap. 8. pro foribus omni  
 templorum (nos auditoriorum dicemus) verſu  
 ſtum ſcribi debere: Ego odi homines ignatos opere. Phi  
 phica ſen: entia nihil enim fieri poſſe indignius, a jeba

*Male de  
 homini-  
 bus me-  
 rentur,  
 qui Phi-  
 loſophiam  
 ut artifi-  
 cium diſ-  
 cunt.  
 Macedo-  
 nis Philo-  
 ſophi di-  
 ctum.*

que intolerantius quam quod homines ignavi & desides, operi barba & pallio, mores & emolumenta Philosophia in lingua verborumque artes converterent, & vitia facundissimè accusarent, intercutibus ipsi vitiis madentes. Et rursus Seneca ep. 106. In supervacuis subtilitas teritur, non faciunt bonos ista sed doctos. Apertior res est sapere, imò simplicior. Paucis opus est ad mentem bonam literis. Sed nos ut cetera in supervacuum diffundimus ita philosophiā ipsam. Quemadmodū omnium rerū sic literarum quoque intemperantiā laboramus: nō vitā sed scholā discimus.

Non vitā, sed scholā discitur.

Et pertinent huc disputationes & quærelæ Socratis, quas apud Platonem & Xenophontem nusquam non ingeminat dæmonium illud hominis contra temporis sui sophistas; quod cum pessimè ipsi viverent, aliis tamen artē benevivendi pollicerentur. Idē egregiè exagitat M. Tullius 6. Tuscul. Quotusquisq; , inquit, doctor invenitur qui sit ita moratus, ita animo ac vitā constitutus, ut ratio postulat, qui disciplinā suam nō ostentationem scientiæ sed legem vitæ putet, qui obtemperet ipsi sibi, & decretis suis pareat? Videre licet alios tantā levitate & iactatione, ut fuerit, non didicisse melius, alios pecuniæ cupidos, gloriæ nonnullos, multos libidinum servos, ut cum eorum vitā mirabiliter pugnet oratio. Quod quidem mihi videtur esse turpissimum: ut enim si grammaticum se professus quispiam barbære loquatur, aut si absurde canatis qui se haberi velit musicum: hoc turpior sit quod in eo ipse peccet cuius profitetur scientiam: sit Philosophus in ratione vitæ peccans, hoc iurpior est quod in officio cuius magister esse vult labitar, artemque vitæ professus delinquit in vitā. Hæc ille: quibus verius nihil vel ex tripode dici poterat. Nec absudit ipse Philosophus 2. ethic: cap. 4.

II.  
Socrates.

M. Tull.

Aristot.



*Aristot.* c. 4. Qui hac non agit nunquam evasurus est bonus.   
 ramplerique hoc quidem non agunt, ad sermones ad-   
 confugientes sese philosophari putant & studiosos hoc   
 modo, atq; perinde ut egroti faciunt qui medicos qui   
 diligenter audiunt, nihil autem eorum agunt quâ pra-   
 untur ab illis. Vt igitur illis corpus non bene se habebit   
 ta curantur sit nec his animus planè, si ita philosophantur.

*Seneca.* Et iterum Senec. ep. 71. Quemadmodum lana quae   
 colores semel ducit, quosdam nisi sapius macerata &   
 cocta non perbibit: sic alias disciplinas ingenia cum ac-   
 re proptinus praestant, haec nisi altè descendit & diu sedi-   
 nimiam non coloravit sed infecit, nihil ex his quae pro-   
 rat, praestat. Sed audiamus etiam sapientissim-

*Tyrius.* Tyrium Vulgi quidem vota ac fastidia, inquit di-   
 f. nihil necesse est referre (non magis quam pecudum   
 brutorum mehercule) ipsos verò doctos merito accus-   
 infelices iudices, qui cum nihil aliud iactent quam pru-   
 tiam, recte vivendi modum usumq; rationis, nondum   
 men temperare sibi possunt quin secum partim, parti-   
 aliis vixentur ac de vita genere quam ingressuri sint   
 tendant. Qui idem mihi aggredi videntur quod gube-   
 tores solent, qui cum omnia quae ad adnavigationem   
 tinent diligenter preparaverint, navim maximam, &   
 ratum firmissimum, instrumentorum copiam, nautae   
 obsequium, accuratam artis peritiam, aptumq; sabur-   
 mus, in ipsa tamen navigatione errant, nec satis quid   
 dem sit inveniunt cum multos quidem portus videant   
 lum tamen certum. Haec tenus Tyrius:

Qui si eos accusat qui nimium altercantes   
 sine vitae & summo bono, interim ad vita-   
 psam nihil eorum conferebant, quid d-

censeat, qui cum universam civilem prudentiam  
 animo conclusisse videantur; vilissimotamen  
 quovis calone pejus sæpe vivunt: & profectò ista  
 causa est, quare ut Seneca loquitur, *Philosophia nigra*  
*sint, & universa litteratura apud indoctos infam-*  
*is.* Eudamidas quidam Archidami filius, Agi-  
 dis frater Laco; videns aliquando in Academia  
 Xenocratem jam grandem natu cum discipulis  
 philosophantem, quæsiuit quisnam esset iste se-  
 nex: cum responderetur sapientem esse; unumq;  
 eorum qui virtutem quærerent: & quando ait, u-  
 tetur ergo virtute si eam etiam nunc quærit? Plutarch. in  
 apophth. Lacon. cap. 58. Nihil appositè magis di-  
 cti poterat de nostris hominibus; etsi Xenocra-  
 tem Lacon iste immeritò ridebat, hominem tan-  
 ta fide, ut Athenienses in iudicio etiam injurato  
 crediderint, tantæ abstinentiæ, ut quinquaginta  
 talenta Alexandro magno, nec minorem pecu-  
 niæ summam Antipatro regi ultro remisent. Ci-  
 cero 5. Tuscul. Diog. Laert. in Xenocrate Plu-  
 tarch. in Alexand. imò tam spectatæ virtutis a-  
 pud omnes, ut postquam praliò cum Antipatro infelici-  
 ter gesto in discrimen libertatis Athenienses venissent, i-  
 psam cum Phocione ad aquas pacis condiciones imperan-  
 das populus ideo solum ablegaret, quod neminem homi-  
 num, ita libidine, ira, aut crudelitate censerent teneri  
 posse, quin eius verecundia moveretur. Plutarchus Pho-  
 cione.

Longe optimo autem jure Cælius Marius Pa-  
 titiis nonnullis Romanis sui temporis Græ-  
 cæ Philosophiæ, & linguæ studium sine virtu-  
 te ex-

271  
 C. Marii.

te ex-

te exprobrabat apud Sallustium in Jugurth  
*Græcas literas inquit, non didici, parum placebat  
 discere, quippe quia ad virtutem doctoribus nihil profue*  
*At illa multo optima reip. doctus sum, hostes ferire, p*  
*fidia agitare, nihil metüere nisi turpem famam, hyem*  
*& astatem iuxta pati, humi requiescere, eodem temp*  
*inopiam & laborem tolerare. Nec dissimulari pot*  
*aut debet; nisi rectè tractes studia plerumq*  
*fieri juxta illud Anaxarchi, quod refert Cleme*  
*Alexandrinus Stromat. i multa eruditio est ut in*  
*eum qui possidet, est ut damno etiam afficiat. Na*  
*quorsum faciant illæ nihil sanantes literæ? Ce*  
*rè Zeno Stoicorum princeps de Indis dicere l*  
*lebat, malle se unum eorum videre qui torreatur, qu*  
*omnes demonstrationes de molestiis sufferendis legere: i*  
*nuebat autem animi constantiam & æquitate*  
*qua illi mortem subirent, qua de re legatur Pl*  
*archus in vita Alexandri. Nec alia causa*  
*quate Socrates, Plato & Stoici omnes statua*  
*non tantum omnes ferè cæteras disciplinas ni*  
*li rei esse, nisi vitæ integritas eis respondeat: I*  
*illas ad hanc tanquam ultimum finem respice*  
*debere. Docet hoc tota epist. 88. Senecæ. & C*  
*ebes Thebanus in tabula ubi ἡ εὐδοκία τῆς αἰτίας rhet*  
*orū ac poetarū perstringit. Hinc etiam Sto*  
*comparabant philosophiam agro qui sæpem ha*  
*ret Logicam, fructum τὸ νῆδον, terram & arbore:*  
*φύσιν δὲ, ut Diog. Laert. in zenotie narrat:*

*Littera  
 nihil sa-  
 nantes  
 nulli usui  
 sunt Zeno*

*Socrates.  
 Plato.  
 Stoici.*

*V.  
 S. Mari-  
 nus.*

Hæc paulò pluribus explicavimus, ut qui  
 quid ab his studiis expectandū sit rectè statu  
 id ergo operam demus unicè, ut cum multi

die sunt, utor verbis S. Maximi Martyris, qui verbis obtundant, admodum autem pauci qui opere ipso vel erudiant alios, vel ipsi erudiantur, inter hos non illos simus. Nec dignum tantum hoc nobis est qui docti esse volumus, sed necessarium etiam qui Christiani, & hoc magis, quo rectius ista omnia intellexerimus juxta illud: *Servus qui voluntatem Domini noverit & non fecerit: multis plagis cadetur.* Certè enim & hæc est voluntas Dei, ut non tantum pie sed sobrie & juste vivamus; imò pietas ipsa virtutem non fucatam includit. Quomodo autem id fiat D. Augustin. egregie docet libr. 2. de ordine cap. 8. *Vita beata studiosis, inquit, ita vivendum est, ut à Veneriis rebus, ab illecebris ventris & gutturi, ab immodesto corporis cultu & ornatu; ab inanibus negotiis ludorum, à torpore somni atque pigritia, ab emulatione, obrectatione, invidia, ab honorum potestatumque ambitionibus, ab ipsius etiam laudis immodica cupiditate se abstineant, amorem autem pecuniæ totius suæ spei certissimum venenum esse credant, nihil enerviter faciant, nihil audacter; in peccatis autem suorum vel pehant omnino iram, vel ita frenent ut sit pulsa similis, neminem oderint, nulla vitia non curare velint: magnopere observent, cum vindicant, nec nimium sit, cum ignoscunt ne parum, nihil puniant quod non valeat ad melius, nihil indulgeant quod vertat in peius: suos putent omnes in quos sibi potestas data fuerit: ita serviant, ut eis dominari pudeat, ita dominantur ut eis servire delectet: in alienorum peccatis molesti non sint invito, inimicitias vicent cautissimè, ferant equissimè, finiant citissimè: nemini faciant quod pati nolunt: remp. nolint administrare nisi perfecti, perfici autem vel intra atatem senatoriam*

B. Augustini admonitio.

dei & iustitiæ, aut ab eo descendit postmodum  
& præcepta lata est, nisi postquam Græcæ artes &  
Asiaticus luxus sanctissimos mores longo tem-  
pore corruperant, & gentem masculam enerva-  
rant. Nec aliud quicquam ante unum & alterum  
seculum totum imperium orientale barbarica  
servituti subiecit, & tot tamq; olim cultas regio-  
nes plane subvertit.

— Vbi enim non est pudor

Nec cura iuris, sanctitas, pietas, fides,

Instabile regnum est; Senec. Thyeste.

*Non potest  
resp. flore-  
re citra  
iustitia &  
virtutis  
studium.* Contra autem, ille Reip. status optabilis & firmus est, in  
quo & privatim sanctè innoxieq; vivitur & publicè in-  
iustitia ac clementia vigent. Polybius lib. 6. Et ut expe-  
riencia hoc non doceret, ratio ipsa tamen satis ic-  
simorum poterat, non potest enim vel perditis  
simorum latronum exercitus aliquis aggredi  
quidquam aut se tueri, si non alijs tantum, sed  
sibi intet se quoque injuriam faciant; nedum  
sine iustitia societas civilis, quæque benevivens  
gratia coijt, salva esse queat, ut sapienter scripsit  
Plato 1. de rep. in fine. Cic. lib. 2. offic. rem irâ ex-  
pressit: *Tanta huius (iustitiæ) vis est, ait, ut nec ij qui-  
dem qui scelere ac maleficio pascuntur possint sine ulla pa-  
ticipula iustitia vivere.* Et Socrates execrari in super-  
eum tolebat, qui primus utilitatem ab honestate  
& iustitia se junxisset: id enim querebatur capi  
esse exitiorum omnium, ut refert Cicero 1. de  
legibus, & ex 2. lib. Cleanthis de volupt. Clem.  
Alexandrinus lib. 2. *σπουδαί.* Confirmat hanc  
etiam ipsa Scriptura, in dō nusquam non clamat  
Iustitia elevat gentem; miseros autem facit populos per-  
catis

statum, ut dicitur Proverb. cap. 14. 34. & Regnum à gente in gentem transfertur, propter injustitias, & contumelias & diversos dolos, ait ecclesiasticus c. 1. o. 8.

Cæterum justitia nulla esse potest nisi ubi ita imperatur, & eò consilia omnia referuntur, ut non illorum tantum qui imperant, sed totius reipub. & singulorum utilitas spectetur & procuretur. Ut enim gubernatori cursus secundus, medico salus, imperatori victoria sic moderatori reip. beata civium vita proposita esse debet, ut opibus firma, copiis locuples, gloria ampla, virtute honesta sit, quemadmodum scripsit Plato loc. cit. & ex eo Cic. cum in lib. de rep. tum ad Attic. l. 8. ep. 11. Quin hoc unicum differt imperium civile ab herili, & subditum esse à servitute, quod herus utilitatem propriam per se, servi per accidens tantum spectat: princeps autem contra commodum & salutem subditorum per se, suam per accidens, sicut id docet 8. polit. cap. 10. & ferè nusquam non inculcat Philosophorum & Politicorum omnium coriphæus. Verba sunt: Ο μὲν τὸ εἶναι τοῖς αὐτοῖς συμφέρον σκοπεῖ, ὁ δὲ βασιλεὺς τὸ τῶν ἀρχομένων. Tyrannus suum ipsius commodum spectat & quaerit, at rex subditorum: unde & 5 ethic. cap. 6. mercedem ijs qui præsunt reip. ait hanc deberi, decus & honorem, qui verò his contenti non sunt eos tyrannos fieri. Quod præclare exponit etiā Xenophon. li. 3. de dict. & fact. Socratis. Ο βασιλεὺς inquit αἰρεῖται, ἵνα ἑαυτῷ καλῶς ἐπιμελῆται, ἀλλ' ἵνα καὶ οἱ ἐλόμενοι διὰ τῷ τὸν ἐνπράτῃσι. Rex eligitur non ut sese moliter curet, sed ut per ipsum ij qui legerunt, benè beateque vivant.

XXI.

Male imperatur  
ubi non  
imperatur  
ad subdi-  
torum sa-  
lutem.

*Quod  
nam im-  
persum sit  
stabile.*

Et res manifesta est, idè enim potentia & auctoritate instruuntur, ut noxam à subditis at-  
ceant: non ut ipsi interant. *Pestifera vis est va'ere ad-  
nocendum.* Huius demum magnitudo stabilis fundataque  
est, quem omnes tam supra se esse quàm pro se sciunt, cuius  
curam excubare pro salute singulorum atq; unive-  
rsorum quotidie experiuntur, quo procedente non, tanquam ma-  
lum aliquod aut noxium animal è cubili profiliret, diffu-  
giunt, sed tanquam ad clauum ac beneficiũ fidus certatim  
obycere se pro illo mucronibus insidantium paratissimi, &  
substernere corpora sua si per stragem illi humanam iter  
ad salutem sternendum sit, ut diuinitus à Sene-  
ca scriptum est lib. 1. de clement. cap. 3. Nec  
minus præclara sunt, quæ cap. 5. subjungit: *Serva-  
re, ait proprium est excellentis fortuna, quæ nunquam  
magis suspici debet, quàm quum illi contingit idem posse  
quod Diis, quorum beneficio in lucem edimur tam boni  
quàm mali.* Et verò id esse Deum imitari ipsa Scri-  
ptura docet: is enim cum iustus sit iuste omnia disponit:  
ipsum quoque qui non debet puniri condemnare externam  
estimat à sua virtute: virtus enim ejus justitiæ initium est,  
& ob hoc quod omnium Deus est omnibus se parcere facit,  
ait l. Sapient. cap. 12. 15.

**XXII.**  
*Nonnul-  
lorum  
falsò dicta  
pruden-  
tia.*

Hæc ergo, quàm dixi, natura & indoles est  
Prudentiæ senatoriæ, à qua immane quantum  
absint hodie qui nesciò quæ sophismata & arca-  
na rerum publicar. nosse pro palmario veræ  
prudentiæ habent, atque in eo proram ac pup-  
pim omnium consiliorum collocant. Quæ pru-  
dentia cujusmodi sit ipse eventus docet: planè  
enim divinum quid & mirabile est, si quis hoc  
tempo

tempore ipsam injustitiam justitiâ potiore  
non putet, quemadmodum & suo tempore in  
Græcia contigisse Socrates conqueritur apud  
Platonem 2. de rep. imò generosa quædam stul-  
titia censetur virtus & honestas, sicut justitiam  
Thrasymachus vocat 1. de republ. Vnde etiam  
fit, ut dum nemo non prudentiam civilem cre-  
pat, paulatim respublicæ prolabantur, & jugum  
exterarum nationum appropinquet. Nec pos-  
sunt hæc emendari, nisi tandem ad veterem il-  
lam & veram prudentiam redeatur, quæ etsi & i-  
psa non ignorat arcana illa, honestatem tamen &  
justitiam ab ijs non sejungit, sed sicut par est, pri-  
mò loco inculcat, ut hoc præclare admodum  
non ita pridem ostendit vir longè doctissimus  
Daniel Heinsius peculiari ratione de civili sapi-  
entia, quòd quia nos ad finem properamus, lecto-  
rem remitemus.

Ista igitur dicta sint de Prudentia, sine qua XXIII,  
virtus moralis nulla esse potest, ut suo loco pa- Epilogus,  
ruit; sicut contrà nec ipsa sine virtute morali;  
prudentis enim est rectè de omnibus & singu-  
lis judicare, quæ ad felicitatem vitæ ducunt. Ju-  
diciū autem tale, præsertim confirmatum,  
consistere nullo modo potest cum voluntate,  
& appetitu nondum satis subactō: habitus e-  
nim id requirit, ut de omnibus & perpetuò re-  
ctè judices, quod cum fit, ex proæresi malè a-  
gere non potes. Sanè vir prudens non exercet  
semper omnes virtutes morales, sed id propter  
defectum materiæ aut instrumentorum tan-  
tum fit, non ipsarum virtutum, sicut hæc om-



nia Aristoteles docet lib. 6. ethic. c. ult. & penul  
Verum de connexionē virtutum moralium tā  
inter se quā cum prudentiā plura hic dicend  
erant, sed ea in aliud tempus reijcimus.

## CAP V. V.

## De Heroica virtute &amp; Continentia.

## SYMMARIA.

- 1 *Ratio ordinis.*
- 2 *Quid sit virtus heroica.*
- 3 *Quid feritas.*
- 4 *Quid continentia & incontinentia.*

I.  
De qui-  
bus adhuc  
dicen-  
dum.

**P**ERtractavimus hactenus universam seiētiā  
losophiā moralem : restat tantum ut noi  
nihil de heroica virtute, semivirtutibus & amic  
tia adhuc dicatur : sicut enim tria fugienda su  
in moribus, vitiū incontinentia & feritas, ita tri  
quoq; sunt laude & commentatione in vita d  
gna, virtus, continentia & indoles heroica. Nil  
autē vel heroica virtus differt à virtute simpli  
nisi quod excellentia ejus quādam est, vel fer  
tas à vitio, nisi quod excessus est enormitas qu  
dam vitii. Continentia porro & omnes semivi  
tutes dispositiones quādam sunt ad virtutē pe  
fectam, incontinentia quoq; & semivitia disp  
sitiones ad perfectā vitia. De amicitia verò qua  
hic agendum sit post dicetur. Sed quia ista omi  
exceptā doctrinā de continentia, difficultate  
nullam habent. & jam superioribus paullò d  
tius immorati simus verbo tantum singula nu  
perstringemus, præsertim quia sufficienter ab  
aristotele tradita sunt.

Hei

Heroica igitur virtus, ut dixi virtus peculiaris *Quid sit heroica virtus.*  
 non est sed ipsæ illæ, quas explicavimus, præsertim morales, si id fastigium in quoquam attingant quod rarò solent: qui enim aut fortitudine aut mansuetudine, liberalitate, aut alia aliqua virtute ita emineat, ut supra caput humanum hoc esse videatur, heros dicitur fortitudinis heroicæ exempla passim occurrunt, præsertim in historia Romana ut non necessum sit ea enumerare. Temperantiæ heroicæ exemplum in Scipione Africano habet Valer. Maxim. l. 4. c. 3. & Plutarch. in apoph. regum & imperatorum, & in Zenobia fœmina Odenati Palmyrenorum principis conjuge Trebellius Pollio in triginta tyrannis, liberalitatis in Cimone Atheniensi Cornel. Nepos, mansuetudinis in Philippo Macedone, Seneca libro 3. de Ira cap. 3. item in Augusto Dio Cassius lib. 55. & Seneca de clemen. lib. 1. c. 9. & Tito Vespasiano, Suetonius in Tito c. 9.

Virtuti heroicæ opponitur feritas sive immanitas, tantus excessus in quoque vitio, ut non hominem sed belluam esse putes si quis eo se poluat. Ita belluina intemperantia est peccatum Sodomiticum, ut ipse Aristoteles disertè hoc docet 7. ethic. c. 5. tomo 39. crudelitatis autem ferinæ exempla aliquot vide apud Senecam 3. de ira, c. 15. 16. 17. & seqq.

Porro semivirtutes duobus nominibus continentia & tollerantia potissimum comprehenduntur, nisi continentia propriè dicta dispositio tantum est ad temperantiam. Sed de his Aristoteles integro ferè lib. 7. egit. & nos 7. disput. ad

Tr 5

Arist.

III.  
Feritas.IV.  
Continentia & incontinentia.

Aristot. quare illic vide. Quid autem inter sit inter temperantiam & continentiam vide plura etiam apud Plutarch. lib. de virtut. morali.

## CAPUT VI.

## De amicitia.

## SUMMARIA.

1 Amicitia omnibus in vita opus esse.

2 Quid ea sit & quoruplex.

I.  
De amicitia.

Omnibus  
tam in  
vita esse  
necessariam.

**Q**UÆ ad vitam rectè & feliciter degendam necessaria sunt cuncta explicavimus sola amicitia excepta. Hæc autem etsi virtus non est, sed relatio tantum, magnam tamen cum ea affinitatem habet: certè vita felix sine hac esse nequit. Vnde Diogenes dicebat qui saluus esse cupiat ei aut amicos optimos esse oportere aut inimicos insensissimos: illos enim docere quid facto in vita opus sit, hos redarguere si quid malefacias, ut refert Plutarch. in libello ab amico quis discernere adulatorem possit. Et sanè ita res se habet, cujuscunque quis sive ætatis sive conditionis sit, Senes amicis indigent juvenibus, ut per eos gerant, quæ ipsi ob ætatem amplius non possunt. juvenes amicis senibus, ut ab ijs discant quid sectandum in vita sit: quia enim viam aliquam iam confecerunt quæ nobis etiam ingredienda est, audire ex ijs oportet, ubi aspera & difficilis ubi item facilis sit ac pervia, inquit Socrates, apud Platonē 1. de rep. in initio. Nec tenuis tantum fortis homines opus habent à quibus subleventur interdum, sed ipsi etiam reges: ut rebus omnibus abundant, amicis opus habent. Non exercitus, dicebat Micipsa rex Nu-

Numidiæ ad filios jã morituros, non thesauri, praesidia regni sunt, verum amici, quos neque armis cogere neque auro queas parare officio & fide parantur.

Cæterum quid sit amicitia & quoruplex, quomodo item contrahatur & distrahatur Arist. l. 8. & 9. exposuit. Est autem benevolentia mutua nō latens propter unum aliquod eorum quæ amabilia sunt, & primo triplex honesta, utilis & jucunda, maximè tamen nomen & ratio ejus primæ speciei competit. Deinde est amicitia alia simpliciter ita dicta quæ est inter pares; alia secundum quid sive amicitia secundum excellentiam inter impares, puta principem & subditum, parentem & liberos, uxorem & maritum. Sed hæc omnia peti ex Aristotele, aut ex disputationibus ad eum nostris possunt.

II.

Quid sit  
amicitia.

Quotuplex.

## CAPVT VII.

## EPILOGVS.

Perduximus itaque ad finem universam hanc disciplinam, quem antequam ei imponamus unum adhuc præcipuè & cum primis observandum restat. Tradita hæc ita sunt quanta nunc fieri diligentia potuit ex omnis generis optimis auctoribus. Et spero rem ipsam lectores docuisse, & docturam posthac uberrimè quantum quæ allata sunt ad omnem veram eruditionem conferant, præsertim ad Theologiæ & civilis ac Jurisprudentiæ studia. Nec tamen is finis præcipuus est ut scientiâ animum instruant, sed sicuti opportunè id hic in calce

I.  
Epilogus.

Phi-

Philosophus inculcat, ut vitam juxta præcepta il  
*Epictetus.* quantum fieri potest ad unum omnes serio componam  
 contra quam vulgò hodie fieri consuevit. T  
 sunt in Philosophia loci: inquit Epictetus enchirid  
 cap. 26. unus, qui docet uti ijs qua rectè de vita decre  
 sunt, alter qui demonstrat qua sint decernenda, tertius e  
 modum demonstrandi tradit. At primus ille maximè ne  
 cessarius est, & in eo tantum conquiescendum. Nos verò  
 tertio loco immoramur, in eoque omne studium nostru  
 consumimus, primum autem prorsus negligimus. Proin  
 mentimur quidem, quomodo autem demonstraretur non e  
 mentendum, in promptu habemus. Ita Epictetus. N

*Seneca.*

sanè est Philosophia populare artificium aut ostentatio  
 paratum: non in verbis, sed in rebus est, nec in hoc adhibet  
 ut aliqua oblectatione dies consumatur, ut dematur o  
 nausea: animum format & fabricat, vitam disponit, acti  
 nes regit agenda & omittenda demonstrat, sedet ad gube  
 naculum & per ancipitia fluctuantium dirigit cursus  
 sine hac nemo securus est: innumerabilia accidunt singu  
 horis qua consilium exigunt quod ab hac petendum est, in

*Mala de  
 homini-  
 bus me-  
 rentur,  
 qui Phi-  
 losophiam  
 ut artifi-  
 cium dis-  
 cunt.  
 Macedo-  
 nis Philo-  
 sophi di-  
 ctum.*

quit Seneca epi. 16. Vnde nulli pejus, dicente e  
 dem ep. 108. merentur de omnibus mortalibus, quã q  
 Philosophiam velut aliquod artificium venale didiceru  
 qui aliter vivunt quàm vivendum esse præcipiunt: exemp  
 enim seipso inutiles disciplina circumferunt nulli non vit  
 quod insequuntur obnoxii. Non magis mihi potest, in qu  
 talis prodesse præceptor quàm gubernator in tempesta  
 nausea abundus. Vnde rectè censebat Macedo Ph  
 losophus apud Agell. 12. cap. 8. pro foribus omnium  
 templorum (nos auditoriorum dicemus) versum  
 stum scribi debere: Ego odi homines ignatos opere. Philo  
 phica sen: enia nihil enim fieri posse indignius, a jebat, m

que intolerantius quam quod homines ignavi & desides, aperti barba & pallio, mores & emolumenta Philosophia in lingua verborumque artes converterent, & vitia facundissimè accusarent, intercutibus ipsi vitiis madentes. Et rursus Seneca ep. 106. In supervacuis subtilitas teritur, non faciunt bonos ista sed doctos. Apertior res est sapere, imò simplicior. Paucis opus est ad mētem bonam literis. Sed nos ut cetera in supervacuum diffundimus ita philosophiā ipsam. Quemadmodū omnium rerū sic literarum quoque intemperantiā laboramus: nō vitā sed scholā discimus.

Et pertinent huc disputationes & quærelæ Socratis, quas apud Platonem & Xenophontem nusquam non ingeminat dæmoniū illud hominis contra temporis sui philosophas; quod cum pessimè ipsi viverent, aliis tamen artē benevivēdi pollicerentur. Idē egregiè exagitat M. Tullius 6. Tuscul. Quotusquisq; , inquit, doctor invenitur qui sit ita moratus, ita animo ac vitā constitutus, ut ratio postulat, qui disciplinā suam nō ostentationem scientiæ sed legem vitæ putet, qui obtemperet ipsi sibi, & decretis suis pareat? Videre licet alios tanta levitate & iactatione, ut fuerit, non didicisse melius, alios pecunia cupidos, gloriā nōnullos, multos libidinum servos, ut cum eorum vitā mirabiliter pugnet oratio. Quod quidem mihi videtur esse turpissimum: ut enim si grammaticum se professus quispiam barbare loquatur, aut si absurde canat is qui se haberi velit musicum: hoc turpior sit quod in eo ipse peccet cuius profitetur scientiā: sic Philosophus in ratione vitæ peccans, hoc iurpior est quod in officio cuius magister esse vult labitur, artemque vitæ professus delinquit in vitā. Hæc ille: quibus verius nihil vel ex tripode dici poterat. Nec absudit ipse Philosophus 2. ethic:

cap. 4.

II.

Socratis.

M. Tull.

Aristot.

*Aristot.* c. 4. Qui hac non agit nunquam evasurus est bonus.   
 tam plerique hoc quidem non agunt, ad sermones aut   
 confugientes sese philosophari putant & studiosos hoc   
 modo, atq; perinde ut egroti faciunt qui medicos quid   
 diligenter audiant, nihil autem eorum agunt quæ præci-   
 untur ab illis. Vt igitur illis corpus non bene se habeat, si   
 ita curantur sit nec his animus planè, si ita philosophantur.

*Seneca.* Et iterum Senec. ep. 71. Quemadmodum lana quor-   
 colores semel ducit, quosdam nisi sapius macerata &   
 cocta non perbibit: sic alias disciplinas ingenia cum accep-   
 re protinus præstant, hæc nisi altè descendit & diu sedit,   
 nimiam non coloravit sed infecit, nihil ex his quæ promi-   
 rat, præstat. Sed audiamus etiam sapientissimu

*Tyrius.* Tyrium Vulgi quidem vota ac fastidia, inquit disci-   
 s. nihil necesse est referre (non magis quam pecudum a   
 brutorum nicherculè) ipsos verò doctos merito accusēs,   
 infelices iudices, qui cum nihil aliud iactent quàm prude-   
 tiam, rectè vivendi modum usumq; rationis, nondum t-   
 men temperare sibi possunt quin secum partim, partim   
 aliis fixentur ac de vitæ genere quam ingressuri sint co-   
 tendant. Qui idem mihi aggredi videntur quod gubern-   
 tores solent, qui tum omnia quæ ad adnavigationem pe-   
 tinent diligenter præparaverint, navim maximam, appa-   
 ratum firmissimum, instrumentorum copiam, nautarum   
 obsequium, accuratam artis peritiam, aptuinq; saburra-   
 mus, in ipsa tamen navigatione errant, nec satis quod eun-   
 dem sit inveniunt cum multos quidem portus videant, nu-   
 lum tamen certum. Haetenus Tyrius:

Qui si eos accusat qui nimium altercantes d-   
 fine vitæ & summo bono, interim ad vitam i-   
 plam nihil eorum conferebant, quid de ij

eti

ſenſeat, qui cum univerſam civilem prudentiam  
 animo concluſiſſe videantur, viliſſimo tamen  
 quovis calone pejus ſæpe vivunt: & profeſſo iſta  
*Cauſa quare ſtu-*  
*dia cor-*  
*temnuntur*  
*quod vi-*  
*tam nemo*  
*ex iis.*  
 cauſa eſt, quare ut Seneca loquitur, Philoſophia nigra  
 ſint, & univerſa litteratura apud indoctos infa-  
 mis. Eudamidas quidam Archidami filius, Agi-  
 dis frater Laco, videns aliquando in Academia  
 Xenocratem jam grandem natu cum diſcipulis  
 philoſophantem, quæſivit quiſnam eſſet iſte ſe-  
 nex: cum reſponderetur ſapientem eſſe, unumq;  
 eorum qui virtutem quærerent: & quando ait, u-  
 tetur ergo virtute ſi eam etiam nunc quærit? Plutarch. in  
 apophth. Lacon. cap. 58. Nihil appoſitè magis di-  
 cti poterat de noſtris hominibus, eſſi Xenocra-  
 tem Lacon iſte immeritò ridebat, hominem tan-  
 ta fide, ut Arhenienſes in iudicio etiam injurato  
 crediderint, tantæ abſtinentiæ, ut quinquaginta  
 talenta Alexandro magno, nec minorem pecu-  
 niæ ſummam Antipatro regi ultro remiſerint. Ci-  
 cero ſ. Tuſcul. Diog. Laert. in Xenocrate Plu-  
 tarch. in Alexand. imò tam ſpectatæ virtutis a-  
 pud omnes, ut poſtquam prælio cum Antipatro infelici-  
 ter geſto in diſcrimen libertatis Arhenienſes veniſſent, i-  
 pſum cum Phocione ad aquas pacis conditiones imperan-  
 das populus ideo ſolum ablegaret, quod neminem homi-  
 num, ita libidine, ira, aut crudelitate cenſerent teneri  
 poſſe, quin eius verecundia moveretur. Plutarchus Pho-  
 cione.

Longe optimo autem jure Cajus Marius Pa-  
 tritiis nonnullis Romanis ſui temporis Græ-  
 cæ Philoſophiæ, & linguæ ſtudioſum ſine virtu-  
 te ex-

IV.  
C. Marius.

te ex-



die sunt, utor verbis S. Maximi Martyris, qui verbis obtundant, admodum autem pauci qui opere ipso vel erudiant alios, vel ipsi erudiantur, inter hos non illos simus. Nec dignum tantum hoc nobis est qui docti esse volumus, sed necessarium etiam qui Christiani, & hoc magis, quo rectius ista omnia intellexerimus juxta illud: *Servus qui voluntatem Domini noverit & non fecerit: multis plagis cadetur.* Certè enim & hæc est voluntas Dei, ut non tantum pie sed sobrie & juste vivamus; imò pietas ipsa virtutem non fucatam includit. Quomodo autem id fiat D. Augustin. egregie docet libr. 1. de ordine cap. 8. *Vita beata studiosis, inquit, ita vivendum est; ut à Veneriis rebus, ab illecebris ventris & gutturis, ab immodesto corporis cultu & ornatu, ab inanibus negotiis ludorum, à torpore somni atque pigritia, ab emulatione, obrectatione, invidia, ab honorum potestatumque ambitionibus, ab ipsis etiam laudis immodica cupiditate se abstineant, amorem autem pecunie totius sue spei certissimum venenum esse credant, nihil eneruiter faciant, nihil audacter; in peccatis autem suorum vel pehant omnino iram, vel ita frenent ut sit pulsa similis, neminem oderint, nulla vitia non curare velint: magnopere observent, cum vindicant, nec nimium sit, cum ignoscunt ne parum, nihil puniant quod non valeat ad melius, nihil indulgeant quod vertat in peius: suos putent omnes in quos sibi potestas data fuerit: ita serviant, ut eis dominari pudeat, ita dominantur ut eis servire delectet: in alienorum peccatis molesti non sint invito, inimicitias vicent cautissimè, ferant equissimè, finiant citissimè: nemini faciant quod pati nolunt: remp. nolint administrare nisi perfecti, perfici autem vel intra atatem senatoriam*

B. Augustini admonitio.

*festinent, vel certè intra iuventutem: obsequantur digni etiam non hoc expectantibus, superbos minus curent, & nimi sint, aptè congruenterque vivant.* Hæc sanctissimus Pater. Quem fructum ut ex his laboribus percipiat quisque, faxit summus rerum moderator, unus verus Deus, Pater, Filius, & sanctus Spiritus, nec hoc tantum, sed idem etiam addidit quidquid est virtutum illarum longe perfectiorum, quas ipse suo verbo nos docuit & peculiariter ac divinitus in animum fidelium impluit ut non honestè tantum, sed & pie ac sanctè adque ita hic vivamus, ut æternum etiam cum ipso simus. Cui soli esto honor & gloria.

## FINIS LIBRI IV.



CONR

# CONRADI HORNEII ORATIO

*De recte colendis Opt. artium &*

*Philosophia moralis studiis, habita,*

Cum ei Ethices Professio demādaretur.

*Magnifice Domine Prorektor,*

Viri Clarissimi & Excellentissimi,

Patres Academici, Nobilissimiq; &

Doctissimi Juvenes.

**C**um duo sint studiorum genera, quibus præcipue ornatur & regitur vita hominum, unū, ut scitis, dignitas sua commendat alterum utilitas. Nihil nobilius est rerum sublimium ac diviniſſimarum cognitione, ad quam quemq; nostrum non tam invitat, quam rapit natura nostra, cum nemo rectè natus subducere se magis quam ipsi huic rerum universitati potest. Equidem, inquit Romanorum sapientissimus, tunc naturæ rerum gratias ago, cum illam non ab hac parte video quæ publica est, sed in secretiora eius intravi, cum disco, quæ universi materia, quis auctor aut custos, quid sit DEVS, totus in se intēdat an ad nos aliquando respiciat, faciat quoridie aliquid, an semel fecerit. NISI AD HÆC, ait, ADMITTERER NON ERAT OPERÆ PRETIUM NASCI. Egregie sane, maxima enim illa sunt, & quæ non tantum hominem sibi afferunt, sed supra mortalem conditionem evehunt. Verum enim

*Seneca  
preat. in  
nat.  
quæst.*

verò quanto intervallo hac sapientia pars, qua non in terra sed cœlis, non inter homines, sed genios habitat; alteram illam post se relinquit, qua actiones hominum moderatur, civili societate praeest, nec supra res humanas assurgit, tanto minus ista carere homo potest. Quemadmodum enim in excelsi locum non excenditur nisi paullatim & per gradus, ita nec ad divina adspirare licet, qui necdum homo sit. Prius oportet ut mentis oculum è cœno barbari emergas, quàm ad cœlestia animum extollas. Nulli profectò rei est scire summum aliquem mundi rectorem esse & stupendum rerum omnium architectum.

-----qui lege moveri

Sidera, qui fruges diverso tempore nasci,  
Qui variam Phœben alieno jusserit igne  
Impleri, solemque suo, poi rexit undis  
Litora, tellurem medio libraverit axe.

Nulli, inquam, rei ista scis, si illum non veneraris, si vitæ ad præcepta, quæ ipse digito suo mentibus nostris inscripsit non componis. Vix video quid ejusmodi quisquam. Diagora aliquo Melio aut Theodoro Cyrenaico monstri hominum dislet, qui Deum esse negabant, quid à Protagora qui an Deus esset dubitabat. Frustra miraris pulcherrimum istum ordinem siderum, & motuum in corporibus cœlestibus perpetuam harmoniam, si animum geris ἀνὰ πλοσόν: frustra observasti, quicquid supra nube & elementorum regionem natura posuit, semper serenum esse, nec ventis nec tempestatibus quati, & ut verbo dicam sola illa in hoc orbe constare sibi, & tranquilla esse, cum cetera inferiora toties vultum mutant, nunc rideant, nunc tonent, fulgurent, & ipsum, ut poeta loquuntur, Ioven de cœli

de cœlo sæpe deducant, si idem in te non deprehendisti, si nescis solum animum, ut divinæ auræ particula est, ita stabile quid habere posse: corpus, & quæ corporis bonæ sunt, opes, voluptatem, & quicquid præterea infra animi nobilitatem natura abiecit, non posse: frustra denique totum istum mundum animo complexus es, si in te ipsum nunquam descendis, si te non excutis, si quid hominis in te sit, corporis an animi dotes à brutis te dividant, ignoras. Nemo nostrum est, auditores, quin si in magna cuiusdam urbis civem incidat, qui angiportus & vicos eius omnes, ut ungues suos, nobis edisserat, interim quod domi suæ sit, nesciat ac forte etiam notore opus habeat, ex quo discat, ubi habitet, nemo inquam nostrum est, quin actutum de helleboro cogitaturus sit, quo homo iste caput purget. Quid istis præposteris sapientia consultis fiet, qui & ipsi, cum omnia sciant, nihil nisi maxime necessaria ignorant: Sed hæc qui pluribus explicare velit ei magnus dicendi campus se facile panda: nobis animus nunc non est vitam contemplativam cum activa contendere, nedum hanc ita commendare, ut illi derogatum quicquam emus. Tantum in mentem revocare hac placuit, quæ apud omnes credo, certa habentur, & in confesso sunt: nec enim puto quenquam, si recta via rem reputet, aut vitam imperitum aut à ratione omni tam aversum esse, quin utraque studia serio coniungenda nobis censeat, si quidem non Cyclopi vitam, sed hominū sed Christianorū vivere velimus Verū Licet aliud est, quod sæpe cum de studiis optimarum literarum & Philosophiæ moralis cogitarem, ingenium meum, exercuit, auditores, de quo etiam audire me doctiores & discretiores ipse malim, quam quicquam, præsertim in hoc summorum virorum amplissimo confesso, proferre. Sed quia nunc huc conscendi & partes di-

cendi aliquid de studiis illis non ultrò à me arrepta, sed inposita potiùs mihi sunt? quid illud sit, ut potero, exponam. & limatissimo vestro iudicio subiiciam, ea spe fretus sit, ut si quid hac in re eruditionis aut facundia nobis deest (deest autem plurimum) id vestra, viri clarissimi & iuvenes nobilissimi, benevolentia ac humanitas suppleat. & autem, ut dixi, dubium nemini sit non magis aqua & ignis vitam mortalium indigere, quàm ea sapientia parte, quae virtute & morum honestate nos imbuunt, illa verò à sapientissimis viris omnibus seculis, tanto conatu, tamque pulchra animorum coniectione, non tantum exulta fideliter, ad id fastigium perducta sit, ut post sacras scripturas (hanc enim semper excipio) nihil requiri in hoc genere amplius posse videatur, qui quaso sit quod studia tam praeclara tam omnibus modis divitiis, quae primò quidem in Lyceo, in patetico, in ambulacris nata, sed vita & rebus gerendis non tantum aut umbra à sapientibus dedicataerant, è vita non paenè exulant, & vix in scholarum cathedris conservantur? quod, inquam, litera ea quae quondam vita magis erant, quae belli domique in re privata & publica, utraque paginam conscribunt, nunc ingeniorum tantum exercitia, & dispositionum ac clamationum materia facta, ut jam cultores suos plerumque doctiores à se, raro merces dimittant? Non inficior equidem quin potiùs serio gaudeo & vobis gratulor (absit enim ut de nobis ipsis desperare aut malè ominer) esse etiamnum illustres animas, quae ipsis literis ab adolescentia exulta & innutrita, earum per res magnas & praeclaras gerant, & virtute sua in publicam fulciant, sed pauci illi sunt quos æquus ac vituperator, certè pauciores quàm in hac luce terarum esse par erat. Verùm nec novum id est nec primum fit, ut ipsa praeceptorum copia, quae aux

hac studia, & ad maturitatem perduxerat eadem post cor-  
rumperet nō suo sed hominum vitio, pridem & à multis sa-  
culis hoc fatum harum literarum fuit. Quid celebrius o-  
mini etate extitit Athenis, qua ut Græcia universi pœnæ  
orbis magistra olim audiebat, ita ipsa rursus erant tūc  
Ελλάδος παιδεύσις. Nusquam rectius, quantum quidem id  
natura duce fieri poterat, nusquam præclarior, de virtute,  
de vitæ officiis & felicitate aut universa hac eruditionis  
parte docebatur: orta enim ibi erant hac studia, ibi adole-  
verant: nec plures ex toto orbe confluebant in Græciam qui  
aut Delphis aut ex Dodona oraculorum, quam qui Athe-  
nis sapientum resp. nsapeterent. Nec maior erat Athe-  
narum doctrina quàm virtus quum illa ita tractabatur,  
ut non ad ostentationem comparata, sed virtutis incen-  
tivum in campis Marathonius, ad Salaminem insulam,  
ad Mycalen montem esset. At postquam eadem iam in-  
strumentum molliæ, & oblectamentum ignavorum  
hominum facta fuit, cum in theatris Athenienses ma-  
nus moverent promptius quàm in preliis, universa hac  
Philosophia præsinita est: tum nobis ars poetarum  
quoque quæ vitam humanam à feritate antea ad huma-  
nitatem, à vitis ad honestatem traduxerat, deposita fron-  
tis severitate ac maiestate lascivire & delicias facere  
cepit, tum quæ vitia antea insectebatur, virtuti in proscæ-  
nio insidias struebat, tum nequissimus & petulantissi-  
mus Aristophantes iuventus, qui à pessimis nebulonibus  
Anyto & Melito are conductus, publicè, applaudente  
populo, ipsum morum & vivendi publicum & unicum  
magistrum Socratem, virum innocentissimum & cuius  
nomen paullo antè non ut hominis virtute præditi, sed  
ut virtutis ipsius, in dō boni cuiusdam genii inter homi-  
nes commorantis, omnes usurpabant, aggredieretur, &

nequissimio dramate subverteret, quem accusatorum calumnia frustra hucusque impetierant. Quæ talia cum impune licerent quid mirum erat optimos mores in urbe non ita dudum sanctissima, non dico paulatim prolaci, aut gradu, sed præcipitio ruere & torrens instar in deterius ferri? nec prohibere jam elegans illa literatura, aut ista tantopere deperdicata sapientia, quæ contracta ad paucos erat, potuit, quin in mediis Athenis cum Scythiis aut Thracibus ex pari viveretur: imo peius: nam ne apud illos quidem talia fierent:

Quod genus hos hominum, quæve hostam  
barbara mores

Permittat patria?

*Iustin. lib. 2.* Atque hoc est quod rectè scripsit alicubi Trogus Pompejus sive ejus abbreviator potius Iustinus, multa Scythiis naturam dedisse quæ Græci longâ sapientum doctrinâ præceptisque Philosophorum consequi nequiverint. Nempe ita fit quum prave illa literatura coluntur: prave enim an colas, an nunquam attingeris, aut parum aut nihil interest. Et nostris quod Atheniensibus Lacedæmonius quidam olim occinit, cum viro consecrata ætate, qui in theatrum fortè venerat, nemo eorum assurgeret, sed tamen Lacedæmoniorum legatos adfurgent es unanimiter omnes collaudarent: Scire Athenienses quid rectum esset, sed non facere. Videtis auditores, quam facile hoc fieri possit, ut etiam ibi, ubi nec præcepta sapientia, nec admonitiones de virtute deesse poterant, non rectissime semper vivatur, imo quam sæpe culti mores incultæ barbaræ collatione superentur, ut proficiat plus in barbaris ignoratio vitiorum, quam in cæteris cognitio virtutis. Quare ne frustra nobis blandiamur, aut quum eruditionem saculo nostro vindicamus,



scimus, de virtute etiam tantopere gloriemur: quorsum n. in promptu sunt omnis generis opt. nota scriptores & sapientia doctores, quos è tenebris patrum & avorum memoria magni viri certatim denuò in lucem eruerunt, si vel contemniuntur, vel perverse tractantur: Non possunt profectò hac ratione vitam juvare magis,

Quam lippum pictæ tabulæ, fomenta podagræ, Auriculas citharæ collecta sorde dolentes.

Quod si verò in pretio haberentur, quod debebant studia virtutum ac morum, & rectè colerentur, dubium non erat, quin facile illa tuerentur majestatis suæ pondus, & omnium de se expectationi abundè satis facerent. Quod quidem nemo præstabit, nisi accurate considerarit, quanam cause sint quare tam neglectim hodie à multis habeantur, & quid sit quod tam pravè tractentur. Sunt, autem, ut videtur præcipua quas aperiam. Principiò omnes literas humanitatis & sapientiæ convellit sine dubio id maximè, quod pauci studia nostra honestate hòd. e. plurimi utilitate metimur: ita enim sit plerumque ut quo quidq; in literis aut ad rem faciendam majus momentum habet, aut ambitioni servire potest, eò id eximium putetur magis & facilius cultorem sui atque admiratorem inveniat. Quotusquisque nunc à se impetrat ut gratuito sapere, gratis bonus esse velit? cauponamur litteras & virtutem, quam pretio nullo æstimari oportebat, imò quā nobilitas sua supra omne id collocarat:

Ἀρετὴ γὰρ τῶν ἐν αἰδρωποῖς μόνη

Οὐκ ἐκ θυράων τὰ πύχιστα λαμβάνει,

Αὐτὴ δ' ἐαυτὴν ἅθλα τῶν πόνων ἔχει.

Clem.

Alex.

Illa est omnis & unica fundi hujus calamitas. si quis planè τρωματὶ dicere velit quod res est,

δ.

Οὐκ ἐμπλήκων ἀνίγματ' ἀλλ' ἀπλῶ λόγῳ.

Id postquam obtinuit ex illo ruere & retro sublapsa

V u 5

referti

referti Res sophiæ. Nec verò si-ri aliter poterat, ex quo enim tam barbara, & tot modis homine indigna opinio, animos semel tanquam pestilens aliquod sidus afflavit, Pellitur è medio sapientia, vigeritur res.

Quid enim vis sit, si ahiimus quem imperare corpori oportebat, illi servire iubetur, sapientia & eruditio quæ affectuum & cupiditatum domina audiebat olim, illarum nunc natura mancipium fit? Vis, inquam, insertur nec dubium quin redūdet etiam in ipsum ejus auctorem injuria.

*Aristoph.* Ridet in comœdia herum suum servulus, & mente motum credit, quum ipsum clarè videntem ab homine oculis capto duci an:madversit. Erat autem dux ille tam bellus ipse hic omnium quidem iam olim, solâ tantum sapientiâ excepta, nunc etiam huius tyrannus, Plutus. Miratur inverti rerū ordinem, & senis sui furorem stupet, cui homo cæcus viam præeat quem rectius ipse manu duceret:

Οἱ δ' ἰνκνιτ βλῆποντες τοῖς τυφλοῖς ἡγῆμεθα,  
Οὐτ' & δ' ἀχολῶδῃ.

Id ita miratur servus, & ut dixi, furorem interpretatur, Nos qui inter doctos haberi volumus, quibus supra vulgus & vernas sapiendi ipsa vita professio pœnè necessitatem imponit, ad cæci illius monstri pedes studia nostra & nosmet ipsos abijcimus?

Dii talem à nostris animis avertite pestem.

Non est tanti hoc punctum temporis, quod vivimus, non tanti hoc corpusculum, tam fragile tam caducum, ut in ejus gratiam potiore nostri parte nos ipsi multemus, virtutem, sapientiam, pietatem, & Deum ipsum deniq; infestū habeamus: profecto enim habent quicunque studia sua aut ambitione tantum, aut auro terminant. Ne nunc dicam quàm miseri illi sint tum hac de causa, tum quòd quæ pro maximis bonis habent, citius plarumq; ipsos strangulant, quàm

quam exatient. Suspirat ille in convivio, bibat licet *S. Cypr. li. gemmâ, & cum epulis marcidum corpus thorus 2. ep. 2*  
 mollior alto sinu condiderit, vigilat in pluma.  
 Nec intelligit miser speciosa esse sibi supplicia,  
 auro se alligatum teneri & possideri magis, quam  
 possidere divitias. Ita sub imperatore Pluto vivitur, si  
 viro sanctissimo eidem atque eloquentissimo credimus. Nec  
 in regno ambitionis alia rerum est facies, in quo ut quisque  
 plus profecit, eò magis

-----συναί

"Ην μὴ ἐπὶ τῷ πρώτῳ καὶ εἰς τὰς ἑτέρας.

Quosdam; inquit ille, cum in consummationem *Seneca de*  
 dignitatis per mille in dignitates erepsissent, mi- *brevit.*  
 fera subiit cogitatio, ipsos laborasse in titulum se- *viz. c. 19.*  
 pulchri. Quorundam ultima senectus dum in  
 novas spes, ut juvena, disponitur, inter conatus  
 magnos & improbos invalida defecit. Sed hos di-  
 mittamus, quorum neque ulli, ut veteris poeta verbis u-  
 tar, vita propria in vitâ est. Vnam optimarum littera-  
 rum & studiorum virtutis pestem ostendimus. Altera est  
 & minor & sanabilior sed & illa ἐπιδημιος. Quanquam  
 enim tam benè non agitur cum rebus mortalium  
 ut meliora pluribus placeant: sunt tamen Dei gratia  
 qui suæ ipsorum nobilitatis sibi conscii, innata aliqua men-  
 tis generositate primum istum scopulum faciliè transmi-  
 tunt. Sed hos aliter plerumq; excipit, de quo nunc dicendū  
 est Non sufficit, ut scitis auditores, de fine actionū nostrarū  
 rectè & prudenter statuere, ni & perspectū habeas quâ viâ  
 ad eum grassari oporteat. Pictas non fucata, vita honestas,  
 vera virtus & prudentia, publicū bonū ac patria salus, hæc  
 sunt ad quæ remis equisq; contēdet quisque rectè natus, re-  
 ctè

Etèeductus est: maximè autem is cui olim respubl. debebit aliquid: ab hoc cum instituto non voluptas, non opes, non ambitus, dimovebunt, imò citius solem à cursu, quàm tam nobis em animam à tam divino impetu abstrahes. Sed casu nihil horum obtingit, maiora sunt quàm ut fortuna arbitrio hac summum numen permiserit, aut à tam ignobili domina ea expectari voluerit. Pietas quidem, nisi Deo ipso doctore, rectè nunquā discitur: cetera hominum sapientum curis relictæ sunt, qui quæ magno ingenti acumine, multo labore & vigiliis, plurimis vitæ huius fluctibus & tempestatibus iactati didicerunt, nos doceant. Sed hic Deum immortalem quantum hodie peccatur quando omnes ad unum fere veteres virtutis & prudentiæ magistros, quos ante tot sæcula in cultissimis quibusque gentibus constat aut ipsos rerumpubl. summa cum laude gessisse, aut iis qui gererent magnis principibus, ob sapientiam carissimos & familiarissimos fuisse, vix qui quā aspiciat sed pleriq; tanquam umbraticos doctores, philosophos cathedrarios, & vitæ hominū imperitos pedagogos continunt. Alias ducunt nunc esse vitæ rationes, alia tempora, aliis artibus nunc homines vivere, quas si ab orco redirent nec Plato nec Aristoteles caperent. Roma patrem patriæ Ciceronem libera dixit, olim, sed nunc ille purus putus literator est. Ipse etiā Iulius Cæs. & M. Antonius Impp. quod ille de bello Gallico, hic de vitæ sua commentatus aliquid est, credo periclitabuntur brevi, ne alter paludamento, alter purpura exutus, palliastro amicti è republ. ad φροντιστήρια ab istis veterum importunis censoribus amandentur nēdum aut Seneca locus sit amplius, cui tamen cum Burrho primum illud Neronis quinquennium, tantum olim laudatum, quantū vituperabatur reliquum eius imperium, Roma debuit, aut Maximo Tyrio, quem præceptorem M. Antonius agnosuit & pradi-

I. Anto-  
nius de  
vita sua.

pra  
fem  
neq  
xnu  
tut.  
&  
est  
pri  
sum  
pra  
tas  
tet,  
trib  
tum  
repu  
bus  
am  
tat  
viti  
qu  
ter  
qu  
lun  
me  
qu  
ru  
ni  
ei  
pic  
in

prædicat, Sed hæc persuasio à magna imperitia est, nec ita sentire quis potest, nisi qui in omni antiquitate fuerit: neque enim credo nunc primum homines nati, nunc primum respubl. orta sunt. Si quædam alia sunt hodie instituta, alia iura, alij mores, si quid veterum inventis postera, & nostra etiam ætas adiecit, quid mirum: id tamen certum est nec quæ vitia olim erant nunc virtutes esse, neque nunc prudenter quicquam in vita geri nisi ex iis, quæ olim facta sunt, exemplū capiamus nobis quod ex usu sit. Non dicet ius prætor hodie nisi quæ iura nunc obtineant sciat: id antiquitas eum forte non docebit: sed idem ille iudicium intervertet, si auro corruptus sit, si ira & amor plus quam iustitiæ tribuat quos morbos nihil rectius, quam veterum sapientum præcepta, pellent. Consultat hodie senator, sanè non de republ. Atheniensium, aut Lacedæmoniorum, non de orbis universi imperio, ut olim: vir bonus tamen si erit, non ambitum, non avaritiam in senatum adferet, sed totam ætatem in eo occupatam habuerit, ut contra hæc & similia vitia animum probe muniret: num quæso & hoc aliunde quam ex veterum monumentis haurire potuit? sed ad cætera propero. Vnum restat: sunt enim qui non negligent quidem optimos scriptores & hæc studia, sed eo tantum colunt ut sciant, ut vitæ autem exprimant vix centesimo in mentem venit. Dici non potest, auditores, quantum hic quoque error studia ista adflixerit, quantum dignitati illorum delibavit: quid profunt enim, clamat ille, istæ nihil sanantes literæ? si ager est animus. si medicinam ei paras, non contortis conclusiunculis, non eleganti & copiosa oratione de virtute, de officiis, sed factum opus est:

----- Οὐ πρὸς ἰατρὴν σοφῶς

Θροεῖν ἢ πωδᾶς πρὸς τομῶντι πύματι.

inquit ille apud tragicum. Est ira est voluptas, est dolor, sunt *Sophocl.*  
alij ju.

Aiace  
flagell.

alii animi motus qui recta rationis imperium detractant, compescendi isti & refrenandi à prima adolescentia si aliquam in vita tranquillitatem speras: hic campus, hic circuitus est, in quo ut quisq; optimus est, ita totam aetatem decurrit, & sine missione pugnat. Sed nunc ita sit: ut canis ex Nilo fugiens bibit, ita vix in transitu haec littera degustanter pauci ad adyta earum se penetrant, pauci animum iis explent. Quod quia sit mirum non est, si plurimos qui didicisse videri volunt nihil iuvant. Nihil notius, nihil vulgatius est disputatione illa Philosophi, quam primo Ethicorum Nicomacheorum instituit de summo vita huius bono: idque non in voluptate, non in opum affluentia, non in honore sed virtutis actione situm esse nemo non in ore habet, si animi gratia hac de re disputandum forte sit. At ubi iam ad rempubl. deventum est, quotusq; ita rem se habere credit? Certè si una tantum ista disputatio, quam egregia est & solida, tam facile fidem sibi apud omnes faceret, praesertim qui ex otio hoc literario iam ad res gerendas in vita se conserunt, credite mihi, auditores, pridem haec nostra priscum redissent tempora in aurum. Verum quia non una hic sed duae animi partes sunt, quae medela opus habet, intellectus & appetitus, quorum ille rectis de vita honestate & virtute opinionibus, hic cupiditate exequendi quod honestum est, imbuì debet, non sufficit hic sicut in contemplativa philosophia, illi tantum prospexisse. Neq; non tamen hac etiam in re veteres philosophi optime nobis consuluisse videntur: duplici n. morbo duplex etià remedium genus excogitarunt, quod dogmaticum licet, & parenteticum voces. Qui dogmaticè tradunt hanc sapientiam id operam dant, ut rectè primo de omni vita sentias, quid sequendum, quid fugiendum accuratè noris, ideoque sententias discrepantes inter se conferunt, utra vera, utra falsa

dispu-

disputant & docent: absq, quo si sit rectè agere quicquam non licet. Qui verò parænetica adferunt, id spectant, non tam ut disputent, & doceant nova, quam ut quæ iam didiceris, ad ea te excitent, animent, & impellant, ne quæ recta esse scis, aut contemnas, aut insuper habeas. Vtrumq, genus si conjunxeris nihil rectius fieri aut utilius potest, — alterius sic

Altera poscit opem res & conspirat amicè.

In dogmatico quidem excelluit Pythagoras (quanquam *Plut. in vit. Alex. Ioseph. lib. 1. cont. Apion.* hic nihil scripsit, sed eius discipuli si Plutarcho & Iosepho credimus,) & sine pari Aristoteles: in utroq, Plato & Socrates: in parænetico Stoici palmam tenent. Quid enim per Deam immortalem pulcrius, quid præclarior, quid denique divinius esse potest illis tum dissertationibus tum cohortationibus Socratis apud Platonem, quid accuratius disputationibus Aristotelis in ethicis, quid maius & *ἐν ἐπὶ τὴν* Stoica illa sublimi & virili sapientia in Seneca & Epicteto? quos si non superarunt, certè aquarunt ex academia etiam Plutarchus & Maximus Tyrius. Hos tam eximios auctores, & similes istis (omnes enim recensere nunc non licet) qui ab ineunte ætate cura cordiq; habuerit, eoque quo diximus modo familiares sibi reddiderit, illum profecto hæc studia, in forum, in concionem, in senatum olim comitabuntur, virumque præstabunt ubique iustum, privatim & publice de multis bene merendi cupidum, & ut verbo omnia dicam, optimum & præclarum in rep. civem. Poterant plura hac de re dici, sed nolo vestra, viri clarissimi, iuvenes præstantissimi, patientia abuti. Quod superest, incluta huic Academia Iulix gratulor, quæ hæc & omnia optima studia tot iam annos tantâ cum laude non excolit solum, sed etiam contra irruentem denuo, ut videtur, barbariem fortiter & animosè propugnat,

gnat, ut pauca in Germania hac nostra Academia eo nomine conferri cum hac nostra, nulla ei omnium praferri possit. Quod quam diu fiet, ( fiet autem semper spero ) nec ingenia deerunt, qua ut nunc, ita olim quoq; hic magnâ frequentiâ discant ea quibus aliquâ modo in ecclesiâ & rep. suo & plurimorum certissimo commodo felicissimè utantur. Equidem cum à prima adolescentia hic sub viris summis, praeceptoribus meis, qui partim nunc cœtut beatorum pridem adscripti, partim adhuc, Dei gratia, huic Acad. ornamento, & rei litterariae praesidio sunt, studiis istis incubuerim, ita ea amavi semper, ut quanquam exiguum est quod profecisse me intelligo, opera me tamen panitere nunquam possit; in quibus etiam plus studii nunc ponendum mihi erit, postquam Sereniss. Princeps noster Dn. meus clementiss. publicum docendi in hac Acad. munus clementissimè nuper mihi demandavit Deus Opt. Max. Sereniss. Principi nostro videriam concedat & felicitatem. Acad. tranquillitatem & otium, studiis autem tam pietatis quàm Opt. artium prosperrimos successus faxitq; & iubeat, ut quicquid in iis opera collocatur, id omne sit tum sanctæ Ecclesiæ salutare tum reipublica utile.

## F I N I S.


Senec. Herc. fur. v. 745.

— Sanguine humano abstine,  
Quicumq; regnas: scelera taxantur modo  
Majore vestra.



282 14344 67











C 33.

